






6. 79

[Faint handwritten marks]



 **BIBLIOTEKA**
Zakł. Nar. im. Ossolińskich
XVII 1267



MINISTROVAM
LIBRI DVO.

Oppositio Jacobi Zabotoni in contra
Gammathos M...
Notum Cordum

A Y O T E
L...
...

[Faint handwritten notes and signatures]

Compositio & publicatio J. M.
Zabotoni

ON A G V I A
...

Remus



DE NOTIS
MINISTRORVM
LIBRI DVO.

102.

Oppositi Iacobi Zaborouii, in cœtu
Caluinistico Ministri, responsioni futili ad
Nodum Gordium.

AUCTORE

MARTINO SMIGLECIO SOC: IESV,
SS. Theologiæ Doctore.



*Joēs Hil. Ka
tulski Canonicus
et Officiarius
Kielcen.*

Cum gratia & priuilegio S. R. M.
& facultate Maiorum.

CRACOVIAE,

Excudit Franciscus Cefarius impensa propria.
Anno Domini, M. DC. XVII.

15.877

D. LAURENTIUS DOMINICKI

DEI ET APOSTOLICE SEDIS

gratis Atchibolpo-Gemeinde-Legato

1870

1870

(Faint, illegible text from the reverse side of the page)


LIB. Z.N.M.

1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2158. 2159. 2160. 2161. 2162. 2163. 2164. 2165. 2166. 2167. 2168. 2169. 2170. 2171. 2172. 2173. 2174. 2175. 2176. 2177. 2178. 2179. 2180. 2181. 2182. 2183. 2184. 2185. 2186. 2187. 2188. 2189. 2190. 2191. 2192. 2193. 2194. 2195. 2196. 2197. 2198. 2199. 2200. 2201. 2202. 2203. 2204. 2205. 2206. 2207. 2208. 2209. 2210. 2211. 2212. 2213. 2214. 2215. 2216. 2217. 2218. 2219. 2220. 2221. 2222. 2223. 2224. 2225. 2226. 2227. 2228. 2229. 2230. 2231. 2232. 2233. 2234. 2235. 2236. 2237. 2238. 2239. 2240. 2241. 2242. 2243. 2244. 2245. 2246. 2247. 2248. 2249. 2250. 2251. 2252. 2253. 2254. 2255. 2256. 2257. 2258. 2259. 2260. 2261. 2262. 2263. 2264. 2265. 2266. 2267. 2268. 2269. 2270. 2271. 2272. 2273. 2274. 2275. 2276. 2277. 2278. 2279. 2280. 2281. 2282. 2283. 2284. 2285. 2286. 2287. 2288. 2289. 2290. 2291. 2292. 2293. 2294. 2295. 2296. 2297. 2298. 2299. 2300. 2301. 2302. 2303. 2304. 2305. 2306. 2307. 2308. 2309. 2310. 2311. 2312. 2313. 2314. 2315. 2316. 2317. 2318. 2319. 2320. 2321. 2322. 2323. 2324. 2325. 2326. 2327. 2328. 2329. 2330. 2331. 2332. 2333. 2334. 2335. 2336. 2337. 2338. 2339. 2340. 2341. 2342. 2343. 2344. 2345. 2346. 2347. 2348. 2349. 2350. 2351. 2352. 2353. 2354. 2355. 2356. 2357. 2358. 2359. 2360. 2361. 2362. 2363. 2364. 2365. 2366. 2367. 2368. 2369. 2370. 2371. 2372. 2373. 2374. 2375. 2376. 2377. 2378. 2379. 2380. 2381. 2382. 2383. 2384. 2385. 2386. 2387. 2388. 2389. 2390. 2391. 2392. 2393. 2394. 2395. 2396. 2397. 2398. 2399. 2400. 2401. 2402. 2403. 2404. 2405. 2406. 2407. 2408. 2409. 2410. 2411. 2412. 2413. 2414. 2415. 2416. 2417. 2418. 2419. 2420. 2421. 2422. 2423. 2424. 2425. 2426. 2427. 2428. 2429. 2430. 2431. 2432. 2433. 2434. 2435. 2436. 2437. 2438. 2439. 2440. 2441. 2442. 2443. 2444. 2445. 2446. 2447. 2448. 2449. 2450. 2451. 2452. 2453. 2454. 2455. 2456. 2457. 2458. 2459. 2460. 2461. 2462. 2463. 2464. 2465. 2466. 2467. 2468. 2469. 2470. 2471. 2472. 2473. 2474. 2475. 2476. 2477. 2478. 2479. 2480. 2481. 2482. 2483. 2484. 2485. 2486. 2487. 2488. 2489. 2490. 2491. 2492. 2493. 2494. 2495. 2496. 2497. 2498. 2499. 2500. 2501. 2502. 2503. 2504. 2505. 2506. 2507. 2508. 2509. 2510. 2511. 2512. 2513. 2514. 2515. 2516. 2517. 2518. 2519. 2520. 2521. 2522. 2523. 2524. 2525. 2526. 2527. 2528. 2529. 2530. 2531. 2532. 2533. 2534. 2535. 2536. 2537. 2538. 2539. 2540. 2541. 2542. 2543. 2544. 2545. 2546. 2547. 2548. 2549. 2550. 2551. 2552. 2553. 2554. 2555. 2556. 2557. 2558. 2559. 2560. 2561. 2562. 2563. 2564. 2565. 2566. 2567. 2568. 2569. 2570. 2571. 2572. 2573. 2574. 2575. 2576. 2577. 2578. 2579. 2580. 2581. 2582. 2583. 2584. 2585. 2586. 2587. 2588. 2589. 2590. 2591. 2592. 2593. 2594. 2595. 2596. 2597. 2598. 2599. 2600. 2601. 2602. 2603. 2604. 2605. 2606. 2607. 2608. 2609. 2610. 2611. 26

about 1800, and the first edition of the book was published in 1801.

10/7-11

XVII-1601



10. The Commission has also received information from the Government of the Republic of the Philippines that the Philippine National Police (PNP) has been instructed to conduct a nationwide search for the individuals named in the list of persons of interest.

Illustriss: & Reuerendiss: Domino,
D. LA VRENTIO GE BICKI
DEI ET APOSTOLICÆ SEDIS
gratia Archiepiscopo Gnesnenfi Legato
Nato Regni Poloniae Primati Pri-
moque Principi.

A V T O R S. & F.



Annus prope est, Illust^{me} & R^{me} Domine,
cū mihi ex Italia redeunti datus est in
manus Zaborouii cuiusdam liber aduer-
sus Nodum Gordium, quem contra no-
stri temporis sectarios septennio antè, du-
ctum ē genuinis Ecclesiæ, & Ministrorū
Notis validissimè strinxeram. Arripui
hominis mihi antè ignoti librum auidius; &, dum oculis hinc
inde nonnulla delibo, mirari primū cœpi non infrequen-
tia, quæ facile se ingerebant Conciliorum, & SS. Patrum te-
stimonia: gratulari deinde mihi æquiores paulò, & mode-
stiorem aduersarium, quàm essent Ariani, quibus cum po-
tissimū his annis pro domo Dei scribendo, decerto; cū vi-
derem huic Zaborouio Sacrosanctam Conciliorum maiesta-
tem, venerandam Patrum canitiem nondum planè viluisse.
Quare vbi primū ab itineris iactatione conquieui, opus ac-
curatiū discutiendum sumo, laudatorum Ecclesiæ Doctorū
testimonia, ipsis explicatis voluminibus confero, trutino, ex-
pendo. Ibi verò Deus bone, quæ non trunca, & mutila!
quæ non interuersa nefariè, omisla subdolè! quas denique

Præfatio.

malas artes deprehendo, / vt non facile sit statuere agantne indignius cum antiquitate Ariani, dum Græcæ Latinæq; Ecclesiæ Doctorum auctoritatem planè apertèque conculcant, & Thraſonice vno ſpiritu agmina Dei viuentis diſſilant; an qui priſcorum calculos recipere videntur, noſtri, ſi diuis placet, Euangelici, dum eorū ſcripta ſædiſſimè lancinant; atq; adulterant; euidentiffima diſtorquent; probatiſſima reſpuunt; & obſcuris, ſi quæ interdum ſunt, ſeſe conantur obuoluere. Quanquam quid aliud expectandum ſit ab iis, qui veritatis præſidio deſtituti, mendacium poſuerunt ſpem ſuam? Quid hominum ſcriptis parcant, qui tabulas Dei digito exaratas, ſicubi non faciunt ad palatum, conſigere, & obliterare non timent? Mihi certè vehemens ſuſpicio ſit, Zaborouium ex Philippo Mornæo famoſo plagiario, aut alio ſimili, multa quæ ex Patribus adducit tranſcripiſſe. Et fanè gregalem illum ſuum nimis quàm videtur habere familiarẽ. Vt vt res habeat, Zaborouium miror, cuius imitatus ſit impudentiam, non eiufdem exitum pertimeſcere. Nam vt omittam alios à noſtris Doctoribus toties reſutatos, & impoſturæ conuiſtos, certè Mornæus ille homo Gallus, tum à Peronio Ebredunenſi Epifcopo, nunc S. R. Eccl: Cardinale, falſi reus plus millies peractus eſt: damnatus etiã à ſua quoq; ſectæ arbitris coram Henrico IV. Rege Chriſtianiffimo; inter quos Caſaubonus vir eorum iudicio eruditiffimus, conſederat. Simile inquam Theta ad ſempiternam ignominiam metuat aduerſarius: niſi fortè pergant Euangelici omnem arenam deſugere, vti non ita pridem cœperunt; cum Lublini ad diſputationem publico ſcripto ab vno ex noſtris euocati publicè congreſſum deprecari non erubuerunt. In ſuo igitur ſibi cæno coaxet. quod vnũ ſupereſt, libris editis in publicum tamen iudicium pertrahantur. Atque adeò omnia circumſpicienti nullum tuo tribunali ſanctius, Præſul Ill^{me}. nullum grauius occurrit iudicium, cui me potiſſimum ſiſtam. Cuius enim magis interſit, de Eccleſiaſtica inter Polonos cō-

Præfatio

trouersia cognoscere, quàm Ecclesiæ Polonæ Primatis?
Quod si nomen omne Ecclesiasticum quasi scopulum ad-
uersarius perhorrescit; agnoscat certè Reipublicæ nostræ
Primum Principem: non detrectabit nisi peruicax, Viri, in o-
mni iudicio exercitatissimi, doctrina, prudentia, rerum usu
spectatissimi, audire sententiam. Denique vt res ipsa, &
causa te iudicem non deposcerent, sponte tamen mea, non
alium huic operi patronum quærere debui. Postquam enim
per omnes honorum gradus, te merita tua ad primum in Se-
natorio ordine thronum, sapientissimo Regis iudicio euexe-
runt, decuit me qualicumq; opere, quod primum è tuo Colle-
gio Archidiœcesano in lucem prodit, nouam hanc tibi digni-
tatem gratulari; neque tibi magis, quàm Gnesnensi Eccle-
siæ, quàm Reipublicæ vniuersæ. Omnino enim ea de tua
eruditione, sapientia, diuini honoris zelo, omnibusque or-
namentis insignita virtute apud bonos omnes viget opinio,
vt felicissimam amplissimi muneris administrationem à te sibi
certò spondeant: tibi que vltima hæresis in hac diœcesi fati-
scentis trophæa voueant. Quam expectationem non so-
lum, vt sanctis desideriis foueas, sed rebus ipsis magis ac ma-
gis in dies explere pergas, auctorem Fidei ac consummato-
rem I E S V M obsecrare non desistam.

Calissii, in Collegio tuo Archidiœcesano, Anno reparata
salutis, M. DC. XVII. Pridie Cal: Maii.

Decem verorum Christi & Eccle- siae Ministrorum Notæ.

- I. Missio.
- II. Sacra Ordinatio.
- III. Potestas remittendi peccata.
- IV. Potestas offerendi nouæ legis sacrificiū.
- V. Potestas Eucharistiam conficiendi.
- VI. Sacramentorum legitima administratio.
- VII. In vera Christi Ecclesia ministerium.
- VIII. Verbi Dei integritas & incorruptio.
- IX. Euangelii fructificatio.
- X. Miraculorum gloria.

NOTA.

Falsificationes plurimæ Zaborouii, in citan-
dis Sanctorum Patrum testimoniis notan-
tur in margine littera F.

CAPITA LIBRI PRIMI.

CAPVT I.

Veros Ministros ex legitima missione, secundum scripturas esse.

71

CAPVT II.

Veros Ministros, in quantum a Deo missi sunt, falsum docere non posse.

76

CAPVT. III.

Lutherum & Caluinum a Deo missos non esse recte a Catholicis probari.

83

CAPVT IIII.

Eos, qui ad reformandam Ecclesiam extraordinarie mittuntur, miraculis, vel alio diuino testimonio indigere, immerito Euangelici negant.

26

CAPVT V.

Miraculum Lutheri expenditur.

37

CAPVT VI.

Luterum Antichristi regnum non euertisse, at promouisse, verumque Antichristi praecursores fuisse.

48

CAPVT VII.

Ministros Lutheranos & Caluinianos a Deo missos non esse.

57

CAPVT VIII.

Ministros nouos Euangelicos, cum non sint rite consecrati & ordinati, veros Ministros Christi non esse.

67

CAPVT IX.

Falso asserit Zaborouius, Presbyterum esse iure diuino Episcopo parem.

66

CAPVT. X.

Ministros nouos Euangelicos, quod potestate remittendi peccata careant non esse legitimos Ministros.

80

CAP.

CAPITA

CAPVT XI.

Christum dedisse Apostolis potestatem iudiciariam, & effectricem remissionis peccatorum.

97.

CAPVT XII.

Obiectiones Zaborouij, contra iudiciariam Sacerdotum in peccatis remittendis potestatem, refelluntur.

96.

CAPVT XIII.

Ministros nouos Euangelicos non esse veros Sacerdotes, nec sacrificium Noui Testamenti offerre; ac proinde non esse legitimos Euangelij Ministros.

104.

CAPVT XIII.

Malachiæ vaticinium de externo Nouæ legis sacrificio & oblatione munda in omni loco offerenda.

114.

CAPVT XV.

Christum e cælo, sacrificium Corporis & sanguinis sui in Eucharistia, per manus Sacerdotum offerre.

125.

CAPVT XVI.

Sacrificium secundum ordinem Melchisedech, à Christo institutum & oblatum esse.

129.

CAPVT XVII.

Christum in vltima cœna verum sacrificium obtulisse, & Apostolis ad offerendum tradidisse.

139.

CAPVT XVIII.

Apostolos externum sacrificium obtulisse, probatur.

144.

CAPITA LIBRI SECVNDI.

CAPVT I.

Ministros nouos Euangelicos vera conficienda Eucharistiæ potestate care-
re; ac proinde veros Christi Ministros non esse.

159.

CAP.

LIBRI SECUNDI.

CAPVT II.

Luterani & Calvinistæ ex verbis illis : Hoc est corpus meum, erroris con-
nuncuntur. 166.

CAPVT III.

Obiecta contra veritatem Corporis Christi in Eucharistia diluuntur. 177.

CAPVT IIII.

Ministros novos Euangelicos dissipatores non dispensatores Sacramento-
rum esse, ac proinde non esse veros Christi Ministros, vbi etiam de
numero & virtute Sacramentorum agitur. 185.

CAPVT V.

Secundùm Christi institutionem æquè vtriusque ac alterius tantum speciei
vsum licitum esse. 201.

CAPVT VI.

Aduersus Ecclesiæ auctoritatem à Zaborouio temere dicta refelluntur. 226.

CAPVT VII.

Ministros novos Euangelicos veræ Ecclesiæ Ministros non esse. 227.

CAPVT VIII.

Quæ contra visibilem Ecclesiam, temerè à Zaborouio producta sunt, re-
felluntur. 236.

CAPVT IX.

Ecclesiam Electorum inuisibilem ineptè probat Zaborouius. 240.

CAPVT X.

Nouos Euangelicos Ministros, non esse Catholicæ Ecclesiæ Ministros, ac
proinde pseudoministros esse. 245.

XX

CAP.

CAPITULA

CAPVT XL.

Locus. Tu es Petrus, & super hanc petram ædificabo Ecclesiam meam, & cauillationibus Zaborouij vindicatur, & Ministri noui Euangelici falsi Ministri esse conuincuntur. quod non sint eius Ecclesiæ Ministri, quam Christus ædificauit super petram. 252.

CAPVT XII.

Petrum præ cæteris Apostolis constitutum esse à Christo Ecclesiæ petram. 268.

CAPVT XIII.

Euangelicos verbi Dei magnam partem reiicere, proinde verbi Dei non, Ministros sed de coctores dici debere, vbi de Traditionibus agitur. 275.

CAPVT XIII.

Scripturam Sacram non continere omnia ad salutem necessaria, neque solum per se sufficere ad salutem. 286.

CAPVT XV.

Luteranos & Calvinistas verbum Dei detruncasse, & mutilum reddidisse. 296.

CAPVT XVI.

Ministri noui Euangelici Scripturam proprijs interpretationibus contra Petri legem corrumpunt. 300.

CAPVT XVII.

Solam Scripturam iudicem omnium controuersiarum absurdè constituunt noui Euangelici. 310.

CAPVT XVIII.

Romanum Pontificem Petri successorem esse iure diuino supremum in rebus fidei controuersiarum iudicem, aduersus cauillationes Zaborouij ostenditur. 318.

CAP

LIBRI SECVNDI.

CAPVT XIX.

Ex nouorum Euangelicorum doctrina nullum vnquam euasisse insigniter sanctum, aut euadere potuisse. 330.

CAPVT XX.

Pœnitentia & austeritate vitæ, nullum nouorum Euangelicorum admirabilem excitisse. 341.

CAPVT XXI.

Nouos Euangelicos doctrina sua, non ad sanctitatem, sed ad omnem licentiam, viam patefacere. 348.

CAPVT XXII.

Legem Dei seruatu esse impossibilem impiè docent noui Euangelici. 358.

CAPVT XXIII.

Nouos Euangelicos ob Sacramentorum defectum necessario deteriores euadere. 363.

CAPVT XXIV.

Calumniæ nouem Catholicis à Zaborouio obiectæ diluuntur. 369.

CAPVT XXV.

Ministros nouos Euangelicos, cum nulla vnquam miracula ediderint, veros Euangelij Ministros non esse. 377.

CAPVT XXVI.

De miraculis pro religione Catholica factis, sancti Augustini vigesimo secundo de Ciuitate Dei Cap: Octauo testimonium. 393.

LIBRI REGII

CAPIT. XL

CAPIT. XX

CAPIT. XII

CAPIT. XXI

CAPIT. XXIII

CAPIT. XXIV

CAPIT. XXV

CAPIT. XXVI

DE NO.



DE NOTIS

MINISTRORVM

LIBER PRIMVS.

In quo quatuor primæ notæ Ministrorum examinantur.

Veros Ministros ex legitima missione secundum Scripturas dignoscendos esse.

CAPVT PRIMVM.



Loriatur Zaboruius quæstionem illam de Notis Ministrorum, quam *Nodum Gordium*, hoc est Euangelicis omnibus insolubilem inscriptimus, esse pridem ab illis dissolutam; quod docuerint de Doctoribus ex prædicatione & doctrina, non de doctrina ex Doctoribus, aut ex eorum legitima missione iudicium faciendum esse. Quis credat tam inepto responso, quod non solum Scripturis, sed etiam rationi aduersatur, tantæ quæstioni satisfactum esse? Etenim Scripturæ clarissime docent ex legitima Prædicatorum missione veritatem prædicationis colligendam esse; ita ut nemo cuiquam credere teneatur, aut possit, quod veram doctrinam doceat, nisi eum à Deo missum constiterit. Docet id expressissime Paulus illis verbis; *Quomodo prædicabunt nisi mittantur?* Si enim Paulus non inueniebat modum, quo aliquis veram doctrinam prædicare posset, nisi esset legitime à Deo missus: quomodo Euangelici inuenient? Si igitur Pauli sententia standum est, non ex doctrina & prædicatione de Doctoribus, sed è contrario ex legitima Doctorum missione de eorum doctrina & prædicatione iudicium faciendum

Ex missione prædicatoris doctrina veritas æstimanda.

De Notis Ministrorum

faciendum est alioqui nō erit verum; *Quomodo prædicabunt nisi mittantur?* Obijcere ei. im possent Euangelici Paulo veros prædicatores posse dici & esse etsi non mittantur, si veram doctrinam prædicent; itaque ita se inuenisse modum, quem Paulus non inueniebat, vt quis prædicare possit, etiamsi non mittatur. Quod si eludi argumentum Pauli non potest, fatendum est, falsum omnino esse illum modum ex doctrina de Doctoribus iudicandi absque eorum legitima missione. Siquidem de ipsa doctrinæ veritate, cū in controuersiam adducitur, iudicium certum fieri non potest, nisi ex Doctorum qui à Deo missi sunt qualitate. Eorum enim qui non sunt à Deo missi doctrina & Scripturæ interpretatio semper incerta est & fallax, quippe quæ humana opinione & auctoritate, quæ fallere potest, tota nitatur, vt mox patebit.

*Ita Christus
suam doctrinam
probat.*

Idem probatur Christi auctoritate & exemplo. Etenim Christus ipsa veritas & sapientia Patris, etsi ex Scripturis suam prædicationem abunde confirmare potuerit, sibi tamen credi nolebat, nisi se esse à Deo missum miraculis comprobaret. ita vt Ioan: 10. 37. de sua missione & doctrina loquens dixerit. *Si non facio opera Patris mei, nolite credere mihi; si autem facio, etsi mihi non vultis credere, operibus credite.* Et Ioan 15. 24. *Si opera non fecissem quæ nemo alius fecit, peccatum non haberent.* Si igitur doctrinæ Christi, non tenebantur Iudæi credere, etiamsi Scripturas, quæ de illo testimonium perhibebant, adduceret, nisi miraculis se esse à Deo missum probaret: siquidem doctrina Christi, etiamsi verissima in se esset; Iudæis tamen de eius veritate & Scripturarum indubitata interpretatione constare non poterat; nisi ex miraculis eum, qui doctrinam illam tradebat, & Scripturas interpretabatur, cognoscerent esse à Deo missum qui fieri potest vt Ministris Euangelicis Scripturas interpretantibus fidem habeamus ob nudam illorum asseuerationem sine alio miraculorum testimonio? Nā etsi Scriptura in se sit vera, non tamen necesse est veram esse interpretationem, quam illi ministri assignant. Quare si exemplum & doctrinam Christi sequimur, necesse est vt non ex doctrinæ qualitate de Doctoribus, sed ex illorum legitima missione de doctrina iudicare debeamus.

Ita Apostoli.

Idipsum Apostolorum quoque exemplo docetur. Nam ij etsi Scripturis essent instructissimi, & secundum veritatem Scripturas interpretaturi erant: Christus tamen illos miraculorum potestate instructos misit;

misit; vt & se à Deo missos ostenderent, & fidem suæ doctrinæ ac Scripturarum interpretationi facerent: alioqui quamdiu auditoribus persuasum esset illos humano spiritu & sapientia Scripturas interpretari, tam diu fidem omnino certam & indubitatam adhibere illis minime possent. Quare & S. Augustinus verissime Manichæis Scripturas pro sua hæresi torquentibus respondit. Se non solum illis credere non posse; sed ne ipsi quidem Euangelio, nisi Ecclesiæ auctoritas accederet. *Euangelio, inquit, non crederem, nisi me Ecclesiæ Catholice auctoritas commoueret.* Etenim in Ecclesia sunt homines à Deo missi, & a Deo immediatè missorum veri hæredes, diuinumq; suæ missionis testimonium habent. quocirca merito Ecclesiæ auctoritate, & ad non credendum Manichæis, & ad credendum Euangelio, vt ab ipsa Ecclesia exponitur, se commoueri dicebat; alioqui nihil est quod hominem de Fidei veritate, & Scripturarum vero sensu certum possit reddere.

Ita Augustinus.

Iam verò, si ratione rem expendamus, quis non videt non posse ex doctrina de veris Doctoribus iudicari, nisi constet doctrinam quam prædicant esse veram. At esse veram constare non potest; nisi constet eos qui ipsam docent esse à Deo missos. Si enim missi sunt, diuinum suæ doctrinæ testimonium habent: si missi non sunt, humano spiritu & opinione, quæ falli facile potest, ducuntur. Aiunt ex Scripturis innotescere doctrinæ veritatem. At cum Scripturas aliter exponant Lutherani, aliter Calvinistæ, & Ariani, vnde constabit Scripturas hoc vel illo sensu exponendas? Qui enim sensus videtur Lutheranis verus; Calvinianis & Arianis videtur falsus. Ex qua controuersia apparet, non quis sensus absolute sit verus, sed quis secundum huius vel illius opinionem huic vel illi videatur verus. Cum verò dicunt ex spiritu Scripturarum verum sensum illarum cognosci, in idem relabuntur. Nam alium spiritum Scripturarum iudicant Lutherani, alium Calvinistæ, alium Ariani. vnde non constat quis ex tot spiritibus sit verus spiritus Scripturarum, sed quilibet opinione sua, quem existimat esse spiritum Scripturarum credit esse verum, quod non est nisi spiritu Scripturarum vero sed putato. spiritus autem putatus est mera hominis de spiritu opinio. quocirca dum spiritu putato nituntur, opinione sua nituntur, quam falli & fallere posse nemo non videt.

Doctrina an Doctoris esse nota possit.

2.

Deinde, si quicumque suam doctrinam ex Scriptura eo, qui sibi videtur, sensu probat, legitimus prædicator censendus esset, & eius do-

3.

*Multa essent
Euangelia
pugnantia,
& nullum
certum.*

Strina pro vera Euangelij doctrina habenda; fieret profectò vt, cum di-
uersis diuersa & saepe opposita ex scripturis videantur, diuersa quoque
& opposita Euangelia essent in mundo. Aliud nimirum Euangelium
Luteri, aliud Zuinglij, Caluini, Socini. Euangelium enim sine legiti-
mo sensu, non est Euangelium; cum alio autem sensu est aliud Euan-
gelium. Cum igitur alium sensum habeat apud Luterum, alium apud
Caluinum, tot erunt diuersa Euangelia, quot expositores & hæretici
diuersi. Omnes enim hæresum auctores ex Euangelij varia interpreta-
tione prognati ac propagati sunt. Quod si diuersa Euangelia, diuersa
quoq; Fides erunt, contra illud Apostoli; *Vna Fides, vnum Baptisma.*
Quin etiam sequeretur nullum in mundo esse Euangelium de quo cer-
tò constet esse verum Euangelium. Nam si absq; sensu legitimo Euan-
gelium non est Euangelium, sed Euangelij quidam cortex: sensus au-
tem Euangelij legitimus is habeatur, qui cuiq; Scripturas per Scriptu-
ras exponenti occurrerit: sequetur nullum esse certò Euangelium ve-
rum, quia constare non poterit qui sensus ex tot diuersis & contrarijs
sensibus sit legitimus Euangelij sensus, & secundum quem sensum
Euangelium sit verum Euangelium.

4.
*Magis dubiū
auct hac re
gula.*

Adhuc, cum omnes hæretici ex scriptura suas hæreses confirmet
& quidem tanta contentione, vt alter alteri nullo modo cedat, non
potest haberi ea regula certa ad dignoscendam veram à falsa doctrina
& de veris Doctores iudicandi, quin potius ea regula ad omnem in-
certitudinem & dubitationem inducit animum; quòd ea omnes ad
suos errores confirmandos vtantur.

Tandem eiusmodi conficio argumentum; Nota cuiusq; rei de-
bet esse certa & indubitata, non controuersa & anceps: cum igitur
res sit maximè controuersa quo sensu quæ scriptura accipi debeat,
quamdiu humanis opinionibus agetur, non potest inde certa iniri ra-
tio verum Prædicatorem & veram prædicationem cognoscendi. Qua-
re aut nunquam certi erimus de vera doctrina per hanc regulam; sed
sicut paruuli fluctuantes circumferemur omni vento doctrinæ, sem-
per discētes & nunquam ad scientiam peruenientes, quod tanquam,
absurdum horret Apostolus; aut certe diuinitus querenda est veræ
prædicationis & doctrinæ certitudo, quæ sanè aliunde haberi non po-
test Scriptura ipsa teste quàm ex legitima ministrorum à Deo missione.

Porrò nostrum hoc argumentum tantò maioris ponderis esse de-
bet, quòd eo quoq; Sanctus Petrus contra Simonem Magum dispu-
tans vsus

Liber primus.

tans vsus fit, vt testis est Clemens *in primo Recognitionum libro.* Cum enim Simon doctrinam Christi esse inconsonantem & veritati repugnantem probare vellet, & idcirco Christum verum Prophetam non fuisse: Petrus è diuerso ostendit non ex doctrinæ consonantia vel inconsonantia verum Prophetam iudicari debere; quod quæ inconsonantia videntur nonnullis, apud alios maiori ratione vtentes habent consonantiam; & idcirco solum inconsonantia videntur quia non intelliguntur. Porro vnicam esse viam ad cognoscendum an quis consonantia vel inconsonantia loquatur, si ostendatur is qui loquitur esse verus Propheta. Si enim inuenitur verus Propheta esse, omnia quæ videntur inter se esse contraria constar habere consonantiam sed non intelligi. Sed placet id ipsum verbis S. Clementis, tanquam disputationis huius oculati testis, adscribere. Sic igitur, inquit, Simon Magus, *Non opus habeo hoc discere abs te, sed quomodo sibi ista conueniant. Si enim inconsonans ostendetur, simul etiam Propheta non esse docebitur. Tum Petrus; Sed si, inquit, prius ostendero eum Prophetam: hoc quod videtur esse inconsonans, non erit. neq; enim ex consonantia quis Propheta esse probatur; quia hoc multis possibile est facere. Quod si consonantia Prophetam non facit; multò magis nec inconsonantia; quia multa sunt quæ videntur quidem inconsonantia nonnullis, habent tamen profundiore ratione in semetipsis consonantiam. Sicut & aliqua videntur habere consonantiam; discussa diligentius inuenientur inconsona. Hac de causa aliam non puto meliorem esse viam ad horum discrimen, nisi vt prius cognoscamus si is, qui locutus est ea quæ sunt inconsona, Propheta sit. Si enim inuenitur Propheta esse, omnia illa quæ videntur sibi esse contraria, constar habere consonantiam, sed non intelligi. De his ergo probamenta rectius requiruntur.* Ex quo patet ab initio ipso Ecclesiæ apud ipsos Apostolos eam disputandi rationem probatam fuisse, vt non ex doctrinæ qualitate de Doctoribus iudicaretur. hoc enim fallax & incertum, ac varijs opinionibus expositum est; sed ex legitima Doctorum à Deo missione: illamq; hæreticorum regulam semper fuisse; hanc verò Apostolicam atq; Catholicam esse.

Quid? inquires, nunquamné ex doctrinæ veritate fieri poterit de Doctoribus iudicium?

Respondeo. cum de doctrinæ veritate vel sensu diuinitus non constar, sed opinionibus & expositionibus hominum res agitur, nunquam ex doctrina posse certum omnino & non fallens haberi iudici-

De Notis Ministrorum

*Quando nota
Doctōris est
doctrina?*

um. Hac enim ex causa tot hæreses multiplicantur. quia pro sua quisque opinione hoc verum, illud falsum existimat. Nam licet Scriptura sacra res diuina sit, & infallibilis: tamen de eius sensu variæ sunt hominum opiniones, incertumque quæ opinio Scripturis maximè consentanea sit habenda. Licet enim sua cuique opinio vera videatur; alijs tamen & falsa & Scripturis contraria videtur. Et hanc rationem maximè vrsit S. Petrus contra Magum; quod quæ nonnullis in consona videntur, alijs meliore ratione videntibus consona apparent; & ideo inconsona videntur, quia non intelliguntur. Iam verò si semel de doctrinæ veritate vel sensu diuinitus constiterit, quod scilicet eo sensu sit ab Apostolis vel alijs hominibus a Deo missis exposita & credita, sic ex doctrina potest rectum & non fallens de Doctoribus iudicium haberi. Hanc enim rationem S. Ioannes in sua epistola secunda inter falsos & veros Doctores discernendi tradidit. *Si quis, inquit, venit ad vos, & hanc doctrinam non adfert; nolite vocare eum in domum; nec Aue ei dixeritis.* Et Paulus ad Gal. 1. 8. *Licet nos, aut Angelus de celo euangelizet vobis, præterquam quod euangelizauimus vobis, anathema sit.* Manifestum enim est quod semel est diuino testimonio comprobatum ab ijs qui a Deo missi sunt, falsum esse nunquam posse.

Verum hoc modo ex Scriptura doctrinam veram probare nihil aliud est, quam ex Scriptura, prout est ab hominibus a Deo missis exposita, probare. hoc verò idem est quod ex legitima hominum a Deo missione, & verum scripturæ sensum, & veram secundum Scripturas doctrinam cognoscere. Et hoc est quo aduersarios vrgemus. Sicut enim ex scriptura opinione cuiusque exposita nihil certi in Fide stabiliri potest: ita ex eadem scriptura ab hominibus a Deo missis exposita perfecta certitudo haberi potest.

*Fides hereticorum non ex
Scripturis.*

Dicant autem quidquid volunt Euangelici, etiamsi Scripturas crepent, Fidem tamen suam non ex Scripturis sed ex opinione propria deducunt. Quantumuis enim iacent se ex Scripturis omnia inferre; tamen cum ea inferant ex scripturis propria opinione & existimatione expositis, quid hoc aliud est, quam suam Fidem ex opinione propria deriuare? siquidem Scripturarum sensus, qui est anima Scripturarum, non nisi ex opinione ab ipsis habetur. Vnde etiam velint nolint fateantur necesse est, ex doctrina sola, quam ex Scripturis se docere putant, non posse se suos Doctores veros esse ostendere: sed necessarium est, ut eos diuinitus missos comprobent, si eorum doctrina pro vera

pro vera haberi debet. *Quomodo enim predicabunt nisi mittantur?*

Non igitur soluerunt ea ratione Euangelici Nodum de missione Ministrorum, dicendo ex doctrina veros ministros iudicandos esse; sed magis seipsum eo Nodo implicuerunt, cum ea quæ respondent, subsistere salvis Scripturis, & ratione, nullo modo possint. Magna verò temeritate & impudentia Zaborouius in ipso initio, quasi rem euicerit, probra & conuitia in Missam, Imagines, Sanctos, Purgatorium libera iactat: Missam, quæ Christi adorationem & oblationem continet, execrandam idololatriam vocat; vnâ speciem Ccenæ Domini detestandam abominationem; Imaginum cultum, & Sanctorum inuocationem, veram superstitionem; Purgatorium fictum focum. Hæc enim ab homine propria opinione dementato, & ex animi impotentia, probris potius quàm rationibus agente, proficisci nemo non videt. id quod etiam ex ijs quæ in hoc libro à nobis adducentur, manifestum fiet.

*Inmodauit se
Zaborouius
enodasse pu-
tans.*

CAPVT SECVNDVM.

Veros ministros, in quantum à Deo missi sunt, falsum docere non posse.

Verentur Euangelici, ne si eos qui à Deo missi sunt duces sequantur, in errores aliquos ipsorum ductu incidant. quod sibi persuadeant eos errare, & falsum docere posse. at immerito. Etenim Ministri in quantum à Deo missi sunt, falsa docere non possunt. habent enim DEI testimonium in se. Nam & ij qui immediate à DEO mittuntur, mittuntur cum miraculis, quæ esse sufficientia doctrinæ & veritatis testimonia nemo dubitat, præsertim si in doctrinæ confirmationem edantur. Alioqui nec Christus, nec Apostoli qui miraculis suam doctrinam comprobauerunt, sufficiens suæ doctrinæ testimonium dedissent. Qui verò mediate à DEO mittuntur, quia ad eos & eorum doctrinam qui à Deo immediate missi sunt referuntur successione perpetua, tam personarum, quàm doctrinæ; eodem diuino testimonio gaudent; ac proinde propter diuinum testimonium, quo ea quæ docent confirmare facile possunt, falsum docere non possunt.

*Missi à Deo,
habent ab ipso
testimonium.*

Hoc

De Notis Ministrorum

Hoc verò diuino missionis testimonio sicut Catholica Ecclesia Ministri merito gloriæ possunt: ita Evangelici minimè. Nam etsi Evangelici se suamque doctrinam in Apostolos referre conantur; nullam tamen certam eius rei probationem afferunt; sed solum proprii capitis testimonium. nimirum quod ex Scripturarum collatione sibi is sensus Apostolicæ doctrinæ esse videtur. Qui modus colligendi si necessario verus esset, verum quoque esset quicquid ab hæreticis omnibus & singulis vnquā dictū est. Hæretici enim omnes hoc modo suos errores ex Scripturis colligunt & confirmant: Catholici verò non priuata opinione, nec proprii capitis commento, sed traditione certissima Ecclesiæ & omnium seculorum testimonio, suam doctrinam ad Apostolos referunt. ita Scripturas intelligentes sicut Apostolos intellexisse perpetua & indubitata traditione acceperunt; habentque tot doctrinæ ab Apostolis acceptæ testes, quot fuerunt omnium seculorum Patres & Doctores. Hi enim eam quam nunc profitemur doctrinam, non solum omnibus seculis constantissimè tradiderunt, sed etiam ab Apostolis esse acceptam, & ad nos deductam luculenter testificati sunt: quemadmodum & sensum Scripturarum non eum esse, quem itidem Scripturis Evangelici assignant, sed quem mundus vniuersus ab Apostolis edoctus ad nostra usque tempora retinuit: & de manu in manum dedit.

Doctrina Catholicorum ab Apostolis tradita.

Nec vlla alia potest esse Apostolica.

Quamquam idipsum res ipsa quoque loquitur. Etenim Apostolica doctrina, quæ nunquam interire, sed ad finem usque mundi continuari debuit, non alia potest esse, præter eam, quam Catholici profitemur. Nulla enim alia præter ipsam est ab Apostolorum temporibus ad nos usque; perpetua successione deriuata: nec vlla alia vnquam est, præter ipsam pro Catholica & Apostolica Fide à toto mundo habita; denique nullus ei alius auctor, à quo coeperit, præter Apostolos assignari potest. quod argumentum fusiùs *primo de erroribus Arianorum libro capite primo* prosecuti sumus.

Certum errare non posse Doctores Catholicos.

Pater igitur Catholicos Ministros, cum suam doctrinam certissima ratione ad Apostolos referant, in ea doctrina fidelibus tradenda errare non posse. neque enim dubium esse potest eam doctrinam quæ ad Apostolos certissima ratione refertur esse verissimam: Ministros verò Evangelicos cum fallacissimam regulam sequantur suam doctrinam ad Apostolicam doctrinam referendi, nempe Scripturarum cum Scripturis priuato iudicio factam collationem; aut semper errare, aut si fortè aliquando non errent, certam eius rei fidem facere non posse.

Vnius

Liber primus.

Unicus tantum in hoc est falsum docendi, si is, qui mittitur ab ijs à quibus missus est in doctrina dissentiat; & alia doctrinā præter eam ad quam docendam missus est doceat. nempe quæ non sit Ecclesiæ doctrina, sed illi potius aduersa; nec ab Apostolis certa successione & traditione deduci possit; ac proinde nec ad Deum referri. Non est autem mirum Ministrum tunc errare: quia in ea doctrina docenda diuinæ missionis testimonio destituitur. nec eam tanquam missus à Deo docet. Nos enim non alia ratione ministrum non posse falsum docere contendimus: nisi quod diuinitus ad docendum missus est. Si igitur eam doctrinam doceat ad quam docendam à Deo missus non est, quæque diuino testimonio siue immediatè siue mediatè comprobare minime potest, mirum non est in ea docenda posse labi & errare, utpote quæ à priuata ipsius opinione non à Deo proficiscatur.

Non rectè verò Zaborouius interpretatur veros Ministros falsa docere non posse, nimirum quatenus veri sunt & veritati & Scripturis adhærescunt. Hoc enim ipsum est quod quærimus, vnde id constare possit, quod ministri in prædicando à veritate & scripturis non dissentiant, nec falsum doceant? Quod cum Zaborouius non docuerit, nos cum Paulo id ex legitima missione constare dicimus. *Quomodo enim prædicabunt nisi mittantur? Rom: 9.* Sensus enim eorum verborum est; Quomodo constabit eos verè & absq; erroris suspitione prædicare, nisi mittantur? Etsi enim fortè eorum prædicatio vera esset, id tamen nobis constare non potest, nisi constiterit eos esse à Deo missos. Quemadmodum igitur ij, qui missi non sunt, eò quod missi non sunt, non possunt nobis fidem facere, quod verè & absq; errore prædicent: ita si fuerint legitime missi, certam fidem ex diuina missione facient se verè & sine errore prædicare: quia, ut dictum est, ea prædicant quæ possunt diuino testimonio immediatè vel mediatè confirmare; cum ab ijs missi sint, & eorum doctrinam proponant, qui sunt ab ipso Deo immediatè missi; & quorum doctrina est miraculis, diuinisq; testimonijs confirmata.

At obijcit Zaborouius plurimos ex ijs, qui à Deo missi sunt in varios errores lapsos esse; & alios errandi auctores extitisse, tam in veteri quam in nouo Testamento. Nam & Aaron *Exod: 32. 2.* fecit vitulum conflatilem: & Phasur Ieremiam Prophetam percutit, & in carcerè coniecit *Ierem: 20. 2.* Apud Esaiam etiam *56. 10.* Deus pastores ordinarios vocat speculatores cæcos & ignorantes intelligentiam. In nouo verò

De Notis Ministrorum

Errant aliquando Ministri, at non in his ad quæ docenda missi.

no verò Testamento Apostoli post acceptum Spiritum sanctum *Io: 20* regnum Christi carnale somniarunt *Act: 1. 6.* Petrus non rectè ambulauit ad veritatem Euangelij *Gal: 2. 14.* Ioannes errauit volens adorare Angelum. *Apoc: 22. 8.* In Actibus etiam *20. 29.* dicitur; *Intra-*

bunt lupi rapaces, & ex vobis ipsi viri loquentes peruersa. At nihil hæc contra nos faciunt. Nos enim eos, qui missi sunt, nonnisi in ijs docendis ad quæ missi sunt, & pro quibus docendis diuinæ missionis testimonium siue immediatè, siue mediatè producere possunt, errare non posse affirmamus. in alijs verò quæ diuinæ missionis testimonio probari non possunt errare posse non negamus; vt si suam non ab Apostolis per Ecclesiam traditam doctrinam doceant; multò verò magis errare possunt in moribus & factis. Quamquam Petro & successoribus eius singulare quid à Christo promissum est, vt in proponenda vniuersæ Ecclesiæ doctrina, tam Fidei quàm morum, ob specialem Spiritus sancti assistentiam, errare non possint, tanquam inuiolabilis totius Ecclesiæ petra & fundamentum constituti: vt infra in 2. libro ex professò docebimus.

Aaron & Phasur non Dei nomine egerunt tunc

Iam verò vt in particulari ad singula respondeam, dico Aaronem in vitulo conflando nihil Dei nomine egisse: neq; tanquam à Deo missum, sed potius contra Deum ad satisfaciendum populo duræ ceruicis. ac proinde mirum non est tam turpiter errasse. Phasur etiam cum in Ieremiam iniurius fuit, facto non doctrina errauit; fuitq; is abusus potestatis sacerdotalis. Quod idem de illis speculatoribus cæcis dicendum est. quamquam in illis, non tam error circa res Fidei, quàm ignorantia practica rerum ad officium ipsorum spectantium, & ex ea consequens omissio muneris sacerdotalis, arguitur.

Apostoli ante quam Spiritum sanctum accepissent, errarunt.

Quod ad Apostolos attinet. ij *Ioan: 20.* Spiritum sanctum solum ad remittenda peccata acceperant; non autem ad docendam omnem veritatem. hoc enim ad diem Pentecostes referuabatur, dicente Christo; *Cum venerit Spiritus sanctus, docebit vos omnem veritatem.* *Ioan: 16. 13.* ideoq; non est mirum Apostolos tunc aliquas carnales de regno Christi opiniones habuisse. nondum enim erant edocti omnem veritatem.

Petrus non errauit.

Simulatio verò illa Petri si aliquis error fuit, fuit error facti non doctrinæ. De doctrina enim inter Apostolos constabat legis veteris obseruationem tunc non fuisse ad salutem necessariam, quod & ipse Petrus in Concilio primo Apostolorum decreuit *Act: 15. 10.* ne tamen

offen-

Liber primus.

offenderentur Iudæi, re teneri ad tempus potuisse. quia igitur Petrus in
presentia Iudæorum subtrahebat se à gentibus quasi cogens exemplo
suo gentes iudaizare & legem obseruare; idcirco ea simulatio, quod
induceret scandalum, & eam opinionem in gentilibus, quasi lex ve-
tus esset ad salutem necessaria, erat non secundum veritatem Euange-
lij; non quod contra veritatem Euangelij doceret aliquid Petrus, sed
quod modo suo procedendi, hoc est, subtrahendo se in gratiam Iudæ-
orum à gentibus, faciebat illis suspensionem quasi Euangelium ex se
requireret obseruationem Mosaicæ legis. qui est facti error non Fidei.
quia in facto eius non in doctrina. imò & in facto non nisi per accidens
& præter omnem eius intentionem. Quo etiam modo cum Ioannes in
Apocalypsi Angelum quem Christum esse existimabat vti multorum,
est opinio adorauit, fuit is error facti non doctrinæ: quanquam & in
facto non errauit formaliter. Mens enim eius erat formaliter recta ob
intentionem Christum adorandi non Angelum; solumq; materialis er-
ror erat, qui sine vlla eius qui ipsum admittit culpa potest accidere.

Deniq; cum ex hominibus à Deo missis fiunt lupi rapaces & per-
uersa loquentes, quid mirum est, cum id non quatenus missi sunt,
sed quatenus missioni prorsus renuntiant, faciunt. Non enim debent
missionis priuilegia ijs qui ipsam abijciunt patrocinari.

Iam cum assero DEVM non nisi per Ministros à se constitutos nos
docere, & nobis loqui, ideoq; ipsos falsa docere non posse. Zaboro-
uius ait me errare. quid ita? quia etiam per verbum suum scriptum,
nobis loquitur. Verum Zaborouius nec assertionem meam intellexit;
nec argumentum soluit. Cum enim de ea locutione agam, qua DE-
VS ad homines per homines loquitur, iure potui dicere DEVM non
per quosuis homines, sed per solos Ministros ad in munus singulari ra-
tione deputatos nobis loqui. Non igitur excludo verbum Dei, sed so-
lum alios homines qui Ministri non sunt. Sed esto. vis argumenti est
adhuc integra, quæ in eo est, quod cum DEVM loqui falsum repugnet,
siue per seipsum loquatur, siue per suos Ministros; repugnabit quoq;
ministros, quatenus per eos DEVS loquitur falsum loqui. Ait quidem
Zaborouius, tunc DEVM nobis per Ministros loqui, cum verbum Dei
purè docent; cum verò traditionum humanarum aliquid admiscue-
rint, non Dei vox est, sed hominis: sed non aduertit nobis constare
non posse Ministros verbum Dei purè docere, aut Deum per os eorum
loqui, nisi prius constet eos esse à Deo missos. Quomodo enim predi-

nec; Ioannes.

*Apostata iã
desinunt esse
Doctores.*

*Deus cum lo-
quitur nobis
per homines,
loquitur per
missos à se.
ideo falsum
loqui neque-
unt.*

De Notis Ministrorum

cabunt nisi mittantur? Hac enim via ordinariè cognoscimus aliquid esse verbum Dei; quia hominès à Deo missi ita asserunt. Quare non ex verbo Dei cognoscimus veros Ministros, sed ex veris Ministris, hoc est, à Deo missis, verbum Dei; vti proximè ostensum est. Neque verò aliquid tantum, sed totum quod nobis Dei nomine loquuntur, est verbum Dei, siue illud sit scriptum, siue traditum. Non minùs enim vnum quàm alterum est Dei verbum. vt in *secundo libro* ostendemus.

Doctorum
Ecclesie doctrina omni
suspensione li-
bera.

1.

Porro argumenta nostra ex scripturis deprompta infirmare conatur Zaborovius; sed frustra. Nam dum locum *ad Eph. 4. 12.* vrgeo, in quo dicitur DEVM posuisse in Ecclesia pastores & doctores, ne simus paruuli fluctuantes & circumferamur omni vento doctrinae: indeque concludo tales doctores in Ecclesia positos esse, quorum doctrina sit infallibilis & indubitata. alioqui si de ea dubitare liceret, essemus semper fluctuantes sicut paruuli: & circumferremur ventis doctrinarum. Hoc argumentum cum soluere non posset, nudè solum negat tales pastores errare non posse. verùm negantem ratio manifesta redarguit. Illa enim doctrina, quæ non facit nos fluctuare, nec circumferri quouis vento doctrinae, est infallibilis, & certo vera. Talis est doctorum in Ecclesia à Deo positorum, teste Paulo. ergo est infallibilis. & ex consequenti doctores Ecclesiae, quatenus à Deo constituti & missi, non possunt errare: alioqui hæc ipsa cogitatio qua suspicaremur doctores posse docere falsa, faceret nos fluctuare, & circumferri alijs doctrinae ventis.

2.

Quo etiam modo locus *Act. 20. 28.* à me vrgetur. Si enim Spiritus sanctus posuit Episcopos regere Ecclesiam Dei. regi autem fideles in doctrina Fidei debent, omninò necessarium est, vt fideles omninò sibi persuadeant suos doctores falsa docere non posse; alioqui nec firmi in Fide ac constantes, nec quieti; & securi in conscientia vquam esse possent. Nam cum opponit Zaborovius, posse ex ijs fieri lupos rapaces, & perversa loquentes; id verum quidem est: sed ijtunc missioni renuntiant, & ea docent ad quæ diuinæ missionis testimonium non extenditur. cum eam doctrinam nec ipsi miraculis comprobarent, nec ab alijs comprobata accepissent.

Iam quod ad locum *Matth. 18. 17.* attinet; *Qui Ecclesiam non audierit, sit tibi tanquam ethnicus & publicanus;* putat se egregie respondisse Zaborovius, cum ait, eo loco non agi de doctrina & Fide, sed de censura morum, & correctione fraterna, de quæ compositione
ne litium

ne licitum inter fideles, per senatum Apostolicum. At non difficile est ostendere agi de potestate Ecclesiæ lites cuiusvis generis, siue ratione Fidei, siue ratione morum inter fideles exortæ fuerint, terminandi. Etenim vniuersè omne peccatum, quo quis ab altero offenditur, subicit Christus Ecclesiæ iudicio. Atqui non minùs offenditur quis à fratre, cum is in rebus ad mores spectantibus delinquit; quàm cum pestilentem de Fide & religione opinionem disseminat, & fratribus perniciem æternam parat: (sermo enim Hæreticorum vt cancer serpit, inficitque sensim totum Ecclesiæ corpus, ni illi statim occurratur) quinimo tantò magis peccatis contra Fidem offenditur frater, quanto maius malum est quod animæ affert interitum, quàm quod corpori: quodquè non vnius tantum ruinæ est causa, sed toti communitati fidelium plurimum nocet. Quare non solum peccata morum, sed etiam peccata contra Fidem, subiecta sunt Ecclesiæ potestati. Et sanè in veteri Lege iudicium de Religione & Lege sacerdotum iudicio subiecit Deus; ita vt qui superbiens non obediret sacerdotis imperio, morte mori debuerit. *Deutor: 17. v. 3. & 12.* cur ergo noui idem in Lege noua credendum est Christum voluisse? Adhæc ea iudicandi potestate contra Hæreticos vsos esse Apostolos constat. cum eos propter suas hæreses damnârunt, & à communione fidelium præcederunt. vt in Paulo & Ioanne perspicuum est. Iure itaque optimo ex dicto loco deducitur atque probatur Ecclesiæ Ministros (quibus obedire ita præcipit Christus, vt inobedientes pro ethnicis & publicanis haberi voluerit) falsa docere non posse, quatenus sunt à Deo missi, alioqui si falsa docere possent, dubitari merito posset, an illis obedirendum esset. erranti enim vel errores præcipienti nemo obedire teneatur. Non igitur immeritò hunc locum Achillem nostrum appellat Zaborouius. est enim insuperabilis, & portæ Luteranæ non præualebunt aduersuseum!

Quod verò scripsi. si Ministri falsum docere possent, fore vt ea falsitas Deo ipsi tribueretur, negat id sequi Zaborouius. Quicquid enim boni in ministerio sit, Deo tanquam causæ primæ omnis boni tribuendum est: si quid verò mali admistum fuerit, causis secundis, id est, Ministris inhaeret. quòd ij, cum libero arbitrio ad bonum & ad malum plerumq; serantur, decipi, ac ita errare facile possint. At bene respondisset Zaborouius, si bonam doctrinam bene ad rem accommodare didicisset. Etenim causis secundis tunc vitium tribuitur,

*Peccata morum
& dogmatum
iudicat Ecclesia.*

1.

2.

3.



Error Ministrorum tribuatur Deo.

1.

cum propria virtute operantur: at si nonnisi virtute causa primæ agunt, si quis defectus esset in opere, is in causam primam non in secundam referendus esset. Ita vero hic accidit. Cum enim Ministri tanquam à Deo missi docent; nihil ex suo conferunt, sed solum id, quod à Deo siue immediate siue mediate acceperunt populo Dei proponunt, diuinum testimonium siue immediate siue mediate ipsis exhibitum pro sua doctrina proferentes. Si igitur in hac ipsorum doctrina aliquis error vel falsitas esset; ea non in ipsos, sed in Deum referenda esset; non enim suo sed Dei nomine, & Deo ipsis attestante doctrinam illam proponunt. Tunc verò solum Ministri errare possunt, cum non tanquam à Deo missi, sed ex proprio sensu & iudicio loquuntur.

Quocirca futile est illud Zaborouij argumentum: cum in Ministros veros cadat peccatū, errorē quoque cadere posse. Neque enim Ministros peccare & errare posse absolute negamus, cum ex se aliquid operantur; sunt enim naturā peccato & errori obnoxij: sed solum tunc id fieri posse inficiamur, quando tanquam missi à Deo loquuntur: tunc enim Deus ipse per os illorum loquitur, & ipsi diuinum doctrinæ exhibent testimonium. Alioqui & Apostoli erant homines naturā peccato & errori obnoxij; neque tamen, cum miraculis suam doctrinam comprobarent, errare tunc poterant.

Adhæc 1. *Thessalonic*: 2. 13. *Gratias*, inquit Paulus, *agimus Deo, quoniam cum accepissetis à nobis verbum Dei, accepistis illud, non vt verbum hominum, sed sicuti verè est verbum Dei.* Si enim verorum Ministrorum verbum accipiendum est, non vt verbum hominum, sed vt verè verbum Dei, perspicuum est veros Ministros falsum non docere. alioqui verbum illorum tanquam falsum vel falsitati subiectum non esset eo loco habendum, quo verbum Dei. Negat quidem Zaborouius exemplum Pauli, tanquam particulare & extraordinarium, in omnes Ministros deriuari debere: verum non aduertit, quòd quemadmodum Pauli verbum ideo accipiebatur vt verbum Dei, quia miraculis & se à Deo missum & doctrinam suam esse verè verbum Dei comprobabat: ita & mediati Ministri, cum suam doctrinam ab Apostolorum doctrina tot miraculis comprobata euentissimè referunt, omnium seculorum vt diximus testimonio, an non æquè merentur, vt verbum illorum habeatur, tanquam Dei verbum? Non igitur est à particulari ad vniuersale, nec ab extraordinario ad ordinarium argumentatio, sed à pari & simili. Eadem enim miracula,

quæ doctrinam Apostolorum esse verè Dei verbum testificabantur; testantur quoque eam, quam ab Apostolis traditione omnium seculorum acceptam nunc Ministri Ecclesiæ prædicant esse verè Dei verbum. siquidem vna & eadem est doctrina, ab Apostolis promulgata, & ad nos traditione omnium seculorum transmissa. Neque timeat Zaborouius, ne Ministri nunc à Scriptura dissentiant. Si enim suam doctrinam ab Apostolis esse acceptam omnium seculorum testimonijs probauerint, eo plane modo, quo doctrina Apostolica scripta probatur; constabit manifestissimè ipsorum doctrinam Apostolicæ scriptæ non repugnare. alioqui Apostolica doctrina secum ipsa pugnaret. Timeat potius suis Euangelicis, ne doctrina ipsorum, & Scripturæ noua quam excogitauerunt expositio, Apostolica non sit: eò quòd cum tradita ab Apostolis doctrina non consentiat. Tam enim certum est eam doctrinam esse Apostolicam, quæ traditione perpetua Ecclesiæ comprobatur esse Apostolica: quàm certum est ea quæ habemus scripta Apostolica esse verè Apostolica. vtrumque enim ex eadem Ecclesiæ traditione habetur, & æquè credi vel non credi debet.

Miracula ab Apostolis edita doctrinam nostram approbant.

Frustra igitur toties cantilenam illam repetit. Ministros in tantum audiendos esse, in quantum à Scriptura non recedunt. Nunquam enim recedent, si testimonium suæ missionis proferant, & suam doctrinam ad Apostolos totius orbis testimonio & traditione referant. cui traditioni si nolint acquiescere Euangelici, non acquiescant etiam Scripturis, quas esse verè Scripturas sacras, & quatuor Euangelia esse verè Euangelia, non sciunt nisi ex Ecclesiæ traditione.

Non dissentiant ab oraculis qui se à Deo missos probant.

Neque dicere possunt hanc traditionem esse certam, illam incertam. Vtraque enim est certissima; quippe non solum testimonio, sed & moribus Ecclesiæ omnium seculorum comprobata. Semper enim in Ecclesia ex traditione Apostolica Baptismus paruulorum fuit vsitatus; & Baptismi forma certis verbis prolata; & septem sacramenta, festa item, & cultus sanctorum, & alia permulta, ex traditione Apostolica profecta.

Consuetudines Ecclesiæ omnes certæ.

Quamquam, si velit Zaborouius Ministros ex solis Scripturis probare debere suam doctrinam esse diuinam, fallitur. Nisi enim ex traditione & testimonio Ecclesiæ constet Scripturæ hunc & non alium esse legitimum sensum, nunquam priuata opinione cuiusquam eò peruenietur, vt animus conquiescat, & sit omnino certus: cum priuata de Scripturis opinio non vna sit, sed pro ingeniorum varietate varia.

Ministri verè ex miraculis probari non possunt.

Et res

De Notis Ministrorum

Et res ipsa loquitur omnes hæreticos priuatis hæc Scripturæ interpretationibus nunquam finem controuersiarum facere, sed digladiari quotidie, & suas ad inuicem interpretationes damnare, quantumuis æquæ hæc ac illæ ab ipsis ex Scripturis eliciantur: sæpe etiam suas priores interpretationes reuocant, & corrigunt, & nunquam ad agnitionem veritatis perueniunt.

Non in omnibus ijs habenda fides.

Frustra etiam metuit, si Ministris absolute credatur in omnibus, latissimum aperiri campum nobis seducendis, & compendiarium ad brutam obedientiam viam. Neque enim absolute in omnibus credendum esse Ministris dicimus; sed in ijs duntaxat, in quibus Apostolicæ doctrinæ testimonium ex traditione certissima Ecclesiæ proferunt. ad hoc enim missi sunt, vt Apostolicam doctrinam, perpetuo omnium seculorum & Ecclesiæ vsu comprobata prædicent. Porro hic non est nobis seducendus campus, sed nimiam in nostris opinionibus licentiam coercendi, & in ordinem redigendi: vt quod ad Apostolicam doctrinam certo referri non possit, non admittatur, nec pro articulo Fidei habeatur: quales sunt quam plurimæ Euangelicorum opiniones, quas ex Scripturis se elicere opinionis suæ dementati iudicio credunt contra totius antiquitatis & omnium seculorum fidem.

Credulitas orthodoxorum sapientissima

Neque etiam censeretur debet bruta omnino & asinina vt ipse loquitur, sed sapientissima & Christiano homine digna obedientia, si fideles Ministris, quos à Deo missos, & diuino munitos testimonio cognouerint, absolute obediant, & subiugent (vt monet Paulus) intellectum in obsequium Fidei. Brutum enim proprie id dicitur, quod sine ratione est. At cum fideles Ministris à Deo missis credunt, non sine ratione, sed cum summa ratione credunt, ob Apostolicæ doctrinæ omnium seculorum testimonio comprobata auctoritatem, etiam si discursus circa Scripturas facere nec sciant, nec velint. Brutum potius, & contra omnem rationem est, priuatam opinionem Fidei & testificationi omnium Sanctissimorum & doctissimorum ex omni antiquitate Patrum anteferre; & Fidem ac salutem suam in tam fragili fundamento collocare, quale est priuatum cuiusque iudicium.

& sine exceptione vlla.

Ex verbo, inquit, Dei edocti sumus nos conditionaliter debere iudicio Ministrorum acquiescere. At in Synagogis Euangelicis verbum Dei Calvinisticum tales condiciones docet. nos in verbo Dei vero talem conditionem non legimus, sed absolute iubemur obedire Ecclesiæ Ministris, quos constat esse à Deo missos, & diuino testimonio munitos.

nitos.

nitos. *Qui vos audit me audit. & Qui Ecclesiam non audierit, sic tibi scilicet Ethnicus & publicanus.* & verbum Ministrorum non vt verbum hominum, sed vt vere est verbum Dei iubemur accipere. Nam quod *Deutor: 17. 10.* dicitur; *Facies quodcumq; dixerint qui præsunt loco quem elegerit Dominus, & docuerint te iuxta legem eius:* illa particula *iuxta legem eius* non conditionē denotat, sed qualis doctrina futura sit eorum qui præsunt loco Domini exponit, vt eis intrepidē & securē obediamus. quia nimirum certō secundū legem Dei sunt nos docturi.

Probādos spiritus si ex Deo sunt, nec omni spiritui credendum esse Scriptura testatur. At non ostendit hanc probationem fieri debere more Evangelico ex Scripturis priuata opinione expositis. *Scriptura enim propria interpretatione non fit*, vt docuit Petrus. Longē certior & securior est illa probatio, si spiritus priuati cum doctrina, quæ omnium seculorum testimonio habita est Apostolica, conferantur. Vnde etiam fiet, vt sit *rationabile obsequium nostrum*, quod Paulus monet *Rom: 12. 1.* quid enim magis rationale, quam toti antiquitati, seu omnibus Sanctissimis & doctissimis Patribus de doctrina Apostolica testantibus fidem habere?

Tandem Zaborouius ita argumentatur; Si Ministri in doctrina errare non possunt, omnia eorum dicta & scripta erunt canonica auctoritatis. Non sequitur, Zaboroui, esse canonica auctoritatis, sed solum fundari in canonica auctoritate. Neque enim si Prædicatores ea doceant, quæ manifeste in Scripturis continentur, sequitur eorum omnia & singula verba esse canonica auctoritatis; sed solum fundari in canonica auctoritate; & esse de ijs rebus, quæ sunt canonica auctoritatis. Etenim vt alicuius dicta sint canonica auctoritatis, non satis est quod sint de ijs quæ sunt canonica auctoritatis; sed etiam requiritur vt omnia & singula eius verba à Spiritu sancto siue dictante siue assistente proficiantur; ita vt non solum ex rebus dictis, sed etiam ex dicente, qui ex peculiari assistentia Spiritus sancti dicat, quæ dicit, habeant canonicam auctoritatem. Porro qui legitimè missi sunt, ea quidem dicunt quæ in auctoritate canonica fundantur, quæq; vel ab Apostolis tradita, vel ab Ecclesia cui assitit Spiritus sanctus definita aut declarata sunt: tamen quia ea suis non Spiritus sancti verbis, hoc est immediatē a Spiritu sancto profectis dicunt, dicta eorum non sunt canonica auctoritatis, licet in canonica auctoritate fundentur.

Cum verò addit; Si Concilium nisi approbetur à Papa; quin etiam si ipse Papa Concilium approbans errare potest: sequitur reliquos ordinarios errare posse. Inprimis falsum assumit, Concilium in ijs docendis, quæ ex Apostolica traditione ab Ecclesia recepta aut definita sunt, errare posse. In

Probatio ministrorum non est ex oraculis propria opinionatione expositis.

Ministrorum dicta non sunt omnia canonica.

Concilia non errant in doctrina ab Apostolis tradita.

ijs enim

De Notis Ministrorum

*multo minus
Papa.*

Is enim nec Concilium, nec vllum particulare Prædicatorem errare posse, ex dictis manifestum est; idq; solum hic vrgemus. Nam in alijs rebus quæ ex traditione Apostolica certa non habentur, nec ab Ecclesia vniuersa recepta sunt, posse errare Concilia sine approbatione Papæ, non diffitemur. quia tunc sua, non ea, ad quæ prædicanda missi sunt, prædicant. Si tamen Concilia fuerint à Papa approbata, nequaquam in vlla re errare possunt. cum ea approbatio sit approbatio Spiritus sancti, Ecclesiæ & capiti ipsius assistentis, & declarantis ac definientis omnem, de qua dubium esse potest, veritatem iuxta Christi promissa. Deinde iterum falsum assumit cum ait Papam Concilium approbantem errare posse. Non enim de Papa vt est priuata persona loquitur, sed vt est approbans concilium, & publicum in Ecclesia officium gerit. quo modo nec in approbando concilio errare, nec aliquid quod falsum sit Ecclesiam docere potest. Est enim Christi priuilegio petra Ecclesiæ firmissima, aduersus quam portæ inferi præualere non possunt. Et non solum in errorem labi non potest, sed omnem ab Ecclesia errorem propulsat, propulsauitq; semper. Omnes enim hæreses, quotquot in Ecclesia fuerunt à Papa reprobatae, & condemnatae sunt.

CAPVT III.

Luterum & Caluinum à Deo missos non esse rectè à Catholicis probari.

Catholicorum commune argumentum est, quo Luterum & Caluinum à Deo missos non esse, ac proinde pseudoprophetas & pseudoapostolos esse hac ratione manifestissimè demonstrant. Qui enim à Deo mittuntur, ij vel ordinariè, vel extraordinariè mittuntur: ordinariè à legitimis Ecclesiæ Ministris: extraordinariè verò ab ipso Deo: prior illa dicitur missio à Deo mediata quia per homines; posterior immediata quia à solo Deo. At Luterus & Caluinus ad docendum Euangelium, neq; ordinariè neq; extraordinariè sunt missi. Non igitur vllò modo sunt à Deo missi. Si enim dicant Euangelici esse se ordinariè missos: dicant à quibus ordinarijs sunt missi, cum omnibus ordinarijs restiterint: & contra doctrinam omnium qui tunc erant ordinarij prædicauerint. Sin extraordinariè; producant miracula, vel aliud diuinum testimonium; non enim in re grauissima, quæ salutem omnium concernit, credi cuiq; absq; testimonio fas est.

Huius argumenti maiorem propositionem insufficientiæ accusat Zaborovius

Liber primus.

19

borouius. deest enim, inquit, tertium membrum. nempe cum aliqui partim ordinariè partim extraordinariè mittuntur: cuius specimen haberi ait in Ioanne Baptista, qui ex parte fuit ordinarius, quia Leuites natione; ex parte extraordinarius, quia ab ipsis se separauit in deserto, & contra ipsos docuit, vocans eos genimina viperarum *Matth 3. 7.* At fallitur Zaborouius. Nam missionis genera distincta sunt tantum duo, vt Luterus etiam, & Caluinus fatentur: tertium verò illud genus à Zaborouio additum, non est ab illis duobus distinctum cum ex illis duobus constetur, & accidentaliter tantum non essentialiter ab illis differat. vitium verò diuisionis esse Logici docent, talia membra assignare, quorum vnum in altero contineatur essentialiter. Deinde illud tertium membrum ad subdiuisionem non ad ipsam diuisionem pertinet: nam missio ordinaria subdiuiditur, in ordinariam tantum, & in eam quæ est extraordinaria coniuncta: similiter extraordinaria subdiuiditur in eam quæ est coniuncta ordinariæ, & eam quæ non est coniuncta.

Missio non est nisi aut ordinaria aut extraordinaria

At non solum contra regulas Logicas Zaborouius: sed multo magis in assignanda suæ opinionis ratione. Ioannem enim Baptistam dum ait esse ordinariè missum, si id intelligat de missione ad prædicandum Christum venturum, falsum quiddam & incredibile ait. Quis enim credet, capitales Christi hostes Annam & Caipham, qui tum erant ordinarij, & Principes Sacerdotum, quando ea missio Ioanni obtigit. (*Luc: 3. 2.*) Ioannem misisse ad Christi aduentum prædicandum? Si verò de alia quapiam missione ad officium Leuitarum pertinente intelligat, vt indicant illa verba [quia Leuites natione erat] non ad rem loquitur. Nam Leuitica missio ad munus Leuiticum obeundum nihil habet cum ea missione, quæ erat ad Christi aduentum prædicandum, commune. Non enim Leuitarum officium erat Christi venturum prædicare.

Ad Christum prædicandum Ioannes non missus ordinariè.

1.

2.

Ait deinde non minori ineptia: Luterum, Zuinglium, Bucerum, Oecolampadium fuisse partim ordinariè partim extraordinariè missos. Ordinariè, quia in Ecclesia Romana in qua aliquis ordo fuit ordinati sunt. Extraordinariè, quia singulari Spiritus sancti afflatu impulsu tam arduum reformationis negotium frendente mundo agresi sunt.

Luter. Calu. Sc. no missi ordinariè.

Verum multa hic ineptè dicuntur. Ineptum est & inopinatum dicere, homines Hæreticos & ab Ecclesia excommunicatos, ad docendum ab eadè Ecclesia missos esse. Nusquam enim auditum est Ecclesiam eos, quos pro Hæreticis habet, ad prædicandum Euangelium vnquam misisse; & ijs, quos per excommunicationem omni munere Ecclesiastico, & communione cum cæteris fidelibus priuat, munus longè præstantissimum Euangelium prædicandi commississe. Similiter ineptum est missionem ad docendum Euangelium dedu-

2. un deducere ex ordinatione. In ordinatione enim Catholica datur potestas consecrandi & offerendi corpus & sanguinem Domini pro viuīs atque defunctis, potestas item remittendi & retinendi peccata: non verò potestas prædicandi Euangelium. vnde non quicumque rite ordinati sunt, eo ipso ad prædicandum Dei verbum missi censentur; sed peculiari missione indigent, vt eis peculiaris potestas verbum Dei docendi demandetur, sine qua pro nō missi habentur. neque hoc nisi ignorantissimus rerum Ecclesiasticarum negare potest.

3. Deinde esto, ea potestas verbi Dei prædicandi in ordinatione confertur: ea tamen non esset ad prædicandum verbum Dei secundum doctrinam Lutheranam, Caluinianam, Arianam; sed secundum doctrinam Catholicam ab Apostolis ad nostra vsque tempora omnium seculorum testimonijs deriuatam. quinimo in missione Catholica hoc præcipue iniungitur, vt hæreticæ omnes doctrinæ euellantur, & verbo Dei profigantur.

4. Ineptum & illud est: ordinem Lutheranum & Caluinisticum, ex ordine qui est in Ecclesia Catholica probare. sunt enim hi ordines inter se contrarij. ordo enim Catholicus spectat ad ea munera & functiones, quas Lutherani & Caluinistæ cane peius & angue execrantur: quales sunt consecrare & offerre corpus Christi in altari, & iudicialiter remittere peccata. ordo verò Lutheranus & Caluinisticus ad eas functiones pertinet, quas Ecclesia Catholica detestatur & condemnat: qualis est Scripturarum sensu priuato & hæretico interpretatio, & Sacramentorum falso & Luterano ritu administratio.

Quam igitur ineptum est ex ordine Catholico Lutheranum ordinem deducere, cum potius hunc ille penitus destruat? Quanquam cum Zaborouius verum ordinem in Ecclesia Catholica agnoscit veritate cogente, eo ipso ordinem in suis cœtibus nullum fuisse, sed mendicatō ab Ecclesia Catholica seu Romana acceptum fateri cogitur.

neque extra ordinariè. Iam vero vt Lutherum, & alios, extraordinariè quoque missos ostendat: ait eos singulari Spiritus sancti afflatu impulsos ad reformationis negotium aggrediendum fuisse.

3. Quid insulsius? Vnde enim hunc singularem Spiritus sancti afflatum probat? aut quod de cœlo testimonium profert? rem enim tantam sine diuino testimonio credere, nefas est, & periculo plenissimum. Sic enim cuiusliceret suos errores afflatu Sancti Spiritus colorare, & alios in fraudem inducere. Et Sanctus Ioannes nos admonet, ne omni Spiritui credamus, sed probemus Spiritus si ex Deo sunt: probare autem aliter non possumus, nisi ex diuino testimonio: *quis enim cognouit sensum Domini, nisi Deus ipse reuelet? ea enim quæ in Deo sunt, nullus scit nisi Spiritus eius.* Et quemadmodum, si quis

Liber primus.

21

quis veniat dicens se à Rege missum ad aliqua conficienda & constituenda, nemo tam stultus inuenietur, qui nudis eius verbis fidem adhibeat; sed testimonij causa literas patentes exposcet, sine quibus nullam dicenti habebit fidem: quantò magis in rebus ad Fidem & salutem spectantibus, ea prudentia vri oportet, ne cuiquam, iactanti se Spiritu Dei afflatum, si diuino testimonio credamus. Hac enim de causa passim Deus conqueritur de falsis prophetis, qui se Spiritu Dei impulsos, & à Deo missos mendaciter iactant in perniciem & ruinam multorum. quibus etiam plurima & grauissima comminatur mala, apud Ieremiam *cap: 29. g. 27. 31.* Quocirca cum neq; Scriptura, neque ratio permittat, vt cuius dicenti se Spiritu Dei impulsus, absq; alio Dei testimonio fidem habeamus; neq; Lutero seu Zaborouio pro Lutero idem, dicenti æquum est fidem adhibere. nam omnes Hæretici, æquè ac Luterus, se Spiritu Dei agi iactant: quia tamen nullum pro se diuinum testimonium proferunt, nullam fidem apud nos merentur. alioqui si Lutero propter nuda ipsius verba credendum esset, omnibus Hæreticis æquè credendum esset.

At ne Christus quidem proprio suo de seipso testimonio credi voluit: *Si, inquit, ego testimonium perhibeo de meipso, testimonium meum non est verum.* Quomodo igitur Luteri testimonium de seipso verum erit? nunquid maior Christo Luterus censei debet? aut quod Christi auctoritas non euicit, cuius testimonium de seipso non poterat non esse verissimum, Luteri euincet auctoritas?

Quodsi Zaborouius putat Lutherum, eò quòd tam arduum reformationis negotium fremente mundo aggressus est (sic enim loquitur) non potuisse Spiritu sancto non afflari: sciat hoc idem quosuis Hæreticos dicere posse; & eodem modo, quo Euangelici, probare se esse mundi reformatores, & à Spiritu sancto id munus perticiendum accepisse. Quemadmodum igitur ipsis non credunt Euangelici, neq; credere debent, quantumvis Scripturas crepent; ita nec Euangelicis idem crepantibus alij credere tenentur. Cū enim res ista sit valde controuersa & periculi plena, quænam sit censenda vera reformatio Ecclesiæ, & quilibet ad suam opinionem Scripturas trahat: nunquam ea controuersia finietur, nisi adsit diuinum testimonium, quod litem istam dirimat.

Et vt directè tandem rem istam exponam: Dico propter quatuor causas, Lutherum in hac quam præten dit reformatione diuino testimonio eguisse. Primum, quòd valdè incertum & controuersum est, an ista quam moliebatur Religionis reformatio, esset vera & legitima reformatio, an fucus tantum reformationis, & secundum ipsius tantum opinionem reformatio, secundum autem veritatem abominanda deformatio. Nam licet hoc dicat

Diuinum testimonium Lutheri, & al. similibus necessarium.

1.

Luterus, mundus tamen totus reclamationt : reclamationt & ipsi Euangelici, Zuingliani nimirum & Calvinistæ, qui Luterum non Spiritu sancto afflatum, sed diabolis plenum, & hæresiarum ipso furioso dæmone deteriolem non semel faciunt : vt patet ex epistola Ministrorum Zuinglianorum ad Luterum. Porro Iurisperiti docent ex re dubia & controuersa nulli ius acquiri, sed probare prius debet ius suum certo & manifeste, vt illi actio in rem aliquam concedatur. quod quia non fecit Luterus, nullum quoque ius ad reformatam Religionem habuit. Probare quidem contendit ex Scripturis suam reformationem : tamen cum Scripturas ex propria opinione contra totius antiquitatis fidem interpretatur, probat sibi, non nobis. nos enim non solum probationes ipsius non admittimus, sed ex Scripturis, & ex totius antiquitatis testimonio probamus ipsius reformationem esse verissimam deformationem. ea enim, quæ tanquam singularissima Religionis decora omnibus seculis in Ecclesia sunt habita, sua ista reformatione auferre vult, nempe Missam, Cõfessionem Sacramentalem, septem Sacramenta, Sanctorum inuocationem, Imaginum vsum, Orationem pro defunctis, & alia plurima. Nisi igitur diuinum testimonium pro sua reformatione producat, testimonium ipsius pro seipso non est verum, & pro nullo habendum ex Christi ipsius decreto. ac proinde tanquam ex re non probata sed cõtrouersa nullum ius ad reformatum potuit habere.

*Euangelici
non essent cõ-
tenti hac pro-
batione.*

Et sanè si Arianus quispiam ad Euangelicos veniret Scripturis similiter vt Luterus instructus, & reformare eos vellent, vt Christum esse verum & naturalem Deum abnegent : dic Zaboroui, essetisne tam stulti, vt talem reformationem admitteretis, qua ad abiurandum verum Deum cogere mini? Reclamaretis profecto pleno ore, & reformatorem illum non Spiritu sancto sed dæmone afflatum diceretis, cur ergo plus vestro reformatore Lutero concedendum est, qui solis Scripturis sua opinione expositis, suam reformationem probauit? quod itidem Ariani & omnes Hæretici faciunt, estque per se incertissimum & fallacissimum id probandi genus, quippe omnibus Hæreticis commune. Si certum esset ex aliqua auctoritate irrefragabili Scripturas illo modo intelligendas esse, posset & deberet ea probatio valere plurimum : at cum nullam talem auctoritatem pro se proferre possit Luterus, probatio ipsius nulla est probatio. Quod ita verum est, vt ne Christus quidem ipse, qui verum sensum Scripturarum omnino tenuit, ea probatione prius voluerit vti, quam miraculis & testimonijs diuinis sibi auctoritatem conciliasset : quantumvis enim vera locutus fuisset, tamen creditum illi non fuisset, nisi diuinum pro se testimonium habuisset. Tantum valet ad Scripturæ interpretationem, vt ei credi debeat, diuinum testimonium.

Altera

Liber primus.

23

2

Altera causa est, propter quam Luterus in hoc negotio reformationis diuino testimonio eguit: quod eam reformationem, non suo priuato sed Dei ipsius nomine, & ex Spiritus sancti afflatu se facere iactaret; vti etiam Zaboronius asseruit eum fuisse à Deo extraordinarie & immediate missum. Omnis autem ratio postulat, vt qui nomine alicuius negotium aliquod tractare aggreditur, proferat literas patentes, quibus testificetur id sibi negotium tractandum ab alio commissum esse: id ni faciat nulla ei fides adhibebitur, nec ad vllos tractatus admittetur. Cùm igitur nullas tales patentes literas à Deo habuerit Luterus, nullum miraculum, nullum de cœlo testimonium; meritò nulla ei fides adhiberi debuit; nec ad reformationem quasi Dei nomine faciendam admitti.

*quia Luterus
Dei nomine
venisse se dicebat.*

Accedit etiam tertia causa: quod ea reformatio seditiose à Lutero instituta sit. Nam tota eò spectabat, vt subditi contra legitimos suos Superiores confurgerent, eisq; obedientiam denegarent: vt Episcopi & Pastores omni suo iure spoliarentur: vt bona & fundationes antiquissimæ pro Romanæ Ecclesiæ Sacerdotibus factæ à suis legitimis possessoribus ablatae in profanos Ministros conuerterentur: vt templa & altaria, in quibus Deo quotidie sacrificabatur, euenterentur, desolarentur, & in Synagogas Satanæ commutarentur: denique vt Catholicæ Religionis vsus omnis e mundo tolleretur; & eius obseruatores pœnis, carceribus, cruciatibus exquisitis, morte deniq; conficerentur. Perficiunt id egregie Luterani & Calumnistæ, vbi rerû potiuntur, vti in Belgio, Hollandia, Anglia, Gallia, Germania videre est; vbi talibus crudelitatibus contra Catholicos sæuitum est, quales neq; Nero, neq; Diocletianus reperit. Euangelicorum vox illa est; **EVANGELIUM SITIRE SANGVINEM.** Quis igitur seditiosum hoc & sanguinarium Euangelium à Deo inspiratum credere queat, & eius prædicatores diuino, & non potius cacodæmonis afflatu, ad illud prædicandum accessisse? Non enim Deus est disensionis, sed pacis & charitatis: dæmon autem *homicida fuit ab initio*, Christo teste. Certè si quis hoc modo ad reformandam Rempubicam accederet, vt omnia iura antiquissima abrogata cuperet, aduersus legitimos Magistratus rebellionem excitaret, subditos à debita obedientia suorum dominorum auerteret, & ipsam Reipub: formam immutare vellet: nonnè is manifestus turbator, & tanquam Reipub: hostis ab omnibus haberetur? & pro præmio, non gratiam, sed patibulum & crucem malam reportaret?

*quia seditiose
se egit.*

Friuola verò est illa responsio; Luterum Antichristi regnum euertisse, atq; adeo in opere sancto versatum fuisse. nam neq; Catholicam Ecclesiam esse regnum Antichristi vnquam probare potuerunt Evangelici, nisi

*Luterani nã
quam proba-
runt Ecclesiã
impudentissime*

*Romanam
esse regnum
Antichristi:
neq; armis il-
lud expugna-
ri debet.*

*Luter san-
guinarius.*

impudentissime calumniando: neq; regnum Antichristi armis & crudelitate, sed mansuetudine potius & diuini verbi virtute more Apostolico eueri debuit. denique tota vis diaboli nunquam efficiet, vt Ecclesia Catholica illis vnquam hæresibus opprimi & extingui possit Christi promissis freta; qui aduersus eam portas inferi nunquam præualituras esse pollicitus est. quod re ipsa hæcenus impletum est. Non enim potuerunt eam opprimere innumera hæreses per hos mille sexcentos annos: quin potius eas omnes ipsa oppressit; & de omnibus gloriose triumphauit. multò minus id poterit hæresis Luterana & Caluiniana, quæ ipsa potius in mundo in dies magis ac magis extinguitur; Ecclesia vero Catholica augetur nouis regnis & prouincijs, etiam in orbe nouo.

Neque verò dicere quis potest Luteri sectatores scuisse in Catholicos omni crudelitatis genere; ipsum tamen Luterum nihil tale docuisse aut admisisse. Proferam ex scriptis ipsius aliqua, quæ sanguinolentum hunc spiritum erga Catholicos manifeste testantur. Nam *tomo 1. in lib: contra Siluestrum Priuatum*, sic scribit; *Si fures furca, latrones gladio, hereticos igne tollimus: cur non magis hos Magistratus perditionis, hos Cardinales, hos Papas, & totam istam Romanæ Sodomæ colluuiem, quæ Ecclesiam Dei sine fine corrumpit, omnibus armis impetimus, & in eorum sanguine manus nostras lauamus?* Quid clarius? Certè si Apostolos ignem de celo descendere cupientes ad absumendos illos malos homines Christus sic increpuit, vt diceret: *Nescitis cuius spiritus sitis*: quid putamus diceret in Luterum, arma, sanguinem, & excidium aduersus legitimos Magistratus spirantem? Et verò tanto odio in Papam, Imperatorem, & Principes Catholicos flagrabat, eorūque interitum perpetuo cupiebat, vt prohibere ausus fuerit, ne contra Turcam quisquam pugnaret aut contribueret, donec isti omnes per Turcam expugnarentur & interirent. Ita enim scribit *tomo 2. in assertionem articuli sui 34* *Preliari aduersus Turcas est repugnare Deo visitanti iniquitates nostras per illos.* & infra; *Qui habet aures audiendi audiat, & à bello Turcico absteineat, donec Papa nomen sub cælo valeat.* & in admonitione contra duo edicta Casarea sic scribit; *Ne prorsus obsequentes simus (Principibus) pugnando aut contribuendo aliquid contra Turcam, quandoquidem Turca decuplo prudentior & probior est, quàm sint nostri Principes.* Denique in eodem *tomo 2. in lib: aduersus falsò nominarum ordinem Ecclesiasticum*, ita loquitur; *Obijcient, inquit, periculum esse, ne excitetur tumultus contra Episcopos & Principes Ecclesiasticos.* En respondeo: *Scilicet ideo negligetur verbum Dei, & peribit totus populus.* Ita nebulo iste nesciuit alium modum prædicandi verbi Dei & saluandi homines, quàm armis, tumultibus, & sanguine Principum Christianorum.

Ibi quæ

Ibi quæ mox legit suum decretum contra omnes Episcopos & Principes Catholicos, nempe vt omnes qui rem, honorem, sanguinem, vitam impendunt ad eos euertendos, sint filij Dei habendi : qui verò eis obediunt & subditi sunt, hi Satanae ministri censeantur.

Ex his itaque perspicuum est, Luteri sectatores magistri sui spiritu, & seditiones contra legitimos Magistratus mouisse, & tantum Christiani sanguinis effudisse, quem spiritum cum Christus non esse suum luculenter testatus sit. *Luc: 9. 55.* quis non videt, Luteri Euangelio non esse credendum, nisi diuinum testimonium suæ missionis adferat?

At opponet forrè Zaborouius Catholicos quoq; ire in Hæreticos, eos quæ igni tradere comburendos. Verum magna est in hoc inter Luterum & Catholicos differentia : quia quod Luterus nullo iure fecit, hoc Catholici iure optimo faciunt. faciunt enim vt legitimus Magistratus facit : illi verò vt seditiosi faciunt & rebelles. Quemadmodum enim, cum Magistratus legitimi contra rebelles & sceleratos procedunt, non faciunt id vt seditiosi, sed vt veri iudices & vindices malorum, *non sine causa gladium portantes Rom: 13. 4.* qui verò nulla legitima potestate sanguinem fundunt, & tumultus excitant, ij inuasores & seditiosi habentur : ita qui in Ecclesia nulla potestate legitima probata, nisi suo proprio testimonio sanguinem fundunt, inuasores & seditiosi haberi debent : cum verò legitimus Magistratus rebelles & apostatas punit, iustissimè id facere censendus est.

Quarta denique ratio est Christi ipsius doctrina. Is enim tales reformatores, qui veniunt ad nos in vestitu ouium, intus autem sunt lupi rapaces, tanquam pseudopphetas cauere multò ante præmonuit. Non enim eos cauere iussit, qui mittuntur, sed qui veniunt : nam illi literas quasi patentes suæ integritatis & doctrinæ missionem legitimam habent; hi verò nihil tale proferunt, meritò quæ sunt de mendacio suspecti. Ait verò, illos venire in vestitu ouium, hoc est honestam aliquam & in speciem piam & sanctam rationem prætendentes intrinsecus verò esse lupos rapaces : veniunt enim vt oues ; exeunt vt lupi. An non tribus his notis Luterum & eius assecclas designare voluit? Luterus enim se esse à Deo missum nullis vnquam solidis rationibus probare potuit, nisi à proprio suo testimonio ductis: venit igitur, non missus est. venit autem in vestitu ouium, sub specie libertatis Euangelicæ vindicandæ; puri verbi Dei prædicandi. Verum sub hac specie quæ mala non induxit? Nam libertatem Euangelicam, non in seruitute peccati amouenda, vti Scriptura docet, sed in liberatione ab obedientia Superiorum legitimorum, ab obseruatione præceptorum Ecclesiæ, à ieiuniorum & aliarum carnis afflictionum obligatione, à debito confitendi peccata, & simili-

Catholici iure multant hereticos.

4.

Luter missus se à Deo nūquam probauit.

*licentiā sce-
lerū induxit.*

bus constituit, quæ libertas quid aliud est quàm mera licentia quiduis impunè faciendi? Nam sicut in Repub: esset summa impunitas & licentia, si pœnæ tantùm fori diuini & alterius vitæ delinquentibus proponerentur; nec vlla ab hominibus irrogari posset: ita & in Ecclesia si nulla auctoritas esset homines ad officium cogendi, & pœnis cœrcendi; summa impunitas, & ex ea dissolutio ac effrenis licentia sequeretur. Atque ita sub specie libertatis veram libertatem, quæ in immunitate a peccato cōsistit, Luterus abstulit.

Denique licet Luterus veniens ouem referret, & nihil turbulentum, aut crudele prima facie exhiberet; tamen postquam ingressus auctoritatem apud suos obtinuit, tam ferocem se lupum exhibuit, vt in sanguine Catholicorum manus non semel lauerit; alios quæ ad idem feritatis lupinæ genus excitauerit, vt ex ipsius verbis paulò antè docuimus:

*Luteri poste-
ri lupi ouilla
pelle tecti.*

Exemplum parentis imitantur filij. Cùm enim Luterani ad Catholicos veniunt, & sub Catholicorum sunt potestate; vestitum ouium præferunt: pacem pollicentur: confederationem in Religione deprecantur: fratres & amicos fidelissimos se futuros spondent: at cum semel Catholicos suæ potestati subiecerunt, dentes ostendunt feritate lupina; in templa Catholica inuolant: bona Deo & Catholicis vsibus dicata deuorant. Parochos & Sacerdotes eijciunt: vsu Religionis Catholicæ interdunt: & repugnanter carceribus premunt: bonis spoliunt: exilio mulctant: morte deniq; tollunt è vitis. Vt verò fucum faciant, aiunt se non prætextu Religionis ista facere, sed ob inobedientiam mandatis Principum: quæ mandata cùm sine violatione Fidei Catholicæ impleri non possint, eodem res recidit, ac si directè ob vsu Religionis Catholicæ id facerent. Cùm igitur in Luterum ea omnia quadrent, quæ in pseudopphetas mandato Christi cauendos conueniunt: meritò à Lutero testimonium diuinæ missionis requirimus, ne fortè ex eorum numero sit, quos fugiendos Dominus mandauit.

C A P V T IV.

Eos, qui ad reformandam Ecclesiam extraordinariè mittuntur, miraculis, vel alio diuino testimonio indigere immeritò Euangelici negant.

Cùm non possint Euangelici suæ missionis auctorem Deum ostendere; omnibus ingenij viribus persuadere nobis conantur rem prorsus incredibilem

abilem. nempe eos qui ad reformandam Ecclesiam mittuntur; nec miraculis, nec aliquo diuino testimonio egere. Et quidem certum est, si ij qui reformant sunt ordinarij Pastores, quibus ex officio ordinario talis reformatio secundum modum sibi concessa potestatis incumbit, eos nouis miraculis non egere: quia sunt ordinarij Pastores & missionem suam legitimam eorū à quibus missi sunt testimonio comprobare possunt: & ad eos qui diuinitus missi sunt & miracula ediderunt, referre. At si extraordinaria missio sit, hoc est immediatè ab ipso Deo, non ab hominibus, dicimus necessariò requiri vel miracula noua, vel aliud quodpiam singulare diuinum testimonium, propter quatuor causas in capite præcedenti allatas. alioqui sine diuino testimonio nullo modo constare poterit missionem illam à Deo esse. vnde tota auctoritas missionis illius concidet.

Plures, inquit Zaborouius, dare possumus extra ordinem missos, qui nulla miracula ediderunt. vti in Ezechiele, Ieremia, Osea, Amos, Sophonia, Abdia, Ioël, Malachia, & Ioanne Baptista manifestum est, qui nulla miracula ediderunt.

At non aduertit me dicere, vel miracula, vel aliud diuinum testimonium requiri. Quos igitur mittit immediatè Deus: aut illis potestatem miracula patrandi confert, vt in Moyse & Apostolis perspicuum est: aut alio signo visibili eos esse à se missos demonstrat, vt in missione Prophetarum factitatum est. Multis enim modis Prophetæ à Deo mittebantur. Aliqui enim à Prophetis à Deo missis oleo vngebantur & eis diuina voluntas declarabatur: vt factum est cum Eliseo, qui ex præcepto Dei ab Elia in Prophetam vnctus est, ex eodem cornu olei quo Reges vngebantur: 3. Regū: 19. 16. Alij mittebantur insiliente in eos Spiritu Domini, & eos extra se faciente, & excitante ad vaticinandū: tales fuerunt illi 70. viri de quibus Num. 11. dicitur: *Cum quærequieuisset in eis Spiritus, prophetauerunt*: huiusmodi etiam erat grex ille Prophetarum, ad quos Saul erat à Samuele missus, vt in eum quoque insiliret Spiritus Domini, & prophetaret 1. Regum. 10. Quod etiam contigit lictoribus, quos miserat Saul ad capiendum Dauidē in Naioth Ramatha. *Cum enim uidissent cuneum Prophetarum vaticinantium, factus est etiam Spiritus Domini super illos, & prophetare ceperunt etiam ipsi.* 1. Reg: 19. Saul item quærendo Dauid hoc modo prophetauit coram Samuele spoliando se vestimentis suis, & canendo nudus tota die illa ac nocte. vnde & exiuit prouerbum, *Nū & Saul inter prophetas?* Hac etiam ratione Dauid legimus prophetasse, cum saltans & ludens deducebat Arcam Domini, & cantores qui psallebant cum illo erāt prophetantes 2. Reg: 6. & 1 Paralip. 15. & 16. Denique & Apostoli die Pentecostes lapso visibiliter in eos Spiritu sancto hac ratione loquebantur

Varia testimonia Dei missionis extraordinaria

2.

3.

varijs linguis magnalia Dei, ita vt quasi extra se facti, velut ebrij musto videntur.

4.

Alij porrò mittebantur Deo solùm sanctitatem illorum demonstrante. Quorum enim sanctitas diuinitus nobis demonstratur, ab eis falsitas omnis & erroris suspicio abesse debet. Quomodo Ioannis Baptistæ sanctitatem Deus ab ipsa eius natiuitate declarauit, ita vt stuperent omnes dicentes; *Quis putas puer iste erit? quia manus Domini erat cum illo.*

Prophetas omnes missos cum testimonio manifestos.

His igitur & similibus modis, Deus ijs quos mittebat testimonium dabat visibile. Cùm enim illa missio per se inuisibilis esset, debuit signo aliquo visibili patere: alioqui constare non poterat, an esset à Deo. frustra què Deus in Scripturis conquestus fuisset de ijs qui falsos Prophetas sequebantur, si nulum erat signum quo dignosci possent, qui à Deo missi essent qui verò non. Quocirca etsi Prophetæ illi, quos adducit Zaborouius, non legantur vlla miracula edidisse: quia tamen more communi Prophetarum fuerunt à Deo missi, visibili aliqua ratione Deo ipsis testificante, ideo testimonium suæ missionis à Deo habuerunt. Et quamuis in particulari de ijs non legatur, quo ritu à Deo sint missi (non enim omnia quæ facta sunt Scriptura commemorat) tamen satis est, quòd eos & Prophetas fuisse à Deo missos, & pro talibus à populo receptos, Scriptura testatur. Nam eo ipso intelligitur more communi Prophetarum, hoc est, signo aliquo sensibili fuisse à Deo missos. nisi enim visibili aliqua ratione id populo constaret, fieri non poterat, vt populus prudenter crederet eos esse Prophetas à Deo missos.

Probatio æquè incerta Lutheranorū

Iam verò cùm ratione ex absurdo petita Zaborouius vrgeretur: quod nulla ratio permittit, vt in re Fidem & salutem concernente cuius fides adhibeatur dicenti se à Deo missum, alioqui Arianis quoque & quibusuis Hæreticis æquè credendum esset: ridiculè respondit; Non quæritur, inquit, quid dicat, sed quid verè dicant. Ariani enim dicunt, sed non probant ex dogmatum suorum veritate. Quid enim? nunquid hoc ipsum Lutheranis ab Arianis obijci non potest, quòd dicant, & non probent? Nam sicut Lutherani putant se probare Scripturis sua opinione expositis, ita idem putant & Ariani: ergo aut vtrisque probantibus æquè est credendum, aut neutris. Vnde enim constat Lutheranis dogmata sua melius ex Scripturis probare quàm Arianos; aut verius Scripturas ab illis quàm ab istis exponi, nisi ex proprio de seipsis testimonio? Deinde, cùm probatio æquè est incerta ac id quod probatur, omnium consensu vitiosissima est eiusmodi probatio: non enim ignotum ex ignoto, sed ex noto probari debet: atqui Euangelici probant suam missionem ex dogmatum suorum veritate, quod æquè incertum ignotum què est, ac id quod probandum proponitur: non igitur nisi vitiosissimè probant. Probant enim dogmatum

dogmatum veritatem ex Scripturis sua opinione intellectis. atqui hæc probandi ratio non solum incerta est, sed etiam fallax & periculosa: unde enim constare potest secundum unius opinionem potius, quam secundum alterius, Scripturas exponendas esse; cum humanæ opiniones & incertæ sint, & sæpe de eadem re contrariæ? cum quæ omnes Hæretici hoc probandi modo suas hæreses ex Scripturis confirment, omnium Hæreticorum quantumvis inter se pugnantium probatio esset admittenda: singulis enim sua probatio videtur vera. quare aut singulis credendum esset; aut ex tali probatione nunquam certitudo in qua animus conquiescat haberi poterit.

Adhæc satis ex Apostolo ostendimus, non ex prædicationis veritate quæ nobis incerta est, sed ex missione verum prædicatorem cognoscendum esse. *ex doctrinæ veritate, de qua non constat.* Quomodo enim prædicabunt nisi mittantur? Prius enim est mitti à Deo quam prædicare. & ex illo hoc inferendum esse testatur Paulus. Alioqui si sine missione potest esse vera prædicatio, falsum erit quod Apostolus virget; *Missus à Deo non potest fallere in ijs, in quibus missus est.* Quomodo prædicabunt nisi mittantur. Nam quod ait Zaborovius: In Ecclesia legitime constituta missionem antecedere tempore prædicationem, attamen Ministerij legitimi animam esse veram prædicationem: id verum quidem est non posse à vero Ministerio abesse veram prædicationem: neque enim quicumque mittitur à Deo ad falsum prædicandum. Sed hanc veritatem prædicationis à nobis non posse cognosci nisi ex legitimæ missionis testimonio cum Paulo asserimus. Cum verò ait Zaborovius: Si tu vel millies ordinatus (dicere debuit missus) esses, & falsa doceres, utique pseudopropheta esses; impossibilia loquitur. Neque enim à Deo missus in ijs docendis ad quæ missus est, falsa docere potest: nam cum falsa docet, ea docet ad quæ docenda se esse à Deo missum siue immediatè, siue mediatè, probare non potest. Si igitur ostendit se à Deo missum, in eo falsa docere non potest.

Virgetur verò Zaborovius alio quoque absurdo: quod, si ex solis Scripturis de doctrinæ veritate fieri debeat iudicium, consequens sit, ut populo iudiciū de vera & falsa Scripturæ interpretatione deferri debeat: quod est omnium errorum seminarium. quomodo enim rudis populus de rebus difficilissimis, circa quas etiam doctissimorum ingenia digladiantur, certum facere iudicium potest? Ad id Zaborovius directè quod responderet non habebat; sed solum ait Scripturam per Scripturam exponendam esse, obscuriora loca per illustriora. At hoc ipsum est quod quæritur an populus sit tanti iudicii, ut vel Scripturam per Scripturam, obscuram per clariorem interpretari certò possit: vel de Ministrorum expositione scripturam hoc modo interpretantium certò decernere. si enim hoc non possit; non poterit quoque certus esse ex Scripturis de veritate doctrinæ. si autem dicatur posse; id non solum absque *Vulgo daretur de doctrinæ veritate iudicium absurdissimè.* *quia hanc illud cognoscere non potest.*

De Notis Ministrorum

verisimilitudine, sed etiam cum maxima absurditate tribui populo potest? Scinditur enim incertum studia in contraria vulgus. & quod populus Arianus verissimum iudicat, hoc populus Luteranus falsum esse decernit.

Vultis, inquit Zaborouius, auditores vestros sine omni iudicio esse, quod facilius illis brutam & irrationalem obedientiam persuadeatis. Falleris, Zaboroui. Nolumus enim populum sine iudicio esse: sed sapientissime iudicare, eam tantum doctrinam sequendam esse, quam esse Apostolicam ex Apostolorum traditione omnium seculorum testimonio clarissime constat. Neque brutam & irrationalem obedientiam ipsis persuademus, quos volumus cum Paulo subiugare intellectum in obsequium Fidei: etiam si nec id quod docetur ratione assequantur, neque Scripturarum certam & exactam notitiam habeant. quæ est cœlestis planè & rationalis obedientia nobis in Scripturis commendata. Quid enim rationabilius, quam id, quod diuinum esse constiterit, sine alia disquisitione sequi? & obedire Deo est summa ratio & sapientia: quam si Evangelici haberent multo sapientiores essent, neque tot erroribus in devia ruerent.

Nulli constat antiquam doctrinam doceri ab Evangelicis.

constat verò nouam doceri.

Iam verò rationem illam Mornæi, qua ostendit ab Evangelicis miracula exigenda non esse, quod non nouam doctrinam inducant, sed antiquam restaurent, valde probat Zaborouius. sed immerito. Nam hoc ipsum est in controuersia, an Evangelici non nouam doctrinam inducant, sed antiquam restaurent: vel potius antiquam corrumpant, & nouam introducant. Si enim certò constaret eos non inducere nouam doctrinam, sed antiquam reuocare, proculdubio non essent ab eis noua miracula exigenda: constaret enim eam doctrinam prædicare, quæ multò antè fuisset miraculis & diuinis testimonijs comprobata. At cum id non constet, imò constet contrarium, ex totius antiquitatis testimonio (cui enim de antiquitate doctrinæ, quam ipsi antiquitati magis credendum est?) quis non videt nullum Evangelicos antiquæ doctrinæ testimonium habere, nisi à seipsis? quod testimonij genus ineptum & absurdum est. Cedo enim, vbi doctrina Luterana vel Calviniana, eo modo quo ab ipsis traditur, cum omnibus suis articulis per mille sexcentos annos visa est vel audita? quis auctor ex tota antiquitate proferri potest, qui eam vel docuerit totam, vel scriptis consignatam ad posteros transmiserit? Habemus sanè ex antiquitate aliquas hæreses aliquibus temporibus extitisse, & post interijssè: at Luteranam & Calvinianam hæresim, nulla vnquam ætas vidit, nulla vel tenuis memoria ipsam aliquando extitisse testatur: quomodo igitur antiqua doctrina censi debet, de qua nulla in antiquitate memoria vel mentio? Quare cum ex antiquitate de doctrinæ suæ antiquitate nullum testimonium adducere possint; solo proprio iudicio

dicio suam doctrinam antiquam esse testificantur. Nam quum aiunt se doctrinam antiquissimam ex Apostolicis scriptis docere: id non aliunde quam ex sui cerebri opinione probant. Quæro enim, unde ipsis constat scriptorū Apostolicorum hunc esse proprium & germanum sensum, cum tota antiquitas contrarium ex scriptis Apostolicis senserit? Nihil aliud asserre possunt, nisi quod sibi ita videatur Scriptura intelligenda, quod quid aliud est, quam sui capitis testimonio probare, & in eo Fidei suæ fundamentum absurdissime collocare? Quid enim? an non idem dicunt omnes alij Hæretici? quibus de se testificantibus cum non acquiescant Euangelici, ipsis quoq; Euangelicis eadem ratione acquiescendum non est. Pari enim ratione vtriq; probant, scilicet ex propria opinione: seu quod ipsis videatur eum Scripturarum sensum esse.

Magis verò ridicula est Zaborouij probatio. Legitimè, inquit, a Deo missi sumus; quippe cum Dei veritatem ex professio doceamus. Ministri enim diaboli ex professio veritatem docere nequeunt; cum in multis mentiantur: Ministri verò Euangelici ex professio in omnibus articulis veritatem docent. Quis non videt hic Zaborouium pro concessio sumere, quod probandum est? Unde enim constat Euangelicos ex professio, hoc est, in omnibus veritatem docere? hoc enim præter ipsos nullus credit: & probationes quas afferunt, sophisticas atq; Scripturæ contrarias esse omnes alij demonstrant. Dicent ex Scripturis id constare, si de Scripturis sensu Luterano expositis intelligant, fateor. Nam, si de Scripturis secundum sensum totius antiquitatis intellectis loquantur, oppositum constat. unde ergo suum sensum esse sensum verum & Apostolicum probabunt, nisi ex proprio testimonio; nempe quod sibi ita ex Scripturis videatur. quo etiam modo Ariani probabunt suas hæreses ex Scripturis sibi videri veras. Dicent Arianos dicere sed non probare. at sicut Euangelici sibi videntur sua ex Scripturis probare, ita & Ariani sibi videntur probare. unde igitur certò constabit illos non hos Scripturas verè intelligere?

En vides, Zaboroui, quomodo vestra quam assertis Scripturæ interpretatio, in proprium cuiusq; iudicium & testimonium resoluitur. de quo illud Christi dici potest; *Si ego testimonium perhibeo de meipso, testimonium meum non est verum.* Nam etsi Christus de seipso non poterat nisi verum testimonium perhibere: tamen hominum respectu non erat ita verum ut fidem faceret, nisi alio claro & illustri diuino testimonio comprobaretur. Quare, cum vos nullum aliud præter vestrum de bona Scripturæ interpretatione testimonium adferatis, testimonium vestrum non est verum; nec tale quod fidem ullam mereatur.

*Veni docere
ab Euangelicis
nemo credit
præter ipsos.*

*Hoc genus
probationis
doctrinæ pro-
prie ipse Christi
repuat.*

Obijciebat

*Nullum par
exemplum,
habent Euā-
gelici.*

Obijciebat Mornæus exemplum Helciæ 4. Reg: 22. & 23. & Esdræ 2. Esdræ 8. qui ex libro legis reformarunt Ecclesiam nullo miraculo facto. verum ea obiectio nihil iuuat aduersariorum causam. tum quia, quod illi iure fecerunt, hoc aduersarij iniuria sibi vsurpant: tum quia illi in sua reformatione eos tantum errores tollebant, qui extra omnem controuersiam, & omnium opinione errores erant. & Scripturas de quarum sensu apud omnes constabat, pro regula reformationis statuebant. quorum nihil in reformatione istam Luteranam & Caluinianam quadrare potest. Nam quod ad primum attinet: nemini dubium est eum, qui iure aliquid facit, rectè facere; nec alia probatione opus habere, nisi iuris sui exhibitione. Helcias igitur & Esdras iure illam reformationem fecerunt; quia legitima potestate: erant enim ordinarij & legitimi Pastores. Neque nouis miraculis opus habebant, cum manifeste constaret eos fuisse legitime missos, & ratione officij ordinarij id potuisse facere. Constabat etiam omnibus eos non nouam, sed antiquam doctrinam docere; ad antiquum autem doctrinam antiqua miracula sufficiunt. Ministri verò Euangelici nullo iure reformationem Ecclesiæ aggressi sunt, sed temere & vsurpatè: nam neq; ab ordinarijs Ecclesiæ Pastoribus missi sunt; neq; ipsi ordinarij Pastores fuerunt. Quocirca cum ordinarium testimonium suæ missionis producere non possint, meritò ab illis extraordinarium requiritur, hoc est miracula. alioqui sine testimonio nudis verbis credendum non est, dicentibus se esse à Deo missos.

*Sacerdotij &
magisterij di-
uersa officia.*

At inquit Zaborouius, Luterum, Oecolampadium, Zuinglium, Bucerum, priuatos non fuisse. quia & Presbyteri, & Doctores Theologiæ fuerunt. quasi verò idem sit, esse Presbyterum vel Doctorem in scholis, quod esse missum ad prædicandum Euangelium. Presbyteri enim sunt legitimi presbyteri, si eis conferatur potestas ad consecrandum & offerendum corpus & sanguinem Domini, & ad remittenda iudicialiter peccata in confessione. hoc enim forma ordinationis sonat, vt verò sint Prædicatores legitimi, debet illis conferri potestas prædicandi verbum Dei, non secundum priuatos sensus, sed secundum doctrinam eorum à quibus missi sunt: hoc est, secundum eam doctrinam quam semper & omnibus seculis tenuit Catholica Ecclesia. Similiter aliud est esse Doctorem in scholis, aliud in Ecclesia. Nam ijs qui in scholis doctoratu insigniuntur, fit potestas cathedras scholasticas non Ecclesiasticas conscendendi, & in scholis non in Ecclesia docendi: illa quæ potestas confertur etiam à Principibus & Dominis secularibus, hæc verò ab ijs solis qui Ecclesiæ præsunt. Quamuis igitur Luterus, Zuinglius, & alij Presbyteri fuerint legitime in Ecclesia Catholica ordinati; non tamen idcirco fuerunt legitimi ad prædicandum Euangelium. cum hæc potestates in

Ecclesia

Ecclesia sint distinctæ, & innumeri sint apud nos Presbyteri, quibus nulla facta est potestas Euangelium prædicandi.

Quoniam etiam quod ad potestatem Presbyteri attinet, ea Lutero nihil profuit: siquidem eam ipse ciuravit; ea quæ legitime nunquam in sua apostolice usus est. Cum enim potestas ordinis sit solum ad consecrationem & oblationem Corporis & Sanguinis Domini, & ad absolutionem iudicialiter à peccatis, quos actus semper est execratus Luterus: non potuit illi ad aliquid ea potestas prodesse. Cui enim potestati quis sponte renuntiat; aut eius usu ab Ecclesia per excommunicationem interdicitur (vbi in Lutero factum est) non potest iure eius auctoritate se tueri. Similis ratio est de doctoratu. Doctores enim Scholastici scholis præficiuntur, non Ecclesijs: alioqui omnes ludimagistri essent Ecclesiæ Doctores. non igitur ex doctoratu scholastico vera missio ad prædicandum Euangelium concludi potest. Quare cum doctores Evangelici mittantur ad Euangelium docendum: nequaquam ea missio legitima & diuina censei debet. quomodo enim sunt à Deo legitime missi, cum non à legitime missis mittantur? Quum enim ipsi non sint missi à Deo, nec alios mittendi ius & potestatem habent: sine potestate autem legitima non potest missio dici legitima. Deinde cum mittuntur ad euertendum Euangelium, non ad inducendum mittuntur. quæ enim secundum Euangelium hucusque credidit mundus, facta ab Apostolis initio; ea isti nouo suo Euangelio demoliri & tollere iubentur. Denique si Luterus censeatur à Deo missus ad prædicandum Euangelium, certè Zuinglius non poterit dici à Deo missus: aut si is concedatur missus, ille missus dici non poterit: cum isti duo contraria Euangelia prædicauerint; vti ex eorum continua de præcipuis Fidei articulis pugna perspicuum est. Quemadmodum ergo duo contraria Euangelia non possunt esse simul vera: ita nec duorum contrariorum Euangeliorum prædicatores possunt esse ambo veri.

Quod vero ad alteram rationem attinet, propter quam Helciæ & Eladræ exempla Evangelicos non iuuant: certum est Helciam & ElDRAM in ijs rebus reformasse Ecclesiam, quas non ipsorum tantum, sed omnium opinione constabat esse malas, & legi diuinæ contrarias. & eam doctrinam induxisse, quam omnium opinione constabat fuisse secundum legem Dei. At Evangelici non eas res tollunt ab Ecclesia, quas omnibus constet esse malas: imò quæ semper in Ecclesia pro bonis singularibus à tota antiquitate sunt habitæ; vt est Missa, veritas Corporis Christi in Eucharistia, confessio Sacramentalis, & alia; ea ipsi mala iudicant: neque ex ijs Scripturis id probant, quas ita intelligendas omnibus constet; sed quæ ipsorum tantum opinione ita sint intelligendæ. Vti igitur in ijs quæ certo & omnium opinione mala

*Sacerdotiis
Lutero nil
profuit.*

*neg, doctoratus, tam illi,
quam alijs.*

1.

2.

3.

*Euangelicis
damnant,
quæ omnibus
alijs probata.*

De Notis Ministrorum

sunt tollendis licita & bona est reformatio, siue consentiat populus, siue dissentiat: ita in rebus controuersis, de quibus certo non potest affirmari quod malæ sint, & ex illis Scripturis de quarum sensu controuertitur, non est licita reformatio; præsertim priuata cuiusq; auctoritate, nisi diuina accedat auctoritas. alioqui seditiosis omnibus pateret ampla via Rempub. reformationis prætextu perturbandi: prætendunt enim ij semper aliquam speciem boni, cum tamen nihil nisi perniciem Reipub. moliantur.

*nō repererūt
Ecclesiam
male constitutam
quoad
dogmata.*

Torquet se hic in omnem partem Zaborouius. concedi enim si Remp. bene constitutam priuatus quis reformare vellet, turbator merito haberetur. at, inquit, Ecclesia Romana non fuit bene constituta. Sed petit principium Zaborouius. hoc enim ipsum est quod quæritur an Romana Ecclesia quoad res Fidei fuerit non bene constituta. Soli enim Euangelici & Apostatæ id asserunt: omnes alij negant. Quin & antiquitas omnis reclamationat, quæ eos omnes articulos Fidei credidit, quos nunc tenet sancta Romana Ecclesia. neque verò vlla ex re magis colligi potest bonus Ecclesiæ status, quam si veteri Ecclesiæ & toti antiquitati sit conformis. Neque verò Euangelici hanc de statu malo Ecclesiæ aliunde probare possunt, quam ex propria opinione, seu ex Scripturis proprio sensu expositis? quæ probatio nullius momenti haberi debet. An enim non omnes Hæretici hoc idem alij non possunt possunt proprio iudicio excæcati? an Euangelicis hoc idem alij non possunt obijcere? nunquid igitur propterea ab alijs se reformari permittent? Neque illud simile Zaborouij aliquid habet ponderis. Si, inquit, intempesta nocte ordinarij vigilantes somno vinoque sepulti iacuerint, hostis vero urbem inuasurus mœnibus scalas admouerit; sit licet ex infima plebe, qui populum ad defensionem excitaret non solum ab eo cuius auctoritate id fecerit non quæritur, sed hostibus ab vrbe repulsis postea illi præmia decernuntur: ita fecit Luterus, & alij, ordinarij Ecclesiæ vigilantes somno sepultis. Multum sane hoc simile est dissimile. Neque enim Luterus hostes ullos ab Ecclesia repulit, sed induxit: neque hostibus externis, sed Magistratui domestico & ordinarijs Ecclesiæ Pastoribus bellum intulit; & ciuile in Ecclesia bellum concitauit: neq; certissima aliqua mala ab Ecclesia reiecit; sed ea, quæ maxima sunt Ecclesiæ bona, & quæ pro bonis à tota antiquitate sunt habita, sustulit non Scripturis veris, sed proprio iudicio armatus quod omnes seditiosi facere consueuerunt. Merito igitur tanquam turbator & perduellis ab omnibus haberi debet, & omnium malorum Ecclesiæ causa. neque ut præmia illi decernantur cogitandum, sed potius ut debitas perfidiæ & impietatis suæ poenas luat agendum.

hostes in Ecclesia induxerunt.

Negat quidem Zaborouius, Luterum cum suis sectatoribus bellum in Ecclesia

Liber primus.

35

Ecclesia excitasse, & homines ab obedientia suorum legitimorum Pastorum, & ab antiqua Fide auertisse. Sed qua fronte, ipse Luterus sit testis: is enim contra Papam & Episcopos classicum cecinit, cum eos omnibus armis impetendos, & manus in eorum sanguine lauandas, proclamauit; Turcisque tam diu non resistendum, donec Papa, & Episcopi, & Catholici Principes de medio tollantur. vti supra verba ipsius produximus. Quantum verò post ea in Catholicos ab Hæreticis sæuitum; quantum sanguinis ob Fidem Catholicam effusum; quot Martyres extremo supplicio affecti; is solum ignorare potest, qui quid in Belgio, Gallia, Anglia gestum sit, & etiam nunc geratur, ad se pertinere non putat. Verius ergo nostrum simile Luteranis seruit. An enim, qui dolo & fraude armatus prætextu libertatis & reformandæ Reipub: populum ad seditionem excitaret, & Magistratus legitimos excusso iugo ad necem quæri mandaret, & omni lege abolita licentiam omnibus quiduis faciendi sub specie libertatis permetteret; is turbator & seditiosus ab omnibus iustissimè habendus esset? quid enim illi ad rationem turbatoris deesset? Talis fuit Luterus & nunc sunt Lutherani. colorem enim Euangelij præterdunt, re autem vera Euangelium euertunt, & Ecclesiam perturbant. Frustra verò idem crimen Christo & Apostolis obiectum esse gloriatur Zaborouius. Nam illis quidem per calumniam: Lutero autem summa ratione re ipsa & veritate loquente, ipso q; Lutero testificante, id criminis obijcitur. alioqui latrones quicumque simili ratione gloriari possent, sua scelera Christo quoq; & Apostolis obiecta fuisset.

*id probat ipsi
clamat Gal-
lia, Belgium,
Anglia.*

Si, inquit Zaborouius, omnium consensus ad reformationem expectandus esset, reformatio nunquam sperari posset. At non mentinit Zaborouius triti sermone prouerbij: Alienam domum reformare nemini licere, nisi facta à domino domus expressa vel tacita potestate; extra quam priuatus quispiam si quid attentet, falcem mittere alienam in messem iudicatur. Alia ratio est de ijs qui præsent. His enim ratione officij incumbit mala à Rep. propulsare, siue consentiant siue dissentiant subditi: habent enim auctoritatem pro se diuinam. Neque pertimescendum est reformationem nunquam secuturam: habet enim suæ Ecclesiæ curam Deus: ei quæ vel per ordinarios Pastores, vel per eos quos extra ordinem mittere solet suo diuino testimonio munitos prospicit: illum quæ Spiritum veritatis, quem Ecclesiæ suæ promissit in æternum, nunquam denegat modis à sua diuina prouidentia constitutis. tantum quæ abest, vt ad reformandam suam Ecclesiam intrusis & priuatis hominibus vtatur; vt de ijs in Scriptura conquestus sit semper; & alijs cæcandos præceperit.

*Aliorum re-
formatio,
inuitis illis
vetita priua-
to. 1.*

Pergit Zaborouius. Nunquam, inquit, euinces Missam priuatam,

E 2

Transsub.

Ritus & dogmata Catholica antiquissima.

Transsubstantiationem, Sanctorum inuocationem, Purgatorium intra sexcentos à Christo annos in Ecclesia Dei pro bonis habita esse. Verum talpa cæcior sit, qui hæc vel in Belarmino non legat, vel ab ipsis Centuriatoribus nō addiscat. vel si Confessiones ipsas Augustini, Hieronymi, Ambrosij, Gregorij in ordinem redactas legere placeat, non aduertat. Frigidè verò respondet Zaborouius extenuans Centuriatorum Magdeburgensium scripta: quod in suis centurijs candidè notârint, quibus seculis ad errores aliquos facta sit inclinatio. non enim aliquos Fidei Catholicæ articulos in quibuidam tantū seculis adnotârunt, sed in omnibus seculis Romanam & Catholicam Fidem obseruârunt, & veritate vrgente confessi sunt: licet vt hæretici homines nostræ Fidei articulos nēuos & errores nominare non sunt veriti. Lege, Zaboroui, non lippis & dormientibus oculis centurias ipsorum; & fatebere quod dico.

Ineptia Zaborouij cetera.

Adducit præterea Scripturas aliquot. *Cauete à fermento Phariseorum.* Matth: 16. 11. *Exite de Babylone, popule meus; ne fortè accipiat de plagis eius.* Apocal: 18. 4. *Secede ab eis qui sunt eiusmodi.* 1. Tim: 6. 3. ex quibus inepte collegit Luteranos meritò fideles ab Ecclesia abducere potuisse. Nam cum mala aliqua esse in Ecclesia Christi, vel Apostolorum testimonio, citra controuersiam constat, quis dubitat à talibus cauendum & fugiendum esse? At cum pseudoapostolus aliquis (vt Luterus) nullo diuino testimonio munitus, temere effutit, & proclamat, hæc vel illa in malis habenda, quæ tota Ecclesia pro bonis habet: nullo modo impostori credendum est.

Merito respondimus reformationem Evangelicorum.

Quod verò dixi, Ecclesiæ Catholicæ Pastores reformationem Evangelicam nolle: non quia nollent videre reformatam Ecclesiam: sed quia reformatio, quam vrgent Evangelici, non sit reformatio, sed deformatio, contraria verbo Dei, doctrinæ & traditioni Apostolorum. Hic carpit & cauilatur Zaborouius: quasi innuam Ecclesiam Romanam esse in Fide deformatam. cum non absolutè dicam Pastores Catholicos reformationem cupere: sed si ea esset vera reformatio, illam proculdubio non renuerent.

Cœnam Christi deformat.

Cum verò ait, Nos Cœnam Domini deformasse mutilata vna ipsius parte; viderit vter magis deformet Cœnam Domini: an qui in vna specie totum Christum agnoscens alteram speciem non esse omnino necessariam, confitetur, nihil integritati & fructui Sacramenti detrahendo: an verò is, qui Corporis & sanguinis Christi veritatem in vtraque specie denegat, vtrūque tamen Symbolum esse ad sumptionem Sacramenti necessarium fingit. Nunquid enim non multò grauius est totum Christum à Sacramento auferre quam alteram speciem? præsertim cum Christus ita instituerit; vt siue vtraque sumatur, siue altera tantum; integra ratio Sacramenti & fructus habeatur. sed de hoc infra copiosius.

Ait por-

Ait porro, ad reformationem opus non esse, vt mala ab omnibus sci-
antur esse mala; sed satis esse si probatae fidei & integritatis viri euicerint
mala esse. porro in Catholica Ecclesia mala esse multi, inquit, viri boni vi-
derunt; & reformatio enim à Deo ordinarijsq; Pastoribus precibus flagita-
runt: hos autem bonos viros nominat, Bernardum, Baptistam Mantuanum,
Franciscum Petrarcham, Ferum, Vicelium, Ioachimum Abbatem, Corne-
lium Episcopum Bitontinum, Ioannem Sarisburgensem, Petrum de Æliaco,
Cassandrum, Caranzam. Agedum, Zaboroui, si isti viri boni fuerunt & fide
dignissimi, cur igitur reformationem vestram damnantibus non assentiris?
quis enim istorum non Catholicae Fidei professor fuit? quis Fidem Catholi-
cam corrigendam esse docuit? quis capita Fidei Luteranae probauit, & ad
reformandam Ecclesiam esse necessaria duxit? At quia vnum pro altero lo-
qui didicisti; scias ex me, Zaboroui, hos viros, non in Fide Catholica, sed
in moribus reformationem postulasse: vt ea ipsa verba eorum, quae adducis,
loquuntur. Si igitur verbis ipsorum ad probandam in Fide Catholica refor-
mationis necessitatem abuteris; falsator es, & iniuriosus in viros tam bonos
& praestantes. Si vero reformationem tantum in moribus probare vis; nihil
ad rem loqueris: cum de reformatione in Fide, qualem vos facere voluistis,
sit modò inter nos quaestio.

*Nemo dogma
ta Ecclesie
Romane in-
stauranda
censuit ante
Euangelicos.*

C A P V T V.

Miraculum Luteri expenditur.

CV M miracula nulla Euangelici pro suo Euangelio adferre possint, mo-
uent omnem lapidem, vt se liberos à miraculis ostendant: vrgent que
duo Mornæi argumenta: tum quia dæmoni miraculum poscenti Christus
Scriptura non miraculo satisfecit: tum quia, si Angelus de cælo nouum E-
uangelium afferret (quod magnum miraculum esset) non esset illi creden-
dum. Frustra igitur miracula exiguntur. At nos satiam ex Scripturis osten-
dimus, non frustra a Prædicatoribus miracula exigi: nimirum vt sint legiti-
mæ missionis & prædicationis testimonia: nullus enim sine testimonio quasi
à Deo missus, admitti & audiri debet. alioquin omnes impostores hoc modo
essent admittendi. Quod verò Satanæ poscenti miraculū Christus miraculū
exhibere non debuit, in pròptu causa est: quia nō ad dæmones conuertendos,
sed ad homines saluandos Christus fuerat missus: quocirca non dæmonibus
debuit suæ missionis rationem & testimoniū reddere, nec in dæmonū grati-
am miracula edere, maxime cum tentandi Christi causa dæmon miraculum

*Cur Christus
dæmoni mi-
raculum ne-
garet.*

1.

2.

De Notis Ministrorum

exposcens eo ipso indignum se miraculo reddiderit. Porro hominibus ad quos fuerat missus, innumeris miraculis suam missionem & doctrinam probauit, ita vt diceret; *Si non fecissem opera quæ nemo alius fecit, peccatum non haberent*: ostendens sine tot quot patrauit miraculis credi sibi non debuisse.

Cur non negauit hominibus.

1.

2.

Nostriis dogmatis non necessaria miracula.

Non potest verò Zaborouius ex eo, quòd dæmoni poscenti miraculum Christus negauit, còcludere hominibus quoq; miracula necessaria non fuisse: aut homines dum miracula à Christo poscerent dæmonibus similes fuisse. Nam cum Christus ad homines missus esset, debuit illis suæ missionis & doctrinæ veritatem miraculis comprobare. alioqui (Christo ipso teste) nisi tot miracula fecisset quæ nemo alius fecit, peccatum non haberent fidem ei denegando; siquidem nulli dicenti se esse a Deo missum credendum sit, nisi diuinum afferat testimonium. Vnde euident est homines poscentes miracula dæmonibus similes non esse, sed potius dissimiles: cum dæmones ea nullo iure poscerent; homines verò iure maximo. Neque enim fas est quendam tanquam à Deo missum, & nouam adferentem doctrinam admittere; nisi proferat Dei, à quo missum se esse dicit, testimonium. Quanquam enim modò Fide iam miraculis & alijs diuinis testimonijs confirmata, noua miracula ad eam persuadendam non sunt necessaria, quòd antiqua sufficiant. tamen cum doctrina aliqua noua, & ab ea quam tota antiquitas tenuit diuersa, à priuatis præsertim & intrusis hominibus inducitur; miracula, vel aliquod aliud diuinum testimonium necessarium est. Antiqua enim miracula ei doctrinæ, quam constat esse antiquam, & ab Apostolis totius antiquitatis testimonio prædicatam, faciunt sufficientem fidem & testimonium. At cum doctrinam non constat esse antiquam & Apostolicam, nisi ex priuato prædicantium iudicio atq; testimonio, contra totius antiquitatis fidem; miracula omnino requirenda sunt, vt faciant tam missioni quàm doctrinæ indubitatam fidem. Talis est Lutherana doctrina: quæ quia est à Fide totius antiquitatis dissentiens, & solo priuato prædicantium testimonio comprobata, merito suspecta haberi debet; & sine miraculorum testimonio non admittenda.

Angelus contraria Euangelio non potest asserre.

Iam quod ad Angelum pertinet, si contrarium Euangelium de cælo afferret: inprimis dico, id nec miraculum, nec diuinum testimonium vllum fore; sed illusionem Angeli transfigurantis se in Angelum lucis. Deus enim non potest sibi esse contrarius; neq; potest rem à se miraculis antè confirmatam falsam nouis miraculis declarare. Quocirca si semel constiterit aliquam doctrinam esse miraculis confirmatam; nulla miracula contraria superuentientia vera censeri debent miracula, nec prioribus miraculis fidem derogare. Quod si aliqua ficta miracula ab impostoribus permittantur à Deo edi; ad Dei prouidentiam pertinet eorum fraudem patefacere, ea quæ alio spectare,

quàm

Liber primus.

39

quam ut prioribus miraculis fidem derogent. Sic de miraculis ab Antichristo patrandis præmonuit Deus: quæ etiam in particulari qualia futura essent describi voluit. de quo plura ad finem secundi libri dicturi sumus. Ex quo patet: cum doctrinam, ut à Lutero prædicatur, non constet fuisse miraculis Apostolicis confirmatam (cum nonnisi priuato Luteranorum iudicio & opinione ostendatur esse Apostolica, toto mundo & antiquitate reclamante) non possunt Lutherani nostra miracula, quæ ab Apostolicis temporibus omnibus & singulis seculis pro nostra Fide & doctrina sunt facta, respuere & pro suspectis habere. Nos verò Catholici, cum Fidem tot certis miraculis confirmatam habeamus, omnia miracula Luteranorum si fierent, pro suspectis & falsis habere deberemus. Cumq; à nobis quærunt: an si facerent miracula, ipsis crederemus? Respondemus minimè: si quidem veris miraculis pro Fidei nostræ veritate factis essent contraria. Itaque nos a Luteranis miracula exigimus, non ut illis credamus: sed ut illis fidem omnem abrogemus. Nam si nulla miracula edere possunt, absque miraculis & omni diuino testimonio nudis verbis dicentibus se a Deo missos credendum non est: si verò aliqua proferant, ea cum contra vera miracula edita essent, suspecta & falsa aut certè alio spectantia, quàm ad doctrinam falsam confirmandam, haberi debent. quam etiam ob causam Antichristi miraculis credendum non esse Scriptura præcauit.

Etiam miracula Luteranorum suspecta habenda.

Et falsa, vel alio spectantia.

Futile verò est quod subiungit Zaborouius. Vos, inquit, Iesuitæ nulla miracula edidistis, tamen aliquam fidem meremini: Ministri verò purum verbum Dei quod est ipsa veritas docet: apud omnes igitur bonos iure optimo fidem merentur. Certè si Iesuitæ immediatè se à Deo missos gloriarentur, tenerentur miracula edere, aut aliud diuinum testimonium producere. Legatis enim Principum sine literis patentibus minimè creditur. At cum se mediatè a Deo missos agnoscant, non tenentur noua miracula edere, sed eorum a quibus missi sunt testimonium proferre; & sufficit, quòd eam Fidem doceant ac doctrinam, quæ semel ab Apostolis accepta omnibus deinde seculis conseruata, & ad nos usq; deriuata est: & cum hæc sit antiquis miraculis confirmata, nouis non indiget. Quanquam Iesuitæ cum barbaris Euangelium in nouo orbe annuntiant, non sunt miraculis destituti: ut vel solius Francisci Xauerij Indiarum Apostoli exemplo perspicuum est: qui non tantum demones e corporibus humanis eiecit; & agrotos quàm plurimos sanauit; sed & mortuos tres vitæ restituit. quæ omnia diligenter explorata iussu Ioannis Lusitaniæ Regis, & in tabulas regias relata cum sint; de fide & auctoritate ipsorum dubitare nefas est.

Nulla miracula necessaria Iesuitis.

nonnulla tamen edita gaudent.

Fides porro quam concedit mereri Iesuitas ratione doctrinæ & probitatis; po-

De Notis Ministrorum

*Impossibile e-
di miracula
ab Euange-
licis.*

eris; politica est & moralis, non diuina. Cum verò ait Ministros quoq; fi-
dem mereri, cum purum verbum Dei doceant: rem incredibilem vult à no-
bis credi. Non enim purum verbum Dei docent, sed longè impurissimum;
quippe impuris interpretationibus ex proprio cerebro desumptis infectum,
& foedatum: qua impuritate in verbo Dei nulla maior. Quid igitur mirum,
quòd dixerim, impossibile esse, ad tam impurum verbum Dei confirman-
dum Deum per Euangelicos edere miracula. hoc enim æquè impossibile est,
sicut ad Turcicum Alcoranum, vel hæresim Arianam; aut aliam quamcun-
que hæresim, Deum edere miracula. Neq; abbrevio manum Domini: sed
quod de Deo cogitare nefas est, ostendo. Deus enim non potest sibi esse con-
trarius; & contra Fidem Catholicam, quam tot miraculis approbavit, no-
ua edere miracula ad contrariam Fidem approbandam non potest.

*Miracula
nunc non ef-
fenti frustra.*

At D E V S, inquit, & natura nihil faciunt frustra: frustra autem Deus
ederet miracula: quia hæc ab initio Ecclesiæ, cum nondum esset Ecclesia ro-
borata, necessaria erant, non verò his extremis temporibus. Minimè vero,
Zaboroui, frustra Deus faceret miracula his extremis temporibus. Nam quæ-
dam possunt esse necessaria ijs gentibus, quæ nunc primum ad Fidem con-
uertuntur, non minus quàm in ipso Ecclesiæ initio. Quædam verò etsi omni-
no necessaria non sint; vt nobis, quibus antiqua miracula ad fidem suffici-
unt: conducunt tamen plurimum Ecclesiæ, tum ad infirmos in Fide robo-
randos: tum ad errantes ad Fidem reducendos: tum ad testificandam Dei
Opt. Max. perpetuam & indefessam circa suam Ecclesiam curam & bonita-
tem; quam non solum ordinarijs medijs, sed etiam extraordinarijs nobis de-
monstrat. Quocirca cum illud dicatur frustra fieri, quod nullam vel neces-
sitatem vel vtilitatem habeat; nequaquam miracula his extremis tempori-
bus dici possunt fieri frustra, cum tantam vel necessitatem vel vtilitatem se-
cum ferant: insulsum q; est & non absq; temeritate, quod scribit Zaboroui-
us, miracula soli Antichristo reseruata, Ecclesiam verò à solo Dei verbo
pendere. In quo enim verbo Dei hoc vel legit vel col'egit? nunquid hoc
non est abbreviare manum Domini, quod ipse Zaborouius tantopere paulo
anrè vrgebat? quasi Deo non sint consilia & rationes grauissimæ ad faciendā
semper in vtilitatem Ecclesiæ miracula? vti infra ex professo ostēsumus.

*nec Antichri-
sto relicta.*

*Imperium
Babylonicum
non euerit
Luter. 1.*

Verum cum viderent Euangelici se nihil habere, quo solide probent,
se esse a miraculis exhibendis liberos: inuenerunt tandem vnum ex multis
mendacijs & calumnijs confarcinatum. nempe quod Luterus solo Dei ver-
bo imperium Babylonicum à fundamentis concussit, & regna integra à ty-
rannide Papæ liberavit. Nam neq; Dei verbo puro, sed impijs & adulteratē
fictis ex proprio capite interpretationibus cōtra omnium Sanctorum & Do-
ctorum

ctorum

Liber primus.

errorū interpretationem fecit quod fecit: neq; solo Dei verbo: armis enim & politica potētia (vt supra ostēsum est) magis vsus est, virtuti solius verbi quod prädicabat non confidens. neq; Ecclesia Romana imperium Babylonicum, & Papæ tyrannis, nisi per impudentem calumniam dici potest: eadem enim est nunc Romana Ecclesia, quoad Fidem & Religionem, quæ omnibus præteritis seculis vsque ad Apostolos fuit. neq; ea calumnia ab Euangelicis aliter probatur, quam ipsorummet priuato testimonio: & multo verius in ipsorum Synagogam quam in Ecclesiam Catholicam quadrat. Neq; etiam verum est Ecclesiam Romanam verbo Luteri à fundamentis concussam, sed potius in suis fundamentis magis firmatam esse. Nam & viris doctissimis magis hoc tempore floruit & floret, qui hæresim & fraudes Luteranas scriptis egregijs detexerunt: & à Lutero misere seductos ad Ecclesiæ Catholicæ Fidem reduxerunt: & plurima regna atq; prouincias amplissimas, tam in Oriente, quam in Occidente, luce Euangelij collustrarunt. Luteri potius Synagoga in dies minuitur & perit, atq; à suismet filijs vipereo mortu exeditur, ac consumitur. cum relicto Lutero in Zuingianos, & Calvinianos, & plerique in Arianos, iusto Dei iudicio, & mirabili metamorphosi transmutantur.

Deniq; hoc Luteri factum, nullo modo dignum est, vt inter miracula referatur. Nam in primis Zaborouius vltro fatetur non esse propriè miraculum: quamuis concedat esse opus Dei admirandum. quod tamen quia suo tantum testimonio, non aliqua graui auctoritate aut ratione comprobat, pro nihilo reputandum est. Quis enim illi reuelauit hæresim tam fœdam esse opus Dei admirandum? Annè similia opera non fecerunt Ariani, & quiuis alij hæretici, dum magnā orbis partem suis erroribus inquinarunt? num igitur admiranda Dei opera fecerunt? si dicat, illos non puro Dei verbo id fecisse: an non manifestum est, æquè illos pro Dei verbo habuisse suum verbum, quemadmodum Luterus habuit? æquè enim vt Luterus propria interpretatione & spiritu illud exposuere: nec vllō modo concedent Ariani se in verbo Dei sectando esse inferiores Luteranis. Conuictos ait Zaborouius fuisse Arianos Dei verbo. At primū negant id Ariani. Deinde eodem modo Luteranos dicent verbo Dei conuictos in Concilio Tridentino: quid igitur præ Arianis habent Luterani?

Deinde miracula non sunt nisi à Deo, & supra omnem humanam virtutem. At qui probabunt Luteri prædicationem à Deo profectam esse? certe id, nisi proprio testimonio, nunquam euincunt: nam, vt cætera taceam, do Armin contra Missam & Eucharistiam, nonne fatetur ipse Luterus se à damone post longā disputationē accepisse? Præterea execranda hæreses in Ecclesia

41

2.

3.

4.

5.

Nec miraculum nec opus Dei est Luteri insania.

1.

2.

quin inferorum impostura.

re

3.
olim damna-
ta

4.
Et Evangelio
sonitatis.

Damnat ie-
iunia pre-
textu dele-
ctus in cibus.

Catholicorum
penitentia
seria

Ecclesia veteri olim damnata, & per Luterum exsuscitata qui poterunt ad-
mirandum Dei opus appellari ! Adde, quod Luteri Euangelium, cum totum sit
carnale & delicatum ac proinde Euangelio Christi contrarium, nullo modo si-
ne blasphemia in Deum referri possit. etenim ieiunia tollit: poenitentias &
afflictiones ridet: vota castitatis relaxat; & ea seruatu impossibilia docet;
(quod suo sacrilego coniugio luculenter declarauit auctor ipse) ab obedi-
entia legum Ecclesiasticarum praetextu libertatis Euangelicae liberat: obliga-
tionem peccata sua Sacramentaliter confitendi nullam esse pronuntiat: &
omnem carnis licentiam inducit. quis haec Euangelio Christi esse contra-
ria non videt?

Frigidè verò ista excusat Zaborouius. Ieiunia, inquit, non tollimus,
sed ciborum delectum. Quasi verò ad ieiunium, quod carnis macerandae
causa institutum est, ij cibi eligendi sint, qui carnem recreant ac bene nutriunt:
& non potius qui contrarium efficiunt. Hic igitur delectus, cum ad finem
ieiunij maxime faciat, sanctus est, & à Sanctis omnibus vsurpatus: eius
quæ specimen in Ioanne Baptista apparet; cuius cibus Euangelio teste erant
locustæ (vilissimum edulij genus) & mel siluestre. Ciborum delectus, quem
Scriptura damnat, non is est, qui ad carnem affligendam assumitur; sed
cum cibi aliqui mali, & à dæmone non à Deo conditi afferuntur. vti cæca
hæresis temporibus Apostolorum asserbat. Tollunt etiam Luterani obliga-
tionem certis temporibus ieiunandi: vt in Quadragesima, quam Dominus
totam ieiunando transegit, & alijs vigilijs: cum id libertati cuiusque relin-
quunt. quod est contra eum ordinem & dispositionem, quem Dominus Pa-
storibus & Episcopis in Ecclesia sua commisit: quem quæ Apostoli tantope-
re vrserunt. 1. Cor: 14. 40. *Omnia honestè & secundum ordinem fiant.* 1. Cor:
11. 34. *Cetera cum venero disponam.*

Non ridemus, inquit, poenitentias & afflictiones serias, sed vestras
spontaneas quæ hypocrisim & Baalismum sapiunt. 3. Reg: 18. 28. fictas quæ
pro peccato satisfactiones inanis & frigida sanè excusatio. Nunquid enim seriae
afflictiones celsendæ non sunt, quæ cōcepto vero de peccatis dolore ad pecca-
tū in nobis puniendū assumuntur? dicente Paulo, *Si nosmet ipsos diiudicare-
mus, non utiq; iudicaremur?* & *Tristitia quæ secundum Deum est*, (hoc est
ob Deum offensum concepta) *poenitentiam in salutem stabilem operatur.* An
quia spontaneæ sunt, seriae non sunt? nihil ergo spontaneum ierium erit.
Nam si spontaneæ dicuntur, id est supersticiosæ: qua ratione supersticiosum
dici potest, quod ad peccatum serio puniendum assumitur? nulla enim su-
persticio est peccata in nobis castigare: cum id iustitia ipsa exigit.

Dum verò ait eas hypocrisim & Baalismum sapere, calumniatur.

Tunc

Tunc enim hypocrisis saperent; si ficto animo fierent, & non ex vero dolore de Deo offenso procederent. Neque quidquam commune cum Baalismo habent; cum non Baali sed Deo vero in peccati vindictam offerantur. neque enim, si ea quæ in Dei honorem à fidelibus fiunt, à gentilibus ad falsos cultus usurpentur, desinunt propterea esse ritus sancti & recti. Fictas verò satisfactiones immeritò appellat. Fictæ enim dicendæ essent, si nullam vim satisfaciendi haberent: At cum vim satisfaciendi non ex se, sed ex Christi passione & satisfactione habeant, immeritò fictæ satisfactiones appellantur. Hic enim est fructus passionis Christi in nobis, ut quod ex nobis in peccato tollendo non possumus, hoc virtute passionis ipsius habeamus. Quemadmodum enim propter Christum efficiamur grati Deo, & iustificati à peccato: ita & opera nostra post iustificationem à peccato propter Christum redduntur grata Deo; ac proinde apta ad Deum placandum, & satisfaciendum virtute passionis Christi. Neque etiam dicimus, afflictiones nostras ante remissum peccatum vim habere ad satisfaciendum pro culpa: quia nondum tunc homo gratus est Deo sed inimicus: at postquam peccato remisso in gratiam restituitur, opera ipsius incipiunt propter Christum esse grata Deo, & efficacia ad satisfaciendum; non quidem pro culpa, aut pro pœna æterna, quæ gratis remissa est; sed pro pœna temporali, quam Deus remisso peccato infligere solet. Non igitur satisfactio nostra est ficta satisfactio; quæ vim satisfaciendi ex Christi satisfactione accipit. Sed iustitia Evangelicorum ficta dicenda est; cum imputatiue tantum non vere eos iustos efficiat: & pœnitentiæ Evangelicorum fictæ; cum ex Christo nullam vim, nec impetrandi peccatorum remissionem, nec pro peccati remissi pœnis temporalibus satisfaciendi iuxta ipsorum doctrinam habeant.

non fictæ.

satisfactorie

remisso peccato.

Iustitia hereticorum ficta.

Vota, inquit, non relaxamus, sed laqueum conscientijs iniectum. At si hi laquei sunt ipsa vota; qui eos relaxat, vota ipsa relaxat. Sequimur, inquit, Paulum suadentem. qui se non continent, nubant. At qui in hoc sequitur, sequatur etiam vota frangentibus damnationem comminantem: *Damnationem, inquit, habentes; quia primam fidem irritam fecerunt.* Quare & ijs qui se votis non illigârunt, ostendit Paulus Matrimonium, si non se contineat: & ijs qui votis adstricti continere se nolint, non matrimonium sed damnationem intentat.

Vota nulla est, se pronuntiant.

Leges, inquit, per libertatem Evangelicam non tollimus: sed dicimus magis obediendum esse Deo quàm hominibus. Hæc quoque evasio nulla est. Nam Deus non solum obediri sibi vult, cum immediate quid præcipit, sed etiam cum mediâtè hoc est per superiores quos ipse loco suo præfecit, nobis imperat. Quamvis enim si ij contra expressam Dei legem præcipiant

Parere Magistratibus vetant.

piat aliquid, magis Deo obedire oporteat quam hominibus: tamen cum nil contra Dei legem mandant, sed solum ut omnia honeste & secundum ordinem fiant in domo Dei; oportet tunc Deo obedire & hominibus, seu ut Paulus ait, *hominibus tanquam Domino*. Evangelici verò omnes leges Ecclesiasticas tollunt, & earum obligationem libertati Evangelij repugnare volunt: ut cum statis diebus ieiunium indicitur, certi ritus Sacramenta ministrandi, & alia, quæ ad rectum ordinem Ecclesiasticum spectant, præscribuntur: pœnæ Ecclesiasticæ peccantibus assignantur: ista inquit libertatem Evangelij tollere. quasi libertas Evangelij sit mera licentia & dissolutio ad quomodolibet viuendum; & non ad liberationem à seruitute peccati & legis veteris propriè pertineat.

*Luteri vita
testis nō mis-
sum illum à
Deo esse.*

Iam verò maximè Zaborouium pupugit, quòd ea de Lutero scripsit; quæ uti verissima nemo inficiari potest; & illum à Deo non esse missum clarissimè ostendunt. Etenim certissimum est nullum vnquam à Deo immediate missum esse, qui non esset sanctitate insignis, aut certè esset sceleribus infamis. ut in Ioanne Baptista, & Apostolis perspicuum est. id enim ad diuinæ missionis dignitatem, & ad missionis munera dignè obeunda, pernecessarium est. Cum igitur liquidò constet Luterum fuisse vitæ & doctrinæ infamem: fuit enim & apostata turpissimus, & Monachus excucullatus neque solum fidem Deo datam ipse violauit; sed & Monialém Deo dicatam, sacrilego sibi matrimonio copulauit: suæ quæ vitæ non dissimilem doctrinam prædicauit, docens fidem Deo datam in materia castitatis seruandam non esse: & cum alia præcepta diuina seruatu impossibilia esse; tum illud de castimonia conseruanda: vnde illud (hominis né an pecudis) dictum, *si nō vult uxor, veniat ancilla*. quod in *sermone* quodam *Vitembergensi* quem postea *librum de Matrimonio* inscripsit, castis & pudicis auribus nil deferens, impurus homo publicare non est veritus. Quis tam impurum porcum credit à Deo ad Euangelium Dei nomine prædicandum fuisse missum? Non igitur probra iaciuntur à nobis in Luterum: sed ea verissimè obijciuntur, quæ nemo vel impudentissimus negare potest; cum Luteri ipsius libris consignata habeantur. Neque omnino nefas est per latus Luteri doctrinam ipsius confodere: cum plane incredibile sit, & contra Dei omnem morem, hominem tam impurum & nefandum à Deo electum & missum esse. Nam etsi eorum qui ordinariè mittuntur, vitia prædicationi non obstant, ut ex Aug: *epistola ad Hippon.* probat Zaborouius: tamen de extraordinaria missione id concedi non potest, diuinæ quæ sapientiæ conueniens non est infames homines eligere extraordinariè ad diuinæ legationis munera obeunda.

Porro cum Zaborouius vera esse, quæ Lutero obiecta sunt, negare non posset;

posset; negare maluit illa mala fuisse, sed rectissima & sanctissima. Non enim, inquit, magnum scelus est cucullam, qua nullus Apostolorum indu- *sacrilegum*
tus fuit, deponere. Ita dementatos respondere par est. Nunquid enim Apo- *exuere mo-*
stoli non docuerunt eos condemnationem mereri, qui fidem Deo datam *naftices ha-*
irritam faciunt? Luterus autem cucullam & habitum monasticum perpetuè *bitum pro-*
pœnitentiæ causa sanctè vouerat Deo: damnationem igitur ex sententia A- *fessos.*
postolica incurrit; quia eum contra fidem Deo datam abiecit, & se excu-
cullauit. Liberum erat Apostolis cucullam monasticam non deferre: quia
eam vouerant nunquam. at Lutero quia vouerat non erat liberum; præser-
tim cum id non ex aliqua causa iusta, sed solus libidinis & incontinentiæ
gratia fecerit. Et verò adhuc, Zaboroui, scelus esse impudenter negabis,
quod sine damnatione æterna perfici non potest! Neque enim dicere potes
vorum non sanctè conceptum fuisse: nihil enim sanctius, quàm pœniten-
tiæ habitum assumere, in eo q; pœnitentiæ legibus adstrictum ad mortem
vsq; perseuerare. Audi de hac re Tertullianum auctorem antiquissimum lo-
quentem *lib: de uelandis Virginibus.* O sacrilegas, inquit, manus, que dica-
tis Deo habitum detrabere potuerunt. Sacrilegus ergo Luterus est, qui Deo
dicatum habitum sibi & suæ quam delusit Catarinæ detrabere ausus est.

Simile est, quod addit Zaborouius: Luterum non sacrilego sed legiti-
mo matrimonio Monialem Deo dicatam sibi copulasse: cum in antiqua pu-
riori Ecclesia non tanto sceleri verteretur, si Monachus pater liberorum euā-
deret. Verum si sanctum fuit Monialem suam castimoniam Deo consecra-
re; sacrilegum proculdubio fuit eam violare: cum sacrilegium in rei sacræ
violatione consistat. Eris né tam impudens, Zaboroui, vt virginitatem Deo
offerre rem esse sanctam perneges? aut seruatu impossibilem asserere audeas?
etiā diuina gratia accedente? hanc autem Deus legitime exoratus nunquā
ad sua præcepta seruanda denegat: neque *patitur nos tentari supra id quod*
possumus; sed facit cum tentatione prouentum, ut possimus sustinere. uti lucu-
lenter docet Apostolus: *1. Cor: 10.* Quod si matrimonium esse sanctum af-
firmes: non ideo tamen quibusdam esse in condemnationem negabis: ijs ni-
mirum, qui *postquam luxuriati fuerint in Christo, nubere volunt.*

Qua verò fronte asseris, in veteri Ecclesia non tanto sceleri datum fu-
isse Monachum fieri filiorum patrem: cum vetus illa Ecclesia à Paulo didi-
cerit eos *condemnationem habere; qui postquam luxuriati fuerint in Christo,*
nubere volunt: quia primam fidem irritam fecerunt: & nihil tectius in Scri-
ptis Patrum veterum repetitum legimus, quàm castitatis Deo deuotant fi-
dem perpetuò seruandam esse. Adducis sanè Athanasium, Cyprianum, &
Augustinum; sed infidelissimè: vt vos omnes soletis Euangelici. Nam cum

*Castitatem
professis nu-
ptie sacri-
legæ.*

*id quæ ita
semper credi-
tum.*

De Notis Ministrorum

dicere, ideo viduas illas primam fidem irritam fecisse, quia volebant nubere contra primam fidem non nubendi & continendi Christo datam. ut etiam exponit Concilium Carthaginense quartum *Canone 104.* in quo Concilio fuerunt 214. Episcopi: & Concilium Toletanum. 4. *capite 55.*

*neque fides
data in Ba-
ptismo.*

Neq; demum recte Cilius interpretatur de fide & promissione data in Baptismo, quam istæ viduæ lasciuendo & scortando irritam fecerunt. Paulus enim ait, illas primam fidem irritam fecisse nubere volendo post scortationes, non vero scortando. Atqui viduæ illæ in Baptismo nullam fecerant promissionem non nubendi. quare nulla erat causa cur damnarentur nubere volendo, nisi quia actu continentiam vouerant.

CAPVT VI.

Luterum Antichristi regnum non euertisse, at
promouisse; verum quæ Antichristi præ-
cursorum fuisse.

*Luter Anti-
christifimilis*

Tantum abest, ut Luterus Antichristi regnum euernerit; ut illud omniū maxime promouerit. id quæ ex ipsius cum Antichristo in doctrina & moribus similitudine ostenditur. De Antichristo enim hoc singulariter narratur in Scriptura, eum futurum in concupiscentijs faminarum. Id vero Luterus doctrina sua & moribus ita perfecit, ut nihil ad omnem impuritatem desiderari amplius possit. Nam præceptum *Non concupisces.* seruatu esse impossibile docuit: vnde omnibus ad libidines illicitas viam aperuit. *Si enim nolit vxor venia: ancilla.* ut in fœdissimo illo *sermone*, quem Vitembergæ habuit, ad perpetuum suum & doctrinæ suæ dedecus, pronuntiare & monimenti tradere non erubuit. Sacratissimam Deo virginibus & Monialibus ac Monachis vniuersis, votum castitatis violare, & fidem Deo datam fallere liberum pronuntiauit: & ipse suo exemplo turpissimus apostata idem comprobauit, quando Monachus cum Monacha sacrilegas nuptias celebrauit.

1. Lasciuia.

De Antichristo itidem dicitur in Scriptura eum fore hominem nequissimum, & omnem nequitiam in suis sectatoribus promoturum. Ideo enim vocatur ab Apostolo *Homo peccati, filius perditionis, iniquus, & mysterium iniquitatis operans* 2. *Thessal: 2.* Quis vero magis peccata promouit, & ab omni bono homines auertit, quam Luterus? Nam imprimis docuit Decalogum non pertinere ad fideles Christi; nec magis eos obligare, quam leges ceremoniales & iudiciales. Sic enim ait in *serm: de Moyse.* & in *caput 4. op.*

*2. propaga-
tione scele-
rum.*

1.

ad Gal:

ad Galat. Ex textu, inquit, clarè patet, quòd etiam decem praecepta ad nos non pertineant. Si ad nos non pertinent, ergo non sunt seruanda, & sine peccato contemni possunt. Deinde docet praecepta Dei seruatu esse impossibilia. quod etiam docet Calvinus 2. *Instit. cap: 7. § 5.* cum ait, : *Legem Dei etiam Sanctus esse impossibilem.* si sunt impossibilia, ergo nullum peccatum est ea transgredi. nemo enim tenetur ad aliquid impossibile. Postea Luterus docet iustum in omni opere bono peccare. *in resolutione contra Eckium.* & *in assertionibus art 31.* docet etiam opus bonum optimè factum veniale peccatum esse secundum misericordiam Dei, sed mortale peccatum secundum iudicium *in assert: art 32.* Si igitur omne opus bonum est peccatum; nullum autem peccatum faciendum est; sequitur nullum opus bonum faciendum esse. Præterea docet solam infidelitatem esse peccatum, & solos incredulos esse damnandos; eum autem qui Fidem retinet damnari non posse. Ita *lib. de capt: Babilon: & lib: de Christiana libert.* At quæ maior licentia ad peccandum fingi potest, quam sibi persuadere, quicquid contra legem Dei agas, dummodo credas, id pro peccato non imputandum. Adhuc libertatem arbitrij tollit, hominem què ait non posse vias suas facere bonas aut malas. *in assert: art: 36.* Si id ita est, nulla igitur cura habenda est faciendi bona, vitandi mala: siquidem omnia ineuitabili necessitate euenient. Ad hæc nec mala opera nostra erunt digna pœna, nec bona præmio: nullus enim iure pœna affici potest propter id quod vitare non potuit. Toliatur ergo infernus pro malis, cœlum pro bonis. Nec satis hoc illi; Deum facit auctorem malorum, & omnia mala opera operari in nobis *in assert. supra.* ex quo sequitur nos frustra conari mala vitare: quia diuinæ operationi resistere non possumus; neque debemus.

Tollit deinde Confessionis Sacramentum. quātam autem vim habeat Confessio ad peccata vitanda, ipsi Luterani experientia docti fassi sunt, cum in Norimbergenfi ad Cæsarem legatione Senatus Norimbergensis petijt Cōfessionem auricularē restitui: quod ea sublata innumera, & antè nunquā audita peccata exorta essent. Ita refert Sotus *in 4. d. 18. q. 1. ad 1.* qui tūc apud Cæsarem aderat, cū hæc ageretur. Mirū vero esset, si Cōfessio nihil in se diuinum haberet, posse eam tantū ad homines à peccatis coercēdos valere: homines enim nisi Dei metu à peccatis vniuersè nō abstinēt. Quod etiam Sigismundus Augustus Pol: Rex cōfirmavit. cū nulla alia re tantopere se in Ecclesia & Fide Catholica teneri assereret, quā Cōfessionis Sacramēto, in quo diuinam quandam vim semper experiretur: quòd inusitato quodam timore & terrore, quoties illud Sacramentum accederet, percelleretur. cū alioqui nullum haberet in terris quem timeret. Negat rursū remanere vllam obligationem

7.
Confessionem
restituere peti-
runt Norim-
bergenjes.

De Notis Ministrorum

gationem pœnæ temporalis remissa culpa, siue in hac vita luendæ, siue in altera. semper enim remissa culpa totam pœnam remitti ait *in assertione articulo quinto*. Quid igitur nos à peccato deterrebit, si & culpæ remissionem sola Fide consequimur; & culpa remissa nullam pœnam timere debeamus? nullus enim restabit timor diuinæ vindictæ. Negat Luterus opera nostra quicquam conducere nobis ad regnum calorum. Quæ doctrina an omnium bonorum studium non extinguit? Cur enim in operibus bonis tempus & laborem perdimus, si constet ea nihil esse nobis vtilia ad vitam æternam? Ex his igitur manifestum est cùm omnia quæ esse possunt frena ad peccandum laxauerit Luterus, opus proprium Antichristi egisse; & suam illi operam egregie nauasse.

3. similis Luteri Antichristi arrogantiæ.

Tertio de Antichristo legimus fore hominem arrogantissimum, ita ut aduersetur & exollat se supra omne id quod dicitur Deus 2. Thess: 2. 4. At quis arrogantix spiritu similior Antichristo quàm Luterus? qui omnes Sanctos Patres, & totam antiquitatem præ se contempsit? Libro aduersus Regem Angliæ, inquit, Dei maiestas in me facit, ut nihil curem, si mille Augustini, mille Cypriani, mille Ecclesiæ Henricianæ contra me starent. & infra; Neque enim ego quero, inquit, quid Ambrosius, quid Augustinus, Concilia, & usus seculorum dicant. & in lib: de abroganda Missa priuata hanc protestationem præmittit. Protestor, inquit, aduersus eos, qui insanis vocibus in me sunt clamaturi. quod contrarium Ecclesiæ, contra statuta Patrum, contra probas legendas, & receptissimum usum docuerim; horum nihil me auditurum. Omnes quoq; homines arrogantissimus iste præ se contempsit. ita enim scribit in lib: aduersus Angliæ Regem, & alibi. An non sum ego pretiosus & nobilis vir? imò certè his mille annis vix nobilior fuit sanguis quàm Luterus. & Coram vno ipse quoque probus haberi volo; & sum, adeò ut non sint digni mihi calceamenta soluere. In lib: de formula missandi sic ait; Si quod Concilium statueret, a it permitteret viramque speciem; nos nequaquam viraq; vti vellemus: sed in despectum Concilij eiusq; statuit, aut vna aut neutra vti vellemus, male dicturi vniuersos, qui ex statuto Concilij viraq; vterentur. Et in epistola de sua versione Bibliorum ait arrogantissime; Papiſtam & asinum vnum & idem esse: nec illis aliud, inquit, respondeas, quàm, Lutero ita placuit. & dicit se esse Doctorem supra omnes Doctores in toto Papatu. Cùm igitur constet spiritu Antichristi, qui est spiritus arrogantix, non expugnari, sed confirmari regnum Antichristi: consequens est Luterum spiritu Antichristi & arrogantix prætitum, regnum Antichristi non expugnasse, sed firmasse.

Quarto, qui expugnaturi sunt Antichristum & regnum eius alijs coloribus depinguntur nobis in Scriptura, Apocal: 11. nempe quod sint prophetaturi

taturi amici saccis : quod habeant potestatem claudendi cœlum , ne pluat diebus prophetiæ ipsorum ; & potestatem super aquas conuertendi eas in sanguinem ; & percutere terram omni plaga quotiescunq; voluerint. At Luterus non venit indutus sacco & cilicio : nec prophetauit vnquam : neq; vllum miraculum in cœlo aut aquis aut terra edidit : non est igitur e numero eorum , qui sunt expugnaturi regnum Antichristi.

Verum Luterus , non solum non expugnauit regnum Antichristi ; sed cum illud se iactabat oppugnare , Christi regnum oppugnauit. Etenim cum Ecclesiam Romanam oppugnandam sibi suscepisset , quid aliud , quam Christi regnum oppugnauit ? Aut enim in mundo regnum Christi non est. aut non est aliud , quam Ecclesia Romana. quod ostendo , vel hoc vnico argumento. Regnum enim Christi nunquam erat interiturum , nec portæ inferi aduersus illud vnquam erant præualituræ. Quæ verò Ecclesia , præter Romanam & Catholicam , ab Apostolorum temporibus , ad nostra tempora cōstans permansit ? nulla certè , hæc enim sola Romanos Pontifices à Petro numerat ad Pavlum V. modernum Pontificem , in eadem Fide & Religione Catholica perseuerantes : ita vt quæ nunc Fides est in Romana Ecclesia , fuerit ante annos mille . & ab ipsis Apostolorum temporibus. Sola igitur Romana Ecclesia est regnum Christi. quam cum oppugnauit Luterus , quid aliud , quam Christi regnum oppugnauit ? id quæ infelicissimo conatu. Nam quod omnes gentiles , Iudæi , Hæretici , totus infernus hætenus efficere non potuit ; multò minus vnus apostata infelix potuit efficere.

Ad hæc certum est ab Antichristo oppugnatum iri Christi regnum. inter cætera autem tollet iuge Sacrificium. ita n. prædixit Daniel. cap: 12. 11. cum de tempore Antichristi loquens ait : *A tempore cum ablatum fuerit iuge sacrificium , & posita fuerit abominatio in desolationem : dies mille , ducenti nonaginta.* qui sunt anni Antichristi. Neque enim hoc iuge sacrificium intelligi potest sacrificium legis antiquæ : quod idem Daniel prædixit cessaturum in primo aduentu Christi , in cap: 9. 27. sed debet necessario accipi de Sacrificio Legis nouæ : quod non est aliud , quam Sacrificium Eucharisticum. Cum enim omnem Dei cultum in Ecclesia & regno Christi sit euersurus Antichristus , tum præcipue præcipuum cultum , qui est Sacrificium. Quocirca cum Luterus hunc eundem Dei cultum , & hoc idem iuge Sacrificium , in Ecclesia Romana abolere conatus sit , & nunc etiam per suos asseclas conetur persuasus à dæmone , in ea quam cum ipso habuit de Missâ disputatione : an non vnâ cum Antichristo regnum Christi non Antichristi euerrere conuincitur ? quod enim in regno Christi euerreret Antichristus ; hoc Luterus fidelissimus ipsius prodromus euerrere antè tētauit . & per suos ministros nūc tērat.

*diffimilis op-
pugnatur
Antichristi.*

*4.
Similis An-
tichristo op-
pugnatione
Christi regni*

*2. quia sacri-
ficium abro-
gat.*

*Romana Ecclesia nunc
floret magis.*

Denique res ipsa loquitur, Ecclesiam Romanam à Lutero, quam ipse per summam impudentiam & calumniam regnum Antichristi appellat, euerfam non esse: tum quia Ecclesia Romana si vnquam hoc tempore & doctrina & sanctimonia & Ecclesiastica dignitate maximè floret: tum quia noui orbis accessio, hoc est innumerarum prouinciarum & regnorum India, tam in Oriente, quam in Occidente, non diminutionem Ecclesiae Romanae, sed maximam eius amplificationem testatur. ita vt damnum illud, quod Luterus Ecclesiam Catholicam tanquam aper ferus nuadendo illi intulit, per Indiarum ad Fidem Christianam, non Luteranam sed Romanam, accessione cumulatissime compensatum videatur. Neque enim auditum est à Luteranis, aut quibusuis alijs hæreticis regnum aliquod ad Fidem Christi conuersum, sed potius peruersum esse.

*Paucos de-
meminit
Luter.*

Quare ne Zaborouius quidem asserere ausus fuit à Lutero regnum Pontificis penitus euersum; sed tantum aliqua regna & ciuitates liberat à iugo Pontificis abducta. Reuera enim Ecclesia Romana iisdem quibus ante stat fundamentis; neq; Luteri deliramentis loco mota est: regna vero à Lutero peruersa quid sunt regnorum Catholicorum respectu? nam & in ipsis regnis hæresi Luterana infectis Catholicorum est copia ingens: & plurimi ex ijs qui Catholici non sunt quotidie se misere à Lutero deceptos agnoscunt; & ad matrem Religionis Ecclesiam Romanam supplices tendunt manus: qui pertinacius hæresi insistant, si iusto Dei iudicio in peccato suo moriantur, longam tamen posteritatem non faciunt; sed vt cætera hæreses omnes, quæ per hos mille sexcentos annos innumeræ fuerunt, diu non potuerunt durare, sed breuissimo tempore ita extinctæ sunt, vt nec memoria illarum (nisi in libris Catholicorum habeatur, ita & hæresi Luteranæ euenire necesse est: neque enim illa felicior esse debet, quam innumeræ aliæ. & lex Dei est, vt quod ex Deo non est cito dissoluatur & euanescat. Religio vero Romana, quemadmodum omnes hæreses hucusq; superauit, ita & de Luterana gloriose triumphabit, fremente licet dæmonè & ipsius ministris.

*Nouus orbis
Ecclesiae Ro-
mane addi-
tus volens.*

Iam quod de Indijs commemoravi, cum refellere Zaborouius non posset, ait: De India mira sed non credenda soletis nobis canere: quippe cum omnibus constet, vos non prædicatione Euangelij, non miraculorum gloria; sed vi, armis, ferè inermes & seminudos homines non conuertisse, sed potius euerisse. Verum si hoc non credendum existimat, quod vtraq; India ad Christianam Religionem accesserit, nimis temerarius est; de hoc enim nemo nisi rerum ignarus dubitare potest: si verò id non credendum putet, quod prædicatione Euangelij, non vi & armis coacta, Religionem Christianam sponte complexa sit, etiam in eo fallitur. Nam quod ad Indas

Orientales

Liber primus.

23

Orientalis attinet: testis est ille ipse, quem citat, Iosephus Acoſta *lib: 2. de procuranda Indorum salute cap: 8.* in ijs vere more Apostolico abique vi & armis Euangelium communicatum esse Indis, Persis, Arabibus, Æthiopi-
bus, Malauaribus, Iaponensibus, Sinensibus, & infinitis alijs. Quod verò ad Indias Occidentales spectat, testatur in *cap: 7.* Lege inuiolabili Regis Hispaniarum sancitum fuisse, ne in vllis expeditionibus Hispani milites Indos vi & armis aggrederentur, nisi ab illis laeſiſſi & iniuria affecti. Non igitur vis & arma adhibita sunt ad Euangelium acceptandum; sed solum ad iniuriam propulsandam. Quod si petulantia vel zelus indideret militum in aliquibus locis ultra progressus est quam liceret (nullum enim vi & armis ad Religionem Christianam suscipiendam compelli posse communis omnium Theologorum sententia est) id neq; ad omnes, sed ad aliquas tantum prouincias pertinet: neq; vitium aliquorum alijs, qui Euangelico more pluribus alijs prouincijs Euangelium promulgauerunt, attribui debet. Expeditiones igitur illæ quæ in India fuerunt, non eo spectabant, vt Indi compellerentur ad Fidem; sed vt ij, qui peregrinandi & visendi mundi studio illas partes intrarent, (quod eis ius gentium licitum faciebat) essent illæsi & securi: atque haberent quo se ab iniuria tuerentur. Deinde vero ne Prædicatores Euangelij, quibus ipse Christus aperuit viam ad omnes gentes, *Ite*, inquit, *in mundum vniuersum, & predicate Euangelium omni creatura.* à feris & barbaris ac omnis humanitatis expertibus gentibus quidquam per iniuriam paterentur; & in promulgandi Euangelij iure, quod à Christo habebant, sæuitia & crudelitate barbarorum non impedirentur: omni interim libertate eis relicta Euangelium prædicatum acceptandi, vel reiſcendi. Qualem armorum vsum ad duos prædictos fines iustum esse nemo sapiens negauerit. Etenim si Principum legatos non admittere, eosque inauditos reiſcere, graue quidam & contra ius gentium censetur: quanto magis Prædicatores & legatos Christi inauditos temere reiſcere, vel finibus arcere, iniquum & iniuriosum est?

Quum verò nulla miracula intercessisse in Indorum conuersione Zaboronius contendit: satis ostendit in historijs Indicis se hospitem esse & parum versatum. Legisset Torſelinum de vita Xauerij Indorum Apostoli, Masſeum de rebus Indicis, Petrum Iaricum in theſauro rerum Indicarum, & alios fide dignos Scriptores: qui innumera præsertim Xauerij miracula diuinitus edita commemorant, in morbis curandis, dæmonibus pellendis, mortuis ad vitam reuocandis. Quin & Iosephus Acoſta, quem se legiſſe indicat Zaboronius, *lib: 2 cap: 9.* recenset quatuor militares homines & profanos in Florida Insula post naufragium superstites inter barbaros illos per decen-

*non vi aut
armis coacti*

*Arma Hispana
quid egerint
in orbe nouo.*

*Miracula in
orbe nouo
plurima edita.*

nium vixisse ea vitæ innocentia & curationum gratia, vt infinitas populorū cateruas post se agerent; ita vt penè pro dijs adorarentur à barbaris illis & quicquid imperarent, non aliter quam de cælo profectum acciperetur. Dū verò ex Acoſta *lib: 4. cap: 3.* profectum Indorum in Religione Christiana accusat Zaborouius, ea verba ex Acoſta adducit, quæ Acoſta refellit. Egre-gia sanè probandi ratio. Nam Acoſta non defectum ingenij in Indis agnoſcit: sed defectum curæ & ignorantiam idiomatis in ijs qui salutem eorum procurant. Quod etſi in locis quibusdam ita habeat: in plurimis tamen alijs floret nobiliſſimè Christiana Religio, ita vt cum noſtris prouincijs certare poſſit.

*A quo Indi
Chriſtum e-
docti.*

Non eſt, inquit, Zaborouius, quod gloriemini Indos à vobis conuer-ſos eſſe: fuerunt enim ante Hiſpanos in India multi Chriſtiani, quorum ma-iores à Thoma Apoſtolo & Græcis Chriſtianis Fidem edocti ſunt. At non, gloriamur, Zaboroui, nos & noſtri ſeculi homines primū Religionem Chriſtianam in illas oras induxiſſe. Non enim ignoramus Apoſtolos in orbe vniuerſo, & nominatim in Indijs Thomam Apoſtolum Chriſtianam Fidem annū-ſiaſſe, & Chriſtianos multos feciſſe: ſed cū illi Sacerdotibus orbatī vix præter nomen aliquid Chriſtiani haberent, noſtros homines eodem ſpiritu Apoſtolico Religionem Chriſtianam penitus collapſam in Indijs reſtauraſſe, quæ gloriatio non noſtra eſt, ſed Dei. Si enim nobis eam gloriam adſcribe-remus, inſipientes eſſemus & in Deum iniuri; cuius ſolius gratia & ope opus tam admirandum perfectum eſt.

*Luter venit
no ad inſtau-
randum ſed
euertendum.*

Excusat vero Luterum Zaborouius, quod ſe ad Indos conuertendos non contulerit. quod nimirum ipſius vocatio non ea eſſet, vt nouas Eccleſias erigeret, ſed vt collapſas reſtauraret. Verū neq; Luterus ſe à Deo excitatū & vocatū fuiſſe ad Eccleſias collapſas reſtaurandas vnquam probare po-ſtuit, niſi ſuo priuato teſtimonio: neq; id quod fecit cum reſtauratione habet aliquid commune; ſed vaſtatio & ruina Eccleſiarum dicenda eſt: denique quod nulli hæreticorum, vix vnquam contigit, vt aliquam Prouinciā ad Fidem Chriſtianā conuerterit; hoc nec Lutero accidere poſtuit. ſolis Catholicæ & Romanæ Eccleſiæ Sacerdotibus ea gloria propria eſt: quo-rum opera, quotquot prouinciæ poſt Apoſtolos Chriſtiāne eſſe cœperunt, ad Fidem Chriſtianā adductæ ſunt. A S. Adalberto Polonia noſtra acce-ſcit Fidem Chriſtianā: à S. Bonifacio & Methodio Germania: ab Auguſti-ſmo Anglia. Hæreticorum verò negotium eſt Eccleſiam turbare nouitatibus, & non triticum in agro Domini, ſed quod cacodæmonis officiū eſt in me-ſſe tritici ſuperſeminare zizania. Neque verò ſingulari ſua prouidentia per-ſmittit Deus, vt ſub Chriſti nomine primū malam Fidem accipiant prouin-
ciæ

uinciae quam bonam, nec ut prius decipiantur quam conuertantur.

Verum cum Zaborouius Indos à Thoma Apostolo ad Fidem esse conuersos non diffiteatur; propter quod etiam ad hæc usque tempora Christiani Thomæ appellantur, quasi à Thoma Apostolo Fidem Christianam edocti; adscribam in gratiam Zaborouij, quæ ex Apostolica doctrina Apostolicæ Fidei documenta retineant, quæ ex Oforio alijs quæ rerum Indicarum Historicis Petrus Iarricus in suo rerum Indicarum thesauro *lib. 2. cap. 18.* collegit. Num & Christi Domini, & Deipæ & Virginis, aliorum quæ Sanctorum festi, dies quæ Dominicos rite celebrant. In sacris ædibus, in quibus Dominicis diebus festis quæ conueniunt, ut sacris intersint, psalmodiam decantant: has dum subeunt aqua se conspergunt lustrali: infantes nonnisi quadragesimo post ortum die Baptismo tingunt; quem tamen, si quod forte discrimen adeant, præuerrere nefas non ducunt: sacros Sacerdotij alios quæ ordines ex Ecclesiæ præscripto conferunt, sed sæpe pueris; quod Episcopi in Syria plerumque commorantes rariis dioceses obeant; & si quando has lustrant, ne sensim deficiant Sacerdotes, etiam pueros inicient: non prius tamen Sacerdotum exercere functiones, quam ad plenam ætatem peruenerint, concedunt. Rarum Sacerdotes habent verticem, non quidem in orbem, sed in crucis formam. Panem oryza confectum, & vinum uis pasis expressum consecrant: Laici sub utraq; specie communicant; prius tamen noxarum piaculorumque confessione Sacerdoti facta ad hoc se disponunt: Deum pro defunctorum incolumitate deprecantur: Aduentus Domini & Quadraginta dierum solenne ieiunium diligenter observant: Calendarium simile nostro habent, annumque intercalarem; kalendis Iulij D. Thomæ festiuitatem magna pompa agunt.

En quæ vestigia Sanctæ & Apostolicæ institutionis, ad hæc usque tempora seruata. Nam quod deinde à Nestorianis Episcopis ex Syria superuenientibus hauserant; beatam Virginem nec Deiparam fuisse, nec post partum virginem mansisse: id non in Thomæ doctrinam, sed in suos auctores, hoc est Nestorianos, referunt. alioqui Fides de B. Virgine, quam à Thoma hauserant, fuit eadem quæ Catholicorum omnium. ut ex eo quod subiungam patebit.

Etenim inuenta est à Lusitanis nostro seculo antiquissima Crucis imago in tabula marmorea insculpta. S. Thomæ sanguine reipsera, quæ et terra cruenta Meliaporæ, in eo loco quo Apostolus telo celsus occubuit, in altari collata cernitur: quæ quotannis, octo ante Christi Domini, tribus ante Apostoli Thomæ natalem diebus, ubi sudat sanguinem Missæ tempore, simul atque à Sacerdote ceptum Euangelium est ad finem usque Missæ, quo

Indorum Religionis dogmata.

Prodigium perpetuum in tabula sanguine bene Apost. aspersa.

etiam tem-

etiam tempore colorem sensum immutat: primum ē candido in pallidum, deinde ē pallido in atrum, tum ex atro in cæruleum, ad extremum Sacrificio peracto ad natium redit colorem. Quæ res cū ibi quotannis omnium oculis cernatur, & publicis tabulis consignata sit, atq; etiam multorum de Societate Iesv Patrum, quibus sacrificantibus idem prodigium contigit, testimonio constet: nullo modo in dubium reuocari potest, nisi ab ijs, qui ne si quidem proprijs oculis viderent videre se crederent. Porro in ea tabula exarati hieroglyphici characteres cernuntur, qui à Brachmano linguarum istic peritissimo vulgari sermone redditi hunc continent sensum;

Inscriptio tabule in India antiquissima

TRIGESIMO POST LEGEM CHRISTIANAM IN MVNDO PROMVLGATAM ANNO, VIGESIMO PRIMO MENSIS DECEMBRIS, MELIAPORÆ DEMORITVR APOSTOLVS THOMAS. VBI DEI VIGVIT NOTITIA, LEGIS SECVTA MVTATIO, ET DIABOLI VIS DESTRVCTA. DEVS NATVS EST E VIRGINE: TRIGINTA ANNOS ILLIVS PARVIT IMPERIO: ATQVI HIC ÆTERNVS ERAT DEVS. IDEM IPSE DEVS LEGEM SVAM DVODECIMAPOSTOLOS DOCVIT; QVORVM VNVS MELIAPORAM VENIT, VIATORIO INSTRVCTVS BACVLO (huius baculi frustum, vnā cum lanceæ cuspide & vase terra sanguinea oppleto, inuentum est à Lusitanis, simul cum corpore S. Thomæ ibidem) QVO LOCO, ET TEMPLVM EXTRVXIT. REX PORRO MALABARVM COROMANDELIS, PANDINVS. ALIIQVE DIVERSORVM NATIONVM ET SECTARVM, SPONTE SVA ET VLTRO, SANCTI THOMÆ VIRI S. ET POENITENTIS LEGIBVS SE SVBIECERE. AFFVIT TEMPLVS QVO BRACHMANARVM MANIBVS THOMAS OCCVBVIT, ET SANGVINE SVO CRUCEM FECIT.

testis dogmatum Christianorum antiquissimorum.

Hæc ex Otorio 3. de rebus Emmanuelis, Barrio decade tertia. Petro Maffeo lib: hist: Indicarum 12. Petro Iarrico supra, testata habentur.

Ex quibus colligo contra Zaborouium & nouatores omnes antiquissimum ab Apostolicis temporibus vsū Imaginis Crucis Christi, templorum, altarium, Sacrificij Missæ, precationum pro defunctis, ieiunij Adventus & Quadragesimæ, Confessionis Sacramentalis, Sacerdotum rasuræ, Ordinationis Sacerdotum, Baptismi paruulorum, aquæ lustralis, festorum Christi & Sanctorum. quæ quia obseruant illi Christiani, dicuntur Christiani Thomæ. vnde & tabula illa marmorea sanguine Apostoli respersa, & di-

Prodigiū huius causa.

uino

uino quotannis prodigio approbata, templi ab Apostolo erecti meminit. Quorum autem prodigium illud spectet nemo non videt: nempe ad conciliandam sanguini Apostolico, quo tabula illa respersa fuit, venerationem; & Euangelio quod ille prædicauit, Missæ quæ pro qua celebranda templum erexit, auctoritatem. Neque enim finis miraculi aliunde melius colligi potest, quàm ex eo effectu, quem in hominum animis factum repetitum uè ingenerat. Atqui Lusitani & Indi Christiani, cùm illi sacrificio interfunt, in quo prodigiū illud quotannis repetitur, singularem religionem & reuerentiam ex illo prodigio concipiunt, tum erga Apostolum quem inuocant, & cuius sanguinem tanquam pro Deo fufum venerantur; tum erga Missæ sacrificium, in cuius celebratione Deus illud miraculum operatur. Consequens igitur est ad eum finem prodigium illud spectare. alioqui dicendum esset Deum, aut frustra edere illud miraculum, aut superstitionem & falsum ritum illo miraculo fouere: quorum neutrum sine blasphemia dici potest.

Prodigij huius causa.

Scio quid aduersarij dicturi sint: nempe nulla miracula cōtra verā Fidē & Euāgelium vim habere. at ea responsio vera esset, si diuino testimonio cōstaret Fidē Euangelicorū esse Fidē verā; & Euāgelium ut ab Euangelicis exponitur esse verum Euāgelium: hoc enim modo Paulus ait: *Etiā si Angelus de celo euangelizet, præterquam quod euangelizatū est, non esse illi credendum.* At cùm Fides Euangelicorū, & Euāgelium ut ab illis exponitur, nullo diuino testimonio constet esse verum Euāgelium, sed opinione tantum & testimonio ipsorū; non possunt ea responsione uti: cùm quæ Deus miraculo dirimit inter nos & ipsos controuersiam; & declarat nostrum non ipsorū Euangelij sensum esse verum; proculdubio testimonium hoc diuinum nullo modo est reiiciendum.

Prodigium hoc pro nobis facit magnopere.

C A P V T VII.

Concluditur Ministros Luteranos & Caluianos à Deo missos non esse.

EX his, quæ hætenus de missione dicta sunt, manifestè concluditur Ministros Euangelicos nullo modo esse à Deo ad Euāgelium prædicandum missos. Nam neque à Deo immediatè se esse missos probare possunt, nisi priuato suo testimonio; quale testimonium Christo teste non est verum; seu pro vero non habendum: neque à Deo mediatè, hoc est, per homines legitime missos. Nam etsi moderni eorum Ministri se à suis superintendentibus mis-

*Superintendentes cæcæ-
gelici non
missi ad præ-
dicandam.*

*nec à ciuili
Magistratu,
nec à sacro.*

*Inter à nullo
missus ad hoc
quod docuit.*

*nec testimo-
niū missionis
sue assert
vllum.*

bus missos esse probare possint; tamen cū hoc sit mitti à non missis, talis missio inanis est & pro nihilo habenda. quomodo enim qui missus non est, & alios mittendi legitimā potestatem non habuit, alios mittere legitimè potest?

Nam si de Magistratu ciuili sit quæstio: is ad functiones Ecclesiasticas mittendi potestatem non habet. præsentare quidem Ministros Magistratui Ecclesiastico potest; & dare illis testimonium virtutis & probitatis potest; vt in Ecclesia factitatum est; & sit etiamnum: at conferre illis potestatem ad Ecclesiastica munera & functiones, qualis est potestas prædicandi verbi Dei, non potest. nemo enim dat quod non habet. Si verò de Ministrorum Magistratu sit sermo: talis Magistratus non à Deo, nec ab Ecclesiasticis personis ad id legitimam potestatem habentibus, creatus est; ac proinde diuinam & spiritualem potestatem nullam habet, nec potest eam alijs conferre. Potestas enim ad prædicandum ex professo Euāgelium spiritualis est, sicut & functio ipsa. Quis enim, quæso, Magistratum primū in Synagoga Luterana creauit? Si Magistratus ciuilis, talis creatio nulla est, & prorsus illegitima. Si Ecclesiasticus: at ante primum Magistratum Luteranæ Synagogæ nullus erat Magistratus Ecclesiasticus Luteranus. alioqui ille non fuisset primus, si ante illum alius prior esset. Luterum forte appellabunt, quem ab Episcopis Catholicis esse ordinatum constat: at neq; esse ordinatum esse missum ad prædicandum Euangelium; cū hæ potestates sint diuersissimæ: & ignorantissimè à Zabōrouio confunduntur: neq; qui à Catholicis Episcopis ad prædicandum mittuntur, censentur mitti ad Euangelium quocunque sensu prædicandum; sed solum ad Euangelium Catholico sensu; hoc est omnium seculorum totius antiquitatis sensu docendum. Et sicut qui ad vnum quiddam faciendum mittitur, ipse verò aliud quid facit, non potest iure & potestate missionis legitimè gloriari. quia potestate missionis non utitur, sed abutitur; non enim id ad quod missus est facit; sed aliud ad quod missus non est: ita Luterus cū ad Euangelium Luterano sensu prædicandum missus non esset, sed sensu Catholico; non potest legitima missione gloriari; quia id ad quod missus est non fecit, sed aliud, ad quod missus non est, faciendum sibi vsurpauit, & potestate missionis abusus est.

Neque dicere possunt Luterum verum verbum Dei, non Pontificium, prædicasse. Nam vt omittam Luteri tantum testimonio esse verum Dei verbum quod ab ipso prædicatum est: hoc solum vrgeo; ad illud eo modo quo ipse prædicauit prædicandum missum non esse; ac proinde ad illud missionis diuinæ testimonium non habere. vnde etiam concludo non fuisse illud verum verbum Dei: nemo enim credendus est verum verbum Dei prædicare, qui legitimè ad id munus missus non est, dicente Apostolo; *Quomodo prædi-*

cabunt

habunt nisi mittantur? Neque etiam euadit, cum respondet Zaborouius Luteri vocationem, cum ab Episcopis Catholicis mitteretur, non fuisse veram vocationem, sed vocationis cadauer quoddam; Christo vero vocante, & spiritum suum illi infundente, coepisse esse veram & viuam vocationem ad lōgē nobiliores functiones. Etenim si illa vocatio, quæ erat ab Episcopis Catholicis, non erat vera vocatio, pro nihilo habenda erit; & concedendum omnino Luterum vocatione legitima, quæ est ab Episcopis & legitimis Pastoribus Ecclesiæ, caruisse. Cum verò addit, illum à Christo ad meliores & nobiliores functiones vocatum esse, dicit & non probat; sed nec probare vilo diuino testimonio potest; dicenti autem sine vlla probatione nulla fides est adhibenda. sic enim quilibet nebulo posset fingere se esse à Christo missum, & hominibus illudere.

Missus est, inquit, Luterus ad prædicandum, non Ecclesiæ Romanæ, sed Ecclesiæ Apostolicæ sensu. At verum quidem est Luterum, cum Catholicus esset, ad prædicandum Ecclesiæ Apostolicæ sensu missum fuisse; sed non illius Ecclesiæ Apostolicæ, quam sibi fingunt Euangelici, verum quam tota antiquitas agnoscit & testatur esse Apostolicam; qualis est Ecclesia Romana. Quocirca ad prædicandum illius fictæ Ecclesiæ Apostolicæ sensu Luterus missus non est; ac proinde ad prædicandum tale Euangelium, quale de facto prædicauit, missus non est. Deniq; cum Luterus omni potestate ad prædicandum Euangelium propter apostasiam à Fide, & propter excommunicationem, priuatus esset; nihil illi prodesse potuit prior illa missio, quæ legitime spoliatus est. Ad hoc respondet Zaborouius: Luterum suam potestatem amittere nunquam potuisse: quod probat nostrorum testimonio, qui docent potestatem Ordinis amitti non posse. Verum ista ignorantia est, non responsio. Nam potestas ad prædicandum, non est potestas Ordinis: cū hæc potestates functionibus sint distinctæ. vnde & qui ordinati non sunt, ex auctoritate Ecclesiæ prædicare possunt: & qui ordinati sunt, potestate prædicandi carere possunt.

Luteri hoc pest lens dogma est: Omnes, quotquot baptisati sunt, Sacerdotes esse & potestatem Sacerdotalem habere, non solum ad Sacrificia Spiritualia offerenda, de quo nulla est controuersia; sed etiam ad Sacramenta ministranda, ad ligandum & soluendum, ac concionandum. ad hæc enim omnes potestatem accipere in Baptismo ille ipse Luteri locus, quem Zaborouius adducit *ex sermone de Dominica proxima Paschatis in Ioan: 20.* luculenter testatur, propter ordinem tamen non debere quenquam hanc potestatem exercere, nisi eum qui sit ab Ecclesia destinatus: *Alioqui*, inquit, *si omnes simul Sacramenta porrigere velimus, quis futurus esset ordo? Si om-*

*Habuerat
ius docendi
Catholicæ.*

*quod amitte
per apostasiam.*

*Luteranis o-
mnes sacerdo-
tes, & docen-
di auctorita-
tem habent.*

De Notis Ministrorum

*Sacerdotio
Catholico se
tueri neque-
unt.*

nes simul concionari; qualis ranarum coaxatio? Cùm verò vrgeo: Luterum ex eo quòd Ordinationem Catholicam abnegauit, neq; vsum esse potestate illa; neque si vti voluisset id ei prodesse quidquam potuisse: respondet Zaborouius illum non Presbyteratum sed idololatriam eiurasse: nec vsum legitimum ministerij, sed abusum abnegasse. At erroris Zaborouium conuincit Luterus, & alij sectatores Luteri qui non semel Ordinationem Catholicam, tanquam Antichristi notam, & bestiae Romanæ characterem, & ludibrium, & irritam ac inualidam Ordinationem detestati sunt. vti in *Nodo Gordio in secunda demonstratione* ostendimus. Denique non potest dicere Zaborouius, ex vera prædicatione Luterum suam missionem probasse. Nam Pauli testimonio; *Quomodo prædicabunt nisi mittantur?* perspicuum est neminem ad prædicandum admitti debere nisi fuerit missus; priusq; probandum esse missionem quàm prædicatione audiat: cùm eius veritas ex missionis testimonio (quòd ad nos, vt illi credere teneamur) multum dependeat. nemo enim nisi stultus ei Fidem adhibet, qui se ab aliquo missum nudis verbis & absq; alia probatione affirmat.

CAP V T VIII.

Ministros Euangelicos, cùm non sint rite consecrati & ordinati, veros Ministros Christi non esse.

*Ordo in Ec-
clesia Sacra-
mentum est.*

Veros Christi Ministros rite consecrari & ordinari debere ita manifestum est, vt probatione non egeat. Nam & Christus sanctificatus missus est à Patre, *Ioan: 10.* & Apostoli cùm mitterentur à Christo acceperunt Spiritum sanctum *Ioan: 20.* & Episcopi ab Apostolis ordinati per impositionem manuum accipiebant gratiam Spiritus Sancti *1. Tim: 2.* & *2. Tim: 1. 6.* vbi ea gratia vocatur spiritus virtutis, dilectionis, & sobrietatis. Ad quem etiam modum Presbyteri ab Episcopis per impositionem manuum ordinari accipiebant gratiam Spiritus sancti: impositio enim manuum qua ordinabantur fideles ad opus Ministerij, secum ferebat gratiam Spiritus S.

Quocirca Augusti. *lib: 2. contra Parmenianum cap: 13.* agens de Baptismo & ordinatione dicit vtrumq; esse Sacramentum; & neminem de ea re dubitare. quia nimirum semper in Ecclesia persuasissimū erat Ordinatione sanctificari & consecrari homines à Deo, & ideo merito dici Sacramen-

tum.

Liber primus.

tum. Hæc autē sanctificatio, quæ in Ordinatione confertur, consistit primum in collatione potestatis cuiusdam diuinæ, tum ad conficiendum Sacramentum Corporis & sanguinis Domini, iuxta illud; *Hoc facite.* quibus verbis Christus Apostolos fecit Sacerdotes; eis quæ potestatem conficiendi Sacramentum Corporis & Sanguinis sui concessit: tum ad remittenda & retinenda peccata, iuxta illud; *Ioan: 20. Accipite Spiritum sanctum. quorum remiseritis peccata remittuntur eis.* Vtraque verò potestas cum amitti nunquam possit, Ordinatio quoq; repeti nunquam potest: sicut nec Baptismus, in quo potestas percipiendi Sacramenta similiter confertur, & characteris nomine significatur. Deinde consistit consecratio in collatione gratiæ sanctificantis ad dignè obeunda munera Ministerij, quam resuscitari Paulus in Timotheo cupiebat. Ex quo apparet quantum distet consecratio Ministrorum in lege noua à consecratione eorundem in veteri lege. Vetus enim lex, neq; sanctitatem internam, neque potestatem vllam diuinam hominibus conferebat: & idcirco consecratio illa externa tantummodo erat in certis ritibus à Deo institutis constituta. At in lege noua, cum ad diuinas quasdam functiones, quæ humana vi præstari non possunt, Ministri ordinantur, interna sanctificatione Ordinatio perficitur.

Mirum verò est, quid Zaborouio in mentem venit dicere! Stante politia Ecclesiæ Ministros rite consecrari & ordinari debere: vbi verò status Ecclesiæ collapsus fuerit, non omnia semper adhiberi posse in solenni Ordinatione adhiberi solita. Si enim id ita intelligat, vt in collapsa Ecclesia existimet absq; Ordinatione posse quem esse verum Presbyterum aut Episcopum, rem prorsus incredibilem & planè falsam asserit. Inauditum enim à seculo Apostolorum est aliquem esse pro vero Presbytero habitum, qui à nemine fuerit ordinatus. Nam quod dicit non posse in statu Ecclesiæ collapsæ omnia adhiberi, quæ ad solennem Ordinationem requiruntur, primum id falsum est. quid enim est quod adhiberi non possit? nam qua ratione adhibetur vnum, adhiberi potest & aliud. Deinde si illa, quæ non adhibentur, sint Ordinationi essentialia; nulla erit Ordinatio: & ordinatus non erit verus Presbyter aut Episcopus: neq; ministeria Presbyteri aut Episcopi poterit in Ecclesia exercere. Nemo enim potest assumere *sibi honorem* Pontificis aut Presbyteri *nisi qui vocatur à Deo sicut Aaron.* qui rite fuit à Deo ad munus summi Pontificis consecratus. Si verò non sint essentialia; sine illis poterit consistere Ordinatio, quantum ad verum Presbyterum aut Episcopum constituendum requiritur. Et sic in statu collapsæ Ecclesiæ omnia essentialia, quæ in solenni Ordinatione adhibentur, adhiberi possunt.

Exemplum verò quod adducit Amos, quem Deus à pascendo pecore

*Prophetia &
sacerdotij ratio
diuerſa.*

auulſum ordinaria ceremonia minimè adhibita prophetare compulſit, nihil ad rem facit. Nam neq; vlla certa ceremonia Prophetæ conſecrabantur, ſed varijs modis, quibus Deo placuit, ad prophetandum excitabantur. vt ſuprà docuimus: neque nos agimus de ordinatione ad prophetandum, quod ſola Dei voluntate & dicendorum commiſſione perfici poteſt; ſed de Ordinatione Presbyterorum & Episcoporum, quibus ceremonia certa à Deo præſcripta eſt qua conſecrentur; dicimus quæ ea non adhibita nullum poſſe dici verum Presbyterum, aut Episcopum; ſicut non adhibita aqua in Baptiſmo, & certa verborum forma, nullus dici poteſt verè baptiſtatus. Si tamen Dei potentia abſoluta ſpectetur: is, quemadmodum in producendo effectu Sacramentorum, non pendet à forma & materia Sacramentorum; ita & in Ordinatione poteſt ſine ceremonia ſolenni ſola ſua potentia id conferre Presbytero & Episcopo, quod illius ceremoniæ interuentu conferre ſolet. verum id cum euenit, nonniſi ſolius Dei teſtimonio conſtare poterit.

*Sacerdotium
Euangelicis
nullum à Catholicis.*

Verum vt certum eſt ſine Conſecratione & Ordinatione neminem eſſe in Eccleſia verum Presbyterum & Episcopum, ita non mirus certum eſſe debet nullos apud Euangelicos eſſe veros Presbyteros aut Episcopos; quod veris Episcopis, à quibus ſolis Presbyteri ordinari poſſunt, careant. Nam vel eos Presbyteros habent; qui à Catholicis Episcopis ſunt conſecrati: vel quos ipſorum Miniſtri conſecrant. Si primum aſſerant; hi ad Euangelicos Miniſtros nullo modo pertinent. Presbyteri enim ab Episcopis Catholicis ritu Catholico conſecrati ſunt veri Sacerdotes ad Sacrificium verum & reale Corporis & Sanguinis Domini offerendum, & remittenda iudicialiter in Confeſſione peccata, ordinati. vt ex ritu & forma Ordinationis Catholiciæ manifeſtum eſt. Hæc autem Ordinatio nihil ad Miniſtros Euangelicos pertinet, cum tales functiones penitus non admittant; & eas tanquam idolatriæ plenas deteſtentur; & nullo modo in aſum deducant: alias porio habent functiones Euangelicas, quibus nihil eſt cum his commune; neq; in Ordinatione Catholica ad eas exercendas poteſtas conferretur. Nihil igitur prodeſt Euangelicis miniſtris Ordinatio Catholica: cum potius quærat illorum miniſterium; & eam quam Miniſtri non admittunt poteſtatem conferat; aliam verò conferat nullam. Nihil enim confertur in Ordinatione, quod forma Ordinationi præſcripta non exprimat: atqui poteſtatem miniſterij Euangelici non exprimit, ſed tantum poteſtatem Miniſterij Catholici, quare nec confert.

Adhæc, aut Ordinatio Catholica eſt vera, aut non eſt vera. veram dicant: ipſorum igitur Miniſtri non erunt veri Miniſtri; quia illorum miniſterio Catholica Ordinatio non ſolum non ſeruit, ſed etiam repugnat; quia
contra.

Contrariam ministerio Evangelico potestatem confert. Si verò negent esse veram, negare quoque debebunt suos Ministros esse verè ordinatos, quatenus à Catholicis Episcopis & ritu Catholico sunt ordinati. Et sane quis dixerit Episcopos Catholicos consecrare & ordinare aliquem in ministrum Lutheranum vel Calvinianum potestatem illi Ministrorum Lutheranorum aut Calvinianorum concedendo? hæc tam inopinata sunt, ut risu potius quam ullis argumentis refutari debeant. Ordinatio enim Ministri in communicatione potestatis ad opus Ministerij consistit. Cum ergo Episcopi Catholici non conferant potestatem à se ordinatis nisi ad Sacerdotij functiones; hoc est, ad consecrandum & offerendum Corpus Christi in altari, seu Missæ celebratione, & ad absolvendos fideles à peccatis; neque præter hanc ullam aliam potestatem conferant: nullo modo potestatem Ministrorum Evangelicorum propriam illis conferre existimari possunt.

Iam si dicant, Ministros suos esse ab Evangelicis Ministris rite consecratos & ordinatos: Primum ostendere debebunt, à quibus illi Ministri consecrantes consecrati sint. Nam si ipsi consecrati rite non fuerunt, alios quoque consecrandi potestatem non habuerunt, neque enim Laicus Presbyterum facit: iuxta illam communem regulam; Nemo dat quod non habet. Quæro igitur, an primus Minister Evangelicus fuerit rite consecratus & ordinatus ad presbyteratum Evangelicum? & ostendant à quo? Nam dicere non possunt à Ministro Evangelico primum Ministrum ordinatum esse: quia ante primum Ministrum nullus erat prior, alioqui ille non fuisset primus. Si verò dicant ab Episcopo Catholico ordinatum esse: iam ostensum est Episcopos Catholicos non conferre Presbyteratum Evangelicum sed Catholicum; nec facere alios Presbyteros nisi Sacerdotes; nec illis conferre ullam potestatem nisi Sacerdotalem, qua Missas celebrent & confitentes à peccatis absoluant, ut ex forma verborum, quibus Ordinatio Catholica peragitur, perspicuum est. Nullo igitur modo sunt rite consecrati: cum neque non consecratis possit esse legitima consecratio: neque ab Episcopis consecratis alia habeatur consecratio, nisi ad Sacerdotium, quod presbyteratui Evangelico repugnat. Consequens igitur est Ministros Evangelicos esse meros Laicos, nec ullam legitimam potestatem, ad quam rite consecrati sint, habere.

Nam si respondeant, uti respondere solent, Lutherum Presbyterum fuisse rite consecratum & ordinatum, aliosque ordinare potuisse: id iam refutatum est. Nam neque verum est simplicem Presbyterum nisi sit Episcopus ordinare alios posse, ut mox ostendam: neque si hoc concederetur, consequens esset Lutherum aliam potestatem in Ordinatione alijs dare potuisse, nisi eam

nullum à Lutheranis. Sc.

nullum à Lutero.

I.

2.

3.

*Sacerdotes
sunt solum
ad sacrifican-
dum & re-
mittenda
peccata reti-
nenda ve.*

*Lutheranum
Caluinianū-
que Ministe-
rium contra-
rium sacer-
dotio Catho-
lico.*

nisi eam quam ipse in sua Ordinatione accepit. ad quam enim potestatem ipse ordinatus non fuit, eam alijs quoque communicare non potuit. Cum igitur in sua Ordinatione non aliam potestatem quam sacerdotalem, nempe ad Missas faciendas accepisset: non aliam quoque potestatem alijs communicare potuit. Atqui potestatem sacerdotalem ad Missas celebrandas Luterus suis Ministris non communicauit, sed aliam ab ista distinctam, quam in sua Ordinatione non acceperat: ergo non legitime Ministros ordinauit. quia eam potestatem, secundum quam rite ordinatus est, Ministris non contulit; contulit vero aliam, secundum quam ipse rite ordinatus non fuit. At, inquit Zaborouius, quod Romana Ecclesia intendebat in Ordinatione dare potestatem Missas celebrandi, abusus fuit: legitimus verò ministerij vsus est Verbum Dei pure prædicare, & Sacramenta rite administrare. *Matth. 28. 19.* Non enim ad sacrificandum, sed ad prophetandum Ministris gratia Dei confertur. *1. Tim. 4. 14.* Verum, Zaboroui, si Episcopi Catholici in Ordinatione sua non intendunt aliam potestatem conferre, quam Missas celebrandi & à peccatis absoluendi; & hæc potestas secundum vos non est à Christo instituta, sed abusus quidam Ordinationis; reuera neque ipsi faciunt Ordinationem legitimam; neque vester Luterus ab ipsis ordinatus fuit vere & legitime ordinatus: siquidem, vt vos dicitis, non erat ea Ordinatio-ne quam Christus instituit ordinatus.

Caditis igitur causa. quia ostendere non potestis, à quo fuerit quoad illam aliam potestatem Ministerij Euangelici Luterus ordinatus: & quis illi contulerit Presbyteratum Euangelicum; cum is à Catholico sit longè diuersus. Neque enim à Catholicis Episcopis vlla alia potestas in Ordinatione confertur, nisi ea quæ in forma Ordinationis exprimitur; & non exprimitur nisi potestas Sacerdotalis: nulla igitur alia confertur. quare potestas Ministrorum Euangelicorum, cum non sit Sacerdotalis, ex Ordinatione Catholica deduci non potest. Etenim, quemadmodum in alijs Sacramentis, qui formam alicuius Sacramenti non seruat, sed aliam pro ipsa substituit, non censetur Sacramentum illud valide conferre, cum Sacramentum sine sua materia & forma non possit subsistere? vt si quis in Baptismo non adhibeat illam formam verborum; *Ego te baptizo. &c.* vel pro illa precem substituat *Pater noster*; is, etsi infantem aqua perfundat, verum & validum Baptismum non confert: ita & in Ordinatione, qui veram formam Ordinationis, qua explicetur potestas quæ in Ordinatione confertur, non seruat, nullo modo validam ordinationem facit. Si igitur forma illa Ordinationis, qua potestas Missas celebrandi exprimitur, non sit vera forma, nec veram potestatem contineat; proculdubio, qui tali forma fuerint ordinati, non erunt vere

verè ordinati. quare nec Luterus tali forma ordinatus erat verè ordinatus. Cum vero aliam ordinationem Luteri proferre non potestis, compellimini concedere Luterum ad Euangelicorum Ministrorum Ministerium, seu ad Presbyteratum Euangelicum rite ordinatum non fuisse.

Adhæc si forma Ordinationis Catholica est, vt tu dicis, abusus Ordinationis. & in Ecclesia nunquam ab hominum memoria audita sit alia forma Ordinationis præter eam, qua Ordinati Sacerdotes constituerentur cum potestate Missas celebrandi: sequitur, quod absurdissimum est, nunquam in Ecclesia fuisse veram Ordinationem; nec Presbyteros vnquam verè ordinatos. Non fuit igitur verè ordinatus Augustinus, Ambrosius, Gregorius, Hieronymus, Latina Ecclesiæ prima lumina: neque Græcæ Ecclesiæ Doctores, Chrysostomus, Basilus, Gregorius Nazianzenus, & Nissenus. quia isti & Missas celebrârunt: & ritus Missæ faciendæ præscripserunt, vt patet in Missa Ambrosiana & Gregoriana, ac in Liturgijs Sancti Chrysostomi, & S. Basilij: & ad eas celebrandas in sua Ordinatione potestatem acceperunt. Inspice vtriusque Ecclesiæ ordinandi ritus: & videbis, etsi in alijs ceremonijs accidentarijs differant, in forma tamen Ordinationis conueniunt. Nam quæ in Ecclesia Latina forma Ordinationis est; *Accipe potestatem offerre sacrificium Deo, Missasquæ celebrandi, tam pro viuis quàm pro defunctis, in nomine Domini*; eam in Concilio Florentino Græci quoque & Armeni, tanquam suæ non dissimilem recognouerunt. Denique Patres citati, cum primis sexcentis post Christum annis vixerint, (quæ secula purioris Ecclesiæ ab aduersarijs esse censentur) eius auctoritatis sunt, vt dubitare de illorum fide fas non sit.

*Nunquam
Catholici si-
ne vero sa-
cerdotio.*

Proferat Zaborouius ex tota antiquitate formam ordinandi aliam, quæ potestatem Sacerdotalem non explicet, & euincet. quod si nihil tale proferre potest, temerarius est, cum nouam sacræ Ordinationis formam confingit, quam tota antiquitas ignorauit. Nam quod ex *Matth. 28. 19.* adducit; *Euntes ergo docete omnes gentes baptizantes eos*: eo in loco, nec Ordinatio Apostolorum instituitur sed missio (erant enim iam antè ordinati, tam ad Eucharistiam conficiendam & offerendam, illis verbis; *Hoc facite*, vt tota sensu antiquitas: quàm ad remittenda peccata *Ioan. 20.*) nec forma Ordinationis præscribitur: nec omnes ministerij partes explicantur. vbi enim cõficiendæ & ministrandæ Eucharistiæ ratio? vbi remittendi & retinendi peccata modus? vbi Ordinatio ministrorum per manuum impositionem? & alia plurima? Solum eo loco docendi & baptizandi fit mentio: ad quos tamen actus iure diuino Ordinatio non est necessaria: cum etiam is, qui in Presbyterum ordinatus non est, possit ab Ecclesia potestatem docendi accipere; &

*Nulla alia
eius forma
quàm Catho-
licis vsitata.*

& in necessitate valide baptizare. Non igitur ibi proprij Ordinatorū actus recensentur, sed qui sunt illis cum non ordinatis communes.

neque ad prophetandum.

Illud verò quod ait Zaborouius, non ad sacrificandum, sed ad prophetandum Ministris gratiam Dei conferri, *1. Tim. 4. 14.* non multum cum Apostoli verbis consentit. Neq; enim Apostolus Timotheo scribit gratiam illi fuisse datam ad prophetandum, vt falso citat Zaborouius; sed per prophetiam. *Noli, inquit, negligere gratiam, que in te est: que data est tibi per prophetiam, cum impositione manuum presbyterij.* Per prophetiam autem dicit illi datam gratiam, id est, per reuelationem, vt communiter Interpretes exponunt. & Paulus seipsum explicat *1. Tim. 1. 18.* *Hoc, inquit, præceptum commendo tibi, secundum præcedentes in te prophetias.* hoc est, secundum reuelationes de te ordinando habitas; vt illis reuelationibus respondeas; & talis sis in officio, qualem te futurum reuelatione accepi. Itaque illud *per prophetiam* idem valet quod secundum prophetiam.

C A P V T IX.

Falsò aasserit Zaborouius, Presbyterum esse iure diuino parem potestate Episcopo.

*Sacerdotum
& Episcoporum
potestas
non est par.*

VT suorum Ministrorum ordinationem stabilit Zaborouius, probare contendit Luterum, cum Presbyter rite ordinatus esset, potuisse alios Ministros creare & ordinare. Existimat enim posse presbyterum iure diuino alios Presbyteros ordinare; & eodem iure esse parem Episcopo potestate, solumq; consuetudine Ecclesiæ inductum esse, vt ea ordinatio ad Episcopos pertineret. Sed laborem hunc frustra suscepit Zaborouius. Nam, vt supra diximus, etiamsi euinceret Luterum quā presbyter erat ordinare potuisse (quod mox falsum esse ostendemus) tamen non aliam illis potestatem communicare potuisset, nisi quam ipse in sua Ordinatione accepit: nempe potestatem Missas celebrandi, & iudicialiter à peccatis absoluendi: atqui nullam talem suis Ministris contulit, sed eam acriter oppugnavit: aliam verò conferre non potuit, siquidem ad illam ipse ordinatus non fuit. Nihil igitur iuuat Zaborouium ea quæstio ad probandam Ministrorum Luteranorum Ordinationem.

Sed videamus quomodo tantum paradoxum nobis probaturus est. Rationes, inquit, pro nostra sententia habemus inuictissimas, cum tamen non nisi duas, eas quæ stramineas proferat. Prima est talis: quia Presbyteri & Episcopi communia sortiuntur nomina. In primitiua enim Ecclesia Presbyteri dice-

Liber primus.

67

teri dicebantur quoq; Episcopi, & Episcopi vicissim Presbyteri. vti nos quoque in *Nodo Gordio* probauimus. Ergo, inquit, potestate non differunt, sed pares sunt omnino. Quam stramineum sit hoc argumentum ex conuenientia nominis ductum, inde primum ostenditur. quia potest sub communi nomine esse impar potestas, vt plurimis exemplis manifestum est. Omnes enim Angeli habent commune nomen Angelorum; neq; tamen idcirco sunt pares inter se: cum constet alios esse superiores alios inferiores: alios Principes cœlestis militiæ, vt de Michæle scriptum; alios subiectos suis Principibus: item alios Archangelos, alios verò simplices Angelos. Similiter omnes Iudices communi nomine vocantur Iudices; neq; tamen omnium Iudicum par est potestas. Pari igitur ratione: etsi vnum nomen tam Presbyteri quam Episcopi tempore illo Apostolorum esset commune vtrisque; tamen sub nomine Presbyteri alij erant maioris, alij minoris potestatis: alij erant cum potestate alios ordinandi; alij verò talem potestatem non habebant: alij erant ex officio Iudices, alij subiecti iudicio: alij Rectores, alij regimini subiacentes. Quodsi dicat quis, Angelos & Iudices habere, præter nomen commune, alia nomina propria, quibus inter se distinguuntur. Respondendum est, primum id non esse vniuersè verum. Nam Angeli, qui sunt ex infimo ordine, & ij qui sunt ex virtutum ordine, nullum nomen habent ita proprium, quod non sit vtrisque commune: vtrique enim dicuntur Angeli, vtrique virtutes. Quodsi alij habent peculiare nomen, id est per accidens: siquidem etiamsi nullum nomen peculiare haberent, sed tantum communi nomine designarentur, non tamen idcirco sequeretur, ob communitatem nominis non esse illos a se distinctos. Etenim sub eodem nomine Angeli possunt esse maiores & minores, superiores & inferiores Angeli: similiter sub eodem nomine Virtutum possunt esse Virtutes superiores & inferiores, maioris vel minoris potestatis. Hoc igitur modo sub nomine Presbyteri alij sunt maiores, alij minores: sub nomine Episcopi alij maiores, alij minores; ac proinde imparis potestatis. & vt minimum nominis communitas hanc differentiam non impedit. Ad nomen enim commune si adicias diuersas & peculiare vtriusque proprietates, efficies diuersa nomina. sic distinguimus Iudices Spirituales & ciuiles, adiectis ijs quæ sunt propria singulorum. Non igitur ex communitate nominum, necessario infertur omnimoda paritas.

Deinde potest idem nomen esse commune duobus ex vi vocis, & proprium vnius ex accommodatione vsus. Angeli enim nomen ex vi vocis misum significat: quod quia omnibus Angelis conuenit, idcirco nomen Angeli ex vi vocis omnibus Angelis est commune; ex accommodatione tamen vsus & speciali ratione, Angeli infimi ordinis nomine Angeli tanquam proprio de-

etsi par esse nomen.

1.

2.

prio designantur : quòd ij communiter mitti soleant à Deo. Pari igitur ratione nomen Presbyteri, quòd seniore[m] significat, ex vi vocis est etiã Episcopis commune : & nomen Episcopi quòd inspectioni vacantem seu superintendentem designat, ex vi vocis conuenit etiã Presbyteris. tamen ex accommodatione vñus nomen Episcopi eos tantum Presbyteros designat, qui sunt summi Presbyteri & Sacerdotes, & totius alicuius prouinciã vel diœcesis Presbyteri. Similiter & nomen Presbyteri ex accommodatione vñus est proprium illorum tantum Presbyterorũ, qui non sunt toti Prouinciã vel Diœcesi præpositi, sed particularis alicuius Ecclesiã Ministri. Non igitur ex communitate nominum necessariò concluditur paritas potestatis. Nam ipsa etiã nomina, etiamsi sunt communia, non pari ratione vtriusq; competere possunt ; sed vni communi ratione, alteri speciali ; potest quẽ simul esse nomen idẽ, & commune omnium, & proprium ac speciale vñius, vt in Angeli nomine manifestum est. Quare argumentum Zaborouij ex communitate nominum ductum, non inuictissimum vt gloriabatur, sed stramineum planẽ est ac nullius roboris. Neque vero necesse est, ad illius solutionem probare imparitatem potestatis inter Presbyteros (hoc enim infra patebit) sed satis est ostendere ex argumento non concludi necessariò paritatem. cum quẽ ex Scriptura nullum aliud argumentum habeat Zaborouius, ad ostendendam paritatem Presbyteri & Episcopi ; consequens est illum ex Scriptura probare inuictissimẽ non potuisse istam paritatem.

Audiamus porrò alteram eius rationem ex Hieronymi auctoritate sumptam. Is enim *in epist. ad Tit. cap. 1.* ait, prius Ecclesiã communi consilio Presbyterorum gubernari solitam ; postea in toto orbe decretum fuisse, vt vnus de Presbyteris electus superponeretur cæteris. *Sicut ergo, inquit, Presbyteri sciunt se ex consuetudine Ecclesiã ei qui sibi præpositus fuerit esse subiectos : ita Episcopi nouerint se magis consuetudine, quàm dispositionis Domini veritate, Presbyteris esse maiores.* Ex quibus Hieronymi verbis Zaborouius infert, Presbyterum & Episcopum iure diuino esse pares. Deinde sic argumentatur ; Quorum est Ecclesiã regere, illorum est Ministros legitime mittere, te assertore : atqui iudice Hieronymo iure diuino Presbyterorum est cõmuni consilio Ecclesiã gubernare : ergo illorum etiã est Pastores legitime mittere. Verum multis modis in hac collectiõne errat Zaborouius. Primum : quòd contrã veritatem, & omnem Hieronymi mentem, asserat Hieronymum dicere idẽ esse Presbyterum quòd Episcopum. Nunquam enim hoc dixit Hieronymus : sed eundem esse Presbyterum & Episcopum : quia ijdem dicebantur & Presbyteri & Episcopi ; quo ijsdem vtraque officia tam Episcopi quàm Presbyteri committerentur. *Apud veteres, inquit, eosdem*

Nõ dicit Hieronymus Presbyterum esse perinde ac Episcopum

fuisse.

fuisse Presbyteros quos & Episcopos: paulatim verò, ut dissensionum palam-
raria euellerentur, ad vnum omnis sollicitudo delata est. Quantum vero
hæc inter se differant, Esse eisdem & Esse idem, inde patet: quod ea officia
quæ non sunt idem, possunt vni & eidem conuenire; neque, quia duo of-
ficia eidem conueniunt, inferre licet, illa officia esse idem. Quod verò
Presbyteratum & Episcopatum non esse idem senserit Hieronymus, pa-
tet ex 1. *Timoth.* 3. vbi ait, Presbyteratum esse secundum gradum, ac pene
eundem cum Episcopatu. Non igitur vnum omnino gradum esse voluit,
sed pene vnum. quare autem dixerit penè vnum, id est non multum ab eo
distantem, distantem tamen; dat rationem in epistola ad Euagrium. cum
dixisset eosdem fuisse Presbyteros & Episcopos; subiungit. *Quid facit E-*
piscopus excepta Ordinatione, quod non faciat Presbyter? ostendens Episco-
pū à Presbytero Ordinatione seu potestate ordinandi alios differre. Est enim
Episcopus idem quod Presbyter, quo ad aliā omnē potestaté, excepta po-
testate ordinandi cum ijs quæ ad illam consequuntur. Non igitur concedit
Presbyteris iure diuino potestatem ordinandi. Nam si ea potestas Presby-
teris iure diuino competeret, non diceret eos omnia posse excepta Ordina-
tione; sed absolute omnia posse nulla re excepta, ne Ordinatione quidem:
quia nimirum etiam ordinandi potestatem iure diuino haberent Presbyte-
ri: nec illis tolli posset ea potestas ab Ecclesia, vt non possent ordinare, sed
tantum vsus illius prohiberi ne ea vtantur. quomodo etiam ipsis Episcopis
potest vsus prohiberi: vel absolute ne vltos ordinent, si forte in Excommu-
nicationem inciderint: vel non ordinent sibi non subiectos, ad confusio-
nem vitandam. Vult igitur Hieronymus Presbyteros nullo modo posse or-
dinare alios. Nam si iure diuino possent, æquè possent ac Episcopi, eti-
am si vsus illis interdiceret Ecclesia.

asserit à sa-
cerdote sacer-
doto neminē
initiari posse.

Secundo: falsum imponit Hieronymo, quasi dixerit iure diuino idem
posse Presbyterum & Episcopum, & iure diuino Presbyteros communi
consilio gubernasse. Solum enim id factitatum in veteri Ecclesia dicit, &
talem fuisse veteris Ecclesiæ consuetudinem: an verò iure diuino vel Eccle-
siastico ea consuetudo inducta fuerit, non dicit.

non iure di-
uino idem
posse dicit
hunc quod
Episcopos:

Tertio, infideliter mentem Hieronymi exponit. Cum enim Hierony-
mus ait, Episcopos magis ex consuetudine Ecclesiæ, quàm dispositionis
Domini veritate Presbyteris esse maiores: id cum illa exceptione intelligi
voluit, quam in epistola ad Euagrium seipsum exponens adiecit; *Exce-*
pta Ordinatione. Neque enim hic Episcopis Presbyteros confert in ordinan-
di potestate: neque negare hic voluit Episcopos potestate ordinandi esse
maiores Presbyteris, quod in dicta epistola concessit: sed de gubernatione

F.
sed tantum gu-
bernationem
diæcesum so-
lis Episcopis
consuetudi-
ne vindicari.

De Notis Ministrorum

& illo regimine, quo vnus alijs quo ad gubernationem præficitur, locutus est. & hoc putat Hieronymus esse profectum magis ex consuetudine Ecclesiæ, quàm ex dispositione diuina: & in hoc ex consuetudine Ecclesiæ magis, quàm ex dispositionis Domini veritate Episcopos esse Presbyteris maiores. id què illa verba indicant; *Prius communi consilio Presbyterorum gubernabatur Ecclesia: post verò in toto orbe decretum est, vt vnus de Presbyteris electus superponeretur ceteris, ad quem omnis Ecclesia cura pertineret.* Ex quo etiam patet quo sensu dixerit eundem fuisse Episcopum & Presbyterum; nempe in ordine ad gubernationem Ecclesiæ, quæ æquè ab Episcopis & Presbyteris, id est communi consilio olim gubernabatur; non in vnum tota deuoluta gubernatione, non æquauit verò Episcopos Presbyteris in ordinandi potestate.

Sola consecratio non facit prædicatores.

En habes, Zaboroui, duas rationes tuas, quas inuictissimæ, prædicas, stramine debiliores apparuisse. in altera enim consecutio nulla in altera congeries fallarum citationum argumentationi vim omnem abstulit. Quare nec difficile erit tuam illam ex Hieronymo argumentationem dissoluere: in qua miror te de Missione agere, cùm de ordinatione agere debuisses: nisi fortè de ea Missione, quæ ordinando & consecrando fit, intelligas: licet enim nonnisi ordinati in Ecclesia mitti soleant, non tamen mittere est ordinare; neque ordinare est mittere. Neque enim omnes qui ordinantur ad Sacerdotium virtute ordinationis missi ad prædicandum censentur, sed noua insuper potestate opus est; quam qui non accipiunt, non habentur promissis. Ad Maiorem igitur respondeo: Quorum est regere Ecclesiam, illorum esse Ministros legitimè mittere: non de quocunque regimine id verum esse, sed tantum de regimine publico & ratione officij publici quale est Episcoporum. ij enim non solum interiori, sed etiam exteriori foro regunt Ecclesiam. Nam qui in foro tantum interiori dirigunt fideles, vt Parochi, & alij qui officium publicum in Ecclesia non gerunt, ad illos non spectat Ministros legitimè mittere: nisi fortè delegata sibi potestate: alioqui fieret magna confusio in Ecclesia, si omnes mittere vellent, nec ab vnus regimine res tota dependeret. Ad Minorem verò non aliud respondeo, nisi quòd falso id Hieronymo obijcis, quod ille nunquam affirmauit: nempe de iure diuino esse, vt Presbyterorum communi consilio Ecclesiæ gubernentur. Alioqui secundum Hieronymum fatendum esset contra diuinum ius vniuersam Ecclesiam peccare, quòd non communi Presbyterorum consilio, sed vnius Episcopi auctoritate Ecclesias faciat gubernari.

Porro quod de Hieronymo diximus, de alijs quoque Patribus existimandum est. si enim nunquam Presbytero simplici potestatem ordinandi concesserunt.

Liber primus.

71

concesserunt, sedeam solius Episcopi propriam crediderunt, vt mox patebit. Quamquam quid laborat Zaborouius, de Episcopi & Presbyteri discrimine: cum ipsi nec Episcopos nec Presbyteros legitimos habeant. Presbyteri enim in Ecclesia Sacerdotes dicebantur, Episcopi summi Sacerdotes, vt a temporibus Apostolorum omnes Patres & Ecclesiasticarum rerum scriptores testantur. Cum igitur Euangelici nullos Sacerdotes habeant, nec ad Sacerdotium vnquam ordinentur: quorsum de Presbyteri & Episcopi discrimine digladiantur?

Verum cum Zaborouius Episcopi & Presbyteri paritatem probare non potuerit: reliquum est, vt nos imparitatem & discrimen magnum vtriusq; firmissimis argumentis comprobemus. Ac in primis illud assero: hanc opinionem qua Presbyterum potestate Episcopo coæquat pridem in veteri Ecclesia pro hæresi habitam, & condemnatam esse. Eam enim fuisse Aërij hæresin recensent, Augustinus *hæresi 53.* & Epiphanius *hæresi 75.* Nam quod Zaborouius ait ob alias hæreses Aërium damnatum fuisse, ostendit se Augustinum & Ephiphanium non legisse. nam hi inter hæreses Aërij recensent istam; eam quæ postquam stultitiæ plenam vocasset Epiphanius, tandem eo etiam argumento oppugnat, quod Episcopus ordinate possit, Presbyter non possit. *Dicere, inquit, Episcopum & Presbyterum æqualem esse quomodo erit possibile? Episcoporum enim ordo Patrum generator est: Patres enim generat Ecclesiæ: Presbyterorum verò non potens generare Patres per lauari generationem generat filios Ecclesiæ, non tamen Patres ac Doctores. Quid clarius? Fateor alias quoque hæreses ac errores illius ibidem numerari, in quibus etiam nostri Euangelici eum egregiè imitantur: nempe, orare vel offerre pro mortuis oblationem non oportere: nec statuta solemniter esse celebranda ieiunia, sed cum quisq; voluerit ieiunandum, ne videatur esse sub lege: tamen negari non potest hoc etiam dogma inter cæteras hæreses numerari, quod diceret Presbyterum ab Episcopo nulla differentia discerni. quod ea occasione Augustinus refert Aërium docuisse: quia cum esset Presbyter, Episcopus vt ordinaretur assequi non potuit. sicut & Luterus, cum indulgentiarum promulgatio alteri potius quam ipsi deferretur, contra Indulgentias concionari cœpit: & exinde in alios errores est lapsus.*

At, inquit Zaborouius, cum tot Patres post Aërium idem docuerint: quid fieri poterit, vt ignorarent, quod in Aërio ab Ecclesia damnatum esset. Verum calumniatur Zaborouius Sanctos Patres. nullus enim ex ijs docuit Presbyterum qui non sit Episcopus ordinare Presbyteros posse: ac proinde nullum fuisse qui hanc imparitatem potestatis de qua hic agimus non agnouerit. Quod si cum Hieronymo in Ecclesia veteri Presbyteros & Episcopos quoad

Neque Episcopi, neq; Sacerdotes cangelicis.

Episcopum æquare sacerdoti hæresis est.

F. neque Patrum vllus exæquat.

De Notis Ministrorum

neque Con-
cilia.

Discrimē in-
ter Episcopū
& Presby-
terum.

I.

quo ad nomen eisdem fuisse quis contendat : neutiquam tamen quo ad rem & potestatem ordinandi. Et sanè cum dici non possit Aërium negasse discrimen Presbyteri & Episcopi secundum ius Ecclesiasticum. in eo enim vniuersæ Ecclesiæ vsum ignorare non poterat: sequitur illum negasse iure diuino vllum inter vtrumque esse discrimen. & in hoc sensu dogma illius pro hæresi habitum, & à Sanctis Patribus impugnatum est. Neq; verò Augustini & Epiphaniij tempore solum id dogma pro hæresi habitum est; sed etiam in duobus generalibus Concilijs, Constantiensi videlicet & Tridentino, iterum condemnatum & anathemati subiectum est. Videat igitur Zaborouius, quale dogma defendendum suscepit; quod multis ante sæculis hæresis ab Ecclesia condemnatum est: quo què modo Scripturas interpretetur: vt à duobus Concilijs generalibus, & tota veteri Ecclesia, anathema promeruerit.

Sed pergamus. Ostendo Episcopi & Presbyteri in veteri Ecclesia discrimen non tam à nominibus, quam à re accipiendum esse: nomen enim vtrumq; promiscuum erat, donec vsu ad duas res distinctas accommodaretur. Ac imprimis illud est clarissimum, quod soli Episcopi potestatem alios ordinandi iure diuino habuerint semper, Presbyteri verò simplices nequaquam. Nam quod ad Scripturas attinet; non legimus cuiquam ordinandi munus demandatum fuisse, quem nō constaret certo fuisse Episcopum. quia *Act: 14. 11.* Apostoli, qui proculdubio Episcopi erant, constituerunt per singulas ciuitates Presbyteros. Paulus etiam ac Barnabas, nonnisi postquam ordinati fuerunt in Episcopos, alijs Episcopis, qui tum erant Antiochiæ, Nigro, Lucio Cyrenensi, & Manahen, cum ieiunijs, orationibus, & impositione manuum, vt refertur *Act: 13.* tota antiquitate suffragante (ante enim tantummodo inter Prophetas & Doctores erant) cœperunt & ipsi alios ordinare, & munus Episcopale exercere, Presbyteros per singulas ciuitates constituendo, vt statim ex *cap: sequenti* notauit Oecumenius. Similiter Timotheus ac Titus à Paulo iam tum Episcopo ordinatus est. *2. Tim: 1. 6.* Titus etiam factus Episcopus iubetur à Paulo constituere per ciuitates Presbyteros. Monetur etiam Timotheus Episcopus à Paulo, ne manus citò cuiquam imponat *1. Tim: 5.*

Ex altera verò parte, inauditum est ab ipsis Apostolorum temporibus cuiquam Presbytero simplici id muneris delatum esse, vt alios ordinaret. Statim enim ab ipsis Apostolis Canones cōstituti sunt; quibus cauetur vt Episcopus nonnisi à duobus vel tribus Episcopis, Presbyter verò ab Episcopo ordinetur. quos Canones secuti omnes deinceps Patres vno consensu idem in Ecclesia docuerunt; & vsurpârunt ita, vt ne vnus quidem ex tota antiquitate proferri possit, qui diserte docuerit Presbyterum, qui non sit Episcopus, ordinare

ordinare posse. Nam nec Zaborouius quenquam pro sua sententia inuenire potuit, nisi Ambrosium. cuius verba, ut ad Ordinationem accommodaret, corripit & falsificauit. In Ægypto, inquit, teste Ambrosio *in Ephes. ca. 4.* Non concessit desit Episcopus, consecrat Presbyter. cum Ambrosius non dicat consecrat, sed *consignat*. Itane, Zaboroui, cum destituti sitis a veritate arte falsificandi polletis? cur vnum pro alio per fraudem substituitis? Scilicet aduertisti verbum *consignat*, cum ad Confirmationem referatur, tuam causam non adiuturum, itaq; pro *consignat* consecrat substituitis, ut verba Ambrosij ad Ordinationem detorquere posses. Porro consignandi in Confirmatione munus etiam non Episcopis ex dispensatione Ecclesiæ permitti potest: non item ordinandi. Hæ vestrae tam familiares vobis falsificationes iam apud nos effecerunt, ut fidem vestris citationibus habeamus nullam.

At lepide argumentaris; Minus, inquis, habet se anus ad potestatem baptizandi, quam Presbyter ad ius ordinandi. Cum igitur anus in necessitate baptizare possit: multo magis Presbyter ordinare poterit. Cuius hoc argumento non mouebis? Nunquid enim ad baptizandum consecratione aliqua opus est, sicut ad ordinandum? Hoc igitur responsum accipe. Ex institutione Christi, propter summam Baptismi necessitatem ad baptizandum nulla consecratione opus est: quare in necessitate validè baptizare potest non solum anus, sed & quicunque laicus, dummodo intendat facere, quod Ecclesia facit. Ad ordinandum autem peculiaria consecratione opus est, qua Episcopus in Presbyterum consecrat. Minus igitur se habet Presbyter ad ordinandum, quam anus ad baptizandum: nam illi deest ad ordinandum peculiaris illa potestas consecrandi, huic autem nihil deest ex requisitis ad baptizandum. Sed anu Zaborouio relicta ad rem redeamus. Dico igitur, non solum in auditu esse in Ecclesia, ut Presbyter ius ordinandi habuerit: sed etiā, si quid tale attetasset Presbyter, factū fuisse nullū, & ordinationē inualidā. Ita a temporibus Apostolorū sensit Ecclesia. Nam Clemens Apostolorum discipulus *lib. 8. Constit. cap. 46.* ex persona Apostolorum ait; *Neque Presbyteros fas est Clericorum Ordinationes facere: siquidem non licet Ordinationem seu ordinem inuertere; ut inferior ordo id quod est superioris per vim sibi vendiceret. Inuertitur enim ordo, quando quod ad superiorem ordinem spectat ab inferiore usurpatur: quod autem sine ordine fit inualidum habetur.* Euseb. Pontifex sub Diocletiano Christi Martyr in epistola ad Episcopos Tusciæ & Campaniæ ita scribit; *Manus, inquit, impositionis Sacramentum magna veneratione tenendum est. quod ab alijs perfici non potest, nisi à summis Sacerdotibus. Nec tempore Apostolorum ab alijs, quam ab ipsis Apostolis, legitur aut scitur peractum esse: neque ab alijs (sicut iam dictum est)*

F.
Non concessit Ambrosius sacerdotibus alios consecrandi auctoritatem.

Non eadem ratio Baptismi & consecrationis sacerdotum.

ita ab Apostolorum auctoritate traditum.

quàm ab illis, qui eorum locum tenent, unquam perfici potest, aut fieri debet. Nam si aliter præsumptum fuerit; irritum habeatur & vacuum: nec inter Ecclesiastica unquam reputabitur Sacramenta. Hæc Eusebius ipsis fere Apostolorum temporibus. Epiphanius quoque supra citatus diserte ait: *Episcoporum ordinem in Ecclesia Patrum genitorem esse: Presbyterorum verò ordinem, non Patrum esse genitorem, sed filiorum.* ubi ex eo, quod ordines isti sint distincti, negant, quæ sunt Episcoporum ordinis, effici posse ab ordine inferiori.

diuina institutione sacerdotibus à Pontificibus discreti. 1.

2.

3.

4.

Ex quo infero: iure diuino, non solum Ecclesiastico, hos ordines distinctos esse. tum quia, si iure diuino essent idem, non posset Ecclesia eam potestatem Presbyteris auferre: nec essent inualida, quæ diuinitus data potestate fierent: sicut quia Presbyteri iure diuino habet potestatem Ordinis, qua cōficit Eucharistiam, quantumuis vsu potestatis prohibeatur ab Ecclesia, si tamen ea vtatur, factum non est inualidum. tum quia, si Presbyter iure diuino haberet potestatem ordinandi, posset sine alia sui Ordinatione & consecratione ad Ordinem Episcopalem ordinare: at inauditum est in Ecclesia, vt Presbyter non Episcopus ordinet. Hoc ergo argumento est euidentis distinctum esse Ordinem Episcopalem ab Ordine Presbyterali. Et cum vsus sit optimus Legis interpres: si nunquam in Ecclesia vsitatum fuit, vt Presbyter ordinaret, sed tantum Episcopus; consequens est Presbyterum ratione sui Ordinis non habere hanc ordinandi potestatem. Denique si ea potestas ex iure solum Ecclesiastico Episcopis conuenit, Presbyteris non conuenit: quaero, quando & à quo ea lex Ecclesiastica fuerit lata? an ab ipsis Apostolis, vel ab alijs Apostolorum successoribus. Si dicatur primum: non potest non ex diuina institutione esse profectum, quod Apostoli sanxerunt; maxime in materia Sacramentorum, quorum auctor solus est Christus: secundum dici non potest: quia ea distinctio Episcoporum & Presbyterorum ipsis Apostolorum temporibus fuit, licet non ab ipso statim principio, sed postmodum nominibus accommodatis: vt ex Clemente, Ignatio, Eusebio, Epiphanio, & alijs satis constat. Iam verò, quod citat Zaboruius antiquum Canonem distict. 23. *Can. Presbyter, quo dicitur; Presbyter ordinatur Episcopo eum benedicente, & manum super caput eius tenente: etiam omnes Presbyteri, qui presentes sunt, manus suas iuxta manus Episcopi super caput illius teneant.* is ipse Canon Episcopo soli tribuit benedictionem, non Presbyteris. Ex quo apparet non ad id eam ceremoniam tenendi manus super caput ordinati spectasse, vt Presbyteri ordinarent vel consecrarent (Canon enim Apostolicus soli Episcopo id concedit) sed vt eo ritu ratam se habere Ordinationem ostenderent.

Presbyteri manus imponendo consecrandis non consecrant.

Alterum

Alterum discrimen inter Presbyterum & Episcopum est: quod diuersa sit Ordinatio vtriusque. Nam Presbyter ab vno Episcopo ordinandus est: Episcopus autem à duobus vel tribus. quod & Scriptura indicat: & Canones Apostolici *primus & secundus*, & perpetua praxis Ecclesiæ ab Apostolorum temporibus deducta. Nam idcirco Paulus Ordinationem Presbyterorum vni Timotheo vel Tito committit: Ordinationem verò Timothei, qui Episcopus erat, ait fuisse per impositionem manuum Presbyterij. Presbyteri autem Episcoporum cœtum interpretantur Patres, & vsus Ecclesiæ. Nam licet Presbyterium ex vi vocis possit accipi pro Presbyterorum communi cœtu (erat enim tunc Presbyteri nomen commune Episcopo & Presbytero) tamen hoc in loco Pauli, vbi Presbyteri dicuntur adhibiti ad imponendas manus Timotheo Episcopo, docent Patres Presbyteros non quoscunque esse intelligendos, sed eos duntaxat, qui essent simul & Episcopi. Neque enim auditum est in Ecclesia Episcopum à Presbyteris simplicibus ordinari: vti & Canon Apostolicus, & continuus Ecclesiæ vsus testantur. Frustra igitur laborat Zaborouius probans Presbyterium simplicium Presbyterorum cœtum posse significare: non enim hoc negamus: sed quod etsi nomen vtriusque significandis sit commune; hoc tamen in loco pro solis Episcopis accipiendum esse ex communi Patrum interpretatione, & Canonibus, ac vsu Ecclesiæ, docemus. Optimus enim legis interpres est consuetudo. Porro Canones Apostolici collecti, à Clemente de hac re sic loquuntur. *Primus, Episcopus à duobus vel tribus Episcopis ordinatur: 2. Presbyter ab vno Episcopo ordinatur.* Quod idem Anacletus socius & successor Clementis sub Domitiano in *Epist.* 2. repetit, & alij deinceps vsque ad nostra tempora obseruârunt. Idem quoque confirmat Ordinatio in Episcopum Pauli & Barnabæ *Act.* 13. quæ à tribus Episcopis est facta; nempe à Simone, Lucio, & Manahen. de qua in *Resurrectione soluti Nodi Gordij cap.* 12. Ex quo tale statuo argumentum; Si distincta est Ordinatio Presbyteri & Episcopi: ergo distinctus Ordo, ergo & distincta potestas. Nam per distinctam Ordinationem confertur distinctus Ordo: & in distincto Ordine continetur distincta potestas. Quocirca Anacletus *epist.* 3. edoctus ab Apostolis ait à Domino constitutos esse duos Ordines, Episcoporum & Presbyterorum: quin & ipse Hieronymus supra citatus.

2. Discrimen
ex ratione
consecrandi.

Tertium discrimen Presbyteri & Episcopi ex eo sumitur: quia Episcopi sunt iure diuino Iudices ordinarij Presbyterorum, non contra; mandante Paulo 1. *Tim.* 5. 19. *Aduersus Presbyterum accusationem nolite recipere: nisi sub duobus aut tribus testibus.* Cum igitur Iudices ordinarij potestate differant ab ijs, qui eorum iudicio subduntur: consequens est, Episcopos à Presbyteris pote-

3. ex iudicia
ria potestate.

ris potestate differre. Infulse verò responderet Zaborquius dicens ex communi consensu pares parem iudicare posse. Nam Timotheus, non ex consensu populi, sed à Paulo constitutus fuit iudex ordinarius Presbyterorum, qui vellent nollent ipsius iudicio subiacebant. id què ex institutione diuina sicut enim Pastorum officium Deus in Ecclesia constituit, ita & Iudicium. hoc enim regiminis Ecclesiæ pars non postrema est. Porro qui ex officio Iudex est aliquorum, is proculdubio potestate non est par ijs quos iudicat, sed superior.

Maiores minores. Si potest rationem reddere. Inepte quoque Petri exemplum adducit: qui cum esset par alijs Apostolis, tenebatur tamen suæ prædicationis rationem alijs reddere. *At: u. 5.* Si enim quis rationem sui facti reddat alteri, tanquam iudici & superiori; sic non tanquam par, sed tanquam subditus & inferior rationem reddit. Si verò reddat rationem ex æquitate ad satisfaciendum alteri, vel ad scandalum tollendum; sic quilibet potest alteri rationem reddere, non solum par pari, sed etiam superior inferiori. quomodo Christus non semel Iudæis solitus erat rationem suæ prædicationis reddere. Par igitur pari potest quidem, & aliquando teneretur rationem reddere: sed si reddat tanquam iudici, non erit par, sed subditus illi. quo modo Petrus nulli rationem reddidit. Nam *At: u. illi.* Iudæi iudicialiter cum Petro non agebant: neque se Petri Iudices statuiebant: neque Petrus illis tanquam Iudicibus rationem reddidit. Alioqui oportet eum, qui alteri, tanquam Iudici ex officio, rationem factorum reddidit, non esse illi parem, sed inferiorem. Cum igitur Presbyteri ex institutione diuina subiaceant iudicio Episcoporum, necesse est illos ex eadem institutione diuina Episcopis esse inferiores.

4. discriminis ex potestate diuersa in consecratione data. Quartum discriminis sumitur ex forma Ordinationis distincta. Nam Presbyteris cum ordinantur nulla talis potestas, qua alios ordinent & consecrent, confertur; sed tantum ut Missas celebrent, & confitentis peccata absoluant. neque ullam aliam potestatem forma qua in Presbyteros ordinantur continet. Fieri autem non potest, ut aliqua potestas in Ordinatione conferatur, quæ forma Ordinationis non exprimitur. Nam quod ait Zaborquius, implicite non explicite eam potestatem in Ordinatione contineri, quod iure diuino Presbiteratus annexi sit: si hoc ius diuinum aliquo firmo argumento probare posset, non male responderet. At cum nullum aliud argumentum ad id probandum habeat, nisi ex comunicate nominum ductum (quod ineptissimum esse ad id probandum multis rationibus supra conuicimus: non enim hic de nomine, sed de re agimus) sequitur gratis & temere ipsum id asserere. Porro in Ordinatione sua expresse monetur Episcopus, sui officij ad quod consecratur esse consecrare, ordinare, confirmare. Quod iudicat Zaborquius has ordinandi formas ex institutione Ecclesiæ profectas esse sciat:

esse: sciat alias, vel his non æquivalentes nunquam in Ecclesia fuisse. unde, aut dicendum esse nullas vnquam Ordinationes secundum ius diuinum factas esse, quod est longè absurdissimum: aut concedendum has ordinandi formas cum iure diuino consentire, & à iure diuino profectas esse.

Denique hoc discrimen maxime vrgent SS. Patres, cum hos duos ordines esse distinctos docent. Vna eorum ratio est ex typo. Nam si in Ecclesia Iudaica diuersa erant officia & potestates summi Pontificis & aliorum Sacerdotum, idem & in noua fieri merito existimandum est, vt sic typo & figuræ veritas respondeat. Vt enim ait Hieronymus in *epist. ad Euagrium*, quod erat Aaron, & filij eius, & Leuitæ in templo; hoc sibi Episcopos, Presbyteros, & Diaconos vendicare, quod Hieronymus à Clemente accepit, qui *8. Const. cap. 45.* eandem comparisonem instituit. Eius enim libros Hieronymus non solum legit, sed etiã Latinos fecit: vt ipsemet in *peroratione Commentariorum Origenis in epistolam Pauli ad Rom.* testitur. Idem & alij Patres docent. Anacletus Petri successor *epist. 2. Contemplari*, inquit, oportet Aaronem summum Sacerdotem fuisse; eius autẽ filios Presbyterorum figuram demonstrasse. Damascus Hieronymi coætaneus *ep. 4. Leo I. ep. 88.* Ignatius verò Apostolorum discipulus in *epist. ad Trallanos.* in Episcopo, Presbyteris & Diaconis aliũ typum considerat, quod Episcopus referat Christũ, Presbyteri Apostolos, Diaconi Apostolorum ministros. in *epistola ad Smirneneses*; ad *Trallanos*, ad *Philippenses*, ad *Tarsenses*; *Quid est*, inquit, *Episcopus nisi qui principatum omnem & super omnes obtinet? Quid Presbyterium nisi Collegium sacrum, consiliarij, & Confessores Episcopi?* Et, *Presbyteri*, inquit, *Episcopo subditi est ite; Diaconi Presbyteris; populus Presbyteris & Diaconis.* Et, *Episcopus Patris vniuersorum typus est: Presbyteri Dei confessus & cœtus Apostolorum Christi.* Ex quibus testimonijs Apostolicorum virorum apparet manifestum discrimen, inter ordinem Episcopalem & Presbyteratus. Nam, quod respondet Zaborouius Aaronem Summi Pontificis Christi figuram fuisse, non Episcoporum legis noxiæ: refellitur à dictis Patribus, quorum sententia etiã Episcopus Christi figuram gerit in Ecclesia. Quocirca nil repugnat Aaronem & Christi figuram esse, & Episcopi Christum repræsentantis, quatenus repræsentat summa sua quam habet à Christo potestite, vt Ignatius ait. Deinde Patres aiunt, in hac gubernatione hierarchica Ecclesiæ ordines Ecclesiæ Iudaicæ respondere Ordinibus Ecclesiæ Christianæ. & in particulari Summo Pontifici Christum repræsentanti, in Christiana quoque Ecclesia respondere debere Summum Pontificem, alia longè expressiori ratione Christum repræsentantem.

Ridicula est & illa Zaborouij argumentatio, qua probat Presbyteros in Ecclesia

Ordines Mo-
saici respon-
dent Chrysi-
anis.

*Quid sit ho-
more &c.*

Ecclesia summam auctoritatem habere, sicut & Episcopos. Eorum est, inquit, summa in Ecclesia auctoritas, qui duplici sunt honore digni: at Presbyteri, si bene præsint, duplici honore sunt digni. *1 Tim: 5. 17.* ergo eorū est summa auctoritas. Video quō collimat Zaborouius, vt suorum Ministrorum, quorum apud nos est vilis & abiecta conditio, summam auctoritatem apud suos adstruat: & eos ex simplicibus laicis Episcopos faciat. Sed quā inep̃te id probat! Nam nec locum Pauli *1 Tim: 5.* intelligit. nec ex eo argumentum rectē instituit. Paulus enim cū Presbyteros, si bene præsint, duplici honore dignos asserit: non de honore dignitatis alicuius in Ecclesia, ad quem promouendi sunt, loquitur; sed more loquendi Hebraico de munere honorario, seu maiori vitæ subsidio, quo magis honorandi sunt, qui magis Ecclesiæ utiles sunt. vt omnes interpretes exponunt. Statim enim id probat ex Scriptura; *Non alligabis os boni trituranti.* quo docetur Prædicantibus laborantibus subsidia vitæ non esse deneganda. Eodem etiam sensu sup̃rà v. 3. viduas quoque dixerat honorandas, hoc est, prouidendum illis de honesta sustentatione. Duplicem autem honorem more Scripturæ consuetō appellat: sicut cū dicitur; *Duplici contritione contere eos.* hoc est, magna contritione. Porro ex hoc loco male intellecto quā inep̃te argumētatur Zaborouius! Qui, inquit, duplici honore digni sunt, eorum est summa in Ecclesia auctoritas. Nunquid enim qui maiore sustentatione digni sunt, illi summam in Ecclesia dignitatem & auctoritatem habere debent? Nonne qui etiam in infimis officijs versantur, si bene illa administrant, duplici sunt honore digni? hoc est, maiore subsidio & sustentatione, vt tanto commodius suam operam nauare possint? Anne idcirco summa illorum in Ecclesia debet esse auctoritas & potestas? nunquid ex subsidijs vitæ maioribus maior in Ecclesia auctoritas & Ecclesiastica potestas colligitur? quis tales stultitias non rideat? Alioqui simili argumento probabit Zaborouius Diaconorum in Ecclesia summam esse auctoritatem. Nam, si officium suum bene administrant, duplici honore sunt digni: qui autem duplici honore sunt digni, summi secundum Zaborouium censentur in Ecclesia: erit igitur summa Diaconorum in Ecclesia auctoritas. quos tamen Presbyteris non solū non æquari, sed esse illis subditos & eorum ministros constat. Quin & rusticis, si bene suis officijs præsint, duplici sunt honore digni. *Dignus est enim operarius mercede sua.* Nunquid idcirco summa erit eorum in Repub: auctoritas & potestas? Nugæ, nugæ Zaborouio dignæ.

Simile est illud, cū id quod scripseram, Paulum Apostolum vnā cū Barnabā a Lucio Episcopo ordinatum esse. *Act: 3.* ille pro sua sapientia errorem in Theologia minimè tolerandum appellat. quid ita? Paulus, inquit, as-

serit se

ferit se non ab hominibus, neq; per homines esse missum, sed à solo IESU Christo. *Galat: 1. 1.* atqui dum alteri errorem imponit, suam prodit ignorantiam. Quæro enim, an is qui ab Ecclesia ordinatus est Presbyter vel Episcopus, possit à solo Deo miti ad prædicandum in toto mundo Euangelium, necne? Si posse dicat: concedit oportet, Ordinationem ab Ecclesia factam non obstat missioni à solo Deo: neque vllus error erit dicere, aliquem ab Ecclesia ordinatum à solo Deo ad Euangelium prædicandum missum esse. Cum enim Ordinatio & missio sint res diuersæ; potest altera ab Ecclesia, altera à Deo haberi. Nam in Ordinatione confertur potestas Sacerdotalis ad Sacerdotales functiones: quales sunt, sacrificare, peccata remittere, confirmare, consecrare, ordinare: vt ex formis Ordinationum manifestum est. post Ordinationem verò sequitur missio ad prædicandum Euangelium. Si vero neget posse: id nisi absurde negari non potest: quid enim repugnat, quominus Presbytero ab Ecclesia ordinato munus legationis ad prædicandū in toto orbe Euangelium à solo Deo committatur? Si enim dicat talem, non à solo Deo missum iri, id falsum est. Nam Ecclesia cum ordinat, non mittit; sed aptos & idoneos missioni efficit & consecrat. aut si aliquando mittit, aliud tum est missio, aliud ordinatio; & vnum ab altero separari potest. Similiter quid repugnat Deum mandare, vt is, cui ipse munus docendi in toto orbe Euangelij imposuit, ab Ecclesia in Presbyterum vel Episcopum ordinetur? vti in Paulo & Barnaba *Act: 13.* factum est, iubente Deo, vt Paulum & Barnabam, quos ad opus ministerij, hoc est, ad Euangelizandum in gentibus elegerat, segregarent. quam segregationem ita intellexerunt, & executi sunt illi, qui tum erant Antiochiæ Episcopi; vt ieiunantes, & orantes, imponentesq; eis manus, dimitterent illos. Vnde tale statuo argumentum; imponere manus ad opus ministerij, nihil aliud est, quam ordinare. Sicut igitur nullus error est ijs, quos solus Deus mittit, ab Ecclesia manus imponi, ita neq; ordinari. Ex quo perspicuum est non rectè Zaborouium intulisse; Paulum cum à solo Deo non ab hominibus missus esset, non fuisse ab Ecclesia ordinatum: Licet enim Paulus dicat se ab hominibus non esse missum, non tamen dicit ab hominibus se non esse ordinatum: aliud siquidem est Ordinatio, aliud missio: potestque vnum ab Ecclesia, aliud à solo Deo haberi. Neque potest aliter tueri se Zaborouius, nisi missionem cum Ordinatione confundit: quæ duo esse diuersissima nemo est qui ignorat. & à nobis supra satis probatum est. Frustra verò negare pergit. Paulum *Act: 13.* esse ordinatum; sed tantum preces peculiare pro eo suas. Nam nos euidenter demonstramus impositione manuum ad opus ministerij veram Ordinationem esse: cum igitur Paulo tum manus tres illi Episcopi qui memo-

Paulus à Deo missus: ordinatus ab Antiochiensibus.

rantur

De Notis Ministrorum

rantur imposuerint; negari minime potest Paulum ab ijs ordinatum fuisse Episcopum. Nam sicut Presbyter ab vno Episcopo, ita Episcopus a tribus secundum Canones Apostolicos ordinatur.

Possunt Episcopi esse vniuersales & particulares simul.

At instat Zaborouius inter Episcopum & Apostolum hoc distare inquires, quod Episcopi in suis Ecclesijs resideant; Apostoli autem per totum orbem docere iubeantur. Cum igitur Paulus fuerit Apostolus, non poterat ordinari Episcopus. Verum nihil ea instantia habet momenti. Nam vt Episcopi particulares in sua particulari Ecclesia resident; ita Episcopi vniuersales, quales erant Apostoli, vniuersa per orbem Ecclesiae attendunt. Adhuc Episcopus, potest simul esse & particularis alicuius Ecclesiae Episcopus, quam per seipsum administrat; & vniuersalem omnium Ecclesiarum, quas per alios Episcopos gubernat curam habere. Sic Petrus primum erat Antiochenae Ecclesiae Episcopus, tum Alexandrinae, demum Romanae: & tamen cum hoc Episcopatu particularium Ecclesiarum erat simul Apostolus, & vniuersalis omnium Ecclesiarum & Episcoporum Episcopus. Pari igitur ratione, Paulum non repugnabat simul esse alicuius particularis Ecclesiae Episcopum, & Apostolum totius mundi: siquidem in toto mundo docebat: & Episcopos Ecclesijs praeficiebat; & omnium Ecclesiarum sollicitudinem habebat. vti ipse de seipso testatur. Neque obstat, quod addit Zaborouius Paulum, multo ante Euangelium praedicasse, ac proinde non potuisse tunc ordinari Episcopum. Nam ad praedicandum necesse non est esse Episcopum: id enim Doctorum & Prophetarum, inter quos tunc Paulus fuit, munus erat: potuit igitur post creari Episcopus, vt tanto dignius Apostolicum munus obiret. Verum cum Zaborouius pro suorum ordinatione Ministrorum nihil solidi attulerit: ad tertiam Ministrorum notam, quae est a peccatis absoluedi potestas, expendendam veniamus.

CAPVT X.

Ministros Euangelicos, quod potestate remittendi peccata careant, non esse legitimos
Ministros.

INter ceteras sanctas ac propè diuinas functiones, ad quas Ministri Ecclesiae diuina institutione ordinantur & consecrantur, est peccatorum remissio, quae quia omnem humanam facultatem excedit, Spiritum sanctum Apostolis

Apostolis Christus largitus est, ut minimè dubitarent, id quod solius Dei *Spiritus S.* proprium est, spiritus diuini virtute & omnipotentia se quoque perficere pos- *Christus lar-*
se. Nam & miraculorum patratio ita Dei propria est, ut tamen diuina at- *gius Aposto-*
sistente virtute ab hominibus fieri possit. Verba Christi Domini sunt *Ioan: lis ad munus*
20. 23. *Accipite Spiritum sanctum: quorum remiseritis peccata, remittuntur illis manda-*
eis: quorum retinueritis, retenta sunt. Verum sicut Catholici hanc diuinam *tum necessa-*
in suis Sacerdotibus potestatem mirantur & adorant: ita Euangelici nec *rium.*
agnoscunt, nec reuerentur. quomodo verò agnoscerent in Ministris, quod
nec in Christo nec in Deo agnoscunt. Nihil affingendo dico: sed ipsissimū
illorum dogma profero. Dogma illorum proprium est. Peccata in nobis
non verè tolli à Deo ita ut non maneant; sed verè manere, & solum non
imputari, & contegi imputata iustitia Christi. Cum igitur neque Deum fa-
teantur peccata nobis verè remittere: quid mirum idem Ministris quoque
Dei denegare? Indignissimum sanè Christiano homine dogma; sed alibi
oppugnandum. Nunc satis erit ostendere potestatem verè remittendi pecca-
ta Sacerdotibus à Christo concessam esse: id què clarissimis ipsius Christi
verbis.

Et quidem Zaborouius cum suis in speciem ait Ministros remittere
peccata, annuntiando remissa vel remittenda, sub conditione Fidei & seriè
pœnitentiæ. Verum hæc explicatio plurimis, ipsque potentissimis argumen-
tis refellitur. Nā primum seipsam euertit: qui enim annūtiat ab alio remissa
vel remittenda peccata, ipse nō remittit, sed ostendit eum qui remittit sicut &
is, qui nuntiat Regem donaturum alicui certam pecuniæ summam, non di-
citur profectò ipse donare; sed solum donatorem indicare. Cum igitur
Ministri solum annuntiant à Deo remissa vel remittenda peccata, minimè
dici potest ipsos remittere peccata; sed remittentem indicare. Nam si di-
cant, quod annuntiationem sequatur remissio: id quidem verum est: sed se-
quitur à Deo non ab ipsis. vnde ipsi id sibi nullo modo arrogare possunt,
quod annuntiando remittant peccata: hoc enim ipsum annuntiant, quod
Devs non ipsi remissurus sit peccata, posita conditione Fidei & seriæ pœ-
nitentiæ.

Deinde vel Ministri annuntiant peccata antè iam remissa, posito quod
conditio Fidei & seriæ pœnitentiæ fuerit iam impleta: & tunc tali annuntia-
tione non remittunt peccata; quia ante annuntiationem Ministri iam erant
remissa. Vel annuntiant in futurum remittenda, si conditio Fidei & seriæ
pœnitentiæ fuerit impleta: sed tali etiam annuntiatione non remittuntur
peccata: quia non nisi multo post annuntiationem, Ministro interim vel
dormiente, vel nihil cogitante, vel etiam vita fortasse functo, remittuntur

*Lutheranum
dogma de re-
missi pecca-
tor: à Mini-
stris absur-
dum.*

1.

2.
*Quia annū-
tiant iam re-
missa; aut
post remitte-
da, aut iam
iam remitti
ab alio.*

à Deo. falsumque erit tum Ministrum remittere peccata : hoc enim esset remittere peccata, antequam essent remissa, quod manifestam implicat contradictionem. Quod si dicant Ministros annuntiare tunc peccata remitti, cum ipse annuntiat. neque tali annuntiatione dici potest Minister remittere peccata : quia tunc Minister annuntiat remissionem quæ sit à Deo, non quæ sit ab ipso ; quare annuntiat Deum remittentem peccata, non verò ipse remittit. Nullo igitur modo Minister annuntiando dici potest remittere peccata : vanumque & fucus merus verborum est cum dicant se annuntians remittere. Nam potius quia annuntiant, sequitur quòd non remittant quàm quòd remittant : annuntiant enim ab alio remittenda peccata non à se : qui verò annuntiat ab alio aliquid factum vel faciendum, non dicitur ipse facere.

3°
*Possit quivis
cuius, & si
b ipsi hoc mo-
do remittere
peccata.*

Deinde, uti in *Nodo* urgebam, si remittere peccata nihil aliud esset, quàm annuntiare Deum remissurum peccata, si adsit Fides & seria pœnitentia ; sequeretur etiam non Ministros posse remittere peccata ; imò quemlibet sibi ipsi remittere peccata posse. quilibet enim sine Ministro, vel legere in Scripturis posse hanc doctrinam de remissione peccatorum ; vel ab alijs qui non sunt Ministri eam addiscere ; vel sibi ipse in mentem revocare. At quis dixerit quemlibet sibi ipsi remittere peccata posse ? aut eum qui Minister legitimus non sit posse id, quod solis Apostolis *Ioan. 2.* & eorum successoribus concessum est ? Quorsum igitur Ministros Christus tanta ceremonia instituit ad id, quod quicumque alius æquè bene, & aliquando multo melius quàm Minister præstare potest ? Est enim id commune omnibus Christianis, ut quilibet possit ex charitate alterum excitare ad spem veniæ à Deo consequendæ, si seriò ipsum malè facti pœniteat.

*Nemo sibi po-
test remitte-
re peccata, ut
nec baptizare
se.*

Quid ad hæc Zaborovius ? Ait me modum annuntiandi priuatum cum publico confundere. Etsi enim priuatim idem consequi possim : tamen publicum annuntiandi remissionem exercitium est ex Christi institutione necessarium ; & tutius acquiesco, cum ab Ordinario remedium peto, & ab eo fuero absolutus. At non hoc agitur, Zaboroui, an modus annuntiandi publicus & priuatus sint distincti : hoc enim quis est qui nesciat ? Neque an publicum annuntiandi peccatorum remissionem exercitium sit in Ecclesia necessarium : siquidem multos esse in communitate oportet qui per seipso eam doctrinam consequi non possunt. Sed id à te petit argumentum : an cum priuatus quilibet sibi proponere possit eam doctrinam, quam Minister publicè proponit, possit dici sibi ipsi peccata remittere, vel etiam alteri, etiamsi Ministri officium non gerat ? id enim sequi meo argumento probo : tu verò ad id non respondes. Nam quantum sit id absurdum, vel ex eo in-

telliges.

telliges, quòd hucusque nunquam auditum est, vt quis sibiipſi peccata remiserit; vel is qui non fuerit ad id legitimè ordinatus, potuerit alteri peccata remittere. Et sicut nemo seipsum baptizare potest, quia Christus mandauit Apostolis alios baptizare: ita quia iisdem Apostolis Christus imposuit, vt aliorum peccata remitterent; sequitur neminem sibiipſi remittere peccata posse. Nam quod ais tutius conscientiam acquiescere, si Minister annuntiet: id de Catholicis Ministris verum est: de quorum & vocatione constar, & quòd non annuntiandi duntaxat, sed & efficiendi remissionem peccatorum potestatem habent. Vestri verò Ministri, neque suam vocationem probare vnquam potuerunt: neque aliud norunt facere, nisi prædicare. Si igitur, quod illi prædicant de remissione peccatorum, alter melius norit quam ipse Minister; qui fieri potest, vt maior securitas sit ex ipsorum ore doctrinam de remissione audire, quos suis auditoribus sæpe rudiores in doctrina esse certò constat; & præter doctrinam diuinum nihil habeant?

Verum Zaborouius veritate victus, tandem concedit suos Ministros improprie peccata remittere. Ex quo ego infero, eos quoque improprie esse Ministros. Qui enim improprie aliquid facit, non est verus & legitimus eius rei faciendæ minister: Minister enim à ministeriò nominatur: si ergo improprium ministerium circa remissionem peccatorum habet, improprie quoque remissionis peccatorum erit minister. quod etiam exemplo illustro. Si enim quis eo modo annuntiaret alicui Baptismum, quo isti annuntiant remissionem peccatorum, nempe si credideris & Baptismum ab aliquo Sacerdote susceperis; saluus eris; dubio procul non esset is verus & proprius Minister Baptismi istius: quia nimirum non ipse baptizaret, sed baptismum ab alio conferendum annuntiaret. Pari ergo ratione cum Ministri Evangelici annuntient solum remissionem peccatorum à Deo conferendam, non verò ipsi efficiant, dici non possunt veri & legitimi Ministri remissionis peccatorum. Hoc verò est quòd volumus, Euangelicos Ministros ipsismet assertoribus non esse veros & proprios Ministros remissionis peccatorum. Quantum verò peccent, quòd verba Christi, quibus potestatem remittendi peccata contulit, de impropria remissione interpretentur, infra ostendetur.

Tertium contra hanc expositionem argumentum est: quòd remittere peccata nullus nisi legitimè ordinatus possit. Solis enim Apostolis & eorum legitimis successoribus dictum est; *Accipite Spiritum sanctum quorum remiseritis peccata, remittuntur eis.* Soli accepto Spiritu sancto sunt ad id munus consecrati à Christo. Atqui annuntiare peccatorum remissionem quilibet, etiam si ordinatus non sit, potest, puer, foemina, infidelis, imò & ipse daemon, veletiam psittacus si doceatur. Ergo annuntiare non est idem quod

*Hereticorū
Ministrelli
improprie ita
dicuntur, id
est non verè.*

*non magis
quàm psittacus,
aut daemō.*

quod remittere. In dæmones, inquit, Zaborouius, cadere non potest, ut alicui remissionem peccatorum sub conditione Fidei & pœnitentiæ annuntient. Quidni, Zaboroui? nam etsi ex affectu ad nostram salutem id non possint propter insitam sibi malitiam, & quod habent erga homines capitale odium: tamen ex alijs causis quidni possint? nempe vel Dei permissiōe & voluntate, ad eum modum, quo Christum esse verum Dei Filium non semel in Euangelio confessos esse legimus: vel sine fallendi homines, ut eo veluti pio colore, quod remissionem peccatorum annuntient, fidem sibi concilient; unde facilius in alias fraudes homines impellere possint. quod in dæmonum apparitionibus & oraculis non infrequenter accidit: Paulus quē indicat, cum eum transfigurari quandoque in Angelum lucis non diffitetur. tunc enim se transfiguratur, cum velut Angelus lucis bona docet, & speciem præfert pietatis. Cum igitur negare non possit Zaborouius, dæmonem transfigurantem se in Angelum lucis posse annuntiare Euangelium de remissione peccatorum: negare quoque non poterit dæmonem Euangelicis peccata remittere posse. ipsi enim credunt, idem esse peccata remittere, quod annuntiare.

Fœminis negamus posse quem absoluerere.

Fœminæ, inquit, cum apud vos in necessitate baptizare possint, peccata quoque secundum vos remittere possunt. At aliud est, Zaboroui, interuentu Baptismi, qui ex Christi institutione vim habet abolendorum peccatorum, peccata remitti. hoc enim quilibet potest, qui baptizare potest; sed Baptismi, non sua, virtute & potestate: aliud verò ratione peculiaris potestatis sibi diuinitus concessæ peccata remittere, ut in Sacramento Absolutionis accidit: hoc enim apud Catholicos nemo nisi legitime ad id munus consecratus potest; quare neque fœmina, neque laicus. Apud vos autem sicut annuntiare quilibet potest, etiam fœmina; ita remittere quoque peccata annuntiando potest, quod tamen vel ex eo absurdum est: quia Christus Apostolis, non nisi prius ordinatis & Spiritu S. consecratis, eam potestatem concessit.

Et pueris. quamuis Episcopis.

Dum etiam ais, pueros aliquando apud nos in Episcopos promotos, à peccatis absolueri potuisse: primum falleris, si existimas id in Ecclesia Romana grauissimis Canonibus cautum non esse, ne scilicet quis ante præscriptam ætatem ullis ordinibus intietur. Deinde si id aliquando contingat pueris Principibus, ut eorum quæ multum valent auctoritate Ecclesia ab Hæreticis & alijs id genus inualoribus protegatur. id non fit per collationem Ordinis Presbyteralis aut Episcopalis, sed potestate facta Episcopatum administrandi, siue per se, siue per alios quiritæ sunt ordinati. talis autem administratio potestatem Ordinis non requirit. Quocirca nullo modo sequitur, pue-

enim, pueros eiusmodi à peccatis absoluerè posse, cum neque sint veri Sacerdotes, neque veri Episcopi. Quod si demus per abusum & contra Canones aliquem talem ordinari: is tamen lege Ecclesiastica ab usu Ordinis, donec ad legitimam aetatem peruenierit, prohibetur. Non ita apud Euangelicos: secundum quorum decreta quicumque annuntiare Dei voluntatem de remissione peccatorum potest, poterit etiam peccata remittere: quare & puer peccata remittet, quem ad eiusmodi functionem ineptum esse testificatur aetas.

Multa verò comminiscitur de priuata & laica Absolutione, quæ partim non intelligit, partim deprauat. Nam si de ea Absolutione, quæ est à peccatis in Confessione sermo sit: eam nunquam Ecclesia adhibuit, vel adhiberi posse ab ijs qui non sunt ordinati docuit. nisi forte quis per abusum & crassam ignorantiam sibi eam potestatem quam non habuit usurpauerit, diuinam institutionem inuertendo. Verum abusus non esse allegandos omnes norunt. Si verò de Absolutione metaphorica sit sermo: ea cum ad Confessionem non pertineat, nihil ad nostrum propositum facit. Nos enim non de metaphorica, sed vera & sacramentali Absolutione, quæ in Confessione impenditur, hic agimus. Tales sunt illæ Absolutiones metaphoricae, quas ex Augustino & Theophylacto extra rem adducis. *Cæpissi*, inquit Augustinus de verbis Domini secundum Matth: serm: 16. *habere fratrem tuum tanquam Publicanum, ligas illum in terra: cum autem correxeris & concordaueris cum fratre tuo, solusisti eum in terra.* Et Theophylactus in Matth: cap: 18. *Si tu, inquit, offensus habes eum, qui te offendit, tanquam Publicanum & Gentilem, erit ille & in cælo talis: si autem solueris eum, hoc est si illi condonaueris, erit illi & in cælo condonatum.* Ex quibus patet: aut falsum esse, remissionem peccatorum annuntiatione remissionis contineri: aut ad remittenda peccata potestatem quibusuis hominibus, etiam foeminis, imo & dæmonibus concedendam.

Quartò, potestatem remittendi non esse eandem cum potestate prædicandi multa sunt quæ indicant. Primum, quia diuerso ritu & ceremonia hæ potestates à Christo Apostolis concessæ sunt. Cum enim potestatem remittendi daret, *insufflauit, & dedit Spiritum sanctum*: quod dando potestatem prædicandi non fecit. Secundo: quia Apostoli non ipsa prædicatione remittebant peccata, sed homines ad Sacramenta amandabant, ut per ea suorum peccatorum remissionem consequerentur; ut patet *Act: 2: 37*. Post prædicationem enim ijs qui crediderunt non pronuntiat Petrus esse remissa peccata, sed iubet illos penitentiam agere & baptizari in remissionem peccatorum. Ananias etiam Paulo post prædicationem ostendit Baptismum ad ab-

*Munus docendi & absol-
uendi lon-
gè diuersum*

1.

2.

De Notis Ministrorum

luenda peccata : *Baptizare*, inquit, & *ablue peccata tua. Act. 22. v. 16.* Quocirca prædicatione solum indicantur media ad remissionem peccatorum consequendam, non verò confertur ipsa remissio.

neque alterū
continetur
in altero.

Ad hoc argumentum respondet Zaborouius. Primò potestatem prædicandi quatenus latius se extendit, quàm ad remittenda peccata, nempe ad docendas alias res Fidei & Sacramenta, esse diuersam quodammodo à potestate remittendi; ita tamen, vt hæc potestas in illa contineatur. At non euadit Zaborouius. Nam potestas remittendi distincto & peculiari ritu ac cerimonia est data à potestate prædicandi: quod signum est in potestate prædicandi non fuisse contentam potestatem remittendi: vt quid enim peculiari ritu potestas remittendi daretur, si ea fuisset in generali illa potestate prædicandi contenta? Nam quod ait Zaborouius non esse Christum vsum vlla cerimonia, dum potestatem docendi daret, quia in die Pentecostes peculiari ratione in linguis igneis Spiritum Sanctum illis daturus erat; id, inquam, non soluit argumentum. Non enim quærimus, quid in die Pentecostes facturus erat Christus: certum enim est eo die non ad qualemcunq; prædicationem, sed ad illam admirabilem reuelationem omnium veritarum supernaturalium datum esse Spiritum S. sed quærimus, cur post Resurrectionem, alio ritu potestatem remittendi; alio potestatem prædicandi contulerit: nisi quòd hæc potestates ita sint distinctæ, vt vna non contineatur in altera.

Ne tunc quidem inquit Zaborouius ad prædicandum sine Spiritu S. misisse. quomodo enim aliquid in salutem hominum Spiritu S. destituti facerent? At non erat id necesse, Zaboroui: nam ad communem prædicationem sufficit communis gratia Sacerdotibus in ordinatione dari solita per manuum impositionem. Quare manet adhuc discrimen, quo Christus has duas potestates discreuit.

Respondet secundò Zaborouius; prædicatione indicari quidem Sacramenta, non tamen rectè prædicationem opponi Sacramentis: cum Sacramenta totam vim & efficaciam habeant ex verbo: *Accedit enim verbum ad elementum, & fit Sacramentum.* vt docet Augustinus 19. contra Faustum cap: 16. & tract: 80. in Ioannem. Verum nec quid à nobis dicatur, nec quid inter sit inter verbum Concionatorium, & inter verbum Sacramentale, videtur percipere Zaborouius. Dicimus enim Apostolos cum prædicarent remissionem peccatorum, illa prædicatione non remisisse peccata, sed indicasse Sacramentum Baptismi, tanquam quid distinctum à sua prædicatione conferens remissionem peccatorum. Neque enim Baptismus virtutem suam ex prædicatione Petri habuit, sed ex institutione Christi. Nam quamuis Baptismus sine verbo nullam vim habeat: *accedit enim verbum ad elementum*

verbum concionatorium
non idem sacramentale.

& sic

Et fit Sacramentum : tamen verbum illud non est Concionatorium sed Sacramentale. Concionatorium enim est illud , quo annuntiatur & suadetur remissio peccatorum : Sacramentale verò quo vis & natura Sacramentorum exprimitur , vt in Baptismo verba illa , *Ego te baptizo , in nomine Patris & Filij , & Spiritus S.* sunt Sacramentalia quia formam & naturam Baptismi exprimunt. Baptismus igitur non constituitur per verbum Concionatorium , sed per Sacramentale : quantumvis enim quis concionetur , nisi verba Sacramentalia quæ forma Sacramenti dicuntur proferat , non conficit Baptismus. vnde & à verbo Sacramentali non Concionatorio virtutem suam habet Baptismus. quod patet in pueris , qui dum baptizantur non audiunt nec intelligunt concionem , sed per solum verbum Sacramentale iustificantur in Baptismo. Etiam si enim nulla præcedat concio , & solum verbum Sacramentale cum aqua adhibeatur , verus Baptismus conficitur ; & (si nullus obex adsit) consequitur remissio peccatorum. Hoc igitur sensu Baptismus in verbo mundare docet Augustinus , & reliqui omnes Ecclesiæ Doctores.

Quod si dicas , ad remissionem peccati per Baptismus , requiri Fidem & pœnitentiam , quæ sine prædicatione haberi non potest ; *Quomodo enim credent sine prædicante ? Rom : 11. 14.* Respondeo prædicationem requiri in adultis ad præparandos & disponendos animos ad remissionem in Baptismo consequendam : neq; enim Baptismus , etsi vim delendi peccati habeat , in animo infideli & impœnitenti quicquam efficit. Prædicatio igitur tollit obicem & impedimenta : Baptismus verò gratiam qua remittuntur peccata cōfert. Ex quo patet verbo Concionatorio non aliam vim ad remissionem peccatorum , nisi præparatoriam tribuendam esse.

*nec semper
necessaria
prædicatio.*

C A P V T XI.

Christum dedisse Apostolis potestatem iudicariam & effectricē remissionis peccatorū.

Certum inprimis est , Christum non dedisse Apostolis absolutam & independentem potestatem ad remittenda peccata. Non enim vi huius potestatis poterāt ad libitum cui & quomodo vellent remittere peccata. verbi gratia , non audita prius peccatorum confessione , vel non pronuntiatis verbis à Christo institutis *Ego te absoluo* : neq; etiam nomine suo , sed solum nomine & auctoritate Christi poterant absolvere. Potestas igitur à Christo concessa

Potestas remittendi peccata non est absoluta.

*eadem est
iudiciaria.*

concessa est ministerialis duntaxat. Ministrorum enim est non suo sed alterius nomine & potestate & ex alterius præscripto agere,

Hac porro potestate ex instituto Christi Ministri vti debent per modum iudicij: siquidem cognita prius ratione peccati, & audito reo, pronuntiant nomine Dei sententiam, qua illum verè & à peccato absolunt, & à damnationis æternæ reatu. Cum enim ad discernendum, an peccata sint remissione vel retentione digna, cognitione sit opus, ea quæ non aliunde haberi possit, quàm ex rei ipsius confessione, cuius & causa salusq; agitur; & peccatorum ratio præcipuè ex corde & voluntate peccantis dependet; cordis autem arcana post Deum nemo nisi peccans ipse nouit: ipsius ergo confessione opus est ad detegenda arcana cordis, vt pro veritate sententia remissionis pronuntiari possit. Quæ ratio tota est iudiciaria, & verè effectrix remissionis peccati: sicut verè iudex absolutione sua liberat reum à reatu & pœnis criminis, cuius ab accusatore insimulatus fuerat.

*verba enim
Christi proprie
accepta, id
vident, id
significant.*

1.

Porro hanc veram & iudiciariam potestatem primùm verba ipsa Christi ostendunt; *Quorum remisistis peccata, remittuntur eis.* Si enim ea verba in propria significatione, vti debent, accipiantur; non possunt, nisi de vera peccatorum remissione intelligi. Remittere enim peccatum est illud tollere, & facere vt reus peccati amplius reus non sit. quo etiam modo illa sequentia; *Remittuntur eis*, propriè & de vera remissione ab omnibus intelliguntur. Propriè autem accipi debere suadet in primis lex illa Scripturas interpretandi, vt verba Scripturæ semper in propria & vtitata significatione accipiantur, nisi ex adiunctis impropria significatio necessario sit admittenda. Hic verò nil dixit Christus, quod cogat verbum *remisistis* impropriè accipiendum esse. In propria igitur significatione de vera remissione accipi debet.

2.

Deinde Christi verba indicant, sententiam de remissione latam in terris, confirmari à Deo in cœlis; vti etiam Sancti Patres observant. Sensus etenim est; Id quod vos feceritis in terris, ratum erit in cœlis: & remissio à vobis facta rata erit & confirmata in cœlis. Sicut igitur vera remissio rata habetur in cœlis, ita & vera remissio fit in terris. Ita enim Augustinus de vera & falsa pœnitentia cap: 10. illa Christi verba; *Quodcumq; solueris super terram, soluetur & in cœlis*, exponit: hoc est; Ego Deus, & omnes ordines cœlestis militiæ, & omnes Sancti in mea gloria laudant vobiscum & confirmant, quos ligatis & solutis. Non dixit; quos putatis ligare & soluere, sed in quos exercetis opus iustitiæ aut misericordiæ. Ita & Hilarius in Mattheum Can: 16. de Petro loquens, ait; O beatus cœli janitor, cuius arbitrio clauis eterni aditus in duntur: cuius terrestre iudicium præiudicata auctoritas sit in cœlo; vt quæ in terris ligata sunt aut soluta, statuti eiusdem conditionem obtineant & in cœlis. vel,

vt san-

vt sanctus Leo *in serm. 2. Anniversarij Assumptionis* loquitur. *mansuram in cælis iudiciorum suorum definitionem.* Præterea his verbis Dominus legem perpetuò in Ecclesia duraturam constituit : legis autem conditio est, vt proprijs verbis & vsitatis condatur, ne in diuersos & contrarios sensus torqueri possit. Quare & verbum remittendi hoc loco in propria & vsitata significatione pro vera remissione accipi debet. ex quo sequitur, vt potestas verè peccata remittendi data Apostolis à Christo intelligatur.

Secundo, indicant idem illa Christi verba ; *Accipite Spiritum Sanctum.* cur etenim Spiritus S. ad remittenda peccata datur Apostolis, nisi quia remissio peccatorum est res tam sancta, vt perfici humanis viribus nequeat ; sed proprium sit opus Spiritus S. vt quod propria virtute non possunt, id virtute Spiritus S. perficiant? Ad eam igitur remissionem perficiendam datus est Spiritus S. quæ est opus proprium Spiritus S. cum quæ remissio quæ à Spiritu Sancto efficitur sit vera & propria remissio, per quam peccata tolluntur ; sequitur eandem remissionem perficiendi munus & potestatem Apostolis à Christo concessam esse.

2.
indicat id Spiritus S. communicatio.

Iam si remissio peccatorum nihil esset aliud, quàm annuntiatio remissionis sub conditione Fidei & pœnitentiæ : talis remissio non esset, nisi pars quædam prædicationis. Cum igitur Christus in Ecclesia non instituerit peculiarem ritum, quo prædicatoribus conferretur Spiritus sanctus, siquidem cum mitteret Apostolos ad prædicandum in toto mundo, nullam talem ceremoniam adhibuit, qua illis daretur Spiritus sanctus. sequitur neque ad remissionem quæ prædicatione sola continetur, datum esse Spiritum sanctum. Nam quod ait Zaborovius, Christum ad docendum daturum fuisse Spiritum S. postea, hoc est, in die Pentecostes : non aduertit tunc datum fuisse Spiritum S. Apostolis cum donis illis supernaturalibus, quæ ad communes prædicatoribus tradi non possunt. Nam & scientia omnium mysteriorum Fidei supernaturalis & perfecta fuit tunc Apostolis infusa, Spiritu S. docente illos omnem veritatem : & donum linguarum concessum : denique plenitudo Spiritus tanta, vt diuinitatè spirare videretur : seu, vt ait Apostolus, *in ostensione Spiritus & virtutis* prædicarent. Quæ omnia cum nonnisi à Spiritu Sancto conferri potuerint, meritò ad illam primam Euangelij prædicationem datus fuit Apostolis Spiritus S. quod tamen priuilegium ad Apostolorum successores & communes prædicatoribus, promulgato iam Euangelio, non transiit. Quamquam non nego prouidisse cæteris quoque prædicatoribus Christum gratiam Spiritus S. sed à gratia Sacerdotij non distinctam. Cum enim prædicatoribus in Ecclesia ordinarij & Sacerdotes futuri essent ; ea quæ functio Sacerdotali Ordini sit annexa : ea quoque gratia Spiritus Sancti,

Talem ritum non adhibuit Christus mittens ad prædicandū.

quæ in Ordinatione Sacerdotibus per impositionem manuum datur, seruit ad prædicationis munus obeundum: cum sit inter cæteras Sacerdotum functiones. Cum igitur hic Christus specialem ritum instituerit, quo daretur Spiritus S. ad remittenda peccata: manifestò colligitur aliud quid esse hanc remissionem, quam prædicationem remissionis peccatorum.

quia Christus
dedit aucto-
ritatem pec-
cata remitte-
di instar sui.

Tertiò idem indicant illa Christi verba: *Sicut misit me Pater, & ego mitto vos*: hoc est, officium & munus quod mihi mandauit Pater, & ego mando vobis. cuius officij exemplum in particulari cum potestatem remittendi peccata esse voluerit, idcirco rectè concluditur, idem quoq; peccatorum remittendorum officium ac munus cum Apostolis commune fecisse. Officium autem Christi & munus erat peccata vere remittere; quare idem quoq; munus Apostolis communicauit. Particula *sicut*, inquit Zaborouius, non semper identitatem & paritatem designat, sed aliquando similitudinem. At neq; nos paritatem vrgemus: scimus enim Christum tanquam Dominum absolutam habuisse potestatem, Apostolos verò vt Ministros Christi ministerialem duntaxat. sed id quod vrgemus est, quod ad id ad quod Christus à Patre missus est, Apostolos quoq; miserit, illis quæ idem munus & officium imposuerit exequendum, scilicet in remittendis verè peccatis: salua ea differentia, quam inter Ministri & Domini potestatem intercedere necesse est. Dominus enim quæ ipsius propria sunt exequitur per Ministros, Dominus quidem potestate absoluta, Ministri potestate ministeriali & limitata.

Neque verò instantia Zaborouij est alicuius momenti, cum ait Christum ad redimendum genus humanum sanguine suo missum esse, id verò Apostolis non conuenire. Non enim Christus ad omnia ea, ad quæ ipse à Patre missus est, ait se Apostolos quoq; mittere: sed solum ad ea, quæ cum Apostolis erant communicanda, inter quæ potestas quoque remittendi peccata numeratur; ait se Apostolos ita mittere, sicut ipse missus est à suo Patre.

Quæ etsi luce clariora sint, ea tamen Zaborouius aliquot Patrum male & infideliter citatorum auctoritatibus obscurare conatur. Primum testimonium Ambrosij est, cuius verba ex Gratiano in compendium redacta adducit *dist. 1. de Pœnitentia. Can. verbum. Verbum Dei*, inquit, *dimittit peccata; Sacerdos Dei est iudex. Sacerdos quidem officium suum exhibet, sed nullius potestatis* (addit Zaborouius, absolutæ & iudiciariæ) *iura exercet*. Verum hic Ambrosij locus sententiam Zaborouij non solum non iuuat, sed prorsus euertit. Nam si Ambrosius disertè fatetur Sacerdotem in remittendis peccatis esse iudicem: quomodo potestatem iudiciariam negare censendus est? Nunquid iudex sine iudicandi potestate quis censi potest? cum, potius ideo dicatur iudex, quod iudicandi potestatem habeat. Cum verò

Ambrosij sen-
tentia sacer-
dos est iudex
peccatorum in-
stas Christi.

Ambrosius

Ambrosius negat Sacerdotem vllius potestatis iura exercere, de absoluta potestate loquitur. quia nimirum nihil sua propria & absoluta, sed Dei duntaxat auctoritate facit. Non verò iudiciariam negat, quæ illi quatenus iudex est, non potest non conuenire.

Porro cum dicit Verbū Dei dimittere peccata: non de concionali verbo loquitur, vt Zaborouius putat; sed de illo Dei verbo, in quo potestas hominibus datur peccata dimittendi; *Quorum remiseritis, &c.* Hoc enim Dei verbum facit homines peccata dimittere: & virtute ipsius opus hoc tam arduum aggrediuntur. quod sine eo non auderent. Cum verò ait Sacerdotem esse iudicem: an non te tuosque Euangelicos qui Sacerdotes non estis condemnat, & à potestate absoluendi & retinendi peccata prorsus excludit? vt enim *1. de penitentia c. 2.* ait. *Ius hoc ligandi adque soluendi solis promissum Sacerdotibus est.* Rectè igitur illud Ecclesia sibi vendicat, quæ veros Sacerdotes habet: hæresis vendicare non potest, quæ Sacerdotes Dei non habet. Et mox ostendit Sacerdotes, dum Spiritum S. in ordinatione accipiunt, potestatem Spiritus S. quam habet in criminibus soluendis pro suo modulo participare. *Qui, inquit, Spiritum S. accipit, & soluendi potestatem ac ligandi accipit: sic enim scriptum est; Accipite Spiritum sanctum. quorum remiseritis, &c.* Ergo qui soluere non potest peccatum, non habet Spiritum sanctum. Munus Spiritus S. est officium Sacerdotis: ius autem Spiritus S. in soluendis ligandisque criminibus est. Quomodo igitur munus eius vendicant, de cuius diffidunt iure & potestate? Secundum ergo Ambrosium Sacerdotes verè & propriè efficiunt remissionem peccatorum. quia ad hoc accipiunt Spiritum sanctum vt in eis id efficiat, quod ipsius proprium est, nempe remissionem peccatorum.

Ac ne dubitari de mente Ambrosij possit: is ex instituto id probat ibi- vt & aliorū dem in cap: 7. *Vult, inquit, Dominus plurimum posse discipulos suos: vult à prodigiorum seruis suis re fieri in nomine suo, quæ faciebat ipse positis in terris. Demum parratores de ait: Et maiora his facietis. Dedit vt mortuos suscitarent: & cum ipse posset scipuli erant Paulo reddere usum videndi, eum tamen ad Ananiam discipulum suum mi- institui in- sit, vt eius benedictione Saulo resunderentur oculi quos amiserat. Petrum stat Christi. quoque secum in mari iussit ambulare: & quia titubauit, reprehendit illico; eò quòd dona gratiarum Fidei pauxillitate minuisset. Dedit etiam discipulis vt lux mundi essent per gratiam, qui erat ipse lux mundi. Et quia descensurus esset à cælo, & in cælum ascensurus, Eliam ad cælum leuauit, inde eum terris pluvio redditurus tempore: Baptizaturus quoque in Spiritu S. & in per Ioannem Baptismatis Sacramenta præmisit. Omnia denique donauit discipulis suis: d. quibus ait: In nomine meo demonia eijcient, linguis loquen-*

id est verè,
& propriè,
& sine fūco.

cur nouis: serpentes tollent: et si morti ferum quid biberint non eis nocebit: sit per egros manus imponent & bene habebunt. Omnia ergo dedit: sed nulla in his hominis potestas est, ubi diuini nominis gratia viget. Cur igitur manus imponentis, & benedictionis opus creditis, si quis forè reualuerit egrotus? Cur præsumentis aliquos à colluione diaboli per vos mundari posse? cur Baptizatis, si per hominem peccata dimitti non liceat? In Baptismo utiq; remissio peccatorum omnium est. quid interest, verum per pœnitentiam an per lauacrum hoc ius sibi datum Sacerdotes vendicant? vnu in viros, ministerium est. Sed dices: quia in lauacro operatur mysteriorum gratia. Quid in Pœnitentia? nonnè nomen Dei operatur? En habes, Zaboroui, Ambrosium te docentem: Sacerdotes, non simplices laicos quales sunt vestri Ministri, habere veram potestatem efficiendi non tantum annuntiandi remissionem peccatorum: sicut Christus ipse eam habuit positus in terris, eam quæ sicut & alias suas virtutes seruis suis verè communicauit. non quidem tantam quantam ipse habuit, quia ipse habet vt Dominus absolutam; dedit vero seruis suis vt ministris, hoc est, ministerialem & ab ipso dependentem; sed veram tamen, & verè operatiam in nomine ipsius. Habes etiam, quo sensu Ministros nullam dicat habere propriam potestatem? quia nulla in his, inquit, hominis potestas est, ubi diuinis muneris gratia viget.

nulla in hoc
Deo iniuria
a nobis, sed
ab hereticis
maxima,

Idem quoque S. Pater soluit ibidem c. 2. veltum argumentum, quod dicitis iniuriam Deo fieri, si quod est Deo proprium, hoc est remittere peccata, in homines transferatur: quia, inquit, quod Dei proprium est, ex mandato & commissione ipsius, potest hominibus quoque communicari. Sed aiunt, inquit, se Domino deferre reuerentiam, cui soli remittendorum criminum potestatem reseruent. Imò nulli maiorem iniuriam faciunt, quàm qui eius volunt mandata resistere, commissum munus refundere. Nam cum ipse in Euangelio suo dixerit Dominus IESVS; Accipite Spiritum S. quorum remiseritis peccata, remittuntur eis: & quorum retinueritis, retenta sunt: quis est qui magis honorat, vtrum qui mandatis obtemperat, an qui resistit? Ecclesia in utroq; seruat obedientiam, vt peccatum & alliget & relaxet: Hæresis in altero immitis, in altero inobediens &c. Vide itaq; Zaboroui, quàm infideliter & corrupte sanctos Patres pro vobis citare soletis, contra omnem ipsorum mentem & sententiam; vt clarissimis illorum locis relictis verbis aliquo modo obicuri omnia tenebris inuoluatis: propter quod nullam fidem apud nos meremini, qui toties perfidi estis & semper fuistis. vt multa millia falsificationum vobis, tum in Germania à Iacobo Keller, tum in Gallia à Frontone Ducæo ostensa testantur.

At forte feliciores in Augustino, cuius verba ex i. tractatu in Ioannē adducis.

adducis. *Ministerium*, inquit, remittendi peccata *dedit Dominus seruis*, potestatem autem sibi retinuit &c. *eam potestatem nulli seruo daturus, sed sibi eam retenturus est, ne omnis imputet seruo quod Domino.* Verum, Zaboroui, inprimis fallo citas Augustinum. Nam *tract. 1. in Ioannem*. nihil tale habetur (quanquam hoc vitium scriptoris esse potuit, habetur autem *in tractatu 5.* sed de Baptismo, non de remissione peccatorum in Pœnitentia, vti fallo adscripsisti. Et licet in Baptismo fiat quoque remissio peccatorum; tamen alia ratione quam in Pœnitentia: Nam in Baptismo non fit remissio peccatorum ex potestate aliqua diuinitus baptizanti communicata, sed sola virtute Baptismi, cui Christus hanc virtutem dedit, vt ad ipsum consequatur remissio peccatorum: etiamsi ab eo conferatur, qui nullam potestatem spirituales a Deo accepit. In Pœnitentia verò ex virtute; quam Christus concessit Ministris, sequitur peccatorum remissio. quod quia negabas, Zaboroui, infideliter adduxisti Augustinum, quasi de ea potestate, quæ Ministris ad remittenda in Pœnitentia peccata concessa est, loqueretur.

aliter in Baptismo, aliter in Confessione remittuntur peccata.

Sed admittamus Augustinum ita locutum esse: quid hic pro te habes? quid contra nos? Nonne cum Augustino fatemur vltro absolutam illam & independentem absoluendi potestatem, qua potest Christus vt quocunque modo vult, id quæ sua non alterius auctoritate, nulli communicasse, sed neque communicare posse, ea perfectione qua ipse habet: Solum verò ministeriū, hoc est, potestatem ministerialem, concessisse seruis suis, vt in nomine ipsius & potestate ab ipso data & limitata faciant, quod ipse principaliter & absolute facit. Negat igitur Augustinus, non potestatem ministerialem sed principalem Ministris concessam: neque ministerialem potestatem in annuntianda solum constituit, sed etiam in efficienda remissione peccatorum. Audi Augustinum clarè suam sententiam exponentem *de vera & falsa Pœnitentia cap: 20.* *Caueat*, inquit, *spiritualis iudex, vt sicut non commisit crimen nequitiæ, ita non careat munere scientiæ: oportet enim vt sciat cognoscere quicquid debet iudicare.* Iudiciaria enim potestas hic exposulatur, vt quod debet iudicare discernat. Diligens igitur inquisitor, & subtilis interrogator, sapienter & quasi astute interroget à peccatore, quod forsitan ignorat, vel verecundia velit occultare. Cognito itaque crimine varietates eius non dubitet inuestigare; & locum, & tempus, & cetera omnia, quæ suprà diximus in exponendo eorum qualitates. Et libro 2. de Visitatione infirmorum cap: 4. soluens eorum obiectionem qui existimant satis esse, si soli Deo quis confiteatur sua crimina, ait; *Nolo vt ipsa decipiaris opinione, quatenus confundaris confiteri coram Domini vicario, tabescens præ rubore, v. l. ceruicosus præ indignatione.* Nam ipsius humiliter subeundum est iudicium, quem Dominus sibi non de-

Maiores hæc in Christo potestas. eadem tamen in sacerdotibus Augustini sententia.

id quæ iudiciaria.

gnatur Vicarium. & mox; Prius eges Sacerdotis, qui Mediator sit ad Deum
uum, salubre iudicio; alioqui & sub lege, & sub gratia, sic & ostendit vos
Sacerdotibus responsum diuinum quomodo consummaretur? Consecrmini alte-
rurum peccata vestra quomodo complere iur? Hæc Augustinus pro iudiciaria
Sacerdotum potestate: ad quam cognitionem singulorum peccatorum etiā
occultissimorum requirit, cum omnibus eorum circumstantijs.

(Durandus
non contra-
it nobis.)

Porro Durandus cum ait, præter clauem ministerij Episcopos & Pa-
flores si quid amplius sibi atrogent, Dei auctoritatem & veritatem Christi
inuadere: quid contra nos sit fateor me non videre: idem enim nos quoque
docemus: non absolutam & summam potestatem habere Sacerdotes; sed
ministerialem, iudicialem tamen. nisi forte potestas iudicis censeatur non
posse esse ministerialis: quod vti de absoluta & independente potestate ve-
rum est, ita de potestate dependente, & quæ alterius nomine exercetur,
nequaquam.

Maiores quàm
Angelica:
quam Prin-
cipum: ea-
de quæ Chri-
sti: aliis non
inferior: da-
ta ad remit-
tenda pecca-
ta.

Addam hoc loco Chrysostomi quoque de eadem re sententiam: qui lib.
3. de Sacerdotio, tantum suspicit & adorat eam Sacerdotum potestatem, ut
ipsam Angelicæ potestati præferat. non enim ijs dictū est; *Quorum remis-
is peccata, remittuntur eis.* Præfert item Principum potestati: eorum enim
potestas ad corpora spectat, hæc ad animam. Item vult eiusdem generis es-
se cum ea potestate, quam Christo Pater tradidit. Ad hæc tantam esse, ut ea
nulla potestas maior sit. ea enim potestas transfert homines in cælum, ut
ea quæ in cælis sunt dispensent: ac supra naturam humanā ponit, ut ea quæ
supra naturam sunt faciant. Deniq; docet eam potestatem ad efficiendam
remissionem peccatorum pertinere. *Sirex aliquis, inquit, alicui ex subditis
honorem hunc detulerit, ut potestatem habeat quoscunq; velit in carcerem
conijciendi, eosdem quæ rursum laxandi; beatus ille & admirandus omnium
iudicio fuerit. At verò qui à Deo tantò maiorem accepit potestatem, quantò
cælum terra pretiosius est, quantò etiam anime corporibus præstari &c. Et mox
Nostris, inquit, Sacerdotibus non corporis lepram, verum anime sordes, non
dico purgatas probare, sed purgare prorsus concessum est.*

Ineptissime
interpretatur
Zaborovius
Chrysostomū.

Ridic. le vero Zaborovius, cum negare non posset Chrysostomum
nobiscum sentire, ait verba illius dextra interpretatione opus habere.
Dextram verò interpretationem vocat dictis Chrysostomi contrariam.
Nam quod Chrysostomus ait; *Sacerdotes non purgatas probare & ostendere,
sed prorsus purgare:* ille exponendum putat, non prorsus purgare, sed pur-
gatas annuntiare vel ostendere. O lepidas Evangelicorum interpretationes,
cum contrarium per contrarium interpretantur, album per nigrum! Sub-
iungit autem, emollire illa Hieronymum in caput 10. Matth. Citat autem
verba

Liber primus.

verba Hieronymi infideliter, ut illa ad suum errorem accommodet. *Quomodo*, inquit, *in lege leprosum Sacerdos mundum vel immundum facit, discernendo qui mundus sit qui immundus, non faciendo mundos vel immundos: sic & hic alligat & soluit Episcopus.* Hic vero suo more omisit sequentia verba, quibus se Hieronymus explicat: quæ si fideliter citare voluisset, omittere non debuisset. Dico igitur Hieronymum eo loco probandum suscepisse Sacerdotes in lege noua prætextu potestatis ligandi ac soluendi non debere damnare innocentes, soluere nocentes. Ita enim scribit; *Istum locum* (de potestate ligandi ac soluendi) *Episcopi & Presbyteri non intelligentes, aliquid sibi de Phariseorum sumunt supercilio; ut vel damnent innocentes, vel soluere se noxios arbitrentur: cum apud Deum non Sacerdotum sententia* (scilicet contra innocentes per errorem lata) *sed rerum vita queritur: hoc est, unusquisque apud Deum secundum vitam bonam vel malam iudicatur, non secundum Sacerdotum clauæ errante sententiam, quod uti verissimum est, ita libenter admittimus.* At nota, Zaboroui, contra te Hieronymum agnoscere Sacerdotum sententiam & iudicium, sed non valere apud Deum si contra vitæ veritatem vel infantes condemnentur, vel fontes liberentur.

Adducit deinde Hieronymus exemplum Sacerdotum legis veteris, qui lepram habentes decernebant immundos; qui vero lepra ea carebant mundos. quod applicat Sacerdotibus nouæ legis: qui debent prius cognoscere, qui ligari & solui merentur; tum demum eos ligare & soluere. Vnde in hoc solum comparat hos & illos Sacerdotes: quod sicut illi non nisi cognita lepra decernebant & faciebant mundos vel immundos: ita & hi, non nisi causa cognita & præmissa cognitione peccatorum, auditis in confessione peccatorum varietatibus, ligent & soluant secundum modum suæ potestatis. ita ut non faciat comparationem in potestate vel qualitate potestatis, quasi talem & tantam hi potestatem habeant in peccata, qualem & quantam illi in lepram: sed in modo vtendi potestate: ut scilicet ea non vtantur, nisi habita sufficienti notitia peccatorum, sicut illi habita sufficienti notitia lepræ. Verba Hieronymi sunt; *Legimus in Leuitico de leprosis; ubi iubentur ut ostendant se Sacerdotibus: & si lepram habuerint, tunc a Sacerdote immundi sunt & non quo Sacerdotes leprosos faciant & immundos; sed quo habeant notitiam leprosi & non leprosi, & possint discernere qui mundus quique immundus sit. Quomodo ergo leprosum Sacerdos mundum vel immundum facit, sic & hic alligat & soluit Episcopus & Presbyter: non eos qui infantes sunt vel noxii; sed pro officio suo, cum peccatorum audierit varietates, scit qui ligandus sit quique soluendus.* Non igitur Hieronymus exemplo Sacerdotum veteris legis probat non plus posse in peccata Sacerdotes nouæ legis, quam illi potue-

99
& Hieronymus
immundum.

*qui absoluti
 oni cognitio-
 nem peccati
 præniam esse
 vult.*

runt circa

*etiam in pri-
uato iudicio,
& peccato-
rum veloc-
cultissimorū.*

*quod & Cypri-
& Origen:
docuit.*

& Augustin.

runt circa lepram: hoc enim ne vno quidem verbo insinuat: sed solum non debere Sacerdotes in noua lege incognita causa de peccatis decernere in vtramvis partem: sicut nec in veteri de lepra absq; eius notitia quidquam decernebant. Notet verò Zaborouius; Hieronymum his verbis confessio- nem peccatorum docere: cum ait, Sacerdotem *pro officio suo, cum peccatorū audierit varietates, scire qui ligandus sit quiue soluendus.* Nam quamuis ista Zaborouius ad exomologesim in Pœnitentia publica referenda putet: tamen Hieronymus hoc loco nullam publicæ Pœnitentiæ mentionem facit; imò oppositum tenet. In Pœnitentia enim publica, quæ pro peccatis solum publicis de quibus publicè constabat iniungebatur, non erat necesse inquirere varietates peccatorum, cum id per se manifestum esset: at in peccatis secre- tis omnino necessarium erat varietates peccatorum audire.

Audiat Cyprianum *serm. 5. de lapsis* Exhomologesimi secretam expo- nentem: cum ait vel ipsas cogitationes, quæ soli Deo notæ sunt, apud Sa- cerdotem Dei dolenter & simpliciter confitendas, & exomologesim con- scientiæ faciendam. Audiat Origenem *in Psalm. 32. homil. 2.* docentē ita cō- fitendum esse peccatum Sacerdoti, vt si ille intellexerit talem esse languo- rem, qui in conuentu totius Ecclesiæ exponi debeat & curari, pro maiori ædificatione & bono pœnitentis, consilio Sacerdotis pareatur. Non omnia igitur peccata ad exomologesimi publicam referenda, sed solum publica; alia verò quæ secreta sunt, in secreta exomologesi transiguntur. Omnia si- quidem peccata, siue publica siue secreta remittendi potestatem Christus Ecclesiæ concessit. Denique legat Augustinum 2. *de Vist infr. c. 4. & 5. Sa- cerdotem*, iuquit. *Angelum Dei existima: & cum qua & Deum & Angelum eius decet reuerentia, Dei Ministrum affare. Aperi ei penetr alium tuorum, abditissima latibula: conscientiarum verecundarum penitiona reueta repagula. Non te pudeat coram vno dicere, quod te non puduit forsitan coram multis. & cum multis facere.*

C A P V T XII.

Obiectiones Zaborouij contra iudiciariam Sa- cerdotum in peccatis remittendis potesta- tem refelluntur.

Verum videamus, quid contra hanc iudiciariam potestatem opponat Zaborouius. Ait enim Apostolum 2. *Corinth. 5. 19.* sufficienter docuiss- se, quæ

te, quæ in remissione peccatorum sint partes Dei, quæ Ministri. *Deus*, inquit, erat in Christo mundum reconcilians sibi non imputans illis delicta ipsorum. ecce, quod facit Deus, deinde ait; *Et posuit in nobis verbum reconciliationis. Pro Christo ergo legatione fungimur, tanquam Deo exhortante per nos. Obsecramus pro Christo reconciliamini Deo.* ecce partes Ministrorum. At si Zaborouius solam annuntiationem remissionis vult ad Ministrorum officium spectare: Sacramenta reconciliationis ad Ministros non pertinebunt, vt Baptismus & Pœnitentia: aut si pertinebunt, non sola annuntiatione remissionis, sed etiam applicatione mediorum ad remittenda peccata à Christo institutorum, qualia sunt Sacramenta, ministerium continebitur. Deinde verbū reconciliationis, non est solum illud, quo quis suadetur reconciliari Deo; sed etiam quo modus reconciliationis præscribitur, nempe Sacramenta ad id instituta vsurpando, quorum non annuntiatores duntaxat, sed etiam executores sunt Ministri, inter quæ Sacramenta est etiam potestas illa ex Spiritu S. remittendi & retinendi peccata, quæ eos non præcones, sed effectores remissionis facit. Nam, vt ait Ambrosius supra, *Nomen Dei tunc operatur, cum in nomine Christi sit à Sacerdotibus remissio peccatorum: & Spiritus S. virtute, qui eis ad hoc datus est, non propria ipsorum potestate, efficitur ab ijs peccatorum remissio.* Adhæc verbum Dei est, non solum concionale, quo suadetur pœnitentibus reconciliari Deo; sed etiam Sacramentale, quod ipsam operatur reconciliationem, vt in Baptismo; *Ego te Baptizo*, & in Pœnitentia; *Ego te absoluo à peccatis*, sunt verba institutionis diuinæ, quibus peccata remittuntur. Cum igitur vtriusq; verbi Sacerdotes sint Ministri, consequens est, vt ministerium verbi non annuntiationem solam, sed etiam effectum remissionis peccatorum complectatur. Verbum enim Sacramentale, cuius Sacerdotes sunt Ministri, virtute remittendi peccata ex Christi institutione continet. Neque verò vtrumque hoc officium munus Legatorum excedit. Legatis enim non solum committi solet denuntiatio, sed etiam exequutio certorum negotiorum, præscripti illis potestate à principe. Non potest igitur Zaborouius, ex eo, quod verbum reconciliationis sit Ministris tanquam Legatis commissum, concludere, non posse eos efficere, sed tantum annuntiare reconciliationem inter alia enim quæ annuntiare debent est, datum esse Spiritum sanctum Sacerdotibus ad peccata verè remittenda ac retinenda, iisdemquæ verbum Sacramentale concreditum esse, cuius virtute peccata remittuntur.

*Non pertine-
re Sacramē-
ta ad Ecclesie
Ministros ex
doctrina Za-
borouij sequi-
tur.*

*cum reuera
etiam effectio
reconciliatio-
nis pertineat.*

Non est autem dissimulandum, quod Zaborouius, dum partes Dei in reconciliatione explicat, verba illa, *Non imputans eis peccata ipsorum*, ad imputatiuam iusticiam stabiliendam detorquet. De quo et si alius disputandi locus

Deus non imputat nobis peccata ad culpam cum tollit illa.

di locus est, vno tamen verbo Zaborouiu stringo. Nam peccata dupliciter a Deo non imputantur: vel ad culpam, vel ad poenam. Si igitur non imputet ad culpam; ea penitus tollit. nam quamdiu manent, non possunt a Deo, cuius iudicium rectum est, non haberi pro culpa: hoc enim esset culpam dicere non esse culpam: & negare culpam esse id quod est; quod in iudicium & rectitudinem diuinam non cadit. Cum igitur in reconciliatione nostra cum Deo Deus non imputet peccata nostra ad culpam (alioqui maneret offensus & non reconciliatus) sequitur eum vere peccatum dimittere & tollere, non vero relinquere illud & solum non imputare. Quid enim est peccatum, nisi offensa Dei? offensa autem omnis remissione tollitur; & quia tollitur, non imputatur. Quia igitur in nostra reconciliatione remittit & condonat nobis offensam, ideo tollit vere peccatum, & non solum non imputat. Nam si non tolleretur, non posset illud non imputare in culpam. Sublata etiam ratione offensae, necesse est tolli peccatum: peccatum enim est peccatum non nisi propter offensam Dei: cum ergo tollitur ratio offensae, tollitur tota ratio formalis peccati. quare cum in reconciliatione tollatur ratio offensae, peccatum quoque consequens est auferri. Quocirca Scriptura quae dicit peccata nobis non imputari, dicit etiam tolli, deleri, abluui, mundari, vt intelligeremus, ideo non imputari, quia tolluntur & abolentur.

Petrus docēs Ia. leos Christum non eos absoluit.

Iam cum Zaborouius instat, Petrum in prima sua concione, non aliqua iudiciaria potestate absoluisse fideles, sed clauē verbi diuini, quod tunc praedicauit: *Penitentiam*, inquit, *agite, & baptizetur unusquisque vestrum in remissionem peccatorum: & accipietis donum Spiritus S.* an non contra se ipsum & pugnantly loquitur? Nam si verbi diuini quod praedicabat clauē ipsos absoluisse, tunc fuissent absoluti, cum recepissent sermonem eius & ipsi credidissent? Atqui tum non fuerant absoluti, sed amandati ad Poenitentiam & Baptismum in remissionem peccatorum: non igitur praedicatione verbi sed Baptismo fuerant absoluti. Deinde nos non agnoscimus in Baptismo ullam iudiciariam potestatem, sed in poenitentia. Potestas enim iudiciaria non potest exerceri nisi in culpas cognitās: in Baptismo autem nulla fit culparum confessio & cognitio: nulla igitur potestas iudiciaria exercetur. sed sine vlla iudicij forma per modum abluionis, quam Baptismus significat, abluuntur & tolluntur peccata.

Remittit peccata & Deus, & homo auctoritate Dei.

Opponit secundō. Peccata remittere nemo potest nisi solus Deus. Sed responsum a nobis est, argumentum hoc fuisse Phariseorum, quo Christum remittentem peccata paralytico blasphemiae arguebant: quod sibi id arrogaret, quod Dei solius proprium est. At egregie Christus id refutauit, tum arguimento, tum miraculo eo sine edito. Argumentum fuit eiusmodi: *Quid,* inquit,

inquit, est facilius dicere: *Dimituntur tibi peccata: an dicere: Surge, & ambula?* Ac si diceret: Vtrumque diuinæ est potestatis, vtrumque æquè difficile est homini, superansquæ omnes humanas vires: cum igitur homines diuina virtute & potestate morbos sanent: nullum quoque absurdum censeri debet, si homines diuina virtute hominibus peccata remittant. Quæ enim folius Dei sunt, ea ab hominibus quoque diuina virtute effici possunt. & sicut quæ Filius hominis, habuit potestatem morbos sanandi: ita incredibile non est habuisse quoque, quæ Filius hominis est, potestatem peccata remittendi. Miraculum verò ad id confirmandum fuit editum. vt omnes intelligerent Christo homini diuinitus virtutem ad remittenda peccata cõcessam. *Vt, inquit, sciatis, quia Filius hominis habet potestatem in terra dimittendi peccata, ait paralytico, Surge. &c.*

At inquit Zaborouius non in eo Phariseos errasse, quòd putarint solù Deum remittere peccata posse: non enim ignorare poterant illa Dei verba. *Isa: 43. Ego ego ipse sum, qui deleo iniquitates tuas.* sed in eo errasse, quòd Christum purum putum hominem putauerint. Imò verò, Zaboroui, in vtroque errabant, & vtrumq; errorem Christus vno eodem argumento refutauit à pari argumentando. Si enim Filius hominis potest dicere; *Surge & ambula*: poterit quoq; dicere; *Dimituntur tibi peccata.* siquidem vtrumq; æquè diuinæ est potestatis. Cum igitur tanquam Filius hominis dicere potuerit; *Surge & ambula*: poterat quoque tanquam Filius hominis dicere; *Dimituntur tibi peccata.* id quæ indicant illa verba, *Filius hominis*: & *In terra.* Sicut enim contra Filium hominis argumentabantur Pharisei: ita de Filio hominis responder Christus. In terra quoq; quatenus Filius hominis remittit: quatenus verò Filius Dei, vnâ cum Patre in cœlis remittit. Agnouit id illico turba; quæ *glorificauit Deum, qui talem potestatem dederit hominibus.* Neque enim de infirmos curandi potestate tantum glorificauit Deum, vt gratis asserit Zaborouius; sed de vtrâq; & præcipue de alia illa. nam & de ea præcipue tunc agebat Christus contra Phariseos: & eam esse hominibus datam miraculo ad eum finem facto euicit. Cum quæ tanquam rem nouam & antè haud auditam suspicit & miratur turba, quòd dederit potestatem talem hominibus: de ea præcipue potestate id intelligit, quæ nondum apud homines esset visa vel audita, qualis est potestas remittendi peccata. nam potestas morbos curandi neq; noua, neq; inaudita fuerat.

Quare propositio illa; *Nemo potest peccata dimittere nisi solus Deus*: vel non impedit quominus Sacerdotes quoq; dimittere possint quia virtute Dei & accepto ad id Spiritu S. remittunt. quòd autem virtute Dei sit, Deus ipse dicitur facere. & in Deum redundat quicquid Deus per homines opera-

*cur id neque-
at Deus com-
municare ho-
mini non pro-
bat Zaboro-
uius.*

tur. vel certè si impedit: eo sensu accipienda est, vt nullus propria sua vir-
tute & suo nomine peccata remittat; nisi solus Deus. Nam quum ait Zabo-
rouius, Spiritus S. virtutem non extendi ad ea, quæ in mortales cedere ne-
queant, petit principium. Cur enim in mortales cadere nequeat, vt virtu-
te Spiritus sancti remittere peccata possint? Hac enim, inquit, ratione ego
concluserem; Spiritus sanctus potest nos ab omni peccato immunes redde-
re, & in Angelos fere transformare. eum accipere fideles: ergo &c.
Minime vero, Zaborouii. Non enim dicimus homines virtute Spiritus san-
cti posse etiam ea facere, ad quæ facienda non est datus Spiritus sanctus, sed
solum ea ad quæ datus est Spiritus sanctus. Datus autem est ad remittenda
peccata: id ergo & non quævis alia virtute Spiritus sancti homines facere
poterunt. Verum quia tu ad hunc finem datum contra expressa Christi ver-
ba negas; negare saltem nõ poteris dari hominibus ad hunc finem potuisse.
id enim non magis incredibile est, quàm dari Spiritum sanctum ad miracu-
la patranda. Agit, inquit, Spiritus sanctus in fideles, sed ad mensuram, &
proportionem huic vitæ competentem. Quasi vero Sacerdotes, dum remittunt
peccata pro potestate sibi communicata, & ea lege qua sibi præscriptum est
à Christo, non agant ad mensuram, & proportionem huic vitæ competentem:
Deus enim qui potestate absoluta quocūq; modo voluerit remittit peccata,
non agit ad mensuram: homines verò cum non sua sed Christi potestate,
nec ad libitum vt volunt, sed vti Christus præscripsit, nempe cognita pec-
catorum varietate, & sub conditione veræ pœnitentiæ remittunt, agere ad
mensuram censendi sunt: agere autem ad mensuram proportionem huius
vitæ non superat.

*neque repu-
gnant nobis.
in hoc oracu-
la, sed Zabo-
rouiq.*

Agit, inquit, etiam per Ministros, non vt propriè à peccatis ab soluât,
sed agit obiurgationes, correctiones, consolationes ex verbo Dei petitas.
At iterum petit principium. Cur enim non agat, vt à peccatis propriè absol-
uant, cum eis potestatem soluendi & ligandi tradiderit? cur ea verba in ve-
ra & propria significatione intelligi nequeant? vbi vero ea potestas in Scri-
ptura hominibus negatur? aut quod contra Scripturas absurdum consequi-
tur, si ea admittatur? Rectè igitur à me illatum est; præsentis Euangelicos
dum hanc potestatem verè hominibus concedi posse negant, non solum ad
Pharisæorum hæresim spectare, sed etiam ad errorem Nouatianorum: quæ
libris de Pœnitentia refellit Ambrosius, non ex eo solum capite, quod pec-
cata post Baptismum admissa esse irremissibilia ipsi quoq; Deo docerent; sed
etiam, quod nullam potestatem verè soluendi Ecclesiæ esse relictam asse-
rent, dicentes cum Luteranis solius esse Dei peccata remittere; & iniuriam
Deo fieri, si homines quod solius Dei est sibi vsurpent. Quod ipsorum ar-
gumentum

gumentum ita refellit Ambrosius, vt ostendat maiorem eos Deo iniuriam facere, qui mandatis Dei de remittendis peccatis non obediunt, quàm Ecclesiam quæ mandatum Dei exequens peccata remittit. Hoc igitur responsum ad suam quoq; obiectionem accipiat Zaborouius. & sciat, non solum Deum tunc peccata remittere, cum per seipsum remittit, sed etiam cum remittit per Sacerdotem. Sacerdos enim non sua sed Dei auctoritate & virtute remittit: quod verò per homines Dei virtute fit, id Deo per homines operanti tribuitur: quo etiam sensu sancti Patres loquuntur, dum solius Dei esse proprium asserunt peccata condonare. Nihil igitur officit, quòd solus Deus peccata remittere dicatur.

Ait porro Zaborouius suos quoq; Ministros habere potestatem duplicem, Institutionis, & Correctionis. Instituunt enim in Fide & moribus ex verbo Dei: & ex eodem Dei verbo corripunt proteruos tradendo eos satanæ. Verum vt concedam Ministros hanc vtramque potestatem habere (verè enim neutram habent legitime: vtramque habent vsurpatè, cum eam ab Ecclesia non acceperint) cum potestatem peccata verè remittendi & retinendi, ligandi & soluendi non habeant, parum illos duplex illa potestas iuuat. nos enim hoc loco de potestate remittendi disputamus. Neque enim quia potestatem instituendi & corripiendi peccata habent, sequitur eos quoq; potestatem remittendi peccata habere; cum nec institutio & correctio sit vera peccatorum remissio: multi enim etiam laici instituere possunt & corripere: at remittere peccata non nisi Sacerdotes possunt, qui accepto ad id Spiritu sancto rite consecrati sunt. Deinde cum ait, se habere potestatem exemplo Pauli tradendi proteruos satanæ in interitum carnis: nescio an proferre possit exemplum eius in satanam & homines potestatis, vt eorum mandato satanas in aliquem insilierit, eumque in carne cruciauerit. irrueret potius in ipsos Ministros, tanquam ab ipsis graui iniuria affectus temeraria vsurpatione in dæmones potestatis. solum enim nostrorum Sacerdotum potestati se subiectos agnoscunt dæmones, à quibus ex humanis corporibus quotidie pelluntur inuicti.

Maxima, inquit, pars vestrorum Sacerdotum his clauibus destituta videtur, ob defectum scientiæ discernendi. At longè maior est pars in Ecclesia Sacerdotum scientia & arte discernendi pollentium. Ij verò qui tale scientiam non habent, non ideo clauēs & potestatem non habent, sed solum absq; scientia ipsis rectè & vtiliter vti non possunt: accedente verò scientia non confertur eis noua potestas clauium, sed sua potestate melius vti possunt.

Peccata, inquit, quæ in aprium non veniunt, soli Deo confitenda docemus.

*qui cum suis
non habet eā
potestatem;
sed nec in dæ-
mones.*

*hanc inscitia
non perdit in
Catholicis.*

*Occulta etiā
confitenda.*

*neq; hoc nor-
ma Iudaorū.*

*id est non in
hoc modo non
confitemur
ab his qui h
non*

*quin & Da-
uidis.*

*Ioannes id
non vetat.*

*nec vsus Ec-
cl. si nec Chry-
sost.*

cemus. At quā temerē? Neque enim Christus inter peccata publica & oc-
culsa distinxit: sed omnia vniuersē Apostolis remittenda commisit. *Quorū
remiseritis peccata, remittuntur eis.* Non ex nostro, inquit, cerebro do-
ctrina hæc enata. Certe non ex Euangelio, vti iam ostendi. Sequimur, in-
quit, in hac re Davidis exemplum dicentis; *Delictum meum cognitum tibi
feci: & Tibi soli peccaui.* At male sequimini: nam in lege veteri Deus non
dederat hominibus potestatem remittendi peccata: nec quenquam obliga-
uit vt ab homine peteret peccatorum remissionem; nec vt ea homini confi-
teretur. Si ergo sub lege noua esse nolitis, & cū Iudæis iudaizare libeat, pote-
ritis homines legis veteris in hoc imitari. At si Christiani estis, parere Christi
mandato debetis, qui suam remittendi potestatem suis Ministris tradidit suo
nomine exequendam; omnesq; qui remitti sibi peccata cuperent a Deo,
obligauit Sacerdotibus vt confiterentur, ratum promittens se habiturum in
cælo, quod ipsi remiserint vel retinuerint in terra. Quinquā quod attinet
ad Dauidem: prorsus falsum est, illum soli Deo peccata sua confessum esse.
Confessus est enim & Nathan; *Peccaui*, inquit, a quo etiam mox diuinā
sententiam de remissione peccatorum audiuit; *Transsulit a te Deus peccatū
tuum.* Neq; dicit; *Delictum meum cognitum tibi soli feci*, sed absolute *co-
gnitum tibi feci*, quod verum est, etiam si corā Nathan illud Deo cognitum
fecisset: nam etiam quod Sacerdotibus in hoc genere dicitur, Deo ipsi dici-
tur, cuius locum & personam illi representant. Quod verò addit; *Tibi soli
peccaui*: nihil ad rem est. Soli enim Deo peccaui: at non soli confessus est.
Nos etiam soli Deo peccamus, sed non soli ipso iubente peccatum confite-
ri debemus.

Sequimur, inquit, consilium Ioannis ita scribentis; *Si confiteamur pec-
cata nostra, fidelis est & iustus Deus, vt remittat nobis.* At non dicit Ioan-
nes, si soli Deo confiteamur, sed absolute, *si confiteamur*, scilicet ei cui
Deus vt confiteamur mandauit: Nos enim etiam Deo confitemur, cū Sa-
cerdoti confitemur, iuxta diuinum eius mandatum. Pergit: Sequimur pra-
xim primitiua Ecclesiæ, quæ soli Deo talia peccata confitenda docuit: ad-
ducit quæ Chrysostomum *homil: de Confessione & Pœnitentia*, vbi ait: *Neq;
necessarium est presentibus testibus confiteri: cogitatione fiat delictorum exqui-
sitio: absq; teste sit hoc iudicium: solus te Deus confitentem audiat.* Verum
Chrysostomus hoc loco de Confessione Sacramentali non loquitur: sed so-
lum hortatur fideles, ad confessionem cordis quotidie Deo ad sui confusio-
nem faciendam: ad eam enim non requiritur præsentia testium. De Con-
fessione verò oris manifeste docet Sacerdoti faciendam, qui potest peccata
prorsus purgare. Quinimo ipse Chrysostomus *homil: 4. ait*; *Non cogo te in*

medium

medium prodire theatrum, ac multos adhibere testes: mihi soli dic peccatum imò probat. priuatim. Quod si concedamus Chrysostomum loqui hoc loco de Confessione Sacramentali: tunc publicam tantum confessionem, quæ fiebat in theatro in Ecclesia coram multitudine fidelium & testium dicit non esse necessariam. eam enim Nectarius eius antecessor, occasione cuiusdam peccati cum scandalo publicè reuelati, fustulerat. Priuatam verò semper censuit necessariam, vt *ex homil. 4. de Lazaro.*, & alijs plurimis locis patet. Nam, quemadmodum Paulus, non solum corde credi docuit ad iustitiam, sed etiã ore fieri confessionem ad salutem: ita etiã non solum corde confessio priuata & Sacramentalis est facienda, sed & ore. Ex quo patet Zaborouium non satis fideliter hunc locum Chrysostomi citare contra ipsissimam Chrysostomi sententiam.

Sed peiore adhuc fide citat Augustinum 10. *Confess. c. 3. Quid mihi, inquit, est cum hominibus, vt audiant confessiones meas, quasi sanaturi sint languores meos: curiosum genus ad inuestigandum vitam alienam, desidiosum ad corrigendum suam: & vnde sciunt, num ego illis vera dicam, cum à meipso de meipso audiunt. Nemo autem nouit quæ sunt in homine, nisi Deus & spiritus eius.* Hic duplex Zaborouij error est. alter, quod obiectione Augusti loco sententiæ ipsius adducit: quæ est crassa vel ignorantia, vel infidelitas. responder enim mox Augustinus, se magno fructu etiã hominibus confiteri. Alter est, quod putat Augustinum de confessione Sacramentali loqui, quod falsissimum esse ex eodem loco conuincitur. Loquitur enim Augustinus de ea confessione, quam in illis Confessionum libris faciebat omnibus, qui illius literas lecturi essent. ait enim; *Hominibus coram te confiteor per has litteras.* Nullum igitur Zaborouius testimonium, nisi falsum vel impertinens, pro se proferre potuit contra Confessionis Sacramentalis secretæ vsum. Vt nam verò legisset praxim primitiæ Ecclesiæ apud Bellarminum *lib: 3. de Pœnitentia.* vbi singulorum seculorum testimonia producit pro secretæ Confessionis vfu.

Concludo igitur, Zaborouium meas rationes, quibus Ministros Euangelicos potestate peccata remittendi carere probaui, soluere non potuisse. Fixum igitur manet, Ministros Euangelicos legitimos non esse, & maximam fidelibus omnibus iniuriam irrogare, cum eos re omnium præstantissima & maxime ad salutem necessaria, remissione scilicet peccatorum, quam per Ministros Deus fieri voluit, priuant. Nostros verò Catholicos plurimum sibi gratulari debere, quod eos Ministros habeant & agnoscant, è quorum ore peccatorum remissionem lati accipiunt, Spiritu S. cooperante, & sermonem eorum confirmante.

F.
*Augustinus nil
contra nos.*

*Zaborouius
refutando
nos nil legit.*

CAPV T XIII.

Ministros Euangelicos non esse veros Sacerdotes, nec Sacrificium noui Testamēti offerre. ac proinde non esse legitimos Euangelij Ministros.

*Sacerdotes
semper fuerunt
in Ecclesia.*

*ab ipso eius
primordio ut
testes PP.*

1.

2.

3.

4.

5.

6.

Nemini dubium est, qui vel mediocriter in scriptorum Ecclesiasticorum libris versatus sit, in Ecclesia Christi veros & proprios Sacerdotes semper fuisse, quorum munus esset in altari sacrificium offerre Deo. Presbyteros enim & Episcopos propriè Sacerdotes fuisse omnes omnium seculorum Ecclesiastici scriptores testantur. Nam & Augustinus 20. *Ciuit. c. 10. Episcopi*, inquit, & *Presbyteri propriè dicuntur Sacerdotes*. Et Chrysostomus sex libros de Sacerdotio scripsit. & Liturgiæ quotquot extant in Græca & Latina Ecclesia, omnes de Sacerdotibus loquuntur, qui in altari offerunt Deo sacrificia. Ac ne de primitiæ Ecclesiæ sensu quis dubitet; proferam aliquot primi seculi Patres. Clemens Romanus *Canone 3. Apostolorum* refert. *Si quis Episcopus, aut Presbyter, præter ordinationem Domini, quam de sacrificio instituit, alia quedam, puta aut mel, aut lac, aut pro vino siceram, super altare obtulerit, deponitur*. Dionysius Areop. *Eccl. Hierarch. capite 3.* docet Antistitem cum Sacerdotibus sanctum panem & benedictionis calicem sacrosanctis altaribus imponere. vbi etiam ceteros ritus sacrificij commemorat. Ignatius in Epistola ad Smirneneses; *Non licet, inquit, sine Episcopo baptizare, neq; offerre, neq; sacrificium immolare, neq; dochen* (vetus translatio habet *Missam*) *celebrare*. Iustinus in Dialogo cum Tryphone; *De nostris*, inquit, *quæ in omni loco offeruntur Sacrificijs, hoc est, pane Eucharistiæ & poculo similiter Eucharistiæ, iam:um locutus prædixit Malachias. A nemine sanè Deus hostias accipit nisi à Sacerdotibus suis. Vniuersos igitur qui per nomen ipsius sacrificia offerunt, quæ IESVS Christus fieri iudicauit, hoc est in Eucharistia panis & calicis, quæ in omni loco à Christianis sunt, præuerit Deus gratos sibi esse testificatur*. Irenæus aduersus hereses lib. 4. cap. 32. dixit. Christum noui Testamenti nouam docuisse oblationem (in Eucharistia panis & calicis) *quam Ecclesia ab Apostolis accipiens in vniuerso mundo offerri Deo. id què testimonio Malachiæ confirmat. Idem Anacretus Petri successor epistola 1. cap. 2. de Episcopo sacrificante in vestibus sacris.*

Alexander

Alexander de vino sine aqua in Missarum solennijs non offerendo, & Telesphorus in epistola ad omnes vniuersaliter *cap. 2* de tribus Missis nocte Natalis Domini celebrandis, Pius, Anicetus, Soter, & alij primitiua illius Ecclesie Patres. Hinc itaque manifestum est in Ecclesia semper veros Sacerdotes fuisse: qui non solum spiritualia Deo sacrificia offerrent (quod commune omnibus Christianis est) verum etiam externa & propria sacrificia, nempe Corpus & Sanguinem Domini in Eucharistia.

Sed & Paulus *ad Hebr. 5.* testitur: Omnem Pontificem constitui *in his quæ sunt ad Deum, ut offerat dona & sacrificia pro peccatis*: ostendens Sacerdotem proprie dictum ad proprie dicta sacrificia constitui, qualia sunt non spiritualia sed externa. Quin & Sacerdotes spirituales, cum in Scriptura commemorantur, non nisi respectu sacrificiorum spiritualium eo nomine appellantur offerentes vitulos labiorum vel hostias beneficentiae, ita ut dubium non sit, Sacerdotem non nisi respectu sacrificij dici. Cum igitur Ministri Evangelici non sint ij, qui proprie Sacerdotes dici possint, nec proprie dicta sacrificia offerant: non sunt ex eorum Ministrorum numero, qui semper in Ecclesia fuerunt, ac proinde non sunt Ministri legitimi. Imò neque Presbyteri aut Episcopi dici possunt. Episcopos enim & Presbyteros fuisse proprie Sacerdotes externa sacrificia offerentes tota Ecclesia primitiua testatur. Agnoscunt quidè Ministri Evangelici se esse Sacerdotes spirituales, quomodo omnes fideles viri & sceminae sunt Sacerdotes metaphoricè & improprie, offerentes sacrificia orationum & laudum Dei. At proprie se esse Sacerdotes, qui proprie dicta externa sacrificia Deo offerant, non agnoscunt. uti & Zaborouius hoc loco agnoscit, cum distinguit sacrificium in propitiatorium & eucharisticum, Evangelicos què asserit eucharistica, id est laudum & precum sacrificia, non verò propitiatoria offerre.

Verum Zaborouius inprimis in eo peccat, quòd duplex tantum sacrificium statuat, propitiatorium & eucharisticum. nam præter propitiatorium sunt multa alia sacrificia externa, verè & proprie sacrificia: non enim solum pro peccatis Deo offeruntur sacrificia: sed & pro beneficijs acceptis, ut erat Agnus Paschalis: & pro impetrandis nouis gratijs, quales erant hostia pacifica: & ad recognoscendam summam Dei maiestatem ac dominium, uti erant holocausta quæ tota comburebantur. Deinde nomine sacrificij Eucharistici, si intelligit sacrificium quòd est in Eucharistiae Sacramento, uti Patres loquuntur: tale sacrificium non potest omnino suis Ministris tribuere, cum illud execrentur. Si vero intelligit sacrificium precum, laudum, & aliarum piarum actionum: tale sacrificium est improprie dictum: & cum illud solum suis Ministris concedit, agnoscit eos non nisi improprie Sacerdotes dici:

& Paulus.

Sacerdotium non est, nisi ratione sacrificij.

Sacrificij paritio Zaborouiana inepta.

2.

Preces, & actiones virtutum improprie sunt sacrificia. res dici: tum quia eo modo etiam non Ministri sunt Sacerdotes, nimirum omnes fideles viri pariter ac foeminae offerentes Deo sacrificia precum & laudum: tum quia Scriptura actus virtutum. opponit sacrificio proprie dicto: *Misericordiam volo non sacrificium. Osee 6. Melior est obedientia quam vitium. 1. Reg. 15.* Non igitur actus virtutum sunt proprie sacrificia. Denique

3. in Ecclesia est vnicum proprie dictum sacrificium, nempe sacrificium Christi. ergo alia ab hoc distincta non sunt vere & proprie sacrificia. ac proinde eos qui illa offerunt, non faciunt esse vere & proprie Sacerdotes.

Christus in Eucharistia principaliter per sacerdotem sacrificat.

Præterea, cum addit Zaborouius, sacrificium propitiatorium, in lege noua nullum alium præter Christum offerre posse: non aduertit etiam nostrum in Eucharistia sacrificium à Christo principaliter offerri per manus & ministerium Sacerdotum: ij enim non suo sed Christi nomine offerunt, quare sacrificium, quod in altari offertur, est & nostrum, ministerialiter, & Christi principaliter: quia ipsius nomine & ipsius sermonibus, ut ait Ambrosius, celebratur & offertur. Si igitur existimat Zaborouius sacrificium propitiatorium principaliter in nos cadere non posse; verum dicit, sed non ad propositum: nos enim tale sacrificium nobis non arrogamus. Si verò putat ne ministerialiter quidem in nos cadere posse; fallitur vehementer: hoc enim est, Sacerdoti summo ministerium Sacerdotum denegare. Licet enim sine ministerio nostro voluerit sacrificium suum in cruce offerre, quo pretium sufficientissimum nostræ liberationis comparauit: quia tamen illud pretium in cruce nulli applicuit (nulli enim tunc erant remissa peccata) ideo voluit inter cætera media etiam per incruentum & Eucharisticum sacrificium, non sine nostro ministerio, illud pretium liberationis nobis applicare. sicut & per Sacramenta nostro itidem ministerio illud applicat.

Sed expendamus, quomodo argumenta nostra, quibus externum legis nouæ sacrificium euidentissimè probauimus, à Zaborouio diluantur.

Religio esse nequit sine sacrificio.

Primum argumentum erat ex necessaria connexionione inter legem seu Religionem & sacrificium: quæ tanta est, ut altero ablato vel posito alterum quoque auferri & poni oporteat; dicente Paulo. *Translatio Sacerdotio necesse esse translationem quoque legis fieri.* & sanè meritò. Lex enim omnis tam vetus quam noua Dei veri cultum præscribit, qui tum in alijs ritibus, tum præcipue in ritu sacrificij, quo summus Dei cultus continetur, consistit. Summus enim Dei cultus est Deum bonorum nostrorum auctorem recognoscere, & quæ de manu ipsius accepimus, ea in ipsius honorem tota impendere & infundere, quod fit in sacrificio. Quocirca si legis translatio & mutatio fiat, ritum quoque sacrificij transferri oportet: ut cum prior ritus vna cum lege sublatus sit, alter cum noua lege in locum illius sufficiatur, alioqui absurdum

dum esset, legem, quæ tota ad cultum Dei ordinatur, præcipuo & summo Dei cultu carere. Quare cum lex verus vnâ cum omnibus suis sacrificijs cessauerit: debet in lege noua dari nouum sacrificium legis nouæ proprium, sacrificijs legis veteris respondens. alioqui lex noua careret præcipuo Dei cultu per sacrificium; & esset ea ex parte lege veteri longe inferior.

Negat Zaborouius sacrificium legis nouæ debere esse externum & propitiatorium. at immeritò negat. Lex enim non solum interna Deo sacrificia assignat, sed etiam externa. Nam sicut non animo tantum constamus, verum & corpore; ita non interna tantum, verum etiam externa ratione Deo sacrificare debemus. quemadmodum & Paulus docet; *Corde creditur ad iustitiam, ore autem confessio fit ad salutem.* Inter externos etiam ritus colendi Deum præcipuus & summus est sacrificium, quo illum summum bonorum nostrorum auctorem agnoscimus in honorem ipsius impendendo id, quod sacrificamus. Nisi igitur lex noua imperfecta censeretur, perfectissimum Dei cultum, qui in sacrificio externo consistit, præscribat oportet. Neque nunc laboro, an hoc sacrificium sit propitiatorium vel non (de hoc enim postea) sed vrgeo solum esse debere externum & verum sacrificium, siue pro peccato offeratur, siue pro beneficijs acceptis, siue pro gratijs impetrandis, siue absolutè ad recognoscendam summam Dei in nos potestatem. hi enim sunt sacrificiorum externorum fines.

Addit deinde, sacrificium externum in lege noua esse vnicum illud & propitiatorium Christi in cruce peractum sacrificium: præter quod nulla alia sint nisi laudum & precum, quæ ille eucharistica ad fucum faciendum vocat sacrificia. Verum non intelligit tale sacrificium in lege noua requiri, quod homines nouæ legis Deo offerentes eum summo honore colant: sacrificium verò in cruce factum solus Christus obtulit Deo. Quare nisi concedatur tale sacrificium, quod homines ipsi Deo offerant, verè lex noua dicenda esset carere externo & propriè dicto sacrificio: siquidem sacrificium ideo in lege requiritur, vt homines habeant, quo Deo supremum cultum illi debitum impendant: sacrificium verò crucis à solo Christo non ab hominibus oblatum est. Deinde tale sacrificium in lege requiritur, quo Deum homines quotidie colant: at Christi in cruce sacrificium semel tantum oblatum est. Necesse igitur est dari tale sacrificium, quo Deus à Christianis quotidie summo colatur honore. Neque satis est ad hunc finem indicare sacrificia interna piarum actionum: tum quia hæc sunt improprie dicta sacrificia, & legi veteri ac nouæ communia: tum quia non solum interno actionum cultu, sed etiam rebus externis, quas de manu Dei accepimus, Deum venerari debemus, eas in ipsius honorem in sacrificio impendentes. Ex quo

*etiam exter-
no & ita ve-
rè dicto.*

*quod Deo of-
feratur ad
cultum eius.
& à Christianis
quodidie.*

*Gratia non
sufficiunt.*

1.

2.

3.

patet,

De Notis Ministrorum

patet, præter sacrificium Christi in cruce oblatum, & sacrificia laudum, dari debere in lege noua sacrificium externum, quod homines ipsi Deo offerant & cum perpetuo honore colant. Tale enim sacrificium lex requirit, quod Deum homines venerentur; & præcipuum ei cultum deferant; non interna solum sed externa etiam ratione.

*Sacrificium
Christi in cruce
non proprium
legis no-*

1.

Deinde sacrificium in cruce à Christo oblatum non est proprium nouæ legis sacrificium; sed commune omni legi omnium seculorum & temporum. Sacrificium enim alicuius legis proprium idcirco dicitur: quia eo ritu faciendum ab illa lege præscribitur. Sic sacrificia legis naturæ dicuntur, quæ lege naturali in cordibus scripta dictabantur facienda: sacrificia quoque legis veteris erant illa propria, quæ in lege veteri præscripta & constituta erant ab hominibus legis illius facienda. Atqui Christus non ex præscripto alicuius legis aut naturalis aut scriptæ, sed ex solo Patris mandato tradidit semetipsum pro nobis hostiam & oblationem Deo. Non igitur ullius legis hoc sacrificium d ei debet. Nam, etsi tam in veteri quam in noua lege hoc sacrificium indicetur, tum figuris, tum vaticinijs Prophetarum, tum rei ipsius descriptione: tamen non ita indicatur, quasi ex præscripto legis alicuius faciendum, vel factum; sed tanquam extra omnem humanam legem ex solius Dei mandato implendum. Est igitur hoc sacrificium supra omnem legem hominibus datam commune omni legi & omnibus cuiuscunque legis hominibus quoad valorem, efficaciam, utilitatem. Pro omnibus enim cuiusvis legis hominibus oblatum est.

Insultum verò est quod respondet Zaborouius, sacrificium crucis ratione valoris & efficaciarum esse commune omnium temporum hominibus: ratione verò temporis esse proprium noui Testamenti, quia id Christi sanguine obsignatum est. Nam ut omittam nouum Testamentum conditum & obsignatum esse in cæna, non in cruce cum de calice diceret Christus; *Hic est calix noui Testamenti*: quod rectè probat Bellarminus 1. de *Missa* c. 8. certe ex eo, quod sanguine Christi obsignatum est nouum Testamentum, non sequitur sanguinem in cruce fustum esse proprium noui Testamenti: sed tantum efficere aliquem effectum singularem in nouo Testamento: nempe obsignationem. cum alioqui secundum se sit communis vtrique Testamento, & in vtroque Testamento suus effectus habeat, neque enim ritu proprio alicuius Testamenti est, in cruce oblatum Deo. Nam esse proprium alicuius legis in ratione sacrificij est ex præscripto, & ritu illius legis fieri: Christi vero in cruce sacrificium non ex præscripto alicuius legis hominibus datæ, sed extra omnem legem ex solo præscripto Patris oblatum fuit. Imò eo ipso, quod nouum Testamentum obsignatum est sanguine Christi in cruce fusto,

sequitur

2.
*etsi peculiare
quid illi at-
tulerit.*

3.

4.

sequitur non sterisse nec conditum fuisse, nisi postquam sanguis Christi factus esset: ac proinde post peractum in cruce sacrificium. Non igitur est ex præscripto legis novæ aut novi Testamenti, sed antequam lex nova seu novum Testamentum conditum & obsignatum esset, sacrificium hoc peractum est. Deinde quomodo id, quod tempore antecedit novum Testamentum, dici potest ratione temporis proprium novi Testamenti? quod tamen inepte asseruit Zaborovius.

Adde præterea causam nostram proximè adducto Pauli testimonio iungulari. Si enim vetus Sacerdotium teste Paulo translatum est in Christum, unicum Sacerdotem, sequitur in nos translatum non esse. Verum minime id sequitur: tum quia Paulus non dicit in unicum Sacerdotem Christum esse translatum vetus sacerdotium, uti eum Zaborovius loquentem facit: tum quia etiamsi id diceret, non excluderet tamen Sacerdotes Ministros: sed tantum alios summos Sacerdotes: unicus enim summus Sacerdos excludit plures summos Sacerdotes, non verò plures inferiores Sacerdotes summo Sacerdoti ministerium exhibentes. imò quia est summus, debet habere alios inferiores, quorum respectu dicatur summus.

Porro postquam ostendi necessarium esse in lege nova externum aliquod proprie dictum sacrificium, quod ab hominibus Deo offerri debeat: intuli hoc sacrificium non aliud esse, quam sacrificium CORPORIS & SANGVINIS DOMINI, non quidem in cruce cruentè oblatum ob rationes dictas, sed in altari incruentè sub speciebus panis & vini Deo pro nobis sacrificatum. Nam neque Scriptura aliud in lege nova sacrificium verum præter Corporis & Sanguinis Christi agnoscit: neque aliter Corporis & Sanguinis Domini sacrificium offerri à nobis potest, nisi eo modo quo nobis Corpus & Sanguis Domini ab ipso Domino relictæ & in manus tradita sunt; nempe sub speciebus panis & vini: ac proinde incruentè. nam cruentè & sub sua propria specie Christum semel tantum offerri debuisse Scripturæ manifeste testificantur.

Et sanè, nisi hoc sacrificium Eucharistiæ cum omni primitiis Ecclesiæ concedamus: non poterimus ullum aliud proprium novæ legis sacrificium assignare. quod esse longè absurdissimum satis iam ostensum est: cum nulla lex, nulla religio sine vero & externo sacrificio, quod ab hominibus offerretur, fuerit unquam, aut esse possit. Neque ulla tam immanis & barbara ratio fuit, quæ Deum suum externo sacrificio colendum non existimaverit: soli Ministri Evangelici sunt tam immanes & barbari, ut tale sacrificium, novæ præsertim legi, quæ nos ad perfectissimū Dei cultum instituit, denegat.

Hic Zaborovius; Semel, inquit, offerri, & semper offerri, implicat

F.

Christi sacerdotium non tollit sacerdotium Christianum.

1.

2.

3.

Sacrificium nostrum incruentum.

1.

2.

nec ullum aliud.

contra-

De Notis Ministrorum

*neque id re-
fellit Zabo-
rouius.*

contradictionem. Cum ergo Scriptura dicat, Christum non habere necessitatem quotidie, primò pro suis, deinde pro populi delictis hostias offerre; hoc enim fecit semel se offerendo. *Hebr. 7. 27.* Item *cap. 9. 25. 28.* Item *cap. 10. 10.* sequitur implicare contradictionem, dicere Christum semper se offerre. Verum inprimis Zaborouius non soluit argumentum nostrum ex necessitate sacrificij ductum. Aut enim sacrificium Corporis Christi in altari quotidie offerendum admitti debet: aut concedendum legē nouā omni sacrificio externo carere. Deinde imperitè de contradictionis implicatione loquitur. Si enim diceremus, vna eademq; ratione semel & semper offerri Christum, verè contradictionem implicarem: contradictionis enim lex est, vt vna eademq; ratione idem affirmetur simul & negetur: at cum non eadem ratione id affirmemus & negemus, vti ipsemet agnoscit: non potest nisi imperitè nobis contradictio obijci.

*Christus se-
meloblatus
offertur sem-
per.*

Dicimus itaq; vtrumque asseri in Scriptura: nempe & Christum semel oblatum esse, vt ex citatis locis patet: & semper ac in omni loco offerri debuisse, vti ex vaticinio Malachiae, ex ratione sacrificij Melchisedechiani, ex institutione Eucharistiae, ex vsu altaris, denique ex praxi vniuersae, praesertim verò primitiuae Ecclesiae ab Apostolis edoctae, infra ostendemus. Vtrūque igitur admittendum est absque contradictione: quia vtrumq; verum est alia atq; alia ratione. Nam Scripturae, cum docent Christum semel oblatum esse, neq; quotidie aut saepe offerre semetipsum; loquuntur de oblatione per mortem, ac proinde de oblatione cruenta: ita vt sensus sit: Christum semel tantum se obtulisse per mortem, neq; futurum deinceps, vt se iterum per mortem offerat. Hunc sensum esse manifestū est ex ipsius Pauli verbis *Hebr. 9. 26.* *Alioquin*, inquit, *oportebat eum frequenter pati ab origine mundi*, si saepe offerret semetipsum. De tali ergo oblatione loquitur, quae fit per passionem & mortem, quod ea semel facta sit, & repeti non debuit. Non igitur his verbis omnis Christi oblatio excluditur, sed ea solum quae est per mortem, & cruenta.

Quod si dicas: ideo secundum Apostolum Christus semel tantum offerri per mortem debuit, quia illa vnica oblatio cum fuerit perfectissima, & sufficientissima ad destructionem peccati, repeti non debuit. atqui haec ratio excludit omnem aliam oblationem Christi. Nam vel illa altera oblatio ordinatur ad nouam remissionem peccati acquirendam, vel ad nullam remissionem. Si primum dicatur: Apostolus reclamatione, ad peccatorum remissionem obrinendam nullo alio sacrificio opus esse, nisi sacrificio crucis, cum in eo perfectissima peccatorum remissio sit acquisita. Si secundum: frustra erit tale sacrificium. Huic obiectioni ita primum respondeo. Etiam si ad remissionem

Liber primus.

III

missionem peccatorum hoc sacrificium necessarium non esset, esset tamen necessarium propter alios fines. neque enim sacrificij vnicus tantum finis est remissio peccati, sed etiam pro beneficijs gratiarum actio, vel impetratio aliorum bonorum, vel recognitio summæ diuinæ potestatis. Et etiam, cum sacrificio præcipuus Dei cultus contineatur, ea maxime de causa sacrificiū externum in Ecclesia necessarium esset, vt haberent fideles quo Deum quotidie summo honore afficere possent, ne religio esset sine sacrificio externo. Deinde dico, sacrificium Corporis & Sanguinis Domini in Eucharistia etiā ad remissionem peccatorum, quam sua morte promeruit Christus, nobis applicandam esse necessarium. Etenim Christus sua passione, & morte, & sacrificio in cruce oblato, promeruit quidem nobis remissionem peccatorū sufficienter, non tamen efficaciter. Sufficienter quidem, quia sola huius sacrificij virtute omnia omnium hominum peccata remitti possunt, si fuerit illis applicatum: neque vllius alterius sacrificij virtute remitti possent. Non efficaciter verò: quia Christus, etsi pro omnibus se in cruce sufficienter obtulit, & omnibus remissionem peccatorum obtinuit, nulli tamen contulit actu remissionem peccatorum, sed eam reliquit per media a se instituta efficaciter vnicuique in particulari applicandam. Reliquit ergo locum sacrificio incruento, vt remissio peccatorum, quam ille sufficienter omnibus in communi meruit, sed nemini in particulari applicuit, per sacrificium incruentum nobis applicaretur. Etsi enim suo modo virtus sacrificij crucis applicetur per sacramentum Baptismi & Eucharistiæ; tamen per modum sacrificij non applicatur, nisi per hoc incruentum sacrificium. Voluit enim Christus plura instituere media, quibus virtus sui sacrificij in cruce peracti hominibus in particulari applicaretur. Quare quod nobis in cruce obtinuit, id obtineri nullo alio sacrificio potest: obtinuit enim nobis, vt virtute suæ passionis peccata nostra tollerentur, & pretio sanguinis sui redimerentur: per sacrificium vero incruentum nihil tale obtinetur de nouo, sed tantum applicatio virtutis passionis Christi, & pretij redemptionis in cruce pro nobis oblatis. Itaque cum per sacrificium incruentum nobis remittuntur peccata, non nisi virtute sacrificij cruenti remittuntur: per sacrificium enim incruentum solum applicatur sacrificij cruenti virtus, ita vt cruentum sacrificium omnes opes suas per incruentum in nos effundat: etsi enim sacrificiū cruentum sit sufficientissimum ad saluandum, nullum tamen actu saluat, nisi cui fuerit applicatum. inter alios vero modos applicationis est sacrificium incruentum.

Multiple & sacrificij necessitas.

etiam ad remissionem peccatorum.

dum nobis efficaciter virtus cruenti sacrificij applicatur.

Ex quibus patet: alia atque alia ratione verum esse, Christum & semel se obtulisse, & semper offerre. Nam in propria specie & per mortem atque

cruciente

Inepè nobis cruentè semel se obtulit : sub specie verò panis & vini & incruentè semper
contradictio- se offert. Item ad acquirendam nobis in communi remissionem peccatorum
nem obijcit semel se obtulit : ad eam verò in particulari applicandam semper se offert
Zaborouius. in altari. Nulla igitur in his admittitur à nobis contradictio. Nam etsi Zaborouius alterum membrum dicat esse falsum : tamè non quicunque falsum dicit, contradictionem implicat. is enim solum contradictionem implicat, qui idem secundum idem affirmat & negat : falsum verò dici potest, vel solum affirmando vel solum negando. imperitè igitur obijcit contradictionis implicationem. An verò falsum sit alterum distinctionis membrum, quod ex Scripturis vniuersa antiquitas credidit & docuit, vt mox ostendā, ipse viderit, si videndi pollet facultate.

Cum verò Andræ Apostoli verba in medium protulissem, quæ Presbyteri & Diaconi Achaïæ ex ore ipsius audita scriptis consignârunt ; Ego, inquit, omnipotenti Deo, qui vnus & verus est, immolo quotidie non taurorum carnes, nec hircorum sanguinem, sed immaculatum Agnum in altari : cuius carnem postquam omnis populus credentium manducauerit, Agnus què sacrificatus est integer persenerat & viuus. Hic Zaborouius vt verissimæ narrationi fidem abrogat, totam in dubium reuocat. Si, inquit, ista ex Actis Apostolorum quæ D. Lucas conscripsit deprompsisses, magnum pondus haberent. Quasi verò quæ in Actis Apostolorum non extant, & à grauissimis ac sanctissimis viris in Ecclesia pro certis habita sunt, nullius ponderis haberi debeant. Neque enim ea sunt ex actis Andræ, qui lit er ab Ecclesia pridem reprobatus est : neq; ex Abdia, quem nuper in lucem prolatum scribis à Volfango Sasio : sed ex passione eiuidem Apostoli, quā Presbyteri & Diaconi Achaïæ tanquam oculati Spectatores fidelissime perscripserunt. quæ quidem narratio & apud antiquos Patres fuit magnæ auctoritatis, eius què aliquam partem citat Augustinus libro de vera & falsa Penitentia capite 8. & ab Ecclesia cum cæteris apocryphis libris non solum non reprobata est, sed etiam digna habita quæ officio publico in Ecclesijs per vniuersum orbem recitanda intereretur. Et verò nescio, quæ maior fides huic narrationi conciliari potuit : cum enim in Ecclesia omnibus seculis tot doctissimi viri fuerint, eos proculdubio non latuisset, si quid in ea re fide minus dignum esset. vti & in alijs rebus quæ dubia erant non dissimularunt. Ne tamen nil dicere videretur ait Zaborouius, ijs D. Andræ verbis eueri Missam priuatam. At quam acutè ? Quia, inquit, Agnus ille ab omni populo credentium manducabatur. Non igitur, inquit, fuit sola communio Sacerdotis in Missa, sed etiam populi. O argutum correctorem ! Quasi verò D. Andreas dixerit Agnum sacrificatum semper ab omni populo credentium manducari solitum :

cantum

neque ea est
contra priua-
tas Missas.

tantum enim ait: postquam omnis populus carnes eius manducauerit, Agnum qui sacrificatus est integrum perseverare: ad quod verificandum satis est, quod aliquando & suis temporibus ab omni populo manducaretur.

Sed & illud non minus insulsum & nugatorium est, cum ait: Si Agnus ab omni populo manducatus integer perseverat: sequitur illum spiritualiter, ore Fidei, non ore corporis manducari. quæ enim ore corporis manducantur, ea integra non manent, sed in ventrem abeunt. Non sequitur, Zaboroui. Quæ enim ore sumimus mysteria, non id solum sunt quod videntur, sed multo magis id quod non videtur: in visibilibus enim invisibilia & supernaturalia nobis communicantur dona, verbo Dei illa sanctificante. quocirca ore quoque sumenda sunt, quia in ijs quæ ore sumimus nobis communicantur. Neque verendum est, ne corrupta & comminuta in ventrem vadant, ut tu impure argumentaris, quia non continent rem corruptibilem, sed incorruptibilem, Corpus videlicet & Sanguinem Christi. Cibi enim corruptibilis id est proprium in stomacho corrumpi, & corruptum in ventrem mitti. Hic verò cibus incorruptibilis sub specie corruptibili nobis præbetur, qui nec à stomacho confici, nec corruptus mitti in ventrem potest. neq; enim ad corpus alendum, sed ad animam diuina gratia saginandam, nobis datur.

neq; contra
esum carnis
Christi.

Tandem tale instituit argumentum; Sacerdos dignior est quam victima; si igitur Sacerdotes offerrent Christum sub speciebus panis & vini, essent digniores Christo, quod absurdum est. Sed quam hallucinetur, inde apparet. Cur enim Sacerdos dignior esse debeat, quam victima? Respondebit: quia Sacerdos dat & offert victimam Deo, victima verò datur: is autem qui dat dignior est ea re quam dat. Si id ita est: ego simili probabo Apostolos non dedisse per impositionem manuum Spiritum S. Is enim qui dat est dignior ea re quam dat: at Apostoli dabant per impositionem manuum Spiritum sanctum: ergo erant digniores Spiritu S. Videsne, Zaboroui, quam ineptè argumentaris? Propositio itaq; illa: Sacerdos dignior est quam victima: licet in multis rebus locum habeat, quas quis ex se & propria virtute dat, tales enim res communiter esse solent minoris dignitatis; tamen cum quis auctoritatem dandi non ex se sed ex diuina virtute habet, non est necesse, ut sit præstantior ea re quam dat: potest enim Deus longè digniora nobis dona dare, eorumq; alijs donandorum potestatem facere. Sic & Corpus suum & Spiritum sanctum nobis dedit Christus, & vtriusque dandi potestatem concessit. Quanquam nec illud vniuersè verum est eum, qui ex se & ex propria potestate dat rem aliquam, esse illa re digniorem. Nam in Diuinis Pater æqualis dignitatis donauit nobis Filium, & vterque Spiritum sanctum. Idcirco dico communiter tantum in humanis id verum esse, non autem vni-

Non opus Sa-
cerd. rem di-
gniore esse
sacrificio.

uersè. Christus etiam obtulit semetipsum in cruce: neq; tamen seipso est dignior. imò in altari quoridie se offert per manus Sacerdotum, neq; tamen victimam dignitate offerens superat, ac proinde in nobis quoq; non erit absurdum, victimam esse præstantiorem nobis, quam non simus principales in offerendo, sed Ministri.

CAPUT XIV.

Malachiæ vaticinium de externo nouæ legis sacrificio, & oblatione munda in omni loco offerenda.

PUtat Zaborouius nos ita esse à Scripturis destitutos, ut eis probare non possimus externum legis nouæ sacrificium. At fallitur. Quæ est enim illa oblatio munda, quæ in omni loco offerenda prædicitur apud Malachiæ cap: 1. 11. reiectis sacrificijs Iudæorum immundis? Non alia proculdubio, quam oblatio Corporis & Sanguinis Domini, præter hanc enim nulla oblatio alia munda est: nulla in omni loco Deo offertur: nulla successit sacrificijs Iudæorum: nec aliam vllam primitiua Ecclesia ab Apostolis edocta pro sacrificio nouæ legis proprio agnouit & venerata est. Verba Malachiæ sunt; *Non est mihi voluntas in vobis, dicit Dominus exercituum: & munus non suscipiam de manu vestra. Ab ortu enim solis usq; ad occasum magnum est nomen meum in gentibus, & in omni loco sacrificabitur, & offeretur nomini meo oblatio munda: quia magnū est nomen meum in gentibus, dicit Dominus exercituum.* Nam quod ait Zaborouius oblationem mundam esse oblationem precum. de qua Paulus 1. Tim: 2. 8. *Volo viros orare in omni loco, attolentes puras manus:* ea oblatio spiritalis est non externa: nec de ea loqui Malachiam plurimis rationibus ostenditur. Primum; si de oblatione precum loqueretur, ea oblatio non magis est munda, quam oblatio sacrificiorum Iudaicorum: nam sicut oblatio precum tunc solum est munda, cum puræ manus attolluntur ad Deum; sin minus, immunda: ita & oblatio sacrificiorum puris manibus & puro corde oblata erat munda; immundo verò corde oblata erat immunda: non igitur vlla esset ratio, cur oblatio precum diceretur munda, oblatio verò illa sacrificiorū immunda, cum vtraque æquè munda & immūda diuerso respectu dici possit. Deinde oblatio illa in omni loco offerenda ita prædicitur fore mūda, quomodo illa sacrificia Iudaica nō poterāt dici munda: alioqui si sacrificia illa poterāt esse æquè munda sicut illa futura oblatio

*Malachiæ
non loquitur
de sacrificio
precum pro
sacrificijs Iu-
daicis subro-
gando. I.*

oblatio, non fuisset causa, cur rejiceretur à Deo tanquam immunda, & alia oblatio quæreretur æque munda. Cum igitur oblatio precum eo prorsus modo sit munda, quo modo sacrificia quoque Iudaica erant munda, nempe ex religione offerentium: consequens est non de oblatione precum agi apud Malachiam, sed de alia oblatione; quæ ita erat futura munda, quo modo sacrificia Iudaica non poterant dici munda. Adhæc noua quædam oblatio prædicitur futura in omni loco, qualis non erat vnquam in lege veteri. aliquin si ea etiam fuisset in lege veteri, non erat lex vetus propter eam rejicienda à Deo, sed potius retinenda. quippe quæ oblationem mundam in se contineret. Cum igitur oblatio precum fuerit etiam in lege veteri: sequitur non de ea apud Malachiam sermonem esse, sed de alia noua, quæ in lege veteri non fuerit. Præterea sacrificijs externis Iudæorum non succedunt in lege noua sacrificia interna & spiritualia (hæc enim erant simul cum sacrificijs Iudaicis, nec erat necesse vt substituerentur) sed externa & aspectabilia. Nam sacrificijs internis Iudæorum proprie respondent sacrificia interna Christianorum; externis vero externa. Cum ergo hic agatur de oblatione, quæ in locum sacrificiorum externorum successura erat: manifestum est, non agi hic de interna sed de externa & aspectabili oblatione in omni loco; ita vt, quum sacrificia illa Iudaica non offerrentur nisi in vno loco, hoc est Ierosolymis, prædicetur futura talis oblatio externa, quæ non Ierosolymis tantum sed in omni loco debeat offerri. Oblatio verò precum etiam in lege veteri non Ierosolymis tantum offerebatur, sed etiam in omni loco, tam à Iudæis, quam à gentibus: qui tum piè Deum colebant, vt habetur *Act: 10. 22. & 25.*

Accedit quòd apud Malachiam prædicitur propter oblationem illam magnum futurum Dei nomen in gentibus: at si solum oblatio precum esset futura, maius Dei nomen fuisset in Iudæa quam in gentibus: si ab his interna solum oblatione Deus fuisset colendus, cum in Iudæa tam internis quam externis coleretur sacrificijs. vnde potius eo nomine diminutus fuisset Dei honor apud gentes & Christianos quam apud Iudæos. Huc etiam spectat, quòd prædicitur oblatio ita futura ex se munda, vt inquinari nulla ratione possit: alioqui si inquinari posset, non differret munditie à sacrificijs Iudæorum. Hæc enim solum differentia statui potest inter sacrificia Iudæorum & hanc oblationem: quòd illa licet aliquando potuerint esse munda, cum scilicet ita vt par erat offerrentur; tamen non erant ita munda, vt inquinari & pollui non possent, vel defectu ex parte offerentium, si animo impuro offerrentur: vel proprio suo defectu ac vitio, si manca & vitiosa, & non secundum præscriptum legis sacrificarentur. hanc enim ob causam vocat ibidem

Deus panem pollutum, qui non talis qualem lex præcipiebat offerebatur & queritur sibi in sacrificio offerri languidum, cæcum, claudum, debile, & id genus alijs vitijs animal contaminatum. Porro oblationem precum non esse ita mundam, vt inquinari non possit per se manifestum est. inquinatur enim, vel defectu attentionis & reuerentiæ, quoties labijs tantum honoramus Deum, corde procul ab eo remoto: vel defectu sincerae intentionis, cum eo sine oramus, vt oculis hominum orantes appareamus. Non igitur oblatio precum est illa oblatio munda, de qua Malachias vaticinatur: quam ita vult esse mundam, vt pollui & inquinari non possit. alioqui munditie sacrificia Iudaica non superaret. Id quod maxime verum est in sententia Evangelicorum, qui omnia opera nostra docent esse mala ex se & peccata mortalia, si rigide à Deo iudicentur: per Fidem tamen non imputari nobis in peccatum. Sic igitur oblatio precum erit ex se immunda oblatio, & tantum per imputationem munda: vnde magis esset immunda quam munda, quia intrinsecè immunda, extrinsecè munda. Insuper oblatio prædicatur munda in omni loco: at oblatio precum non est munda in omni loco: in plurimis enim locis non offeruntur orationes munda, vt dictum est. Ergo oblatio precum non est oblatio de qua loquitur Malachias. Denique oblatio precum offerri potest ab omnibus: at hæc oblatio à solis veris Sacerdotibus erat offerenda: ita enim exponit Malachias *in cap: 3. 3.* *Purgabit, inquit, filios Levi: & colabit eos quasi aurum, & quasi argentum: & erunt Domino offerentes sacrificia in iustitia.* Soli igitur Levitæ ex populo Dei eliguntur ad hoc sacrificium offerendum. quod, sicut antè vocauerat *oblationem*, ita hic vocat *sacrificium in iustitia*, opponens illud pollutis & immundis sacrificijs Iudaicis. Quod etiam expressius docet Isaias *cap: ultimo 21.* *Et assumam, inquit, ex eis in Sacerdotes & Levitas.* Non igitur omnes debebant esse Sacerdotes respectu huius sacrificij, sed aliqui duntaxat ex populo Dei assumpti.

*Sacrificium
Christianorum
pollut nequit.*

Porro sicut oblationi precum Malachia vaticinium aptari non potest, ita oblationi Corporis & Sanguinis Domini conuenientissime accommodatur. Hæc enim sola oblatio ita est munda, vt pollui & vitiari nullo modo possit: quia est tum ex se munda & sancta, ac proinde gratissima Deo: tum ex principali offerente qui est Christus Dominus: eius enim reliqui Sacerdotes sunt Ministri cum & verbis ipsius non suis hanc oblationem consecrent; & ipsius nomine ac potestate sacrificium hoc peragant; & totam sacrificij huius virtutem in illud Christi sacrificium in cruce referant. quod enim pretium in cruce Christus nobis acquisiuit, hoc in altaris sacrificio in nos effunditur, expenditur, distribuitur. Quocirca etsi Sacerdotes

Mi nistri

Ministri pollutis manibus & animis quandoque hoc sacrificium tractent; nequaquam tamen illud in se polluant: tum quia sanctitatem illi insitam auferre non possunt: tum quia adest principalis offerens Christus, de cuius manibus non potest non sanctum & Deo non gratum procedere sacrificium. Nam simili ratione Baptismus, quamvis ab impuro Ministro conferatur, sanctus est; nec sanctior si a sanctiore; nec minus sanctus si a minus sancto administretur: quia non a Ministro sed a Christo suam dignitatem & sanctitatem accipit, & eiusdem Christi qui semper sanctus est institutione ac nomine confertur. Nam neque munera quæ Principis nomine offeruntur vitio legati minus grata existunt, cum Principis non legati nomine offeruntur. Ex quo etiam existit: ut hæc oblatio ita sit munda, quomodo sacrificia Iudaica non fuerunt, & sua munditie ac sanctitate omnia alia sacrificia longissimo superat intervallo.

Est etiam oblatio noua, qualis in veteri lege nulla fuit. & Scriptura testatur: *qualis Iudæis non fuerit.* *ste successit sacrificijs Iudæorum, uti Paulus ad Hebr. 10. 5. ex illo Psal. 39. loco deducit: Hostiam & oblationem nolui: corpus autem aptasti mihi.* Noluit enim Deus Iudaica sacrificia; quia erant imperfecta; nec ad mundandos a peccato homines sufficientia: oblationem autem Corporis Domini in eorum locum substituit, tanquam perfectam, & ad nos sanctificandos maxime idoneam. Eam enim in cruce oblata pretium redemptionis acquisitum, & obtentum est: sed quia nemini tunc fuit applicatum, debuit in altari quotidie offerri, ut idem pretium nobis quotidie applicaretur, & in salutem nostram impenderetur ac distribueretur. Denique per hanc oblationem Deus quotidie summè honoratur, dum res omnium pretiosissima & ipsi longe gratissima offertur in odorem suauitatis. verè quæ huius oblationis respectu apud Malachiam dicitur; *Magnum est nomen meum in gentibus.*

Insulsum verò est quod aduersarij opponunt, vnicum esse legis nouæ sacrificium, semelq; oblatum. nam etsi vnicum sit ratione rei oblatae, una enim numero victima est Corpus & Sanguis Christi, præter quam nulla alia victima datur: tamen si modus offerendi spectetur, est multiplex. Eadem enim victima & cruentè in cruce oblata est, & incruentè in omni loco secundum Malachiæ vaticinium offertur. Cum verò Scriptura semel Christum oblatum esse, nec quotidie se offerre pronuntiat; de oblatione per mortem loquitur, uti ex tota epistola ad Hebræos manifestum est. Eidem tamen Scriptura in omni loco eandem victimam offerri incruentè testatur. id enim cum de cruenta Christi oblatione intelligi non possit, de incruenta intelligendū esse euentissime consequitur. Quare, etsi Zaborouius multas cruenti & incruenti sacrificij differentias coaceruet: non tamen efficit ista sacrificia esse

Et quo summè colitur Deus.

Et quotidie & multis locis offertur.

diuersa

De Notis Ministrorum

diuersa quoad rem oblatam, sed tantum quoad modum offerendi: vt quod illud in cruce semel, hoc in infinitis locis & singulis diebus; illud in propria specie & cruenta, hoc incruente & speciebus panis & vini contentum offeratur.

necessario.

1.

2.

3.

4.

Cur verò incruente Christum oportuerit offerri: id non in sacrificij cruenti insufficientiam referendum est: sed quod Sacrificium illud, licet sufficientissimum, nemini tamen in particulari Christo ita volente applicatum fuit. alioqui nulli damnarentur, sed omnes essent salui virtute passionis Christi. Institutum igitur est huius applicationis causa incruentum sacrificium, vt per illud virtus cruenti nobis applicaretur. Et quamuis non desint alij modi, quibus ea applicatio fieri potest, per Fidem videlicet & Sacramenta. tamen diuinæ Christi bonitati placuit multiplicare media, vt tantò vberius ea virtus in nos effunderetur. In particulari verò necessarium fuit vt applicaretur per sacrificium, vt ea ratione, & Deus honore summo qui ei sacrificio impenditur non priuaretur: & lex noua præcipuo Religionis actui qui est sacrificium non careret. Non enim potuit lex noua sine sacrificio esse: non debuit autem aliud sacrificium quàm Corporis & Sanguinis Domini habere: hoc enim solum est, quod emundare conscientias nostras & sanctificare (quæ propria est legis nouæ gratia) potest.

non ob imperfectionem suam.

est cruento illo unico imperfectus sit Christo ita volente.

Neq; verò sequitur quod ait Zaborouius, sacrificium hoc cum toties repetatur esse imperfectum quod repetitionem imperfectionis esse argumentum Paulus affirmet. nam repetitio quam Paulus damnat est cum alia numero victima in locum prioris substituitur; id quæ ad nouam remissionem peccatorum à priore distinctam promerendam. talis enim repetitio manifestum esset insufficientis sacrificij argumentum, siquidem vna victima omnium peccatorum remissionem minimè obtineret. At nos neque nouam victimam substituiamus; sed vnam & eandem semper offerimus: neque ad nouam peccatorum remissionem obtinendam, sed ad eam, quæ per victimam cruentam obtenta est, nobis applicandam. Non igitur ad nos illa repetitio sacrificij, quam Paulus damnat, pertinet. Sacrificium igitur incruentum, cum non ad nouam remissionem obtinendam; sed ad eam, quæ in cruce obtenta fuit, applicandam ordinetur, non habet quidem eam perfectionem, quam sacrificium crucis, ipso Christo ita volente & disponente, vt hoc sacrificium totam vim suam ex illo in cruce peracto sacrificio haberet & eius virtute operaretur; ita vt sola incruenta oblatio vim redimendi homines non habeat sed cruenta; & ex vi cruentæ incruenta sit hominibus salutaris: tamen in suo quoq; genere sacrificium incruentum est perfectum. Nam quamuis per ipsum non omnibus simul hominibus applicetur virtus sacrificij

sacrificij inuenienti: id tamen non ex defectu huius sacrificij prouenit. poterat enim Christus si uoluisset totum passionis suæ fructum omnibus simul hominibus in hoc sacrificio applicare: sed ex Christi iustissima voluntate, qui uoluit huius sacrificij usum perpetuum in Ecclesia esse, tum religionis & Dei colendi causa, tum ad excitandum in hominibus perpetuum erga hoc sacrificium affectum, & repetendam iugiter passionis ipsius memoriam. unde ex consequenti uoluit per hoc sacrificium non omnem simul passionis suæ fructum nobis applicari, sed ad id obtinendum perpetuo repeti.

Porro imperfectionem repetitio tunc arguit, cum id ex proprio vitio & defectu & insufficientia sacrificij prouenit, ut necesse sit illud repeti: non uero si ex sola offerentis voluntate & dispositione, in cuius arbitrio positum est, ad plura vel pauciora, ad hæc uel illa obtinenda sacrificium ordinare. Nam & per sacrificium crucis multa alia bona nobis Christus mereri potuit, quæ tamen de facto non meruit: quia ad eum finem passionem suam non ordinauit. Potuit enim (ut alia taceam) promereri nobis, ut peccare non possemus; uel saltem ut à peccato originali prorsus immunes essemus; uel ut omnes infallibiliter gloriam consequeremur: ad quæ tamen promerenda passionem suam non ordinauit; nec Deo obtulit. Neque tamen idcirco quis dixerit sacrificium crucis fuisse imperfectum: erat enim ex se infiniti valoris; licet non ad omnia obtinenda à Christo fuerit ordinatum. ad quæ tamen si ordinatum fuisset, vim ea promerendi omnino sufficientem habuisset.

Iam superest, ut ostendamus falsò Zaborouium gloriari, cum ait, se sanctos Patres sequutum in loco Malachiæ explicando. Si enim omnes, quot quot hunc locum tractarunt, de oblatione Eucharistiæ unanimes consensu eum exposuerunt. id quod ex ipsis quos adducit Patribus perspicuum est. In primis adducit Irenæum lib: 4. cap: 33. sed more suo infideliter: Nam Irenæus licet nomine *incensi* intelligat orationes sanctorum: tamen nomine *oblationis munde* intelligit oblationem Eucharistiæ Corporis & Sanguinis Domini. Ita enim habet cap: 32. *Discipulis*, inquit, *suis dans consilium primitias Deo offerre ex suis creaturis, non quasi indigenti, sed ut ipsi nec infirmos, nec ingrati sint: eum qui ex creatura est panem accepit, & gratias egit dicens; Hoc est corpus meum. Similiter & calicem qui est ex ea creatura que est secundum nos suum sanguinem confessus est: & noui Testamenti nouam docuit oblationem: quam oblationem Ecclesia ab Apostolis accipiens in uniuerso mundo offeri Deo; ei qui alimenta nobis prestat, primitias suorum munerum in nouo Testamento. de quo in duodecim Prophetis Malachias sic prefigurauit; In omni loco offertur incensum nomini meo, & oblatio munda &c.* Hæc Irenæus

*Cruentū quod
que non omnia
effecit,
que posset.*

*Irenæus contra
Zaborouium
est, falsò
citatus ab
illo.*

De Notis Ministrorum

*disertè enim
ait Malachiã
vaticinatum
de sacrificio
Corporis Chri-
sti & Sangui-
nis.*

Irenæus. Ex quibus omnes fraudes Zaborouij in adducendis Patribus perspicui possunt. Cur enim tam expressam Irenæi sententiam dissimulauit? cur Irenæi verba cõtra Irenæi mentem adduxit, nisi vt fucum faceret & falleret? Duo enim considerat Irenæus in Malachiæ vaticinio, & incensum, & oblationem mundam: incensumq; exponit orationes Sanctorum: oblationem verò mundam ait esse oblationem Corporis & Sanguinis Christi in Eucharistia. De qua oblatione tria docet. primò causam & necessitatem huius oblationis. *Necesse enim, inquit, est primitias offerre Deo ex creaturis ab ipso acceptis. non quòd oblationibus nostris Deus indigeat, sed quòd nos ad nostram salutem ipsi indigeamus: & ne videamur beneficiorum Dei ingrati. Cùm igitur panem & calicem in Eucharistia, hoc est Carnem & Sanguinem Christi, singulari Dei beneficio à Deo acceperimus, necesse est vt ad nostram salutem & ad demonstrandam gratitudinem nostram, ea Deo offeramus.* Secundò. Christum eam oblationem tanquam noui Testamenti propriam instituisse, & sub exemplo in cœna confirmasse, & Apostolis, vt eam offerrent consilium dedisse. Tertiò Eccliam ab Apostolis hanc oblationem didicisse, & eam in vniuerso mundo offerre Deo. Si igitur Irenæus oblationem mundam non esse aliam nisi Corporis Christi in Eucharistia, non solùm disertè affirmat, sed etiam Christi, Apostolorum, & Ecclesiæ primitiæ in vniuerso mundo vsu confirmat: qua fronte Zaborouius ausus est antiquissimum Patrem qui statim Apostolis successit pro sua sententia adducere?

*Iustinus mar-
tyr itidem.*

At nõ maiori fide adducit pro se Iustinũ in *Diabgo cum Tryph. Orationes, inquit, & gratiarũ actiones esse solum & perfectũ & acceptum Deo sacrificiũ, quod soli Christiani offerre solent.* At dolose omittit, quod ibidem Iustinus de oblatione munda ex Malachia docet. *De nostris, inquit, hoc est gentium, quæ in omni loco offeruntur sacrificijs, hoc est pane Eucharistiæ, & poculo similiter Eucharistiæ, iam tum locutus prædixit Malachias. Nos quidem glorificare nomen eius, vos autem profanare &c. A nemine sanè Deus hostias accipit, nisi à Sacerdotibus suis. Vniuersis igitur qui per nomen ipsius sacrificia offerunt, quæ IESVS Christus fieri tradidit: hoc est in Eucharistia panis & calicis, quæ in loco omni à Christianis sunt præueriens Deus gratos sibi esse testificatur. quæ autem à vobis & à vestris Sacerdotibus offeruntur, renuendo abijcit.* En quam aperte Iustinus oblationem in omni loco secundum Malachiæ vaticinium offerendum vocat panis Eucharistiæ & calicis sacrificiũ. id quæ sacrificium IESVM CHRISTVM fieri tradidisse, & esse Deo longè gratissimum, cùm ei in omni loco oblitum fuerit, & paulò antè oblatione similæ fuisse figuratum. Hoccine igitur est, Zaboroui, fideliter Patres citare? an non potius contra mentem ipsorum verba torquere & falsificare? Nam quòd

quod Iustinus vocat orationes solum & perfectum sacrificium: nunquid inde sequitur sacrificia externa non esse vera sacrificia? alioqui negandum quoq; esset sacrificia Iudaica fuisse vera sacrificia: ijs enim in Scriptura præponuntur sacrificia laudum: *Holocaustis*, inquit David, *non deletaberis. Sacrificium Deo spiritus contribulatus.* Dicuntur ergo orationes esse solum verum & perfectum sacrificium ratione effectus: quia per se placent Deo, & conferunt nobis salutem. aliæ verò res externæ, si sine spiritu interno offeruntur, non sunt hoc modo verè sacrificia, licet in essentia sint sacrificia. Deinde non comparat orationes Iustinus cum Eucharistia, quam ipse vult esse gratissimum Deo sacrificium, sed cum alijs rebus externis quæ Deo offeruntur.

*Preces cur
solum sacrifi-
cium.*

Tertio loco profert Tertullianum *lib: ad Scapulam c. 2. Sacrificamus*, inquit, *pro salute Imperatoris, sed Deo nostro, & quomodo præcepit Deus pura prece.* Verum hic locus non est ad propositum. Nam neq; Tertullianus hic locum Malachiæ explicat, quod Zaborovius susceperat probandum: neque nos negamus sacrificium precum, sed præter hoc spirituale sacrificium adstruimus aliud externum Corporis & Sanguinis Domini sacrificium. Quamquam de eo etiam optimè intelligi potest hic Tertulliani locus. Verè enim hoc sacrificium in altari pura & sacra prece offertur. Sicut enim Dominus in vltima cœna gratias agens, benedicens, & laudans Deum, hoc sacrificiū celebravit. ita nobis similiter pura prece, hoc est gratiarum actione, benedictione siue consecratione Corporis & Sanguinis Domini, & diuinis laudibus hoc sacrificium celebrandum præcepit. Voluit ergo Tertullianus docere sacrificium nostrum in altari pura prece à nobis offerri: hoc est, nō sanguinis aliqua effusione, nec mactatione, nec odorum consumptione, vti in communibus sacrificijs fieri solet; sed sacris & diuinis verbis, quibus & Deus laudatur, & sacrificium Deo consecratur, vti ipsemet Tertullianus seipsum mox explicat. Porro Tertullianum sacrificium Corporis Domini quod in altari offertur agnouisse, expresse docet liber *de orat. c. 14.* in quo ait; *Solenior erit ratio tua, si ad arā Dei steteris. Accepto Corpore Dom: & reseruatō vtrūq; saluū est, & participatio sacrificij, & exequutio officij.* En aram Dei, in qua Corpus Domini sacrificatur, & acceptio Corporis Domini participatio sacrificij dicitur à Tertulliano. similiter libro *de velandis virginibus c. 9.* idem Tertullianus ait; *Non permittimus mulieri in Ecclesia loqui, sed nec docere, nec tingere, nec offerre, nec vllius virilis, nedum Sacerdotalis officij sortem sibi vendicare.* Certè oblatio in Ecclesia, quæ sit Sacerdotalis officij, & non possit à muliere exerceri, non est oblatio precum: eam enim etiam qui Sacerdotale officium non gerunt, & mulieres licitè in Ecclesia facere

*Tertullianus
nil pro Zabo-
rovio inepre-
citatus.
F.*

*nam is agno-
scit sacrificiū
Corporis &
Sanguinis
Christi.*

possunt. Est igitur oblatio in ara Corporis Domini. Porro Tertullianus locum Malachiae lib: 3. *contra Marcionem cap: 15.* exponens inquit, *In omni loco sacrificium nomini meo offertur, & sacrificium mundum: gloriae scilicet relatio, & benedictio, & laus, & hymni.* Quae verba optime ad sacrificiū altaris referri possunt: (quod uti dictum est) sacra prece celebratur, glorificatione videlicet Dei, benedictione seu consecratione sacrificij, denique laudibus & hymnis diuinis. Alludit enim Tertullianus ad Christi in Eucharistiae celebratione exemplum. Quocirca ex Tertulliano Zaborouius nil solidi pro se & contra nos deriuare potest, nisi verba ipsius contra ipsius mentem detorquendo. Illae enim laudes, quas commemorat Tertullianus, ad sacrificij altaris celebrationem pertinent: & per eas sacrificium altaris significatur, Tertulliano ipso suam sententiam exponente.

Hieronymus sacrificium Agni immaculati quotidianum adstruit clarissime.

F.

Iam quod ad Hieronymum attinet: eum quoque falsò pro se adducit Zaborouius. Is enim, etsi priorem partem Prophetiae Malachiae, quae est de incenso, interpretetur de orationibus Sanctorum: posteriorem tamen partem quae est de oblatione munda, non de orationibus, sed de ea oblatione quae est in ceremonijs Christianorum, hoc est, quam certis ceremonijs & ritibus offerunt Christiani, quam *in cap: 46. Ezechielis* vocat sacrificium Agni immaculati, quod nulla intermittitur die: sed omni tempore orto sole semper offertur, sacrificium legitimum Deo, iuge ac perpetuum. Imò hoc iuge sacrificium vltimis temporibus ab Antichristo auferendum esse docet *libro 1. in cap: 12. Danielis.* ut vel ex eo agnoscat Zaborouius, cuius ipse & omnes Euangelici membra sint, cum hoc sacrificium sublatum volunt. Adhuc huic sacrificio altare assignat Hieronymus, cum ait, *Sacerdotem ad altare Christi quasi Virginem de ihalamo procedere debere. epistola 4. ad Rusticum cap: 8. & Romanum Pontificem,* ait, *super ossa veneranda Petri & Pauli offerre Domino sacrificium, & tumulos eorum arbitrari altaria Christi 2. aduersus Vigilantium c. 3. & Episcopum victimas offerre pro populo, & Carnes Agni sacro ore conficere. epistola 180. ad Fabiolam. & quod die in sacrificijs Christi de genimine vitis vere, id est Christi, vinum bibere. epistola 150. ad Hebridam q. 2. & offerre Victimam super altare Domino. in cap: 60. Esaiæ. idque secundum ordinem Melchisedech in pane & vino. de Traditionibus Hebraicis in cap: 14. Geneseos.* Ergo qui fieri potest ut Hieronymus, qui tam diserte affirmat Corpus Christi in altari à Sacerdotibus ritu Melchisedechiano in pane & vino offerri, à Zaborouio in contrarium sensum trahi possit: maxime cum Hieronymus per sacrificium precum hoc altaris sacrificium saepe intelligat: quod non aliorum sacrificiorum more, mactatione hostiae, sed benedictione & oratione perficiatur. uti de Tertulliano quoque docuimus.

Venio

Venio ad Augustinum: quem pro se inuitum ac renitentem Zaborouius trahere vult *lib. 1. de Aduersario legis & Prophetarum cap. 2.* vbi tamen Augustinus prorsus contrarium loquitur. Dicit enim Ecclesiam, quæ ab Apostolorum temporibus per Episcoporum successores certissimas vsq; ad nostra & deinceps tempora perseuerat, immolare Deo in Corpore CHRISTI sacrificium laudis: immolare autem non secundum ordinem Aaron, sed secundum ordinem Melchisedech. id quæ probat ex dicto loco Malachiæ. Et quamuis incensum exponat orationes sanctorum: tamen oblationem mundam intelligit sacrificium secundum ordinem Melchisedech. Quo etiam modo eundem locum Malachiæ exponit *18. de Ciuit. cap. 25.* cum ait, *Hoc sacrificium per Sacerdotes secundum ordinem Melchisedech in omni loco à solis ortu vsque ad occasum Deo offerri, iuxta Malachiæ vaticinium.* Vt enim *lib. 83. questionum cap. 61.* ait: Ipse, hoc est Christus, est Sacerdos secundum ordinem Melchisedech, qui seipsum obtulit holocaustum pro peccatis nostris, & eius sacrificij similitudinem celebrandam in sue passionis memoriam commendauit: ut illud quod Melchisedech obtulit Deo, iam per totum orbem terrarum Christi in Ecclesia videamus offerri. Quid hic Augustinus pro Zaborouio?

Augustinus
apertè cōtra-
rius Zaboro-
uio.

F.

Denique citat Eusebium Cæsariensem in *1. Demonstrationum Euangelicarum lib. c. 6.* vbi ait, Malachiæ vaticinium significare omnes gentes prædicatione Euangelij ad Deum conuersas, eius nomen celebraturas, & vitulos laborum oblaturas. At hoc quoque infideliter, & contra mentem auctoris adducit. Is enim eo loco dicit gentes, in toto mundo orationis incensum, & sacrificium mundum, non per cruores sed per piarum actiones, oblaturas. Duo igitur dicit Eusebius, & orationis incensum, & sacrificium mundum hoc est Eucharistiæ, quæ non per cruores, sed per piarum actiones, id est per mysticam consecrationem gratiarum actiones & preces, offertur. ut ipsemet tum *cap. 10.* tum in *Oratione de Laudibus Constantini* seipsum exponit. Quis alius, inquit, solo Seruatore nostro excepto, sacrificia rationalia sanguinisq; expertia precibus & arcana quadam diuinæ laudis celebranda ratione suis discipulis obunda tradidit? Qua de causa, tum altaria in toto orbe terrarum constructa sunt: tum augustæ sanctæq; Ecclesiæ edificate: tum diuina sacrificiorum sola mente rationeq; perceptorum ministeria soli Deo destinata. Vult ergo sacrificia in altari celebrari, quæ sint sacrificia Corporis & Sanguinis Domini. quæ ideo sacrificia rationalia appellat: quia sola ratione menteq; percipiuntur. non enim sensus, sed sola ratio & Fides agnoscit, quid sit illud, quod sub speciebus panis & vini in altari offertur. Modum etiam offerendi exponit. Cum enim sanguinis expertia sint, non gladio nec

Eusebius Cæ-
sariensis iū.
F.

cist sacrificiū
hoc vocet lau-
dis, precum,
rationale.

sanguinis effusione, sed precibus & diuinarum laudum celebratione gladij loco celebrantur. Quocirca dicitur hoc sacrificium precum, quia precibus mysticis offertur: & sacrificium laudis, quia laudum diuinarum celebratione, non externa mactatione & sanguinis effusione offertur. Sic enim & Augustinus illud vocat sacrificium laudis, sed in Corpore Christi: Et ipse Eusebius *ibidem cap. ultimo.* *Sacrificamus, inquit, Deo sacrificium laudis: sacrificamus Deo plenum & odorem asserens & sacrosanctum sacrificium: sacrificamus nouo more secundum nouum Testamentum hostiam mundam.* Quare sacrificium non sunt preces ipsae, sed id quod precibus mysticis Deo offertur, sacrosanctum & Deo plenum & mundum sacrificium Corporis & Sanguinis Domini in altari. id quæ nouo more. non enim mactatione & sanguinis effusione in veteribus sacrificijs adhiberi solita; sed mystica prece, mystica consecratione & benedictione, mysticis laudibus.

Constat igitur Zaborouium pessima fide Patres pro sua sententia adduxisse, eorumque verba contra expressissimam ipsorum mentem impudenter detorsisse. Est enim hoc Hæreticorum ingenium verba aliqua obicura ex libris Patrum yrgerè, clarioribus & maxime perspicuis relictis; vt ita fucum hominibus faciant, quasi SS. Patrum sententiam sequantur. Sed hæc fraudes ipsis locis inspectis facile deteguntur.

*Cor nostrum
non est illa
oblatio munda*

Duo restant soluenda, quæ à Zaborouio aduersus nostram sententiam obijciuntur; vnum est. posse cor nostrum dici oblationem mundam per Fidem Christi, iuxta illud *Act. 15. 9.* *Fide purificans corda eorum.* Verum neque secundum doctrinam Lutheri & Caluini dici potest cor per Fidem absolute mundum. quia secundum eos Fides non facit cor absolute mundum; cum non tollat peccatum, sed solum contegat per imputationem iusticiæ Christi. Et etiamsi per Fidem verè mundaretur non tamen eo modo dici potest mundum, quo illa oblatio apud Malachiam dicitur munda. tum quia illa oblatio eo modo dicitur munda, quo modo sacrificia Iudaica non poterant dici munda: at illa quoque erant munda per Fidem, quando cū Fide offerebantur: ergo hæc mundities per Fidem non sufficit ad illam oblationem, quæ maiori quadam ratione dicitur munda: nempe ita vt polui & immunda reddi non possit: quo modo neq; cor humanum nec illa sacrificia dici possunt oblatio munda. tum quia oblatio illa ita dicitur munda, vt ante non fuerit similis alia oblatio: atqui cor mundum per Fidem etiam tunc & ante fuit oblatio munda: non igitur de munditie cordis sermo est apud Malachiam. Denique oblatio apud Malachiam dicitur in omni loco munda: at cor non est mundum in omni loco: non igitur oblatio illa munda intelligi potest oblatio cordis.

Alterum.

Alterum est, quod opponit Zaborouius; si Missa sit sacrificium incur-
entum, eam non posse dici sacrificium propitiatorium: quia, vt ait Pau-
lus, *sine sanguinis effusione non fit remissio. Hebr: 9. 22.* Verum hoc argu-
mentum nullius plane est momenti. Neque enim nos asserimus sacrificiū
incuruentum ex se conferre remissionem peccatorum: sed eam, quæ per
sanguinis effusionem in cruce acquisita est, applicare. Et hic totus est error
aduersariorum, cum sibi falso persuadent sacrificium incuruentum secun-
dum nos nouam remissionem peccatorum ex se parere: cum nos, illud
nonnisi virtute sacrificij cruenti operari, & ab eo totam suam virtutem
accipere, doceamus. Quare sublati calumnijs, quibus nos onerant, &
sententiam Catholicam peruertere nituntur, nihil solidi habent quo nos
oppugnent.

*Sacrificij
Christiani
vis ex cruen-
to Christi,*

CAPVT XV.

**Christum è coelo sacrificium Corporis &
Sanguinis sui in Eucharistia per ma-
nus Sacerdotum offerre.**

PRobaui in *Nodo Gordio* D. Pauli argumento ex *8. cap: ad Heb.* petito,
Christum è coelo verum & proprie dictum sacrificium offerre. Ita
enim argumentatur; Omnis Pontifex ad offerendum munera & hostias
constituitur. Cum igitur Christus sit Pontifex in coelis constitutus, vt tanquā
coelestis sanctuarij & tabernaculi Minister suo Pontificali officio in coelo
fungatur; necesse est vt habeat quod offerat. Et quamuis non explicat, qua-
le sit illud sacrificium quod ibi offert: indicat tamen, cum eum Sacerdo-
tem appellat secundum ordinem Melchisedech: ac proinde ritu Melchise-
dechiano in pane & vino (vt mox ostendam) offerre debere, non aliam
oblationem, quam Corporis & Sanguinis sui. hæc enim vnica est Christi
oblatio.

*(omnis huius)
sacrificij
homo meli
(sacrificij)*

Sensit vim huius argumenti Zaborouius: nec habuit quod ei oppo-
neret, nisi quod ex Græco legi debeat in præterito; Necesse fuit & hunc
habere quod offerret: non in præsentis; Necesse est & hunc habere aliquid
quod offerat. quod ait ex verbo *προσενεγκη* patere.

At fallitur. Nam neq; vox *προσενεγκη* requirit præteritum tempus;
cum habeat indefinitam significationem: nec sensus patitur, vt in præte-
rito sed.

*Christus nunc
etiam sacri-*

fiat in cælo rito sed in præfenti accipiatur. vti omnes interpretes hæcenus intellexerunt.
residens secū- Etenim Paulus loquitur de oblatione, quæ fit in cælis à Christo, qui confed-
dum Paulū. dit in cælis tanquam sanctuarij cœlestis Minister ad munera sui Pontificatus
 exercenda. Cum ergo ei oblationem assignat, non assignat præteritam,
 quam antequam in cælum ascendisset habuerit, sed præsentem, quam in
 cælis nunc existens habet, habiturusq; est in æternum, tanquam Sacerdos
 in æternum. Indicant id verba ista Pauli; *Talem, inquit, habemus Pon-*
tificem, qui consedit in dextera sedis magnitudinis in cælis: Sanctorum Mini-
ster & tabernaculi veri, quod fixit Deus & non homo. Quibus verbis assignat
 illi, tanquam propriam sedem Pontificatus ipsius & tabernaculum ad offe-
 rendum, cælum: eam quæ sedem à dextris magnitudinis appellat. sicut &
cap: 1. 3. sedem maiestatis vocauerat, in qua à dextris Dei sedet, pari cum
 Patre honore, magnitudine, maiestate. Hanc autem sedem assignat ad mu-
 nera Pontificalia exercenda. Pontifex enim in suo sanctuario & tabernacu-
 lo, cuius factus est Minister, ministrare debet, & Pontificalia sua munera
 exercere: ad hoc enim sanctuarium habet, vt in eo munera sua exerceat.
 Sicut & legalis Pontifex in secundo tabernaculo, in quo erant sancta san-
 ctorum, suas oblationes faciebat semel in anno eò ingressus: alij vero Sacer-
 dotes legales in priori tabernaculo sua sacrificia offerebant. vti Paulus *cap:*
sequenti exponit. Cum igitur Christus Pontifex factus sit cœlestis sanctua-
 rij & tabernaculi Minister, necesse est, vt in cælis munus suum Sacerdotale
 & Pontificale exerceat, quale est oblatio hostiarum: ad eas enim offerendas
 omnis Pontifex constituitur. Non potest igitur mens Pauli trahi ad oblationem
 præteritam, quam in terris fecit: sed de præfenti omnino intelligenda
 est, quam in cælis modo constitutus, & tanquam cœlestis sanctuarij Mini-
 ster *ἀδούργως* facit.

(cui Sancto-
 rum Minister
 idem quod
 sanctuarij)

Male verò habet Zaborouium, quòd illa verba *Sanctorum Minister*,
 conuerterim *Sanctuarij Minister*. Oprimo sanè iure id feci ad ambiguitatem
 vitandam, quam vox *Sanctorum* secum fert: potest enim & ad homines
 sanctos, & ad res sanctas, & ad sancta Sanctorum hoc est locum sanctif-
 simum seu sanctuarium referri. Paulus enim in tota hac epistola, cum Sancta
 tribuit Christo, Sancta Sanctorum seu sanctuarium cœleste in quod in-
 gressus est Christus intelligit, vt patet *cap. 9. 12, per proprium sanguinem in-*
travit semel in Sancta. & v. 24. *Non in manufacta Sancta IESVS introiit*
exemplaria verorum, sed in ipsum cælum. Alludit enim ad Pontificem lega-
 lem, qui semel in anno intrabat in sancta Sanctorum figuram gerens Chri-
 sti, qui intraturus erat tanquam Pontifex in sancta Sanctorum cœlestia, seu
 in sanctuarium cœleste. Merito igitur ex mente Pauli vsus sum voce sanctu-
 arij, vt

arij, vt vox Sanctorum in proprio suo sensu acciperetur: cum de ijs Sanctis intelligenda sit in qua ingressus est Christus: ingressus est autem cœlum: de sanctuario igitur cœlesti intelligenda est. quod etiā ex adiunctis verbis colligitur. Dicitur enim *Minister Sanctorum & tabernaculi veri quod fixit Deus & non homo*: vt per sancta tabernaculum ipsum cœleste sanctissimum intelligatur.

Idem indicat ratio Pauli adiuncta; nempe Christum in cœlis debere habere quod offerat. *Si enim*, inquit, *esset super terram, nec esset Sacerdos; cum essent qui offerrent secundum legem munera*. hoc est. Si esset Sacerdos super terram & terreni tabernaculi Minister, non esset necesse vt esset Sacerdos: nam Sacerdotes super terram terrena tantum munera offerunt, quæ sunt figuræ & exemplaria cœlestium: ad talia autem munera sufficiebāt Sacerdotes legales, qui secundum legem offerebant munera: Neque propterea opus erat exurgere nouum alium Sacerdotem secundum alium ordinem nempe Melchisedechi non Aaronis offerentem. Necesse igitur est Christum in cœlis tanquam in proprio sui Pontificatus loco & tabernaculo offerre. Sicut enim terrena munera requirunt Sacerdotem super terram & in tabernaculo terreno offerentem: ita cœlestia & diuina munera, qualia Christus offert ad sanctificandas & mundādas animas à peccatis, cœlestem locum & tabernaculū per se requirūt. Nā licet sacrificium inuentū in terris instituerit, vt illius ministerium hominibus traderet; tamen in cœlis, tanquam in proprio sui Pontificatus & Sacerdotij loco, illud offerre in perpetuum debuit. Non tamen idcirco cœlum cum terra miscet, vt nugatur Zaborouius. Nam sicut, cum dicimus Christum in cœlo & cœlo gubernare Ecclesiam suam in terris, ita vt & is qui gubernat & gubernatio sit in cœlo, Ecclesia verò quæ gubernatur sit in terra; non miscemus cœlum & terram: ita neque miscemus, cum dicimus Christum in cœlis constitutum è cœlo offerre seipsum sub speciebus panis & vini in terris existentem. Similiter quamuis in cruce seipsum obtulerit semel: tamen quia debebat esse Sacerdos in æternum in cœlis, debuit quoque in cœlis illud idem sacrificium semper offerre sub specie panis & vini ritu Melchisedechiano.

Quocirca ex ratione Pauli omnino consequitur Christum ex eo quod est Sacerdos in cœlis, & cœlestis sanctuarij Minister, debere habere omnino victimam, quam in cœlis & cœlis offerat. Nam si tantum offerret super terram, tanquam in proprio ad offerendum loco, & tanquam terreni tabernaculi Minister, nulla esset ipsius Sacerdotij & sacrificij necessitas. Neque enim negat Paulus Christum super terram obtulisse, tam in cruce quam in cœna: sed loquitur de proprio Sacerdotij loco & proprio sanctuario, quod vult,

2.
alioqui non
esset Sacerdos.

quia nulla sacrificij eius
esset necessitas.

3.
*typus veteris
 legis id Pau-
 lo confirmat.*

vult respectu Sacerdotij Christi, quod Melchisedechianum est, esse cœlum. Denique idem indicat figura Pontificis legalis, quam toto *cap. 9.* vrget D. Paulus, & applicat Christo. Sicut igitur solus Pontifex semel in anno intrabat in sancta Sanctorum, seu in secundum tabernaculum, non sine sanguine, quem offerret pro sua & populi ignorantia: ita Christus Pontifex futurorum & cœlestium bonorum, semel intrauit in sancta Sanctorum in cœlum, vt ibi offerret suum sacrificium. Quemadmodum autem Pontifex legalis, prius quàm intraret sancta Sanctorum, mactabat hostiam in ara holocaustorum, dein mactatam victimam secum in sanctuarium inferebat, illatamque offerebat: ita Christus ingressus cœleste sanctuarium, non aliam victimam offert, præter illam, quam per mactationem obtulit in cruce, absque noua mactatione, & incruentè.

*Hallucina-
 tur Zaboro-
 nius.*

1.

2.

Iam quid Zaborouius ad hoc respondeat, audiamus. Christum, inquit, in cœlo non defunctum esse officio Sacerdotali. Nam licet prima officij sui parte, quæ est suiipsius oblatio, defunctus sit semel in cruce se offerendo: tamen alterâ nunc fungitur, deprecando pro nobis & apparendo vultui Dei pro nobis. Sed duplex hic lapsus est Zaborouij. Alter, quod Paulus non quamcunque officij Sacerdotalis partem vrget, sed oblationem. Quia enim omnis Pontifex ad offerendas hostias constituitur; ideo & Christum Pontificem cœlestem vult in cœlo habere quod offerat. Nisi igitur oblatio propriè dicta, propter quam omnis Pontifex constituitur, Christo concedatur, non erit Christus secundum argumentationem Pauli Pontifex cœlestis. Alter lapsus Zaborouij est, quod deprecationem pro nobis partem officij Sacerdotalis constituit: cum tamen ex se sit communis etiam ijs qui Sacerdotes non sunt. Nam deprecari offerendo sacrificium solis Sacerdotibus conuenit: at extra sacrificium est quid Sacerdotibus cum ijs qui Sacerdotes non sunt commune. Vnde si Christus in cœlo non in sacrificio sed extra sacrificium deprecatur pro nobis: sequitur eum in cœlo nullam propriam Sacerdotij partem implere, contra expressam Pauli mentem.

*Paulus non
 loquitur de
 representatio-
 ne cruenti sa-
 crificij à Chri-
 sto in cœlo.*

Respondere alij solent: Christum offerre in cœlis suum sacrificium cruentum repræsentando, & vim ac efficaciam ipsius nobis applicando: eo què modo adstare vultui Dei, & interpellare pro nobis. At hi non vident Paulum vrgeri oblationem propriè dictam, propter quam omnis Pontifex constituitur. Si igitur hæc Christo denegetur, denegabitur ea oblatio quam Paulus vrget, & tribuit Christo. Repræsentatio verò oblationis cruentæ non est oblatio propriè dicta: sicut nec repræsentatio veri hominis est verus homo, sed imago duntaxat ipsius: & commemoratio solumque repræsentatio dici potest metaphorice oblatio ad eum modum, quo preces nostræ dicun-

stræ dicuntur oblationes quædam spirituales. Similiter & interpellatio, cum sit oblatio quædam precum, non potest dici oblatio, nisi improprie. Quæ-
tus autem nuda representatio oblationis non fit vera oblatio: tamen ea repre-
sentatio quæ fit in oblatione incruenta, quia continet eandem realem victi-
mam, quam etiam sacrificium crucis continebat, nihil obstat, quominus
sit & representatiua oblationis cruentæ, & simul vera oblatio. Represen-
tat enim oblationem cruentam, quatenus sub speciebus diuersis panis & vi-
ni diuisionem illam Corporis ac Sanguinis Domini, quæ fuit in cruce facta,
designat. propter quam causam præcepit Christus hoc sacrificium fieri in sua
commemorationem, & mortis suæ annuntiationem. Quia vero represen-
tat, non imaginariè tantum, sed re ipsa, eandem victimam quæ fuit in cru-
ce exhibendo, ideo simul est oblatio victimæ sub specie panis & vini exi-
stentis, & representatio victimæ oblata in cruce.

Nec est quod quis opponat Paulum docere Christum in cælo consedis-
se, *ut appareat vultui Dei, & interpellet pro nobis*. Nam inter ceteros inter-
pellandi modos est etiam vnus hic, vt interpellat in sacrificio seu sacrificiū
offerendo. Neque pertimescendum est, vt hoc sacrificio sacrificium crucis
eueratur: cum potius ad hoc institutum sit, vt illud representet, & perpet-
tuam eius memoriam fidelibus renouet: & præterea vt omnem virtutem ip-
sius ac fructum nobis applicet. vnde illud maximè amplificat & extollit. Ne-
que Scripturæ, cum affirmant nos vna oblatione esse sanctificatos, sacrifi-
cium incruentum excludunt. Id enim verum esset, si incruento sacrificio
nouam aliam vim nos sanctificandi tribueremus, præter illam, quæ ex sa-
crificio cruento proficiscitur. At cum id non asseramus, verissimum esse fa-
temur vnā oblationem esse, qua nos sanctificari oporteat. Nam & in sa-
crificio incruento virtute illius vnus sacrificij sanctificamur: cum incruen-
tum nihil aliud sit, quam cruenti applicatio.

*Interpellat
Christus pro
nobis in sacrifi-
cio nostro*

*quod cruenti
renouatio est
neq; excludi-
tur oraculis*

C A P V T XVI.

Sacrificium secundum ordinem Melchisedech à Christo institutū & oblatum esse.

SI Christus est Sacerdos secundum ordinem Melchisedech, consequens
esse docuimus, vt ritu Melchisedechi sacrificauerit, in pane scilicet &
vino. Negat id sequi Zaboronius immeritò. Quid enim absurdius, quam
Sacerdotem secundum ordinem Melchisedech non secundum ordinem Mel-
chisedech

*Non esset se-
cundum ordi-*

nem Melchisedech Sacerdos Christus, nisi ritum eius offerret.

chisedech sacrificare? Etenim Sacerdotij essentia sacrificio continetur, ita ut idem sit Sacerdos, quod sacrificus & offerens. ut & a Paulo in ordine ad sacrificium definitur *Hebr. 5.1. & cap: 8.3. Omnis, inquit, Pontifex ad munera & hostias offerendas constituitur.* Si igitur quis sit Sacerdos secundum ordinem Melchisedech, necesse est secundum ordinem Melchisedech ut sacrificet: sicut & is qui secundum ordinem Aaron dicitur Sacerdos, necesse est ut secundum ordinem Aaron, hoc est Aaronico ritu sacrificet. Alioqui si secundum alium ordinem sacrificet, secundum alium quoque ordinem erit Sacerdos: nec dicitur absolute secundum ordinem Melchisedech Sacerdos. Nam ordo & ritus sacrificij ad ordinem Sacerdotij magis spectat (nempe tanquam actus proprius & essentialis ipsius) quam vlla alia circumstantia & conditio personae Sacerdotis, quocirca magis ab ordine & ritu sacrificij denominabitur huius vel illius ordinis Sacerdos, quam ab alijs accidentarijs Sacerdotis conditionibus. Si igitur Christus non secundum ordinem Melchisedechi sacrificauit, absolute non esset secundum ordinem Melchisedechi, Sacerdos: quia in eo quod est quasi essentialiale Sacerdotio ordinis Melchisedechiani, hoc est in sacrificio, non esset secundum ordinem Melchisedech sed alterius ordinis Sacerdos, nempe cuius ritum & ordinem in sacrificio sequeretur.

Sacrificium Christi crucis secundum nullius Sacerdotij ritum.

At ne quis mihi opponat sacrificium Christi cruentum non fuisse secundum ordinem Melchisedech: cum Melchisedech seipsum cruentem nunquam obtulerit: respondeo sacrificium Christi in cruce non fuisse secundum ullius certi Sacerdotij, quod ante praecesserit, ordinem: sed extra omnem Sacerdotij ordinem a Deo in lege scripta aut naturae institutum. In nulla enim lege quicumque seipsum cruentem sacrificauit Deo: nec ullus talis sacrificij ordo praecessit, ut typus esset quoad hoc sacrificij Christi: sed fuit ille ordo & modus sacrificij omnino singularis, soli Christo proprius. Quocirca ut Christus dici possit secundum ordinem Melchisedech Sacerdos, aliud sacrificium, seu alter ordo & ritus sacrificij assignandus est. Alioqui, si nunquam secundum ordinem Melchisedech sacrificauit, nunquam fuit reipsa Sacerdos secundum ordinem Melchisedech: si verò secundum alium ordinem & ritum sacrificauit, alterius quoque ordinis dicitur Sacerdos, non ordinis Melchisedechiani. Nam quemadmodum nequaquam dicitur secundum ordinem Aaron Sacerdos, qui ritu Aaronico & secundum ordinem Aaron non sacrificat: ita & de Sacerdote Melchisedechiano sentiendum est.

Insulse igitur ait Zaboronius, non esse absurdum, Sacerdotem secundum ordinem Melchisedech ritu Melchisedechiano non sacrificare, quia qui ritus fuerit sacrificandi Melchisedecho ex Scripturis, inquit docere non potes

potes. Nam si hæc ratio quid valeret, concluderet Melchisedech Sacerdotem fuisse sine vlllo sacrificio, vel sine vlllo ritu & ordine sacrificij: quia talis ritus secundum Zaborouium ex Scripturis ostendi non potest. Quid autem absurdius est, quam Sacerdotem sine sacrificio, aut sacrificium sine vlllo ritu dici? cum Paulus Sacerdotem respectu sacrificij definiat: & non minus a sacrificio dicatur Sacerdos, quam homo ab hominis essentia, album ab albedine. Deinde cum Scriptura doceat Christum Sacerdotem secundum ordinem Melchisedech fuisse; eo ipso docet sacrificium Melchisedecianum ritu Melchisedechi obtulisse: cum Sacerdotium sine sacrificio, & sacrificium sine Sacerdotio esse non possit: quicumq; tandem fuerit ille ritus. Estq; hoc potentius argumentum ad sacrificium ex Sacerdotio inferendum, quam illud Zaborouij ad sacrificij ritum negandum, quod in Scriptura secundum ipsum non habeatur expresse, nam nos in Scriptura ritum sacrificij Melchisedeciani expressum esse infra probabimus.

Similiter & illa Zaborouij responsio insulsa est: cum ait Christum dici a Paulo Sacerdotem secundum ordinem Melchisedech: non ob similitudinem & typum sacrificij: sed ob similitudinem & typum personæ in quibusdam conditionibus, quas ad *Hebr: 7.* Paulus persequitur. quod sicut Melchisedech fuit rex & Sacerdos, rex pacis, rex iustus, sine patre, sine matre, neque initium dierum neq; finem vitæ habens, & Abrahamo benedixit tantquam maior. ita & Christus. De genere verò sacrificij Melchisedeciani, negri quidem. Insulsam esse istam responsionem dico, tum quia Paulus non suscepit omnes similitudines inter Melchisedechum & Christum persequendas, uti diserte id ipsum testatur in *capite 5. 11.* sed eas duntaxat persequitur, quæ ad ipsius institutum facere videbantur; quæque dignitatem Sacerdotis Melchisedeciani supra Aaronicum aduersus Iudæos maxime indicarent. tum quia sacrificium Melchisedecianum sufficienter asseruit, cum Christum esse Sacerdotem secundum ordinem Melchisedech docuit. neq; enim Sacerdos est sine sacrificio: & ex sacrificio Sacerdotium necessario concluditur.

Quamquam & in capite 5. 11. cum ait: *De quo nobis grandis sermo, & ininterpretabilis ad dicendum: quoniam imbecilles facti estis ad audiendum.* In his, inquam, verbis quid aliud innuit, quam ipsum sacrificium Melchisedecianum Corporis & Sanguinis Domini sub panis & vini speciebus? quod tanquam altissimum mysterium semper fuit difficile & inexplicabile, non solum illis Capharnaitis, cum *Ioan: 6.* dicerent; *Quomodo hic carnes suas potest nobis dare ad manducandum? Durus est hic sermo; & quis potest eum audire?* & propterea abierunt retro, & Christum reliquerunt: sed etiam in Ecclesia illa veteri primæui illi Christiani mysterium Eucharistiae ma-

Nisi sacrificii carni rui Melchisedechiano, sacerdos ritus eius non erit. Lira Jius

Melchisedech similis Christus ratione sacrificij a Paulo dicitur

1.

2.

Paulus non præterijt sacrificium Corporis Christi sub specie panis,

ſtitiæ maximè occultabant; ita vt nec ad illud celebrandum Cathecumenos propter ipſorum infirmitatem admitterent, ſed vbi ad Canonem ventum erat, eos exire iuberent. Multò minùs infidelibus illud explicabant. à quibus multas propterea calumnias patiebantur, vt de infanticidio, & quòd humanis carnibus veſcerentur ipſius què pro concione obſcurà mentionem faciebant; *Norunt fideles quod manducant.* vti ſæpe loquitur S. Auguſtin. Quod myſterium etiam nunc ſcandalizat Euangelicos, qui vnà cum Capharnaitis & gentilibus illi obloquuntur. Quare non pròſus non meminit huius ſacrificij Paulus, vt tum ex dictis conſtat: tum ex *cap. 8.* vbi assignat Chriſto in cœlis ſacrificium quod perpetuò offerat tanquam Sacerdos in æternum: & in *cap. 13.* de altari Eucharistiæ loquens (vti mox euincemus) *Habemus*, inquit, *altare de quo edere non habent poteſtatem, qui tabernaculo deſeruiunt.*

Et idcirco Sacerdotem illū æternum vocat.

Verùm non ſolùm ex Sacerdotio ſecundùm ordinem Melchisedech inferitur neceſſariò ſacrificium Melchisedecianum: ſed etiam ex ipſa eius æternitate. Dicitur enim ab Apoſtolo Chriſtus *Sacerdos ſecundùm ordinem Melchisedech in æternum.* Si igitur eſt Sacerdos in æternum, in æternum habet quod offerat: cùm Sacerdos ſit propter ſacrificium, vt Paulus argumentatur *cap. 8. 3.* & æternus Sacerdos propter ſacrificium in æternum offerendum. Non igitur ſolùm in cruce obtulit ſeipſum cruentè ſemel, ſed etiam quotidie & in æternum offert ſeipſum incruentè. Alioqui cùm proprium Sacerdotij munus ſit ſacrificium, ſequeretur, eum qui deſunctus eſt ſacrificio, Sacerdotio quoque deſunctum eſſe: quia ceſſat à proprio Sacerdotij munere. Cùm ergo Paulus nolit Chriſtum in cœlis deſunctum eſſe Sacerdotio, ſed in æternum eum eſſe Sacerdotem aſſerat; ſit vt perpetuum illi quoque ſacrificium assignet.

non autem alio nomine.

Neque verò alter modus inueniri poteſt, quo Chriſtus dicatur Sacerdos in æternum, niſi propter perpetuam & in æternum duraturam oblationem. Cur enim dicatur Sacerdos in æternum? an ratione effectus? quia nimirum remiſſio peccatorum, qui eſt effectus cruenti ſacrificij, ſemper & in æternum conſequetur omnibus ſeculis conſequentibus? Verùm id ad mentem Pauli non eſt ſatis, qui non ſolum effectum Sacerdotij Chriſti æternum agnoſcit: ſed etiam Chriſtum ipſum Sacerdotem, quæ Sacerdos eſt, ſeu ratione Sacerdotij viuere in æternum, & habere quod offerat, *cap. 8.* Atqui ſi proprio Sacerdotij munere ſungi in æternum non poſſet: eo ipſo quæ Sacerdos & ratione Sacerdotij non maneret. Quicunque enim munere proprio Sacerdotij ſungi non poteſt, eo ipſo Sacerdotio deſunctus cenſetur: cùm Sacerdos non ſit niſi propter munus Sacerdotale exercendum.

Nam ſi

Nam si dicat Zaborouius præter oblationem esse alia quoque Sacerdotij Christi munera: nempe pro nobis intercedere, deprecari, causam nostram agere, aditare vultui Dei pro nobis. respondeo hæc omnia si in sacrificio fiant, Sacerdotalis esse functionis: si extra sacrificium, communia Sacerdotibus & ijs qui Sacerdotes non sunt. quod vel ex eo patet. quod Sacerdotalis functiones nonnisi Sacerdotibus exequi licet. At intercedere, deprecari, & similia, sunt alijs etiam qui Sacerdotes non sunt licita. Non igitur propriè sunt Sacerdotum functiones. Quocirca si Christus in cœlis non habeat alias functiones, nisi intercedendi & deprecandi, Sacerdos esse inde non probatur. Aduocati enim sunt magis ista quàm Sacerdotis: nisi in sacrificio ad eum finem instituto adhibeantur. Sed esto sint istæ Sacerdotis functiones. tamen si Christus præcipua quasi essentiali sua functione careret; maiori ratione diceretur defunctus Sacerdotio; quàm illud exercere: cum à principali sumi debeat denominatio. Quamquam cum Paulus clarissimè dicat Christum in cœlis ita esse Sacerdotem, vt habeat ibi quod offerat: quis reliquus est dubitandi locus? Accedit, quod nõ est necesse vt effectus maneat manere causam: potest enim effectus permanere etiam non permanente causa. sic doctrina Apostolorum manet manebit que semper in mundo, etiam si Apostoli ipsi non maneant, neque Deus dicitur semper creator etiam si effectus creationis maneat semper. Non igitur ex eo solum, quod effectus sacrificij Christi manet semper, sequitur Christum manere Sacerdotem in æternum, verè & propriè loquendo, nisi etiam maneat Christi oblatio. An verò Christus dicitur Sacerdos in æternum ideo, quia perpetuò suam passionem pro nobis Deo offert? At hæc oblatio, cum fiat per simplicem representationem, non per sacrificium verum & reale: neque actus veri & propriè dicti sacrificij est neque Sacerdotem necessario requirit, cum à non Sacerdotibus fieri possit. Non igitur huius oblationis respectu dici potest Christus Sacerdos in æternum.

Christus Sacerdos Melchisedechianus, nõ quia suos cruciatus semper offert Patri.

An quia perpetuò pro nobis suas preces offert? At oblatio precum non est propriè dictum sacrificium, sed metaphoricum & spirituale. neque ad eas offerendas Sacerdos constituitur, sed propter externas tantum & reales hostias. Ex quibus concludo. nullam posse assignari rationem, propter quam Christus dicatur verè Sacerdos in æternum, nisi verè & realiter quotidie offerat. quod vt de cruento sacrificio. dici nequit, ita de incruento intelligi necesse est.

neque quia pro nobis precatur.

Deniq; ad hoc, vel Christus sit Sacerdos secundum ordinem Melchisedech, non satis est vt sit similis Melchisedech in certis personæ conditionibus: hæc enim Sacerdotis essentiam non constituunt, & extra Sacerdotis essentiam inueniri

neq; propter similitudinē aliam. quam in sacrificio.

inueniri possant: verum necesse est, vt in ipsa Sacerdotij essentia, quæ sacrificium respicit, sit illi similis. Verus enim pronuntiatum est; Accidentia non constituere rei essentiam. Neque si quis in accidentibus quàm plurimis sit homini similis, non autem in essentia, dicetur verè & essentialiter homo. Quare cum conditiones illæ personæ Melchisedechi sint accidentariæ Sacerdotio, non potest respectu illarum Christus dici verè Sacerdos secundum ordinem Melchisedech, nisi sacrificium Melchisedechianum accedat, cuius solius respectu Melchisedech erat sacerdos. Nam si Melchisedech ipse ratione illarum solummodo conditionum abstrahendo à sacrificio non erat Sacerdos; quomodo Christus propter earum tantum similitudinem Sacerdos dici potest?

*alioqui similis
Aaroni*

Adhæc Christus similis erat non solum personæ Melchisedechi in certis conditionibus, sed etiam Aaronis & Pontificis legalis: hanc enim similitudinem persequitur ex professo Paulus toto *cap: 9. ad Hebr.* Si igitur similitudo in persona sufficit ad hoc, vt Christus dicatur Sacerdos secundum ordinem Melchisedech: nulla erit ratio quominus etiam dici possit Sacerdos secundum Aaron. quod tamen tota animi contentione negat Paulus. His igitur inuictis sanè ex Scriptura argumentis conuincitur Christum Sacerdotem secundum ordinem Melchisedech dici non posse; nisi sacrificium ritu & ordine Melchisedechi offerat: cum omnes aliæ rationes sint accidentariæ Sacerdotio, hæc autem sola ad essentiam Sacerdotij Melchisedechiani pertineat.

*Melchisedechi
sibi sacrificium
in pane & vi
no.*

Iam hic vrget Zaborouius: ex Scripturis probari non posse, quis ritus sacrificandi Melchisedeco fuerit. Nam ex illis *Genescos 14. 18.* verbis: *Proferens panem & vinum (erat enim Sacerdos Dei altissimi) benedixit ei.* ait solum colligi Melchisedecum Abrahamo protulisse panem & vinum ad refectionem ipsius, non autem Deo obtulisse. At errorem Zaborouij conuincit, non solum Rabbinorum, sed vniuersorum planè Patrum, & totius Ecclesiæ primitiua ab Apostolis eruditæ auctoritas; ita vt nullum reperiatur, qui ex hoc loco non intellexerit Melchisedecum, tanquam Sacerdotem Dei altissimi, panem prius oblatum Deo, & oblatione sanctificatum protulisse, & sic Abrahamo benedixisse: vt quemadmodum participando panem esset participes sacrificij, ita & benedictionis: qui enim edunt de sacrificio sacrificij sunt participes. Colligunt autem id & ex particula *Enim*, qua redditur ratio eius quod antecessit, non eius quod sequitur. vnde etiam in Hebræo post illa verba. *Erat enim Sacerdos Dei altissimi*, est punctum finem periodi significans. Colligunt & ex re ipsa: neque enim panibus profanis eguit Abrahamus vt reficeretur: siquidem prædis abundè onustus redibat: vnde etiam præda sua

Melchi-

Melchisedecum locupletauit, & decimas ei obtulit. Sed cum Melchisedech Sacerdos esset; quemadmodum benedictionem illi spiritualement impertijt, ita & panes prius sanctificatos & Deo oblatos, ad maiorem a Deo benedictionem obtinendam, protulit Abrahamo manducandos.

Accedit, quod benedicere non sit proprium Sacerdotis: cum & Reges & alij qui Sacerdotes non fuerunt benedixisse legantur populo: dummodo maiores & superiores essent. unde & Paulus *ad Hebr. 7.* dicit Minorem a maiore benedici, siue sit Sacerdos siue non. Non igitur recte coniungitur illud: *Erat enim Sacerdos cum benedixit*: cum illud non sit ratio istius. Cum igitur ea sit tam veterum Rabbiorum traditio, quam omnium Sanctorum Patrum ab Apostolis accepta, & semper in Ecclesia credita: quae tanta temeritas est Euangelicorum, ut venerandae antiquitati in re tam euidenti se opponant? cum ipsi nullum pro se ex tota antiquitate Patrem adducere possint. Nam quos adduxit Zaborouius ut probaret legendum esse hoc loco de Melchisedech: *Proferens*, non offerens: frustra laborem suscipit. Quia neque vulgata nostra legit offerens, sed *Proferens*: neque nos aliter legendum dicimus: neque verbum Offerens vrgemus: sed panem antequam Deo oblatum, priusquam proferretur Abrahamo, probamus.

Longissimum Catalogum SS. Patrum texit Bellarmi, *lib. 1. de Missa cap. 6.* qui Melchisedecum non solum panem & vinum obtulisse affirmant, sed etiam in hac oblationis Eucharistiae typum fuisse: & Christum ideo dictum Sacerdotem secundum ordinem Melchisedech, quod secundum ordinem & ritum sacrificij Melchisedeciani panem & vinum in Eucharistia obtulerit offerendo Corpus & Sanguinem suum. quin etiam propter idem Eucharistiae sacrificium, dictum esse Sacerdotem in aeternum. Id quod etiam Hieronymus ex multis antiquissimis Patribus probat *in epistola ad Euagrium*, de Melchisedech; nempe ex Irenaeo, Hippolyto, Eusebio tam Caesariensi quam Emiseno, Apollinario, & Eustathio.

Et sane, quamuis expositio Euangelicorum verbis Geneseos aptari posset (quod non concedimus) quia tamen nullum talis expositionis habet auctorem, sed temere contra omnem veterum sensum & traditionem illam affingunt: nulla ratione a temeritatis nota immunes esse debent; quod sua phantasmata nullis nixa fundamentis contra omnium sententiam sequantur. Veteres autem illos in prima Ecclesia non nisi ab Apostolis eam sententiam accepisse, certum & indubitatum est illis ipsis testibus: ut ex *13. & 14. capite*, satis patet.

Iam quod dixeramus sacrificium cruentum non esse nouae legis proprium, sed commune omnium temporum & hominum: tum quia non tantum no-

auctores gra-
uissimi pro
nostra exposi-
tione.

pro Zaboro-
uiana nulli.

*Frustra nouo
Testamento
crucentum sa-
crificium
Christi vendi-
cit Zaboro-
uius.*

1.

tum nouæ legis hominibus seruiuit, sed omnibus prorsus cuiusuis legis hominibus. nam & pro omnibus à Christo oblatum est: & omnes per fidem in Christum ipsius fiebant participes: tum quia non ab hominibus nouæ legis oblatum est, sed à solo Christo, qui nulli legi erat obnoxius, sed supra omnem legem erat, & omnium cuiusuis legis hominum Dominus; necesse verò est cuiusuis legis sacrificium ab hominibus illius legis offerri, cum propter illius legis homines sit institutum: id, inquam, refellit Zaborouius dicens ratione temporis & effectus dici posse noui Testamenti proprium: quia & tempore noui Testamenti oblatum est, & Sanguine huius sacrificij nouum Testamentum obsignatū est. Verū id supra iam refutatū est. Nō enim, quicquid noui Testamenti tempore fit, illico propriū dici debet noui Testamenti. Si enim fiat id, quod est nouæ & veteri legi commune, aut non ex præscriptio legis, sed ex alijs liberis causis; aut ab eo qui nulli legi est subiectus; non potest dici id nouæ legis proprium. Tale vero est sacrificium crucis: quod pro hominibus tam noui quam veteris Testamenti oblatum est; id quē non ex præscripto legis, sed extra legem, ex libera Christi voluntate & Patris mandato; est quē oblatum à Christo, qui nulli legi erat subiectus, sed omnis legis Dominus.

2.

*commune e-
nim est nouo
& veteri.*

Et quamuis Sanguine Christi nouum Testamentum obsignatum sit, qui est quidam huius sacrificij effectus. non tamen ideo hoc sacrificium, noui Testamenti proprium dici debet: cum etiam ad vetus Testamentum effectus & fructus ipsius pertineat. Imò si de effectu loquamur: potius dici debet commune vtrique Testamento quam proprium vnius. quia in vtrūque Testamentum fructus huius sacrificij dimanat. Verum enim est, quod ait Petrus *Act: 15. 11. Credimus per gratiam Domini nostre IESV Christi nos saluari, quemadmodum & illi.*

3.

*ritus illius
nouo non est
proprius.*

1.

2.

3.

Si verò de ritu & essentia sacrificij agamus, vti in hac questione agendum est: sic nullo modo dici potest noui Testamenti proprium. tum quia ipsorum quidem sententia prius oblatum est in cruce, quam nouum Testamentum conditum & obsignatū esset: post fufum enim in cruce Sanguinem obsignatum volunt: tum quia non ritu in lege noua præscripto, nec ab eo qui legi alicui subiectus esset, oblatum est: quod requiritur vt legis alicuius proprium sacrificium dicatur: sic enim & veteris legis sacrificia dicebantur illius legis propria. Deniq; potius dicendum esset nouum Testamentum ex hoc sacrificio processisse, quam ex Testamento sacrificium.

Cum vero opponit Zaborouius pari ratione consēqui sacrificium quoque Melchisedecianum non esse nouæ legis proprium: quia cum sit oblatum à Christo tam pro viuis Apostolis, quam pro mortuis Patriarchis, eius fructus ad

Etus ad homines vtriusq; Testamenti pertinebat : fallitur omnino. Sacrificium enim in vltima cœna, ritu & ordine legis nouæ proprio in typo Melchisedech præsignificato oblatum est: & Apostolis traditum, vt illud in lege noua tãquam proprium offerrent, quod de sacrificio crucis dici non potest. Quod verò ad fructum & effectum eius spectat : is non nisi ad fideles Christianos, qui sunt sub nouo Testamento, pertinet. pro quibus solis institutum est : sicut & alia legis nouæ Sacramenta nihil prodesse possunt, nisi solis Christianis. idquæ disertè docet Paulus *ad Hebr. 13. 10.* cum ait : *Habemus altare, de quo edere non habent potestatem, qui tabernaculo deseruiunt.* & in Canone Missæ dicitur : *Offerimus hoc sacrificium pro omnibus fidelibus Christianis vivis atq; defunctis.* Nihil igitur concludit Zaboronij argumentum.

Similiter cum ostendit hoc nostrum sacrificium sub specie panis & vini non magis dici posse Melchisedechianum quàm Aaronicum. quia non solum Melchisedech, sed etiam Aaronici Sacerdotes obtulerunt panem & vinum. *Numer. 23. 5. Exod. 29 3.* respondeo ; Sacerdotes Aaronicos nec puros panes obtulisse, sed oleo conspersos : nec principaliter & per se, sed in ordine ad alia sacrificia, veluti condimenta quædam. vt ex locis citatis patet. Nam in oblatione Agni adijcebatur similia conspersa oleo, & vinum, quo victimæ perfundebantur. Melchisedech verò principaliter & per se panem & vinum obtulit. Deinde Aaronici Sacerdotes non erant adstricti ad oblationem panis & vini, sed alia quoque sacrificia indifferenter offerebant tam cruenta quàm incruenta. Melchisedech verò solum hoc tanquam proprium habuit sacrificium : nullum enim aliud ipsius sacrificium Scriptura commemorat. Quo genere argumenti Paulus ad æternitatem Christi probandam usus est : quod Scriptura Melchisedeci nec initium dierum, nec finem commemorat, quasi homo quidam æternus esset, ad typum Christi, qui verè æternus est, exprimendum. Merito igitur & Christus Sacerdos solum Melchisedecianus dici debet, & ipsius sacrificium Eucharisticum Melchisedecianum.

Illud verò nugatorium prorsus est, quod adijcit ; Si mors Christi pro omnibus omnium ætatum hominibus sacrificium fuit, erroneè igitur, inquit, asseritis Patres in limbo ad Resurrectionem Christi detentos fuisse : saluati enim erant vi mortis Christi credentes futuram, quam nos credimus factã. quid enim ? an non detineri illos aliquo loco oportuit, cum ante Christum in cœlis esse non possent ? Vt enim rectè Paulus ait *ad Hebr. 9.* *Nondum fuit propalata via Sanctorum, priore tabernaculo habente statum : hoc est, quamdiu Testamentum vetus significatum per tabernaculum prius habebat statum, non patebat via in Sancta sanctorum, hoc est, in cœlum. at post-*

Melchisedechiani ritus sacrificium Christi non potest esse commune vtrique Testamēto.

Aaronici Sacerdotes alia ratione panem obtulerunt.

1.

2.

3.

Nemo ante Christum in cœlos adijt.

quam Christus aduentu suo perripuit velum tabernaculi, propalata est via Sanctorum ad sanctuarium cœleste. Vnde & *Numer. 35.* Deus mandat post mortem Sacerdotis Magni omnes exules redire in patriam. scilicet, non nisi post mortem Pontificis Magni Christi nos, qui exules sumus, ad patriam nostram, quæ est Paradisus, reuerti debuiamus. Ac proinde mors Christi erat Patribus veteris Testamenti expectanda certo ad id à Deo destinato loco, cum cœlum intrare ante Christum non possent.

*Sancti porrò
erant in limbo,
cuius nomina varia.*

Hic porrò locus & in Euangelio dicitur sinus Abrahæ, in quem Lazarus ab Angelis deportatus fuit: & à D. Petro *in epist. 1. cap. 3. 19.* carcer, in quo spiritibus ibi detentis Christus veniens prædicauit: & à Luca infernus *Act. 2. 31.* necnon à Dauide *Psal. 15.* *Non derelinques animam meam in inferno: nec sanctum tuum dabis videre corruptionem.* A Patribus communiter dicitur limbus. Non dicitur autem carcer aut infernus propter aliquantam pœnam & cruciatum, quem detentis inferret: sed propter detentionem vsque ad definitum à Deo tempus. Huc facit locus *ad Hebræos 11.* ubi de veteribus illis Patribus dicitur: *Hi omnes testimonio Fidei probati non acceperunt repromissionem, Deo pro nobis aliquid melius providente, ut non sine nobis consummareretur.* Non igitur perfectam gloriam & beatitudinem sine nobis, qui sub Testamento nouo sumus, consecuti sunt: verum expectare in aliquo loco ad id à Deo constituto suam beatitudinem ad Christi aduentum debuerunt: qui *ascendens in altum duxit secum captiuam captiuitatem* in cœlum. *Ephesi 4. 8.* Atque ita veteres illi Patres non sic salui facti sunt per Fidem in Christum venturum, & futuram eius mortem, ut statim in cœlos ascenderent, & gloriam ac beatitudinem illico consequerentur: siquidem Scripturæ contrarium prorsus docent: sed quòd salutem illam æternam suo tempore per Christum, in quem venturum crediderunt, essent consecuturi.

*Luter, Caluinus, eniquè
ore carcere
iustos teneri
volunt.*

Quanquam non est, quod Zaborouius queratur de limbo nostro, in quo dicimus Patres ad aduentum Christi detentos fuisse. maiori enim ratione de suo Caluino & Lutero queri potest, qui longè grauiorem & diuturniorem limbum introduxerunt. in quo, non ad primum Christi aduentum, sed ad diem vsque iudicij spiritus iustorum detineri volunt; ut ante mundi finem cœlestem gloriam consequuturi non sint. Ita Caluin: *3. Instit. cap. 25. §.*

*26. Luterus in prælectione in
Genesim*

CAPVT XVII.

Christum in vltima cœna verum sacrificium
obtuliſſe, & Apoſtoliſ offerendum tra-
didiffe.

Alunt Euangelici in Scripturis non haberi Chriſtum in vltima cœna ſa-
crificium aliquod obtuliſſe. Nos contra docemus: illud quod in vlti-
ma cœna Chriſtus fecit, cùm verbo ſuo & benedictione panem fecit eſſe
Corpus ſuum, & vinum Sanguinem, veriſſimum ſacrificium fuiſſe. Quid
enim huic Chriſti actioni deest, quominuſ vera oblatio & ſacrificium dici
poſſit ac debeat? Nam & Corpus Chriſti ex ſe eſt vera viſtima, & Deo lon- *Actio Chriſti*
gè gratiſſima, non minùs in cruce quàm in Sacramento: & ſicut in cruce in *in cœna ex-*
forma rei viuentis per actionem mactatiuam Deo eſt oblata: ita in vltima *rema erat*
cœna in forma panis per eam actionem, qua panes offerri & ſacrificari Deo *sacrificantis,*
ſolent, eſt oblata. Etenim non vnus & idem modus eſt offerendi & ſacrifi-
candi, ſed pro rerum diuerſitate diuerſuſ. Nam cùm in ſacrificio res offe-
ratur Deo in honorem ipſiuſ conſumenda, ea conſumptio alia eſt in rebus
viuentibus, alia in rebus inanimatis: ſiquidem viuentia conſumuntur per
mactationem, qua vitam amittunt, & eſſe viuentia deſinunt: res verò ina-
nimæ, vt panes, non mactari in ſacrificio debent, ſed ad conſumptionem
ſibi conuenientem offerri: panis verò conſumptio eſt, vel manducatio, vel
alia ſimilis eiſ conſectio. Cùm igitur Chriſtus in vltima cœna Corpus ſuū
in forma panis ad honorem & cultum Dei obtulerit ea actione qua panes
Deo offeruntur in honorem ipſiuſ conſumendi; ſequitur, verè & realiter
Corpus ſuum in forma & ſpecie panis obtuliſſe.

Cur enim Corpus Chriſti in cruce potuit eſſe viſtima, & non in Sacra- *ut & in cruce.*
mento? cùm idem vtrobiq; ſit Corpus, & Deo vtrobiq; gratiſſimuſ, &
vtrubiq; modo ſibi cōuenienti offeratur? in cruce quidem per modum rei vi-
uentis mactatione: in Sacramento per modum panis oblatione ad conſum-
ptionem pani conuenientem. Sicut enim panes in veteri Teſtamento tunc
ſacrificabantur, cùm donabantur Deo ad hoc, vt in ipſiuſ honorem conſu-
merentur: ita & Chriſtus in vltima cœna Corpus ſuum in forma & ſpecie
panis veriſſimè ſacrificauit; quia ita illud in Dei honorem impendit, vt ab
omnibus in honorem ipſiuſ manducaretur.

Neque verò necelle eſt, vt Corpus Chriſti manducando conſumatur
ſecundum

Corpus Christi in se non debet consumi in nostro sacrificio.

secundum seipsum & suam substantiam, ut blasphemè cogitant cum Catharnaitis Euangelici: sed sicut in forma & specie panis offertur, ita in forma & specie panis consumitur, ipsum in substantia immortale & incorruptibile manens. Si enim nihil aliud esset nisi panis, consumeretur ad consumptionem panis. ut in panibus communibus & ad corpus nutriendum ordinatis accidit. At cum sub forma & specie panis sit alia quædam substantia, nempe diuinum & immortale Christi Corpus: non est necesse quo ad substantiam suam consumi & interire, sed sub ratione panis duntaxat, quæ est consumptio Sacramentalis.

Eucharistie diuine sacrificium in honorem Dei institutum.

1.
2.
3.

Porro negare aduersarij non possunt Christum in cœna, cum Corpus sub forma & specie panis constituit ad manducandum, in honorem & cultum Dei illud impendisse. Hoc enim indicant illæ gratiarum actiones & preces, quas in constituendo hoc diuinissimo mysterio legitur præmississe. Indicat & ratio. neque enim summum illum honorem & cultum, qui ex Corpore ipsius sub specie & forma panis oblato deriuari in Deum potest (sacrificium enim, summus Dei honor est) aut inuidere aut impedire uoluit. Si enim panibus communibus in lege veteri oblatis honorabatur Deus: quanto magis pane hoc diuinissimo ad consumptionem & manducationem in Dei honorem & cultum Dei oblato honorari Deum existimare debemus? Quocirca non est dubium, quin Christus & ad Dei honorem Corpus suum sub specie panis constituerit; & ad consumptionem Sacramentalem, hoc est, ut sacramentaliter à manducantibus consumeretur in eiusdem Dei honorem ordinauerit; ita ut nihil ad sacrificandum requisitum ullo modo huic sacrificio defuisse censendum sit.

id res ipsa loquitur de scripta.

Cum igitur Christus in vltima cœna eam rem fecerit, quæ sacrificium omni iure dici potest & debet, cum ei ad rationem sacrificij nihil desit: consequens est Christum in cœna verum sacrificium obtulisse, & Apostolis deinceps offerendum tradidisse. Nam quamuis vox oblationis & sacrificij non legatur hic expressa: legitur tamen res ipsa, quæ verissimum est sacrificium. Qui enim rem suam in honorem Dei ita impendit, ut ad Dei honorem consumatur, is verissimum illius rei sacrificium Deo offert; etiamsi voce oblationis & sacrificij non utatur: non enim voces sacrificium faciunt, sed res. Hoc autem fecit Christus, cum Corpus suum & Sanguinem eo fine sub specie panis & vini verbo suo consecrauit, ut ad Dei honorem à fidelibus manducaretur, & sacramentaliter consumeretur. Verissimum igitur Corporis & Sanguinis sui sacrificium fecit.

Porro quia dicere aduersarij solent, Christum non sacrificium sed Sacramentum instituisse: respondendum est utrumque simul instituisse, cum nihil de-

hil defuerit, quod ad vtriusq; propriam rationem pertineret. Nam quatenus signa constituit continentia & indicantia Corpus suum & sanguinem per modum cibi & potus Sacramentum instituit: quatenus verò Corpus suum & Sanguinem in forma panis ad Dei honorem impendit, ut à fidelibus manducaretur, & sacramentaliter consumeretur, ea ratione in sacrificium Corpus suum obtulit Deo. ita ut & Deo sit sacrificium, & hominibus Sacramentum.

Ad manducandum, inquit, non ad offerendum reliquit nobis Corpus suum. Imò quia ad manducandum, etiam ad offerendum reliquit. Non potest enim à nobis manducari Corpus Christi, nisi prius sacramentaliter conficiatur, & consecratur Christi ipsius verbis & potestate. quæ consecratio cum in Dei honorem fiat, & ordinetur ad consumptionem, in quo ratio propria sacrificij posita est, eo ipso Deo in sacrificium offertur. Quod enim in honorem Dei fit, Deo fit & offertur: quod autem ita Deo offertur, ut ad consumptionem offeratur, verè in sacrificium offertur. Ita igitur Christus reliquit nobis Corpus suum manducandum, tanquam rem prius Deo oblatam. Nam & in lege veteri solenne erat ex rebus Deo in sacrificium oblati edere. id quæ tanquam Paulus ad Hebr: 13. cum ait; *Habemus altare, de quo edere non habent potestatem, qui tabernaculo deseruiunt.*

In memoriam annuntiationis mortis Domini (inquit) hoc Sacramentum institutum esse. Recte quidem. Nam & hoc sacrificium, cum sit ad viuum representationem mortis Christi, in memoriam, annuntiationem, commemorationem mortis Christi fieri verissime dicitur. Quid enim mortem Domini ita representat, quam cum ex vi consecrationis constituitur hinc Corpus, inde Sanguis Domini? quæ est ipsissima mortis Christi imago, diuisionem Corporis & Sanguinis, in qua mors eius consistit, representans. In qua etiam incruenta & mystica separatione Corporis & Sanguinis, qualis fit ex vi verborum, multi graues Theologi constituunt essentiam huius sacrificij: sed de hoc alibi.

Vnum non omitam; Zaborouium more suo hoc quoque loco falso & fraudulentè citasse & variasse verba Eusebij. *Demonstr. Euangel. cap. 10.* Nam quod Eusebius ait: *Christum sacrificij sui in cruce peracti memoriam, ut nos ipsi Deo pro sacrificio offerremus, instituisse:* id Zaborouius ita inuertit: *Christus, inquit, nobis pro sacrificio memoriam reliquit, quam perpetuo Deo offerremus.* mutans & torquens Eusebij verba ad suum sensum: quasi non sacrificium aliquod verum, sed solam memoriam offerendam Christus reliquerit. Cuius tamen contrarium ibidem Eusebius clarissime docet, & ex Scripturis demonstrat: nempe Christum nobis sacrificium verum in altari offerendum reliquisse, quo passionis ipsius memoria continetur. ita ut illa

Esse Sacramentum potest idem & sacrificium.

Nisi sacrificetur Christi corpore, manducari illud nequit.

nec representare mortem Christi.

F. Eusebius à Zaborouio male citatus contra ipsum est.

verba *pro sacrificio*, non habeant sensum exclusiuium, sed assertiuium, sacrificij nobis à Christo relictū.

Verba Christi si sacrificij rationem adstruunt.

Verum sacrificium Christi in cœna vrgemus etiam ipsius Christi verbis. qui non solum dabat Corpus suum Apostolis ad manducandum, sed etiam pro illis: *Hoc est (inquit) Corpus meum, quod pro vobis datur. Luc. 22. 19. quod pro vobis frangitur. 1. Corinth. 11. 24.* Cui enim dabat pro illis, nisi Deo? Dicit autem in præsenti *Datur*: vt intelligeremus tunc oblatum fuisse Deo Corpus Christi pro nobis. Et ne dubitaremus in specie panis pro nobis datum, vsus est Paulus verbo *Frangitur*: quod cum panem respiciat, qui rum dicitur frangi quum datur, manifeste indicat in specie panis Corpus Christi datum & oblatum esse.

propi nulla hic necessitas

Respondet Zaboruius, esse Enallagen temporum, præsens sumi pro futuro: quia de re iam iam futura Christus loquebatur. sicut *Ioan. 10. 15. Ego pono animam meam pro ouibus meis.* At licet præsens accipiatur aliquando pro futuro, non tamen temere & sine necessitate à propria ad figuratam acceptionem recurri debet: hoc autem loco nulla talis acceptionis assignatur necessitas. Nam etsi futurum erat breui, vt Christi Corpus in cruce pro nobis daretur: tamen etiam de præsenti datione Christi verba accipi non repugnat. ita vt vtroque modo Corpus suum pro nobis dederit Christus, & sub specie panis in Eucharistia, & sub propria specie in cruce. Cum igitur non repugnet in præsenti accipi Christi verba, non est recurrendum ad figuras. Deinde verbum *Frangitur* omnino vrget, vt sub panis specie intelligamus datum pro nobis Christi Corpus. Cum igitur sub specie panis non fuerit in cruce datum, sequitur non de fractione in cruce, sed de fractione in Eucharistia, intelligenda esse Christi verba. Nam de Christo in cruce nusquam Scriptura vtitur hoc modo loquendi, vt dicat Corpus ipsius fractum in cruce. imò contrario loquendi modo vtitur, quo dicit, Corpus Christi in cruce frangi non debuisse; iuxta Prophetiam; *Os non cōminuetis ex eo. Ioan. 19. 33.* Adhuc cum Corpus absolute dicitur frangi, nulla alia re addita, quæ impropiam & figuratam acceptionem ostendat, non potest intelligi nisi de vera quæ Corpori conuenit fractione: hoc enim omnes per fractionem Corporis & dicentes & audientes intelligunt. Si ergo Paulus absolute diceret Corpus Christi frangi, nullo addito signo improprie locutionis, non posset intelligi, nisi de fractione propria in cruce, non de metaphorica dolorum, aut lacerationis membrorum. Porro si de fractione corporis, non vt corpus est, sed vt sub specie panis continetur, verba Pauli intelligantur, yti reuera debent intelligi (loquitur enim de corpore prout est panis nobis ad manducandum propositus) eadem erit fractio Corporis quæ panis: cum ob similitudi-

nem p a

nem panis corpori cōueniat. Quemadmodū ergo panis dicitur frangi cūm datur, iuxta illud; *Frangite esurienti panem tuum.* hoc est, da: non enim de diuisione panis est præceptum, sed de largitione: neque peccabit contra præceptum, si absq; diuisione det panem integrum; imò magis præceptum implebit: ita & Corpus Christi, quatenus formam panis gerit, dicitur per modum panis frangi, cūm datur. Quanquam etiam si fractionem pro diuisione accipias: vtroq; modo Corpus Christi dici potest per modum panis frangi, non in seipso, sed sub ratione panis, cūm in specie panis diuiditur & cōsumitur ad Dei honorem: in quo etiam rationem sacrificij nonnulli ponunt. Cūm igitur Corpus Christi non possit in verbis Pauli dici *frangi*, nisi sub ratione panis; siue *frangi* significet dari siue diuidi: hinc fit, vt ea fractio pro nobis necessārio accipi debeat non de traditione pro nobis in cruce (ea enim non fuit in forma panis) sed de traditione in Eucharistia. ex quo consequitur Corpus Christi in Eucharistia pro nobis esse traditum Deo.

Similiter ex verbis Pauli, quibus Christus Sanguinem consecrauit, triplex argumentū duci potest pro Sacrificio. Primum. quia semper in præsentī Dominus locutus est; *Qui pro vobis effunditur.* *Matth. 26. Mar. 14. Luc. 22.* Cūm igitur non repugnet verba Christi intelligi in præsentī, debent accipi in præsentī. Quod si vulgata versio habet in futuro *Effundetur*, Græca tamen exemplaria habent in præsentī. Et vtraq; lectio vera est. Nam ita fundebatur in præsentī, vt & in futuro fundendus esset, tam in calice, quā in cruce. Deinde apud Lucam particula *Qui* refertur in Græco, non ad Sanguinem, sed ad calicem. *τὸ τοῦ ποτηρίου τό ὑπὲρ ὑμῶν ἐκχυνόμενον.* hic calix qui pro vobis effunditur. Sanguis igitur vt in calice erat, effundetur pro nobis sub specie vini. Quia sicut vinum cūm Deo sacrificabatur, effundebatur: ita & Sanguis Christi effundi dicitur: quum sub specie & secundū similitudinem vini offertur. Zaborouius exponit de effusione in cruce, quæ paulo post erat futura. at non rectē. Nam imprimis cūm in præsentī nō repugnet Christi verba accipi, exponi debent in præsentī secundū leges exponendi Scripturas. Deinde absurdum est dicere, calicem illum, quem Christus in cœna tenebat, effusum esse in cruce. qui loquendi modus ex Zaborouij expositione sequitur. Demum licet calix pro vino in calice contento per Metonymiam sumatur modo loquendi vsitatissimo: non tamen vsitatus loquendi modus est dicere calicem vini effundi; nisi cūm ex calice ipso vinum effunditur. Nam si quod continebatur antè in calice, non ex calice effundatur, sed ex alio vase in quod translatum fuit; non potest vllō apud homines recepto loquendi modo dici calicem vini tunc effundi; cūm vinum in calice antè contentum & in aliud vas translatum ex illo alio vase effunditur. Si

*Alia Christi
verba pro sa-
crificio.*

1.

2.

*proprie om-
nino accipi-
enda. 1.*

2.

3.

tur. Similiter ergo calix continens Christi Sanguinem non potest dici effusus tunc, cum Sanguis postea in cruce, non ex calice, sed ex Christi Corpore effusus est. Quocirca non possunt, nisi absurdissime torqueri Christi verba, si de calicis effusione in cruce cum Zaborouio exponantur.

quia Sanguis ille sacrificari prius debet quàm Sacramentum fieri.

Alterum argumentum sumitur ex illis verbis; *In remissionem peccatorum*. Etenim Sanguis Christi ut erat in calice, non effundebatur in remissionem peccatorum per modum Sacramenti, sed tantum per modum sacrificij. Nam per modum Sacramenti datur non nisi ijs quibus iam sunt remissa peccata: quia si quis cum peccato ad hoc Sacramentum & indigne accedit, *iudicium sibi manducat & bibit*. Apostolo teste *1. Corinth. 11*. Solum igitur oblatus & effusus Sanguis per modum sacrificij vim habet remittendi peccata. Cum ergo hic de ea effusione Sanguinis agatur, quæ fit in calice & ex calice in remissionem peccatorum: necesse est eam effusionem ad sacrificium, non ad Sacramenti sumptionem pertinere.

aut obsignare Testamentum.

Tertium summitur ex illis verbis; *Hic calix nouum Testamentum est in sanguine meo*. *Luce 22.* & *1. Cor. 11.* & ex illis *Matth 26*. *Hic est sanguis meus noui Testamenti*. Ex quibus sic argumentor; Sanguis Testamenti est sanguis victimæ iam immolatæ: prius enim sanguis ille fit sacratus per sacrificium; tum assumitur ad firmandum & obsignandum Testamentum. Atqui in vltima cœna Christus fecit Testamentum, uti ex locis citatis patet, ergo in vltima cœna fuit sanguis Christi sacrificium. Sanguis enim nondum sacrificatus nunquã adhibebatur ad firmanda fœdera & Testamenta, uti patet *Hebr. 9*. de sanguine Testamenti veteris.

quod in cœna factum, non in cruce.

Porrò non in cruce sed in cœna conditum esse nouum Testamentum, non solum Christi citata verba docent, sed etiam res ipsa loquitur. Nam in cruce Christus nulla verba de Testamento fecit: neque promissiones hereditatis cœlestis publicauit: neque instrumentum Testamenti confecit, quo hereditas legata applicaretur, quæ omnia ad condendum & constituendum Testamentum requiruntur. In cœna autem & de Testamento locutus est, id quæ iisdem planè verbis quibus usus est Moyses in condendo Testamento veteri; *Hic est sanguis Testamenti*: & promisit remissionem peccatorum, ac proinde & hereditatem cœlestem: & instrumentum Testamenti confecit ad applicandas suas promissiones, nempe Sacramentum Corporis & Sanguinis sui. Non igitur dubium esse potest in cœna conditum esse Testamentum nouum & obsignatum, quod & Patres omnes fatentur.

At obijcit Zaborouius: Si Corpus suum Christus in cœna obtulisset, sequeretur eum habuisse tunc duo corpora: alterum visibile ad mensam cum Discipulis sedens, alterum invisibile sub speciebus latens: alterum dans, al-

terum

terum datum. quod est impossibile. Verum futilis est & ab ignorantia petita obiectio. Neque enim Deo repugnat vnum & idem corpus, in vno quidem loco visibile, in alio inuisibile reddere. Esse enim visibile & inuisibile sunt accidentia quadam corporis: non sequitur autem si varientur accidentia, corporis quoque essentiam illico variari: præsertim si de diuina potentia absoluta loquamur. Poterat igitur absque contradictionis implicatione Corpus Christi & in mensa visibile esse in propria forma, & in Sacramento inuisibile. Etsi enim in eodem loco & secundum eandem rationem contradictionem implicet, idem simul esse visibile & inuisibile; non tamen in diuersis locis & secundum diuersas rationes. Corpus enim Christi in Sacramento non extenso & diuisibili modo, sed inextenso & indiuisibili existit totum in toto, totum in singulis partibus panis: ablata autem extensione, res alioqui visibilis redditur inuisibilis. Quod si quis existimet accidentia contraria (qualia sunt de quibus loquimur) diuersa prorsus subiecta requirere: is, si consideret eandem numero animam in diuersis membris existentem, in vno quidem membro moueri, in altero non moueri sed quiescere posse: facile intelliget, vni quoque corpori in diuersis locis diuina virtute posito idem contingere posse. Imo quemadmodum vna eademque anima naturaliter in pluribus simul membris tota simul potest existere: ita & vni eidemque corpori diuina potestate idem posse euenire, nempe vt simul sit in pluribus locis: cum id nullam contradictionem inuoluat. quæ sola regula est cognoscendi a Deo aliquid fieri non posse, si nimirum inuoluat in se aliquam contradictionem.

Corpus idem eodem tempore videri vno loco alio non videri potest.

C A P V T XVIII.

Apostolos externum sacrificium obtulisse probatur.

SI Apostolos diuino Christi mandato paruiffe æquum est existimare: perspicuum erit, illos Christi exemplum & mandatum secutos externum sacrificium Deo offerre consueuisse. Id enim illa Christi verba docent; *Hoc facite in meam commemorationem.* Nam totum illud, quod ipse in mysterij huius celebratione fecit, Apostolis quoque in sui commemorationem faciendum mandauit. Porro Christus primum Deo gratias agens benedixit panem; & fecit Corpus suum impendens illud in Dei honorem; vt ab omnibus ad vitam æternam percipiendam manducaretur: deinde fregit, & dedit discipulis ad manducandum. Idem igitur discipulos facere voluit. vt ipsi

Ritu eodem, quo ipse feceris, Apostolos iussit facere Christus.

similiter & ritu eodem benedicerent, & benedicendo consecrarent Corpus ipsius: idque totum in gratiarum actionem pro omnibus diuinis beneficijs, & in Dei honorem ac laudem offerendo; vt diuina bonitas, quæ nobis tam diuina munera præstat, summis honoribus in hoc mysterio celebretur: tum verò vt idem Corpus in gratiarum actionem & honorem Deo oblatum & ipsi manducarent, & alijs ad manducandum præberent. quam esse ipsissimam sacrificij imaginem in præcedenti capite docuimus. Et quemadmodum Christus ipsis & pro ipsis dabat Corpus suum & Sanguinem: ita & ipsi idem facere debuerunt, vt & alijs Corpus Domini distribuerent, & pro alijs offerrent.

Corpus Christi esse in specie panis crediderunt Apostoli.

At inquit Zaborouius non visum ab Apostolis Christum se sub specie panis & vini Deo offerentem. non igitur id fecerunt. Imò verò viderunt Christum benedictione consecrantem Corpus suum sub specie panis, & illud in honorem Dei impendentem, vt à fidelibus manducaretur. quod ipsissimum est Corporis Domini sacrificium. Viderunt igitur sacrificantem: ac proinde idem exemplo ipsius ac præcepto facere debuerunt. Quamuis verò oculis carnis Christi corpus sub panis specie non cernerent: oculis tamen Fidei Christo dicente; *Hoc est Corpus meum*, non poterant non videre. Neque enim tam increduli erant Christi verbis, vti sunt nostri Euangelici: & quia nouerant beatos esse qui non viderunt & crediderunt: sicut & diuinam in Christo naturam carnis oculis non videntes firmiter crediderunt.

Et se eius dispensatores ac Sacerdotes.

Non, inquit, Sacerdotes sed dispensatores mysteriorum Dei se agnoscebant Apostoli 1. Cor. 4. 1. Quasi verò inter cetera Dei mysteria, non sit summum & præstantissimum Corporis & Sanguinis Domini mysterium; cuius dispensatio non solum vt Sacramentum est; sed etiam vt sacrificium. ex Christi institutione omnibus Sacerdotibus incumbat. Nam si in veteri lege communes panes in honorem Dei offerre & consumere nonnisi Sacerdotum erat: quanto magis hunc diuinissimum panem in Dei honorem verbis Christi conficere & consumere Sacerdotum erit? Eam verò dispensandi hoc mysterium potestatem illis Christi verbis; *Hoc facite*, sibi commissam Apostoli cum intelligerent: intellexerunt quoque se Sacerdotes iisdem verbis à Christo constitutos consecratosque esse. vt etiam semper Catholica Ecclesia intellexit.

Paulus sacrificium intellexit.

Quocirca Paulus 1. Cor. 10. 21. disertè sacrificij meminit. *Non potestis*, inquit, *mensæ Domini participes esse & mensæ demoniorum*, mensæ nomine intelligens altare seu mensam sacrificij, in qua victimæ immolabantur, & ad edendum assumerebantur. Id ita esse patet. Primo, quia quod dixerat *participes mensæ*, alijs verbis dicit *participes altaris*: pro eodem accipiens

mensam

Jam & altare. Qui, inquit, *edunt hostias, participes sunt altaris.* agebat enim de ea participatione mensæ, quæ in edendis hostijs posita est. Mensa autem, ex qua edendæ hostiæ sumuntur est altare: teste Paulo *Hebr. 13. Habemus altare, de quo edere non habemus potestatem, qui tabernaculo deservunt.* Huius igitur mensæ, hoc est altaris, dicit participes esse eos qui hostias edunt. Deinde perspicuum est mensam dæmoniorum non appellari mensam conuiuij priuatam & domesticam, in qua gentiles sacris peractis conuiuari solebant; vti falsò putat Zaborouius. Talem enim mensam non prohibebat fidelibus Paulus (nisi propter scandalum) sed permittebat: eo persuasus argumento, quòd cum idola nihil sint, ea quoque quæ ipsis immolantur, nullam vim habent ad maculandum conscientiam, vt *ex eodem & octauo capite* apparet. vnde neque eam potuit appellare mensam dæmoniorum: neque eius participes potuit dicere esse participes mensæ dæmoniorum: sed mensam dæmoniorum appellauit mensam in idolo, seu in loco in quo idolum est positum, quæ erat mensa sacrificij. Ita enim de eadem re agens loquitur *cap. 8. 10. Si quis viderit eum qui habet scientiam in idolo recubentem.* Ex quo apparet ante idolum ipsum ad altare consueuisse gentiles recumbere, & edere victimas dæmonibus immolatas; ita vt falsum planè sit, quòd ait Zaborouius, ethnicos in suis altaribus bibisse ne fando quidem auditum esse. Quemadmodum igitur per mensam dæmoniorum intellexit mensam sacrificij: ita per mensam Domini mensam quoque sacrificij intellexit se censendus est, vt comparatio constaret.

Denique idem indicat scopus & argumentatio Pauli. Vult enim fideles detertere ab idolorum cultura, quæ in esu victimarum dæmonibus immolatarum consistebat. Gentiles enim assumebant secum fideles ad sua idolia, vt ibi secum recumberent, & coram idolo ad ipsius cultum peracto sacrificio vescerentur. vti *in cap. 8. 10.* indicatur. Vtitur autem Paulus hoc argumento. Non potestis esse participes mensæ Domini, & mensæ dæmoniorum. Atqui estis participes mensæ Domini edendo de mensa ipsius panem qui est participatio Corporis Domini, & bibendo calicem qui est communicatio Sanguinis Domini. id què ex eo patet. quòd sicut Israëlita secundum carnem edendo victimas fiebant participes altaris: ita & vos edendo victimas de altari & mensa Domini efficiimini participes mensæ seu altaris Domini, ac proinde & sacrificij Domini: esse enim participem altaris est esse participem sacrificij in altari oblati. Non igitur potestis nec debetis esse participes mensæ seu altaris dæmoniorum. In qua argumentatione, cum de esu victimarum & de participatione altaris ac sacrificij agatur, quis non videt mensam Eucharistiæ esse altare? & panem ac vinum Eucharisticum.

in hac mensa propositum esse veram victimam oblatam Deo: & atque participationem huius mensæ, & esum panis ac potum calicis esse participationem altaris ac sacrificij in altari Eucharistico oblati?

Ineptie Zaborouiane.

1.

2.

3.

Nugæ igitur meræ sunt, quæ a Zaborouio hic dicuntur. Primum mensam Domini non opponi altaribus dæmoniorum. constat enim mensam & altare pro eodem accipi: sicut & participatio mensæ dicitur a Paulo participatio altaris. Deinde conuiuia priuata nomine mensæ intelligi, nam Paulus in idolio recumbentes & conuiuantes redarguit: mensas vero priuatas & domesticas ex victimis confectas absolute permittit: & solum ratione scandalii prohibet. Denique ethnicos nunquam in suis altaribus bibisse. Constat enim ex Paulo recumbentes in idolio comedisse & bibisse ex immolatis.

4. argumen-
tum ex Pau-
lo.

Porrò meminit etiam sacrificij & altaris Eucharistici Paulus *Hebr. 13.* dum ait: *Habemus altare, de quo edere non habet potestatem qui tabernaculo deseruiunt.* Etenim quæ alia est esca, quam de altari edunt Christiani, quamque non erat licitum attingere Iudæis, nisi Eucharistia? Nam hæc est propria illa Christianorum esca, quæ successit escis legalibus Iudæorum, de quibus hic sermo est: eamque hic in altari indicat, quam *1. Cor. 10.* in mensa Domini indicauerat: eadem quæ sola est, quam Iudæi nobiscum edere non poterant: quia ceteras omnes spirituales escas communes nobiscum habuerunt. Christum nimirum per Fidem sicut & nos manducauerunt.

qui altare no-
strum spiri-
tuale & cor-
poratum sta-
uit,

1.

Quid hic Zaborouius? Altare, inquit, spirituale, id est Christum, altari materiali Iudaico opponit. Fateor. sed non id solum spirituale dicitur, quod sola mente & Fide concipitur: verum etiam id, quod licet externum sit & materiale, diuinum tamen quid & spirituale continet. Idcirco enim ritus illi Iudaici materiales & carnales dicebantur; quia nihil diuinum & spirituale, sed tantum materiale continebant. Nostri vero ritus, nostra Sacramenta, materialia quidem sunt, ut rebus externis continentur: sed quia in illis materialibus & externis, diuinas quoque res & spirituales completuntur; merito dici possunt & debent spiritualia: nisi forte Eucharistiam, quid merè terrenum & materiale, non vero diuinum & spirituale Zaborouius asserere audeat. Non igitur oppositio materialis altaris Iudæorum impedit, quominus externum apud nos altare intelligatur, in quo tamen diuina & spiritualia sacrificia tractentur: neque argumentum Zaborouij ex oppositioe ductum quidquam virium habet.

2.

Deinde si solum per altare spirituale intelligatur Christus: etiam Iudæi habuerunt tale altare, Christum scilicet Fide apprehensum, de quo spirituales escas per Fidem edebant. Nihil igitur præ Iudæis Christianos habere ostendisset.

ostendisset Paulus : cuius tamen oppositum probare intendit : nempe Iudæis doctrinis non esse acquiescendum : quibus escæ carnales proponuntur : quæ nihil proferunt ambulanti- bus in eis ; quia gratiam & sanctificationem nullam conferunt : quærendas potiùs alias escas , quæ cum edentur gratia stabiliunt cor . Tales autem escas Iudæi non habent , nec habebant in altari , nos verò habemus : quia habemus altare longè præstantius , & in altari escâ diuiniorem , nempe Christum . quam escam non possunt edere Iudæi , quam diu tabernaculo deseruiunt . Quod si hæc esca Christus intelligatur per so- lam Fidem apprehensus : habuerunt potestatem Iudæi hanc escam edendi , etiam tunc cum tabernaculo deseruirent . imò & eo ipso tempore multi erant Iudæi , quibus Euangelium nondum erat sufficienter publicatum : qui simul & tabernaculo seruebant , & Fidem in Christum habebant tanquam in Messiam promissum , & ex consequenti hanc escam per Fidem manduca- bant .

alioqui præ Iudæis habere nos ali- quid non pro- basset.

cum in hoc pares nobis essent.

At inquit Paulum solum docere , eos qui tabernaculo deseruiunt , ce- remonijs quæ legalibus morte Christi abolitis addicti sunt , non posse edere hanc escam . Respondeo . Paulum non solum hoc docere , sed etiam indi- care , hanc escam Iudæos nunquam edere potuisse : quia non habuerunt escas quæ gratia stabili- rent cor . Cum igitur hoc dici non possit de Christo per Fi- dem manducato : consequens est , non de tali esca Paulum locutum , sed de esca Eucharistiæ , in qua Christus , non solum per Fidem , sed etiam secun- dum veram & realem suam substantiam manducatur .

3. Paulus autem veli- t non posse attingere altare nostrum

Adhæc Paulus non loquitur de esca purè spiritali : sed de esca exter- na , externa & reali manducatione edenda . Ergo & de altari reali atq; ex- terno , in quo hæc esca edenda proponatur . esca enim externa , externum al- tare requirit , si de altari edenda proponatur . Probo igitur Antecedens ex ipsa Pauli quam adiungit ratione . Ex eo enim probat Iudæos hanc escam edendi potestatem non habere : quia Iudæis non est facta potestas edendi eas victimas , quæ pro peccatis oblata cum sint , sanguis earum inferitur per Pô- tificem in sancta Sanctorum . Cum igitur hæc victima sit talis (est enim ob- lata pro peccato ; & sanguis eius illatus est per Christum Pontificem in san- cta Sanctorum ; *ut cap. 9.* in eadem epistola docet Paulus) consequens est hanc victimam edi a Iudæis secundum legem non posse . Atq; etiam propte- rea Iesum extra portam & extra castra passum esse dixit , ut indicaret suum Corpus & Sanguinem non ad eos pertinere , qui sunt intra castra & taberna- cula Iudaica ; sed ad illos duntaxat , qui ex castris & tabernaculo egressi ad illum confugiunt . Quis non videt Paulum in hac tota argumentatione pro- bare Iudæis non fuisse permissum externam victimam pro peccato oblatam

4. Et hoc esca simile mate- riatum nemi- pe.

externa ratione edere : neq; enim spiritali manducatione , quæ fit per Fidem , vsquam prohibiti fuerunt. Loquitur igitur Paulus , sicut de externa esca , ita & de externo altari , de quo hæc esca edenda fit : ac proinde non de Christo per Fidem apprehenso , sed de eodem realiter in altari Eucharistiæ existente.

5.
*Es diuersum
ab illis.*

Denique sic contra Zaborouium arguo. Paulus distinguit inter escam & altare : vult enim escam de altari edi : altare enim est quid extrinsecum , & quasi locus quidam escæ : idem autem suiipsius locus esse non potest. Necessè igitur vt huic escæ , quæ Christus est altare à Christo distinctum assignetur. Hoc autem non potest esse crux , in qua Christus semel victima Deo factus est pro nobis. Nam neq; verum esset ; *Habemus altare &c.* sed Habuimus. quia non habemus Christum in cruce , sed in cœlo : neq; dicendum esset nos edere de hoc altari , sed de cœlo.

6.
*Es omni tem-
pore extans.*

Accedit , quod Paulus , cùm dixit ; *Habemus altare &c.* etiam omnia tempora consequentia respexerit , ita vt semper Ecclesia sit habitura hoc altare : in persona enim totius Ecclesiæ loqueretur. Atqui modo dicere non possumus habere hoc altare : quia crucem Domini , in qua is sacrificatus est , non habemus ; cùm ea non extet , nisi in partes minutissimas dissoluta. potiusq; dicendum esset , non habere nos altare , nec de altari nos edere Christum , sed aliunde : sicut sublata arbore non potest quis dicere se habere arborem , de cuius fructibus edat ; etiamsi illi fructus de illa arbore fuerint olim decerpti.

7.
*ita Patres in-
tellexerunt
Paulum.*

Ex his itaq; omnibus manifestum est non posse aliam expositionem verbis Pauli accommodari : nisi de altari Eucharistiæ Paulus intelligatur. vt etiam SS. Patres intellexerunt : Theophilactus , Chrysostomus , Sedulius , Theodorctus , Oecumenius , & alij.

*Zaborouius
falsò mihi
quædam af-
fingit.*

Non omitram autem , falsò Zaborouium quædam mihi imposuisse , quæ à me asserta non sunt : nempe , quòd negem Christum esse spiritualement escam. Hoc enim non nego : at dico Christum non extra Eucharistiam per Fidem , apprehensum esse illam escam , de qua Paulus loquitur. Similiter , quòd per eos qui tabernaculo deferuiunt intelligam Christianos fideles. id enim prorsus falsum est. Cùm verò dico , Christum per Fidem apprehensum esse talem escam , quam edere per Fidem potestatem habent omnes homines tam fideles quam infideles : putat id implicare contradictionem , vt infideles per Fidem edant. Quasi verò infidelibus non sit facta potestas per Fidem Christum cognoscendi : quo posito , non erunt amplius infideles sed fideles : sicut & cæci cùm fiunt videntes , non manent amplius cæci.

Iam quod obiicit Apostolos nulla altaria materialia habuisse : & post illorum

illorum tempora multis seculis Christianos illis caruisse: id tam manifestè falsum est, vt probatione non egeat. Nam & Canon tertius Apostolorum altaris meminit. & Ignatius Ioannis Apostoli discipulus in *Epistola ad Ephesios*; *Nisi*, inquit, *quis intra septa altaris sit, priuatur pane Dei.* & in *epist. ad Philadelphias* sic ait; *Obsecro vos, vt vna Fide, vna predicatione, vna Eucharistia vti mur: vna est enim Caro Domini nostri IESV CHRISTI; & vnus illius Sanguis qui pro nobis effusus est; & vnus calix qui pro omnibus nobis distributus est; vnus panis qui omnibus fractus est; vnum altare omni Ecclesia; & vnus Episcopus cum Presbyterorum collegio & Diaconis cõseruis meis.* Idem Dyonisius *Ecll: hierarc. cap: 3.* Pontifex, inquit, *ubi orationem sanctam supra diuinum altare peregit.* Euaristus Papa circa Annum Domini 100. vt habetur apud Bruchardum *lib: 1. cap: 27.* Omnes, inquit, *Basiliæ cum Missa debent consecrari: altaria verò placuit, non solum unctione Chrismaris, sed etiã Sacerdotali benedictione sacrari.* Tertul: in *lib: de Pœnitentiã*, inter cœtera pœnitentium signa, id quoq; commemorat; *Presbyteris aduoluit, aris Dei adgeniculari.* Irenæus *libro: 4. cap: 20. & 34.* Cypr: *ep. 55. 64. 66. 72. 73.* Qui igitur fronte contra tot primitiua Ecclesiæ, & eorum qui discipuli Apostolorum fuerunt testimonia, altarium in primitiua Ecclesia vsum negare audet Zaborouius?

At quia citat pro se Origenem, Ambrosium, Chrysostomum: ostendam quomodo more suo verba horum Patrum falsificet, contra expressam ipsorum mentem ea detorquendo. Et quidem Origenes *homil: 11. in Numeros cap: 18.* ex professo probat Sacerdotibus Domini, cum assistant altari & altari seruiant, debere primitias offerri. Nam etsi *libro 6. contra Celsum* dicat, nobis pro aris esse iustorum mentes: Non eo sensu id dicit, quasi altaria externa excludat: sed vt etiam altaria spiritualia, quæ sunt iustorum mentes, ostendat. vtraq; enim altaria habemus. Similique ratione Clemens Alexandr. *7. Stromat.* altaria spiritualia commemorat: externa tamen minime repudiat. Chrysostomus verò ita pro altari externo decertat; vt & honorandum esse doceat, & qui illud velit subruere, dignum esse qui lapidibus obruatur. *Tu*, inquit, *altare honoras, quod accipit Corpus Christi 2. Cor: homil: 20. & homil: 53. ad populum.* Si quis, inquit, *velleret hoc altare subruere, nonne illum lapidibus obrueretis?* Neque solum hominibus, sed etiã Angelis venerandum docet *libro 6. de Sacerdotio* cum ait; *Locum altari vicinum in illius honorem qui immolatur Angelorum choris plenum esse.* Quo itaque pudore Zaborouius Chrysostomum altarium excludendorum auctorem facit, quem tantum esse altarium propugnatorem constat? Cautè verò fecit, cum locum *epistolæ ad Hebræos* non adnotauit: si adnotasset, fraus eius

Ab Apostolorum tempore altare habuerunt Christiani.

quod impudenter negat Zaborouius.

F. & impudentius id Patribus assignit.

magis.

F.
*erat scripta
 quorundam,
 que non scri-
 pserunt.*

*Liturgiæ an-
 tiquissima
 extant octo.*

*magne au-
 thoritatis, et si
 non canonica.*

*Monasteria
 tempore Apo-
 stolorum fue-
 re.*

magis patuisset. Magis verò errauit in Ambrosio, quem & falsò citat in epistolam ad Hebræos : cum talem commentarium Ambrosius non scripserit, & de Ambrosij mente res est certissima, qui Liturgiā in altari celebrandā a sancto Barnaba primum conscriptam auxit : & celebrandā in Ecclesia Mediolanensi ad hæc vsq; tempora reliquit. & locum illum *1. Corinth. 10.* de mensa Domini (vt alia taceam) de altari interpretatur.

Verum erroris conuincunt Zaborouium, non solum antiquissimi Patres, sed etiam Liturgiæ vetustissimæ ab ipsis propè Apostolorum temporibus in Ecclesia receptæ, & hucusq; retentæ. Inter quas primum locum habet Liturgia Romanæ Ecclesiæ omnium antiquissima, auctore ipso Diuo Petro Apostolo : Liturgia item Ecclesiæ Ierosolymitanæ auctore D. Iacobo : Liturgia Eccl. Alexandrinæ auctore D. Marco Euang. : Liturgia Ecclesiæ Æthiopum auctore D. Matthæo : Liturgia Ecclesiæ Mediolanensis primum à Diuo Barnaba conscripta, postea à D. Ambrosio aucta : Liturgia Ecclesiæ Cappadociæ auctore D. Basilio : Liturgia Ecclesiæ Constantinopolitanæ auctore D. Chrysostomo : Liturgia deniq; Mozarabum & Armenorum.

Ineptè verò Zaborouius negat Liturgiam Iacobi esse Iacobi Apostoli. alioquin, inquit, pars canonica Scripturæ esset. ineptè, inquam, neque enim quæcunq; traditio canonicam Scripturam facit : sed ea duntaxat, quæ fuerit publico totius Ecclesiæ iudicio comprobata. cuius etiam iudicio omnes Scripturæ sacræ libri habentur canonici : non quòd in seipsis non fuerint semper sacri & diuini libri : sed vt id nobis diuino aliquo & infallibili testimonio constaret, Ecclesiæ accessit testimonium. quod propter perpetuam Spiritus sancti assistentiam, qui Ecclesiæ promissus est vt maneat in ea in æternum. diuinum censi debet ac infallibile. Quamuis igitur Liturgias illas tanquam ab Apostolis profectas certa traditione habeamus : quia tamen Ecclesiæ declaratio non accessit, hinc fit, vt non eam illis auctoritatem quā canonicis Scripturis, & ijs quæ ad Fidem spectant, tribuamus ; sed eam duntaxat, quam rei omnium seculorum testimonio comprobata tribuere par est.

At suppositiciam esse Liturgiam Iacobi probat Zaborouius. preces enim continet pro ijs, qui sunt in Monasterijs, quæ tempore Apostolorum non fuere. Sed errat. Constat namq; grauissimorum Patrum testimonijs Monasteria temporibus Apostolorum extitisse. In Ecclesia enim Alexandrina à Marco instituta fuisse multa Monasteria Christianorum testatur Hieron. in libro de scriptoribus Ecclesiasticis in Philone. Iulcius lib. 2. Histor. cap. 15. qui id multis probat. Epiphanius heresi 29. ad quam rem dicti Patres producunt testem Philonem Iudæum. qui de horum Monachorum moribus librum conscripsit. Idem testatur Cassianus lib. 2. de Inst. Canob. c. 5. Sozomen.

lib. 1. Hist. c. 12. Nicephorus *lib. 2. c. 15.* Beda *Prefat. in Marcum.* Et sanè credibile est, cum Marcus Ecclesiam Alexandrinam conuerterit ad Christum, idem quoque circa Monasteria Essenorum Iudæorum, quæ ibi plurima erant, fecisse; & Monachos illos ad Fidem Catholicam perduxisse: unde & Iessei dicebantur, nomine à IESU deriuato.

Neque verò tempore Apostolorum inaudita erat doctrina de Castitate, Paupertate, & Obedientia, quam voto facto Monachi profitentur: cum ipsos Apostolos constet, non verbo solum, sed & vitæ exemplo eam perfectionem docuisse. Verè enim omnibus relictis Christum sequuti sunt: & pauperem ac omnibus commodis destitutam vitam duxerunt, auctores quæ fuerunt ut alij nihil proprium haberent. *Act. 4.* Castitatem etiam in primis coluerunt: eam quæ alijs colendam suaserunt. *1. Cor. 7.* Denique ipsi primi Monachi & duces aliorum fuerunt, non enim cuculla facit monachum sed vita.

Inanisima igitur illa coniectura fuit Zaborouij aduersus Liturgiam Iacobi. Maius verò est illud pro ea argumentum: quod Cyrillus Ierosolymitanus, quæ in suis Mystagogicis orationibus habet, ab ipsa Missa Iacobi cognoscitur accepisse. ut adnotauit Baronius in Annum Domini 63. Tale est illud, quod Sacerdos alta voce dicit *Sursum corda.* & alia quæ de immensa Dei gloria præfari solet. Tum quod idem dicit, *Orate pro uiuis & defunctis.* Tum quod inclamat Diaconus ante sumptionem diuinorum mysteriorum; *Osculamini inuicem in osculo sancto*: atque illa accepturis intonat; *Sancta Sanctis.* & quod populus respondet; *Vnus est sanctus &c.* ac rursus quod cantores intra sumptionem sacræ Eucharistiæ concinunt; *Gustate & videte, quoniam suauis est Dominus.* & alia huiusmodi, quæ cum è Liturgia sancti Iacobi trāsulerit, an non eo ipso Liturgiæ illi detulit eam quam in Ecclesia illa semper habuit auctoritatem? Non est ita facile, Zaboroui, errorem Doctorum Catholicorum in ea re quam omnes amplectuntur, ostendere. Sunt enim & numero, & doctrinæ præstantia, & auctoritate, vobis longè superiores: & in antiquitate peruestiganda ita accurati; ut nihil dissimulent: nihil transire patiantur, quod non suis momentis expendant. quod cum aliorum Doctorum libri, tum annales Baronij testantur. nec vos inficiari potestis.

Venio ad locum *Act. 13.* ubi legimus *Ministrantibus autem illis Domino, & ieiunantibus, dixit Spiritus S. Segregate mihi Saulum & Barnabam.* Non enim de quocumque ministerio publico loquitur, sed de publico: hoc namque propriè *λειτουργία* dicitur. nec de ministerio publico, quod exhiberetur hominibus; sed quod Deo immediatè fieret: dicitur enim, *Ministrantibus Domino.* *λειτουργία* autem Deo ipsi immediatè exhibita quid aliud est quam sacrificium.

*& sacramē-
ta monasti-
ca.*

*Cyrillo Iero-
so: Iacobi Li-
urgia vene-
randa.*

*s. arg: pro sa-
crificio, sacri-
ficasse Apo-
stolos.*

cium. Nam sacrificium est & publicum ministerium, & tale quod soli Deo immediate exhibetur. Et in Ecclesia illa primitiua Liturgiæ nomen non ad alia ministeria, quàm ad Missas & sacrificia denotanda, fuit usurpatum. vt ex Liturgijs antiquissimis ad hæc vsq; tempora conseruatis satis constat. Alia enim ministeria publica, vt concionandi & Sacramenta ministrandi, immediate hominibus exhibentur: nemo enim Deo cõcionatur aut Sacramenta ministrat. solum sacrificium est eiusmodi publicum ministerium, quod soli Deo exhibetur. & solum Liturgia in Ecclesia dicitur. Liturgia igitur Deo exhibita non est nisi sacrificium.

*Ministrare
Domino di-
uersum à Lu-
cæ ieiunare.*

Quare cum ait Zaborouius; An non Deo ministrat, qui Deum precatur; qui in honorem eius ieiunat, prædicat, Sacramenta ministrat? Respondet Lucam non de omni ministerio, quod generali quadam ratione fit in Dei honorem, locutum. alioqui sub tali ministerio complexus quoque fuisset ieiunium, quod etiam in honorem Dei suscipitur, sicut & aliæ actiones piæ. At quia addit *Ministrantibus Domino & ieiunantibus*, distinguit hoc ministerium à ieiunio, & quoddam peculiare ministerium intelligit, quod non solum in honorem Dei generali illa ratione ordinatur, sed immediate Deo exhibetur: quale ministerium est sacrificium, quod soli Deo exhibetur ad ipsius honorem. In alijs enim actionibus tantum generali ratione dicimur ministrare Deo: quia licet eas alijs exhibeamus; tamen propter Deum & eius honorem. in sacrificio vero immediate ipsi Deo exhibemus ministerium. & idcirco peculiari ratione dicimur ministrare Deo. Cum vero ait Zaborouius prædicationem quoq; dici posse sacrificium: id vti verum est metaphoricè, ita ad hunc locum non pertinet, in quo nulla metaphoræ species appareret: sed absolute sine vlllo metaphoræ signo dicitur *Ministrantibus autem illis Domino*. Non enim ad libitum metaphoræ confingendæ sunt, sed vbi rerum ipsa circumstantia postulat. Porro cum Erasmus adduco, qui vertit *sacrificantibus autem illis*: non plus homini tribuo quàm par est; sed ab aduersario vocem veritatis elicio, ne eius auctoritatem, quam Euangelici faciunt plurimum, in hoc reijciant. Quod si ea versio admittetur: euincetur, non de sacrificijs metaphoricis precum, vt somniat Zaborouius, sed de vero & propriè dicto sacrificio locum Scripturæ intelligendum esse.

*Temeritas
Zaborouij
effrons in Li-
turgie notio-
ne fingenda.*

Magnam etiam Zaborouij impudentiam & temeritatem mirari satis non possum, cum contra omnem veritatem audet asserere Liturgias antiquas Græcis nunquam fuisse sacrificium. sed publicam administrationem cœnæ Domini. ad quod paradoxum probandum adducit, quæ de communionem in Liturgijs Chrysostomi, Basilij, Iacobi habentur; ijs prætermisiss, quæ de oblatione-

latione, sacrificio, hostia incruenta dicuntur. Quid hac impudentia impudentius, falsitate falsius? Ut autem solitam hominis in falsificandis testimonijs consuetudinem breuiter coarguam: adscribam ex Liturgijs ab ipso citatis aliquot de sacrificio verba.

In Liturgia Chrysosto: sic habetur; *Suscipe Domine Deus supplicationem nostram: fac nos dignos offerēdo tibi preces & hostiam incruentam pro vniuerso populo tuo &c.* *Adhuc offerimus tibi rationabile ac incruentum hoc obsequium; & precamur, & deposcimus, ut mittas Spiritum tuum sanctum super nos & super hæc appositæ munera.* Propter infinitam clementiam tuam inconuertibiliter & inalterabiliter homo factus es: & Pontifex noster exitisti: & mysterij huius, ac incruentæ hostiæ Sacramentum nobis tradidisti, ut omnium Deus. Fac me dignum Sacerdotij gratia indutū assistere sanctæ huic tuæ mensæ, & cōsecrare sanctum Corpus tuū & pretiosum Sanguinem: nec reprobes me à pueris tuis; sed concede à me peccatore offerri tibi hæc Sacramenta. Tu enim es offerens & oblarus, suscipiens & distributus, Christus Deus noster.

Et in Liturgia Basilij; *Tu es, qui offers & offerris; & qui suscipis & impertis, Christe Deus noster.* *Alta voce Sacerdos: Tua ex tuis tibi offerentes in omnibus & per omnia &c.* *Tu Domine ostendisti nobis magnum istud salutis mysterium: tu dignos nos fecisti miseros, & indignos seruos tuos fieri ministros sancti altaris tui: idoneos nos fac virtute sancti tui Spiritus in ministerio isto, ut indamnabiliter stantes in conspectu sanctæ gloriæ tuæ offeramus tibi sacrificiū laudis.* Tu enim es operans omnia in omnibus. Da, Domine, & pro omnibus nostris peccatis, & populi tui ignorantia acceptabile, & susceptibile fieri sacrificium nostrum in conspectu tuo.

In Liturgia vero Iacobi; *Domine, Domine, qui visitasti nos in misericordia, & commiseratione: & nobis abiectis peccatoribus, ac indignis seruis tuis concessisti, ut confidentes accederemus ad sanctum altare tuum; & offerremus tibi verendum hoc & incruentum sacrificium pro peccatis nostris: & ignorantibus, &c.* Placeat tibi Domine, ut nos Ministri simus tui noui Testamenti, ac sacrificij immaculatarum tuorum mysteriorum: & admitte nos accedentes ad sanctum tuum altare, ut digni simus, qui offeramus tibi munera, & sacrificiū pro nobis, & pro ijs, quæ populus per ignorantiam admisit: da quæ nobis, Domine, ut tibi cum omni metu ac pura conscientia hoc sacrificium spirituale, atque incruentum offeram: quod ubi admisit in sanctum, supercæleste, ac intellectuale tuum altare, in odorem suauitatis spiritualis, vicissim mitte nobis gratiam Spiritus tui sanctissimi. O Deus, respice in nos, & ad nostrum hoc rationale obsequium intrare, id quæ accipe, ut Abel dona accepisti, Noë sacrificia, Moys & Aaronis Sacerdotia, Samuelis pacifica, Dauidis penitentiam,

Zacharia incensum: ut de manu Apostolorum tuorum verum hunc cultum accepisti: ita quoq; è manibus nostris, qui peccatores sumus, recipe munera hæc proposita, per tuam benignitatem: & fac, ut oblatio nostra grata & acceptabilis sit per Spiritum sanctum sanctificata, in propitiationem peccatorum nostrorum, & eorum, quæ populus per ignorantiam admisit.

Sacrificium nostrum non iniuriosum illi in cruce.

1.

En quot modis, Zaboroui, falsi reus teneris. ita mendacijs pro argumentis vteris. Iam verò te Missæ sacrificium impugnantem audiamus. Sic ergo argumentaris probans per Missam sacrificio in cruce peracto iniuriam irrogari. Si Missa celebretur solum in memoriam sacrificij in cruce peracti: non erit reale externum propitiatorium, sed tantum commemoratiuum sacrificium. Si in supplementum alicuius defectus: iniuria fit illi sacrificio sufficientissimo, quo sumus sufficienter à peccatis purgati, *Hebr. 9. 28. sanctificati, Hebr. 10. 10. consummati Hebr. 10. 14.* Si propter applicationem fructuum passionis Christi: hæc applicatio fit per Fidem: dicente Paulo; *Participes Christi effecti sumus, si initium substantiæ ipsius usq; ad finem firmum retineamus.* Verum falleris, Zaboroui. nihil enim horum quæ inferi sequitur. Nam cum Missam dicimus celebrari in memoriam sacrificij in cruce acti: non eam memoriam, quæ fit puro signo intelligimus: sed quæ rem ipsam seu victimam in cruce oblatam sub signis panis & vini verè & realiter contineat. vnde fit, ut sit sacrificium non solum commemoratiuum representando: sed etiam verum & reale sacrificium victimam veram continendo in Dei honorem sub specie panis & vini impensam. Si nihil in Eucharistia præter mera signa esset, uti vos falso creditis: nulla quoq; esset victima quæ offerri posset: nec aliud quid esset quàm sacrificij commemoratio. At nos cum præter signa rem quoq; quæ verissima victima est, credamus; eaque, quatenus in Sacramento est verè & realiter per modum panis & vini, impendi in Dei honorem fateamur: verum quoq; & reale sacrificium esse consequenter asserimus. Et sicut veteris legis sacrificia erant simul & vera sacrificia, & sacrificij crucis commemoratiua. ita & in nostrum Eucharistiæ sacrificium vtrumque id cadere potest.

2.

Quod ad sufficientiam sacrificij crucis attinet; eam nos & agnoscimus: & nullum aliud supplementum requirimus. Nam sacrificium Eucharistiæ fatemur ita esse propitiatorium, ut nobis impetret eam remissionem culpæ, & pœnæ, quam nobis Christus in cruce promeruit. Quamvis enim eam sufficientissime nobis in cruce promeruerit: quia tamen eam in cruce nemini applicavit (alioqui omnes illico fuissent salvi) reliquit locum impetrationi. Quare, sicut citra ullam iniuriam passionis Christi, & sacrificij ipsius in cruce acti,

acti, petimus & impetramus per Christi passionem remissionem peccatorum: ita id ipsum citra ullam passionis & sacrificij Christi iniuriam impetramus sacrificio hoc inculpato. quod dicimus non nouam nobis remissionem peccatorum impetrare; sed eam solum, quam Christus nobis in cruce promeruit, & acquisiuit. non igitur ad defectum sacrificij crucis supplendum substituiamus hoc nostrum sacrificium; sed ad impetrandum id, quod nobis passionis sue Christus sufficientissimè meruit, voluit tamen à nobis peti & impetrari.

Denique dicimus, ad applicandum fructum passionis Christi hoc sacrificium institutum. Non propterea, quod passio Christi insufficiens sit: sed quòd ex se nulli fuerit applicata. Nam, quod ait Zaborouius applicari per Fidem: nec nos absque Fide dicimus applicari in sacrificio. quia Fides non excludit alia media in ipsa fundata. Licet enim Fide applicetur nobis passio Christi: non tamen exclusis Sacramentis, aut precibus, ad impetrandos nobis fructus passionis Christi: quare nec excluso sacrificio, quod vnum est ex medijs ad eosdem fructus nobis impetrandos. Voluit enim Christus Dominus suam passionem, etiam si in se sufficientissima sit, nobis per actus nostros applicari. Et quamuis non desint alia quoque media passionem Christi applicandi, nempe per Sacramenta & alias pias actiones: nullum tamen aliud medium eam applicat per modum sacrificij. Esse autem necessarium, tale medium inde constat: quòd Religio non potest esse sine sacrificio vt dictum est. quare, sicut per alia, ita & per sacrificium applicari nobis debet passio Christi.

Verum, cum per Missam irrogari iniuriam passioni Christi demonstrare non posset, contra Canonem Missæ insurgit. Cum enim in Canone dicamus; *Tu igitur clementissime Pater, per IESVM CHRISTVM Filium tuum, supplices rogamus, ac petimus, ut accepta habeas hæc dona, hæc munera, hæc sancta sacrificia illibata*: ait nos pro Christo quem sacrificamus per Christum Patrem rogare, vt eum acceptet & benedicat. At calumniandi libido cæca non patitur videre Zaborouium nos rogare, vt sacrificia nostra accepta habeat & benedicat Deus. Nam licet Christum sacrificemus: tamen aliud est considerare Christum absolute; aliud quatenus à nobis sacrificatur. Christum igitur absolute Deo non commendamus, quem scimus Patri ex se commendatissimum esse: sed commendamus sacrificium, seu actionem illam nostram qua Christum sacrificamus; vt quæ eam Deus acceptam habeat & benedicat, rogamus, ne quo vitio nostro fiat, vt sacrificium illud vel indigne tractemus; vel eius nos fructibus ac effectibus minus idoneos reddamus.

Christus quia sacrificium à nobis commendatur Patri.

De Notis Ministrorum

*Euāgelici nō
habēt religio-
nem.*

mus. Similiter per Christum, non pro Christo, sed pro opere illo nostro, quatenus à nobis fit, rogamus, vt scilicet dignè ac sanctè fiat, Deo què placere possit. En quam alieni sumus ab obiecta calumnia.

Ex his, quæ de sacrificio tam copiosè à nobis disputata sunt, concludo Ministros Euangelicos veros Christi Ministros non esse: cū neque Sacerdotes sint: neque sacrificium noui Testamenti, quod tam illustribus sacrarum literarum testimonijs comprobatur, offerant. cum què nulla

Religio sine Sacerdotibus & sacrificio vnquam extiterit, aut existere possit: quilibet facilè animaduertet, nullam

apud Euangelicos Religionem esse, cū
vtrouque horum careant.





DE NOTIS
MINISTRORVM
LIBER SECVNDVS

In quo sex aliæ notæ Ministro-
rum examinantur.

Ministros Euangelicos vera conficiendæ Eu-
charistiæ potestate carere: ac proinde veros
Christi Ministros non esse.

CAPVT I.



Diuinissimam esse potestatem, qua Christi Corpus in
Eucharistia constituitur, is solum dubitare potest,
qui de veritate eiusdem Corporis in Eucharistia du-
bitat. Nam neque Corpore Christi quidquam diui-
nius: neq; ea potestate qua ipsum in Eucharistia col-
locatur admirabilius: quippe quæ omnem humanā
& Angelicam virtutem excedat; & ad solius Dei om-
nipotentiam referatur. Is enim solus, qui omnia
potest, id quoque potest: vt Corpus idem in cælo simul & in Eucharistia ex-
istat. quod vti miraculum maximum suspicit, & prædicat inter cæteros
Chrysostomus lib: 3. de Sacerdotio. *O miraculum!* inquit, *ô Dei benignita-*
tem! quodd, qui cum Patre sursum sedet, in illo ipso temporis articulo omnium
manibus pertractatur.

*Diuina pote-
stas in conse-
cranda Eu-
charistia.*

Hanc porro tam diuinam & admirabilem potestatem, vti nos Catho-
lici in Sacerdotibus nostris religiose agnoscimus & veneramur: ita Euange-
lici eam abnegant, & detestantur, ac blasphemam putant; quippe qui &
Christum

*execrandis ca-
câgelicis exe-
cranda.*

Christum in Eucharistia abnegarunt. Ita enim Zaborouius ait: Hanc potestatem omnino negandam esse. At negari sanè non potest: nisi & veritas Corporis Christi in hoc Sacramento, quam Christus diuino suo ore asseruit dicens, *Hoc est Corpus meum*, negetur: & institutio huius potestatis illis verbis; *Hoc facite*, promulgata exterminetur. Qua enim potestate Christus in vltima cœna fecit panem esse Corpus suum; eadem Apostolis faciendum tradidit in sui commemorationem.

*rationatione
soli dissima*

Nam quod ait Zaborouius Corpus Christi, cùm ex purissimo Beatissimæ Virginis sanguine operatione Spiritus sancti creatum sit, non posse ex pane confici: id per se ita insulsum & ineptum est, vt refutatione non egeat. Non enim dicimus Corpus Christi iterum confici, quasi ex non existente existens fiat, & secundum suam substantiam producat: sic enim ex Beatissimæ Virginis sanguine semel productum à Spiritu sancto scimus. sed dicimus confici, quo ad eam quam in Eucharistia habet existentiam seu præsentiam: vt cùm in cœlo sibi connaturali modo existat: in Eucharistia quoq; modo supernaturali & diuino simul existat. ad quod productione noua substantiæ opus non est, sed adductione. Vnde licet diuina virtute fieri non potest, vt id, quod iam existit, producat iterum: tamen id quod existit in vno tantum loco, vt alibi quoq; simul existat, id sine vlla implicatione contradictionis diuina virtute fieri non repugnat.

*Phrasis Sacramentalis
dupliciter dicitur. 1.*

Ait deinde, secundum phrasim Sacramentalem concedi posse confici à nobis Corpus Christi, id est, Sacramentum seu signum Corporis Christi: eam quæ conficiendi potestatem Ministros Euangelicos habere. Verum si phrasim Sacramentalem vocet eam, quæ sensum tantum significatiuum continet: sic non est necesse omnia, quæ de Sacramentis dicuntur accipi sensu & phrasi Sacramentali, id est significatiuè. Multa enim dicuntur de Sacramentis essentialiter & verè, non significatiuè. vt quod Baptismus constat verbo & elemento, verum est realiter & essentialiter, non significatiuè: neque enim Baptismus significat aquam, sed est ipsa aqua. Quocirca neq; in Eucharistia, cùm dicitur panis esse Corpus Christi, necesse est ea verba accipi sensu & phrasi Sacramentali, hoc est significatiuè: cùm verificari possint & debeant in sensu essentiali: nec vllum indicium sit sensus significatiui. Nam etiamsi panis sit Sacramentalis: tamen de pane Sacramentali multa dici possunt essentialiter: non significatiuè. sicut & Baptismus licet sit Sacramentum, tamen multa de eo dicuntur non Sacramentaliter seu non significatiuè. Si verò phrasis Sacramentalis vocetur ea, quæ conuenit Sacramentis, tunc non solum quod dicitur significatiuè, sed etiam quod essentialiter, di-

cetur

Liber secundus.

161

œetur phrasi Sacramentali. quare & Panis dicetur Corpus Christi phrasi Sa- *sed hæc nil*
cramentali, etiamsi non significatiue sed essentialiter sit Corpus Christi. *pro Zaboro-*

Et sanè Christus Dominus illis verbis; *Hoc est Corpus meum*, essenti- *uo. Christi e-*
am panis illius quem dabat ad manducandum explicare voluit: nempe, *nim verba*
quod non aliam quam Corporis ipsius essentiam haberet; quippe qui bene *essentiam a-*
dictione cœlesti hanc essentiae mutationem esset adeptus. Quod adeo vrsit *stendunt.*

S. Paulus 1. Cor. 11. vt eos, qui in hoc pane *non diiudicarent Corpus Domini*,

& ea, qua Corpus ipsum Domini, reuerentia & animæ puritate illum non.

sumerent, iudicium & condemnationem sibi acquirere pronuntiauerit. Ne-

que enim signum Corporis eos diiudicare voluit, sed ipsum Domini Cor-

pus. Nam signa Corporis Domini non requirunt eam conscientiae purita-

tem; vt qui ea in peccato mortali tractat, citra contemptum iudicium &

condemnationem illico acquirat. vt in manducatione Agni Paschalis, Man-

næ, & sacrificiorum legalium, quæ erant typi & figuræ Christi, manifestum

est. At qui hunc panem cœlestem in peccato, ac proinde *indignè manducat*,

etiam citra contemptum, *iudicium sibi* teste Paulo *manducat*: quia *non di-*

iudicauit in eo *Corpus Domini*; neque cum ea puritate quam Corpus Domi-

ni requirit ad manducandum accessit. Signa Corporis Christi multa fuerunt

in veteri lege: & quidem pane simplici præstantiora (magis enim Manna &

Agnus Paschalis significabat Christum, quam panis simplex) non igitur si-

gna nuda voluit nobis Christus relinquere, sed quid diuinius, nempe ipsum

Corpus suum signis illis contentum. Alioqui, si nihil aliud quam signum

esset, esset hoc Sacramentum Sacramentis legis veteris longe inferius: lon-

gè enim nobilius erat signum Christi Manna de cœlo descendens, & Agnus

Paschalis, qui etiam passionem Christi magis repræsentabat, quam panis

simplex.

Adhæc, si Eucharistia non est nisi signum & memoria Corporis Chri-

sti, potestatem Eucharistiam conficiendi omnes prorsus haberent, quot

quot panem in memoriam passionis Christi acciperent: neque Ministri pe-

culiare aliquid in conficienda Eucharistia haberent, quod non esset cæteris

fidelibus commune: cum tamen solis Apostolis hoc munus cômiserit Chri-

stus, illis verbis; *Hoc facite*: ipsosque solos *Ministros Christi*, & *dispensato-*

res mysteriorum Dei agnoscat S. Paulus 1. Cor. 4.

Neque refert quod ait Zaborou: quod apud ipsos non fiat copia mini-

strand Baptismi & Eucharistiæ, nisi Ministris. nam inprimis hic de confici-

enda non de administranda Eucharistia agimus. Deinde, si Ministri nihil

præ alijs peculiare habent, omnes æquè erunt Ministri, etiam mulieres &

pueri. & immeritò alijs ministerij munus denegabitur, si parem cum Mini-

X

stris po-

*sed hæc nil
pro Zaboro-
uo. Christi e-
nim verba
essentiam a-
stendunt.*

1.

2.

3.

4.

*Eucharistiā
Euangelicam
quiuis potest
consecrare.*

*omnes quæ
sunt Ministri,
& femina &
pueri.*

*Et hoc nõ ab-
usu, sed ne-
cessariò ex
dogmate co-
rũ sequitur.*

stris potestatem habeant. Quinetiam, si Christus solis Apostolis eam pote-
statem concessit, id ipsum argumento est Apostolis aliquid peculiare tribuisse,
se, quod alij præstare non possint. alioqui, quod omnes alij possent, ad Apo-
stolos non restrinxisset. Nec est, quod nobis Ioannem VIII. sceminam, per
calumniam obijciat, quæ in Pontificatu per biennium Sacramenta admini-
strauerit. nam hæc & putida fabula est: & millicies à nobis confutata: & præ-
terea hic non quærimus quid per abusum aliquando acciderit (sicut enim
hæreses ita & abusus oportet esse) sed quid de iure fieri possit ac debeat. Nos
igitur ostendimus apud Euangelicos ex ipsorum sententia, sceminas parem
iure diuino potestatem Sacramenta conficiendi habere, neq; Ministros pec-
culiare quid præ sceminis in eo negotio sibi vendicare (sola enim memoria
passionis super panem facta conficit apud ipsos Eucharistiam, quod omnes
possunt) ac proinde sceminas apud ipsos de iure Ministros esse. Id verò apud
nos non accedit, qui Ministris peculiarem Sacramenta conficiendi & mini-
strandi potestatem, qua cæteri carent, ipsi verò eam in Ordinatione ex Chri-
sti institutione accipiunt, tribuimus: eam quæ characterem Sacerdotalem
nominamus: & ea potestate Ministros à cæteris secernimus. id quæ præcipue
in Eucharistia agnoscimus, in qua diuinum quid & omnem humanam su-
perans potestatem confitemur, nempe Corporis Christi supernaturalem in
ea præsentiam, quam nulla humana vel Angelica facultas ex se exhibere
poteat.

*Calumniosè
nos creato-
res Creatoris
vocant.*

Ridet hanc potestatem hæretico more Zaborou: cum eam refutare non
possit: nos quæ appellat creatores nostri Creatoris. quod secundum sermo-
nis proprietatem falsum esse dicimus. Fieri enim præsens & adduci, non
produci, multò minùs ex nihilo creari, Corpus Christi in hoc Sacramento
docemus. Quod si non nemo eo dicendi modo usus est: is agnosci voluit
improprium & per exaggerationem loquendi modum, & non nisi in sensu à se
intento accipi debere. cum quæ eo dicendi modo Ecclesia nõ vtatur, priuati
auctoris dicendi modus toti Ecclesiæ præiudicare non debet.

*Maior tamẽ
vis consecra-
tionis Eucha-
ristiæ, quàm
Iosuanã sol-
licitum.*

Cum verò doceo longè maiorem hanc potestatem esse, qua Corpus
Christi in Eucharistia exhibetur, illa, qua Iosue Solem voce sua consistere
fecit, *obediente Deo voci hominis Iosue 10. 13.* ait malè à me citari scripturam:
cum Tigurini verterint *Exaudiente non Obediente*. Quasi verò Tigurini
Hæretici nobis sint lex. aut quia illis ita vertere placuit, omnes alij qui aliter
vertendum semper putauerunt, malè vertisse censendi sint. At ne ipsi qui-
dem Tigurini aliam versionem damnauerunt. Quod si alterutra damnanda es-
set, illis potius, qui à communi & antiquissima versione recesserunt, ea da-
mnatio deberetur. Vtrumque enim vox Hebræa *shema* significat. Neque
vero

verò Deus obedire homini dicitur propter imperium sed propter suam bonitatem, quã *facit voluntatem timentium se.* Et sicut Iosue dicitur locutus Domino ex magna confidentia præcipiendo; *Sol contra Gabaon non moue- ris:* ita & Deus ex magna sua bonitate dicitur voci serui sui obedisse, ita vt rectè vox *shema* potius per *obedire* quàm per *audire* sit conuersa, vt responderet voci Iosue præcipientis, & vis diuinæ bonitatis, quã se seruorum suorum voluntati accommodat, tantò magis appareret. Quanquam vtravis versio admittatur, nostra comparatio vim & robor obrinet: nempe id quod fit in Eucharistia, maioris esse potestatis, quàm illud quod à Iosue factum legimus. Nam quum ait Zaborou, illud à Iosue esse factum. Scripturam testari, hoc verò minimè. fallitur. Etenim Christus diuino suo ore hoc esse suū Corpus abundè testatus est. Non igitur, quòd Scriptura id non testetur, sed quòd Scripturæ clarissimè testanti credere nolunt Euangelici, existimant id Scripturam non docere.

At inquit, nos Christi Corpus deuocare de cælo in terram: quod Scri- ptura fieri negat. *Act. 3. 21. Oportet, inquit, Christum cælo capi ad tempora restitutionis omnium.* Verum neq; nos Corpus Christi de cælo deuocamus: cùm is deuocari propriè dicatur, qui priorem locum relinquere iubetur, quod nos de Christo non credimus: neque Zaborouius locum Scripturæ fideliter citauit, sed vt est falsificatus à Beza. Græcè enim actiua significatio est, non passiua: *Oportet, Christum cælum suscipere* seu *accipere dei τὸν ὄρανόν δι' ἑαυτά* non verò cælo capi. quod & Beza concedit. sed ait se ad magis premendos ex eo loco Catholicos ita vertisse. Scilicet id erat fidelis Scripturæ interpre- tis verba Scripturæ immutare atq; peruertere, vt aduersarijs incommodaret magis. Sed admissa hac etiam versione, nihil ex hoc loco contra realem Christi præsentiam concluditur. Non enim ita Christum dicimus esse in Eucharistia, vt cælum deferat: sed vt in cælo quidem secundum suam vi- sibilem præsentiam qua in cælū ascendit permaneat; in Eucharistia autem simul vera at inuisibili præsentia existat. Locus verò citatus primum solum dicit, secundum non negat.

Implicare ait id contradictionem. quia, vt inquit Augustinus, Corpus Christi vno loco esse oportet, veritatem autem eius vbique diffusam esse. Verum hic rursus proclamo Zaborouium falsatorem Sanctorum Patrum esse. Nam quod Augustinus dicit, *Corpus Christi vno loco esse potest:* ille citat Corpus Christi vno loco esse oportet. Quousque te feram, Zaboroui, tam impudenter loca Patrum corruptentem? Ostendis sanè te in arte falsandi ita versatum, vt te nemo superet. & etiam me iā fatigasti tuas falsitates toties deprehendentem & adnotantem. Deinde Augustinum non solum falso ci-

Non deuocā- do Christum de cælo.

F.

Beza falsus interpretem oraculorum sese falsum.

Non est cōtra nos Augusti- nus falso ci- tatus: F.

& incept.

imò contra
mentem suā.

eat, sed & ineptè. Nam ad probandam contradictionis implicationem ea verba citat, in quibus nihil Augustinus de implicatione contradictionis loquitur. Solum enim dicit Corpus Christi vno in loco esse posse, non autem dicit non posse esse in pluribus locis: neque id implicare contradictionem. Imò contrarium expresse idem S. Pater docet: cum ait; *In specie panis Dominum oculis apparere mortalium.* 3. *Trinit. c. 10. id què fieri operante inuisibiliter Spiritu Dei.* 3. *Trinit. c. 4.* vbi etiam eam operationem inter cætera miracula connumerat. & 9. *Confess. c. 13. Carnem Christi vocat victimam sanctam, quæ in altari dispensatur: & à nobis fidei corde & ore suscipitur,* vt ait; 2. *contra Adversar. Legis & Prophetarum c. 9. cumq; Sanguinem fideles ore percipere, quo redempti sunt,* 12. *contra Faustum cap. 10.* Si igitur secundum Augustinum Corpus Christi existit in specie panis operante id Spiritu sancto: si existit in altari tanquam victima oblata: si non solum fidei corde sed & ore percipitur: quis non videt Augustinum non negare Corpus Christi non solum in cælo esse, sed etiam in terra? nempe in specie illa panis in altari, in ore sumentium? atq; ex consequenti Zaborouium infideliter & contra omnem Augustini mentem, verba ipsius producere?

Miraculum
in Eucharistia
Catholica non
caca-
gelica.

Ad miraculum, inquit, confugitis. Proculdubio, Zaboroui, præsentia Corporis Christi in Eucharistia non est vllius naturalis potestatis, sed supernaturalis & diuinæ. Quocirca & Chrysostomus in *lib. 3. de Sacerdotio Miraculum* exclamat. & Augustinus inter maxima miracula id quoq; recenset: & solius Spiritus sancti virtuti inuisibiliter operanti adscribit. Supra naturā enim fit, quicquid fit in Sacramentis: siue gratia, quam Sacramenta conferunt; siue mirabilis illa panis & vini in Corpus & Sanguinem Christi conuersio.

Solidā quæ-
stio. an Chri-
stus: vñturus
sit ad iudici-
um: è Sacra-
mento. 1.

Petit verò Zaborouius se ab vna difficultate expediri, qua totum hoc negotium confici putat. Corpus, inquit, Christi vnde proditurum est ad iudicium; è cælo né; an ex speciebus quæ sunt super terram? Ego, inquit, simplicissimè iuxta Symbolum credo *Inde venturus est iudicare vivos & mortuos.* Nimis inepta est tua simplicitas, Zaboroui. Nam si putas tempore extremi iudicij Christum sub speciebus in Eucharistia futurum, erras, nullæ enim tunc erunt species, nulla Sacramenta, cum omnia abolebuntur & cessabunt. Si verò non putas tunc Christum sub speciebus Sacramenti futurum; ineptè petis an ex speciebus proditurus sit ad iudicium. cum nemo nisi stultus existimare possit inde aliquem proditurum vbi non est. Sed etsi darem tibi tempore iudicij Christum sub speciebus existentem, non tamen nisi ineptè potes dicere Christum à speciebus venturum ad iudicium. Inde enim venire dicitur, vbi conspicuā ratione ante apparebat: non inde vbi modo,

modo inuisibili existerat. Sume exemplum: Filius Dei dicitur venisse de cœlo in terram, quia etsi diuinitate sua in terra quoque esset, tamen in terra erat inuisibilis, in cœlo visibilis. & ideo de cœlo tanquam ex eo loco in quo visibilis erat dicitur descendisse. de terra autem, in qua inuisibilis erat, non dicitur descendisse aut venisse. Pari ergo ratione dici debet venturus ad iudicium non de Sacramento, ubi inuisibiliter existit; sed de cœlo ubi se visibilem exhibet. Totus ergo ineptus es, Zaboroui, cum tam ineptè obijcis.

Iam cum Chrysostomum adduco, qui tanquam miraculum suspicit eam Dei benignitatem; quod *qui cum Patre sursum est, in illo ipso temporis articulo omnium manibus pertractatur* 3. de Sacerdotio. Et in homil: 60. ad populum Antiochi: *Quo non oportet esse puriorem talisfruentem sacrificio? quò solari radio non splendidiorem manum carnem hanc diuidentem? os quod igne spirituali repletur? linguam que tremendo nimis sanguine rubescit? Cogita qualis sis insignitus honore, quali mensa fruaris. quod Angeli videntes horrescunt, neque libere audent inuerti propter emicantem inde splendorem, hoc nos pascemur.* Chrysostomus agnoscit in Sacramento miraculum maximum.

Respondet Zaborouius. Chrysostomum hyperbolicè locutum ad excellentiam tanti Sacramenti demonstrandam. Ita respondere debent, qui non habent quod respondeant, qui quod non credunt hyperbolem vocat. Nobis sanè, qui cum Chrysostomo veritatem Corporis Christi in Eucharistia credimus, nulla est hyperbole, sed ipsissima veritas. Licet enim non immediate, mediantibus tamen speciebus verè Corpus Christi manibus omnium pertractatur: & linguæ Sanguine Christi rubescunt: non quidem ad sensum; verè tamen, quia verè Sanguine Christi perfunduntur sub vini specie. sicut & Deus in forma hominis verè dicitur crucifixus & mortuus.

Adhæc quam incredibile est Chrysostomum hyperbolicè locutum, cum in eo, quod Christus ad dexteram Dei sedens in terra manibus contrahatur, agnoscat miraculum, & Dei miram benignitatem? nunquid enim tribui potest miraculo id, quod supra veritatem est? aut in eo, quod veritatem excedit, mira Dei benignitas apparere dici potest? Non igitur hyperbolicè, sed verè loquitur Chrysostomus. Nam si de signis tantum loqueretur: nullum esset miraculum Christo in cœlo existente signum eius esse in terra, neque tam miranda esset Dei benignitas, quod cum in cœlo sit, signum suum habeat in terris. Illud verò est admirandum, quod cum ad dexteram Dei sit in cœlis, non dedignetur ita esse in terris, ut manibus omnium contrahatur.

At inquit Chrysostomum multa alia hyperbolicè dixisse. quale est illud 1. Corinth. cap: 10. *Quod non passus est, inquit, in cruce, patitur in hac oblatione: nam patitur se confringi.* Verum in hoc quoque nulla hyperbola. de

*Verè frangi-
tur Christus
in specie alie
na.*

vera enim fractione sub specie panis loquitur Chrysostomus, quæ in cruce Christo non contingit, hic verò contingit. Nam licet in seipso non frangatur, frangitur tamen in speciebus: quod ea denominatio ratione specierum in quibus existit ei competat. sicut & Deus ratione humanæ naturæ dicitur mori: non quod diuina natura destruat; sed quod ea denominatio ratione humanæ naturæ ipsi conueniat. Quemadmodum & Angeli, qui in sua substantia nec videri nec tangi possunt, in assumptis tamen corporibus verè videbantur: tangebantur: hospitio excipiebantur.

*Malè citat
Zabor. Chry-
sostomum.*

Cum verò Zaborouius addit Chrysostomum in *homil: ii. in Matib.* docere, non esse verum Christi Corpus in vasis sanctificationis, sed mysterium Corporis Christi: multis modis labitur. Nam imprimis falsò tribuit Chrysostomo homilias illas, quas doctorum virorum consensione constat non esse illius. vti etià Erasmus in *Præfatione*, & Petrus martyr, fatentur. Deinde homiliæ illæ scatent multis erroribus & hæresibus: vnde nullius sunt auctoritatis. Denique locus ille à Zaborouio citatus supposititijs est: cum & in veteribus exemplaribus non extet; & ad rem, de qua ibi agitur, non pertineat. Est enim ibi sermo, non de vasis Eucharistiæ, sed de vasis sacris, quæ ex templo Salomonis abstulerat Balthasar Rex. de qua re plura Sixtus Senensis 4. lib: *Bibliot. sanctæ*.

*citatur iterum
quod non est
in Chrysosto-
mo.*

Cum verò citat ex epistola Chrysostomi ad Cæsarium, naturam panis post sanctificationem manere, primum dicimus, nullam talem inter epistolas Chrysostomi reperiri. Et quamuis admitteretur: verba illa exponi debent de natura accidentium, seu de natura panis quæ manet in accidentibus eius; non verò de natura substantiali. Nam alioqui mens Chrysostomi clarissima est, cum *homil: de Euchar.* in Encænijjs disertè docet substantiam totam panis consumi substantia Corporis Christi. idq; exemplo ceræ igni iniectæ cōprobat. *Quemadmodum enim, inquit, cera igni adhibita illi assimilatur: nihil substantiæ remanet: nihil superfluit: sic & hic, puta mysteria consumi Corporis substantia.*

C A P V T II.

Luterani & Calvinistæ ex verbis illis; Hoc est Corpus meum, erroris conuincuntur.

Contendit porrò Zaboronius probare, nos ex verbis illis; *Hoc est Corpus meum*, non posse Calvinistas & Luteranos erroris conuincere. Age experiamur.

Liber secundus

167

pèriamur. Calvinistæ afferunt ea Christi verba dicta esse de pane; panis autem cum propriè & essentialiter non sit Corpus Christi: necesse est tropicè & improprie, hoc est significatiuè solum esse Corpus Christi: & ideo dici Corpus Christi, quia est signum Corporis Christi. Hæc illi.

*Expositio bap-
tismi.*

Nos contra; docemus verba Christi dicta esse de pane benedictione mutato in Corpus Christi. At panis benedictione mutatus est propriè & essentialiter Corpus Christi. Ergo verba Christi propriè & essentialiter, non significatiuè, sunt accipienda; ita vt declarent, essentiam illius panis benedictione mutati non esse aliam, nisi essentiam Corporis Christi. Quamuis enim panis materialis, manens materialis, non sit essentialiter Corpus Christi, cum diuersam essentiam ab essentia Corporis Christi habeat: tamen panis benedictione mutatus in Corpus Christi essentialiter est Corpus Christi. Sicut aqua benedictione Christi mutata in vinum essentialiter erat vinum, non aqua.

Catholicorū.

Et verò panem benedictione fuisse mutatum in corpus Christi manifestum est. Quia legimus Christum benedicendo dixisse; *Hoc est corpus meum* eamq; benedictionem spectasse non ad Deum, sed ad panem, Paulus testis est cum in simili de calice ait; *Calix benedictionis, cui benedicimus, nonne communicatio Sanguinis Christi est?* 1. Cor: 10. 16. vocat calicem benedictionis, id est benedictum (phrasi Hebræa) idque magis explicat, *cui benedicimus*: scilicet Christi exemplo, & præcepto. Effectus porro benedictionis huius est, vt sit Sanguis Christi. Sicut autem vinum benedictione mutatum est in Sanguinem Christi: ita & panis simili benedictione mutatus est in Corpus Christi.

*Et pro hæc
Paulus.*

Et sane si panis ille debebat tantum mutari in signum Corporis Christi, non in ipsam Corpus Christi; benedictione non fuit opus, sed sola institutione: sicut in omnibus aliis signis manifestum est. Nam nec agnus Paschalis benedicti debuit, vt esset signum & figura Christi: nec manna: nec sacrificia legis veteris: sed ex sola institutione diuina habuerunt, vt essent signa & typi Christi. Imò nec Baptismo, qui est signum mortis, Christum legimus benedixisse: sed solum voluntate instituisse, vt esset nouæ legis Sacramentum & signum. Hinc igitur concludo, non eo fine Christum benedixisse panem, vt esset signum Corporis sui: ad hoc enim institutio sola, sicut in omnibus alijs signis, satis erat: sed vt esset verè, propriè & essentialiter Corpus ipsius. hoc enim sine benedictione & omnipotentia diuina esse non poterat.

*alioqui bene-
dictio non ne-
cessaria erat.*

Neque verò euadere possunt Calvinistæ, si dicant benedictione factum esse, vt esset signum efficax fructum Corporis Christi nobis communicans. Nam, vt omittam Baptismo Christum non benedixisse, quem tamen con-

*que non ad
efficacitatem
signi adhibere
stat esse*

stat esse signum efficax: id solum dico; panem Eucharisticum ideo nobis Corporis Christi fructum communicare, quia est Corpus Christi: priusque benedictione mutari in Corpus Christi; tum deinde, tanquam verum Corpus Christi, veros effectus Corporis Christi nobis communicare: primumque effectum benedictionis eum esse, ut panis ille efficiatur Corpus Christi: tum ex eo, non noua aliqua benedictione, sed virtute prioris benedictionis consequuntur effectus seu fructus Corporis Christi. Non enim Corpus Christi eget noua benedictione ad effectus suos nobis communicandos. Quocirca neque panis, postquam benedictione id assecutus est ut esset Corpus Christi, eget alia benedictione ad efficacitatem seu efficientiam in nobis fructuum suorum. Ex quo etiam patet, benedictionem qua pani benedixit Christus fuisse illam, quæ his verbis, *Hoc est Corpus meum*, continetur. Hanc enim illi benedictionem impertiuir, quod illum diuino verbo suo fecerit Corpus suum.

certis verbis.

Vides ne, Zaboroui, quam recte Calvinistas verbis Christi stringimus, eum proprium illorum sensum vrgemus? à quo cum nunquam, nisi manifesta postulet necessitas, recedere liceat; summam Calvinistarum temeritatem esse oportet, quando ad improprium & significatiuum sensum proprio relicto confugiunt. Quod si adhuc dubitent verba Christi in proprio sensu conuenire pani Eucharistico posse; secum reputent: si Christus aquam in Chana Galilee conuertisset in vinum illis verbis *Hoc est vinum* (quod Christum potuisse facere nemo negauerit, nisi qui potestatem verborum Christi non credit) tunc ea Christi verba eo plane proprio & essentiali sensu de aqua mutata in vinum verificarentur, quo de pane Eucharistico in Corpus Christi benedictione mutato dicimus verificari.

*Paulus addit
que signo non
conueniunt.*

Adhæc Calvinistas clare coarguit Paulus docens Eucharisticum panem non tanquam Corporis Christi signum, sed ut verum Corpus Christi esse iudicandum; & ea puritate conscientie sumendum, sicut verum Corpus Christi sumi debet; ita ut indigne & in peccato sumentes rei fiant Corporis & Sanguinis Domini, & iudicium sibi manducant & bibant, quia non diiudicant Corpus Domini. Hæc enim signis Corporis non conueniunt. vti paulò ante docuimus.

*Euasio insulsa
Zaborouia-
norum.*

Insulsum verò est quod aiunt; imagini illatam iniuriam in eum cuius illa imago est redundare. Vti enim id verum est, cum quis eo fine ut iniuriam irroget aliquid in imaginem admittit: ita minimè verum, si alio fine, quam iniuriam irrogandi, imaginem laceret & destruat. Hic verò, quicumque Corpus Christi in peccato manducat: etiamsi non eo fine ut iniuriam inferat manducet, iudicium sibi manducat, & reus efficitur Corporis Domini: quia

ni: quia non diiudicauit illud esse verum Domini Corpus. Non igitur Eucharistia est solum veluti imago & signum Corporis Christi, sed ipsum Christi Corpus. Hoc enim est, in Eucharistia non diiudicare Corpus Domini, ita illam sumere, ac si non esset verum Corpus Domini.

Iam venio ad Lutheranos: qui quatenus cum pane in pane sub pane dicunt esse Corpus Domini, verbis Christi in hunc modum conuincuntur. Nemo enim non videt aliud esse in pane, cum pane, sub pane esse Corpus Christi: aliud panem esse Corpus Christi; ita vt nec ista inter se sint idem, nec vnum ex altero sequatur. Dicimus enim animam esse in corpore, vinum in dolio, pecuniam in marsupio: neq; tamen dicimus propter talem inexistentiam vnius in altero vnum esse alterum proprie loquendo. nam nec corpus dicimus esse animam; nec dolium esse vinum, nec marsupium esse pecuniam. Cum igitur Christus non dixerit hic est Corpus meum, nec cum hoc, aut sub hoc Corpus meum, sed *Hoc est Corpus meum*; longè quid diuersum ab illis tribus dixisse censendus est: cum illa tria non sufficiant ad hoc, vt vnum proprie dicatur aliud. Nam si improprie dici velint: iam & a proprio verborum sensu sine necessitate recedent, & ad castra Caluinistarum (quæ exacerantur) se transferent, qui tropicè & improprie verba Christi exponunt, Corpus pro signo Corporis accipiendo.

Lutemina expositio falsa.

At inquit Zaboruius non etiam dixisse Christum sub his speciebus esse Corpus meum. Fallitur. Quia particula *Hoc* nihil aliud indicat, nisi id quod est sub speciebus panis. Non enim particula illa designabat species ipsas (accidentia enim panis non erant Corpus Christi) sed id quod sub illis accidentibus & speciebus erat, scilicet substantiam speciebus contentam: nam substantia demonstrabatur, non accidens. Cum igitur hoc dixerit Christus esse Corpus suum: consequens est dixisse illam substantiam sub illis speciebus contentam esse Corpus suum.

Nostre expositio particula hoc indicatur.

Porro cum Lutherani velint hoc esse verè & proprie Corpus Christi: id in nullo alio quàm essentiali sensu verificari potest. Res enim quæ sunt & essentis & suppositis diuersæ, non possunt de se ita affirmari, vt vna dicatur altera: nulla siquidem vnitas facit rem vnã esse alteram, nisi vel sit vnitas suppositi, vel vnitas essentis. sic enim Deum hominem dicimus esse vnum, propter vnitatem suppositi in Christo: Patrem verò, Filium, & Spiritum sanctum esse vnum Deum propter vnitatem essentis. Cum ergo inter panem & Corpus Christi non sit vnitas suppositi, vti per se manifestum est (alioqui panis esset vnitus hypostaticè Christo) sequitur debere esse vnitatem essentis, ita vt essentia panis benedictione mutati non sit alia, quàm essentia Corporis Christi.

Lutherani aut nobiscum sentiant opus est:

*aut sibi con-
radicant ut
& contradicūt
mille exposi-
tionibus.*

*Zaborouius
Vbiquitatis
applaudit.*

*quorum sen-
tentia ratio-
nem Sacra-
menti euer-
tit.*

1.

2.

3.

*non esset ra-
tio cur in so-
lo pane edere
tur, si ubique
esset.*

Quod si hoc non concedatur, uti non concedunt Lutherani: nullo mo-
do poterunt dicere proprie panem esse Corpus Christi, quod vel ex eo patet,
quod cum hactenus mille modos quaesierint vnionis Corporis Christi cum
pane; nullum tamen cui prorsus acquiescerent intuenire potuerunt. Nam
quod quidā dixerunt esse modum soli Deo cognitum, ij diuinare non respon-
dere videntur. Vnde enim illis cōstat Deū scire talem modū vnionis inter du-
as substantias qui nec sit vnitas suppositi, nec vnitas essentiae? prater hanc enim
duo, nihil est in re, in quo possit fieri vnio. Alij vero, quibus applaudere vi-
detur Zaborouius, prodigiosam vbiquitatem Corporis Christi introducunt.
Quia enim Corpus Christi est vnitum hypostaticē VERBO, VERBUM autem
est vbique, inferunt isti Corpus quoq; Christi esse vbique: quod si vbique,
ergo & in pane Sacramentali. Verū nihil ineptius & improbabilius ex-
cogitari poterat. Ea enim vbiquitas, ut nihil aliud dicam, totam Sacramen-
ti rationem euerit. Nam non ex institutione Sacramentali, sed ex vnione
cum VERBO citra omnem institutionem esset praesentia Corporis Christi in
Sacramento; ita ut non illa verba Christi quibus hoc Sacramentum instituit,
Hoc est Corpus meum, sint causā praesentiae Corporis Christi in Sacramento:
sed vbiquitas, quae ex vnione hypostatica cum VERBO confurgit. Neq; ma-
gis in pane esset Corpus Christi, quā in omnibus alijs cibis. Deinde si Cor-
pus Christi esset vbique: esset extra panem, & extra Sacramentum. Nulla igitur
esset necessitas panis Sacramentalis: posset enim edi aequē verē ac propriē
in alijs cibis, sicut in pane. Insulsa enim est illa Luteri responsio: esse qui-
dem alibi, sed in solo pane capi posse. Sicut enim, quia in pane est, in pane
editur & capitur: ita quia in alijs cibis est, in alijs quoque cibis editur & ca-
pitur.

At verbum Dei, inquit, ostendit in pane quaerendum; edendum, &
capiendum esse Corpus Christi. Ineptē sanē. Si enim verbum Dei ostendit
Corpus Christi esse vbique: consequenter ostendit vbique illud quaeri, edi,
capi posse. sicut enim in pane quaeri & capi potest, quia ibi est, ita & in alijs
cibis. Quod si verbum Dei in solo pane quaeri & capi Corpus Christi ostendit:
argumento est extra panem in alijs cibis non esse: si enim esset, ibi quo-
que quaeri & capi posset: nam & Fide credi vbique potest & adorari, & ex
consequenti capi (credere siquidem est capere) & ore sicut in pane ita in a-
lijs quoque cibis sumi & edi posset. frustra quē Christus panem instituisse
symbolum Corporis sui, si omnes alij cibi aequē essent symbola idem continētia.

Quod si dicant effectum & energiam Corporis & Sanguinis sui solum
symbolis panis & vini alligasse: hinc sequetur ea symbola non differre ab a-
lijs in

alij in ratione substantia & Sacramenti, sed in effectu dūtaxat. ac proinde æquē aut hoc sym-
alij cibi essent Sacramenta Corporis Christi: quia æquē continerent Corpus bolum non
Christi. licet non æquē effectus illius operarentur in nobis. quod longe ab- differet ab a-
surdissimum est. quoties enim (ut alia taceam) indignē & irreuerenter Cor- lijs in ratio-
pus Christi sumeretur à nobis in quibusvis cibis contra præceptum Pauli? ne Sacramē-
ti. 5.

Adhæc euerteretur etiam vltus huius Sacramenti. quia Corpus Christi omnino Cor-
verè edi à nobis non posset. Id enim quod editur mouetur ab ore ad stoma- pus Christi e-
chum. At quod vbique est moueri non potest. cum & locum priorem de- di non posset.

Denique id, cuius gratia totum hoc monstrum vbiquitatis confectum 7.
est, ex vbiquitate nullum præsidium habet. Nam licet propter vbiquitatem vbiquitas nō
Corpus Christi esset etiam in pane: non tamen propterea panis esset Corpus faceret panē
Christi. Sicut nec propter vbiquitatem Dei in omnibus rebus omnes res sunt Corpus Chri-
Deus. Non igitur ex vbiquitate, neque ex vnione per vbiquitatem possunt sti.
ostendere Luterani panem dici posse Corpus Christi.

Quam verò absurda consecutione collegerint vbiquitatem Corporis Luterana
Christi ex vnione cum persona VERBI, quæ est vbique: id vel exemplo ani- sententia ex
mæ rationalis perspicuum est. Neque enim, quia caput vnitur animæ, ne- put hominis
cesse est illud existere ubicunque fuerit anima: alioqui existeret in pedibus; est pes, aut
cum anima eadem numero ibi quoque existat. Quocirca neq; Corpus Chri- in pede.
sti necesse est vbique existere, quia persona VERBI cui ipsum vnitum est vbi-
que existit.

Verum nos quoque vbiquitarios esse ostendere nititur Zabot. Si, inquit, Zab oronius
Corpus Christi est multipræfens, quia in multis hostijs: omni præfens sit necesse nos V bique-
est. Quid ineptius? à multis enim ad omnia argumentari ineptissimum. Nū tarijs adscri-
quid enim, si quis in multis prouincijs fuerit, cum in omnibus fuisse necessa- bit ridiculē,
rium erit? Nam si dicat, ea ratione qua Corpus Christi est in multis simul 1.
præfens, esse quoque in omnibus; id minime verum est. Quia quòd sit in
multis hostijs præfens, habet hoc non ex natura sua, sed ex diuina operatio-
ne, & conuersione panis in Corpus Christi: quam operationem & conuer-
sionē non est necesse esse vbique, sed vbi Deus vult. Quod si causa præsentia
Corporis Christi non est vbique, neq; præsentiam Corporis necesse est esse
vbique.

2.

Sed alio argumento rem vrget. Si enim Corpus Christi repleat totum spatium loci interiectum inter Eucharistias inter se, & Corpus Christi in cœlo: erit proculdubio vbique. Si verò non replet: ergo quot hostiæ consecratæ, tot erunt diuisa & multiplicata Corpora Christi. Verùm neutrum recte à Zaborouio inferitur. Non primum: quia etsi replet totum interiectum spatium, non idcirco replet omnia spatia; quia darentur alia spatia non interiecta, quæ non replerentur Corpore Christi. & sic non sequeretur Corpus Christi esse vbique, sed tantum in omnibus illis locis interiectis, non verò absolute in omnibus locis: quanquam nec hoc sequitur, vt mox ostendam. Non secundum: quia ex diuisione loci non sequitur diuisio in substantia. Alia enim est diuisio substantiæ, alia loci: & licet naturaliter sequatur vna ex altera: vna tamen non est altera, & per Dei potentiam absolutam potest esse vna absq; altera. id enim non implicat contradictionem. Idem igitur Corpus indiuisum in substantia potest esse in pluribus locis diuisum à seipso loco, non substantia.

F.

3. Citat ex
Thoma, quod
non habet:
reticet quod
habet.

Porro cum aducit pro se Aquinatem in *Supplemento q. 83. art. 3.* pro more suo falsa Aquinatem affingit. Neque enim is in illo loco vbiquitatis aliquam facit mentionem: neque ea verba quæ illi affingit habet. Quamuis autem neget ibi etiam per miraculum posse esse idem corpus in pluribus locis localiter, hoc est extense, vt partes corporis respondeant partibus loci: fatetur tamen ibidem Corpus Christi in Sacramento esse non localiter. quod prudens tacuit Zaborouius, ne Aquinatis testimonio seipsum iugularet.

Absurditas
consecrationis
Zaborouiane

En igitur quam egregie probas, non tam nos vbiquitarios esse, quam te inopem omnis rationis & probationis esse. quod & in sequentibus argumentis demonstras. Probas enim panem in Eucharistia ideò manere. quòd de eo quod accepit Christus dixit, *Hoc est Corpus meum*: panem autem accepit: de pane igitur dixit: manet igitur panis. sed quam inepte concludis? Nonne etiam Christus cæco dixit, *Respice. Luc. 18. 42.* & Lazaro mortuo, *Lazare, veni foras. Ioan. 11.* nunquid inde concludes, cæcum post verba Christi mansisse cæcum, & Lazarum mansisse mortuum? Qui n & domi tuæ non eris ita simplex, vt quia carnes crudas è macello ad edendum accepisti, contendas crudas quoq; esse debere, cum tibi ad edendum proponuntur. Disce igitur id quod accipitur, si acceptum benedictione mutetur, non debere manere id quod ante fuit: imò necesse esse nō manere illud, sed in aliud commutari. Hic porro panem materiale accepit quidem Christus; sed illum benedictione mutauit: & fecit esse Corpus suum. Hanc autem mutationem non fuisse accidentalem; sed substantialem; paulo antè probauimus. Non enim panem fecit esse signum Corporis sui, sed Corpus ipsum. Corpus autem

autem est substantia, non accidens. Non igitur sequitur panem post consecrationem manere. sed potius sequitur non manere. sicut nec mansit aqua in vinum permutata: nec Lazarus mansit mortuus ex mortuo in viuum voce Christi mutatus.

Quocirca merito Catholici Doctores negant in verbis Christi particulam *Hoc* significare panis substantiam: sed aiunt significare eam substantiam sub speciebus panis, quam Christus verbis suis esse dicebat & affirmabat, nempe corpus suum. Hoc enim tenebat manibus: hoc demonstrabat, quod dicebat esse corpus suum. Atqui non substantiam panis dicebat esse corpus suum; sed veram suam substantiam. Non igitur particula *Hoc* indicabat substantiam panis. Quamvis enim ante benedictionem teneret substantiam panis: tamen id quod post benedictionem tenebat, & demonstrabat in manibus suis, non erat nisi substantia Corporis Christi. Non igitur idem quod accepit, dixit esse corpus suum. sed aliud accepit, nempe panem materiale: aliud benedicendo fecit & verbis indicauit, nempe Corpus suum.

Næque vero cum dicimus panem benedictum, hoc est benedictione mutatum, esse corpus Christi, panem materiale intelligimus. panis enim benedictione mutatus non est amplius panis materialis, sed corpus Christi; nec habet aliam essentiam nisi corpus Christi. est enim panis; sed celestis & diuinus, & non aliud quid, nisi Corpus ipsum Christi.

Nam quod ait Zaboronius vocari panem qui frangitur: non alia autem substantia frangitur, nisi substantia panis (Corpus enim Domini non frangitur) manet igitur substantia panis: dissoluendum est in hunc modum. Panem illum quem frangimus, esse ipsum Domini corpus. quod disertis verbis Paulus *1. Cor. 11.* dixit pro nobis frangi τὸ ὑπὲρ ὑμῶν κλῶμενον. Conuenit autem illi frangi, non in natura sua, sed sub speciebus panis: sicut ratione specierum dicitur manducari. idq; siue frangi dicatur per diuisionem, siue per oblationem Deo pro nobis.

Ait præterea non recte afferri pro exemplo Transubstantiationis mutationem aquæ in vinum. At afferunt eam SS. Patres. præcipue S. Cyrillus Ierosolymitanus in sua Catechesi Mystagoga. At, inquit, illa mutatio fuit in vinum, quod non existerat ante: hæc autem statuitur fieri in corpus Christi, quod ante existerat. fieri autem mutationem aliquam in rem præexistentem nullo exemplo doceri potest. Itane verò, cum de potestate Christi agitur, exemplum requiris? Ego verò a te in operibus diuinis & admirandis non exemplum, sed Fidem requiro. Crede verbis Christi dicentis, *Hoc est corpus meum.* & exemplo non egebis. Da enim mihi exemplum alterius mundi conditi; Dei incarnati: da exemplum & aquæ quæ corpus tangat, cor abluat: da exem-

*Argumenta
Catholicorum.*

Panis consecratus non in panis.

sed ipsum Corpus Christi, quod frangitur in specie aliena.

Vini Chanai exemplum, aptum rei nostræ: & aliud similis ab surde poscit.

da exemplum & aquæ in vinum mutata; dic an à sæculo sit auditum, quòd quis aperuerit oculos cæci nati? Nunquid ista sine exemplo non credes? Denique da mihi alteram Eucharistiam: & ego dabo tibi similis mutationis exemplum.

quo non sumus destituti ex nutritione animantis & ratione. 1.

2.

3.

4.

Discrimen vini Chanci & transubstantiationis. 1.

2.

Ore manducandus Christus, non sola Fide. alioqui omnia conuiuia essent Sacramentum.

Verum nec exemplum nobis deest, si exemplis tecum est agendum. Exemplum est in nutritione hominis: in qua cibus, cum conuertitur in hominis substantiam, conuertitur in aliquid præexistens: anima enim rationalis quæ est præcipua pars substantiæ hominis præexistebat. Neque vlla ratio afferri potest, cur conuersio fieri non possit in aliquid præexistens; dummodo succedat in locum eius substantiæ, quæ dicitur in illam conuerti. Nam etiam nouissimæ resurrectionis tempore conuersio fiet in propriam hominis substantiam, quæ antè existerat. Accedit quòd conuersio in terminum, præexistentem, cum sit longè facilius, quàm in non præexistentem, si concedis fieri posse conuersionem in rem non præexistentem, concedas oportet multò magis in præexistentem: siquidem ibi terminus produci debet (quod est difficilius) hic verò adducitur non producitur.

Mutationem igitur illam aquæ in vinum in hoc similem esse huic nostræ conuersioni dicimus. quòd vtraque sit per destructionem præcedentis substantiæ, & successionem nouæ ex vi præcedentis destructionis. Differunt autem, quòd illa est conuersio in id, quod antè non existerat, sed in ipsa conuersione productum est: hæc verò est in Corpus Domini præexistens, est quæ conuersio adductiua non productiua. vere tamen est substantialis conuersio, quia fit per destructionem substantialem alterius substantiæ. Differunt item, quod in illa cum substantia aquæ mutata sint omnia accidentia aquæ: in hac verò remanent omnia accidentia panis substantia solum mutata. Ineptè verò hinc infert Zaborouius, si, inquit, accidentia panis sunt: panis ergo illorum subiectum. Non enim eo sensu dicuntur accidentia panis, quòd sint in pane tanquam in subiecto: sed quòd antè fuerint accidentia panis, nunc verò absque subiecto diuina virtute existant.

Tandem Fide manducandum esse Corpus Christi non ore docet Zaborouius, quia, inquit, Fidei non ori promissum est Corpus Christi. Quasi verò Christus, cum daret Apostolis Corpus suum ad manducandum, non de oris manducatione sit loquutus. Quare & Paulus indignè manducantes pronuntiat reos Corporis Domini. quia non diiudicant Corpus Domini esse quod manducant. Certè indignè manducantes non Fide sed ore manducant. Quamuis autem non sine Fide Christus à nobis manducari voluit Corpus suum: non tamen sola Fide: sed & ore corde. Alioqui si Fide sola, non autem re ipsa manducaretur: in omnibus conuiujs manducando panem, vinum quæ

num quē bibendo, & Fide renouando memoriam Corporis & Sanguinis Domini, celebraretur Sacramentum Eucharistiæ.

Nam quod responder Zabor: non extare promissa Christi de præsentia Corporis & Sanguinis Domini in conuiuiis: id, inquam, futile est. Quia si præter memoriam nihil ad hoc Sacramentum requiritur, & promissa Christi spectant ad eos omnes qui memoriam passionis eius fecerint panem manducando: uti volunt Calvinistæ: proculdubio spectabunt etiam ad eos, qui in conuiuiis suos panes edunt & vina bibunt memoriam passionis Christi facientes. & sic omnes panes replerentur Corpore Domini, & dolia Sanguine. Neque ad hoc oportet extare alia promissa Christi.

Neque verò idem absurdum apud nos sequitur, si Sacerdos in foro panes consecret: uti obicit Zaboruius. Est enim in eo magnum discrimen. Nam si quis in conuiuium memoriam passionis faciat manducando panem, nihil indignum facit, sed rem valde piam & sanctam. At si Sacerdos in foro consecret, indigne consecrat, & magnam irreuerentiam Corpori Domini, quod verè & realiter existit in pane consecrato, irrogat. Quocirca nostrum Sacramentum non est in foro nisi per abusum: Euangelica verò cœna esse potest in conuiuiis omnibus per usum, siquidem ad usum nihil aliud requiritur, nisi memoria passionis Domini, quæ sancte in conuiuium quoque fieri potest.

Scriptum est, inquit: *Qui manducat meam carnem, & bibit meum sanguinem, in me manet, & ego in illo.* Si ergo manducatur Christus, ut ipsū in nobis manentem habeamus: talis erit manducatio, qualis in nobis mansio. Sed per Fidem, inquit Paulus, *Christum habitare in cordibus nostris.* ergo & per Fidem debet manducari. Inepta conclusio. Non enim Paulus ait per solam Fidem exclusis omnibus aliis mediis Christum habitare in cordibus nostris. Nam etiam per carnis suæ præsentiam manet in nobis in hoc Sacramento, cum carnem eius manducamus. non solum quod hæc mansio sequatur ex reali manducatione carnis Christi: sed etiam quod ita Christus ipse explicauit. *Ioan. 6. 58. Sicut misit me viuens Pater, & ego vivo propter Patrem: & qui manducat me, & ipse viuet propter me.* Viuit autem Christus propter Patrem essentialiter in se manentem; quare & qui manducat Christum, viuet propter Christum realiter in se manentem; ita ut à reali eius præsentia vita in anima nostra oriatur & effluat.

Ineptè quoque realem Christi in Eucharistia præsentiam carnalem vocat. Licet enim caro vera sit: non tamen carnaliter, id est modo carnis proprio, in Sacramento existit. Modus etenim carnis proprius est visibiliter & diuissibiliter existere. Hoc autem modo non existit caro Christi in Sacramento.

id promissione sola Christi non bene expedit Zaboruius.

ea difficultas nobis nulla.

Manet in nobis Christus corpore suo. non per solam Fidem.

non tamen carnaliter est in Sacramento.

mento : quia & inuisibiliter, & inextensè ac indiuisibiliter existit, tota in tota hostia, tota in qualibet eius parte. qui modus, quia mysticus est & spiritualis (res enim spirituales hoc modo existunt) ideo non carnaliter, sed mystice & spiritualiter, verè tamen dicimus Carnem Christi in hoc Sacramento existere. Carnaliter sanè existeret, si & forma visibili esset, & per partes manducando discerperetur. vti in aliis carnibus cùm manducantur carnaliter fieri solet. At hic cùm nil horum accadat, non potest dici carnaliter existere.

*Tangere Cbris-
tum sine Fi-
de inutile. at
hoc nihil pro
Zaborouio-*

Quæ verò de inutili contactu corporis Christi sine Fide assert, nullius momenti sunt. Quis enim non videt, sicut sine Fide contactum realem Corporis Christi inutilem esse, ita cum Fide esse maximè salutarem? Contactus Corporis Christi illud indignè sumentibus non solum non utilis est, sed & perniciosus teste Paulo. At idem contactus in sumentibus dignè est salutis & vitæ aternæ causa. Vtrique verè tangunt Corpus Christi : sed hi ex tactu referunt vitam, illi mortem. Neque enim cùm Fide tangunt, solum ex Fide referunt fructum : sed ex ipsa etiam Corporis Domini sanctitate : quod opes suas nonnisi in eos effundit, qui illud cum Fide perceperint. Quomodo enim Corpus illud diuino & viuificante spiritu plenum ex se inutile sit, & nullos in nobis vitæ & sanctitatis fructus edat? *Spiritus enim est qui viuificat, caro non prodest.* quam ibidem Christus rationem exposuit, ostendens quomodo caro ipsius manducata à nobis nos viuificet. Viuificat enim nos, non carnis sed spiritus vitam nobis tribuendo. Hoc autem ipsum, quod nobis vitam spiritualem tribuat, habet non tanquam sola Caro : sic enim ex se non prodest quicquam. sed tanquam Caro diuino & viuificante spiritu plena : sic enim habet vim viuificandi animas nostras.

*at non sola ta-
ctio per Fidē
salutaris.*

Quocirca inepta est illa quam toties repetit Zaborouius argumentatio: Caro Christi sine Fide non prodest : ergo absolute non prodest. Certum enim est cum Fide non solum ex Fide prodesse, sed etiam ex seipsa, & sua qua prædita est sanctitate. Est enim *Caro pro mundi vita.* Et sicut nobis redemptionem meruit : ita & fructus redemptionis conferre potest. Nam & cibus corporalis sine calore quidem stomachi non prodest : cum calore tamen non solum ratione caloris, sed etiam ratione sui prodest plurimum. Quare & Hæmorrhoida ex contactu Corporis Christi cum Fide coniuncto retulit corporis sanitatem. pessimè què interpretatur illa Christi verba : *Fides tua non contactus te saluam fecit.* De Fide enim, quam tægendæ simbram vestimenti eius ostendebat ; qua què credebatur se saluam fore, si vestimenti eius simbram tangeret, loquebatur Christus. Hæc autem Fides non excludebat, sed includebat potestatem Corporis Christi ad conferendum sanitatem.

miratam. Neque dubium est, ex corpore Christi virtutem illam prodiisse, quam ex se egressam Christus illico dixit se persensisse. Porro cum Ambrosium adducit *6. in Lucam cap: 7.* dicentem Fide tangi Christum non corpore; certum est, quia non negat Ambrosius corpore Christum tangi: siquidem & Hæmorhoissa tunc corpore tangebatur: sed tactum hunc sine Fide non valere. mox enim addit: *Non tangit qui non fideliter tangit.* Cum hoc tamen stat: quod qui cum Fide tangit, utroque modo tangat, & utroque vtiliter. Quæ verò hic Zaborovius de breui & non diuturna præsentia corporis Christi in nobis (quæ scilicet non durat, nisi quamdiu durant species Sacramentales) declamat blasphemiam magis quam reuerenter? Non intelligit quanti res pretii sit, vel ad vnam horam Dei Filium, cœli & terræ Dominum hospitio excipere. cuius hospitij merces vita æterna.

Habere in se Christum vel ad horam summam felicitas.

Quum etiam horrens refert, quæ huic Sacramento, postquam à nobis sumptum est, indigna possunt accidere: horreat etiam ad ea, quæ Christo dum pro nobis pateretur indigna acciderunt: sputa, alapas, verbera, flagella, crucem. quæ tamen sicut non effecerunt, quominus Christus dum ea pateretur esset verus Dei Filius, neque ad ea auertenda declinare mortem voluit: ita propter similia verum Christi corpus in Sacramento esse non desinet. Fit enim ut tantò maior in nos Christi benignitas appareat, & maiorem à nobis honorem mereatur; quantò magis indigna dum nobis prodesset vult à plerisque tolerat. Nam simili etiam ratione plerique Philosophi Deum in omnibus rebus esse olim negabant: quod indignum ducerent in quibusdam vilissimis rebus existere. quod tamen Christiani minimè horrebant: cum dicerent, Deum in rebus vilissimis ita esse, ut ab eis nec lædatur nec inficiatur. Quocirca quamuis Christus in Sacramento verè & realiter existens Evangelicis sit scandalum & stultitia: nobis tamen Catholicis est Dei virtus & sapientia.

Iniurie Sacramenti non impediunt quominus sit nobiscum Christus.

C A P V T III.

Obiecta contra veritatem corporis Christi in Eucharistia diluuntur.

Restat ut argumenta aduersariorum expendamus. Primum est. Sacramenta sunt signa: ergo non res ipsa. cum quæ Eucharistia sit signum corporis Domini, non debet confundi cum corpore Domini. Hoc argumentum iniunctum putat Zaborovius cum sit puerile. Nam in primis Sacramenta sunt signa non inania & vacua, sed plena rerum, rerum inquam quas

Signa mystica Christianorum non sunt inania. continent vel efficiunt. Signa Iudaica erant signa sed inania, res quas significabant non continentia. Agnus v. g. Paschalis signum erat Christi, Christum autem non continebat. Eucharistia cum sit signum nouæ legis, est signum plenum non vacuum: ita enim Christum significat, ut etiam contineat.

ea cum re significata non confundimus. Non recte vero putat Zaboro. signum à nobis confundi cum re signata. Imò ista egregie distinguimus. Nam si de Eucharistia ut continet in se Corpus Christi loquamur: signum erunt species, signatum verò Corpus Christi sub speciebus. Si verò loquamur de Eucharistia, ut est instituta in memoriam passionis Domini: sic Corpus & Sanguis Domini sub speciebus panis & vini, sunt signa representantia diuisionem illam Corporis & Sanguinis Domini pro nobis in cruce factam. Nam licet idem sit utrobique Corpus Domini; non tamen secundum eandem formam & speciem: potest quæ idem secundum vnâ formam representare seipsum secundum aliam formam. ut si Princeps è pugna reuersus suam ipsius cum hoste dimicationem proprijs actionibus representet. Si denique agatur de Eucharistia, ut est signum gratiæ & refectionis spiritualis, quæ nobis in hoc Sacramento confertur: sic hoc Sacramentum sub specie panis & vini institutum est signum & causa gratiæ, quam efficit in anima. Nam quatenus est sub speciebus panis & vini, significat hanc refectionem: quatenus verò est Corpus Domini, vim habet cauſandi & efficiendi gratiam quam significat.

Gratiam continent ut cauſa. Neque enim dicimus, ut nobis imponit Zaborouius, gratiam in Sacramentis tanquam aquam in vase contineri: sed tanquam effectum in causa, id quæ ex Christi ipsius institutione. Quam efficientiam licet Euangelici soli Fidei tribuant: Scriptura tamen tribuit etiam Sacramentis, nonnisi tamen Fide susceptis. *Baptizare, & ablue peccata tua: inuocato nomine ipsius. Act. 22. 16.* Itaque licet sine Fide Sacramenta ab adultis suscepta non profint: cum Fide tamen suscepta, non solum propter Fidem, sed etiam propter ipsa Sacramenta, quæ ex Christi institutione eam vim acceperunt, profunt plurimum.

non eadem ratio Baptismi & Eucharist. Insulse porro obijcit Zaborou. Si in Baptismo citra vllam mutationem essentialẽ aquæ Christum induimus, & à peccato purgamur: ergo & in cœna Domini citra mutationem essentialẽ panis & vini possumus esse participes Corporis & Sanguinis Domini. Quis namque non videt diuersam esse institutionem horum Sacramentorum? Nam in Baptismo Christus nõ instituit, ut aqua mutaretur in aliquid: in Eucharistia verò statuit, ut panis & vinum benedictione mutarentur in Corpus & Sanguinem Domini. Deinde cum panis & vinum, ideo nos faciat participes Corporis & Sanguinis Domini, quia sunt ipsum Corpus & Sanguis Domini, dicente Christo, *Hoc est Corpus*

Corpus, Hic est Sanguis : non possunt autem esse Corpus & Sanguis, nisi mutantur essentialiter in Corpus & Sanguinem Domini. Necesse igitur est panem & vinum mutari essentialiter in Corpus & Sanguinem Domini, alioqui panis & vinum non facient nos eius rei participes, quam nullo modo continent.

Alterum argumentum est. Signa non sunt rerum præsentium, sed absentium. Non igitur Sacramentum est signum Corporis Domini præsentis. Errat Zaborovius cum negat signa esse posse rerum præsentium, quando res illæ per se visibiles non sunt. Sic enim animæ præsentis incorporeæ sunt signa operationes illius, nimirum sensus & motus. Accidentia quoque sunt signa substantiæ : non enim substantiam nisi per accidentia deprehendimus. Similiter causam præsentem ex effectibus tanquam ex signis colligimus, vt ignem ex fumo & calore. Fidei verò in nobis quot signa Christus enumeravit ? *Signa*, inquit, *eos qui crediderint hæc sequentur : in nomine meo demonia ejicient, linguis loquentur novis &c.* Nunquid hæc signa non sunt rei præsentis ?

Signa sunt etiam præsentium in aspectu stabilium.

At, inquit, Eucharistiam ita esse signum Corporis Christi, vt sit eiusdem memoria : memoria autem rerum præsentium non est. En iterum assumit falsum. Quot enim res domi suæ Zaborovius habet, quarum & obliuisci potest, si è mente excidant ; & meminisse, si in mentem aliquo indicio reuocentur ? Sed & Deum rebus omnibus præsentem esse credimus : & tamen quoties ipsius obliuiscimur ? quoties in nobis illius memoriam excitare debemus ? Quamquam fateor Eucharistiam, quatenus est in memoriâ passionis instituta, esse signum rei præteritæ non præsentis : passio enim est res præterita, & Corpus Christi fuit non est in cruce. quatenus verò est signum Corporis Domini sub speciebus panis, sic est signum rei præsentis.

memoria itidem.

Tertium argumentum. Sacramentum hoc panis & vinum dicitur quinquies à Paulo. manet igitur panis natura. alioqui improprie & figuratè diceretur panis. Verum si Sacramentum hoc diceretur panis materialis, rectè sanè concluderetur manere naturam panis : sine natura enim panis non est proprie panis. At quia hoc Sacramentum nullibi dicitur panis materialis : sed vel panis cœlestis qui de cœlo descendit, vel panis qui sit Corpus Christi : idcirco non sequitur manere in eo terrenam & materialem substantiam, sed cœlestem ac diuinam ; nempe essentiam Corporis Christi. Dicitur porro Eucharistia panis, vel propter externam formam & speciem panis : vel quia est panis benedictione mutatus in Corpus Christi, ac proinde non aliam habet essentiam nisi essentiam Corporis Christi, sicut *Ioan : 2.* aqua dicitur vinum facta. Columba verò & linguæ igneæ, in quibus Spiritus sanctus apparuit,

Eucharistia panis quomodo dicatur.

Stolidum argumentum Zaborouij.

ruit, *Luc. 3. Act. 2.* propter externam speciem & apparentiam solum ijs nominibus nuncupantur, non propter veram naturam columbæ & linguarum. Ridiculè verò hic Zaborouius probat, columbam & linguas non fuisse Spiritum sanctum. Nam, inquit, finitæ erant: Spiritus S. finitus non est. Argumentatio sane ineptissima. Sic enim probaret Filium Dei non esse hominem: quia Filius Dei est infinitus, homo finitus. Sed neque nos columbam & linguas diximus Spiritum sanctum.

F. Tertulliano Eucharistia dicitur figura, sed oribodoxè.

Adducit porro Tertullianum, Ambrosium, Augustinum, dicente eos agnoscere in Eucharistia figuram & signum Corporis Domini. at more suo falsò & contra horum Patrum mentem. Nam illi ita figuram agnoscunt, ut simul etiam agnoscant veritatem: diuerso què respectu utrumq; affirmant: nempe & figuram Corporis in cruce, & veritatem Corporis in Sacramento. Quanquam, quod attinet ad Tertullianum, is planè contrarium. quid 4. *contra Marcionem docet*: nempe in Eucharistia non tam esse figuram, à Christo institutam, quam impletam. Vult enim eo loco probare Christum veteris legis figuras impleuisse, & pro figuris substituisse veritatem: id què tum in alijs suis operibus, tum verò in Eucharistia. Cum enim in veteri lege panis esset figura Corporis Domini, propter quod & Ieremias Christi Corpus panè vocauit dicens: *Mittamus lignum in panem eius*. hanc figuram panis quæ erat in veteri Testamento impleuit; & còuertit Christus in veritatè, quando panem fecit Corpus suum, dando id reapse, quod panis figurabat. Sic itaq; Doctor iste ait: *Acceptum panem & distributum Corpus illum suum fecit, dicendo: Hoc est Corpus meum; id est, figura Corporis mei. Figura enim non fuisset, nisi veritatis esset Corpus: ac si diceret, Hæc est figura impleta Corporis mei; seu Hoc est quod de Corpore meo olim per figuras prænuntiabatur. Quam Tertulliani mentem ipsius quoq; ratio indicat. Figura enim, inquit, non fuisset, nisi veritatis esset Corpus: hoc est, nisi illi veritas Corporis responderet. Quia igitur in hoc Sacramento figuris respondet veritas Corporis: ideo dicit, Hoc est illa figura Corporis mei nunc impleta in veritatè Corporis mei. Sed quamuis clarissimè ea mens sit Tertulliani, uti, qui locum legit, negare non potest: tamen non est nouum Zaborouio Patrum testimonia torquere & falsare, non veritatis studio, sed fuci faciendi causa.*

Cyrilli & Augusti sententia Eucharistia non est panis aut vinum.

Quanto satius audiret Zaborou. S. Cyrillum Ierosolymitanum de hoc Sacramento dicentem in sua *Catechesi 4. Pro certissimo habeas, panem hunc qui videtur à nobis non esse panem; etiamsi gustus panem esse sentiat, sed Corpus Christi.* quod etiam ait dari sub specie panis. Audiret & Augustinum 3. de *Trin. c. 10.* ubi inquit. *In illa specie, nempe panis, omnino Dominum oculis mortalium apparere.* Respondet Zaborou. Cyrilli Catecheses esse suspectæ fidei.

fidei. repertæ enim sunt cum inscriptione Ioannis Ierosolymitani. At Zaborouius, & auctorem non citat qui id asserat, & scriptores grauissimi hoc opus esse Cyrilli absq; vlllo dubio affirmant: inter quos est Bellarm. *lib. 2. de Eucharistia cap. 13.* Deinde explicat aut potius peruertit sensum Cyrilli: quasi solum diceret, non esse panem vulgarem sed benedictum. At quis nõ vider gustum non iudicare, vtrum sit panis benedictus vel non benedictus? sed solum iudicat panem naturalem, qualis esse solet sub accidentibus. Quauis igitur gustus iudicet esse panem naturalem; tamen vult sanctus Pater nõ esse panem, sed Corpus Christi, & sub specie panis non substantiam panis dari, sed Corpus ipsum Christi.

Augustinum verò ait hyperbolicè loqui. non enim in Sacramento oculis mortalium Dominus apparet, sed accidentia. Pari ratione negare quoq; posset Deum apparuisse in carne: quia accidentia immèdiatè apparent non Diuinitas. Quis tam ineptè argumentantem ferat? Porro Augustinum verè non hyperbolicè loqui testantur ipsa verba, cum ait: *Fideles nihil aliud credere, nisi Dominum oculis apparuisse mortaliū in illa specie, & liquorem illum de latere Christi omnino fluxisse.* Quod Augustinus omnino vult credi, quomodo hyperbolicè loquitur? Sed hyperbolè Zaborouio est, quicquid ipse non credit.

Zaborouiana responsio infert Deum non apparuisse in carne.

Duo verò loca, quæ pro se hic adducit Zaborouius, falsò citantur. de *Consecr. d. 2. Can. Qui manducat.* Nihil enim tale ibi dicitur, sed contraria omnia. Quanquam à Patribus aliquando dicitur, si formam externam Sacramenti spectes, non esse veritatem Corporis; sed figuram. si verò id quod Fide interiùs creditur, est veritas Corporis Christi. Vnde *Can. Corpus Christi. de consecratione dist. 2.* dicitur: *Corpus Christi quod sumitur de altari, figura est, dum panis & vinum extrà videtur: veritas autem, dum Corpus & Sanguis Christi in veritate interiùs creditur.* At Zaborouius noster, cum verba solum capet non sensum; si quid contra veritatem Corporis in dictis Patrum in speciem inuenit, non Patrum, sed suo, id est, hæretico sensu exponit, quod non est hominis veritatem amanti. De duplici enim veritate corporis Christi Patres loquuntur. Altera est, quod externam speciem quæ sensibus obijciat, & sic Corpus Christi dicunt non esse verum: quia non secundum suam veram speciem apparet, sed in mysterio, & figura panis velatum, quomodo accipienda sunt verba Augustini quæ citat Zabor. *Cælestis panis qui est Caro Christi, suo modo dicitur Corpus Christi, non rei veritate sed significante mysterio: quia non secundum veram suam speciem apparet, sed in mysterio & in signo.* Sic idem Augustinus in *Psal. 98.* loquitur. *Non hoc Corpus quod videtis manducaturi estis, nec bibaturi illum Sanguinem, quem*

F.

Quod sensu percipitur nõ est verũ corpus, et quod Fide.

De Notis Ministrorum

futuri sunt qui me crucifigent. Sacramentum aliquod commendavi vobis. ibi non hoc Corpus quod videtis, intelligit Corpus sub forma propria visibili, opponit què illud Corpori sub forma Sacramentali. Alio modo loquuntur Patres de veritate Corporis Christi quoad substantiam. Et sic non solum non negant veritatem Corporis Christi in Sacramento: sed multis argumentis eam comprobant, vt ex dictis manifestum est. Non igitur verba Patrum quomodoque; captanda sunt, sed eo quo ab ipsis intelliguntur sensu accipienda.

Est Christus corpore in cœlo, & in terra.

Quantum argumentum est; Scriptura ostendit Christum in cœlo ad dexteram Dei, soluitur; Eadem Scriptura quæ ostendit Christum in cœlo, ostendit etiam in Sacramento. Christus enim qui est ipsa veritas dixit; *Hoc est Corpus meum*. Vtrumque igitur verum est: quia vtrumque; Scriptura dicit. vtrumque credendum. Nam & forma sua visibili, qua Christus mundum reliquit, ascendit in cœlum, sedet què ad dexteram Patris, credimus eum esse in cœlo; nec inde recessurum vsq; ad iudicii diem ad *tempus restitutionis omnium. Act. 3. 21.* In forma autem panis & vini, inuisibili sed vero modo, credimus eum esse in Sacramento. Neque enim, vt sit in Sacramento, debet cœlum relinquere, aut non esse ad dexteram Patris.

non tamen multiplex illi corpus.

Stultum etiam est, quod infert Zaborouius, Christum habiturum duo corpora, vnum visibile in cœlo, aliud inuisibile in Sacramento. Nunquid enim Christus, quoties Corpus suum nunc visibile nunc inuisibile reddebat, plura corpora habuisse censendus est? Nam post resurrectionem vbi & quando volebat, videndum se exhibebat? tum tenendo oculos discipulorum, ne eum agnoscerent: tum euanescente ex oculis: tum repente in medio discipulorum comparando, nullo antè apparente accessu & motu. Non igitur inuisibilitas corpus Christi reddit diuersum corpus. Etenim licet non possit idem corpus esse simul natura visibile, & natura inuisibile: tamen potest corpus, quod est natura visibile, reddi ex accidenti inuisibile. Quocirca & in Sacramento corpus Christi est ex natura sua visibile: habet enim naturam, & accidentia omnia, secundum quæ visibile esse & videri posset, si suo modo naturali & extenso existeret. sed ex modo illo inextenso & indiuisibili essendi, quem habet in Sacramento, efficitur inuisibile. Nihil enim videtur nisi extensum & quantum. Qui modus existendi cum sit accidentarius Corpori Christi: fit vt ex accidenti solum corpus Christi sit inuisibile in Sacramento: in cœlo verò, vbi habet suum naturalem essendi modum, nempe extensum & quantum, sit visibile.

Stultissima deprauatio o-

Similiter & illud insipienter contra Eucharistiam obijcitur ex *Matth. 24. 23. Si quis vobis dixerit; Ecce hic est Christus, aut illic: nolite credere.*

Luce

Luce enim clarius est, non de Eucharistia, sed de pseudochristis, qui tanquam veri Messiae praedicuntur visibiliter venturi (sicut & reuera fuerunt innumeri) eo loco sermonem esse, mox namque subiungitur; *Surgent enim pseudochristi & pseudoprophetae*. Pseudochristi seipsum pro Christo & Messia proponunt: pseudoprophetae falsos Messias signis etiam & prodigijs indicabunt. Quod si ad Eucharistiam eam praedictionem trahant, primum pseudochristum nobis ipsum Christum facient, is enim primus nobis seipsum in Eucharistia indicauit dicens; *Hoc est Corpus meum*. licet verbis ipsius Fidem non habeant Euangelici.

Tandem duo alia subiicit Zaborouius, primum: Memoria, inquit, est corporis Christi in cruce suffixi. non est igitur corpus verum. Quasi verò ista duo componi non possint, ut utrumque sit verum quod Christus dixit. Cum enim dixerit; *Hoc est Corpus meum*, credendum est esse verum Corpus: dixit etiam esse memoriam suae passionis & mortis: credendum etiam est, veritati Corporis eius in hoc Sacramento adiungi debere memoriam passionis & mortis. Hoc enim ipsum Corpus nobis in Sacramento sub forma panis datur, quod pro nobis traditum est in cruce in mortem: ac proinde ex se idoneum est ad excitandam in nobis memoriam mortis Christi; ita ut nullum potentius & praesentius remedium sit ad renouandam mortem Christi mentem, quam si quis secum reputet se illud Corpus sub panis specie sumere, quod in cruce pro ipso fuerat traditum. Immerito itaque Euangelici memoriam mortis Christi excludi putant in hoc Sacramento veritatem corporis Christi: cum non solum non excludatur; sed ipsa etiam memoria mortis Christi nulla ex re magis, quam ex veritate & praesentia Corporis Christi in hoc Sacramento excitetur.

*Memoria
mortis Christi non excluditur corpus eius à Sacramento.*

Alterum argumentum sumit ex particula *hoc*. Si enim, inquit, hanc particulam ad panem referas, erit propositio; Panis est Corpus meum. quae erit necessariò aut figurata, aut ad litteram falsa. Si referas ad accidentia: haec eadem erunt Christi Corpus. quod etiam est falsum. Sin referas ad Corpus: sequetur iam Corpus praexistere, & ita per ista verba consecrationem non fieri. cum enim verba recitas non dicis, hoc mox in momento erit: sed dicis, *Hoc est Corpus meum*. Putat Zaborouius hunc nodum esse talem, qui expediri non possit: sed nodus stramineus est, & ex ignorantia atque ruditate profectus.

*Zaborouius
argumētator
rudissimus.*

Dico igitur Christum Dominum particula *hoc* demonstrasse id quod dicebat: dicebat autem esse Corpus, non panem materiale: demonstrabat igitur Corpus, non panem. ut sit sensus; Hoc quod vobis me tradere dico & demonstro, non est aliud quid, nisi Corpus meum. Si enim Christus non

Christus corpus suum indicat non panem.

flus non

stus non explicasset id quod demonstrabat & tradebat, possemus dicere, panem materiale quem in manus acceperat demonstrasse: at cum clare explicauerit se demonstrare Corpus suum; dicere non possumus demonstrasse nobis panem materiale, sed eum mutasse in Corpus suum. Ad hoc enim accepit panem materiale, ut illum verbis suis efficeret Corpus suum. Non igitur exurger illa propositio; Panis materialis est Corpus: neque ad hoc Sacramentum siue in proprio siue in figurato sensu pertinebit: siquidem particula *hoc* ad panem materiale non refertur.

*nec præexti-
tisse corpus
necessarium.*

Neque etiam opus est prius existere Corpus, quam per particulam *hoc* demonstretur. Nam verba, quæ explicant id quod demonstratur, non prius demonstrant quam explicant: demonstrant enim secundum explicationem, ac proinde in fine prolationis. Exempla sunt manifesta. *Ioan: 15.* dicit Christus; *Hoc est præceptum meum ut diligatis inuicem.* prius dixit; *Hoc est præceptum*, tum indicauit rem illam de qua loquebatur, nempe; *ut diligatis inuicem.* Et rursus prius dicit; *Hæc mando vobis:* & post subiungit ea quæ mandat. Apud Prophetas etiam passim habetur; *Hæc dicit Dominus:* tum subiunguntur ea quæ dicit Dominus. Non igitur est necesse, ut particulam *hoc* præcedat semper id ad quod ipsa refertur. Tantò verò minus in verbis consecrationis. quæ cum sint verba nō speculatiua sed practica (hoc est nō solum signifiatiua sed & operatoria, seu efficientia id quod significant) non possunt demonstrare rem præcedentem, sed quæ ipsi verbis prolatis efficitur. Potest quæ id etiam exemplis declarari. Si quis enim pingendo lineam vel circulum dicat, *Hæc est linea, Hic est circulus:* pronomen demonstratiuū non indicat rem præcedentem, sed quæ tunc fit cum dicitur. Similiter si cogitemus Christum in Chana Galilææ verbis istis *Hoc est vinum*, mutasse aquam in vinum: particula *hoc* non demonstraret vinum præcedens, sed id quod per ea verba factum esset.

2.

Denique si panem Christus demonstrare voluisset, dixisset *Hic panis est Corpus meum*, non; *Hoc est Corpus meum.* Cum enim res aliqua nota demonstratur, non loquimur sic. Verbi gratia de fratre non dico; *Hoc est frater meus*, sed; *Hic est frater meus:* quia notus est is qui demonstratur. At cum rem ignotam demonstramus, verbi gratia remotum nescio quid, dicimus; *Illud est homo, vel arbor.* Apostolis autem notissimum erat, panem fuisse quem accepit Christus. Si igitur Christus panem demonstrare voluisset, dixisset *Hic panis*, non *Hoc Corpus meum.*

Atque ex his patere potest, quàm vana sint & futilia, quæ ab Euangelicis aduersus veritatem Sanctissimi huius Sacramenti, & aduersus diuinam illud conficiendi potestatem, afferuntur; ita ut liceat hic quoque illa Diui Augustini

Augustini verba usurpare, quæ de similibus Hæreticorum argumentis scripsit 22. Ciuit. Dei cap. 11. *Ecce qualibus argumentis omnipotentia Dei humana contradicit infirmitas, quam possidet vanitas!*

C A P V T IV.

Ministros Euangelicos dissipatores non dispensatores Sacramentorum esse, ac proinde non esse veros Christi Ministros.
de quæ numero & virtute Sacramentorum.

Sic nos existimet homo, inquit Paulus, *ut Ministros Christi & dispensatores* *myeriorum Dei*: Ministros, inquam, non litera sed spiritu, quia nimirum ipsorum ministerio confertur Spiritus sanctus. Etsi verò Spiritus S. vnus est: tamen ad varios effectus varijs sensibilibus modis in diuersis Sacramentis voluit illum Christus conferri. Ad regenerationem enim & ablutionem spirituale confertur in Baptismo per sensibilem ablutionem: ad confirmationem & robur quoddam spirituale confertur in Sacramento Confirmationis per vñctionem & signationem sensibilem: ad remissionem peccatorum post Baptismum per Absolutionem externam in Sacramento Pœnitentiæ: ad nutritionem spirituale in Eucharistia sub specie panis & potus: ad alleuiationem spirituale in Sacramento extremæ Vñctionis oleo. in Sacramento verò Ordinis confertur Spiritus sanctus ad dignè exercendas Ordinis functiones per manuum impositionem: denique ad repræsentandam indissolubilem coniunctionem Christi & Ecclesiæ per coniunctionem coniugum in matrimonio confertur Spiritus S. ad ipsum matrimonium dignè exercendum. Cum igitur septem dictis modis sensibilibus detur nobis Spiritus sanctus in Sacramentis ad totidem diuinæ gratiæ effectus, vti ex Scripturis manifestum est: septem quoque sunt fuerunt quæ semper Sacramenta, quorum ministerium & dispensatio commissa est teste Paulo veris Ecclesiæ Ministris.

Varijs Sacramentis datur Spiritus sanctus ad varios vsus.

Et quidem Catholicæ Ecclesiæ Ministri omnia hæc Sacramenta integra & inuoluta ab Apostolorum temporibus ad hæc nostra conseruauerunt; fidelissi nequæ dispensauerunt: vti ex traditione & doctrina Apostolorum per

Euangelici dissipatores myeriorum Dei.

omnes aratum successiones acceperunt. Euangelici porro quinque à Sacramentorum numero penitus reiecerunt magno fidelium detrimento. ab Eucharistia verò Christum, in quo tota huius Sacramenti essentia consistit, sustulerunt & in cœlum Fide quærendum relegarunt: quò fit, vt verum Eucharistiæ Sacramentum non habeant. eius enim essentia est Christus. Solus igitur Baptismus reliquus est: cuius etsi essentiam non negent, virtutem tamen quam habet ex institutione Christi ad gratiam conferendam illi auferrunt; eamque soli Fidei attribuunt. Cum igitur tantam diuinæ gratiæ & Sacramentorum stragem fecerint maximo suo & totius Ecclesiæ malo; quò fieri potest, vt dispensatores, & non potius dissipatores maximi mysteriorum Dei appellari debeant?

*Corpus Christi
si ab Eucharistia reijciat*

Tuetur se hic vt potest Zaborouius, & inprimis quod ad Eucharistiam attinet, ait se non corpus Christi, sed corporalem eius præsentiam ex Eucharistia sustulisse. at quis non videt istas fraudes? Si enim quantum cœlum à terra distat, tantum distare volunt Christi corpus & eius realem præsentiam à Sacramento: an non manifestum est illos omnem veram & realem corporis Christi præsentiam in Sacramento sustulisse, & in eius locum præsentiam per cogitationem & Fidem, quæ non est vera præsentia substituisse?

Aiunt quidem credere se Christum in vsu cœnæ nobis præsentem adesse, & nos corpore suo per Fidem pascere. sed hæc sunt inania verba. Hic enim quærimus de Christi in Sacramento præsentia, & ratione Sacramenti in nobis. Etenim Christus suam præsentiam in Sacramento nobis ostendit: non in cœlo. *Hoc, inquit, est Corpus meum.* In Sacramento quoque Corpus suum dabat ad manducandum. Hi contrà, extra Sacramentum nobis ostendunt præsentiam Christi, nempe in cœlo: quam esse longè diuersam à præsentia Christi in Sacramento per se clarissimum est. Cum igitur aliam nobis Christi præsentiam, nempe extra Sacramentum, obtrudant: fateri coguntur, se omnem Christi in Sacramento veram præsentiam tollere. Nihil enim in Sacramento relinquunt, nisi signum corporis Christi. Verissime quæ illis à nobis obiicitur, quòd Christum à Sacramento sustulerint: pro Christo enim signum eius nudum reliquerunt.

*fiungunt se
Christo pasci
è cœlo, non
ex Eucharistia*

Cum verò aiunt se per Fidem pasci corpore Christi, hoc ipsum non est pasci corpore Christi in Sacramento, sed in cœlo: in cœlum enim euolant, vt ibi Fide Christi corpus apprehendant; eo quæ ibi pascantur. in Sacramento verò corpus Christi nec ore nec Fide percipiunt: siquidem illud esse in Sacramento non credunt. Catholicorum id est proprium, qui vt corpus Christi in Sacramento verè habent; & credunt: ita illud in Sacramento ore simul & mente atque Fide percipiunt ad animarum suarum salutem. Pisci-

enim corpore Christi per Fidem etiam extra Sacramentum fideles possunt. Vnde si in Sacramento nil aliud consequerentur, quam manducationem corporis Christi per Fidem; Sacramentum quo ad hoc nil peculiare haberet. Nam cum Fides æquè haberi possit extra Sacramentum, imò etiam aliquando maior quam in Sacramento: æquè bene aut etiam multò melius posset manducari corpus Christi extra Sacramentum: siquidem tota ista manducatio Fide sola continetur; nec Sacramentum secundum Evangelicos aliud quid facit, nisi quòd per modum signi excitet memoriam & Fidem corporis Christi. qualia signa & in veteri lege fuerunt plurima, & apud nos multa inueniri possunt. Negari enim non potest, quin Euangelium seu lectio passionis Christi, magis in nobis excitet memoriam passionis Christi, quam simplex panis. Et sic magis manducaretur corpus Christi in Euangelio quam in Sacramento. quod quid aliud est, quam diuinissimum hoc Sacramentum euertere, & omni sua dignitate spoliare.

*inde sequitur
potiorem esse
Eucharistia
lectionem E-
uangelij.*

Ait præterea Zaborou: se nulla Sacramenta, quæ verè & propriè ita dici possunt, sustulisse. Negat enim præter Baptismum & Eucharistiam vlla alia verè Sacramenta dici posse. at immeritò. sicut enim in Baptismo ablutio externa est signum sensibile ablutionis internæ, quam Deus per Baptismum in nobis operatur, & ideo verè Sacramentum est: ita & in alijs Sacramentis actiones externæ sunt signa sensibilia operationum internarum. gratiæ diuinæ, quas Deus in nobis per illa Sacramenta efficit. Vnctio enim & signatio in Confirmatione est signum vnctionis & signationis spiritualis, quam Deus in hoc Sacramento efficit. Similiter in Pœnitentia Absolutio externa est signum absolutionis spiritualis, quam in anima Deus per Sacramentum Pœnitentiæ præstat. Ordinatio externa per impositionem manuum est signum illius spiritualis potestatis, quam Deus per Sacramentum Ordinis confert ijs qui ordinantur. Olei quoque vnctio facta infirmo est signum vnctionis gratiæ diuinæ ad languores animæ depellendos. Vinculum quoque Matrimonij est signum gratiæ diuinæ, & coniunctionis spiritualis animæ cum Deo per gratiam & charitatem, quæ in hoc Sacramento confertur. Cum igitur omnes has gratias sub his similitudinibus sensibilibus in Ecclesia instituerit Christus: non minus vna gratia quam altera ad Sacramentum pertinebit, & æquè omnia, quæ dicta sunt, necesse est esse Sacramenta: cum sint signa sensibilia conferentia gratiam, qua definitione Sacramenti essentia tota continetur.

*Sacramenta
septem sunt,
non duo, vt
Zaborouius
asserit*

Vt igitur viâ sibi sternat ad oppugnanda alia Sacramenta: statuit pro fundamento quinq; Sacramentorum conditiones; ad quas stabiliendas ne vnum quidem Scripturæ locum citare potuit: aliquas verò ex proprio capite sine

falsis rationibus confectis,

1.
quod Sacra-
menta sint
sigilla noui
Testamenti.

vlla auctoritate & ratione confinxit. Examinemus singulas. Prima est : vt Sacramentum à solo Christo institutum sit. rectè sanè. hoc enim omnes fate-
mur. sed non ob Zaborouij rationem qua putat Sacramenta tanquam sigilla confirmantia nouum Testamentum ad auctorem eiusdem pertinere : talia enim sigilla ex Scriptura probare non poterit. sed quod, cum habeant annexam promissionem gratiæ diuinæ, quæ sine Christo haberi non potest, necessariò in Christum omnis in nouo Testamento gratiæ auctorem referenda sunt.

2.
quod elemen-
tum externū
visibile habe-
ant.

Secunda : vt habeat externū visibile elementū. quia debet esse inuisibilis gratiæ forma visibilis. Hæc conditio est falsa, si elementum propriè, vti vult Zaboro. accipiat. In solo Baptismo inuenitur elementum, nempe aqua : de solo què Baptismo intelligitur illud Augustini, *Accedit verbum ad elemētum, & fit Sacramentum.* In alijs verò Sacramentis non sunt propriè elementa. sed vel aliæ res, vt in Eucharistia Corpus Christi sub specie panis, in Confirmatione Chrisma, in Extrema vnctione Oleum : vel loco rerum actiones externæ & sensibiles, vt in Pœnitentia actus pœnitentis & actio absoluentis, in Ordine impositio manus, in Matrimonio actio qua contrahitur Matrimonium. id què ratio ab ipso Zaborouio allata conuincit. Nam, si Sacramentum est inuisibilis gratiæ visibilis forma ; manifestum est non solum elementum esse visibilem formam gratiæ, sed alias quoq; res, & actiones, visibili similitudine inuisibilem effectum gratiæ representantes. Vnctio enim externa vnctionis internæ quæ fit à Spiritu sancto, est visibilis forma. sicut & absolutio externa internæ remissionis peccatorū est visibilis forma. At ne ipsi quidē Euangelici panem in Eucharistia dixerint propriè elementum. Quod si impropriè elementum accipi volunt pro eo, quod in alijs Sacramentis elemento aquæ Baptismi suo modo respondet, tale elementum in omnibus Sacramentis non est difficile inuenire. quod tamen non concedet Zaborouius.

3.
quod habeāt
à Christo ob-
signationem
salutis.

Tertia. vt habeat promissionem à solo Christo sibi annexam, non de quauis gratia, sed de obsignatione salutis, in legitimo vsu. Er quidē promissionem gratiæ requiri nemo dubitat : hoc enim propriū & essentiale est Sacramentis nouæ legis, vt non sint solum signa, sed & causa gratiæ, seu instrumenta Dei ad gratiā conferendam : ea què re distinguuntur à Sacramentis legis veteris. At de peculiari aliqua obsignatione salutis per Sacramenta, nihil in Scriptura legimus : sed solum quod per ea conferatur nobis gratia, qua vel regeneremur in Christo, vel iustificemur, vel qua viuamus & in Deo maneamus. Nusquam autem legimus per Sacramenta salutem nostram obsignari. Quod si id per Sacramenta fieri putandum est : id non aliter præstat Sacramenta,

Sacramenta, nisi quia gratiam diuinam nobis conferunt; gratiam, inquam, sanctificantem, ad quam salus consequitur. Cum itaq; Sacramenta omnia gratiam diuinam significant & conferant, omnia quoque erunt illa ratione sigilla salutis. quamuis de hac sigillatione nihil in Scriptura expresse.

Perperam, verò ad promissionem gratiæ in Sacramentis probandam, pro ratione adducitur à Zaborouio testimonium Augustini dicentis; *Accedit verbum ad elementum, & fit Sacramentum.* Non enim ibi de tali verbo, quod sit promissio gratiæ diuinæ, loquitur Augustinus; sed de verbo Sacramentali, quod proferri debet in consecratione Sacramenti, & dicitur forma Sacramenti. v. g. in Baptismo, verba illa *Ego te baptizo in nomine Patris & Filij & Spiritus S.* sunt verba Sacramentalia secundum Augustinum, quæ cum accedunt ad elementum aquæ, conficiunt Sacramentum, quæ verba non promissionem continent, sed expressionem Baptismi.

*id ex Augu-
stino fuci cau-
sa adstruit.*

Quarta, vt sit in nouo Testamento tantum institutum. Hæc conditio, si intelligitur de signo externo & sensibili, falsa est. nam etiam Baptismus, quo ad ablutionem illam sensibilem, fuit in veteri quoque Testamento institutus. Si verò conditio intelligatur de promissione & collatione gratiæ, vera est. quia signis sensibilibus in veteri Testamento non fuit promissa gratia: fuerunt enim nuda & egena elementa, teste Paulo. solum quæ in Testamento nouo datum est rebus sensibilibus, vt significarent & conferrent gratiam sibi à Christo promissam. Zaborouius autem primum sensum videtur respexisse.

*4.
quod sint in-
stituta solum
& primum
à Christo.*

Quinta: vt sit pro tota Ecclesia institutum, ita vt vsus eius sit pro omnibus & singulis duraturus vsq; ad Christi aduentum. Hæc conditio falsa est, & à solo Zaborouio conficta, sine vlllo fundamento in Scripturis & ratione. Nam etiam si essent aliqua Sacramenta pro certo tantum hominum genere instituta, essent verissime Sacramenta: quia essent signa certa, per quæ ex institutione diuina conferretur illis hominibus gratia. quod solum est de ratione Sacramenti. Quamuis autem non negemus Sacramenta esse pro tota Ecclesia hoc sensu, quia in tota Ecclesia sunt homines qui indigent Sacramentis: non tamen eo sensu, vt singuli ijs vti debeant ac possint. Nam nec Eucharistia vti possunt pueri: nec Pœnitentia nisi qui peccata contraxerunt: nec Ordinatio est pro feminis: nec Matrimonium pro pueris, aut ijs qui per votum, aut aliud impedimentum sunt matrimonio minus apti: ita vt ficta prorsus sit illa conditio habenda, quum ad rationem Sacramenti requiritur, vt pro singulis & omnibus in Ecclesia instituantur.

*5.
quod sint pro
singulis. v. g.
Sacerdotium
etiam pro fe-
minis, matri-
monium etiã
pro pueris.*

Breuius & multò melius fecisset, si duas illas Sacramenti conditiones non ita Canon. rasset, à quibus ceteræ pendent, quas quæ omnes, qui de Sacramen-
tali hæc

*non ita Ca-
nolici docet.*

De Notis Ministrorum

ris hæcenus scripserunt, assignarunt: nempe vt sit signum sensibile, & medium ad causandum diuinam in nobis gratiam à Christo institutum.

Argumenta Zaborouiana seu ineptiæ potiùs contra Sacramenta singula. Sed iam singula in particulari Sacramenta oppugnantem & euertentem audiamus.

*Elementum
non in quouis
Sacramento
necessarium.*

Primum igitur duabus ineptissimis rationibus probat Pœnitentiam non esse Sacramentum: quamuis eam, & à Deo institutam, & promissionem diuinæ gratiæ habere non diffiteatur. Prima eius ratio est: quia non habet externum elementum. Egregia verò ratio. quæ si vera sit, ne Eucharistia quidem erit Sacramentum, cum elemento non constet: panis enim elementum non est. Neque vlla Scriptura vel ratio postulat, vt ad omne Sacramentum requiratur elementum: solum enim requiritur signum sensibile, siue illud sit res aliqua sensibilis, siue actio. Nam & aqua in Baptismo, etsi elementum sit, non est tamen Sacramentum vt res, sed vt actio: hoc est, quatenus est ablutio facta in nomine Patris & Filij & Spiritus S. Cum igitur in Sacramento Pœnitentiæ detur actio externa sensibilis, cui est promissa à Christo gratia, nempe pœnitentia ipsa per confessionem externam sensibilis facta: dubitari non debet ei conuenire propriam rationem Sacramenti. Friuolum verò est quod obijcit: non in externis ritibus & signis, sed in contritione interna cordis, quæ insensibilis est, veram contritionem consistere. Nos enim externam pœnitentiam sine interna valere non dicimus: sed internam, si coniungatur cum confessione & pœnitentia externa, dicimus & valere plurimum, & à Christo gratia Sacramentali donatam esse, relicto ad remittenda confitentibus peccata Spiritu S. *Ioannis 20.* Etsi verò contritio interna per seipsam sit bona & placeat Deo. tamen multo Deo gravior est, si cum confessione externa coniungatur; sine qua etiam gratiam Sacramentalem non obtinebit.

*Pœnitentia
ritu Catholico
veteri legi
ignota.*

Altera quoque ratio non minùs inepta est, dum inquit Pœnitentiam cum externis ritibus etià in veteri lege fuisse: non posse igitur nouæ legis esse Sacramentum. Huius enim rationis & antecedens est falsum & consecutio. Antecedens quidem: quia pœnitentia eo ritu externo, quo fit in noua lege, hoc est, cum ritu singula & omnia peccata Sacerdoti confitendi in ordine ad absolutionem Sacramentalem ab illo obtinendam, nusquam in veteri lege fuit vtitata. nos enim non quamuis pœnitentiam, sed solum proprio nouæ legis ritu à Christo institutam, dicimus nouæ legis esse Sacramentum. Consecutio etiam nullius est momenti. Nam etsi daremus pœnitentiam secundum ritum externum omnem fuisse in veteri lege: tamen quia in lege noua additum

tu additum est illi, vt interuentu iudicij Sacerdotalis obtineret remissionem peccatorum; hoc ipso facta est nouæ legis Sacramentum. Sicut Baptismus & ablutio aquæ fuit quoq; in lege veteri. verum quia illa ablutio in noua lege instituta est, vt fieret in nomine Patris & Filij & Spiritus S. idque ad remissionem peccatorum consequendam (quod in veteri lege non habebat) facta est nouæ legis Sacramentum. est enim illi addita ratio Sacramenti, quæ in lege veteri non habebat. Ex quo patet non esse inconueniens eandem rem diuersa ratione ad veterem & nouam legem pertinere. alioqui dicendum esset Baptismum non esse nouæ legis Sacramentum, quia ad veterem quoque suo modo pertinebat.

Iisdem rationibus Ordinis quoque Sacramentum oppugnat Zaboruius nempe quod licet ordinatio & institutum Dei fuerit, & promissionem de donis Spiritus sancti habuerit, non tamen est Sacramentum proprie dictum, tum quia non habet elementum, sed tantum impositionem manuum, quæ est ceremonia quædam: tum quia in veteri quoque lege fuit Ordinatio. at vtraque ratio iam explosa est. Non enim elementum necessariò, sed signum aliquod sensibile, cui annexa sit diuina gratia, requiritur ad rationem Sacramenti: quale signum est in Ordinatione impositio manuum: quæ significat effusionem illam Spiritus sancti in animam Ordinati. Cur enim ablutio externa in Baptismo, significans & efficiens ablationem internam in anima, sit verè Sacramentum: impositio verò manuum, significans & efficiens communicationem Spiritus sancti, non debeat censerì Sacramentum? Nam quod Zaboruius dicit impositionem manuum esse ceremoniam, pari ratione ablutio quoque in Baptismo est ceremonia quædam: verum vtraque Sacramentalis, quia cum communicatione gratiæ diuinæ coniuncta. quod Sacramentum constituit in ratione Sacramenti.

Cum verò ait Zabor. fuisse Ordinationem in lege veteri: non aduertit longè diuersam à nostra fuisse: sicut & ministeria Sacerdotum in vtraque lege sunt diuersissima. Quare igitur nostra Ordinatio ad nouæ legis ministeria non sit Sacramentum: cum hoc modo ad legem veterem non pertineat?

Ait porro me Caluino affinxisse, quasi is Ordinationem Sacramentum proprie dictum concefferit. Sed Caluinus ipse ista me calumnia liberabit. *Institut. c. 40. § 20. & c. 19. § 31.* quibus in locis agnoscit eam verè Sacramentum: cum nihil Sacramenti essenziale in illa desideret. Ideo tamen dicit tantum Sacramenta ait se antea numerasse: quod illa ad omnes, hoc autem ad certam functionem specialis ritus spectaret. ac si diceret, Ordinationem esse Sacramentum, sed non ad omnes fideles spectans.

Iam Matrimonij quoque Sacramentum oppugnat Zabor. quod Christus

nota esset; tamen noua Sacramentum est.

non elementum, sed impositio manuum in Sacerdotis consecrat. requiritur.

hec consecr. à Mosaica diuersa.

Caluin. ali- quando hanc esse Sacramentum docuit.

Matrimonium sicut

magnum Sacramentum.

sicut voluit esse magnum Sacramentum, significans Christi & Ecclesiæ coniunctionem nunquam separabilem: ita illud gratia Sacramentali donauit: vt coniunctione spirituali coniugum, quæ per gratiam diuinam habetur, representetur illa spiritualis coniunctio, quæ est inter Christum & Ecclesiam. Quocirca Paulus *ad Ephe. 5.* viros iubet diligere vxores suas, non quacunque neq; communi cum gentilibus ratione, sed speciali & Christiana: ad eam normam, qua Christus dilexit Ecclesiam: qua nimirum eam gratiam in matrimonio Christiano (nubentes scilicet in Domino) in eum finem consecuti sunt, vt supernaturale hoc mysterium sua etiam spirituali coniunctione celebrantes repræsentarent. Quid hic Zaboruius? Sex leuiculas rationes opponit, vt non esse verum & propriè dictum Sacramentum ostendat.

negat id Zaboruius.

1. quia nullum habet elementum, at id satis iam refutatum est.

2. quia non habet promissionem salutis æternæ, sed tantum benedictionis spiritualis. at nos promissionem gratiæ diuinæ ex eo colligimus quod cum Matrimonium Christianum institutum sit, vt vnione etiam spirituali coniugum repræsentet vnionem spiritualem, quæ est inter Christum & Ecclesiam (hanc enim vnionem spiritualement inter coniuges, vt sit ad normam dilectionis Christi, toties vrget S. Paulus, tanquam debitam ex ipsa Matrimonij Christiani institutione) consequens est, eam gratiam, qua spiritualement vnionem exercent, & vnionem Christi & Ecclesiæ spiritualement repræsentant, ex ipsa institutione Matrimonij proficisci, non quatenus Matrimonium est, sed quatenus Christianum est. Vnde etiam Matrimonium Christianum habet vinculum prorsus indissolubile ex eo, quod institutum sit ad repræsentandam vnionem Christi & Ecclesiæ, quam dissolui est impossibile. Matrimonium verò gentilium etiamsi consumatum sit, dissolui aliquando potest: vti Paulus docet in eo casu, cum alter coniugum conuertitur ad Fidem, cui alter infidelis cohabitare non vult: tale enim Matrimonium dirimi vult Apostolus *1. Cor: 7.* Huc etiam facit, quod Paulus ait *1. Tim: 2. 15. Mulier saluabitur per filiorum generationem: si permanserit in fide & dilectione & sanctificatione cum sobrietate.* Hic enim salus statui Matrimonij promittitur: si permanserint coniuges in quatuor illis bonis, quæ in prima Matrimonij celebratione acceperunt, nempe in fide coniugij, in mutua dilectione & concordia, in sanctificatione & munditia coniugali, in sobrietate & temperantia. Si igitur hæc quatuor bona in ipsa Matrimonij celebratione acceperunt: consequens est ex ipsa institutione Matrimonij haberi diuinam gratiam ad permanendum in his Matrimonij bonis vsque ad mortem. id enim sine diuina gratia fieri non potest.

Præuolum verò est, quod ait Zaboro. Coniuges in Matrimonio saluari non pro-

habet coniugum Cartholicorum promissionem gratia

non propter Matrimonium : sed quia in Christum credunt, & pœnitentiam agunt. Non enim solum propter Fidem & pœnitentiam : sed etiam propter gratiam diuinam, quam in Matrimonij celebratione, ad honeste & Christiane in Matrimonio viuendum, permanendo in illis quatuor bonis, acceperunt. Sicut & in Baptismo & Eucharistia, non solum homines saluantur, propter Fidem qua Sacramenta percipiunt : sed etiam propter gratiam Baptismi & Eucharistiæ, quam his Sacramentis Fide susceptis promisit & attribuit Christus. vt supra ostensum est.

ex se non solum propter Fidem & Pœnitentiam.

3. Zaborouij ratio est : quia esset Sacramentum ante peccatum. at ineptit. Nos enim, non quodcumq; Matrimonium dicimus proprie Sacramentum, hoc est, diuina gratia donatum : sed tantummodo Christianum. ante peccatum verò Matrimonium non fuit hoc sensu Sacramentum. Quamquã sicut alia mysteria, quia occultum quid continent, dicuntur Sacramenta : ita & illud dici potuit Sacramentum ; sed non tale quod gratiam conferret. hoc enim proprium est nouæ legis Sacramentorum.

nullum autem aliud.

4. Quia esset veteris legis Sacramentum. Sed & hoc reijcitur. speciali enim ratione in noua lege Matrimonium institutum est, ad Christi & Ecclesiæ coniunctionem spirituali quoq; coniunctione coniugum representandã quod in veteri lege factum non est.

Mosaicum nilcum illo habet.

5. Quia esset etiam inter Iudæos Sacramentum : quia verum Matrimonium. neque hoc satis apte dicitur. Non enim omne verum Matrimonium est Sacramentum : sed solum quod ritu Christiano à Christo instituto celebratur, ad representandam vt dictum est Christi & Ecclesiæ coniunctionem. Iudæorum igitur & gentilium Matrimonia, sunt vera Matrimonia sed non Sacramenta.

nec ulla alia.

6. Quia si Matrimonium polluit Sacerdotium, non est Sacramentum. Hæc ratio sicut est vltima, ita omnium ineptissima. Nam probaret etiam Baptisum & Eucharistiam non esse Sacramenta. Quis enim nescit, Eucharistiam pollueri posse hominem, imò & condemnare, teste Paulo, si indignè sumatur ? nunquid propterea Eucharistia non erit Sacramentum ?

Pollui matrimonio sacerdotium non tollit ratione Sacramenti.

Quod si dicat, Eucharistiam non ex se id habere quod polluat hominem, sed ex peccato indignè sumentis : pari ratione dicam, etiam Matrimonium non ex se habere quod polluat Sacerdotem, sed ex peccato Sacerdotis qui cum se voto castitatis obstrinxisset, contra votum affectat Matrimonium : damnationem, vt ait Paulus, habens. quia primam fidem, seu promissionem irritam fecit. Hoc ergo peccatum perfidiæ, quo fidem Deo datam violauit, illum polluit, non Matrimonium. Ex quo ineptitudo rationis Zaborouiana apparet.

idquæ est culpa Sacerdotis lasciuientis.

*Iudei nobis
in hoc norma
non sunt.*

Similiter & illud ineptè ex lege veteri adducitur, in qua Sacerdotibus illius legis licebat habere vxores. Quid enim hoc ad Christianos? Nam licuit etiam Iudæis circumcidi, nunquid ideo & Christianis? a carnali lege ad Christianam & cœlestem non est conueniens argumentatio: nec quod licuit imperfectis Sacerdotibus, idem perfectis licitum esse censendum est.

*Coniugium
Sac. rdotibus
interdictum
ex Paulo.*

Illud etiam quod Paulus ait, Episcopum esse debere vnius vxoris virum 1. Tim: 3. non iuuat, sed iugulat aduersarios. Etenim si Paulus eos, qui secundas nuptias ante iniuerunt, prohibet ad Episcopalem dignitatem assumi, non secundas nuptias condemnando (sunt enim verum Matrimonium) sed eas cum perfectione dignitatis Episcopalis minus conuenire iudicando, quod id signum esset (vt ait Chrysostomus hom: 2. in epist: ad Titum.) animi non satis pudici & continentis, qualem statum Episcopalis requirit: quid nos damnamur, si Matrimonia noua Sacerdotes inire prohibemus? cum exemplo Pauli continentiam & pudorem in Sacerdotibus requiramus. Quod si Paulus secundas nuptias ante initas, quod solum essent indicium animi incontinentis, non censuit ei conuenire, qui ad Sacerdotium promouendus est: quanto minus censuit vsum ipsum coniugij? maior enim incontinentia est in vfu coniugij, quam in secundis nuptijs aliquando celebratis. Certum vero est ex omnium Patrum sententia, eos qui, cum vnius vxoris viri essent, a coniugio ad Sacerdotium vocabantur, deinceps continere & ab actu coniugij abstinere debuisse.

*5 Patribus
constat.*

*Mysterij signi-
ficatio duplex*

Porrò parum referre putat Zabor. quod Paulus Matrimonium vocet Sacramentum Ephes. 5. 32. Græcè enim, inquit, est mysterium. Quasi quod Græcè mysterium dicitur; Latine non vocetur Sacramentum. At, inquit, a Paulo non Matrimonium vocari Sacramentum; sed coniunctionem illam Christi & Ecclesiæ. Verum omnino negari non potest utroque modo accipi posse mysterium: vel pro re occulta & abdita significata, quod dici potest mysterium significatum: vel pro re occultum aliquid & abditum significante, quod dici potest mysterium significans. Sic enim Apocal. 17. 5. & mulier illi dicitur mysterium, propter significationem: & v. 7. res per mulierem significata dicitur quoque mysterium seu Sacramentum. Hoc igitur modo, & Matrimonium dici potest mysterium significans coniunctionem Christi & Ecclesiæ: & coniunctio ipsa Christi & Ecclesiæ dici potest mysterium significatum. Nihilominus hoc in loco a Paulo Matrimonium ipsum dici Sacramentum seu mysterium verba ipsa Pauli satis indicant, & præcipue particula Hoc: Sacramentum, inquit, hoc magnum est. id est, hoc quod dixi de Matrimonio & eius indissolubili vnione, est Sacramentum magnum. Deinde illa verba, in Christum & in Ecclesiam (sic enim habetur in Græco) in-

*• ad eam signi-
ficationem qua
cetera Paulo
dicitur myste-
ria coniugij.*

dicant

dicant; hoc mysterium tendere ad significandum Christum & Ecclesiam. Iam igitur accipias mysterium pro re significata: sic non Matrimonium est mysterium, sed coniunctio Christi & Ecclesiæ. Si verò pro significatione ipsa: sic matrimonium est mysterium, non coniunctio Christi & Ecclesiæ. quo etiam utroque modo secundum variam mysterij acceptionem loquuti sunt Patres.

Sine causa autem veretur Zab. ne, si Matrimonij auctore Paulo vocemus verum Sacramentum plusquam septuaginta admittamus vera Sacramenta: nempe ea omnia, quibus Sacramenti nomen in Scriptura tribuitur. Eo enim metu liberamus Zaborou. quod non quocunque sensu Matrimonium vocemus Sacramentum: sed eo duntaxat, quo vera & proprie dicta Sacramenta Ecclesiæ dicuntur Sacramenta, quæ sunt Sacramenta animos sanctificantia, & diuinam gratiam in nobis efficientia.

Iam verò Confirmationem, non verum Sacramentum; sed temporalem tantum fuisse ceremoniam, qua donum charismatum conferebatur, affirmat Zabor. quod donum cum sit Ecclesiæ ademptum, Confirmationis quoque Sacramentum non manere errat. Id enim quod præcipue in Confirmatione per impositionem manuum conferebatur, erat Spiritus S. *Act. 8. 17. Tunc imponebant manus super eos, & accipiebant Spiritum sanctum. Act. 19. 6. Et cum imposuisset illis manus Paulus, venit Spiritus S. super eos, & loquebantur varijs linguis, & prophetabant.* Etenim Spiritum S. Christus non Apostolistantum, sed toti etiam Ecclesiæ promisit. *Ioan. 14. 16. qui & Paracletus esset, id est consolator: & maneret apud nos in æternum. Ioan. 15. 26. Ioan. 16. 8. Luc. 24. 49.* Promisit autem ad effectum Confirmationis: nempe ad consolandos, & fortes reddendos ad testificandum Christo, & ad arguendum mundum de peccato, de iustitia, & de iudicio; ad induendos virtute ex alto. ut ex iisdem locis patet. Hunc igitur Spiritum S. ad hos effectus Apostoli, & ipsi à Christo acceperunt die Pentecostes: & alij dabant per impositionem manuum, nempe omnibus baptizatis.

Et quamvis tunc daretur Spiritus S. cum alijs externis & visibilibus donis, quæ est donum linguarum, prophetiæ miraculorum; quod id temporis illius ratio & Fidei propagatio requireret: tamen quia Fide propagata donorum illorum necessitas cessauit, etiam eorundem visibilis communicatio cessauit: at inuisibilis Spiritus S. infusio non cessauit vnquam; quia nec eius necessitas vnquam cessat: nempe nostra in Fide profitenda roboratio, & ad superanda pro Christo omnia difficilia animi virtus & fortitudo. propter quos fines tunc Apostolis primum, deinde cæteris quoque fidelibus per manus Apostolorum dabatur Spiritus S. Hinc Petrus *Act. 2. 39.* ait donum Spiritus

sancti non ipsis tantum Apostolis, sed omnibus credentibus promissum fuisse. *Vobis*, inquit, *est repromissio, & filiis vestris, & omnibus qui longe sunt.* Et *Act. 11. 17.* *Eandem*, inquit, *gratiam dedit illis Deus, sicut & nobis.* Non igitur Confirmatio per impositionem manuum fuit temporalis ceremonia: sed perpetuum Sacramentum ad finem usque mundi duraturum: neque propter charismata precipue institutum: sed ad conferendum nobis Spiritum S.

*Debet esse cum
unctione.*

At non habet, inquit, etiam externum elementum à Christo institutum. Chrisma enim, quo in confirmando utimini, ex synagoga potius, quam ex Christi schola accepistis. Atqui elementa requiri ad omnia Sacramenta hactenus docere non potuisti, Zaboroui; sed nec docere poteris unquam. Quod ad Chrisma attinet: si, ut tu contendis, Apostoli eo non sunt usi: concedere ut minimum debes Confirmationis Sacramentum, quatenus in eo per impositionem manuum dabatur Spiritus S. hoc enim diserte oracula testantur. Deinde Apostolos in Confirmatione, non solum imposuisse manus, sed & unctionem adhibuisse, habemus non tantum traditione perpetua Ecclesiae ab ipsis Apostolis accepta (de qua si vis lege Bellirminum doctissime id probantem) verum etiam ex Scriptura ipsa, quae id satis innuit *2. Corin. 1. 21.* *Qui confirmat nos vobiscum in Christo, & qui unxit nos, Deus qui & signavit nos; & dedit pignus Spiritus in cordibus nostris.* Illa enim Confirmatio promissa nobis à Christo per communicationem Spiritus sancti dicitur fieri cum unctione & signatione.

*ad significan-
dam internā
unctionem.*

Nam si dicas, sermonem esse de unctione & signatione interna; respondeo sicut in Baptismo ablutionem internam instituit Christus fieri per ablutionem externam: ita in Confirmatione idem Christus instituit internam Confirmationem fieri per externa signa eam gratiam significantia: quale signum est impositio manuum; quo divinum auxilium & virtus dari significatur. Et quia eadem gratia Confirmationis similitudine unctionis & signationis explicatur; idcirco non nudam impositionem manuum in Confirmatione asserimus, sed unā cum unctione & signatione: quorum utrumque in forma Confirmationis exprimitur, quae est huiusmodi *Consigno te signo Crucis; & confirmo te chrismate salutis, in nomine Patris & Filij & Spiritus S.* quae dictis S. Pauli verbis respondet, usu ipso & traditione Ecclesiae ita exponente.

*id quē ab A-
postolis pre-
scriptum. &
ab ipso Chri-
sto.*

Quocirca Chrismatis usum, non à synagoga, sed ab Apostolis & Christo accepimus: uti Apostolorum discipuli clarissime testantur. Dionysius Areopagita de Ecclesiast. Hierarh. cap. 4. ubi Chrisma vocat vnguenti compositionem, & collectionem suaviter spirantium materialium. Clemens 7. *Cost. c. 44.* Fabianus Papa & Martyr *Epist. 2. ad Orientales.* qui aperte dicit, Christum insti-

stum insti-

Num instituisse, vt Chrisma conficeretur ex oleo admixto balsamo: & alij.

Ridiculā verō nobis Confirmationem verā & Apostolica exclusa sub-
stituit Zabor: quum ait, Ministros Euangelicos post Baptismum infantibus
manus imponere precantes; vt vbi succreuerint detur illis Fides saluifica &c. *Euangelici inaniter im-*
talis enim impositio manuum, vana est ac inanis; cum per eam non detur *ponunt man-*
Spiritus sanctus, & ab Euangelicis non ab Apostolis instituta. demum nullā *suas.*
prorsus vim obtinet; siquidem fit ab eis, quibus nullam constat potestatem
spiritualem legitimē concessam esse.

Denique extremam Vnctionem existimat fuisse signum externum do-
ni sanationum, quod Deus Ecclesiæ ad tempus concesserat. *Extrema vn-*
ni sanationum, quod Deus Ecclesiæ ad tempus concesserat. *ctio non est*
gebant egrotos, & sanabantur Iacobi 5. v. 14. Vngentes eum oleo in nomine curationum.
Domin. fallitur. Nam vt concedam vñctionem, de qua *Marci 6.* fuisse do-
num curationum: non tamen eam, de qua *Iacobi 5.* cum huic assignetur ef-
fectus spiritualis in anima: *Oratio*, inquit, *Fidei saluabit infirmum, & alle-*
uabit eum Dominus: & si in peccatis sit, remittentur ei. Hæc enim spectare
ad saluationem & alienationem animæ patet: tum ex eo, quod additur: *Si*
in peccatis sit remittentur ei: tum quia, cum absolute promittatur salus in-
firmo, si de corporali salute id intelligatur, sequeretur infirmos tempore
Apostolorum semper sanatos fuisse, & nunquam fuisse mortuos, nisi forte
eos, qui non aduocassent in infirmitate presbyteros. Necesse est igitur intel-
ligi de salute spirituali: quæ sicut absolute promittitur, ita semper impletur.
Tum quia si de sanatione corporali ageretur, non dixisset Apostolus, *Infirma-*
tur quis in vobis? inducat presbyteros: Nam nec soli presbyteri habebant do-
num curationum, nec omnes. Et si oleo erat annexa gratia curationum:
quiuis, etiam Diaconi, & Prophetæ, & Doctores potuissent oleo curare:
Sicut & *Marci 6.* Apostoli non erant presbyteri aut Sacerdotes; & tamen
vngentes infirmos curabant. Propterea ergo Presbyteros, hoc est Sacer-
dotes (qui soli in Ecclesia Presbyteri dicuntur) induci iubet: quod eorum
spiritualis potestas ad effectum vñctionis spiritualem requiratur. Inualida
enim infirmorum vñctio in Ecclesia semper est habita, quæ non a Sacerdote
esset facta.

Ex quo etiam patet, hanc ceremoniam non esse temporalem, sed per-
petuam in Ecclesia. Nam & infirmi semper sunt in Ecclesia: & salute, alle-
uatione, ac remissione peccatorum indigent: quare & remedio vñctionis
ad hoc a Christo instituto. Hoc enim modo, & alia Sacramenta perpetua es-
se probamus.

Hinc igitur refelli possunt rationes Zaborouij. Prima quidem: quia ad
animæ salutem præcipue ea vñctio instituta est. In secunda verò, quum dicit
vñctionem.

*deuiter agre-
scentibus.*

unctionem istam Apostolis non fuisse extremam, quia dabatur infirmis qui curabantur: nostra autem ijs solum datur, quibus nulla spes recuperandæ valetudinis: turpiter errat. Nam neque illa tempore Apostolorum dabatur quibusuis infirmis, sed solum grauius decumbentibus. alioqui leuiter infirmi non egebant inductione presbyterorum; sed ipsi poterant presbyteros addere: neque nostra vnctio etsi datur solum ijs qui in periculo vitæ constituti sunt vt diuino prasidio muniantur cum humana desunt, sæpe tamen cum id expedit eosdem etiam ad pristinam sanitatem reducit frequenter, sua Sacramentali virtute ad id concurrente.

*Hoc ab Apo-
stolis non vn-
cti alijs, quæ
baptizati.*

Ad tertiam etiam Zaborouij rationem, cum ait Apostolos vnxisse promiscuè baptizatos & non baptizatos, nos autem baptizatos duntaxat; respondeo: Apostolos, oleo quidem curationis, de quo *Marci 6.* etiam non baptizatos ungere solitos fuisse: oleo tamen extremæ unctionis, de quo *Iacobi 5.* non nisi baptizatos; quod illi qui baptizati non essent, capaces non essent Sacramentalis unctionis.

*non sanctum
id illis fuisse
non probar
Zaborouius.*

Quarto addit Apostolos vnxisse oleo vulgari: nos consecrato. At neque ipse probare potest Apostolos esse vsos oleo non consecrato: neque nos iure reprehendere, quod ea, quæ ad sacra mysteria assumimus, rite prius consecremus. cum & Apostolus dicat, omnem creaturam verbo Dei & oratione sanctificari: & Augustinus luculenter testetur perpetuum Ecclesiæ vsum in rebus signo Crucis consecrandis, *Tractatu 118. in Ioan. Crucis*, inquit, *signum nisi adhibeatur siue frontibus credentium, siue ipsi aque qua regenerantur, siue oleo quo Chrismate unguntur, siue sacrificio quo aluntur: nihil eorum rite perficitur.* Quocirca & Clemens 8. *Const. c. 35.* & Basilii *lib. de Spiritu S. c. 27.* Olei benedictionem, Apostolicam doctrinam & traditionem vocant.

*nobis Patres
indicant.*

*videt consecra-
tionem eius
vt barbarus.*

Ridet quidem more suo olei exorcismum, consecrationem, venerationem. Sed hæreticus non esset, si non rideret. Ridet enim, quod non intelligit. Nam simili modo gentiles præcipua Fidei mysteria non intelligentes deridere erant soliti. Quod si intelligeret, potestatem Ecclesiæ datam esse super omnia dæmonia, & in particulari ad repellendos dæmones a creaturis Dei ne illas impediunt in suis effectibus, qua potestate vtitur in Exorcismis: similiter intelligeretis & illam potestatem quæ data est ad creaturas rite consecrandas & sanctificandas verbo Dei & oratione; vt testatur Paulus, veneretur potius nobiscum res sacras (virtus enim Dei in eis operatur) non carperet.

*Augustinum
remere vult
studere.*

Ridiculè itaque quasi confecto prælio euicisse se gloriatur, duo tantum esse propriè dicta Sacramenta: cum tam straminea & futilia ad tantam rem pro-

rem probandam argumenta produxisset. Cum verò ad Augustini testimoniũ de septem Sacramentorum vſu in Ecclesia respondere non posset: temere respondit, Augustinum nonnisi ea impropria & larga significatione Sacramenta vocauisse. Luce enim clarius est, Augustinum ea significatione docere ea esse Sacramenta, qua ad sanctificandas animas valent, comparat quæ illa cum Baptismo & Eucharistia, vti in No d o docuimus.

Inepte porro duo loca Augustini memorat. in quorum altero exempli solum causa duo Sacramenta numerat, Baptismum & Eucharistiam, alijs prætermiſſis libro de *Doctrina Christiana* c. 9. quasi necesse sit, vel cum vno Sacramentum pro exemplo adducitur, recensere omnia: vel nisi recenseantur, alia non esse Sacramenta. In altero verò in *epist. 118.* præter dicta duo, alia generatim perstringit; *Est quid aliud in Scripturis Canonicis commendatur.* Commendari autem ipsemet alibi testatur. Nam de Confirmatione 2. contra *epistolam Petiliani* cap. 104. ait: *Sacramentum chris-matis in genere visibilium signaculorum est Sacramentum sicut Baptismus.* De Ordine. libro de *Baptismo* contra *Donatistas* cap. 1. *Verumque*, inquit, *Sacramentum, & quidem consecratione virumq; homini datur; illud cum baptizatur; istud cum ordinatur.* De Matrimonio; in libro de *Bono Coniugij* cap. 29. *Bonum nuptiarum in sanctitate Sacramenti est, quod manet in coniugatis: licet proles non sequatur: sicut Sacramentum Ordinationis manet in ordinatis, licet plebem non congregent.* De Pœnitentia libro de *coniugio adulterino* cap. 26. & 28. *Eadem*, inquit, *est causa Baptismi & Reconciliationis, sine quibus Sancti homines, credunt se non debere exire è corpore.* de *Extrema Vnctione* 2 de *visit. infirm.* cap. 9. si ergo Augustinus tam expresse alia Sacramenta cum Baptismo comparat, & pro Sacramentis sanctificantibus animam ea habet: qua fronte Zaborouius negare est ausus, Augustinum ea esse verè & propriè Sacramenta docuisse?

& impudenter pro se allegat.

Quare & illud non minus imprudens, quam impudens dictum cense-
debet: neminem ante Lombardum septem sacramenta docuisse. Quam im-
pudentiam non solum perpetuus Ecclesiæ vſus (cuius antiquissimi Patres,
quorum seriem vel apud vnum Bellarminum facile reperias, sunt testes) sed
etiam Scriptura ipsa redarguit. vti Paulo antè a nobis demonstratum est.

*numerus Sa-
cramentorum
antiquior
Lombardo.*

Satis abundè probatum est, Euangelicos Ministros Sacramentorum,
dissipatores esse. Vix enim vnum ex septem verè retinent. Eucharistiam,
namq; longè aliam habent quam nos: illis enim Eucharistia est panis, nobis
autem Corpus Christi verum. reliquum est, vt videamus, quomodo omnè
quoque virtutem Sacramentorum exterminarint. Docent enim nullam ve-
ram virtutem, qua nos sanctificent, Sacramentis inesse; sed significationem

dicuntur

De Notis Ministrorum

*Mosaica si-
gna præstant
cæna Calui-
nistica.*

*nam & illa si-
gilla diuina-
rū promissio-
num:*

*& Caluinisti-
ca iidem nō
efficiunt salu-
tem nostram.*

*Falsò citat
Augustinum
pro se Zabor.*

duntaxat. quod est nostra Sacramenta paria imò inferiora veteris legis Sacra-
mentis facere. Hæc enim præter significationem habebant nihil. imò in si-
gnificando erant pleraq; nostris præstantiora: vt patet in Agno Paschali &
Manna, quæ longè præstantiora signa fuerunt frusto panis Calvinistici.

Nam quod ait Zaboruius nostra Sacramenta esse quoque sigilla diui-
narum promissionum. id etiam in Sacramenta veteris legis conuenit: cum
Circumcisio signaculum Fidei à Paulo dicatur, & ratio sigilli non excedit ra-
tionem signi.

Cum verò ait Deum in vsu Sacramentorum efficaciter salutem nostrā
operari. id quidem verum est, si Sacramentis tanquam medijs à Deo institū-
tis ea operatio tribuatur: vti nos credimus. At cum ipsi omnem operatio-
nem tribuant Fidei, Sacramentis autem solam rationem signi tribuant: non
maiores operationem tribuunt nostris, quā veteris legis Sacramentis.
Nam etiam vetera Sacramenta cum Fide suscepta ratione Fidei operabantur
salutem. quia tamen ex se nullam operationem habebant, vocat ea Paulus
infirma & egena elementa. quo etiam nomine nuncupanda essent nouæ le-
gis Sacramenta, si nullam ex se sed omnem ex Fide operationem haberent.
Et sanè infantes per Baptismum saluari perspicuum est. quos tamen certum
est nullos Fidei actus exercere: vt vel ex eo pateat Sacramentis quoque, non
soli Fidei vim ad nos saluandos inesse.

Porrò falso Zabor. testem Augustinum aduocat: quasi is soli Fidei ef-
fectum Sacramentorum adscribat. Ita enim ait *tract. 80. in Ioan. Vnde tanta
virtus aque, vt corpus tangat, & cor abluat? nisi faciente verbo: non quia
dicitur, sed quia creditur. Nam & in ipso verbo aliud est sonus transiens, aliud
virtus manens.* Vbi Augustinus non de verbo concionali, quod fidem pro-
missionum diuinarum excitet (vt putat Zabor.) loquitur: sed de verbo Sa-
cramentali, quod accedens ad elementum facit Sacramentum. est què illud,
quod in administratione Sacramenti dicitur, *Ego te baptizo in nomine Patris
& Filij & Spiritus S.* Hoc itaq; verbum, non promissiones aliquas, sed San-
ctā ipsam Trinitatem nobis proponit: atque ideo habet in se virtutem quā
aquæ communicet, vt videlicet aqua virtute Patris & Filij & Spiritus sancti,
quorum nomine funditur, corpus tangat, & animam abluat. Et hoc est
quod ait Augustinus; *Non quia dicitur, sed quia creditur.* ita vt non Fidei
qua creditur, sed rei quæ creditur, hanc virtutem adscribat. Non enim ra-
tione soni, sed ratione rei sanctificatæ, verbum illud Sacramentale habet
hanc vim animam abluendi. Non igitur vltima hæc verba Augustini à me
omissa fuerunt fraudis alicuius faciendæ gratia (vti putat Zabor. nihil enim
pro aduersarijs faciunt, pro nobis autem plurimum:) sed quod sine illis
illud

Illud verò minimè dissimulandum, quod Augustini verba falsauerit Zaborouius, quasi ille dixerit Sacramenta nouæ legis esse in re paria legis veteris Sacramentis. Citat enim locum *ex tractat. 26. in Ioan. In signis diuersa sunt, sed in re paria.* Verùm hæretico suo more falsauit hunc locum. Non enim August. dicit, absolute esse in re paria, sed *in re. que significatur paria.* quæ verba dolo malo omisit Zabor. Licet namque secundum Augustinum, vtraque Sacramenta in re significata sint paria, quia eundem Christum, quæ vetera significabant futurum, noua significant præsentem: tamen in re, quæ efficiunt, sunt imparia, quia ista dant salutem, non illa. vt enim in *Psalm. 73.* ait: *Præcepta in nouo & veteri Testamento sunt eadem, Sacramēta non eadem: quia alia sunt Sacramenta dancia salutem, alia promittentia Saluatorem.* Sacramenta nouæ legis dant salutem: Sacramenta veteris legis promittunt Saluatorem. Hoc igitur solo præstantiora sunt noua Sacramenta veteribus, quod virtutem in se habeant conferendi nobis gratiam & salutem, quam illa non habent. Quin etiam hac virtute sublata tolleretur omnis Sacramentorum necessitas: cū ad significandam & ad excitandam in nobis Fidem non desinit multa alia & efficaciora media, inter quæ est lectio Scripturarum diuinas promissiones continentium.

Sacramenta nostra nisi efficiant gratia non sunt necessaria.

Nam quod ait Zaborouius. Nobis insistendum esse medijs à Christo institutis. id quidem verum est: sed Christus non frustra nec temere voluit nos insistere medijs ab ipso institutis: verum ideo quod illis virtutum speciē ad aliquid efficiendum concesserit. Et hoc ipsum est, quod vrgemus: vt nos quoque virtutem singularem ac diuinam Sacramentis inesse credamus. alioqui frustra Christus nos obligasset ad media, sine quibus æquē bene aut etiā melius finem obtinere possemus. Cum igitur Evangelici virtutem omnem Sacramentis auferant, quid aliud faciunt, quam illis non esse necessariò insistendum ostendunt? Non potuit itaque euadere Zaborouius, quin ipse cū suis comministris dissipator & destructor Sacramentorum probaretur: quod & substantiam Sacramentorum, & vim omnem ac virtutem eorum euergerint.

CAPVT V.

Secundum Christi institutionem æquē vtriusque ac alterius tantum speciei vsum licitum esse.

*Nullum ius
est agēdi Euā-
gelicis pro v-
traq; specie.*

Multa hoc loco contra vnius speciei vsum congerit Zaboro. Rhetoricis magis quam veris ac solidis rationibus docens nos Sacramenti mutilatores & sacrilegos diuifores esse. Quæ antequam refellam, dico Euangelicos nullum ius habere contra nos agendi de vfu vnius vel vtriusque speciei, vt enim qui fundi proprietatem non habet, non potest nec permittitur iure agere de finibus seu limitibus illius fundi, quod limites fundi ad eum duntaxat pertineant, ad quem pertinet fundus: ita cum Euangelici Christum in Sacramento non habeant, ius quoq; non habent agendi, an sub vna vel vtraque specie sumi debeat. Postquam enim Christum vere non habent in Sacramento, nihil illorum refert, an sumatur sub vna vel sub vtraque specie: siue enim sub vna, siue sub vtraq; sumant, nihil sumunt: quia non Christum sed signa Christi sumunt. tantum enim Christus ab illorum Sacramento distat, quantum cælum a terra. Neque solum præsentiam Christi carnalem, vt aiunt, non habent: sed nullam omnino veram Christi præsentiam, quæ secundum ipsos in cælo tantum est, & ad nos cogitatione sola & Fide deriuatur. Deinde alia quoq; ratione id ostendo. Nos enim sub vna specie totum habemus, illi sub vtraq; nihil. Habemus totum Christum: quia is diuifus haberi non potest; & qui eum soluit ac diuidit, ex Deo non est; & Antichristus est teste Ioanne 1. Ioan. 4. 3. Habemus etiam vitam æternam, atq; adeo totum eum fructum, qui ex huius Sacramenti sumptione expectari potest. Qui enim manducat me, viuet propter me. Ioan. 6. Illi verò sub vtraq; specie nec Christum habent, sed signa vacua Christo: nec vitam æternam; quia eum sub speciebus non habent, in quo & ex quo vita æterna. Non igitur habent vllum ius Euangelici agendi contra nos de vtraque specie: nisi prius Christum, & veram eius in Sacramento præsentiam, nobis restituant. alioqui nec vna nec vtraq; specie digni sunt, qui Christum ab omni Sacramento specie exclusum volunt.

*Non indignū
fateri Chri-
stum contine-
ri sub specie
panis.*

*2.
indignum
fingere disse-
ctum.*

Blasphemum esse ait Zabor. Christum totum cum Corpore, Sanguine, anima, Deitate sub accidentibus panis detineri. Imò verò blasphemum est, Zaboroui, id non fateri. An non blasphemum est Christi Corpus exanguē, & mortuum, & Diuinitate vacuum asserere? etenim cum Paulo credimus Christum postquam resurrexit mori non posse, ac proinde nec corpus exanguē, ac animā & vita destitutum habere. Si igitur in Sacramento sit verum eius corpus, nec sine animā esse potest, nec sine sanguine; alioqui esset mortuum: nec sine diuinitate; quia non esset corpus à Christo assumptum, si non esset diuinitati vnitum. Deinde an non blasphemum est soluere & diuidere IESVM? cum S. Ioannes omnem soluentem IESVM, ex Deo non esse, imò & Antichristum esse fateatur. At qui diuidit in Christo carnem à sanguine

sanguine, anima, diuinitate, soluit & diuidit IESVM : quia eam vnionem, quæ in Christo insolubilis est, destruit. Non igitur potest sine blasphemia dici, Corpus Christi in Sacramento esse, sine sanguine, anima, diuinitate. Deniq; blasphemum est, negare ea Christi verba *Ioan. 6. Qui manducat me, ipse uiuet propter me.* & quod ipse sit panis uiuus. At si corpus Christi sine sanguine & anima, manducetur, non manducatur Christus uiuus : si etiam Corpus non sit Diuinitati unitum, non erit vere Christi corpus, sed alterius suppositi ; quia non erit ab ipso assumptum, sed ab ipso dimissum & factum alterius corpus. Non potest igitur sine blasphemia negari corpus Christi in Sacramento cum sanguine, anima, diuinitate, contineri. Licet enim ex vi Sacramenti sit solum Corpus (Christus enim nominauit solum Corpus) tamen per concomitantiam sunt & alia à quibus auelli corpus non potest, nempe anima, sanguis, diuinitas. quæ concomitantia tam clare deducitur ex Scripturis, quam clare probatur, corpus Christi sine sanguine, anima, diuinitate, esse non posse. Christus enim dicendo Corpus suum dixit consequenter ea, sine quibus Corpus eius esse non potest.

Ridiculus uero est Zaborouius, cum ex eo, quod Sacramenta re terrena & cœlesti constant, insert Ministrum dare tantum partem terrestrem, hoc est panem, Christum uero de cœlo dare partem cœlestem, hoc est Corpus & Sanguinem suum cum omnibus beneficijs suis. Etenim nunquid Christus Ministros non iussit dare fidelibus Corpus suum ? hoc enim suo exemplo faciendum docuit, cum benedicendo panem fecit Corpus suum, & eum factum Corpus suum dabat Apostolis : *Accipite & manducate, hoc est Corpus meum* : demonstrans corpus suum in manibus suis, & in Eucharistia quam tenebat. Quis igitur ferat Zaborouium negantem Ministros quoq; dare Corpus Christi ? Nam etsi principalis dator sit Christus : dat tamen per Ministros quibus & dandi potestatem commisit, & ijsdem ad effectum Sacramentorum conferendum cooperatur. Alioqui quorsum Ministri ? quorsum ministeriū ? signa enim quilibet posset sibi ministrare, & corpus Christi ab ipso Christo de cœlo postulare. Et sane Paulus eos, qui indignè manducant, non negat ullo modo inducere corpus Christi. Qui enim indignè manducat, uere illud manducat, licet indignè : qui autem uere non manducat, is etiam nec dignè nec indignè manducare dici potest. Quare si mali uere manducant corpus Christi in Sacramento, licet malè & indignè, accipiunt proculdubio illud à Ministris in Sacramento. Neque potest Zaborouius tueri se uerbis Augustini, qui aliquando uidetur dicere, rem Sacramenti à solo Deo dari. Hænim eo sensu quo ipse dicit accipiendum est nempe quod externa elementa homo naturali sua actione præbere potest, rem uero seu effectum Sa-

*qui Corpus
suum dari uult
à Ministris,
nō à se è cœlo.*

*Augustinus
non est pro
Zaborouio.*

cramenti solus Deus, non quòd sine ministerio hominum, hoc faciat; sed quòd id non sit ex hominibus, sed ex Deo.

His itaq; suppositis, venio ad refutationem calumniæ nobis à Zaborouio impositæ. & dico, non posse nos nisi per calumniam mutilatores & diuifores Sacramenti vocari.

Gelasius & Leo Manichæorum superstitionem damnant.

Primum, quia falsum est, tale de hac re iudicium tulisse Gelasium cap. *Comperimus de Consecratione d. 2.* & Leonem Papam in *serm. 4. de Quadra*. Hi enim Pontifices non absolute, nec quamcunque sumptionem Eucharistiæ sub vna specie condemnarunt, sed ortam ex superstitione & infidelitate Manichæorum. Cum enim Manichæi eo animo abstinere ab altera specie, quod vinum esse malum & fel draconis docerent, & Christum verè fuisse mortuum & verè sanguinem fudisse negarent: ex vtraq; hac causa, seu potius superstitione ac infidelitate, abstinendum sibi ab altera specie censebant. Quæ res cum superstitionis & infidelitatis plena esset, non poterat à dictis Pontificibus nisi sacrilèga diuisio Sacramenti censi. Nam & vini speciem superstitiosè detestabantur: & Sanguinem Christi verum prorsus negabant. quod & nos cum dictis Pontificibus & vniuersis fidelibus condemnamus, & tanquam sacrilègum ducimus. & qui eo spiritu ab altera specie abstineret eius partem cum Manichæis esse fatemur. Id ita esse patet. Nam Gelasius expressè dicit; *Quoniam nescio qua superstitione docentur adstringi.* & D. Leo. *Cum ad tegendam infidelitatem suam, nostris audeant interesse mysterijs, &c. & Sanguinem redemptionis nostræ haurire declinent.* De qua re Baronius in annum 496.

non verò vna speciem absolute.

Non poterat nescire Zaborouius hanc mentem fuisse horum Pontificum: vti & à nostris non semel declaratum est: & tamen contrariam illis mentem affingit, ac si non superstitiosam & non ex infidelitate ortam sumptionem condemnarent; sed absolute omnem sumptionem sub vna specie. quæ est grauissima, & tantorum Patrum iniuria; & ipsius etiam veritatis. Ridenda igitur sunt illæ Zaborouij exclamationes in vento fundatæ. *O tempora* inquit, *o mores: quod illis Pontificibus fuit sacrilègum & hereticum, nunc Smiglecio sanctum & Catholicissimum.* Quis enim hic non aduertat Zaborouium, aut falsa Pontificibus obijcere: aut cum sua umbra pugnare?

Secundò non possumus iure diuifores Sacramenti vocari, qui totum & indiuisum Christum in vna specie sumimus. Etenim si Christus in duabus speciebus verè diuisus existeret, ita vt in vna solum Corpus, in altera solus Sanguis esset: verè dici possemus diuifores tam Christi quam Sacramenti ipsum continentis: quia neq; totum Christum, neq; totum Sacramentum

sub vna

sub vna specie sumeremus. At cum totum & indiuisum Christum in vna specie sumimus, quo iure possumus diuifores Sacramenti appellari? Nam sicut non diuidit Sacramentum, qui non sumit multas particulas panis consecrati sed vnā tantum; quia in vna tantum est de Christi & Sacramenti substantia, quantum in multis: ita nec nos. Neque enim in duabus speciebus plus continetur de Christi substantia, quam in vna: neque fructus Sacramenti, qui est vita æterna, percipitur maior ex vtraque specie, quam ex vna. Eadem enim vita æterna, quæ manducanti Carnem & bibenti Sanguinem promittitur, promittitur etiam manducanti solum panem. *Ioannis 6. Qui manducat hunc panem, viuet in æternum.*

Tertio si nos dicamur sacrilegi diuifores, idem sacrilegium Ecclesiæ vniuersæ impingi deberet. Certissimum enim est, omnibus seculis in Ecclesiā vsum sumptionis sub vna specie fuisse, si non vniuersalem in omnibus fidelibus, vt minimum particularem certis temporibus, & in certis personis: neque tamen hoc vnquam vel Ecclesiā per seipsam damnauit: vel quicquam Ecclesiæ tanquam rem diuinæ institutioni contrariam obiecit: quod maxime mirandum est in Græcis: qui cum alia longè minutiora in Concilijs generalibus Latinis obijcere non dissimulassent, vsum tamen Sacramenti sub vna specie nunquam obijciendum existimauerunt; licet contrarium communicandi ritum sub vtraque specie ipsi sequerentur. Fuisse autem multiplicem vsum communionis sub vna specie, manifestum est. Nam etsi mos esset in Ecclesiā, vt ij qui tempore sacrificij communicarent in quo Eucharistia sub vtraque specie consecratur & offertur, communicarent sub vtraque specie: tamen qui extra sacrificium communicabant, siue in priuatis adibus deferendo secum domum Eucharistiam (quod tunc permittebatur, maxime persecutionum tempore) siue etiam in Ecclesiā sumendo Eucharistiam quæ asseruabatur post sacrificium, non communicabant nisi sub vna specie. Nam neque deferenda domum tradebatur, nisi sub specie panis (Calicem enim domum deferri inauditum & periculosum) neque in Ecclesiā peracto sacrificio ad vsum infirmorum communiter asseruabatur siue in aurea vel argentea columba, siue in alio simili vasculo, nisi in specie panis: quod vinum sine periculo corruptionis & effusionis asseruari diu non posset. Cum igitur is communionis extra sacrificium vsus perpetuus fuerit (de quo multa ex antiquitate testimonia producit Baronius in Anno Domini 57.) consequens est perpetuum in Ecclesiā veteri communionis vsum fuisse sub vna specie. Huc spectat ille in Ecclesiā vsus communionis præsanctificatorum: in Latina quidem Ecclesiā feria VI Parasceues, cum consecrare Eucharistiam non leuiter, sed tantum præsanctificatis communicare, id quæ sub sola panis specie, quod

Vsitatum olim vna specie obire mysterium Eucharistie.

1. extra sacrificium.

2. certo tempore.

De Notis Ministrorum

etiam nunc sanctè seruatur. In Græca verò per totam Quadragesimam præsanctificatis utebantur, exceptis Dominicis & Sabbatis, ac proinde sub vna specie: nam species vini ob corruptionem & effusionis periculum non asseruabatur. Pro infirmis quoq; Græci etiam nunc per totum annum conseruât sub specie panis consecratam circa tempus Paschæ Eucharistiam quæ cum induruerit, illam ad vsum infirmorum humectant in aliquo liquore non consecrato, & sic præbent communionem sub vna specie.

Iam verò certis quibuldam personis permissum semper in Ecclesia fuisse vsum vnius speciei, non minus certum est. Nam in primis abstemijs, qui vel à natura, vel ab infirmitate vinum ferre non poterant, non dabatur Eucharistia nisi sub panis specie, quod illis altera species esset impossibilis.

1. Infantibus quoque solum infundebatur aliquid sanguinis: nam solidiori cibo vesci non poterant. Infirmis etiam non dabatur communiter nisi vna species: quod vini species, neq; asseruaretur vt dictum est; neque sine periculo corruptionis aut effusionis toties, & ad tot infirmos, & tam distantes deferri posset.
2. Similiter ijs, qui iter inibant longius, vel per mare, vel per terrâ, vel etiam propter persecutiones se in varijs locis abdebant, dabatur Eucharistia sub specie panis: quæ in arca ad id accommodata seruabatur, & portabatur.
3. De qua re legi potest Cyprianus *serm. de lapsis*. Ambrosius *in Orat. de obitu Satyri*. Bellarm. *4. de Euchar. cap. 24.* Ex quo manifeste colligitur, veterem Ecclesiam semper vsum communionis sub vna specie retinuisse: siquidem extra sacrificij tempus non nisi sub vna specie ministrare Eucharistiâ in more habebat. Vtramque verò licet sacrificij tempore ministrabant, non tamen ita, vt oppositum diuino mandato vel institutioni repugnare censeret: alioqui extra sacrificium sub vna specie communionem prohibere debuisset. Cum igitur in ea re Ecclesia nullo modo sacrilega ab vilo vnquam sit habita, nec haberi potuerit: neque nos sacrilegij dici possumus, qui morem perpetuum Ecclesiæ sequimur.
- 4.
- 5.

nūquam creditum nefas esse vna specie frui.

Nam si quis dicat, veterem Ecclesiam communiter in templis sub vtraque specie distribuisse; nos autem communiter sub vna: respondendum est in primis, etiâ in templis certis temporibus fuisse communem vsum communicandi sub vna specie, quando nimirum communicabatur ex præsanctificatis. Deinde id, quod præcipuum ex hoc Ecclesiæ vso probamus, est: veterem illam Ecclesiam non sensisse vsum vnius speciei esse contra ius diuinum; neque vsum vtriusq; speciei esse diuino mandato præceptum. Hoc autem posito sequitur Ecclesiam libere potuisse fidelibus vsum siue vtriusq; siue alterius tantum speciei iniungere, eos quæ ad alterum vtendi modum obligare: cum neuter vtendi modus mandato Christi repugnaret. Quem admodum

admodum igitur primis illis temporibus, quibus maxima religio & reuerentia huius Sacramenti vigebar; grauissimis ex causis voluit fideles communiter vti vtraque specie: ita postea tepesciente pietate & reuerentia in hominibus, & propter multa quæ contra reuerentiam Sacramenti in vsu alterius speciei accidebant, eam legem à se positam sustulit; & in aliam de vsu vnius speciei commutauit. Cum enim id ad ritum solum pertineat, poterat Ecclesia ea quæritus sunt, pro varietate temporum & causarum, vel statuere, vel tollere, ita tamen, vt & nunc Ecclesia quibusdam vtriusque speciei vsum permittat, vt Bohemis & Morauis: & alijs vsum vnius speciei tantum iniungat. Nam simili ratione trina mersio in Baptismo præcepta erat ab Ecclesia veteri, vt patet *ex Can. 49. Apostolorum, & Tertulliano de Corona militis.* & tamen certis causis in postulantibus in Concilio Toletano *4. cap. 5. statutum*, vt sub vna mersione daretur Baptismus.

*quare fas im
statuere.*

Hinc etiam patet, quomodo communio sub vtraque specie fuerit antiquitus præcepta, & ad salutem necessaria: præcepto nimirum Ecclesiastico, non diuino. Præcipiente enim Ecclesia, vt omnes vtramque speciem fumerent, ad confundendam hæresim Manichæorum, & confirmandam Fidem Catholicam, omnes secundum conscientiam parere tenebantur: & non parientes salutem consequi non poterant. Cum rursus alia hæresis oriretur asserens neminem saluari posse qui vtramque speciem non fumeret: id quæ iure ipso diuino necessarium esse: rursus Ecclesia vsum vnius speciei vrsit, & fideles ad id præcepto obligauit; vt ea ratione error hæreticus de vtriusque speciei necessitate opprimeretur, & confessio veritatis Catholica re ipsa & moribus pateret. Quocirca sicut præcipiente Ecclesia vtraque species erat ad salutem necessaria necessitate præcepti Ecclesiastici: siquidem seruare præcepta Ecclesiæ est ad salutem necessarium; & qui Ecclesiam secundum potestatem ipsi à Christo concessam non audierit, habendus est tanquam ethnicus & publicanus: ita eadem Ecclesia præcipiente vnius speciei vsum, est quodque vsus vnius speciei ad salutem necessarius: siquidem præceptorum Ecclesiæ observatio est ad salutem necessaria. Et hoc sensu accipienda sunt, quæ aliquando in Scriptorum Ecclesiasticorum libris de vnius vel alterius speciei necessitate ad salutem leguntur.

*vsus vtriusque
speciei impe-
ratus olim ab
Ecclesia non
à Deo.*

Tandem ostendendum est, nos vna specie vtendo, nihil contra institutionem vel præceptum Christi facere: ac proinde nulla ratione nos sacrilegos dici posse. Etsi enim Christus vtramque speciem instituerit: ea tamen institutio præcipue ad sacrificium spectat, quod cum debeat representare Christi passionem & mortem, duplici veluti parte constituitur; vna quæ representet Corpus in cruce traditum; altera quæ Sanguinem pro nobis fusi-

*Christus vtraque
speciem
instituit in
sacrificio.*

quæ

*in vtriusque au-
tem Sacramē-
to.*

quæ representatio mortis Christi tam expresse in vna tantum specie non habetur. At si de Sacramenti ratione loquamur, ita Christus instituit vtramque speciem, vt in alterutra tota Sacramenti ratio contineatur; ac proinde ad Sacramenti rationem vna sufficiat. Sicut enim vtraque totum Christum continet, & totum Sacramenti fructum: ita & vna eundem Christum, & eundem vitæ aeternæ fructum continet. Quocirca cum Sacramenti rationem æquè Christus in vna specie, sicut in vtraque contineri voluerit, sequitur ex vi suæ institutionis neminem obligasse, ad vtriusque speciei usum, nec ad alterius tantum; sed eum vtendi ritum totum liberum Ecclesiæ reliquisse. Quod si rectè expendisset Zaboruius, non tam facile hæc duo coherere non posse pronuntiasset: quòd Ecclesiæ secundum Christi institutionem, & vna specie, & vtraque liberè fuerit vsa. Ita enim Ecclesiæ intellexit Christum instituisse vtramque speciem; vt vna in ratione Sacramenti non penderet ab alia: sed tota ratio Sacramenti, & omnis eius fructus, ita esset in vna, sicut in vtraque. Neque enim solum spectanda est institutio, sed & modus institutionis. Licet igitur vtramque instituerit: tamen eo modo instituit, vt quod attinet ad Sacramenti rationem, totam rationem Sacramenti contulerit vni, totam vtrique; vt, si de perceptione Sacramenti agatur, totum Sacramentum percipiat qui vnā speciem sumit, æquè vt alter qui sumit vtrāque. Non igitur voluit esse necessariam vtramque ad rationem Sacramenti, sed tantum ad rationem sacrificij. Atque ita verum est, Christum æquè instituisse usum vnius speciei, sicut vtriusque: ita vt vterque vsus sit institutioni Christi conueniens, & in vtriusque vsu tota Christi institutio quoad rationem Sacramenti seruetur.

*De sacrificio
ergo præceptū
est Christi, nō
de Sacramē-
to.*

Nugatoriæ sunt igitur illæ Zaboruij ratiunculæ, cum ait; Num Spiritus S. quod primum docuerat Ecclesiā postea dedocuit? Non enim dicimus, Spiritum sanctum prius Ecclesiā docuisse usum vtriusque speciei, postea vnius: sed ab ipso initio, simul docuisse tam vtriusque, quam alterius speciei usum, Christi institutioni conuenientem esse: quod ita vtramque instituerit, vt totam Sacramenti rationem in alterutra saluari voluerit: nempe vt & totum Christum, & totum Sacramenti fructum, vna æquè ac vtraque contineret. Secundum igitur hanc Christi institutionem præceptum quoque Christi de sumenda Eucharistia intellexit. Absolutè quidem ad rem ipsam spectare, vt Christi Corpus & Sanguis in Eucharistia sumeretur: quia a Christi Corpore & Sanguine pendet vita aeterna. Quoad ritum verò sumendi sub vna vel vtraque specie, nullum Christi præceptum esse, sed institutioni Christi æquè satisfieri, siue hoc siue illo ritu sumatur: cum tantum vno, quantum altero ritu consequamur. Ita enim præcepit Christus

Eucharistia

Eucharistia uti, sicut eam instituit. Atqui æquè in vna specie ac in vtraque Eucharistiam instituit, totum vtrique totum alterutri quod ad Sacramenti rationem & fructum attinet tribuens. æquè igitur sub vna sicut sub vtraque specie nos Eucharistiam sumere præcepit: & vterque vsus est præcepto Christi de sumenda Eucharistia conformis.

Porro cum aduersus hanc veritatem nihil solidi proferre potuerit Zaborovius: leuia quæcunq; congerit, quæ deinceps refellenda sunt. Ait ergo, veterem Ecclesiam vtramque speciem omnibus ad salutem necessariam ita credidisse; ut etiam infantibus propter consequendam vitam æternam tempore Augustini & Innocentij primi eandem porrexerit. At turpiter errat. Nam supra satis ostendimus eos, qui extra sacrificium communicabant, communiter vna tantum specie vsos esse, tam eos qui domum deferrebant Eucharistiam: quam infirmos, & eos qui de præsanctificatis communicabant. Infantibus verò nunquam Ecclesia vtramque speciem contulit, sed Sanguinis tantum partem infundi permisit, quod cibi solidi minime capaces essent. Quare hinc potius vsus vnius speciei, quam vtriusq; comprobatur.

Cum vero Cyprianum *serm. de Cæna Domini.* & Augustinum *in quest. sup. Leuiti.* adducit, dicentes: Omnes inuitari ad bibendum Sanguinem Christi ad vitam æternam consequendam: nihil verius. Bibere enim Sanguinem Christi ad vitam æternam consequendam dicimus esse necessarium, siue is in vna, siue in vtraq; specie sumatur: totus enim Christi Sanguis sub vna specie, totus sub altera continetur. Et si de re ipsa loquamur, etiam dū sub specie panis sumitur, bibitur: sumere enim Sanguinem, est bibere: licet si speciem externam respicias, sub specie vini bibatur. Quare & Cyprianus *in serm. de lapsis.* adfert exempla Communionis sub vna specie: & Augustinus fatetur Christum Apostolis in Emaus sub vna specie Eucharistiam dedisse, & mox ex oculis eorum euauisse. *sermone 140. de Temp. & alibi sæpè.*

Ait præterea Zabor. *Ioannis 6.* cum dicitur: *Qui manducat me, & ipse viuet propter me:* non esse sermonem de Eucharistia, sed de spirituali Christi per fidem manducatione. Ita quidem ille cum suis Symmisticis, sed ut cætera ineptissime. Quid enim; an non panem, quem se promittit daturū, Carnem suam appellat? *Panis,* inquit, *quem ego dabo, Caro mea est pro munda vita.* Quando vero hunc panem dedit, nisi quando accepit panem, & addit: *Discipulis dicens; hoc est Corpus meum, quod pro vobis datur?* Alioqui per fidem iam etiam tunc dabat hunc panem ad credendum. volebat, enim tunc in se credi: cum igitur panem in futurum pollicetur, non potest id, nisi de pane Eucharistico accipi.

Argumentū hoc Zaborovij contra ipsum est.

Nunquam creditum necessarium, vtramq; speciem ad salutem.

Patrum sententia quæ est nostra.

Panem promissum a se Christus carnem suam dicit.

*que indigna
est mortifera.*

At, inquit, multi manducauerunt panem Eucharistiæ, vt Iudas: non tamen viuunt in æternum. Quid insulsius? An enim manducantibus Eucharistiam indignè promittitur vita æterna? *Qui enim manducat indignè, iudiciũ sibi manducat & bibit.* teste Paulo.

*Zabor. vide-
tur negatu-
rus Christum
à cœlo venisse*

Sed Christus dicit; *Ego sum panis viuus; qui de cœlo descendi:* Eucharistia autem de cœlo non descendit, sed longo post tempore in terra instituenta erat. Simili ratione probaret Zaboronius, nec Christum de cœlo descendisse, quia in terra natus erat de Virgine. Sicut igitur Christus sub humana forma de cœlo non descendit, sed in terra natus est: ita nec sub forma Eucharistiæ seu panis de cœlo descendit, & tamen verissimum est, illum qui erat sub forma humana de cœlo descendisse: sicut & verum est illum qui est sub forma panis Eucharistici de cœlo descendisse, licet non cum forma panis descenderit. Sed apage has ineptias.

*manducanti-
bus promissa
vita æterna
sine potu.*

Si demus, ait, Christum *Ioan. 6.* de Eucharistia agere: vtraq; species ad salutem necessaria euincetur illis verbis; *Nisi manducaueritis carnem Filij hominis, & biberitis eius Sanguinem, non habebitis vitam in vobis.* Non euincetur, Zaboroui. tum quia in vna specie tam carnem quam Sanguinem ipsius sumimus: ex carne autem & sanguine Christi vita in nobis oritur: tũ quia, sicut dictum est, *Nisi manducaueritis, nisi biberitis.* ita etiam dictum est, *Qui manducat hunc panem, viuet in æternum.* ac proinde etiam soli manducationi panis promittitur vita æterna.

*quauquam
nos & bibi-
mus in vna
specie.*

Comeditis inquit, potius cũ carne, quàm bibitis sanguinem Christi. Imò vtrũq; diuerso respectu facere dicimur. Nam si externam formam panis respicias, comedere dicimur: si verò rem ipsam quam sumimus spectes nempe sanguinem, verè & bibere dicimur; proprium enim est Sanguinis vt instar aliorum liquorum bibatur, & sumere sanguinem quid aliud est quàm bibere.

*neque id con-
tra institutio-
nem Christi.*

Manducatis, inquit, indignè Eucharistiam sub vna specie: quia aliter quàm à Christo tradita est. At hæc calumnia est. Instituit enim Christus integrum Sacramentum sub vna, integrum sub vtraq; specie, & vitam æternam æquè vni ac vtriq; speciei attribuit. Quare cùm sub vna sumimus, secundum Christi institutionem sumimus: sicut &, cùm sub vtraq; percipimus, secundum Christi quoq; institutionem percipimus. ita enim vtramq; instituit, vt vna esset quoq; integrum Sacramentum, totum Christum & vitam æternam in se continens.

*nugatur pro
argumento
Zaboronius.*

At expressissimum mandatum Christi de vtraq; specie ait haberi apud Evangelistas & Apostolos, cùm præceptum Christi de manducando & bibendo exponunt: *Accipite & manducate: Bibite ex hoc omnes.* Itane verò, Zaboroui,

Zaboroui, pro expresso mandato habes verba Christi; *Manducate & bibite*? Anne qui cibum alijs offert & potum, vt manducant & bibant, præcepto aliquo eos obligare illico censendus est? quis te talem præcepti formam edocuit? Nam & de calice in cœna legali idem dixerat Christus; *Accipite & diuidite inter vos Luc. 22. 17.* nunquid præceptum illis imposuit? Sed tã puerilis ratio tibi condonanda est, qui solidi nil habes. Interim discere res fidei non tam nugatorie tractare, neque tam futilibus rationibus confirmare. Nemo enim est qui non intelligat, offerentem cibum & potum ad manducandum & bibendum, non præcepto obligare quempiam, sed inuitare & potestatem manducandi ac bibendi facere. Aliunde igitur tibi colligendum est præceptum, non ex verbis *Manducate & bibite.* quæ sine vlllo præcepto dici & vsurpari possunt ac solent.

Manducate enim & Bibite non sunt imperantis.

Quodsi omnino præceptum his verbis inesse contendas, id ego ad solos Apostolos spectare docebo: quod ad illos solos dictum sit; *Manducate & bibite.* Nam quemadmodum dictum eis est, *Bibite ex eo omnes:* ita scriptum quoque est, eos omnes hoc mandatum impleuisse; *Et biberunt ex eo omnes.* Ij ergo omnes, quibus dictum est, *Bibite, biberunt.* ij q; erant soli Apostoli. nam si fuissent fideles omnes, bibentibus solis Apostolis non bibissent omnes, sed aliqui.

aut solis Apostolis imperantis sunt.

Sed inquis, Apostolos personam totius Ecclesiæ retulisse. Rectè sanè, si sanè intelligas. Nam si ita velis Apostolos personam totius Ecclesiæ retulisse, vt, quæcunque tunc Apostolis dicta sunt, omnibus & singulis fidelibus dicta intelligantur: hoc modo falsum est Apostolos totius Ecclesiæ personam retulisse. Nam multa tunc dicta sunt Apostolis, quæ in singulos fideles non conueniunt: vt benedicere & conficere Eucharistiam, alijs quæ distribuere. Iussi etiam sunt manducare & bibere Eucharistiam post cibum, post lotionem pedum, noctu. quæ tamen circumstantiæ solos Apostolos afficiebant, non cæteros fideles. Si verò velis, Apostolos ita totius Ecclesiæ personam retulisse, vt tamen non quæcunq; illis dicta sunt ad singulos fideles pertinere intelligantur: iam ex hoc colligere non poteris, præceptum de vtraque specie ad omnes & singulos fideles pertinere, sicut neque consecrare, & distribuere Eucharistiam (quod facere hic iussi sunt Apostoli) ad singulos fideles pertinet. Neque enim necesse est, quæ toti Ecclesiæ dantur, singulis de Ecclesia dari. Toti enim Ecclesiæ dedit quosdam Apostolos, alios Doctores, Prophetas, Pastores: neque tamen singuli de Ecclesia sunt Apostoli, Doctores, Pastores &c.

Nam in omnibus cum Apostoli singulorum Christi- norum gessere personam.

Iam cum ais, ad successores quoque Apostolorum ea verba pertinere, non solum ad Sacerdotes ratione ad ministrationis, sed etiam omnes fideles

Solis Apostolis dictum

*Manducate,
Bibite, & ab
illis præstici.*

*in hoc eorum
heredes soli
Sacerdotes.*

*vna species
Sacramento
sufficit ex
Christi non
Ministri ar-
bitrio.*

*Zaboronius
cogit ad ca-
licem etiam
abstemios.*

ratione participationis : primùm respondeo, Verba illa *Manducate & bibite omnes*. solis Apostolis non eorum successoribus dicta esse. Illis enim solis Christus panem illum & vinum Eucharisticum dabat : illos solos panem illum iubebat tunc manducare & vinum bibere : illi deniq; soli impleuerunt hoc mandatũ, cum biberent ex eo omnes. Successio verò fidelium non verbis *Manducate & bibite* continetur, sed in alijs verbis *Hoc facite* : quibus ea, quæ circa Eucharistiam instituit, Apostolis facienda præcepit : quibus etiam, vt Eucharistiam distribuerent fidelibus commendauit, siue sub vtraque siue sub altera specie, sicuti ipsius institutio Eucharistiæ postulat. sed de hoc paulo post. Nunc satis est docere illa verba solis Apostolis dicta esse, & a solis Apostolis impleta : neque illum quem dabat in vltima cœna panem & potũ, ad alios quàm ad Apostolos pertinere potuisse.

Quod si non solis Apostolis, sed eorum etiam successoribus dictum est *Manducate & bibite*. hi successores Apostolorum in præcepta manducatione & bibitione non sunt omnes fideles, sed soli Sacerdotes. ijs enim solis tãquam sacrificantibus, præceptum impositum est manducandi & bibendi sub vtraque specie : quia ad sacrificium, vt dictum est, vtrq; pertinet. quod de cæteris fidelibus dici non potest, qui neque sacrificant : neq; ad plenam Sacramenti participationem vtraque specie opus habent, cum vna totam rationem Sacramenti habeat.

Denique, si ad omnes fideles ea verba accommodare placeat, dico non nisi secundum Christi institutionem accommodari debere, hoc est, siue sub vna siue sub vtraque specie. Ita enim vtramque speciem instituit Christus, vt in vna omnem Sacramenti rationem sufficienter contineri voluerit : ac proinde in vna sumpta rationi Sacramenti plenè & integrè a fumente satisfieri. Hoc verò non ex puro Ministri arbitrio pendet, vt obijcit Zaboronius, sed ex institutione & voluntate Christi ritum hunc liberum & indifferentem relinquentis. Si enim nos ad participationem vtriusq; speciei adstringere voluisset, proculdubio non totam Sacramenti dignitatem & fructum, in vnam contulisset, sed aliquid etiam ab alia specie expectandum reliquisset. quod quia non fecit, nos ad vtramq; adstringere noluit, vtriusq; tamen potestatem vtendi nobis permisit.

At libet Zaborouio argumentari. Omnes, inquit, ad Sanguinem Christi pertinent, quem Christus pro omnibus fudit : omnesque vicissim sanguinem pro Christo fundere parati esse debent : Ergo etiam ad calicem bibendum omnes pertinere debent. Verum si hæc argumentatio aliquid concludit, concludet etiam infantes & abstemios calicem bibere debere, quia Sanguis Christi pro illis fusus est.

Deinde

Liber secundus.

213

Deinde si vna tantum ratio esset applicandi Sanguinem Christi hominibus per potum Calicis, posset forte aliquid ea ratiocinatio valere: at cum tot alijs modis Sanguis Christi applicetur hominibus, nempe per Baptismum & alia Sacramenta, per Fidem & opera pia: non potest inferri necessarium esse ad hanc applicationem potum Sanguinis in calice. Nam etiam pro infantibus Sanguis Christi fusus est, quibus tamen non est necesse bibere Sanguinem Christi; sed satis est illis per Sacramentum Baptismi redemptionem Christi applicari.

Sanguis Christi fusus etiam pro non bibentibus illum est calice.

Denique fatemur libenter omnibus adultis Sanguinem Christi sumendum esse; non tam ob rationem Zaborouij, quæ non concludit; quam ob ipsam rei veritatem expressam à Christo Ioan. 6. illis verbis; *Nisi manducaueritis carnem Filij hominis, & biberitis eius sanguinem, non habebitis vitam in vobis.* Verum inde non sequitur Sanguinem Christi necessariò esse in vtraq; specie sumendum: satis enim est, si in alterutra sumatur, cum in vtraq; verè contineatur. nos quæ ipsum in vna specie sumentes redemptionis Christi reddimur perfectè participes.

bibitur enim etiam absque calice.

Rectè verò Cyprianus ad poculum Sanguinis bibendū admittendos esse docet eos, qui tunc inierant martyrium. illis enim temporibus communio sub vtraq; specie ab Ecclesia omnibus permessa erat. Cum vero dicit iure communicationis admittendos: non vult dicere Laicos habere ius diuinum ad bibendū calicem, sed de restituendo iure communionis loquitur, quod in pœnam erat ablatum lapsis. id quæ propterea vt sic fortiores ad martyrium euaderent. Ex quo contra Zaborouium inferitur potestatem in Ecclesia fuisse & auferendi ius communionis peccantibus, & postea ipsum restituendi pœnitentibus. At non est Zaborouio nouum verba Patrum falso & contra mentem ipsorum adducere. Nam & hoc loco, cum apud Cyprianum habeatur, *Iure communicationis*, ipse citauit *Iure communionis*, vt sic ius suum communicandi sub vtraq; specie stabiliret: cum tamen Cyprianus de iure communicationis Ecclesiasticæ vniuersè loquatur: quo lapsi per excommunicationem tum priuabantur. & petit à Cornelio Papa, vt eis ea communicatio propter occasionem martyrij restituatur.

et si aliquibus etiam in calice olim datus.

F.

Aliud pro vtraq; specie argumentum instituit in hunc modum; Quicumque tenentur mortem Christi commemorare, ij tenentur non tantum panem sacrum edere, sed etiam de poculo benedicto bibere: siquidem Christus dixit; *Hoc facite quotiescunque bibetis in meam commemorationem*: At non soli Sacerdotes, sed & laici fideles, tenentur mortem Christi commemorare: tenentur igitur de poculo benedicto bibere. Verum propositio maior distinguenda est. Si enim commemoratio mortis Christi fiat per repre-

Representatio mortis Christi ad solos Sacerdotes pertinet.

commemora-
tio ad omnes.

at hic sat v-
na species.

1.

2.

3.

Institutio nō
est præceptū.

sensationem hinc Corporis illinc Sanguinis Domini; talis commemoratio utramq; quidem speciem includit, sed ad solos Sacerdotes spectat, non ad Laicos. soli enim Sacerdotes conficiunt & consecrant species Eucharistiæ repræsentantes hinc corpus hinc sanguinem Domini, faciunt quæ hanc repræsentationem non māducando & bibendo, sed coletrādo & conciendo Sacramentū Corporis & Sanguinis Domini. Si vero hæc commemoratio mortis Domini, *annuntiando*, ut ait Paulus, hoc est reuocando in mentem mortem Domini, pro ea quæ gratias agendo: ea spectat etiam ad Laicos sumentes corpus & sanguinem Domini. in ea enim sumptione tenentur meminisse mortis Domini, & pro ea Deo gratias exolvere. Verum qui hoc modo tenentur annuntiare mortem Domini, non tenentur utramq; speciem sumere. Nam vnam tantum sumendo sufficienter possunt commemorare mortem Domini: cum etiam ad speciem panis additum sit; *Hoc facite in meam commemorationem*; & in specie panis sit Corpus & Sanguis Christi, ex quibus sumitur commemoratio mortis Christi.

Probatio vero Zaborouij nullius est momenti. Nam quod Christus dixerit; *Hoc facite quotiescunq; bibetis in meam commemorationem*: ex eo quidem colligitur, quod cum bibitur altera species, facienda sit mortis Christi commemoratio. non colligitur autem, quod vel absque ea non possit esse mortis Christi commemoratio, vel quod omnes teneantur bibere ut faciant mortis Christi commemorationem. Imo Christus contrariū innuit. Non enim absolute dixit; *Hoc facite in meam commemorationem*, uti dixit de pane, sed *Hoc facite quotiescunq; bibetis*: innuens non semper fidelibus bibendum, esse ad mortis Christi commemorationem; sed quotiescunq; bibere contigerit, id faciendum esse in eam commemorationem.

Sed pergit adhuc argumentari ostendendo verba Christi; *Bibite ex hoc omnes*, esse præceptiua non inuitatiua. Tunc enim, inquit, Sacramentum instituit. O egregiam rationem. Nihil igitur differet institutio à præcepto? & quicquid instituitur à Deo, tua rationatione præceptum erit? Instituit Deus Matrimonium *Crescite & multipl. camini*: præceptum igitur erit Matrimonium: & qui sine vxore fuerit, condemnabitur tanquam reus præcepti Domini? Instituit Deus, ut *omne quod mouetur & uiuit sit homini in cibum*: qui igitur esu carniū abstinuerit, contra Dei præceptum facere censendus est? similiter instituit Christus lotionem pedum ad humilitatis exercitium: omnes igitur hoc præcepto aliorum lauandi pedes tenebuntur, & nisi faciant, condemnabuntur? Quis istas consecutiones non rideat? Longe ergo melius viri docti inter institutionem & præceptum magnum ponūt discrimen. Nam institutionem rei quasi quandam productionem vocant; ut id,

vt id, quod antè non erat, per institutionem existat: præceptum verò, obligationem re instituta vtendi, quare si obligatio vtendi re instituta nulla fuerit imposita, erit institutio sine præcepto. Hac igitur ratione de Eucharistia cogitandum est: aliud esse vtriusque speciei institutionem, aliud præceptum. neq; ex institutione præceptum, nisi à rerum imperito colligi potest.

Addit. Si *Bibite* esset inuitatiuum: illa quoque *Accipite & manducate* inuitatiua essent. Quid tum, Zaboroui? inuitabantur enim Apostoli tum ad manducandum panem illum, quem eis tunc dabat Christus; tum ad bibendum calicem, neque vllus alius præter Apostolos ad illum panem & ad illum calicem fuit inuitatus.

inuitati Apostoli, non iussu bibere.

sacrificium nostrum est in consecratione.

Quanta, inquit, absurda ex hac maledicta glossa consequetur! Audiamus probationem, vt ex probatione, quam iuste irrogetur maledictio, cognoscatur. Sequetur, inquit, vestram Missam rem indifferentem esse. At non sumus tam stulti, vt Missam nostram ex illis verbis *Manducate & Bibite*, colligamus. Non enim in manducatione & bibitione, sed precipue in consecratione & consecutione Corporis & Sanguinis Domini Missa nostra consistit: Illa alia Christi verba *Hoc facite*; Missam nostram euincunt: quibus benedicendi & consecrandi Eucharistiam in vtraq; specie potestas Apostolis, & eorum in Sacerdotio successoribus, est concessa.

usus vnius speciei aut vtriusque ex se indifferens est.

Concludetur, inquit, etiam sumptionem vnius speciei in laicis esse adiaphoram. O quantum absurdum. Iam satis ostensum est, si ius diuinum & Christi institutionem spectes; ita esse institutam vnã speciem, vt totam rationem Sacramenti sola habeat, non minus, quam cum altera coniuncta. ac proinde, quod ad ius diuinum attinet, esse adiaphoram. non quod sumptio Corporis & Sanguinis Domini sit adiaphora (est enim res ad salutem iure diuino necessaria) sed quod sumptio sub duabus vel sub vna specie sit adiaphora: cum vtroq; modo totus Christus sumatur. Quamuis si præceptum spectes Ecclesiæ, quæ ad vniformem vnius speciei usum obligare fideles potest, non est res adiaphora, sed necessaria: necessarium quippe est præcepto Ecclesiæ obedire.

non ipsa Eucharistia.

Quare ridicula sunt, quæ rhetoricando potius quam solide probando hic contra nos declamat, quasi inuictis argumentis euerit, quæ pro stramineis à nobis habentur. addita etiam calumpnia, quasi nos Eucharistiam inter adiaphora referamus: cum de ritu solo Eucharistiam sub vna vel sub duplici specie sumendi id doceamus: ipsam verò Eucharistiæ sumptionem, quocumque modo sit, dummodo sumatur, esse ad salutem necessariam nullo modo negamus.

Omnès bibite solis Apostolis dictum.

Cum verò tantam vim faciat Zaborouius in particula *omnes* vt eo confilio di-

filio dicat adiectum à Christo in usu calicis, & non in usu panis, quòd futuri essent qui usum calicis non omnibus concessum esse à Christo dicerent: deberet probare hoc Christi consilium unde intellexerit. Non enim ex revelatione sibi facta illud discere potuit: neq; ex necessaria aliqua ratione deducere. Nam cum de particulari illo calice, ut illum biberent omnes, locutus sit Christus, illum autem ebiberint Apostoli soli, non post orituri fideles, nihil habet vox illa *omnes* quod ad futuros fideles pertineat.

1.

2.

In promptu verò alia ratio est ob quam in præbendo calice Christus dixerit *omnes*, quod in præbendo pane non legitur dixisse. quamvis etiam in pane eam particulam adiectam fuisse ex traditione Apostolica constat, habetur què in Canone Missæ, & apud Ambrosium 4. de Sacramentis capite 5. Quia enim singulis suam partem panis consecrati dabat Christus, non erat necesse monere ut omnes manducarent: hoc enim ex ipsa distributione consequebatur. At in propinando calice, non singulis calicem distribuerebat, sed uni tantum dederat, quem ut inter se diuiderent omnes, monendi à Christo erant: ad eum modum, quo in cœna legali de calice dixerat; *Accipite & diuidite inter vos*. Eandem igitur hic admonitionem insinauit dicendo; *Bibite omnes*: ut scilicet calicem illum diuiderent inter se omnes, non vnus exhauriret. Quam huius rei rationem, cum solide refellere nesciret, verbis & exclamationibus eludere vult: quæ apud doctos locum non habent.

Non omnibus
calix concessus.

1.

2.

Denique ita argumentatur; Quicumq; ad Nouum Testamentum pertinent, illi quoq; ad calicem pertineant necesse est: quia Christus dixit *Hic calix est nouum Testamentum*: Fideles ad nouum Testamentum pertinent: ergo & ad calicem pertineant necesse est. Huius argumenti prior propositio est falsa. Nam multi ad nouum Testamentum pertinent, qui ad calicem bibendum non pertinent, ut sunt infantes, & abstemij.

quà bibendus

Deinde calix est nouum Testamentum, quatenus pro nobis effunditur & offertur Deo ad vitam & hereditatem æternam nobis obtinendam, non, verò quatenus bibitur (ita enim expresse Christus addidit: *Hic est calix nouum Testamentum in sanguine meo, qui pro vobis funditur*. ostendens calicem fustum pro nobis esse nouum Testamentum) quare omnes qui ad nouum Testamentum pertinent, pertinent quoq; ad calicem quatenus funditur pro illis & offertur Deo in altari, non quatenus bibitur.

quà fusus enim est Testamentum.

Neque potuit ostendere Zaborouius in bibendo calice nouum Testamentum constitutum esse. Nam quod ait Sanguinem Christi semel esse pro nobis fustum: id satis antè refutatum est. Visibili enim ratione per separationem à corpore semel fusus est: quia semel Christus mortuus est: At incruentè & mystice sub specie vini semper funditur: cum expresse Lucas dicat, *calicem*

licem Sanguinis pro nobis fundi, ac proinde Sanguinem vt est in calice Deo pro nobis in Eucharistia offerri.

Adhæc si sanguis Christi est nouum Testamentum : cum is non solum sub specie panis in calice, sed etiam sub specie panis habeatur : (nunquam enim à Corpore Christi immortali sanguis eius separari potest, nisi Corpus Christi exangue & mortuum statuatur) consequens est, si non solum offerendo illum pro nobis, sed etiam bibendo, volumus eius esse participes : æquè sub specie panis, sicut sub vini specie posse nos eius esse participes : siquidem eundem sanguinem vtroque sumimus.

Indicauit autem Christus suum Testamentum in calice propter sacrificium, vt sub expressa ratione sanguis eius repræsentaretur, offerreturq; pro nobis, ad eum modum quo in cruce fusus est. Quæ expressa ratio ad sumendum sanguinem noui Testamenti necessaria non est : siue enim in calice siue sub specie panis sumatur, verè sanguis noui Testamenti sumitur, & sumens fit Sanguinis noui Testamenti participes.

Falsum quidem esse ait Zaborou. sub vna specie esse totum Christum, cum corpore, sanguine, anima, deitate : at erroris paulò ante est à nobis conuictus. Nam quòd ait Christum non dixisse, Hoc est corpus, sanguis, anima, deitas mea. sed *Hoc est Corpus meum.* id nihil eum adiuuat. Non enim ex vi verborum & Sacramenti, sed ex connexionione naturali partium Christi, seu per concomitantiam, dicimus esse cum corpore Christi sanguinem, animam, deitatem : quòd ista à Corpore Christi separari non possint.

Falsumq; est quòd ait, venerandam canitiem Patrum hanc concomitantiam non credidisse. Nullus enim ex Patribus fuit, qui Corpus Christi in Eucharistia exangue & mortuum crederet, aut à diuinitate separatam. Abutiturq; testimonijs Gelasij & Leonis I. qui eam solum Sacramenti damnauerunt diuisionem, quam Manichæi inducebant, non credentes verum Sanguinem in Christo.

Iulius verò Pontifex statuit, non intinctum panem in Sanguine præbere populo, sed seorsim panem, seorsim calicem, sicut præbuit Christus Apostolis. Eo enim tempore vtraque specie Ecclesia utebatur : quare & vsus legitimus vtriusque speciei seruandus erat, non per intinctionem, sed per singularem vtriusque exhibitionem. Ex eo verò non licet inferre Pontificem non credidisse sub specie panis esse quoque Sanguinem : sed solum seorsim sub diuersis signis dandum esse Sanguinem & Corpus Christi, sicut tunc præcipiebat Ecclesia. Insuper non minus Corpore quàm Sanguine Christi nouum Testamentum confirmatum est. Verum enim est quòd ait Paulus : *Sanctificati sumus per oblationem Corporis Christi semel.* quocirca æquè sumptione

sub specie panis sumus participes Sanguinis.

indicatus à Christo in calice propter sacrificium.

verba Christi non con- dicunt nobis.

Patres concomitantiam agnouerunt.

quamuis vsi ad huc vtriusque specie.

Hebr. 10. 10.

prione corporis, ac sumptione calicis, efficiamur noui Testamenti participes.

Respondet Zaboruius vtrumque coniungendum esse, vt tam Corporis quam Sanguinis Domini simus participes. Recte sane. Atqui in vna specie corporis & Sanguinis sumus participes, cum in vna vtrumq; sumamus: sufficit igitur vna species ad hoc, vt simus participes noui Testamenti; si hæc participatio sumendo fieri debeat. Non igitur potest hinc vtramq; speciem Zaboruius stabilire.

*Species dua
vnum tamen
Sacramentum.*

Adiicit verò nouam ad finem capitis in gratiam meam (vti scribit) ratiunculam: quæ eadem gratiâ dissoluenda est. Ait: Nam Christus aut in duabus speciebus duo Sacramenta instituit: aut vnum integrum sub duabus speciebus: Si duo seorsim; erunt ergo octo Sacramenta: si vnum integrum; igitur qui vnam speciem sumit, Sacramentum non sumit integrum. Sed facile responderetur: Duas species non esse duo Sacramenta, sed vnum: quia sunt vna resectio spiritualis. Sicut nec in Baptismo tres mersiones sunt tres Baptismi: quia ad vnam ablutionem spiritualem ordinantur. Et sicut Baptismus per trinam mersionem collatus non est maior Baptismus, quam is qui vna mersione confertur: ita nec maius est Sacramentum sub duplici specie, quam sub vna perceptum. Totam enim rationem Sacramenti contulit vni speciei Christus, totam vtriq; sicut tota ratio Baptismi est in trina mersione, tota in vna. Quemadmodum autem non truncat quis aut mutilat Baptismum, si vnam mersionem faciat, quia tota ratio Baptismi saluatur in vna mersione. ita neque truncat seu mutilat aut diuidit Eucharistiam, quicquid sub vna percipit specie. Non igitur valet illa consecutio; si est vnum Sacramentum in vtraq; specie, non fore integrum Sacramentum in vna: Non enim dicimus ita vnum in duabus speciebus, vt illæ species sint partes quasi integrantes vnius totius: sed quod totum sit in vna specie, totum in altera; ac proinde vnum Sacramentum in vtraq;. Sicut vnus Baptismus est in trina mersione: vna etiam hominis anima est in multis corporis partibus; tota in omnibus tota in singulis. Nam ob eandem causam & is qui plures hostias consecratas sumit, non plura Sacramenta sumere censetur, quia per modum vnius resectionis eas sumit. Quanquam si vtraq; species præcipiatur ab Ecclesia, vti fuit tempore Gelasij Papæ: tunc ratione præcepti non diceretur integrum sumi Sacramentum, nisi vtraq; species sumatur: quia sub vtraq; sumendum præcipitur. ita vt in tali sumptione desit integritas præcepti, licet non desit integritas Sacramenti absoluta. Et hoc sensu Gelasius ait: *Aut integra Sacramenta percipiant, aut ab integris arceantur.*

*sat ergo vna
nisi præcipiatur
amb.*

Superest exponendum, an ex illis verbis *Hoc facite*, concludi possit vtramque

tramque speciem necessario distribuendam esse. Ea enim verba Apostolis dicta esse, quatenus Ministris huius Sacramenti, nemo dubitare potest. Hoc enim faciendum illis commisit Christus, quod ipse tunc fecit. Cum igitur ipse benedixerit, & benedicendo confecerit Eucharistiam, hoc est, Corpus & Sanguinem suum sub panis & vini specie: idem quoque faciendi potestatem dedit Apostolis. atque ex consequenti Sacerdotes illos constituit: Sacerdotij enim præcipua potestas in consecranda & conficienda Eucharistia posita est. Ait ergo Zabor. licet ea verba ad Apostolos quæ Ministri sunt spectent: tamen ex parte ad fideles quoque spectare. Sensus enim est; Hoc facite, quod me vidistis facere; atqui me vidistis poculum dedisse: hoc igitur vos quoque alijs date. Nos contra in N O D O docuimus, his verbis nullo præcepto fuisse à Christo obligatos Apostolos ad vtramque speciem fidelibus distribuendam. Hoc enim ipsa Christi verba indicant. Nam de pane absolute dixit Christus, *Hoc facite in meam commemorationem.* de calice verò, *Hoc facite quotiescunq; bibetis in meam commemorationem.* indicans non semper bibendum calicem, sed quoties bibendus erit, in commemorationem Christi bibendum esse. Cur enim obsecro de pane non dixit, *Hoc facite quotiescunq; manducabitis?* nisi quia sciebat communem in Ecclesia vsum esse debuisse manducandi panem: de calice verò, vsum sciebat non semper communem futurum, ideo adiecit *Quotiescunq; bibetis.*

Hoc facite non imperat vtramque speciem porrigere omnibus.

Ineptum autem est quod respondet Zabor. Christum vsum panis indicasse, dicendo *Accipite & manducate.* & ideo non debuisse adijcere, *Hoc facite manducantes.* Nam similiter vsum etiam calicis demonstravit, dicens; *Bibite ex eo omnes:* & tamen in vsum calicis adiecit conditionem, in vsum panis non adiecit. hoc igitur ipso indicare voluit, calice non absolute vtendum esse fidelibus; sed quoties vtendum eo esset, in commemorationem Christi vtendum esse: ita vt non simpliciter obligaret ad bibendum, sed vt cum bibetur ad commemorationem bibatur.

Evasio Zaborouiana inepta.

1.

Accedit, quod Paulus referens Christi institutionem sub disunctione loquitur: *Quicumque manducauerit panem hunc, vel biberit calicem Domini indigne, reus erit Corporis & Sanguinis Domini.* Si enim nunquam in vsum disiungi debuit calix à pane, debuit dicere Qui manducauerit & biberit, non *Qui manducauerit vel biberit.* Cum igitur ista disiungat, indicat ista aliquando disiungi in vsum potuisse, & aliquos manducatuos & bibituos, aliquos verò manducatuos vel bibituos tantum. Hic igitur modus loquendi diuersus de specie panis ac vini argumento est, non æque Christi mandatum ad vnam speciem, vt ad alteram pertinere.

Disiunctio Paulina contradicit illi.

2.

Quocirca etsi illis verbis *Hoc facite*, facere voluit Apostolos Christus id quod

3.
ita institutio diuersa vtriusq; speciei

4.
exemplum Christi.

5.
necessitas multorum & usus Ecclesiæ

id quod ipse fecit: noluit tamen necessariò vtramq; speciem ab illis distribui: quia ne ipse quidem ita dedit vtramque speciem, vt vtraque necessariò distribuenda crederetur. id què indicauit non solum diuerso illo loquendi modo de vna & de altera, absoluto scilicet & conditionato, sed etiam ipsa institutione: ita enim instituit vtramque, vt in vna totum includeret; totam, in qua Sacramenti essentiam & fructum. Quod si ad vtramque obligare nos voluisset, aliquid expectandum ab vna, quod non haberetur in altera statuisset. Denique indicauit idem suo ipse exemplo, cum in Emmaus discipulis vnam tantum speciem exhibuit, in fractione panis aperiens oculos illorum; & illico euanesceus, alteri speciei exhibendæ spatio non relicto.

Et sane prospexisse Christus futuræ necessitati credendus est multorum, qui altera specie, vel omnino vti non poterant, vt abstemij; vel sine periculo alicuius indecentiæ, vt infirmi, & alij, quibus extra Ecclesiam Eucharistia danda erat: vsus què perpetuus Ecclesiæ in ijs, qui extra sacrificium aut extra Ecclesiam communicabant, eam à Christo & Apostolis traditam doctrinam & explicationem, luculenter testatur.

Luce igitur clariùs manifestum est, non solum Catholicos in vsu vnius speciei mutilatores aut diuifores Sacramenti non esse: sed Euangelicos potius & institutionis Christi violatores, & mandati transgressores esse: qui quod Christus liberum esse voluit, necessarium affirmant; & eos, qui Christi institutioni omnino insistent, temere condemnant, vim Scripturis & diuinæ institutioni facientes.

CAPVT VI.

Quæ aduersus Ecclesiæ authoritatem à Zaborouio temere dicuntur, refelluntur.

VII. notam Zabor. oppugnat vana cautela.

Septimam verorum Ministrorum notam eam indicaueram, quòd esse veræ Ecclesiæ Ministri debeant. Necessè enim Ministros sponsi, esse quoque Ministros sponsæ.

Hic proclamat Zabor. aliter sponsi quam sponsæ Ministros esse debere: non vt ex arbitrio sponsæ pendeant, sed vt voce sponsi, qua etiam sponsa regitur, dirigantur.

Sponsæ eadē vox quæ spō.

At vana est ista cautio. Si enim sponsa posset descedere à voce sponsi & à sponso non dirigi, non esset æquum perinde obedire sponsæ ac sponso. At cum sponsa nunquam possit à voce sponsi recedere, neq; à sponso ita de-

seri vt

feri, vt in errores varios labi permittatur (nunquam enim Christus desinet esse suæ Ecclesiæ sponsus, nunquam Matrimonium hoc quod inter eos est vllò vnquam tempore dissoluetur Ephes. 5.), consequens est audire vocem sponsæ, esse vocem sponsi audire: & ab arbitrio sponsæ pendere, esse à sponsi arbitrio pendere; quod illius arbitrium sponsi arbitrio contrarium esse non possit, sponsæq; dilectæ à sponso arbitrium, est sponsi ipsius arbitrium. Ita igitur obediendum est sponsæ, sicut ipsi sponso: cum in sponsa sponso obediatur. Neque vox sponsæ in examen adducenda, vtrum cum voce sponsi congruat vel non; sed tanquam certissimum supponendum, non posse non contentire cum voce sponsi, & tanquam vox ipsius sponsi sine alia inquisitione audienda. si enim aliquando à sponsi voce dissentiret, sponsa esse desineret: quod cum fieri non possit (æternum enim & insolubile inter Christum & Ecclesiam est vinculum) fieri quoque minimè poterit, vt sponsa aliquid contrarium voci sponsi loquatur, & doceat, & in errorem alios inducat.

ipso sponso teste, omnem ei potestatem conferente.

Clarissima Christi verba sunt Matth. 18. 17. *Qui Ecclesiam non audierit, sit sicut Ethnicus & publicanus.* Quæ Zaboronius falso negat, non posse intelligi de dogmatibus fidei, sed tantum de disciplina Ecclesiastica. Nam vt supra ostensum est, Christus vniuersè de omni peccato in fratrem loquitur, illudq; potestati Ecclesiæ subijcit: Maximum autem peccatum est in fratrem, cum quis falsam doctrinam disseminans, animæ fratris interitum parat: Hoc igitur etiā peccatum Ecclesiæ potestati subijcitur. vnde & mox in eius potestatis confirmationem adiungit, vniuersè pronuntians: *Quæcūque alligaueritis super terram, erunt ligata & in cælis: & quæcūque solueritis super terram, erunt soluta & in cælis.* Idcirco igitur Ecclesia audienda est, quia habet omnem potestatem quæcūq; ligandi & soluendi super terram.

Vniuersè.

At inquit, Christum de particulari non de vniuersali Ecclesia agere. Minimè verò. Agit enim cum Apostolis, qui vniuersalem Ecclesiam repræsentabant, & quibus vniuersæ Ecclesiæ cura incumberebat. Quod si Ecclesia particularis conceditur eam potestatem habere: quanto magis vniuersalis? Quanquam sicut Spiritum veritatis Christus, non alicui particulari Ecclesiæ, sed vniuersali promisit: ita & iudicium de dogmatibus fidei, præcipuè ad Ecclesiam vniuersalem spectat, ad particularem verò nonnisi quatenus ab vniuersali dirigitur.

Rectè ergo Augustinus, Ecclesiam tenere & possidere omnem sui sponsi & Domini potestatem, ait, 4. de Baptismo contra Donat. cap. 1. cuius verba Zaboronius limitatè accipi vult, de ea potestate, quæ sponsæ à sponso conferri potuit. Quasi verò ea de qua loquimur potestas de dogmatibus fidei iudicandi, & inter falsā & vera discernendi, Ecclesiæ à Christo conferri

Augustino interpret.

De Notis Ministrorum

non potuerit: neque Spiritus veritatis, quem Christus Ecclesiæ promisit, possit ita Ecclesiam dirigere, ut eam ab omni errore & falsitate custodiat & liberet. Quod si ea potestas conferri potuit, collata proculdubio est in ea tã vniuersali potestatis communicatione.

Nullus (inquit) prudens sponsus est tam excors, ut sibi nihil iuris ac dominij supra sponsam reseruatam velit. Quid ad rem? neque nos negamus Christum nullum ius & dominium in sponsam sibi reseruasse: verum interim omnem potestatem ad regimen Ecclesiæ necessariam, qualis est ista, qua dogmata vera à falsis discernuntur, totam cum Ecclesia dicimus communicasse.

*Idem euincunt
eiusdē sponsi
promissā.*

Idem euincunt illa Christi promissa, quibus Ecclesiæ suæ *Spiritum veritatis* promisit, *ut maneat in ea in eternum & doceat eam omnem veritatem* Ioan. 14. 16. Spiritu enim veritatis munita Ecclesia, qui potest in errorem prolabi? nisi vel Spiritus veritatis suas partes deserat, vel ad errorem homines impellat. Præsentiam quoque suam eidem Ecclesiæ vsq; ad consummationem seculi fidelissimè promisit Matth. 28. *Ego, inquit, vobiscum sum, vsq; ad consummationem seculi.* Deesset autem Ecclesiæ, si eam à fide aberrare & in errores prolabi permitteret.

*Zabor. eadē
oberrat chor-
da & aberrat.*

His tam magnificis promissis, cum Zaborotius nihil solidi opponere posset, ait, Christum tam sui quam Spiritus S. præsentiam conditionaliter promississe, nimirum si ea docuerint Ministri quæ Christus præcepit, iuxta illud, *Docentes eos seruare, quæcunq; mandauimus vobis.* Sed errat Zaborotius. Nam præsentia Spiritus S. non promittitur sub ea conditione, si Ministri docuerint omnem veritatem, sed ad hoc ut doceat eos omnem veritatem: si autem docet omnem veritatem, non permittit eos errare. vnde illa conditionem non supponit Spiritus sanctus, sed facit: quia ita Ecclesiam instruit, ut cognoscat omnem veritatem, & non possit docere quod mandatis Christi repugnet. Quare & præsentiam suam Christus ad eundem finem promisit Ecclesiæ: non si ea doceat, quæ ab ipso mandata sunt, sed ut ea doceat quæ mandata sunt, nec quidquam contrarium doceat. præsentia enim illius efficit hoc in Ecclesia, non supponit: nam ad eam ipsam conditionem implendam, requiritur præsentia Christi & gratia. Quocirca cum ait Zaborotius, Ministros extrinsecus quidem exequi prædicationem verbi diuini, ipsum autem Deum internè in corda fidelium agere & dare incrementum 1. Cor. 3. 6. verum ait; sed non omnia complectitur. Non solum enim Deus ad efficacitatem prædicationis cooperatur, mouens spiritu suo auditorum animos: sed etiam per Spiritum veritatis docet Ecclesiæ Ministros omnem veritatem, ut nihil veritati contrarium nomine Ecclesiæ prædicent.

*Christus eius-
q; spiritus, nō
auditores
duntaxat,
sed ipsos etiā
docet docto-
res.*

dicent. Sicq; verum est, quod *Augst. tract. 3. in epist. Ioan.* ait: *Carbēdum in celo tener, qui corda docet.* Docet enim non solum audientium corda ad credendum, sed & prædicantium ad sine errore prædicandum. Verum etiā est, quod intuli: voluisse Dominum nos reddere securos, si ab Ecclesia pendeamus. Ab Ecclesia enim pendere, est ab ipso Christo, qui in Ecclesia & per Ecclesiam nos dirigit & docet, pendere. Insulsumque est quod repetit Zaborquius, non ab Ecclesia, sed a verbo Christi nos pendere debere. Nunquam enim magis a verbo Christi pendemus, quam cum ab Ecclesia verbū Christi audimus. ea namque a verbo Christi aberrare non potest: cum a suo Magistro & sponso doceatur omnem veritatem. Neque vnquam certius verbum Dei audimus, quam cum illud prædicantem & exponentem Ecclesiam audimus. Nos enim & quilibet priuatus, in exponendo & intelligendo Dei verbo priuato sensu falli & errare possumus: Ecclesia verò Spiritu veritatis instructa non potest. Admonet nos quidem Christus vt in eius verbo maneamus: sed eius verbum exponit nobis Ecclesia. cuius sensus & intelligentia tanquam ab ipso Spiritu sancto profecta, omnibus alijs priuatorum hominum sensibus & glossematibus præponenda est.

Non minùs eandem Ecclesiæ auctoritatem confirmāt illa Christi verba de Ecclesia dicta Matth. 16. *Et portæ inferi non præualebunt aduersus eam.* Quæ esse de vniuersali electorum Ecclesia dicta ait Zaborouius. ac proinde non debere ad Ecclesiam Romanam trahi. sed errat. Nam neq; Ecclesia aliqua quæ sit peculiariter electorum datur; siquidem electi ad eandem cum reprobis Ecclesiam pertinent, suntq; pars Ecclesiæ vnius ex ipsis electis & reprobis constitutæ: neque Ecclesia a Christo ædificata electos solum continet; sed quoscunq; fideles, qui per fidem *tanquam lapides viui superædificātur domus spiritualis.* 1. Petr. 2. 5. Neque portæ inferi si aduersus reprobos prævalent, idcirco aduersus Ecclesiam reprobos pariter ac electos continentē prævalent. Non enim Ecclesiam sequendo reprobi facti sunt: sed potius eā deferendo & voci eius non obediendo. ea igitur Christi promissio non. soli electorum Ecclesiæ (quæ vna & eadem est cum Ecclesia reproborum, sub vno eodemq; regimine, sub iisdem pastoribus, sub vna eademq; fidei & Sacramentorum professione & communicatione) competit: sed vniuersali prorsus Ecclesiæ. quæ ita a Christo dirigitur quoad omnem veritatem vt portæ inferi aduersus eam præualere nunquam possint. Iam cum ea Christi verba ad Romanam Ecclesiam a me applicari scribit, quid mirum? Scimus enim ex Scripturis Ecclesiam a Christo ædificatam esse super Petrum, qui est Romanus Pontifex: Quamuis enim vt Romanus Pontifex est, Ecclesiam solum Romanam quæ particularis est gubernat: tamen vt est successor Petri solum vniuersalē Ecclesiā & orbis vniuersi est Pontifex & Pastor.

*Ecclesia Christi
si insuperabilis*

*Episcopus Ecclesie Romanæ
na quomodo
vniuersalis*

De Notis Ministrorum

Illa etiam Pauli verba *1. Tim. 3. 15.* quibus Ecclesiam vocat *columnam & firmamentum veritatis*, ait Zaborouius prolata esse de Ephesina Ecclesia, contra quam ita præualuerunt portæ inferorum, ut penitus defecerit. Ita enim, inquit, particulares Ecclesiæ sunt columnæ veritatis, ut potius à veritate sustententur. Sed fallitur. Constat enim Paulum loqui de Ecclesia absolute, siue sit Ephesi, siue vbiçunq;. Nam & verbis absolutis vtitur, & Timotheum instruit, quomodo eum conuersari oporteat, non solum in Ecclesia Ephesina, sed absolute in Ecclesia, quæcunq; & vbiçunq; illa fuerit.

*Quomodo
columna ve-
ritatis Eccle-
sia.*

Ridiculè verò exponit, quomodo Ecclesia sit columna veritatis, nempe quia sustentantur à veritate. quasi columnæ officium sit sustentari, & non potius sustentare. Si igitur Paulus Ecclesiā vocat columnā veritatis, ideo vocat quod sustentet veritatem, non quod sustentetur à veritate. Nam quāuis verum sit Ecclesiam quoque suo modo sustentari à veritate: veritas enim est quæ Ecclesiam tenet & conseruat. tamen cū dicitur Ecclesia columna veritatis, non ideo dicitur quod sustentetur, sed quod sustentet. in eo namq; quod sustentetur non habet rationem columnæ, sed in eo quod sustentet. Si igitur Ecclesia sustentat veritatem, proculdubio eius de veritate iudicium, erit certum & infallibile. Licet enim Ecclesia non sit primum fundamentum veritatis, siquidem ipsa innititur sicut columna principali fundamento Christo, à quo accepit omnem veritatem: nihilominus tamen eo ipso quod Christo veritati innitatur, nec ab eo deseri vnquam possit; habet ex Christo, quod sit ipsa quoque columna veritatis, propter dogmatum certitudinem inuiolabilem, ut exponit Augustinus *in Psalm. 47.* ita ut dogmatum fidei certitudo nobis ab Ecclesia petenda sit. Porro dicitur Ecclesia esse columna veritatis: non simpliciter, quasi det vim & firmitatem veritati: sed respectu nostri, quia nobis veritatem omnem certissime declarat. neque enim alibi quā in Ecclesia est aut docetur veritas.

Iam verò cū ait, portas inferi contra Ephesinam Ecclesiam præualuisse: inde non sequitur, contra Ecclesiam absolute præualuisse. Ecclesia enim, etsi Ephesi defierit esse, non tamen in vniuerso mundo. hoc verò esset, contra Ecclesiam præualere: si id efficerent, ut Ecclesia Dei prorsus è mundo tolleretur, & fides Christi vera penitus periret.

*Canillatur
Zaborouius.* Addit Zabor. Romanam Ecclesiam non esse veram sponsam, nec verum Corpus Christi: quod Christo vnico sponso minimè contenta, eidem toro alterum sponsum superinduxerit, ab alioq; capite regi desideret.

*Quo pacto v-
num & plu-* Verum æquiocatione ludit Zabor. Nam caput quidem naturale vnius corporis non est nisi vnum, & si plura fuerint, erit monstrum: attamen capita Metaphorica vnius corporis plura esse possunt: secundum varias considera-

Considerationes & respectus. Sic Paulus virum vocat caput mulieris, viri caput Christum, Christi caput Deum, tria Metaphorica capita mulieri tribuens præter unicum ipsius caput naturale. Neque tamen, quia mulier, præter virum suum, aliud quoque caput agnoscit, infidelis viro censeripotest: quod isti Metaphorici respectus verò & proprie dicto coniugio non præiudicent. Similiter si mulier præter corporalem suum sponsum, agnoscat Christum, quoque pro suo sponso spirituali; neq, adultera viro suo censeripotest, nec infidelis: quod hoc spirituale Matrimonium non præiudicet corporali. Pari ergo ratione in spirituali Ecclesiæ Matrimonio, solus Christus proprie dictus vir & sponus Ecclesiæ suæ est, qui eam sibi sanguine suo desponsauit: similem sponsum si alium agnosceret Ecclesia, esset adultera & unico suo sponso infidelis. At non desunt alij respectus, propter quos Ecclesia alios quoque sponso Metaphoricos agnoscit. Nam quilibet pastor Ecclesiæ suæ sponus quidam est, propter fidem mutuò datam & acceptam. cumque nihil aliud sit esse sponsum, nisi esse Pastorem: quemadmodum sine vlllo Christi summi Pastoris præiudicio, sunt multi Pastores in Ecclesia; ita & multi sponi; non ea ratione qua Christus, sed alia Metaphorica & impropria ratione. Perperam igitur Zaborouius concludit, Romanam Ecclesiam nò esse sponsam Christi, eò quod alium præter ipsum sponsum agnoscat. Nam talem sponsum qualis est Christus, præter ipsum neminem agnoscit. Metaphorice verò sponsum agnoscit quidem Romanum Pontificem: non quod eam sibi sanguine suo sponsam fecerit (hoc enim proprium est Christi) sed eo sensu, quo Pastores Metaphorice dicuntur suarum Ecclesiarum sponi, quas ea fide & affectu diligunt, quo sponi sponas. Simili modo perperam colligit, Ecclesiam Romanam non esse corpus Christi, quod aliud caput, nempe Romanum Pontificem agnoscat. Hoc enim caput, est sub capite Christo: nam sicut Ecclesiæ caput est Romanus Pontifex, ita Romani Pontificis caput est Christus. Habere verò plura capita spiritualia sibi subordinata, nullum est inconueniens, vti ex Paulo ostendimus. maxime cum Romanus Pontifex non tale caput, quale Christus credatur. Christus enim est tale caput, quod ex se omnem influxum corpori Ecclesiæ subministrat: Pontifex verò Romanus non ex se, sed ex Christo & potestate à Christo communicata, influit in Ecclesiam.

Hæc de sponso & capite, cum satis ineptè ad rem accommodasset: eadem quoque ineptitudine aliquot de Ecclesia pronunciata, explicare aggreditur.

Primum est. Extra Ecclesiam non esse salutem. quod docet Augustinus Tom: 7. Sermone super Gestis cum Emerico. vbi docet omnia alia exi-

res sponso
habeat Eccle-
sia.

videmur
put.

Inepit Zaborouius in explicandis Ecol sic attri butis. 1.

Ad nebulas confugit.

Ecclesiam posse haberi: salutem solam non posse haberi, nisi in Ecclesia Catholica. Cuius rationem reddit libro de Vnitae Ecclesiae cap. 16. quia ad salutem nemo peruenit, nisi qui habeat caput Christum. Habere autem caput Christum nemo poterit. nisi qui in eius corpore fuerit, quod est Ecclesia. Et in 4. de Baptismo contra Donatistas cap. 1. quia inquit, haec est una, quae tenet & possidet omnem sui sponsi potestatem: clauis Regni caelorum, & omnem ligandi atq; soluendi potestatem. Et in epist. 50. ad Bonifacium. quia, inquit, extra corpus Christi neminem viuificat Spiritus sanctus. Quid Zaborouius? Extra electorum, inquit, inuisibilem Ecclesiam nullam contingere salutem. Insulse. Nam Augustinus non de electorum inuisibili Ecclesia loquitur, quam nullus nouit; sed de visibili quam (inquit) sine ulla ambiguitate sancta Scriptura demonstrat: nempe quae per omnes gentes numerositate copiosissima dilatatur. 1. contra Cresc. cap. 33. Porro haec Ecclesia per omnes gentes dilatata, continet electos pariter ac reprobos, sub eorundem Pastorum regimine degentes, cum eadem Sacramentorum ac Fidei communione. Huicq; Ecclesiae agnoscit, datam omnem a Domino & sponso potestatem. Pastores enim qui hac Domini potestate vtuntur, non solum electi, sed & reprobi esse possunt. Quod verò Augustinus, hanc Ecclesiam extra quam non est salus, agnoscit esse Romanam, hoc est, sub Romani Pontificis regimine: manifestum est. quia huius Ecclesiae ab Apostolo Petro, vsq; ad Anastasium Papam qui tunc viuebat, successionem deducit, & eam esse Apostolicam Ecclesiam ostendit, in epist. 165. testaturq; in Ecclesia Romana semper Apostolica Cathedra viguisse principatum. Epist. 162. Quae loca etiam indicant manifeste, de ea Ecclesia Augustinum loqui, quae visibilis est, & successionem visibilem habet, & per omnes gentes dilatata esse demonstratur. quod argumentum tantopere vrget Augustinus, vt anathema dicat, si quis annuntiet Ecclesiam, praeter communionem omnium gentium. epistola 68. ad Vincentium.

22.

Alterum pronunciatum est. *Sacramenta extra Ecclesiam dari posse, prodesse non posse.* Ita Augustinus serm. 181. de Temp. & serm. super Gestis cum Emerito. Hic Zaborouius ait, de Romana Ecclesia hoc intelligi non posse. quia in Orientali, inquit, Ecclesia per multa secula, & data sunt Sacramenta, & proderant: quae tamen nunquam Romanum Pontificem pro capite agnouit. Impudentissimum sanè mendacium: quod praeter innumera testimonia, Concilium secundum Generale in epist. ad Damasum conuincit: in qua Concilium expresse agnoscit, Ecclesiam Romanam esse caput, se verò membra. Quid tu Zaboroui? nonne vnus Concilij generalis seu totius orbis Christiani testimonium sufficit ad vestram impudentiam redarguendam?

Mentitur impudenter.

Sed ve-

Sed vestra frons erubescere nescit. Porro rationes pro hoc pronunciato eadem sunt, quæ pro præcedenti. Non enim Spiritus Christi, membrum suo corpori non unitum viuificare potest: nec potest membri suo corpori non uniti esse caput: sed eo ipso, quod membrum à corpore præcisum est, omnem vitam sensumq; amittere necesse est.

Tertium pronuntiatur. *Non habet Deum in cælis Patrem, qui non habet in terris Ecclesiam matrem.* Ita Augustinus 4. de Symbol. cap. 10. Cyprian. tract. de Simplicitate Prelatorum. Hoc theorema, ait Zaborouius verissimum esse, sed à Cypriano prolaturum contra Stephanum Romanum Papam. Ita enim fingit Cyprianum scribere in epist. ad Pompe: *Multa, inquit, Stephanus contra Ecclesiam Dei asserere conatur: at quomodo potest habere Deum Patrem, qui non habet Ecclesiam matrem?* Vnde mendacio triumphans concludit, hoc Axiomate Pontificem cælo exclusum. Verum hæc summa impudentia est Zabor- & mentiendi libido, qui falso Cypriano affingit, quæ Cyprianus non habet. & locum Cypriani partim additis, partim mutatis verbis corruptit. Quod enim Cyprianus de eo affirmat, *qui non est in Ecclesia baptizatus, & filius Ecclesie non est, quod non habeat Deum Patrem ante Ecclesiam matrem:* hoc Zaborouius mendacissimè fingit, Cyprianum de Stephano Pontifice loquutum. vnde affingit ei illa verba, quæ Cyprianus non habet: nempe *Multa Stephanus contra Ecclesiam Dei asserere conatur.* Sequentia verò, non solum aliter quam habet Cyprianus adducit, sed etiam aliò torquet. Cypriani verba sunt: *Qui filius Ecclesie non est, ut habere, quis possit Deum Patrem, ante Ecclesiam matrem?* Sed isti non sciunt nisi mendacio viuere, & Sanctorum Patrum testimonia corrumpere, pœnas grauissimas quandoq; in Dei iudicio tantæ iniquitatis daturi.

*Falsarius est
S. Cypriani*

Mitto alias ineptias Zaborouij, cùm pueriliter de pontifice nugatur, dicens: *Non posse eum habere Ecclesiam sponsam si eam habeat matrem.* alioqui incestuosus est. Cui ad obturandum os oppono illa Christi verba Matth. 12. 50. *Ipse meus frater, & soror, & mater est.* Neq; enim eum tam blasphemum existimo; ut Christo incestum propterea obijcere audeat.

C A P V T VII.

Nouos Ministros Euangelicos veræ Ecclesiæ
Ministros non esse.

*Magistratus
Reipub: pars
est.*

His ita de Ecclesiæ autoritate stabilitis : superest videndum. An Evangelici scilicet Ministri ; sint veræ Ecclesiæ Ministri ; vt & ad veram Christi Ecclesiam pertineant , & in vera Ecclesiâ ministerio fungantur. Si enim Ecclesiæ membra non sint , Ministerio in Ecclesiâ fungi non possunt : cum nulla sint præstantiora Ecclesiæ membra quàm Ministri ; Ecclesiâq; ex Ministris & plebe tanquam duabus partibus sit constituta. Quod miror Zaborouium negare potuisse. Nam visibilis quidem Ecclesiæ Ministros esse membra concedit : at inuisibilis Ecclesiæ , qualis secundum ipsum est electorum Ecclesiâ , Ministerium si reprobis sit , membrum esse negat ; licet prædicando illis prodesse possit quod Deus etiam per malos bona quandoque operetur. Verùm incredibile prorsus est eum qui Ecclesiasticum officium & munus gerit , Ecclesiæ membrum non esse. Eos enim qui publica officia in Rep. gerunt , esse eiusdem Reipublicæ membra & quidem præcipua nemo negare potest : quod Respublica quælibet duabus veluti partibus constet , Magistratu & plebe. Si igitur Ecclesiâ illa electorum , quæ distincta esse à reprobis fingitur , proprio Magistratu Ecclesiastico qui sit de corpore ipsius careat , vera Ecclesiâ non est : caret enim præcipua & formali sui parte. Forma siquidem Reipub. est forma regiminis : & ij penes quos est regimen & gubernatio , sunt formales Reipub. partes. Et sicut sola plebs sine vlla forma regiminis non est Respub. sed multitudo confusa & inordinata : ita soli electi , sine vllò regimine Ecclesiastico & Magistratu , dici Ecclesiâ non possunt. Ecclesiâ enim , non quicumq; cætus est , sed ex Pastoribus & ouibus constans , sub ea regiminis forma , quam Christus præscripsit. Quod si Ministri Ecclesiæ visibiles , sint quoque Ministri electorum : sequitur constare Ecclesiâ non solum ex electis , sed etiam reprobis. Ministri enim & Pastores visibiles esse reprobi possunt. Quis enim proprios Pastores reiiciat à cætu cuius sunt pastores ? aut quis Magistratum neget esse verâ illius Reip. partem , cuius est Magistratus ? Sequetur etiam , electorum Ecclesiâ nec esse inuisibilem , quippe quæ pastores & Ministros visibiles habeat : nec ab Ecclesiâ reproborum distinctam , quippe quæ Pastores eosdem habet.

*Cur sectarij
veræ Ecclesiæ
Ministri esse
nequeant res
rationes.*

Hoc posito , ostendo , Ministros Evangelicos non esse veræ Ecclesiæ Ministros , nec in vera Ecclesiâ , sed in synagoga satanæ ministerij munus gerere : idq; triplici ratione demonstro. 1. quia non sunt eius Ecclesiæ Ministri quæ semper habita est totius orbis testimonio & consensu , pro vera Christi Ecclesiâ. 2. quia non sunt eius Ecclesiæ Ministri , quæ per omnes gentes fuit semper , estq; dilatata. 3. quia non sunt Ministri Ecclesiæ super Petrum ædificatæ à Christo.

2a.

Quod ad primam rationem attinet : certum est , Ecclesiâ à Christo fundatam.

fundatam, per Apostolos propagatam, certa successionum serie, ad hæc usque tempora. vel vt minimum ipsis etiam aduersarijs assentientibus ad Gregorij Magni tempora, hoc est, ad sexcentos post Christum annos, peruenisse. Nam hanc successionum seriem in Ecclesia, incipiendo à Petro usque ad sui temporis Romanum Pontificem Anastasium, deducit August. *epist. 165.* in eaq; tantam vim ponit, vt in *epistola fundamenti cap. 4.* inter cætera, quæ ipsum in Ecclesiæ Catholicæ gremio iustissime teneant, numeret ab ipsa sede Petri Apostoli, cui pascendis oues suas post Resurrectionem Dominus commendauit, usque ad præsentem Episcopatum successionem Sacerdotum: ostendens doctrinam Apostolicam per illos 300. annos integram ad sua tempora in toto orbe permanisse. Quin & Zaborouius vi veritatis adactus idem confitetur. Ad tempora, inquit, Gregorij Magni aut non multo post, Romana Ecclesia habita est pro vera Ecclesia. Nos verò eandem successionis seriem etiam ad nostra tempora deducimus, successionis, inquam, non solum personarum, sed etiam doctrinæ: cum nihil nobis antiquius sit, quam antiquitati insistere, nouitates fugere, Sanctorum Patrum communem fidem & doctrinam sequi.

Nam quod à Phoca Imperatore vi postea inductum scribit Zaborouius vt Ecclesia Romana caput reliquarum diceretur, & eo ipso cœptam haberi pro sede Antichristi: falsissimum est. Etsi enim Phocas eam legem tulerit, qua statuit Romanam Ecclesiam esse caput omnium Ecclesiarum: non tamen eam rem tanquam nouam statuit, sed à maioribus acceptam, sua sanctione ad retundendam quorundam Patriarcharum Constantinopolitanorum superbiam confirmauit; declarauitq; vt quod semper ab ipsis Apostolorum temporibus creditum est de primatu Ecclesiæ Romanæ, ab omnibus ratum & sanctum haberetur.

Multos autem ante Phocam Imperatores idem sensisse, luce clariùs nostri demonstrant; vt ignaros omnis historiæ esse oporteat, qui tantam lucem perspicere non possunt. Nam ante Phocæ imperium annis aliquot Gregorius *lib. 7. epist. 63. ad Ioan. Syracusanum.* De sede, inquit, Constantinopolitana quis dubitet, eam Apostolicæ Sedi esse subiectam? quod & Dominus piissimus Imperator, & frater meus Eusebius eiusdem ciuitatis Episcopus assidue profitemur. Si Gregorius & ipse, cum esset Pontifex Romanus legitimus, id sensit, & indubitatum esse apud omnes asseruit: idemq; testimonio & assensu Imperatoris tunc regnantis, ac Eusebij Patriarchæ Constantinopolitani, comprobauit: qua fronte Zaborouius suum Caluinum secutus affirmare audet. Phocam primum id induxisse, quod ante Phocæ tempora receptum in orbe terrarum fuit, tam in Oriente ab Imperatore, & Patriarcha,

*Sunt enim
successionis
seriem.*

*Non primus
Phocas Romæ
nam Ecclesi-
am caput Ec-
clesiarum ag-
nouit.*

*agnouit &
Mauritius.*

Iustinianus. cha, quam in Occidente ab ipso Gregorio, & cæteris omnibus, quos ne dubitare quidem ea de re posse asserit Gregorius. Ante Phocam Iustinianus II. annis 70. in *epist. ad Ioannem II.* disertè affirmat, *Romanam Ecclesiam esse caput omnium Ecclesiarum.* Valentinianus etiam Imperator, qui Phocam i 40. annis præcellit, in *epist. ad Theodosium* asserit. *Romanum Pontificem principatum Sacerdotij super omnes semper habuisse.*

Ex Patribus antiquissi. Ex Patribus vnus Iufficiat Irenæus, qui mox post Apostolorum tempora fuit. Is *lib. 3. cap. 3.* ait; *Ad Romanam Ecclesiam, propter potentiorē principalitatem, necesse est omnem conuenire Ecclesiam, hoc est, omnes qui sunt vndiq; fideles.* Idem agnouerunt prima quatuor Concilia generalia, quorum testimonium est totius Ecclesiæ testimonium. Nam primum Concilium generale Nicænum in *Canone 6.* sic habet: *Ecclesia Romana semper habuit primatum.* quo modo Canon dictus Concilij citatur in Concilio Chalcedonenfi *actione 16.* à Paschasino Episcopo. Secundum verò Concilium generale in *epist. ad Damasum* duo fatetur. & se ex mandato literarum Pontificis per Imperatorem ad se missarum, conuenisse Constantinopolim: & Romanam Ecclesiam esse caput, se autem membra. Quid clarius? Concilium etiam tertium generale in *epist. ad Cælestinum Pontificem* scribit: se causam Ioannis Patriarchæ Antiocheni non fuisse ausos iudicare, sed reseruisse iudicio ipsius Cælestini. Idem quoq; Concilium dicit, se deposuisse Nestoronum mandato literarum Cælestini Papæ. *ut est apud Euagrium 1. Hist. cap. 4.* Denique Concilium Chalcedonenfe *act. 1. 2. 3.* passim Leonem Papam vocat vniuersalis Ecclesiæ Pontificem.

Constantino-
politano.
Ephesinum.
Chalcedonen-
se.

Quæ cum ita sint, quæ impudentia Zaborouij est contra Conciliorum generalium, Sanctorum Patrum, & Imperatorum testimonia, asserere primatum Pontificis Romani à Phoca primum inductum fuisse? Iam verò cum constet Ecclesiam veram mansisse, primis vt minimum sexcentis annis; vt aduersarij fatentur: non difficile est demonstrare Ministros Euangelicos talis Ecclesiæ Ministros non esse. Illa enim Ecclesia Missas celebrabat, & celebrandas præscribebat: & in Missis Sanctos inuocabat: pro defunctis orabat: imagines Christi & Sanctorum venerabatur: Sacrificium in altari offerebat: Corpus Christi & Sanguinem verè in Eucharistia esse credebatur: vt ex Liturgijs ipsis Chrysostomi, Basilij, Ambrosij manifestum est, hæc autem omnia Ministri Euangelici detestantur. Non sunt igitur illius Ecclesiæ, quæ pro vera semper habita est, Ministri. maxime cum ad officium Ministrorum præcipue in Ecclesia illa pertineret, Missas celebrare, pro viujs aequè ac defunctis. quod officium cum illi nec acceperint vnquam nec agnoscant, pro Ministris Ecclesiæ illius haberi non possunt. Cuius igitur Ecclesiæ Ministri

nistri erunt? certè cum ad veram Dei Ecclesiam quæ vnica est pertinere nõ possint, ad satanæ synagogam pertineant necesse est.

Vana sunt igitur, quæ à Zaborouio opponuntur. Quis, inquit, concedat eam Ecclesiam quæ nunc cupit dominari orbi ab Apostolorum temporibus viguisse? Concesserunt generalia Concilia: concesserunt Imperatores: concesserunt Sancti Patres. vt ostensum est. Quod igitur totus orbis semper concessit, quis est qui non concedat? Neq; hoc est dominari orbi, vti ipse ad inuidiam trahit. Non enim dominium temporale, sed potestatem spiritualem in fideles vniuersos, quatenus ea ad bonum regimen necessarium est, in Ecclesia agnoscimus.

Nihil, inquit, in Fide commune cum Ecclesia Apostolica habetis. Sed hæc verba sunt & sine mente sonus. Nam si primæua illa Ecclesia primis sexcentis annis omnia sua communia cum Ecclesia Apostolica habuit (aliqui vera Ecclesia non fuisse) nos quoq; eadem communia habemus. Habemus enim (vt cætera taceam) Missam, in qua maxima pars eorum, quæ Evangelici horrent, continetur: quam non dubium est primis sexcentis annis viguisse, vt ex Missis Ambrosij, Chrysostomi, Basilij, conuincitur.

Quis, inquit, dabit, solam Romanam pro vera Ecclesia habitam? quo ergo loco erit Ecclesia Orientalis? Quasi verò Ecclesiæ Orientalis fides nõ fuerit eadem cum Romana fide. cum & Paulus Romanam fidem annuntiari in vniuerso mundo dixerit: & prima octo Concilia generalia, ad constituendam vnã fidem, ex Orientali pariter & Occidentali Ecclesia habitam sint: & omnes in mundo Ecclesias Ecclesiæ Romanæ subiectas esse, atque ita ad vnã Ecclesiam pertinere, canities Patrum semper docuit, vti paulò ante ex Irenæo & Gregorio ostendimus. Nimis verò videtur esse zelosus, sed non secundum scientiam Zabor. pro Ecclesia Orientali: cum ab ea lucem Evangelij in Occidentalem dimanasse asserit. *Ex Sion enim egredietur lex.* Michæ 4. 2. Nam lex Evangelij ab Oriente emanauit: quia ibi primum nata est, at in Occidente fixa est à Petro, quoad potestatem, quam Christus Ecclesiæ reliquit, ad omnes fideles dirigendos. quam potestatem penes Petrum & successores eius esse voluit.

Luterus, inquit, non nouæ, sed veteris & ab Apostolis fundatæ Ecclesiæ per Antichristum cum ad lutebras & angustias reductæ, dux & index exiti. At quomodo ista cohærent: vt Luterus veterem Ecclesiam indicaret, cum veterem Ecclesiam prorsus condemnauerit scribens toties, *Nihil est curare mille Augustinos & Cyprianos.* Quomodo veterem Ecclesiam indicauit, cum Missam, quam vetus Ecclesia primis sexcentis annis sanctè coluit, & quotidie celebravit, ipse superbe reiecerit? Quis credat aut tui vestro? Adhæc fuit.

Zaborouij sine mente sonus & sine fronte.

Occidentalis & Orientalis Ecclesia eadẽ fides.

In oriente fides nata in occidente tradita.

Non Catholica sed Lutheri & Caluini fides adeorũ vsq; tempora in orbe latuit imo nusquam.

De Notis Ministrorum

suo? Adhæc si Ecclesia vera erat primis sexcentis annis, vt concedit cum Caluino Zaborou. tunc autem erat per totum mundum dilatata, & omnibus nota: quodnam erit illud tempus, in quo Ecclesia Christi per Antichristi tyrannidem in latebras & angustias fuit redacta? Nam etiam post sexcentos annos, eandem suam in toto orbe amplitudinem & claritatem conseruauit, & eandem Fidem postea tenuit, quam tempore Gregorij Magni tenebat.

Quanquam si has latebras non ad fidem Catholicam, quam constat semper fuisse in toto mundo, conspicuam, tum fidei confessione, tum Sacramentorum usurpatione, tum Missarum celebratione; sed ad Luteri & Caluini fidem referat: facile concedo, eam ante Luteri tempora semper in mundo latuisse; neq; vel vnum humuncionem proferri ex tota antiquitate posse, qui totam Luteri doctrinam, vti ab ipso tradita est, tenuerit vnquam, aut docuerit. quod cordato cuilibet satis esse deberet, ad persuadendam huius doctrinæ nouitatem.

*Dilemma in
zaboroniu.*

Præterea cedo Zaboroui, constatiné tibi tuos Euangelicos in illis latebris latuisse, vel non constat? Si non constat: causa cadis. id enim quod tibi non constat asseris. si constat: non igitur latuerunt. Nam si te modo post tot secula non latent; quomodo eos cum quibus degebant latuerunt? Profer etiam vnde tibi id constat. num ex reuelatione diuina? Non credo. Num ex historijs? Profer igitur vnum obsecro auctorem, qui aliquem cum Luterana vestra fide ab Apostolorum temporibus in mundo extitisse scripserit, de quo constet & indubitatum sit, quòd fidem qualem Luterus docuit ex integro professus sit. Quod si proferre non poteris, nisi fingendo (de nullo enim id constat, nisi ex vestra assertione) consequens est, Luteranos non latuisse præcedentibus seculis, sed simpliciter in mundo non fuisse. Asserere enim aliquem in mundo fuisse, quem nullus hominum viderit, cognouerit, est par anilibus fabulis.

Aliud.

Deinde & hoc vrgeo. Vestri illi latentes Luterani, confessine sunt fidem suam ore ad salutem, sicut illam corde crediderunt? si ita est: non igitur latuerunt. Quomodo enim is latere dicendus est, qui fidem suam palam confitetur? Quod si non sunt confessi: non fuerunt veri Christiani, qui teste Paulo. *fidem quam corde credunt ad iustitiam: ore tenentur confiteri ad salutem. Rom. 10.* alioqui Christus illos coram Patre suo non confitebitur, sed erubescet. Non ita nostri Catholici: qui etsi sæpe in persecutionibus quoad locum latuerunt, iuxta Christi præceptum fugientes de vno loco in aliū: quoad fidem tamen non latuerunt, sed eam quibuscunq; poterant modis in lucem protulerunt, etiam proprio sanguine. Pro fide verò Luterana præteritis illis seculis aliquem sanguinem fudisse, ne fando quidem auditum est.

Concedo

Concedo igitur libenter istas fidei tuæ latebras, cum ex ipsis latebris constet, illam vel non fuisse, vel veram fidem non fuisse.

Frustra verò tuam fidem in Apostolorum tempora refers. Hoc enim omnes Hæretici faciunt, ut fidem suam commendent. at non probant. Probatio namque Apostolica Fidei est, eius in mundo propagatio perpetua & confessio. Cum igitur nullo vnquam seculo orbis terrarum fidem vestram, uti à vestro Lutero tradita est, integrè receperit & confessus sit, uti ostendi: non potest vestra fides Apostolica dici. siquidem notam Apostolicæ fidei non habet, successionem perpetuam & propagationem: quam semper sancti Patres & maxime Augustinus contra hæreticos vrserunt. Non enim latet Apostolica fides, sed prodit in apertum; neque tenebras amat sed lucem; neque deficit aut deficere propter persecutiones in mundo potest, sed persecutionibus augetur & crescit magis, verum enim est illud S. Leonis; *Sanguine Martyrum esse semen Christianorum.*

Probatio Apostolica fidei est eius confessio & propagatio.

Imperte verò negas, & contra omnium Historiarum fidem, cæteras omnes per mundū Ecclesias communionem cum Ecclesia Romana habuisse. Id enim vel ipsa Concilia generalia vniuersam Ecclesiam representantia conuincunt, nam ea & mandato Romani Pontificis cogeantur, & legatis eiusdem Romani Pontificis præsidentibus celebrantur, & potestatem in vniuersam Ecclesiam Romani Pontificis agnoscebant. uti supra ostensū est.

Anistorchia Zaboronij.

Ut tamen ficum aliquem facias, aliquot personas nominas, quas dicis Romano Pontifici restitisse. Hoc etiamsi verum esset; nihil tamen efficeres. Hic enim esset error non iuris, sed facti. Ius enim Concilia generalia agnouerunt, neque quod quis fecerit aliquando, sed quo iure fecerit, quærendum est. Deinde nego vnquam à viris Sanctis restitum esse Pontifici in ijs, quæ erant definita de fide; sed solum in ijs quæ erant in Ecclesia controuersa, de quibus salua fide licebat in vtramque partem sentire.

In particulari autem, cum ais Irenæum Victori Episcopo Romano Ecclesias Asiaticas ob celebrationem Paschatis excommunicanti restitisse: Is non de potestate Pontificis dubitauit, nec illum de usurpata potestate accusauit (quæ in promptu in tali occasione fuisset) sed quod ea potestate durius quam par est usus esse videretur: ob tot Episcoporum & Ecclesiarum, quas à communione præcidit iacturam & damnum. vnde potius hoc argumento etuincitur Pontificis Romani in Asianas Ecclesias potestas: qua cum tam grauius usus esset; tamen neque ab Asianis de usurpatione potestatis accusatus fuit, neque id quod fecit, irritum habitū est & inane; uti fuisset, si absque potestate legitima factum fuisset, sed solum immoderatus potestatis usus à quibusdam, inter quos erat Irenæus, notabatur & accusabatur, atque de moderatio-

Irenæus de Victori restitit.

ne decreti; in re alioqui iustissima (quam tota deinde approbavit Ecclesia),
lati agebatur.

*Africani v.
Cornelio &
Stephano.*

Iam quod ad Cyprianum attinet non est dubium, eum in re iniqua,
quam tota postea Ecclesia reprobavit, Cornelio & Stephano Pontificibus ad
uersatum fuisse, vna cum Concilio suæ Prouinciæ 80. Episcoporum vrgen-
do, eos qui apud hæreticos baptizati essent, non esse vere baptizatos, & re-
baptizari in Ecclesia debere. Verum cum ea res esset tunc in Ecclesia contro-
uersa, & necdum definita tanquam de fide, poterat quidem salua fide sustine-
ri, secundum Augustinum 4. de Baptismo contra Donatist. cap. 6. nihilomi-
nus tamen resistentia facta Pontifici contrarium præcipienti & mandanti, à
peccato excusari non potest. quod tamen peccatum Cyprianus ipso Augu-
stino teste, correxit, dum sanguinem pro Ecclesia fudit. 2. contra Cresconium
cap. 32.

*Erroris non
allegandi.*

Parum verò refert, quid contra Romanum Pontificem iniuriâ aliqua
do factum sit, & tota Ecclesia reclamante. Erroris enim non esse allegan-
dos constat. Nobis satis est, nihil iure à Sanctis contra Pontificum potesta-
tatem vniquam obiectum esse. Porro hoc etiam factum, est nouum pro
Romani Pontificis in alias Ecclesias potestate, argumentum.

*Athanasij cū
Liberio qua-
te dissidium.*

Iam venio ad Athanasium: quem tu falso scribis, vniōe cum Liberio
Romano Pontifice, qui in eius condemnationem iniustam subscripserat,
minimè coluisse. Demum enim post illud facinus admissum & communi-
cationem cum Arianis, in subscriptione contra Athanasium (quod ipse Atha-
nās vi tormentorum adactum, eum fecisse testatur) postquam Pontificatu
à clero Romano priuatus est, Felice II. in eius locum suscepto: Athanasius
cum illo vniōnem colere desijt.

*Augustinus
falso insimu-
latur simul-
tatis cum Ro-
manis Pont.*

Quantum verò ad Augustinum spectat: magna iniuria inferitur Augu-
stino, cum restitisse tribus Romanis Pontificibus, Zosimo, Bonifacio, Ce-
lestino insimulatur: quorum fuisse semper reuerentissimum, eiusdem episto-
læ ad ipsos testantur. Quamuis autem Conc. Afric. hoc est Carthaginensi VI.
quod 217. Patribus constabat, subscripserit: tamen neque in illo Concilio
decretum fuit, de non permittendis appellationibus ad Pontificem Roma-
num, neque Patres illius Concilij resisterunt Pontifici, sed humiliter postu-
larunt secum indulgeri, ne tam facile appellationes à suis ad Romanum Pon-
tificem factæ admitterentur; quod ea res multum illis partibus incommodi
afferret. Id ita esse, Epistolæ huius Concilij ad Bonifacium & Celestinum,
Papam datæ testantur. August. etiam in epist. 157. ait, ex mandato Zosimi
se & alios Episcopos Casaream conuenisse. vnde hoc quoq; argumentum
est primatus Romani Pontificis & iurisdictionis, quam tunc in Ecclesias A-

Africanas habuit: eamq; Concilium Africanum non negavit, sed solum moderationem in usu adhiberi humiliter petijt. quare & consequentibus postea temporibus Romani Pontifices idem ius in Africanam Ecclesiam exercuerunt, uti accurate ostendit Bellarmin. *lib. 2. de Rom. Pontif. cap. 25.* Pontifex etiam Zosimus missis ad Africanos Episcopos legatis, idem ius ab eis exigebat, non tanquam novum, sed ut antiquum, & in Concilij Nicæni Canonibus assertum.

Quocirca quibus exemplis productis, primatum Romani Pontificis couellere voluit Zaborovius eundem maxime stabilivit: diuinaq; providentia factum est, ut ea ipsa, quæ aduersus Romani Pontificis auctoritatem gerebantur, eius summam in Ecclesia auctoritatem indicarent.

C A P V T VIII.

Quæ contra visibilem Ecclesiam temere à Zaborovio producta sunt, refelluntur.

Ecclēsiā à Christo fundatā visibilem esse, ita manifestum est, ut qui id neget, solem in meridie lucere neget. Nam & Christus cum suam Ecclesiam fundaret, visibilis fuit: & visibilem cætum, Apostolos videlicet 12 primum, tum 72. discipulos fundavit: deniq; visibili quoq; ratione, hoc est, prædicatione & verbo suo diuino homines ad Ecclesiam congregabat: ita, ut nulli dubium esse potuerit, quin omnis ille cætus ad Ecclesiam Christi pertineret. Simili ratione, alios deinde huic Ecclesiæ aggregarunt Apostoli, certos nimirum & visibiles homines, certa & visibili ratione, hoc est prædicatione verbi & Baptismi collatione, & eorundem Sacramentorum communicatione & symbolo. Quo etiam modo, alij quoq; Apostolorum successores Ecclesiam Dei deinceps propagarunt, certa successionum serie, quam ad sua tempora deduxit Augustinus, ad tempora Gregorij Magni non differrentur aduersarij. Sed & ratio manifesta idem euincit. si enim Ecclesia non est quicumq; cætus, sed pastoribus & quibus constans; quis non videt, cætum cuiusmodi non posse non esse visibilem? nisi vel Pastores regere possent oves quas non norunt credantur, vel oves à pastoribus quos non vident instrui.

Iam igitur si Ecclesia visibilis vera est, uti veram esse oportet, cum sit à Christo & Apostolis fundata: falsum erit, quod probare intendit Zaborovius, Ecclesiam non esse visibilem. Ex enim rationes, si quid probant, pro-

*Ecclesia ab
ortu suo, &
deinceps sem-
per visibilis.*

*Seipsum Za-
borovius in-
uoluit.*

De Notis Ministrorum

bant nullam Ecclesiam dari visibilem, quod quia per se falsum est, rationes quoque ipsius nullam speciem veritatis continent. Nam si Ecclesia visibilis, dicatur non esse vera: sequitur Evangelicos Ministros dum vera Ecclesiae Ministri haberi volunt, inuisibilis Ecclesiae; hoc est eius quam non norunt Ministros esse, quod tanquam ex ipsorum sententia consequens absurdum merito à me obiectum est Zaborouio. Nam si dicat Ecclesiam visibilem, ea solum ratione esse veram; quia electos continet: ex hoc sequeretur, Ecclesiam quae vera Ecclesia est, non esse visibilem, qui enim sunt electi visibile non est. Quare nec Ecclesia Evangelicorum dici posset vera Ecclesia: quia constare non potest, an aliquis ex Evangelicis sit electus. Si vero constet illis, qui sint electi, qui non; electorum Ecclesia non erit uti volunt inuisibilis, cum ipsis sit visibilis.

*Ecclesia tam
ex probis quā
ex reprobis nō
autem ex so-
lis electis.*

Sed argumentantem audiamus. Ecclesia, inquit, electorum est cætus: talis autem cætus est inuisibilis. At falsissimum est; Ecclesiam esse solum electorum cætum, quod vel ex eo manifestum est: quod Pastores Ecclesiae, qui sunt præcipua Ecclesiae membra non est necesse electos esse, cum tam multi sint reprobi. Frustra verò Gregorium & Augustinum adducit. Ij enim uti concedunt Ecclesiam electos continere: ita nullibi affirmant solis electis constare, quod Zaborouio probandum erat. Nam non soli electi per se singularem Ecclesiam constituunt: sed ad eandem cum reprobis Ecclesiam visibilem, eiusque regimen pertinent: ab iisdem vtrique Pastoribus reguntur, eadem Sacramenta percipiunt, ad eundem cætum & communionem spectant. Et sicut Christus, non alios constituit Pastores pro electis, alios pro reprobis; nec alia Sacramenta, nec alios cætus peculiare: ita nec aliam Ecclesiam; sed vnam pro vtrisque, quam per Pastores à se constitutos, siue sint electi, siue reprobi, gubernat. Quare cum electorum cætus, quæ electorum est, peculiarem formam Ecclesiae non habeat, neque peculiare regimen Ecclesiasticum; nec peculiare Pastores, aut peculiaria Sacramenta; sed eidem cum reprobis regimini Ecclesiastico subiaceat: ad eandem cum reprobis Ecclesiam spectare dicendus est. Nam quod ad electionem pertinet: ea statum ac formam Ecclesiae non mutat. Electos enim Deus non per nouam, aliquam Ecclesiam gubernat, sed per eam quæ ipsis est cum reprobis communis. Quamobrem electi non peculiari alicuius Ecclesiae membra censeri debent: sed illius cuius etiam reprobi sunt membra. Neque verò quilibet cætus pro Ecclesia haberi debet: sed qui Pastoribus & ouibus constat, cum peculiari regiminis forma. Quocirca cætum electorum non negamus, sed esse per se Ecclesiam negamus: cum per se non habeat peculiarem regiminis Ecclesiastici formam, sed communi cum reprobis regimini subiaceat.

Deinde

Deinde sic argumentatur. Quod creditur non videtur: *fides enim est argumentum non apparentium*. Hebr. 11. 1. *At Ecclesiam in symbolo credimus*. Non itaq; sensibus externis patet. Hoc argumentum prius a Zaborouio solvendum est. Nam cum asserat Ministros Euangelicos, esse visibilis Ecclesiæ Ministros: aut credit Ecclesiam illam esse visibilem, aut non credit. Si dicat se credere; datur igitur Ecclesia quæ creditur licet sit visibilis, potestque id quod videtur aliquo modo credi. vanumq; erit ipsius argumentum, quo probat, Ecclesiam eo quod credatur non posse dici visibilem. Si verò dicat se non credere: falsum erit quod asseruit Ministros Euangelicos esse Ministros Ecclesiæ visibilis: id enim cum ipsemet non credat, quis asserenti credet? Deinde respondeo. In Ecclesia aliquid esse quod videtur, aliquid quod creditur. Videtur cætus ille cum tali professione & symbolis: creditur, quod ille cætus sit vera Christi Ecclesia, & quod illius fides sit Christi fides, hoc enim non videtur, sed firmissime creditur. Nam pari ratione Christus erat visibilis: & tamen a Thoma & videbatur & credebatur, dicente Christo: *Quia vidisti me Thoma, credidisti*. Quod enim homo quidam esset, videbatur: quod verò talis homo esset, qui esset etiam verus Deus & Dei Filius, non videbatur sed credebatur. Non igitur repugnat id quod creditur aliqua ratione esse visibile: dummodo ea ratione qua creditur, contineat aliquid invisibile. hoc enim est quod ait Paulus, *Fidem esse argumentum non apparentium*. Et S. Gregor. homil. in Euangel. *Quæ videntur, agnitionem habent non fidem*. Ad hæc in symbolo credimus Ecclesiam non qualemcunque, sed sanctam: sanctitatem autem certum est esse invisibilem.

Neque verò si Ecclesia quoad aliquid sit invisibilis, absolute dicenda est invisibilis. Nam etiam homo quoad animam est invisibilis: absolute tamen dicitur visibilis, quia id videtur, cui illud quoq; invisibile inest. Simili ergo ratione cætus ille hominum ab Apostolis longa successionum serie propagatus videtur absolute, non minus quam omnes alij hominum cætus & respublicæ; licet habeat aliquid in se invisibile, quod tamen necessario illi cætui inesse certissima fide credimus, nempe quod sit vera Christi Ecclesia, & eius fides sit vera Christi fides.

Urget præterea in hunc modum: Ecclesia est totum quoddam Theologicum, quod habet rationem quantitatis, & continuæ; quia habet caput; & discretæ, quia est grex. Tale autem totum sub sensu non cadit, sed potius mente & fide comprehenditur. Ecclesia igitur visibilis non est. Hoc argumentum prorsus inæptum esse, ex multis constat. Primum quia ad omnem Rempubicam vel regnum potest accommodari: quis autem ita stultus sit, ut dicat Remp. aut Regnum, quia est totum quoddam Politicum.

*Suo se celo
Zaborouius
ingulat.*

*Quid visibi-
le quidue in-
visibile in
Ecclesia.*

*Cur nihilo-
minus Eccle-
sia dicenda
visibilis.*

*Acumen Za-
borouij sed
plumbeum.*

I.

habens rationem quantitatis & continuæ, quia habet caput, & discretæ, quia est multitudo, esse inuisibilem? Neque igitur Ecclesia, propter similem rationem totius partim continui partim discreti, negari potest esse visibilis. Deinde quis sanæ mentis neget, gregem tam secundum se quam ut à suo pastore regitur esse visibilem? Vtrumque enim videtur, & illa multitudo discreta, & eius quasi quædam continuatio cum pastore mediante regimine. Cur igitur simili ratione, grex ouium Christi gubernatus à suis pastoribus non sit visibilis? Ad hæc non negabit Zabor. catum Evangelicorum esse totum quoddam Theologicum, partim discretum quia est multitudo, partim continuum quia à Ministris tanquam à capite dependet. Nemo etiam negare poterit, talem catum esse visibilem tam in se, quam ut à Ministris ratione visibilis prædicationis dependet. Non igitur verum est, quod ait Zaborou. totum Theologicum videri non posse.

Vides Christippeum Zaborouij ingenium.

Tandem tale ponit argumentum. Philosophia docet vniuersalia, sensibus non percipi. Cum igitur Ecclesia sit vniuersalis, quia Catholica: sensibus non percipitur. Hoc argumentum ridet omnes Logici: quod in eo crassam admodum æquiocationem deprehendant. Nam cum in Philosophia docetur, vniuersalia sensu non percipi: de vniuersalibus Logicis quæ sunt abstracta à singularibus sermo est. hæc enim quia sunt extra singularia, nullo sensu percipi possunt: sensus enim nil percipere potest quod singulare non sit. Cum verò Ecclesia dicitur Catholica seu vniuersalis: non dicitur vniuersalis, propter abstractionem à singularibus; sed ratione locorum & temporum, quod omnia loca & tempora comprehendat. ut ait Augustinus in Psalm. 90. Concione 2. Corpus, inquit, huius capitis Ecclesia est, non quæ hoc loco est, sed quæ hoc loco & per totum orbem terrarum: nec illa quæ hoc tempore, sed quæ ab ipso Abel usque; ad eos qui nascituri sunt usque; ad finem. Hanc æquiocationem si in scholis admisisset Zaborouius, non mulctatus non abiuisset. nunc satis sit indicasse, eum in cognitione vniuersalium non usque adeo versatum esse.

En & Menippeum.

Sed & illud ineptè adijcit: Nisi forte sit aliquis Menippus, cui sedes in globo Lunæ assignatur, qui omnes vno intuitu Ecclesias particulares in mundo videat: quod cum nulli mortalium possibile sit; multo minus Ecclesia Catholica visibilis est. Nam quis non videt, Menippo opus non esse, qui omnes particulares Ecclesias videat ex globo Lunæ? Neque enim Ecclesia propterea dicitur visibilis, quod tota simul & vno quasi oculi ictu, & vno tempore videatur (hoc namque non nisi ineptè cogitari potest) sed quod secundum se & omnes suas partes sit visibilis. siquidem nec globus terræ ab ullo simul videtur totus: absolute tamen totus orbis terræ visibilis est, quod omnes suas

nes suas partes visibiles habeat. Tota etiam Prouincia, totum Regnum visibile proculdubio est: a nemine tamen totum simul videtur. Neque nos alia ratione Ecclesiam visibilem asserimus, quam illa, qua omnes Respub. Prouinciæ, Regna dicuntur visibilia.

Recte igitur ex loco *Actuum 20* deductum a nobis est, Ecclesiam esse visibilem. *Attendite*, inquit Paulus, *vobis & vniuerso gregi, in quo vos Spiritus S. posuit Episcopos regere Ecclesiam Dei, quam acquisiuit sanguine suo.* Quomodo enim illi Asiani Ecclesiam quam non videbant regere poterant? quomodo Pastores gregi quem non vident attendere possunt? Quocirca Ecclesia illa, & vera erat, quia acquisita Sanguine Christi; & visibilis, quia visibilibus Pastoribus regenda tradebatur.

Quid vero Zaboruius? Ecclesiam illam Asianam particularem fuisse. Recte quidem. At Ecclesia vniuersalis, non est alia quadam Ecclesia, ab Ecclesijs particularibus distincta: cum Ecclesiæ particulares simul sumptæ constituant Ecclesiam vniuersalem. Cum igitur omnes Ecclesiæ particulares sint visibiles; tota etiam vniuersalis Ecclesia erit visibilis. Non potest enim negari totum visibile, quod omnes partes visibiles habet. Quamquam verò non sit absolute necessarium ad Ecclesiæ visibilitatem, ut secundum totam suam amplitudinem videatur: satis enim est, ut secundum se & suam quasi essentiam sit visibilis. Nam & mare secundum se est visibile; cuius tamen amplitudinem visu nemo complexus est: tamen etiam secundum suam amplitudinem, quam habet in omnibus gentibus & toto orbe terrarum, Ecclesia visibilis est, quia hæc ipsa eius amplitudo sensibus ipsis usurpatur. At inquit ratione electorū dixisse Paulum *quam acquisiuit sanguine suo.* Temere sane. Omnes enim tam electos quam reprobos Christus Sanguine suo acquisiuit: cum pro omnibus mortuus sit, & dederit semetipsum redemptionem pro omnibus. *1. Tim. 2. 6.* Quod verò reprobi salutem non consequantur; id non ex defectu redemptionis prouenit, quæ facta est: sed quod eam reprobi vel reiiciant omnino, ut infideles; vel applicare sibi per media a Christo instituta non procurent. Quamuis autem salutem vltimam non consequantur: consequuntur tamen alia beneficia redemptionis, nempe gratiam, Sacramenta, & omnem eam curam ac prouidentiam spiritualem, quæ ad salutem illis necessaria est.

Adhæc Paulus de ea Ecclesia loquitur, quam regendam Episcopis illis commiserat Spiritus S. & cui ipsi erant præpositi Pastores. Atqui sine vilo discrimine omnes tam electos quam reprobos commisit illis Spiritus S. regendos. Sine vilo igitur discrimine illi erant vtrorumq; Pastores. de vtrisque ergo loquitur, cum ait; *Quam acquisiuit sanguine suo.* cum pro vtrisque hoc sit.

*Ex particula-
ribus Eccle-
sijs simul su-
ptis constat
vniuersalis.*

*Etiā repro-
bos Christus
acquiuit
sanguine suo.*

hoc sit inuictum argumentum, vt illis quàm diligentissimè attendatur, quos constat tanto impenso pretio acquisitos esse. Non ergo hoc loco dici potest à potiori denominationem factam: sicut cùm dicitur aceruus tritici, licet non sit sine paleis; aut dolium vini, licet non sit sine fœcibus: Omnes enim hoc loco tam electi quàm reprobī, sine vllō discrimine commendantur à Paulo Episcopis illis Asianis, omnibus æque iubentur Episcopi attendere & esse omnium Pastores, pro omnibus eadem ratio affertur, quòd sint acquisiti Sanguine Filij Dei.

*Electi quā
visibiles re-
guntur.*

Cum verò dicit Zaborouius posse oves inuisibiles regi, si Pastores omnibus se impendant, nullo inter electos & reprobos discrimine habito. Non aduertit oves istas inuisibiles, non quatenus sunt inuisibiles, sed quatenus visibiles regi. Sunt enim inuisibiles electi quoad electionem, quæ soli Deo cognita est: *cognouit enim Dominus qui sunt eius.* visibiles verò, quoad regimen externū, & communionem verbi ac Sacramentorum. Quocirca electi quatenus ad Ecclesiam pertinent, visibiles sunt, & tanquam visibiles oves à Pastoribus visibilibus reguntur, & cum ipsis vnus Ecclesiæ sunt membra, nam oves & Pastores vnā Ecclesiam constituunt, cū ex duplici hoc genere catus Ecclesiæ constituitur.

C A P V T IX.

Ecclesiam electorum inuisibilem ineptè probat Zaborouius.

*Zaborouius
extra chorū
sabat.*

Cum Zaborouius veram Ecclesiam esse inuisibilem probare non posset, Ecclesiam electorum inuisibilem à reprobis distinctam probare cōtendit testimonijs Scripturæ prout ipse ait omni exceptione maioribus. In qua re ita fallitur, vt aliud probet, aliud probare intendat, quod ineptissimum est probationis genus. Solum namq; probat electos esse distinctos à reprobis, quod nemo inficiatur, non verò ad distinctam Ecclesiam pertinere, quod probandum illi erat.

Primum locum affert *Roman. 8.* *Quos predestinauit, hos & vocauit, & quos vocauit, hos & iustificauit: quos autem iustificauit, illos & glorificauit.* At quis non videt, hic non de Ecclesia agi: sed de quibusdam ex Ecclesia à Deo singulariter dilectis: ijs nimirum qui secundum propositum vocati sunt sancti, vt ibidem dicitur. Aliqui enim secundum propositum Dei vocantur ad sanctitatem: quibus Deus ab æterno proposuit efficaciter dare vi-

tam æ-

ram æternam. & hi sunt electi ac prædestinati. Alij verò vocantur ad sanctitatem, non secundum hoc propositum, sed secundum voluntatem generalem, qua Deus omnes vult saluare, & ad agnitionem veritatis venire, dādo illis media sufficientia ad salutem, quæ tamen illi respuunt. & hoc modo omnes fideles vocati sunt sancti.

Nam quod ait, reprobos nunquam internè efficaciter vocari, nunquā fide saluifica iustificari, nunquam corona vitæ glorificari: si hoc extremum excipias, falsissimum est & Scripturis omnibus contrarium. Quis enim nesciat, multos esse vocatos ad fidem, ita vt tali vocationi consentirent & crederent, (quod sine interna vocatione & gratia Dei fieri nequit: *Fides enim donū Dei est, & non ex nobis. Eph. 2. 8.*) qui tamen non fuerunt electi, sed post fidem receptam, *circa fidem naufragauerunt*: & qui *cū Spiritu cœpissent, carne consumati sunt*: qui fidem sine operibus & sine charitate habuerunt. *Iacobi 2. 14. 1. Corin. 13. 2.* Quis nesciat multos reprobos fide saluifica iustificatos esse? qui tamen non ideo non saluantur, quòd fidem saluificam seu qua saluari possent non habuerint: sed quòd in ea non permanserunt. *Qui enim perseuerauerit usq; in finem hic saluus erit.* De quibus S. Paulus *Hebr. 6. 4.* *Impossibile est eos qui semel sunt illuminati, gustauerunt etiam donum cœleste, & participes facti sunt Spiritus S. gustauerunt nihilominus bonum Dei verbum, virtutesq; seculi venturi, & prolapsi sunt: rursus renouari ad penitentiam.* Quamuis autem electi singularem habent vocationem & iustificationem, nempe cum perseuerantia coniunctam: reprobi tamen verā vocationem & veram iustitiam consequuntur; licet in ea sua culpa non perseuerent.

Etiā reproborum aliqui credunt verè

& verè iustificantur.

sed non perseuerant.

Porrò etsi electi distinguantur à reprobis electione; non tamen distinguuntur Ecclesia: cū communes Pastores habeant, communia Sacramenta, commune regimen omne Ecclesiasticum, denique communem cætum. Non enim alios cogunt cætus electi, alios reprobi, sed ad communes cætus conueniunt: solūq; mente & cogitatione in vno cætū separantur; re autem ipsa ad eundem cætum cum reprobis spectant. Oues enim ad eandem Ecclesiam cum suis Pastoribus spectare necesse est. eatenus verò oves Ecclesiæ sunt, quatenus potestati & regimini, ac comunioni Ecclesiæ subiacent. Quare cū electi per Ecclesiæ prædicationem vocentur, per Sacramenta Ecclesiæ iustificentur, per regimen Ecclesiæ dirigantur ad salutem, sunt verissima Ecclesiæ visibilis (quæ illis cum reprobis communis est) membra, nec alia Ecclesia vel Ecclesiastico regimine opus habent. sine alio autem Ecclesiastico regimine non possunt dici alia Ecclesia: cum Ecclesia regimine tanquā forma, hominibus tanquam materia constet, sicut & quævis Resp. & communitas.

Electi à reprobis non Ecclesia distinguuntur, sed electione.

De Notis Ministrorum

Secundum locum pro Ecclesia electorum affert *Ephes. 5. 25. Christus dilexit Ecclesiam mundans eam lauacro aque in verbo, ut exhiberet eam, sibi gloriosam, non habentem maculam aut rugam. & v. 29. Nemo odit carnem suam, sicut nec Christus Ecclesiam: quia sumus membra ex carne eius, & os ex ossibus.* Hic dicit non agi de Ecclesia ex electis & reprobis mixta, quia hæc habet rugam & maculam. Christus etiam membra sua inter damnanda minimè censet. Imò vero contrarium concludendum est. Si enim de illa Ecclesia agit Paulus, quam Christus mundat lauacro aquæ in verbo, mundantur autem lauacro aquæ non solum electi, sed etiam reprobi: sequitur Ecclesiam illam constare non solum electis, sed etiam reprobis. Vniuersam etiam Ecclesiam illa ratione diligit Christus: quia omnes vult saluos fieri, omnibus vult dona gratiæ suæ esse communia. sicut & Deus dicitur *ita dilexisse mundum, ut Filium suum unigenitum daret. Ioan. 3. 6.*

Quamuis autem vna & eadem sit Ecclesia in hac vita ex electis & reprobis constituta, quam Christus diligit & mundat: cum tamen eam in altera vita exhibebit gloriosam & non habentem maculam aut rugam, erit Ecclesia electorum duntaxat. Quare sicut Ecclesia alterius vitæ, quæ dicitur *Triumphans & gloriosa*, solis electis constabit: ita Ecclesia præsentis vitæ, quæ dicitur *Militans, & sagena ex omni genere piscium congregans eo fine, ut boni eligantur ad vitam æternam, mali autem foras mittantur.* non solos electos complectitur, sed omnes omnino fideles. Neque enim ad ouile Pastoris totum suum gregem diligentis, & procurantis, sanæ tantum oues pertinent; sed & ex quæ sanæ prius fuerant, post factæ sunt morbidæ: imò neq; hæc solum quæ morbidæ cum sint curari possunt; sed etiam quæ curari non possunt & pereunt. vtrasq; enim oues pro suis bonus Pastor agnoscit, quâdiu sunt in ouili eius.

Corpus Christi mysticum potest habere membra damnanda, non autem gloriosum.

Iam quod de membris damnandis ait, Christum ea inter membra sua non computare. Id vti verum est de membris corporis gloriosi, à quo talia membra præcisa sunt; ita minimè verum est de membris corporis mystici, quod in hac vita habet. Hic enim tale corpus habet, quod Christus mundat lauacro aquæ, & talia membra quæ ab vnitæ corporis sui præcindere potest. Quis verò neget membrum quod postea præcindendum est, antequam præcindatur, verum & viuum corporis membrum esse?

Electio æterna edificatio Ecclesie in tempore.

Tertium locum affert *Matth. 16. 18. porta inferi non præualebit aduersus eam.* Quod de sola Ecclesia electorum intelligendum putat Zaborou. sed falsò. Nam Christus edificabat Ecclesiam visibilem super petram visibilem, visibile ædificium, visibili ratione, nempe per prædicationem verbi & Sacramenta. At hæc edificatio communis est electis & reprobis. Er-

go & Ecclesia à Christo ædificata vtroq; complectitur. Deinde si solum de ædificatione electorum Ecclesiæ res esset; non dixisset Christus *ædificabo*, sed *ædificauit Ecclesiam meam*. Si enim propter electionem, electi sunt membra Ecclesiæ; cum electio fuerit tum iam facta, imò ab æterno; fuisse Ecclesia iam tunc ædificata, non ædificanda: cum tamen Christus de prima ædificatione loquatur, quæ fieri tunc primum debebat super petram. Et sane clarissima res est, multos electos in Ecclesia non esse, multos vero reprobos esse. Non igitur sola electio facit Ecclesiam. *Secundum præscientiam*, inquit Augustinus, *& prædestinationem, quàm multæ oues foris? quàm multi lupi intus? Tract. 45. in Ioan.* Paulus enim cum persequeretur Ecclesiam Dei, non fuit re ipsa in Ecclesia, licet quatenus electus, futurus erat, non actu erat in Ecclesia: Iudas vero actu erat in Ecclesia, in qua etiam Apostolatus dignitatem, sicut & alij Apostoli gerebat, & tamen electus non erat. Nō igitur electio sola facit aliquem esse de Ecclesia, neque reprobatio facit non esse. ac proinde promissio non est solum electorum cætus.

Denique promissio illa, *Portæ inferi non præualebunt*: non ad solam Ecclesiam electorum necessariò pertinet. Tunc enim portæ inferi aduersus Ecclesiam à Christo ædificatam præuulerent, quando Ecclesiam prorsus abolerent; ita vt non esset talis cætus in mundo, qui Christum rite profiteretur, Sacramenta ab ipso instituta vsurparet, potestate ab ipso tradita regeretur. Atqui non solum portæ inferi non præualebunt, vt electi non profiteantur Christi fidem in mundo, sed etiam ij qui electi non sunt: semper enim in Ecclesia sunt boni & mali, qui tamen communem Christi fidem cōfitentur, communia Sacramenta suscipiunt, & potestate Ecclesiastica vel funguntur, vel ei subiecti sunt. Nulla igitur est ratio, vt ad solos electos ea promissio restringatur. sed sicut omnia, quæ Christus in Ecclesia instituit, communia reprobis ac electis sunt: ita & Ecclesia quam Christus instituit communis est electis æquè ac reprobis. Nam quamuis reprobi qui sunt in Ecclesia salutem in altera vita non consequantur: in hac tamen vita, omnia habent quæ Christus in Ecclesia huius temporis instituit, neq; hoc illis vnquam portæ inferi auferre possunt.

Quartus locus Ioan. 10. 27. *Oues meæ vocem meam audiunt. Et non rapiet eas quisquam de manu mea.* Has oues esse solum electos ait Zaboronius; nam reprobos, inquit, Diabolus rapit de manu Christi. Verum hic locus de electis quidem ouibus intelligendus est, quæ peculiari ratione dicuntur oues Christi, quia in æternū sunt futuræ oues Christi in eo tamen nihil dicitur, an hæ oues electæ, constituent peculiarem Ecclesiam & distinctam ab ea in qua sunt reprobi. quod Zaboronius erat probandum. Neque enim

*Promissio
Christi de
portis inferi
non præuali-
turis, non so-
lis electis da-
ta.*

*Zaboronius
exim scopum
iaculatur.*

quia sunt peculiares oues, peculiarem Ecclesiam sibi necessario vendicant : cum in eodem grege & ouili, varij ordines ouium esse possint, sub vno regimine vnius pastoris. Quocirca & oues electæ cum ouibus reprobis ad eandem Ecclesiam pertinent : cum ab eisdem Pastoribus pascantur, & iisdem Sacramentis, & in iisdem catibus & conuentibus. Porro sicut electi dicuntur peculiariter oues Christi, propter electionem, quia in æternum oues sunt futuræ, ita omnes fideles, qui Christi fidem profitentur, dicuntur generaliter oues Christi. vt cum Petro Christus dixit: *Pasce oues meas.* nomine ouium, omnes qui in ipsum credunt intelligens, nullo discrimine inter electos ac reprobos habito. Cum igitur electi sint quidem oues peculiares, sed in eodem ouili cum reprobis, ad eandem quoq; Ecclesiam ad quam & reprobi pertinebunt.

Ioan. 21. 17.

*Falsificator
Zaborouius.*

Quintus locus est *Apocal. 13. 8. Et adorauerunt bestiam omnes, quorum non sunt nomina scripta in libro vite.* Hic, inquit, locus prædestinatorum Ecclesiam euincit, teste Ribera, qui ita scribit hunc in locum. quibus verbis ostenditur Ecclesiam tempore Antichristi constare tantum ex prædestinatis. Hæc Zaborouius. Verum inprimis falsum more suo affingit Ribera Zabor. Nulla enim talia verba qualia ipse citat, in Ribera inueniuntur de Ecclesia electorum. Quocirca hic quoq; falsi reus conuincitur Zaborou.

Deinde esto : at non hoc probandum erat Zabor. an Ecclesia in aliquo casu, & ex aliquo accidenti, possit constare solis prædestinatis : sed an Ecclesia Christi per se id requirat, vt solis electis constet. hic enim est status questionis nostræ. Nam Ecclesiam Christi in cælo concedimus constare solis prædestinatis : in fine etiam mundi, postquam reprobi omnes ab Ecclesia se separauerint, ex accidenti non remanebunt in Ecclesia nisi electi ; cum tamen ante separationem reprobi cum electis ad eandem pertinerent Ecclesiam. Præterea, etiam si tunc ex solis electis Ecclesia est futura : non erit tamen Ecclesia inuisibilis, sed visibilis. tunc enim scientur certò & videbuntur omnes electi : cum Scriptura testetur illos esse electos. Nihil igitur inuauit illorum Ecclesiam inuisibilem, Ecclesia quæ tunc erit electorum : siquidem erit tunc maximè visibilis, & externa ratione fidem Christi maximè profitebitur.

*Extremis
temporibus
Ecclesia electorum, visibilis tamen.*

*à potiori parte interdum
Ecclesia designatur.
electorum.*

Ex quibus omnibus liquidò constat, testimonia Scripturæ à Zaborouio producta, nihil momenti ad probandum Ecclesiam electorum, quæ sit distincta ab ea, in qua reprobi quoque sunt, habere. verissimumq; esse, Ecclesiam electorum, cuius aliquando meminerunt Patres, esse illam quæ est ipsis cum reprobis communis, & dicitur electorum. quatenus ea electos quoq; continet; verum id est de Ecclesia loqui, secundum vnā duntaxat eius partem.

CAPVT.

CAPVT X.

Nouos Euangelicos Ministros non esse Catholicae Ecclesiae Ministros, ac proinde pseudoministros esse.

Nihil ita confundit Euangelicos, quam quod ad eam Ecclesiam quæ Catholica est, non pertineant. Omnes enim quotquot Christiani sumus, in Symbolo Apostolorum Sanctam Ecclesiam Catholicam confitemur: neque solum confitemur fuisse aliquando Catholicam, sed & fuisse & esse, & ad finem usque mundi, futuram esse: semper enim in symbolo credimus & confitemur Ecclesiam Catholicam. Porro Ecclesiam esse Catholicam seu vniuersalem nil aliud est, quam in vniuerso mundo & semper esse, vt sit vniuersalis; tam ratione omnium locorum, quam ratione omnium temporum. id namque Ecclesiae & in Scripturis promissum est: & Sancti Patres eo sensu declarant Ecclesiam dici Catholicam, vti & Zaborouius ipse Augustinum id ita exponentem paulò ante citauit. Etenim *Psalmo 2. 8. Termini hereditatis Christi*, non alij assignantur quam termini terræ. *Postula à me; & dabo tibi gentes hereditatem tuam, & possessionem tuam terminos terræ.* Neque verò hæc hereditas in compensationem acerbissimorum illius cruciatuum & mortis illi donata, ad modicum tempus durare debuit, sed perpetuò & semper. Est enim hæc hereditas regnum ipsius, in quo *regnabit in æternum; & regni eius non erit finis.* *Luc. 1.* Similiter *Luc. 24. 46.* dicitur. *Oportebat Christum pati, & resurgere à mortuis tertia die, & predicari in nomine eius penitentiam, & remissionem peccatorum in omnes gentes, incipientibus ab Hierosolyma.* Neque verò semel ea prædicatio institui debet, ijs tantum gentibus quæ tempore Christi fuerunt: cum Christus non pro ijs tantum, quæ tunc fuerant gentibus, passus fuerit, sed vniuersè pro omnibus omniū seculorum ad finem usque mundi gentibus. Omnibus igitur gentibus ad finem usque mundi prædicari debet penitentia & remissio peccatorum: & sic in omnibus gentibus semper vigere & fructificare debet fides & Ecclesia Catholica. Vtrumque verò hoc argumentum passim vrget Augustinus contra sui temporis hæreticos, præsertim in *libro de unitate Ecclesie cap. 3. 6. 7. 8. 9.* vbi ostendit in Scripturis; hac veluti propria nota designatam esse Christi Ecclesiam, ne in illa dignoscenda errare possimus: quod nimirum sit in

Quid sit Ecclesia esse Catholica.

omnibus gentibus & vbiq; quod vt in nullam hæresim cadit, quæ vel nunquam vel non semper esse potest Catholica: ita solius Ecclesiæ Christi hæc propria nota est. ea enim semper est in vniuerso mundo & Catholica.

*Zaborouy idem
ponaria Ec-
clesia refuta-
tur.*

1.

2.

Tempore Apostolorum ait Zabor. Ecclesiam fuisse in toto mundo, non verò deinceps ob persecutiones. Si ita est: Non semper igitur Ecclesia Christi est Catholica. non semper symbolum Apostolorum credendum nobis est, in quo habetur *Credo sanctam Ecclesiam Catholicam*, aboleaturq; ille articulus ex simbolo tanquam inutilis & falsus, & dicatur solum ad Apostolorum tempora pertinuisse. Deinde *ex Psal. 2. & Luc. 24.* ostenditur, Ecclesiam non semel tantum Catholicam seu vniuersalem fuisse, sed ad finem vsque mundi talem esse debuisse. alioqui concedendum esset, Christi hæreditatem & regnum terminis totius terræ circumscriptum corruisse & interiisse, & compensationem Christo ob mortem ipsius factam, in nihilum recidisse, Christumque suam hæreditatem (hoc est omnes gentes) quæ tanto illi constitit, neglexisse & abiectisse, & Dominum vniuersæ terræ esse desuisse, contra vaticinia Prophetarum: promissionum etiam suarum, quas Ecclesiæ fecerat, de sua præsentia & protectione in æternum, & portis inferi nunquam præualituris, oblitum esse: fidem datam sponsæ suæ de ea diligenda, conseruanda, defendenda violasse. & sexcenta talia, quæ nonnisi absurdè concedi possunt.

3.

*Persecutioni-
bus creuit
potius Eccle-
sia, quàm di-
minuta.*

Falsum verò est, Ecclesiam ob persecutiones, in eas angustias redactam esse, vt in orbe vniuerso & Catholica esse desierit. Quæ enim persecutiones maiores cogitari possunt, quam eæ, quæ tempore Apostolorum, & primis tribus seculis fuerunt? conspirante toto mundo aduersum Catholicam fidem; Gentilibus, Iudæis, Hæreticis, Regibus, & Imperatoribus potentissimis. eæ tamen non fecerunt, vt fides Christi in toto mundo fileret, aut non annuntiaretur; sed licet in omnibus locis opprimeretur, in omnibus tamen locis fructificabat & crescebat.

Augustinum porro ita interpretatur Zabor. quòd contra Donatistas agat, qui Ecclesiam vno loco, hoc est Africa, includebant. quod Euangelicis ait non officere. putat enim suam Ecclesiam æquè esse diffusam per totum mundum ac nostram, quod ait satis patere ex inquisitione. Sed peruertit Augustinum Zabor. Hic enim omnes hæreses eo argumento insectatur, eas idcirco veritatem non habere, quòd Catholicæ non sint, nec vbiq; fructificent. esseq; id soli Ecclesiæ Christi proprium vt vbiq; sit, ita vt nulli hæresi id competere possit. Neque verò Donatistæ ita Ecclesiam Africa includebant, vt eam vel nollent esse in toto mundo, vel non posse esse affirmarent: sed quod de facto illam non esse extra Africam concederent. quod cum

Augustinus

Augustinus contendit esse hæreticæ Ecclesiæ notam; an non omnes hæreses vno ictu iugulat, quas vbiq; non esse, nec fuisse luce ipsa clarius est?

Ait quidem Zaborouius Ecclesiam Euangelicam tā latè diffusam esse, *Euangelica nuperi,* vt nostram: at quis tam incredibilia dicenti fidem adhibebit? Nam sæculis præteritis constat eam non solum in toto terrarum orbe non fuisse, sed etiam nullibi fuisse. quod enim in aliqua orbis parte aliquando fuerit, nulla extant documenta & testimonia. Præsentī vero sæculo, quot sunt Prouinciæ amplissimæ & Regna, non solum apud gentiles, quas nec adierunt, nec suo Euangelio informarunt Euangelici, sed apud ipsos Christianos, in quibus nullū religionis suæ cætum aut Ecclesiam fundarunt vnquam, neq; multitudinem aliquam ad Christum conuerterunt: cuius rei testis est Hispania & Lusitania. Neque enim satis est, quod aliquis forte Luteranus quocunq; modo ibi fuerit: sed necesse est, vt Ecclesiam ibi fundauerit, ad eum modum, quo Ecclesia Catholica est in toto mundo.

*nec vbiq;
gentium.*

At inquit: Inquisitionem testem esse, quod Euangelicis istic palam confiteri fidem non liceat. Sed audi Zaboroui. Inprimis inquisitio Hispanica tam accurata est, vt non latere ibi vestros Luteranos, sed non esse indicet: si enim essent, latere diu non possent. Deinde vera Ecclesia nullam inquisitionem, nulla pericula metuit, quominus eam fidem, quam corde credit ad iusticiam, ore quoque confiteatur ad salutem: alioqui si Christum erubescat coram hominibus, eam quoque Christus erubescet coram Patre suo. Anne Gentiles, Iudæi, Hæretici, non in omni crudelitatis genere inquisierunt in Catholicos? neque tamen efficere potuerunt; vt vel fidem abnegarent, vel non profiterentur, & multos ad fidem conuerterent. Quid crudelius vestra Anglia? in qua tanta crudelitate sæuitur in Catholicos! & tamen tanta ibi Catholicorum suam religionem exercentiū est copia; vt vel pares numero, vel certè non admodum impares cæteris esse credantur. Quid in Indijs? in Iaponia? in Sinis? At vestram delicatam Euangelium ad martyrium non properat, neq; proprium sanguinem, sed alienum pro fide Christi fundere nouit. Si igitur inquisitionis metu multas Prouincias vel non aditis, vel religionem vestram istic annuntiare non audetis: qui dicere potestis, vestram Ecclesiam in omnibus mundi partibus diffusam esse?

*Inquisitio,
non latere,
sed non esse
in Hispania
sectanos de-
monstrat.*

*vera Ecclesia
nullas inqui-
sitiones ti-
met.*

Neque nobis obijcere iure potestis, nostros quoq; persecutionum tempore latebris se abdere. Nam vt supra dictum est, licet ipsi secundum Christi consilium lateant; fides tamen eorum non latet, sed in ipsis latebris dilatur & fructificat. Testis est vestra Anglia, in qua tot millia Catholicorum sunt, non nisi a latentibus Sacerdotibus, vel conuersa ad fidem, vel conseruata. Denique addo, cum vestra secta Euangelica in tot sectas secum pugnantes

*Fides vera
ex ipsis late-
bris resplen-
det.*

Sectarij nullis gentibus fidei lumen intulerunt. solos Catholicos corrumpunt.

Amplitudo si non essentialis illustris tamen Ecclesie nota.

Et inseparabilis.

neq; extincta tenebris Ariani.

gnantes in grauissimis de religione quæstionibus, & se inuicem excludentes, dissecta sit (nullum enim maius quam Luteranorum, & Caluinianorum dissidium cogitari potest) nullam ex istis sectis totum orbem persuasisse, & suas vbique synagogas fundasse, magis perspicuum est, quam vt probari debeat. Væ enim illis, si in ditione Regis Hispaniarum, quæ magnam mundi partem, hoc est Indiam tam Orientis quam Occidentis complectitur, cum sua fide comparuerint. frustra; Zaborouius sperat, Deum in illis partibus aliquando liberum pietatis exercitium Luteranis concessurum. Nam neque vos vestriq; similes vnquam hoc honore dignatus est Deus, vt aliquam gentium Prouinciam ad Christum conuerteritis: neque tantum animi ex vestra fide habetis, vt cum extremo vitæ periculo & sanguinis vestri profusione, Euangelij lumen inferre velitis.

Sed vrget Zabor. Mornæi argumentum, quo probat, amplitudinem, Ecclesie notam essentialem non esse. At quis essentialem affirmat? Nam neq; quæritas rei atq; diffusio ad essentiã rei pertinet: neq; Ecclesia si in vno tantum loco esset, vlla re ad essentiã pertinente careret. eandem siquidem essentiã Ecclesia habet in vno loco, quam vbique; & in omnibus locis; & omnes Ecclesie particulares, sunt in ratione essentiali Ecclesie sibi similes. Amplitudinem igitur & diffusionem Ecclesie per totum mundum, nos non ex essentia Ecclesie desumimus: sed ex priuilegio & promissione Christi, quam & in Scripturis expressam habemus, & in Symbolo Apostolorum confitemur.

Inquit, non esse talem notam, quæ ab Ecclesia separari non possit, quia & ab initio Ecclesia fuit pusillus grex: & in fine tanta paucitas crediturum erit, vt Filius hominis in mundo vix possit inuenire fidem.

Verum a nobis ita responsum est, nos eam amplitudinem Ecclesie tribuere, quam primò ab Apostolis accepit, & ad finem vsq; mundi retentura est. Ab initio igitur Ecclesia pusillus tantum grex erat, & in vno tantum loco, id est Hierosolymis; sed inde propagata est in omnes gentes *Luc. 24.* Tunc autem erat vera Ecclesia: quia talis erat, quæ illico debebat esse vbique; & semper vbique; ita vt hæc nota non sit ab Ecclesia separabilis, vsque ad finem mundi. In fine verò mundi, redigetur quidem in magnas angustias ab Antichristo: sed hæc ipsæ angustie prædicuntur in Scriptura, vt qualis amplitudo Ecclesie esset tunc futura non nesciremus. Extra illud autem tempus, Ecclesie amplitudo tanta semper esse debuit, vt semper Catholica & per totum mundum diffusa iure dici possit,

Porrò quum opponit Zaborouius statum Ecclesie, Ariana hæresi mundum inficiente, talem non fuisse: nam & Ariani persequendo Ecclesiam libertatem religionis impediabant, & Catholici latibula quærebant, & plurimos non

mos non solum ex plebe, sed etiam ex Episcopis ad suam sectam pertrahebant. Ad ista respondeo. Similia omnia, imò maiora facta esse Christianis, Apostolorum tempore, & primis illis tribus seculis: neq; tamen idcirco Ecclesia tunc non erat Catholica, aut sua caruit amplitudine. Fremente enim toto mundo, in toto mundo Christus colebatur, & eius fides amplificabatur, etiam in latebris, & etiam in perpetuis illis persecutionibus.

Quæ claritas, inquit, & amplitudo Ecclesiæ, pijs in speluncis latentibus? Maxima verò, quia & virtus eorum summa eminebat, qui in persecutionibus omnia potius relinquere, quam fidem periculo exponere malebant: & fides etiam numero credentium amplificabatur, qui quanto magis opprimebantur, tantò magis crescebant, & quanto plures occidebantur, tantò plures multiplicabantur, ex sanguine Martyrum quasi ex fecundissimo semine progeniti. *Sanguinem enim Martyrum, semen esse Christianorum.* rectè dixit sanctus Leo.

*quin magis
magisq; efful-
sit.*

Decipitur verò Zaborovius, cùm existimat amplitudinem Ecclesiæ, de qua loquimur, in numero maiori credentium consistere. Hoc enim falsum esse, vel ipsa Apostolorum tempora docent, quibus Ecclesiæ amplitudo tanta fuit, vt per totum orbem terræ esset diffusa: neque tamen numero fidelium superabat numerum infidelium; imò longissimè ab eo distabat. Consistit igitur ea amplitudo in hoc, quod Christus in toto mundo colatur, & fides eius in omnibus mundi partibus annuntietur ac celebretur. Et quamvis in numero credentium non semper superior existat: id tamen non obstat; quominus vbique sit & vbique diffusa credatur, & claritas quæ illi tunc deest de numero; virtute singulari credentium compensetur, sicuti & temporibus Apostolorum.

*si minus nu-
mero; at vir-
tute.*

Quocirca Ariani numerum quidem Catholicorum restrinxerunt, pluribus ad suam hæresim pertractis: non tamen effecerunt, quominus Catholica fides in toto mundo celebraretur. quod vel ipse eorum persecutiones indicant. Si enim vbique & semper Catholici non fuissent, proculdubio non habuissent quos vbique & semper persequerentur. qui etiam in persecutionibus tantò gloriosius fidem suam profitebantur, quanto gloriosius est sanguine & vita, quam ore & verbis fidem Christi profiteri.

Quod verò de suis temporibus Hieronymus scribit, ingemuisset totum orbem, & se Ariam esse miratum: id neq; ita accipiendum est, vt absolute totus omnino orbis intelligatur, sed Episcopi illi qui ex toto orbe Ariminum conuenerant, neque de proprio Ariansino, sed quòd subscripsisse Ariansimo viderentur, cùm ad tollendam vocem *ὁμοιότιον* decepti ab Arianis subscripserunt. Nunquam enim antiquam de Trinitate fidem mutarunt

*De vocula nō
de fide sup-
pressa inge-
muit orbis.*

licet voce *ἀποστόλων* propter bonum, uti praeferbatur pacis, non utendum interim censuerint.

Ecclesia dicitur Catholica, non tam à multitudine credentium quam ab vniuersitate locorum.

Non refert, inquit Zaborou. quòd multi Catholici tunc essent partim Confessores, partim Martyres: erant enim in speluncis latentes, quos Ariani vi externa & pluralitate longè superabant. Imò verò Zaboroui, refert plurimū ad demonstrandū, toto orbe terrarū tūc diffusam fuisse Ecclesiā Catholicā quam Ariani ex toto mundo nulla vi abolere poterant, etiamsi potentia & pluralitate superarent. Non enim Ecclesia dicitur Catholica, propter pluralitatem credentium: sed propter vniuersitatem locorum, in quibus toto mundo existit. Neque refert, quòd illo tempore in speluncis laterent; tum quia etiam extra speluncas prodibant ad Martyrium & carceres: tum quia Ecclesia etiam in speluncis est Ecclesia; non enim à loco sed à Christo suam dignitatem & essentiam accipit: tum quia etiam Apostolorum tempore in speluncis illo modo erat Ecclesia, erat tamen vera & Catholica Ecclesia.

Iam quod ex Mornæo probat, amplitudinem non esse notam propriā Ecclesiæ, quia in medio Ecclesiæ, Gentiles Christianos, Ariani Orthodoxos multitudine facillè superarunt: id inquam simili ratione refellitur. Nam ea amplitudo, à qua Ecclesia denominatur Catholica, non in multitudine & numero credentium constituta est, sed uti dictum est, in vniuersitate locorum, quam nec Ariani, nec alij vlli Hæretici, teste Augustino, habuerunt aut habere possunt. Quod quia non intellexit Zaborouius, cum vmbra sua pugnat, cum numerum & multitudinem credentium non semper esse in Ecclesia maiorem quàm non credentium ostendit.

Frustra verò iactat se suosq; Ecclesiæ Catholice Ministros esse, quòd sint Ministri eius Ecclesiæ, quæ fuit Catholica Apostolorum tempore, & postea ab Antichristo in angustum redacta, demum per Luterum in lucem educta.

Falso Hæretici se ad Apostolos referunt.

1.

2.

Nam inprimis Zaborouius assumit id quod est probandum, & quod illi nemo præter suos concedit. Falsissimum enim id esse, quòd Evangelici ad Apostolorum Ecclesiam pertineant, totus mundus asserit, nec illi, nisi communi Hæreticorum more, qui omnes ad Apostolos se referunt, probant. Reclamat autem vniuersa Antiquitas, quæ Apostolicam fidem ab Apostolis ipsis acceptam, ad nostra vsq; tempora successionum serie propagauit. Deinde Apostolicam fidem credimus, semper esse Catholicam, id est toto orbe diffusam, uti supra ostendimus. Atqui Luterana & Caluiniana fides, ante Luteri tempora non erat Catholica, quia nullibi in mundo erat omnibus antea actis sæculis; non igitur erat Catholica. Scimus enim ante Luterum, non fuisse in mundo nisi has Religiones, Paganismum, Mahometi-

simum.

ismum, Iudaismum, Gracismum, Nestorianismum, Hussitarum hæresim, & Religionem Romanam. Ad nullam vero harum Luteranismus pertinuit.

Ait quidem Zaborouius Luteri Ecclesiam semper fuisse Catholicam: quia, inquit, secundum Cyrillum *Catechesi* 18. Ecclesia dicitur Catholica, quia docet Catholicè & perfectè omnia dogmata. Sed quid hoc est, nisi verba in ventum fundere? Nam ut cætera taceam, ante Luteri tempora, ubi docuerunt Luterani Catholicè & perfectè omnia dogmata? quia enim ante Luterum nec fuerunt, nec dogmata sua Catholicè docuerunt, proculdubio tunc Catholici non fuerunt. Deinde si Catholicè dogmata docere, est eo modo docere quo in orbe vniuerso docentur & semper docta fuerunt; qui audent Luterani affirmare se Catholicè docere, cum contra Catholicam totius orbis quæ fuit semper & est doctrinam doceant?

Addo posse quandoq; hæresim magnam orbis partem occupare: sed neque omnes partes orbis, neq; diu. Non omnes; quia ut rectè ait Augustinus in *lib. de Pastore cap. 8. Ecclesiam esse ubiq; & hæresim ubiq; sed Ecclesiam esse unam & eandem ubique, hæreses autem, non easdem, sed diuersissimas esse ubiq; & idcirco nulla illarum esse ubiq;.* Non diu; statim enim omnis hæresis, vel per seipsam, euanescit, cum nullo solide fulciatur fundamento, vel in varias sectas dissecta seipsam iugulat. Vbi enim sunt plusquàm ducentæ hæreses, quæ his mille sexcentis annis in mundo fuerunt? nulli ipsarum vestigium, nisi in libris forte Catholicorum ipsas oppugnantium. *Euanuerunt sicut vapor ad modicum parens, aut nimbus qui a vento circumfertur, aut puluis quem proijci ventus a facie terræ.*

Hæreses ubique sed non eadem. nec diu.

Concludo igitur cum Diuo Hieronymo in *extremo Dialogo aduersus Luciferianos*. Breuem, inquit, apertamq; animi mei sententiam proferam. In illa esse Ecclesia permanendum, quæ ab Apostolis fundata in diem hanc durat. Cum verò nulla alia Ecclesia ab Apostolis ad nostra vsque tempora durauerit, nisi Catholica & Romana: consequens est in ea esse permanendum. in qua quia non permanent noui Evangelici, nec eius se ministros profitentur; veræ Ecclesiæ Ministri non sunt, sed pro pseudoministris iure habendi.

C A P V T XI.

Locus, Tu es Petrus, & super hanc petram ædificabo Ecclesiam meam: à cauillationibus Zaborouij vindicatur, & noui Ministri Euan-

De Notis Ministrorum
gelici, falsi Ministri esse conuincuntur, quòd
non sint eius Ecclesiæ Ministri, quam Chri-
stus ædificauit super petram.

Petra Petrus

Cum tanti res sit momenti Ecclesiam nosse, quippe cui omnes ita obedire tenentur, vt ni obediant, sint ipso Christi decreto sicut Ethnici & Publicani habendi: ne qua in ea cognoscenda dubitatio remaneret; Christus eam digito quasi demonstrauit, ostendens petram in qua eam ædificaturus erat, vt eam ibi quæreremus, vbi eam ipse ædificaret. Porro petram, in qua ædificaturum se promittebat Ecclesiam, Apostolum Petrum ostendit, quem idcirco Petrum seu petram nominauit, quia super illum tanquam super petram erat ædificaturus Ecclesiam suam.

I.

*Fundamen-
tum vñ &
duodecim.*

Non arident hæc Zaborouio. Quatuor igitur solidis (vt ait) rationibus, Petrum non esse illam petram super quam Ecclesia ædificata est, ostendere conatur. Audiamus. 1. est, quia pugnat cum expressis Spiritus S. verbis. Fundamentum aliud nemo potest ponere, præter id quod positum, est, quod est **CHRISTVS IESVS. 1. Cor. 3. 11.** Verum si hæc Spiritus sancti verba intelligat de omni fundamento tam primario quam secundario: ipse Zaborouius pugnat cum expressis Spiritus S. verbis, qui præter fundamentum præcipuum ciuitatis illius cœlestis, ponit fundamenta secundaria duodecim, inscripta nominibus duodecim Apostolorum *Apocal. 21. 14.* quæ cum in primario fundamento id est Christo fundata sint, non solum illud non excludunt, sed etiam maxime includunt; cum sine eo subsistere non possint, & non nisi vt in eo fundantur, fundamenta sint. Si verò eum locum exponat, vt necessario exponere debet de primario fundamento, quòd omnia etiam secundaria fundamenta sustentat, ipsum autem ab alio non sustentatur: sic seipsum euertit, falsum enim erit quod nobis obijcit, nos cum Spiritus sancti verbis pugnare, quòd fundamentum secundarium admittamus. Neque enim Spiritus S. negat alia fundamenta quæ sint secundaria; sed solum negat aliud quòd sit primarium. sicq; prima eius ratio, non solum solida non est, sed seipsam dissoluit.

2.

2. ratio. Ecclesia in fundamento suo ædificari nequit, nisi fide. At fides fidelium in Petro recumbere nequit, *Maledictus enim qui confidit in homine.* Petrus ergo fidelium fundamentum esse non potest.

*Quo pacto fi-
de ædificetur
Ecclesia.*

Hæc quoque ratio vanissima est. Nam vel probat Petrum non esse fundamentum primarium fidelium: & sic nos non ferit, qui Petrum fundamentum pri-

tum primum non asserimus. vel probat nec primum nec secundarium fundamentum dici posse : & sic Scripturis repugnat, quæ secunda fundamenta duodecim admittunt. Cum igitur ea ratio fundamenta secunda non euerat, nec nostram assertionem euerit. In particulari autem respondeo. Ecclesiam ædificari quidem fide in suo fundamento ; sed aliter in primario, quam in secundario. Nam in primario hoc est in Christo ita ædificatur, ut credat in ipsum : in secundario autem hoc est in Petro & Apostolis, non eo modo fundatur, sed solum ratione doctrinæ, quia docetur ab eis, & instruitur in fide atque in ea confirmatur. Hoc autem non est fidem recumbere primario in Apostolis, cum ipsi non sint primarij Authores fidei, quippe à primario constituti : sed est secundario recumbere : tanquam in veris Doctoribus & assertoribus infallibilibus Fidei. Nemo enim negare potest, in doctrina Apostolorum fidem Ecclesiæ recumbere secundario : quemadmodum in Christo tanquam in primo Auctore fidei primario recumbit. Ineptè verò adducit Zaborouius testimonium de eo qui confidit in homine. Tum quia aliud est credere, aliud confidere : Fides enim & spes diuersæ sunt virtutes. tum quia nos non eo sensu dicimus, Ecclesiam fundari in Apostolis, quod credat in ipsos & confidat primario in ipsis : sed quod ab ipsis fidem doceatur, & in ea confirmetur.

*in fundamen-
to primario
differenter
quàm in se-
cundario.*

3. ratio. Ecclesia in eodem fundatur, in quo crescit. At in Christo *omnis ædificatio constructa crescit.* Ergo solus Christus est fundamentum. Sed eadem distinctione primarij & secundarij fundamenti dissolvitur hæc ratio. Quis enim neget ædificium omne non solum in primario fundamento construi & crescere, sed in alijs quoque secundarijs fundamentis in primario constitutis ? Pari igitur ratione, in Christo tanquam in primario fundamento crescit Ecclesia : in Petro autem & alijs Apostolis tanquam in secundarijs fundamentis.

3.

4. ratio. Imbecille fundamentum Ecclesia haberet. mox enim Petro dictum est, *vade post me satana.* At magis imbecilla est ratio Zaborouij, cum Apostolos imbecilla fundamenta arguit. Etsi enim quæ homines, imbecilles fuerint : tamen qua Spiritu S. à Christo confirmati sunt, minime, nisi ipsi Spiritui S. imbecillitas tribuatur. *Infirma enim mundi elegit Deus, ut confundat fortia.* Petro verò dictum est, *vade post me satana:* cum imbecillis adhuc esset, necdum fundamentum Ecclesiæ constitutus (hoc enim non nisi post Resurrectionem postea factum est illis verbis, *Pasce oves meas.*) & nondum etiam Spiritu S. qui die Pentecostes datus est, erat confirmatus. ut vel ex eo pateret, quid Petrus ex se haberet, quid ex Christo & Spiritu S. En Zaborouius tuas illas solidas rationes, quæ vnica distinctione primarij & secundarij funda-

4.
*Imbecillitate
Petri robur à
Spiritu S.*

menti, totæ prorsus euanuerunt. quam distinctionem si tu non præuidisti, hospes es in libris Doctorum: si præuidisti, nihil aliud quam fumum dedisti. At quid faceres, qui solidiora quæ afferres non habebas?

*Ipsam etymō
Petri conuin-
cit pro veri-
tate.*

Multò solidior imò inuicta est illa nostra ratio, qua doceo, vocem Petrus idem significare quod petra, ex eoque infero idcirco dictum esse Petrum, quod verè petra esset. Quid tu ad hæc? An non aqua tibi hæret? Nam negare non potes, vocem *πετρος* Græcis non aliud significare quam petram, alioquin conuincet te ruditatis, quotquot vel primis labris Græca degustarunt. Conuincet te Caluinus tuus in hunc locum, qui ait has voces idem significare; nisi quod *πετρος* Atticè *πετρα* communiter dicatur. Conuincet & Beza in hunc locum, cum ait Petrum & Petram apud Græcos nõ re, sed terminatione differre. licet is mysterium nescio quod vna tecum in terminationis discrimine agnoscat. At mysterium reuera nullum est. Nam nec in Syriaca lingua qua Christus locutus est, nec in lingua Hebraea, qua Matthæus conscripsit Euangelium, vllum discrimen in terminatione inuenitur: sed eadem planè vox & eodem modo terminata habetur vtrobique. quare mysterium illud, quod in Græcis vocibus ex diuersa terminatione astringitur, affictum planè censeri debet: cum Græcæ voces ex Syriacis & Hebreis conuersæ sint; in quibus cum nullum tale discrimen est, nullum etiam ex discrimine mysterium cogitari potest. Non igitur ob diuersam terminationem Petrus à Petra distingui debet: quia terminatio illa diuersa non facit significationem diuersam, sed tantum Dialectum diuersam: ac proinde non facit Petrum non esse Petram, cum hæc sit eius primaria significatio, tantundemq; sit dici Petrum sicut dici Petram.

*Quid inter-
pres Matth:
specularis mu-
tado genere.*

Quod verò non Matthæus (vt opinatur Zaborouius) sed interpres Matthæi, Euangelium Matthæi ex Hebraico in Græcum conuertens, vsus sit illa diuersa terminatione: hoc non ideo fecit, vt aliò referret Petrum aliò Petram, id enim nec Hebraicæ nec Syriacæ voces patiebantur, quas ille fideliter reddere volebat; imò nec pronomen illud *Hanc* petram, quod supra nominatam Petram demonstrat, nominata autem erat petra in Petro, Petrus enim idem est quod Petra, ita vt per *Hanc* Petram non aliam nisi quæ Petrus erat intelligi oporteat. Fecit igitur hoc discrimen, vt Petrus esse illa petra supra quam adificanda erat Ecclesia intelligeretur. & quod idcirco nomine Petri insignitus esset, quia petra Ecclesiæ futurus esset. Poterat quidem sine hac vocum differentia conuerrere, dicendo vel *Tues Petra & super hanc Petram adificabo*: vel *Tu es Petrus & super hunc Petrum*: & tunc dubium non esset, eandem Petram vtrobique nominari. placuit tamen variare terminationem: quod & masculina terminatio personæ Petri magis esset accom-

modata,

modata, & fæminina petræ fundamēntali; ita vt idem Petrus, & respectū suæ personæ masculina terminatione appellandus sit, & respectū ædificij Ecclesiæ fæminina. Id ita haberi, vel ex eo intelligi potest. quia si nomen Petri & Petræ in alias linguas conuertatur, eadem vtriq; vox omnino respondit: Latine *saxum* vel rupes, Syriacè *Cephas*, Hebr: פֶּטְרוֹ Polonice *Opa-ka*, nam *Piotr* ex Græca Petri voce nominatur. Porro si eadem vox vtrouque esset: non esset dubium Petrum Petram appellari. Non igitur in Græcis etiam vocibus debet esse dubiū: quæ proculdubio Hebraicis & Syriacis vocibus respondere, & ad illarum rationem intelligi & accommodari debent.

Quare cum Zaborouius ait, in Latina lingua Petri nomen semper esse proprium, petræ appellatiuum: non aduertit istas voces in linguam Latinā à Græcis esse aduocatas & mutuatas. quocirca sicut apud Græcos vtraq; vox est per se appellatiua, & per se appellatiuam seu communem multis significationem habet: ita & apud Latinos vox *Petrus*, est per se & ratione suæ immediatæ significationis appellatiua, solumq; ex accidenti propria, quatenus imponitur mediante sua significatione ad vnam solam personam Petri designandam. Proprium enim nomen apud Latinos, aliud est per se proprium, nempe quod ratione suæ immediatæ significationis vni tantum competit, vt Plato, Socrates: aliud verò per se appellatiuum & ex accidenti proprium, quod nimirum habet per se significationem appellatiuam & communem multis, propter peculiarem tamen impositionem tribuitur vni soli. & hoc modo Petri nomen est proprium: per se enim habet significationem appellatiuam & communem multis, nam significat etiam saxum: ob peculiarem tamen Christi institutionem, ad Petri solius personam designandam impositum est. Verum quæ hoc modo sunt propria, non perdunt suam immediatam significationem, sed cum ea tribuuntur vni soli & fiunt eius propria. Quapropter & Petrus cum immediatè significat petram seu saxum, cum hac significatione conuenit Petro, & ei suam significationem impertit; ita vt ideo Petrus dicatur, quia est verè petra. Quod etiam exemplo non multum dissimili Fabij Consulis Romani explicari potest. qui cum à faba nomen acceperit; rectè quis diceret, Tu es Fabius & ex hac faba multū utilitatis capiet Resp. Romana. vbi proculdubio non intelligeremus, aliā fabā ab ipso Fabio diuersam, sed quæ ipsi Fabio conuenit: idemque esset dicere, ex hac Faba, & ex te Fabi utilitatem Resp. est captura. Nam quod ex ingenio & ex sapientia alicuius capitur, ex ipso dicitur capi: ingenium enim ipsius & sapientia, in ipso est. Multò maiore ergo ratione cum dicitur, *Tu es Petrus: & super hanc petram* &c. ad illam Petram referri debet, quæ Petro conuenit & Petri nominiue significatur. idemque erit, super hanc petram quæ Pe-

Zabor. Gram-
matica ele-
menta do-
cendus.

trò conuenit ædificari Ecclesiã, & super Petrum ipsum ædificari Ecclesiã: Petrus enim petram significat.

*Zaboronius
Patres ad lu-
dum suum
deducere vel-
let.*

Quæ cum ita sint, meritò asserui in NODO GORDIO turpissimè eos errare, qui Petrum quasi Petreum denominatiuè à petra dictum interpretantur. Constat enim clarissimè vocem Græcam *πέτρος* primitiuam non deriuatiuam significationem habere, æquè ac vox *πέτρα*, & petram non petrèu significare. Qui error cum Grammaticus sit, non potest nisi in rudem & linguarum ignarum cadere. Cum verò obijcit Zabor. aliquos Sanctos Patres Augustinum, Ambrosium, Hieronymum, Basilium, Gregorium, qui aiunt Petrum à Christo vera Petra nomen accepisse: non valde ad rem mihi videtur loqui. Patres enim non loquuntur de deriuatione Grammatica, qua adiectiuum à substantiuo vel concretum ab abstracto deriuatur, qualis deriuatio esset Petrei à Petra. neq; enim Patres Petrum quasi Petreum interpretantur, sed esse ipsam Petram volunt, quæ tamen non ex se sit Petra, sed ex Christo. Ita Augustinus *serm. 15. de Sanctis. Petrum*, inquit, *fundamentum Ecclesiæ Dominus nominauit*. Ambrosius *serm. 47. Petrus*, inquit, *pro soliditate deuotionis Ecclesiarum Petra dicitur, sicut ait Dominus, Tu es Petrus*. Hieronymus *in cap. Matthæi 16. Secundum Metaphoram petre rectè dicitur ei, Edificabo Ecclesiam meam super te*. Basilii *hom. de penit. Christus*, inquit, *Petra est, & Petram fecit: quæ suæ sunt, largitur seruis suis*. Gregorius Magnus *lib. 6. epist. 37. Quis nesciat Sanctam Ecclesiam in Apostolorum Principis soliditate firmatam?* Loquuntur ergo dicti Patres de deriuatione reali quæ in eo posita est, quòd Petrus sit petra, non ex se sed ex Christo, qui suum nomen & dignitatem Petræ communicauit. quod vel ipsius Basilij verba plenum faciunt. *Audierat*, inquit, *Petrus se esse petram, ita laudatus à Domino. Licet enim petra esset; non tamen petra erat, ut Christus: ut Petrus petra erat. Nam Christus verè est immobilis petra: Petrus verò propter petram. Axiomata enim sua IESVS largitur alijs.*

*Significatio-
ne potiùs quàm
voce deriuatur
Petrus à
Petra.*

Hanc vero deriuationem nos non solum non damnamus, sed libentissimè amplectimur. Verum deriuatio hæc nil iuuat aduersarios. Nam Patres ita deriuant Petrum à Petra Christo; vt Petrum velint esse ipsam petrã, sed à Christo factam petram, & à Christo dependentem. Euangelici autem horrent Petrum petram nominari. Non igitur ea prorsus ratione Petrus dicitur à petra, qua ratione Lentulus à lente, à faba Fabius. ista enim sunt nomina deriuata à lente & faba: non sunt autem idem cum lente & faba. At Petrus non est propriè deriuatum à petra, sed est idem quod petra. & licet dependeat à Christo: tamen ita dependet vt petra à Petra, petra secundaria à Petra principali.

Pergit nihilominus Zaborouius dicere pertinacissimè Petrum non esse illam petram, super quam fundata est Ecclesia. Verùm conuincitur inprimis ex eo, quòd vti diximus Petrus dictus est Petrus, id est Petra: Petrus enim petram significat, cùm ergo additur, *Et super hanc petram*, de ea petra quæ immediate ante nominata fuit intelligendum est. Et sanè, si Christus dixisset, *Tu es petra, & super hanc petram edificabo*: non esset dubium, utrobique eandem Petram nominari. Cùm igitur Christus reuera ita locutus sit, non enim Græco sermone (in quo solo est ista variatio terminationis) sed Chaldaico aut Syriaco, aut Hebraico locutus est, in quo nulla est talis variatio, verùm eadem vox est utrobique: consequens est nullum debere esse dubium, quin eadem petra utrobique intelligenda sit: Græcæq; vocabula Petri & petrae ad eandem rationem accipi debent, qua accipiuntur Syriaca & Hebraica. Quod argumentum inuictum planè est, nec dissolui vnquam solide ab aduersarijs potest.

Deinde conuincitur etiam Zabor. ex illis verbis: *Et ego dico tibi, quia tu es Petrus*, ac si diceret, *Tu me Filium Dei confessus es, & ego vicissim tibi tuam excellentiam declaro, quia tu es Petrus seu petra, & super hanc petram edificabo Ecclesiam meam*: ita vt confessionem Petri, qui luminam Christi excellentiam confessus est, vicissim confessione excellentiæ Petri Christus compenset, quæ excellentia in hoc consistit, quòd in ea tanquam in petra ædificanda erat Ecclesia. vti inter cæteros diuine expendit S. Leo in *serm. 3. in Anniuersario assumptionis sue*. expendit & Basilius *serm. de Penitentia*. Vicissim, inquit, *audienat se esse petram. Axiomata namq; sua IESVS largitur alijs. Largitur autem ea non euacuatus, sed nihilominus habens. Lux est: vos estis lux mundi, inquit. Sacerdos est: & facit Sacerdotes. Petra est: & petram facit. Quæ sua sunt, largitur seruis suis.*

Accusat Zaborouius Leònem, quòd nimis prærogatiuas Petri offerat, vt sibi via ad dominium Ecclesiæ sterneretur. Sed hoc est calumniari sanctum Pontificem, non respondere. S. Basilius certè Romanus Pontifex non fuit, idem tamen quod S. Leo scriptum reliquit. Deinde respondet, ita excellentiam personæ indicari, vt maior ob quam in hæc verba Christus erupit ratio habeatur. At quis negat Christum rationem confessionis Petri habuisse? imò quia rationem confessionis Petri habuit, voluit eam sua quoque confessione vicissim compensare, confitendo Petrum esse petram & fundamentum Ecclesiæ, præter eam enim nulla alia excellentia Petri, nullum aliud elogium commemoratur: ita vt necesse sit dicere, aut nihil Petrum a Christo pro sua confessione retulisse: aut hanc singularem excellentiam retulisse, quòd fuerit nominatus Petra & fundamentum Ecclesiæ.

Consecutione sermonis conuincitur Zaborouius Petrum esse petram.

conuincit & verborum Domini ἀποδοσὶς

& ratio remunerationis excellentis confessionis.

*Item nomen
ipsum Petri
vni soli Apo-
stolorum at-
tributum.*

Indicat hoc ipsum nomen Petri, quod idcirco soli Petro inter Aposto-
los impositum fuit à Christo, quia solus inter Apostolos singulari ratione sit-
turus erat Petra & fundamentum Ecclesiæ. hocq; nominis mysterium Chri-
stus hoc loco indicauit: *Tues*, inquit, *Petrus: super te enim tanquam supra
petram ædificabo Ecclesiam meam.* Nam licet super alios quoq; Apostolos suo
modo ædificaturus esset Ecclesiam, ijq; tunc præsentés adessent: soli tamen
Petro id dixit, non alijs: ostendens singulari quodam modo in Petro ædificā-
dam esse Ecclesiam: quod nimirum inter fundamentales lapides superposi-
tos Christo, Petrus futurus esset primus post Christum & præcipuus lapis, &
inter duodecim fundamenta primum & præcipuum fundamentum post
Christum.

*Zabor. in se-
ipsum sua te-
la verit.*

Quocirca cum ait Zaborouius solum Petrum vocatum esse hoc nomi-
ne, quod solus omnium nomine confessus erat Petram Ecclesiæ Christum:
non aduertit quod seipsum euertat. Nam si Petrus omnium nomine con-
fessus est Christum, & ratione confessionis dictus est petra; cum ea confessio
ad omnes æque pertineret, nomen quoq; Petræ æque ad omnes spectare de-
buisset, si esse petram nihil aliud sit, quam confiteri fortiter Christum. Non
igitur ea ratio fuisset sufficiens, ad nomen Petri soli Petro imponendum. Nā
licet solus confessus sit; tamen nomine omnium, vt vult Zabor. confessus est,
nec suam solum, sed aliorum quoq; confessionem declarauit.

*Analogia pe-
træ ad ædifi-
cium.*

Longè ergo melius Sancti Patres in ea proportionem quam petra habet
ad ædificium Ecclesiæ, fundant huius nominis mysterium: Christusq; ipse
hoc mysterium explicat, Petrum respectu ædificij Ecclesiæ Petram vocans,
quod soli illi singulari quadam ratione conuenit: quia inter petras & funda-
menta Ecclesiæ, ipse post Christum est præcipua Petra.

*conuincit &
posterior cla-
uium promif-
sio.*

Denique conuincunt idem sequentia verba: *Et tibi dabo clauēs regni
cælorum.* Eidem enim dicitur *Tibi dabo & Super hanc Petram ædificabo:* & si-
cut hoc in cōpensationem confessionis Petri promittitur, & ita illud. Deinde
cum idem sit ædificari super Petrum Ecclesiam, & accipere clauēs regni
cælorum: cui vnum promittitur, promittitur & alterum. Nam sicut cla-
ues principatum significant (penes principem enim ciuitatis aut familia so-
lent esse clauēs ciuitatis vel domus) similiter & ædificari super aliquem Ec-
clesiam, principatum Ecclesiæ designat; ita vt Petrus qua ratione clauēs re-
gni cælorum sibi traditas habet, eadem ratione etiam fundamentum Eccle-
siæ dici possit & debeat.

Respondet Zaborouius, Clauēs in Ecclesia non principatum, sed pote-
statem ligandi & soluendi peccata significare, quam licet in persona solius
Petri Apostolis Christus promiserit; reipsa tamen omnibus æqualiter contu-

lit: Ac-

Et: Accipite Spiritum S. quorum remisistis peccata &c. Sed hic triplex est lapsus Zaborouij. Primus cum clauis negat principatum significare: alter cum potestatem clauium remissione & retentione peccatorum definit: tertium cum æqualiter omnibus Apostolis clauis regni cœlorum collatas esse censet.

Ter impingit Zaborouius.

Prior lapsus per se manifestus est. Agitur enim hic non de quibuscunq; clauibus, sed de clauibus regni cœlorū. Clauem autem Regni principatū designare, nemo qui vel leuiter in Scripturis versatus sit ignorare potest. Nulli enim in Scriptura clauis regni eiusmodi tribuitur, nisi ei qui in regno principatum habet. Sic apud Isaiam *cap. 22. 22.* dicitur: *Et dabo clauem domus David super humerum eius: & aperiet, & non erit qui claudat: & claudet, & non erit qui aperiat.* ubi non est dubium, supremam in regno potestatem ac proinde principatum describi. unde quod hic Isaias vocat clauem super humerum, in *cap. 9. 6.* vocat principatum super humerum. quia clauis erant principatus signa. Eodem quoque sensu dicitur Christus *habere clauis mortis & inferni*, id est dominium vitæ & mortis. *Apocal. 1. 18.* item *habere clauem David, qui aperit, & nemo claudit; claudit, & nemo aperit.* *Apocal. 3. 7.* quod est supremæ potestatis. Hoc igitur sensu, Petro data est suprema clauium post Christum potestas: ut aperiat, & nemo claudat; claudat, & nemo aperiat: hoc est, quæ ligauerit, nemo soluat; quæ soluerit nemo ligare possit. Etenim clauis regni, non quamcunq; sed supremam duntaxat potestatem significant. Habent & alij clauis, sed particulares, in hac vel illa Ecclesia particulari: Petrus verò habet clauis vniuersales in regno cœlorum, in tota videlicet Ecclesia: & ideo supremam post Christum potestatem, atq; adeo potestatem cum principatu. Non dantur enim clauis ciuitatis aut regni nisi Principibus, & in recognitionem principatus, quod etiam nostræ ciuitates, Regi cum primò ciuitatem intrat obseruant. Neque vlli clauis Regni aut ciuitatis leguntur vnquam datæ, nisi Principi aut in recognitionem principatus. Quocirca clauis includunt quidem potestatem, sed cū principatu coniunctam; ita ut clauis multum differant ab ea potestate, quæ est sine principatu, seu quæ non est suprema in Regno potestas.

1.
Negat contra sacras Scripturas, clauis principatum.

Alter lapsus est Zaborouij: cum potestatem clauium potestate remittendi vel retinendi peccata definit. Præter enim hanc est alia multiplex potestas in Ecclesia, quæ clauium potestate continetur: potestas nimirum ligandi quodecunq; & soluendi, ad quæ pertinet potestas excommunicandi, docendi, Sacramenta administrandi, & ea quæ ad rectum regimen & ordinem Ecclesiæ spectat, statuendi leges Ecclesiasticas & tollendi pro temporum varietate & necessitate, atq; omnia faciendi quæ ad rectam Ecclesiæ gubernationem

2.
Clauis ad solam potestatem remittendi & retinenda peccata restringit perperam.

tionem pertinent. Quocirca Zaborouius nimis angustè clauium potestatem circumscriptit. Neque rectè asseruit clauas absolute datas esse omnibus Apostolis *Ioan. 20.* cum quædam tantum potestas clauium eo loco sit tributa illis, nempe potestas remittendi & retinendi peccata: vnde eo loco nulla clauium mentio fit. Neq; ij qui clauas eo loco datas docent, absolute de clauibus loquuntur: sed clauas vocant potestatem quandam clauium. Clauium enim nomine, absolute suprema & vniuersalis potestas ad Ecclesiæ regimen concessa intelligitur.

F.
quod ut pro-
bet Patres
falsificat.

Cum vero in contrarium citat Patres, non potest sui moris in falsificandis testimonijs obliuisci. Imponit enim Maldonato, quasi in illa verba *Matt. 16. Quodcumq; ligaueris &c.* ita scripserit: Quæ hic promissa sunt Petro, non illi solum, sed omnibus etiam Apostolis, Episcopis, & Sacerdotibus competunt. O Zaboroui, nunquamne finem mentiendi facies? Nihil sanè tale scripsit eo in loco Maldonatus, imò contrarium ibi ex professo probat, docens illa quæ promissa sunt Petro, soli Petro promissa esse, nec Apostolis vquam concessa.

3.
æqualiter da-
tas clauas om-
nibus Apo-
stolis ait.

Tertius lapsus est. quod æqualiter omnibus Apostolis potestatem concessam arbitretur, nullo inter Petrum & alios Apostolos discrimine. Id si in aliquo duntaxat sensu, quo SS. quoq; Patres loquuntur, diceret, bene diceret: at quia nullum discrimen inter Petrum & alios Apostolos admittere vult, turpiter errat. Licet enim in potestate Petrus par fuerit cæteris Apostolis, in modo tamen potestatis minimè. Nam eadem omnis potestas concessa est Petro & Apostolis: sed Petro ut capiti, & cum officio ac regimine

Modus pote-
statis Petro
diuersus, ut
pote capitis.
F.

ordinario cui succedi debuit: cæteris autem Apostolis tanquam legatis cum amplissima potestate à Christo missis; ita tamen, ut ijs in tam ampla & vniuersali in Ecclesiam potestate non succederetur. Explicat hæc suam & aliorum Sanctorum Patrum mentem Hieronymus, quem Zaborouius infideliter omisis postremis verbis, quæ contra ipsum faciunt, citauit. Is enim de hac rel. in *Iouinianum* sic scribit: *Licet super omnes Apostolos ex æquo Ecclesiæ fortitudo solidaetur: tamen propterea inter duodecim vnus eligitur, ut capite constituto schismatis tolleretur occasio.* En quomodo Hieronymus ita parem in Apostolis potestatem agnoscit, ut tamen Petrum caput & Principem Apostolorum constitutum dicat, ad tollendam omnis schismatis occasionem. Hoc verò est quod nos quoque dicimus, soli Petro clauas regni cælorum à Christo collatas esse: quia in solo Petro fuit illa potestas cum principatu & regimine ordinario; ac proinde per modum clauium absolute. per clauas enim designatur principatus. in cæteris autem Apostolis, ea potestas cum principatu & regimine ordinario cui succederetur non fuit; ideo non fuit absolute

absolutè per modum clauium. Eaque ex causa, nusquam legimus clauis regni cœlorum datas Apostolis, sed Petro. vti rectè in hunc locum notat Maldonatus. Nihil igitur plus potestatis habuit Petrus, quod non haberent alij Apostoli: sed cum eadem potestate ipse fuit caput & Princeps Apostolorum & Ecclesiæ; alij non item: quocirca eandem potestatem cum alijs habuit, & æqualiter & inæqualiter: æqualiter, ratione rei habitæ, cum nihil potestatis habuerit ipse, quod non habuerint alij: inæqualiter, ratione modi habendi, quia habuit vt caput & Princeps, cæteri vt legati. ad eum modum, sicut si Papa mitteret 12. Episcopos ad conuertendam aliquam Prouinciā cum eadem prorsus potestate; vnum tamen præficeret alijs, & statueret propriū & ordinariū Episcopum illius Prouinciæ, cui in officio Episcopali succederetur.

Quæ diuersitas in Petri potestate.

Porro quod aduersarij maximè vereri se simulant, ne si Petrus sit petra, Christo iniuria irrogetur: vanus est is timor & absq; omni ratione. Nam si Petrum eo modo petram diceremus, quo petra dicitur Christus; proculdubio iniuria Christo inferretur. At cum longè inferiori modo Petrum petra dicimus: non maior Christo iniuria inferitur, quam cum Apostoli & Prophetæ dicuntur fundamenta *Ephes. 2.* vel cum à Christo nuncupantur lux mundi *Matth. 5.* vt enim Christo soli proprium est esse ex se fundamentum, & lucem mundi: ita participatione quadam in homines quoq; eadem conueniunt. *Largitur enim sua axiomata IESVS alijs.* vt ait Basilus *serm. de Pen.* Et sicut soli Christo conuenit habere clauem David; clauis tamen regni sui tradidit Petro, communicatione quadam suæ potestatis: ita cum ipse sit inuiolabilis petra, Petrum quoq; participatione sui petram fecit. vti D. Basilus, & D. Leo citati loquuntur.

Vanus autem simulatus aduersariorum timor.

Cum verò distinctionem fundamenti principalis & secundarij commentum vocat Zaboronius, non videtur quod dicit intelligere. Quis enim tam stolidus est, qui præter fundamentum principale, aliud secundarium principali superpositum non admittat? hoc enim modo Apostoli & Prophetæ in Scripturis fundamenta appellantur, non primaria sed secundaria. Et cum id ratione sufficienti refellere non posset; Chrysostomi verba more suo torquet dicentis: ita nos debere ædificari in Christo, vt nullum sit medium inter nos & Christum; cum inter caput & corpus nulla possint esse media distantia *1. Corinthe. homil. 8.* Verum Chrysostomus non loquitur nisi de medio diuidente nos à Christo: tale enim medium, quia tollit vnionem nostram cum Christo, perniciosum est: sicut & medium diuidens corpus à capite perimit corpus. Non autem loquitur de medio vniente nos cum Christo: quale medium sunt Pastores Ecclesiæ & Petrus. Nam & inter caput ac corpus, medium est collum; caput cum corpore vnians.

Detortus à Zaboronio Chrysostomus.

Tandem insulse respondet : prius probandum esse Petrum esse dictū petram, tum agendum de modo, an sit primaria vel secundaria petra. Quid insulsius? Status enim quætionis est, an si Petrus dicatur petra, aliqua Christo iniuria irrogetur? ad quod declarandum non opus est probare Petrum esse petram; sed supponere, & facta suppositione respondere, an ex eo sequatur aliqua in Christum iniuria. Nos igitur sequi negamus: eo quod Petrus secundaria non primaria petra esse statuatur.

*abuitur &
Gregorio ac
Beda.*

Iam venio ad eas rationes, quibus probatum est a nobis nomine petræ hoc loco Christum non posse intelligi. vbi statim Zaborouius opponit Gregorium & Bedam docentes, Petram in singulari Christum designare, in plurali Apostolos vel alios fideles. At iidem Doctores hoc loco petræ nomine Petrum non Christum intelligunt. Etenim non absolute hic petra nominatur; sed designatur & is cui conuenit esse petram, *Tu es Petrus*, & additur pronomen demonstratiuum *Et super hanc petram*; vt propter has & alias circumstantias, non possit petræ nomen aliò quàm ad Petrum referri. Quare doctrina illa admittenda est cum hac conditione, nisi circumstantiæ aliud suadeant.

*Petra Petrus
hoc loco non
Ch. iſus ratio
1.*

Prima igitur ratio est. Pronomen *Hanc*, petram antè nominatam demonstrat. Christus autem non fuit antè nominatus petra sed Petrus, cum Petrus idem quod petra significet. Non ergo Christus per hanc petram hoc in loco intelligi potest.

*incongruè
Grammati-
catur Zabor.*

Hic Zaborouius impertinenter probare conatur, articulum non semper ad proximum antecedens referri, sed aliquando ad remotius. hoc enim nemo negat, quando eam relationem contextus ipse verborum requirit. At nos hic aliud vrgemus: nempe *Hanc* petram virtute pronominis demonstratiui, non posse referri nisi ad petram ante nominatam. Cum igitur Petrus fuerit antè nominatus petra, illis verbis *Tu es Petrus* (esse enim Petrum est esse petram) Christus verò nullo modo fuit nominatus petra: non poterit per *Hanc* petram Christus sed Petrus intelligi. Nam quod ait exponi debere *Hanc* petram quam tibi reuelauit Pater: ipsum per se ruit. Quia nec Pater Petro reuelauerat Christum esse petram, sed tantum esse Filium Dei: nec Petrus confessus est Christum esse petram, sed tantum Filium Dei viuū. Non poterit igitur hac petra ad Christum eo nomine referri. Licet enim Christus reuera sit petra: non tamen fuit antè nominatus petra, nec a Patre, nec a Petro; & solum fuit nominatus sub ratione Christi & Filij Dei, non sub ratione petræ. Particula verò *Hanc*, petram antè nominatam demonstrat.

At, inquit, pronomen *Hanc* cum sit femininum non posse ad Petrum, cuius nomen masculinum est referri. Verum in Syriaco & Hebræo vtrumque eundem

eiusdem est generis. In Græco autem refertur ad Petrum, quatenus Petrus est re ipsa idem quod petra, quamvis non terminatione. Satis enim est quod demonstratur petra ante quocumq; modo nominata, siue masculina siue feminina terminatione: sicut si dicamus, Tu es bonus, & hæc tua bonitas placet Deo; particula *Hæc* demonstrat bonitatem antè nominatam in voce masculina Bonus.

At citat pro se Augustinum Zaborovius (nam alij Patres parum pro ipso faciunt) qui *Hanc petram* intelligit petram, quam Petrus confessus est. Verum vti negari non potest aliquando Augustinum exposuisse *Hanc petram* de Christo, aliquando de Petro (vtramq; enim hanc suam expositionem refert in 1. *Retract. lib. cap. 21.* ubi etiam lectori potestatem dat probabiliorum eligendi, neque vllum sua autoritate cogi vult) ita si has duas sententias inter se conferamus, omnino priorem de Petro, non posteriorem de Christo, ex mente Augustini eligere debemus, propter has rationes.

1. quia in eam de Christo expositionem Augustinus ob ignorantiam meram linguæ Hebrææ incidit. Dat enim suæ expositionis rationem: quia non dixit Christus *Tu es Petra*, sed *Tu es Petrus*. quâ rationem non tati fecisset si sciisset in Hebraico & Syriaco Petrum dici petram, imò & in Græco Πέτρος. Atticè petram designat, ut omnes norunt. Cum igitur satis iam constet ex collatione linguarum, Petrum idem esse quod petram; ex mente Augustini non licet nobis eam ipsius expositionem amplius sequi, quam & ipse dubie & nonnisi ex ignorance linguarum secutus est.

2. Quia quod ad rem attinet, nunquam dubitavit Augustinus Petrum esse petram & fundamentum Ecclesiæ, sed tantum an in hoc loco *Matth. 16.* id diceretur. Quod autem de re non dubitauerit, patet. Tum quia semper eam doctrinam de Petro tradidit, quod esset fundamentum & supremus Pastor totius Ecclesiæ: imò vnum ex ijs quibus se teneri ait in Ecclesia Catholica hoc esse voluit, Sacerdotum scilicet à Petro cui Dominus oves suas pascendas tradidit successionem. Tum quia testatur id in Hymno Beatissimi Ambrosij in Ecclesia decantari: *Hoc, ipsa petra Ecclesiæ canente, culpam diluit.* Tum quia fatetur in vniuersa Ecclesia Petrum coli tanquam Ecclesiæ fundamentum. Ita enim ait *serm. 15. de Sanctis.* Petrum itaq; fundamentum Ecclesiæ Dominus nominavit: & ideo dignè fundamentum hoc Ecclesia colit, supra quod Ecclesiastici adificij altitudo confurgit. Solum igitur de eo dubitavit, an hoc in loco, id est *Matth. 16.* nomine petræ Petrus intelligi debeat. alioqui in re ipsa credenda nullam habuit dubitationem.

3. Quia oppositam sententiã omnes alij Patres docuerunt, quorum Catalogum recenset Maldonatus in *cap. 16. Matth.* & Bellarminus *lib. 1. de Rom. Pontif.*

Cur Augustinus petram de Christo aliquando exposuerit.

De Notis Ministrorum

Pontif. c. 10. Quare malè Zaborouius pro se adducit Chrysostomum. Hic enim *hom. 55. in Matth.* disertè ait Dominum dixisse, *Tu es Petrus, & super te edificabo Ecclesiam meam.* Neque in *homilia de Cruce* ait, *Petrum non esse fundamentum, sed Christum esse fundamentum.* quod verum est, quia est primum fundamentum & Petri & Ecclesiæ.

*At nihil fa-
cit pro aduer-
sarijs.*

Ex quibus pater, Augustinum pro Euangelicis non facere. Tum quia Augustinus neque contrariam sententiam damnat, neque tuam indubiè asserit: Euangelici autem contrarium faciunt. Tum quia Augustinus verissimū & ab Ecclesia receptum censuit, Petrum esse Ecclesiæ fundamentum, solūq; de sensu loci apud *Matth. 16.* dubitavit; Euangelici verò pertinaciter & rem ipsam negant, & contrarium sensum loco Matthæi sine vlla dubitatione affingunt. Denique Augustinus ex accidenti in eam opinionem incidit, ob ignorantiam linguæ Hebrææ: Euangelici verò moderni cū hac ignorantia non laborent, ob meram pertinaciam in ea sententia persistunt; in qua non perstitisset Augustinus, si ex proprietate linguæ Hebrææ id illi cōstitisset.

Ratio 2.

Sunt & aliæ rationes, propter quas nomine Petræ Christus hoc loco non debeat intelligi. Alioqui enim Christus non compensasset Petro ipsius confessionem, si illum petram Ecclesiæ non declarasset.

Nam futile est, quod ait Zaborouius satis compensasse vocando illum beatum. Erenim beatum illum vocauit, propter reuelationem illi factam à Patre: propter confessionem verò, subiungit illa alia verba, *Et ego dico tibi quia tu es Petrus &c.* quare id quod deinceps dicebat, erat in compensationem confessionis Petri: nempe quod illum vicissim constitetur petram. Ecclesiæ, sicut ille ipsum fuerat confessus Filium Dei. Quocirca falso pro se adducit Basilium, omittis postremis verbis quæ contra ipsum faciunt. Cū enim ait Basilius, *Largiri IESVM Petro suas dignitates:* addit, *Petra ipse est, & petram facit.* quod dolo malo omisit Zaborouius, tanquam falsator perpetuus Sanctorum Patrum, volens ex Basilio ostendere, Christum dignitatem petræ Petro non esse largitum.

F.
*Vide dolum
Zaborouij
in citando
Basilio.*

Ratio 3.

Tertia ratio est. Si enim dixisset Christus *Ego sum petra, & super hanc petram edificabo:* facile intelligeremus de seipso locutum. At cū dixerit *Tu es Petrus & super hanc petram &c.* necesse est intelligere non de se, sed de Petro locutum esse. Respondet Zabor. non esse nostrū præscribere Christo, qua ratione loqui debuerit. Crassum responsum. Non enim præscribitur Christo modus loquendi: sed cū alium modum loquendi vsurpare voluerit, ostenditur alium quoq; verborum Christi esse sensum. Tu potius Zaboroui, non præscribis sed imponis Christo talem loquendi modum, qui ad rem non faciat. Quid namq; est dicere: *Tu es Petrus, tu fundamentum,*

*Beotica Mi-
nerua Zabo-
rouij.*

& ego

& ego alibi ædificabo? Aut enim sunt illa verba impertinentia *Tu es Petrus*, ad quid enim faciunt? cum iam Petrus esset sufficienter antè quoad personam nominatus Simon Bariona: Aut si sunt pertinentia: ad hoc sunt pertinentia, quòd nomen ipsius indicarat, Ecclesiam super eum ædificandam tanquam super petram. At tu parum curare videris, si Christum facias impertinenter loqui.

Quarta ratio. Loquitur Christus de ea petra, in qua nondum ædificauerat Ecclesiam, sed ædificaturus erat. Talis autem petra non erat Christus (is siquidem in seipso iam ædificauerat Apostolos & alios fideles) sed Petrus in quo nondum erat ædificata Ecclesia, sed ædificanda.

Ratio 4.

Zaborouius ait, verbum ædificabo significat continuationem ædificandi: & quòd peculiari modo in nouo Testamento esset ædificaturus ex Iudæis & Gentibus. At certè qui demonstraret petram, in qua actu ædificat domum; non diceret, *super hanc petram ædificabo*, sed ædifico. De illo vero peculiari modo ædificandi nulla hic mentio; sed solum absolute de ædificando. quare frustra Zaborouius congerit Iansenij & Maldonati testimonia de coniungendis Iudæis & Gentibus in vnam Ecclesiam: nam quis de hoc dubitat? sed solet Zaborouius rem de qua nulla est controuersia, multis vndequaque conuatis testimonijs confirmare, vt simplicibus imponat.

Ædificat Zaborouius lititque parietem asque imperamento.

Quinta ratio. Sicut alias excellentias de clauibus & potestate ligandi ad Petrum Dominus retulit: ita & hanc de ædificanda Ecclesia super petram. Eadem namque sunt istæ excellentiæ, & eodem fine, hoc est ad compensandam confessionem Petri commemoratæ. Respondet Zaborouius. Christum conferendo clauis & potestatem ligandi Petro nihil ei peculiare contulisse. Verum Zaborouius fugit, non soluit difficultatem. Hic enim quæstio est, an contulerit aliquid Petro, siue illud fuerit commune cum alijs Apostolis, siue peculiare solius Petri. Cum igitur ostendamus contulisse excellentiam clauium, & potestatis ligandi; inferimus contulisse etiam excellentiam petræ: quia idem metaphora petræ, quod metaphora clauium significatur; & quo fine vnum collatum est, collatum esse & aliud. Ad quod quia nihil habebat quod responderet Zaborouius, saltat à re ad modum, & dicit nihil peculiare contulisse, cum hæc sit differens quæstio ab illa.

Ratio 5.

Zabor. denique ierga dat.

Ex his igitur liquido constat, expositionem illam de petra quam Petrus confessus est, nullo modo admittendam esse: tum propter dictas rationes: tum propter communem consensum Patrum. Neque enim Christus dixit. *Tu es confessus petram*; sed *tu ipse es petra*, & *super hanc petram quam te esse*, non confessum esse, dixi, *ædificabo Ecclesiam meam*. Nulla etiam toto hoc loco fit mentio confessionis Petri, qua Christum confessus sit esse petram;

De Notis Ministrorum

sed tantum qua illum confessus est esse Filium Dei. Non potest igitur hæc petra confessionem Petri quæ non fuit demonstrare.

Falsum etiam mihi imponit Zaborouius, me ludibrio authores huius sententiæ exponere. Mea enim verba sunt: hanc expositionem quorundam, admitti non debere. quæ, an sint ludibrij verba, quivis iudicet.

*Patres non
opiulantur
Zaborou.*

Frustra quoque se tegit Augustini, Hilarij, & Eusebij testimonio. Nam hi rem ipsam non condemnarunt, imo constanter asseruerunt, Petrum esse verè fundamentum & petram Ecclesiæ. Cùm verò in expositione huius loci propter imperitiam linguarum, petram Christum intellexerit Augustinus: id neque omnino & mordicus asseruit: neque quenquam sua autoritate cogi voluit. sed aliorum verius sentientium iudicio se submisit. vti ex *libro 1. Retract. cap. 21.* paulò ante ostendi. At Zaborouius & nostram sententiam condemnat, & suam mordicus asserit. Non igitur cum Augustino committitur quid habet, nec Augustini sed suam sententiam sequitur. Hilarius etiam nullo modo ei fauet. Nam is in *cap. 16. Matth.* Petrum & *felix Ecclesiæ fundamentum*, & *dignam ædificatione illius petram* appellat. Quod autem 2. de *Trinit.* dicit: *Vna hæc est fidei petra immobilis Petri ore confessa*, cùm dixit: *Tu es Christus Filius Dei viui*: Non pignantia loquitur. vtrumque enim verum est: & petram quam Petrus confessus est esse solum Christum; & petram de qua Christus locutus est esse Petrum. Quo etiam modo Eusebius Emisenus loquitur *homil. in Natali S. Petri.* *Non est aliud fundamentum*, (nempe principale) *quàm petra illa quam Petrus in fundamentum posuit* (cùm nimirum Christum confessus est esse Filium Dei viui) Chrysostomus verò *homil. de Cruce Domini*, cùm Christum dicit *murum inexpugnabilem & fundamentum*, ipse enim dicit Petro: *Tu es Petrus &c.* non negat Petrum esse quoque petram & fundamentum: sed multò magis Christum, qui Ecclesiam inexpugnabilem ædificauit. Porro Nicolaus Lira, & Glossa interlinearis, cùm Augustini sententiam adducat: eandem quam Augustino dedimus, expositionem habet.

*Aliiter Patres
aliter Secta-
rij petram fi-
dem interpre-
tantur.*

Iam verò eos qui per hanc petram fidem seu confessionem fidei à Petro factam intelligunt, dixi ineptè exponere. Non enim fidei, sed homini dixit Christus *Tu es Petrus seu petra*. Cùmque ædificium Ecclesiæ constet ex hominibus tanquam ex viuis lapidibus; etiam lapis fundamentalis debet esse homo, vt fundamentum sit proportionatum ædificio.

Hic Zabor. Inepti igitur, inquit, erunt SS. Patres, qui petrā fidem interpretantur. Minimè verò Zaboroui. Non enim illi fidem per se & in abstracto acceptam dicunt esse fundamentum; sed fidem Petri cum relatione ad Petrum. Quia enim Petro data est à Christo ea fidei soliditas, vt nunquam defectura

defectura sit fides ipsius: ideo in fide Petri merito fundatur Ecclesia. Quam enim fidem Petrus docet, ea verissima fides est, & eius prædicatione ædificatur Ecclesia: per fidem namq; hæc ædificatio perficitur. Porro hoc modo, *nec enim Petrus tres fides à Petro separant.* ædificari in fide Petri, est ædificari in Petro ratione fidei. Hoc verò sensu, & SS. Patres, & nos cum ipsis dicimus ædificari Ecclesiam in fide Petri. Verum hoc idem est quod ædificari in Petro. Sic enim ait Ambrosius in *Lucam lib. 6. cap. 9. Etiam discipulo suo huius vocabuli (Petra) gratiam non negavit: ut & ipse sit Petrus, qui de petra habeat soliditatem, constantiam, fidei firmitatem.* Quo etiam in loco dixerat Ambrosius, *fidem esse Ecclesie fundamentum.* Sicut ergo ineptè eos asserere affirmo, qui fidem per se & in abstracto statuunt fundamentum Ecclesie: ita illos aptè & vere asserere dico, qui fidem ut est Petri, statuunt Ecclesie fundamentum, secundum Christum. cum hoc nihil aliud sit, quam Petrum propter suam fidem, in qua privilegio Christi deficere non potest, esse Ecclesie fundamentum. Porro Zabor, cum suis disertè docet, primo non secundo modo fidem esse fundamentum Ecclesie. quocirca eum non Sanctos Patres ineptè exponere affirmo. Quod etiam ex eo confirmo. quia si fides sit fundamentum: omnes ratione fidei erunt fundamenta Ecclesie. *ut facit Zaborovius* Qui enim fidem habet, habet id unde fundamentum Ecclesie dici possit: cum fides dicatur esse fundamentum. Quod si omnes fideles sint fundamentum, quod erit reliquum ædificium? quis superædificabitur, si omnes ad fundamentum pertineant? Ridiculè verò liberat se hoc absurdo Zabor. Nullus, inquit, nostrum dixit Petrum propter fidem esse fundamentum. Sed quis non videt, vos velitis nolitis id necessario debere dicere? Nam si fides ut vultis, est fundamentum: ergo qui habet fidem, habet id per quod sit fundamentum. Cum igitur tam Petrus quam omnes fideles habeant fidem, habebunt quoq; propter fidem unde sint fundamenta Ecclesie. Neque refert quòd id nolitis dicere: compellimini enim vi veritatis & necessariae consecutionis dicere. Quia ergo id dicere est absurdum: absurdam quoq; vestram sententiam, ex qua id sequitur, esse necesse est.

Denique dicit. Si admittendum esset ministeriale fundamentum: id non esset solus Petrus, sed omnes prædicatores, idque respectu publicæ prædicationis. *Nō omnium prædicatorū fidei, est eadem fidei firmitas.*

At errat: Non enim omnibus prædicatoribus dictum est, *Tu es petra*, nec omnes habent hoc fidei privilegium à Christo & firmitatem, ut in fide eiusque prædicatione deficere ex se non possint. Solus Petrus id habet: qui propteream fidei firmitatem & soliditatem Petra seu Petrus est nominatus: eiq; soli dictum est, *Luc. 22. Rogavi pro te Petre, ut non deficiat fides tua: neque enim tu aliquando conuersus, confirma fratres tuos.* Ex quo etiam intelligitur, pro omnibus

Christus rogauit.

magnum priuilegium Petro in compensationem confessionis factæ, concessum esse: nimirum quod petra soliditatem & firmitatem in fide prædicanda esset habiturus; & quod Ecclesia illi innixa propter hanc eius in fide firmitatem, nunquam esset defectura, nec aduersus eam portas inferi præualituras. Quod priuilegium non ipsius tantum personæ erat, sed officij ordinarij, quod à Christo impositum habebat ad regendam Ecclesiam vniuersam. Hoc enim officium uti non ad ipsum solum, sed etiam ad successores ipsius pertinet: ita & priuilegium non errandi aut deficiendi in fide, quod Petrus præ alijs Apostolis habuit. Propter quam causam SS. Patres Cathedram & sedem Petri vocat petram supra quam ædificata est Ecclesia, quia nimirum Petrus constitutus est petra; non ratione suæ personæ tantum, sed ratione sui officij ordinarij; ita ut quatenus Pastor ordinarius Ecclesiæ sit petra. Ita Hieronymus *in epist. ad Damasum de nomine Hypostasis.* & Augustin. *in Psal. contrapartem Donati.*

C A P V T XII.

Petrum præ cæteris Apostolis constitutum
esse à Christo Ecclesiæ petram.

Excellentia Petri præ cæteris Apostolis in petra munere asseritur.

Verum Zaborouius pertinacissimè instat, nihil esse concessum Petro, quod non sit illi commune cum cæteris Apostolis. At eius pertinacia conuincitur. 1. quia soli Petro dictum est, *Tu es Petrus:* & in nomine solius Petri continetur ratio petra; super quam dicitur ædificanda ea Ecclesia. Ergo peculiari ratione Petro conuenit esse petram Ecclesiæ, quæ illi non est communis cum cæteris Apostolis.

1. Zaborouius actum agit.

Friuolum enim est quod dicitur à Zaborouio, nempe Petrum non esse dictum petram. Nam clarissimè id iam refutatum est. Similiter cum ait non in similitudine nominis Petri, sed in Christo fundari promissionem Ecclesiæ ædificandæ: non aduertit promissiones ædificandæ Ecclesiæ suo modo fundari in vtroque. In Christo quidem tanquam principali authore & præcipuæ ædificij petra: in Petro autem tanquam in petra secundaria, cui Christus firmitatem inexpugnabilem hoc in loco promisit; ita ut in nomine ipso hanc petrae firmitatem significaret & gereret.

2. Quia soli Petro reuelauerat Pater cælestis, quid de Christo confiteri deberet: solus etiam Petrus ex illa reuelatione confessus est Christum Filium Dei: soli igitur Petro in compensationem confessionis datum est, ut esset petra.

Ait quidem

Ait quidem Zaborouius, Petrum nomine aliorum respondisse: sed unde hoc probat? Omnes, inquit, Christus interrogat: *Vos autem quem me esse dicitis?* Præclare sanè. Cum igitur omnes interrogantur; non potest nisi quis nomine omnium respondere? aut si potest quilibet non aliorum, sed suo nomine respondere: infirma erit coniectura Zaborouij, ex eo quòd omnes interrogati fuerint, omnium nomine à Petro responsionem datam.

Si inquit, soli Petro reuelasset Pater cœlestis, solus Petrus interrogatus fuisset. Minimè verò. Communis enim omnium fides quam tum omnes habebant, sufficiebat ad hoc, vt omnes interrogari potuerint. quia ià multò ante omnes cognouerant & crediderant Christum esse Filium Dei. Ioan. 6. 70. singularis verò reuelatio & illustratio fuit, quam soli Petro à Patre factam testatur Christus. Nam priorem de Christo fidem ex auditu & prædicatione Christi tam Petrus quam alij omnes conceperant: hæc verò Petri confessio ex peculiari reuelatione cœlitus facta processit. quare soli Petro factam credendum est. Quibus enim coniecturis alijs quoque factam euincemus? cum Christus soli Petro eam tribuat? Ex quo etiam sequitur, Petrum suo nomine respondisse: siquidem ex speciali reuelatione sibi facta respondit.

Consistere, inquit, vtrumq; potest: & quod ex reuelatione Patris, & quod ex commissione aliorum responderit. At nos nequaquam id impossibile esse asserimus: sed an fuerit reipsa factum quærimus. Vnde enim probare Zaborouius potest hanc commissionem Petro ab alijs factam? Non potest sanè id nisi fingendo vel diuinando asseri. Os, inquit, fuit Apostolorum Chrysost. teste. At non semper fuit os Apostolorum; nisi cum nomine aliorum loqueretur. innumeris enim in rebus nomine suo locutus est. Hic igitur quærimus, an in hac responsione os fuerit Apostolorum. Nam & paulò ante, cum interrogarentur omnes: *Quæ dicunt homines esse Filium hominis?* non commiserunt respondendum Petro: sed singuli prout quis sciebat pro se responderunt; *alij Eliam, alij Ieremiam, aut vnum ex Prophetis.* Ad alteram verò quæstionem, *Vos autem quem me esse dicitis?* non omnes respondent: quia res erat longè difficilior, quid potissimum respondere deberent. Solus autem Petrus respondit: quia solus reuelationem specialem à Patre cœlesti ea de re habuit. ex hac enim reuelatione confessionem ipsius processisse testatur Christus.

Petro singularis reuelatio & illustratio fidei à patre cœlesti data.

Singularis ergo & confessio Petri.

Similiter cum ait personam omnium gessisse, facile refelli potest. Nam quis illi hanc personam in illa responsione imposuit? aut quod huius impositionis signum? siue enim dicatur ab alijs fuisse illi impositam, siue ipsum sponte sua eam in se accepisse: vtrumq; nonnisi fingendo aut diuinando dici potest. Nam et si saepe nomine aliorum respondere solitus esset, nominan-

do eos in plurali, vt cum *Ioannis 6.* diceret, *Domine ad quem ibimus? verba vite æternæ habes, & nos credidimus & cognouimus, quia tu es Christus Filius Dei:* tamen sapius nomine suo loquebatur & respondebat. Vnde igitur constare potest hic de facto personam omnium gessisse, & omnium nomine respondisse? cum neque ipse alios nominet, neq; Christus ex commissione aliorum, sed ex reuelatione Patris dicat esse locutum.

Quamquam duplex sensus distingui potest in eo, quod dicitur Petrum nomine omnium respondisse. vel quod omnes ei vt responderet commiserint: & hoc minus verisimile esse docuimus. vel quod id responderit, quod illos sciebat responsuros: at neque hoc tunc respexisse vlllo indicio probari potest; cum aliam causam Scriptura assignet, nempe reuelationem Patris cœlestis: vnde non tam quod alij responsum erant tunc cogitabat, quam quod illi tunc Spiritus S. suggerebat dicendum.

Tandem probatur idem ex approbatione Christi. Confessionem enim illam tanquam solius Petri Christus approbavit, & Petrum solum ob eam commendauit, & beatum pronuntiauit, illique soli mercedem dedit. *Tu es Petrus, Tibi dabo clauēs &c.* At si omnium nomine fuisset confessus; omnes commendandi fuerant, omnes beati pronuntiandi, omnibus merces promittenda. quod quia non est factum, nimis euident argumentum est, soli Petro priuilegia hic recensita conuenire. Demum etsi daremus Petrum nomine aliorum respondisse: quia tamen solus inter alios respondit, & promptum ac seruientem erga Christum se exhibuit; idcirco solus præ alijs peculiare quid mereri potuit, & re ipsa obtinuit, vt esset & petra Ecclesiæ & clauēs regni cœlorum haberet.

*Fundamenta
& ceteri
Apostoli.*

Quamquam negari non potest ceteros quoque Apostolos esse suo modo fundamenta Ecclesiæ, quatenus ij doctrina sua primi ædificauerunt Ecclesiam Dei, quam ob causam *Apocal. 21. 14.* in fundamentis duodecim ciuitatis Dei inscripta legimus nomina 12 Apostolorum; vt per 12 fundamenta, 12 Apostolos significari intelligamus. Et *Ephes. 2.* dicitur *Super ædificati sumus fundamentum Apostolorum & Prophetarum.*

*Sed excellen-
tius Petrus*

Ridiculum autem est quod ait Zaboronius in *Apocalipsi* non dici Apostolos fundamenta, sed tantum nomina 12. Apostolorum inscripta esse 12. fundamentis. Quis enim non videt idcirco nomina 12. Apostolorum inscripta fuisse 12. fundamentis, vt quid per fundamenta significaretur intelligeremus? neq; vllus sanæ mentis hæcenus de hac re dubitauit. Etsi igitur cæteris quoque Apostolis, ratio fundamenti competit inde tamen minimè sequitur, Petrum singulari ratione petram non esse. Petrus enim & communis cum alijs Apostolis ratio fuit fundamentum Ecclesiæ, quatenus vnâ cū

illis præ-

illis prædicatione sua & doctrina fundauit & ædificauit Ecclesiã Dei; quod *Apocal. 21.* dicitur. & præterea peculiari præ alijs ratione, de quo *Matth. 16.* soli enim Petro dictum est. *Tu es Petrus, & super hanc petram ædificabo Ecclesiã meam.* quibus verbis gubernatio ordinaria totius Ecclesiæ Petro promissa est. quæ etiam ad successores transfiret. Nam Ecclesiæ nunquam interitura fundamentum perpetuum pronuntiatus est. Nunquam enim carebit Ecclesia suo fundamento, in quo à Christo ædificata est; alioqui rueret.

Quare nunquam Petrus qui est declaratus à Christo petra & fundamentum Ecclesiæ desinet esse fundamentum. Cum verò sit fundamentum viuũ & lapis viuus non potest id intelligi de sola persona ipsius; sed de ipso & successoribus eius idem officium & gubernationem vniuersæ Ecclesiæ gerentibus. Sicut enim si quis Regem alicuius Regni institueret, ea institutio non, vna tantum persona eius qui primus Rex esset clauderetur; sed ad omnes successores transfiret. Rex enim pro regno perpetuis temporibus institutus esset. Ita cum Christus Petrum pro fundamento Ecclesiæ perpetuis temporibus futuro instituerit, voluit illum esse petram Ecclesiæ, non in sua persona tantum, sed etiam in successoribus ad finem vsq; mundi.

Insulsum verò est quòd obijcit Zaboronius Petrum non esse fundamentum triumphantis Ecclesiæ, sed Christum; atque idcirco non posse dici totius Ecclesiæ fundamentum. Quis enim nesciat nos de tota Ecclesia militante loqui quæ in mundo hoc ædificatur, & totius Ecclesiæ militantis Petrum esse fundamentum? Simile illud est quod Apostoli non fuerint Episcopi particulares, particularibus locis affixi. Quis enim id negat? poterant enim vbi eunque vellent Episcopale munus obire, & quas vellent Ecclesias gubernare; cum hoc tamen consistit quod dicimus, neminem, ex Apostolis præter Petrum, vniuersæ Ecclesiæ gubernandæ officium ordinarium sibi assumpsisse: sed singulos ijs tantum Ecclesijs cum quibus agebant contentos fuisse, quo etiam sensu sollicitudo omnium Ecclesiarum, de qua Paulus *2. Cor. 11. 28.* accipienda, vt non absolutè omnium (alijs enim alias relinquebat procurandas) sed earum omnium ad quos poterat suo labore se extendere, intelligendum sit.

Disimulare verò hic non possum pessima fide Zaboronius pro se citasse Cyprianum, omisis postremis verbis contra se facientibus. Citat enim solum illa verba Cypriani *de Simplicitate Prælatorum.* Hoc fuit virg. Petrus quod & ceteri Apostoli pari consortio præditi & honoris & potestatis. omittit autem ea quæ mox sequuntur: *Sed exordium ab unitate profiscitur & primatus Petro datur, vt Ecclesia vna monstretur.* Quibus verbis in pari potestate imparitatem quandam ostendit, cum vni Petro primatum esse concessum ait.

Petrus perpetuum fundamentum.

militantis Ecclesiæ.

cum ordinaria gubernationis successionem.

Falsificator egregius Cypriani Zaboronius.

sum ait, vt sub vno Pastore ordinario tota Ecclesia vna diceretur. Hanc enim vnitatem Ecclesiæ vrget Cyprianus, tum alibi, tum in *Eposola ad Iubianum*: Ecclesia, inquit, quæ vna est, super vnum, qui clauēs eius accepit, voce Domini fundata est. Quare merito falsificator Patrum censeri debet Zaborouius, qui testimonia eorum infideliter & contra mentem eorum adducit, truncatis ijs quæ maxime ad rem faciunt, & mentem authoris exponūt.

*Diluuntur
Zaborouij ar-
gumenta tria
quibus sibi
adstruere vi-
detur Roma-
num Ponti-
ficem B. Pe-
tro nō succe-
dere. 1.
Quid ex A-
postolatu trās-
mutatur ad
posteror. 2.*

Verū Zaborouius Papam non posse dici successorem Petri, tribus insulsis rationibus probare contendit. Prima est: Quia strictè loquendo successor Petri sumitur pro eo qui Petro in Apostolatu succedit. at Apostolis quatenus Apostoli sunt, succedi non potuit, ergo nec Petro. SOLVITVR. In Apostolatu duo continentur, vocatio & missio immediate a Deo, & authoritas in vniuersam Ecclesiam. In primo succedi non potest Apostolis cū sit personale: in secundo succedi potest, cū non minus nunc, quā Apostolorum tempore, vno Pastore vniuersali Ecclesia egeat. Pastoris enim officium in Ecclesia cū sit ordinarium, ad successores transit; nec forma Monarchiæ Ecclesiæ, quam CHRISTVS in Petro instituerat, mutari deinceps debuit. Nam quod addit Zaborouius Papam nec Euangelium docere, nec Sacramenta pure administrare; calumniæ sunt non argumenta; veriūsq; in Euangelicos regeri & retorqueri possunt.

Secunda ratio est. Papa Petro nec succedit in loco, quia Petrum Romæ fuisse, probari non potest. nec in fide, quia Petrus aliter credidit quā Papa. nec in moribus, quia Petrus vnicum Centurionem ad pedes sibi procidere passus non est. *Act. 10* Papa verò Reges ad oscula pedum non solum inuitat, sed etiam quodam modo cogit. nec in officio, quia in Apostolatu Petro succedi non potuit.

*Pontifex Ro-
manus succe-
dit B. Petro
in loco.*

in fide.

in moribus.

SOLVITVR. Papa succedit Petro & in loco, quia Romæ fuit Episcopus; ibique mortuus est: quod negare, est pugnare cum toto orbe terrarum. Nullus enim ante istos Euangelicos qui de omnibus dubitant, de ea re dubitauit, non tantum Catholicus, sed ne Hæreticus quidem; cū omnes Petrum Romæ martyrio affectum sub Nerone scribant. Succedit & in fide, quia Papam à fide Petri recessisse, putida calumnia est, & ante nostra tempora in Ecclesia inaudita. Cū enim 16. Concilia Generalia ex toto orbe collecta fuerint, Prouincialia verò innumera, in quibus hæreses variæ tunc enascentes condemnatae fuerunt; de Romani Pontificis Hæresi vel condemnata, vel notata, nullo vnquam tempore auditum quid fuit. ita vt ij qui hoc per calumniam asserunt, frontem omnem tam impudenter mentiendo amississe videantur. Succedit & in moribus. Nam eam venerationem quam Petrus Cornelio procidente ad pedes eius ex humilitate recusauit, vt

homo

homo dicens : *Nam & ego homo sum* : recusat & Papa sciens & confitens se quoque hominem esse, neq; enim vult eum honorem sibi vt homini, sed vt vicario Christi deferri. Nihil verò contra eum honorem locutus est, qui sibi vt personam Christi gerenti offerebatur. Sciebat enim *cui honorem, honorem.* Et si Magistratibus secularibus honorem deferri tanquam Domino Apostoli docuerunt; quantò magis Magistratui spirituali, & ei præcipuè qui præ cæteris Christi personam in terris repræsentet? *Rom. 13. 7.*

Nam & CHRISTVS ipse, quo humilitate nemo fuit maior, passus est Magdalenam ex deuotione pœnitentiæ ad pedes suos procumbere, eosque exosculari, & lachrymis ablueri, & capillis tergere; quod & inusitatum erat, & nunquam ante auditum deuotionis genus. Eandem quoq; reuerentiæ speciem cæteris quoq; Ecclesiæ Pastoribus in Ecclesia deferendam in *Apocalypsi* legimus *cap. 3. 9. Ecce faciam illos vt veniant & adorent ante pedes tuos, & sciant quia ego dilexi te.* Et sanè sicut ex humilitate potest hic honor à Papa recusari, ita cum eadem humilitate in Christi honorem admitti. Non enim deuotio & humilitas sunt virtutes inter se contrariæ.

Denique succedere Papam Petro posse in officio, iam probatū est; quòd officium Pastoris in Ecclesia, sit officium ordinarium; & tale in quo succeditur. Cum igitur Petrus declaratus fuerit à Christo Pastor & fundamentum vniuersæ Ecclesiæ, non pro se solum, sed etiam pro successoribus declaratus est. Pastores enim Ecclesiæ pro perpetuis temporibus sunt instituti. Et licet Apostolatui quatenus vocationem peculiarem, & missionem à solo Deo continet, non succedatur: officio tamen Pastoris ordinarij, quale fuit in Petro, succeditur: nā cæteri Apostoli temporales tantum erant Pastores per modum legatorum, ad vniuersam Ecclesiam administrandam missi: legatorum autem munus personale est, & cum persona extinguitur. Petrus verò ordinarius Pastor vniuersæ Ecclesiæ constitutus est, & fundamentum Ecclesiæ perpetuum (alioqui mortuo Petro corruisset ædificium Ecclesiæ) tam pro se, quàm pro successoribus suis. Vnde omnes Patres cõmuniter & Concilium generale Chalcedonense vocat sedem Romani Pontificis, *sedem Apostolicam* eiusq; dignitatem *Apostolatum. Act. 1. & 16.*

Tertia ratio est. vbi est successor, ibi antecessor nihil iuris habet: Si ergo Papa esset successor Petri, Petrus nihil iuris in Ecclesiā haberet. Cur ergo illum in successoribus gubernare dicitis? sed leuis & nugatoria est hæc ratio. Quis enim nesciat nos dicere Petrum non sua persona, sed in persona successorum Ecclesiam gubernare. Hoc autem modo antecessorem in successore ius habere nullum est inconueniens. *3.*

Ex his igitur omnibus, quæ in huius loci explicatione pro Ecclesia in Petro nos Euange-

*licos mini-
stros, vera
Ecclesie mi-
nistros non
esse.*

*Qui non est
Petri, neque
Christi est.*

*Zaborouius
timeat ne cœ-
lum ruat.*

*Constantino-
politani Ep-
iscopus falso
Occumeni-
cus.*

*Hereticis su-
um cuiq; ca-
put, Deus,*

Petro fundata, à nobis dicta sunt; perspicuum est, Euangelicos vera Ecclesie Ministros non esse: quod non sint Ecclesie in Petro edificatae Ministri, quæ sola inter omnes vera est Christi Ecclesia: quam tamen Euangelici non solum non agnoscunt, sed etiam oppugnant: & omnibus contumelijs lacessunt. Frustra vero ait Zaborouius, se & suos in ea Ecclesia esse, quæ est super Christum vnicum fundamentum & caput Ecclesie fundata. Vt enim ex hoc ipso loco *Matthæi* pater, *Ecclesia super Christum tanquam super primum fundamentum fundata*, est quoque fundata super Petrum, tanquam super secundarium fundamentum. Suam enim, hoc est in se fundatam Ecclesiam promittit se edificaturum super Petrum. Quocirca cum Zaborouius cum suis ad hanc Ecclesiam non pertineat, non pertinebit etiam ad illam super Christum fundatam. vna enim & eadem Ecclesia est super vtroque fundamento (diuersa licet ratione) fundata. A sensu, inquit, & iudicio vnius hominis in Laterano residentis negotium salutis nostræ pendere nolumus: At pendere velitis nolitis debetis, si Christus pendere vos voluit, & in hac petra edificari, si in Ecclesia Christi esse velitis.

Veremur, inquit, ne si ille, ut inquit Gregorius Magnus, qui dicitur vniuersalis corruerit (quod tamen sæpius in Ecclesia Romana accidit) vniuersa Ecclesia collabatur. Times Zaboroni, ubi non est timor. Timendum tibi potius est, ne sis in Christum iniurius, cuius verbis fidem non adhibes, Petro soliditatem petrae insuperabilem promittentis, aduersus quam portæ inferi non præualebunt. Non timendum igitur est, ne Ecclesia in Petro fundata ruat, sed vestrae ruinæ timendum, qui cum in hac petra fundati non sitis, ab Ecclesia excidistis. Neque Gregorius cum vniuersalem Episcopum posse corruere indicat, de Petro & Petri successore loquitur, sed de Constantino politico Patriarcha, qui falso sibi nomen vniuersalis arrogabat.

Iusto vero Dei iudicio fit, ut vos Euangelici qui vnum fundamentum & caput Ecclesie à Christo constitutum contemnitis, tot capita admittatis quot sunt vestri Ministri, in quod quotquot ex vobis sunt qui suo sensu Scripturas exponunt. Quid enim est suo sensu & iudicio Scripturam exponere, nisi seipsum caput fidei statuere? Nam quod aiunt se vnico capiti Christo, Spirituiq; S. in Scripturis loquenti esse subiectos; dicunt, non probant. Vnde enim probabunt Christum vel Spiritum S. illis Scripturas eo sensu quem vrgent exponere, nisi ex sua opinione? iste enim sensus Christi & Spiritus sancti illis videtur.

At cum quilibet Hæreticus hoc modo dicat sibi videri, cuiuslibet ergo Christus & Spiritus sanctus Scripturæ sensum aperit. Quare cum hæc visio seu persuasio, vel eo nomine sit suspecta, quod omnibus hæreticis sit com-

munis

munis, & omnes hæreticos pariat; suspectum quoq; & valde incertum, imò falsum erit vobis propter vestram visionem Spiritum S. sensum Scripturarū aperire. Calumnia verò putida est, cum dicit Zaborouius in Ecclesia Catholicas sectas inter se dissidentes esse, & SS. Patres de ponte præcipitari à nobis. Nullum enim dissidium est inter nos, cum de rebus ad fidem pertinentibus agitur: vna vox omnium, vnus sermo, vnum labium. In ijs verò rebus quæ ad fidem non pertinent licet cuiq; sentire quod iudicat maximè probabile. Vestrum id est propriè in rebus fidei inter vos digladiari, ita vt ex vno Lutero tot Sacramentariorum sectæ non minus à Lutero quam inter se inuicem dissentientes profluxerint, vt eas à Luteri temporibus ad annum 1596. computando ducentas & Septuaginta numerauerit Stanislaus Rescius, in suis Centurijs, earumq; singulares hæreses, & blasphemias singillatim descripserit.

270. se. Et ex
Lutero ori-
ad An. 1596.

C A P V T XIII.

Euangelicos verbi Dei magnam partem reijcere, proinde verbi Dei non Ministros sed decoctores dici debere. vbi de Traditionibus agitur.

Non est dubiū eos Ministri verbi nomen non mereri, qui verbū Dei reijciunt, truncant, & peruertunt. hostes enim verbi Dei sunt non Ministri, decoctores non conseruatores. Id verò facere Euangelicos duplici argumento demonstramus: alterum est, quia verbum Dei non scriptum, quod non minus est Dei verbum quàm scriptum prorsus reijciunt, & pro nihilo habendum putant: alterum quòd multas scripti verbi Dei partes detruncant, & temere contra totius Ecclesiæ consensum pro Apocryphis habent. Quod ad primum attinet, certum est & indubitatum, verbum Dei etiam si non scribatur, verbum Dei esse; non enim à scriptione & membranis, sed à Deo à quo proficiscitur suam auctoritatem habet, & antequam scriberetur erat verè verbum Dei, quia à Deo profectum. At, inquit, Zaborouius hoc ipsum nobis probandum esse, dari aliquod verbum Dei non scriptum, vbi enim Domino placuit illud scribi, non habemus post sacram Scripturam aliud verbum Dei non scriptum. In quo dupliciter errat: pri-

Seculariorum
Ministri ver-
bum Dei non
scriptum reij-
ciunt, scriptū
pro libitu cō-
uellunt.
Verbum Dei
non scriptum
asseritur.

testimonio
scripti.

Zaboronius
multa temere
auguratur.

contra: diser-
tum Euange-
lium.

mum quod probationem requirit in re omnium clarissima, cum D. Ioannes aperte testetur, *etiam multa alia fecisse Iesum, quæ si scriberentur per singula, nec ipsum mundum capere posse eos, qui scribendi sunt libros.* Ioan. 21. 25. Dicat Zaboronius ista omnia quæ scribenda essent, suntne verbum Dei an, non? Si esse affirmet, concedat oportet non solum dari verbum Dei non scriptum, sed etiam multò maius esse & plura continere quàm scriptum; siquidem mundus non caperet qui essent scribendi, libros. Quod si esse verbum Dei neget, ea igitur quæ Christus vel docuit, vel egit, non erunt verbum Dei. Idem argumentum fieri potest de ijs rebus, quas per 40. post Resurrectionem dies, docuit Apostolos disputans de Regno Dei. Act. 1. & quas ipse ore suo Apostolos non docuit, sed in Spiritum S. qui eos docturus erat omnem veritatem retulit. Ioan. 16. 12. Alter error Zaboronij est, cum ait postquam scriptum est verbum Dei non habere aliud non scriptum, unde enim probare potest omne Dei verbum quod à Christo profectum est, & ab Apostolis prædicatum, esse conscriptum. quibus non dicam rationibus sed coniecturis rem tam incredibilem confirmare poterit? Sanè magna temeritas est rem tantam quæ ex solâ diuina reuelatione cognosci potest, absq; Scripturæ testimonio asserere. Sed & Scriptura nonne satis luculenter docet multo plura scribenda superesse, quàm quæ scripta sunt, nec si scriberentur, mundum posse capere eos qui scribendi essent libros? quomodo igitur omnia in eos qui scripti sunt libros congesta esse asseri potest? Quod si ea quæ à Christo acta sunt libris capi non possunt, quid ea quæ S. Spiritus Apostolos die Pentecostes docuit, qui eos omni scientia repleuit, & omnem veritatem iuxta Christi promissa docuit? Fufius, inquit, docuerunt Apostoli viua voce, at non plures articulos fidei quam quos scripserunt. At hoc ipsum cur tam temere asserit? cur non aliquo Scripturæ testimonio confirmat? cum id non nisi ex Dei reuelatione ac testimonio certò sciri possit. Quis verò in animu inducat, ex innumeris quæ in Scripturis prætermilla sunt, nihil esse ad fidem pertinens, nec doctrinam aliquam peculiarem, (quæ quia diuina est ad fidem pertinent) continere? Certè id D. Ioannes satis disertè indicat, cum ait, *Esse & alia multa quæ Iesus fecit*, id enim de alijs nouis rebus intellexit: dicit enim illa alia multa quæ fecit Iesus *non esse scripta* in libro Euangelij. res igitur distinctæ sunt ab ijs quæ in Euangelio scripta sunt: alioqui non esset verum, non esse scriptas in libro Euangelij; si eadem res essent alijs verbis expressa: Denique cum ait ad illa alia quæ non sunt in Euangelio scripta, conscribenda, mundi totius libros non sufficere, manifestè ostendit se non de ijsdem rebus fufius explicatis loqui, sed omnino de innumeris alijs diuersis rebus, ita vt non propter multitudinem verborum, sed propter multitudi-

nem re-

nem rerū scribendarum, mundū non posse capere qui scribendi sunt libros, asseruerit. Cum igitur falsum sit eas res quæ non sunt scriptæ in Euangelio, nō esse distinctas res ab ijs quæ sunt in Euangelio scriptæ, falsum quoque erit quod asseruit Zaborouius non esse distinctos articulos fidei: distinctæ enim res credendæ distincti sunt articuli Fidei: quare cū res non scriptæ sint distinctæ res à rebus scriptis, distinctos quoque articulos fidei continebunt. Et sic verbum non scriptum sed traditum æquè ad fidem pertinebit, sicut & scriptum.

Adhæc cū Ecclesia Dei antequam Scripturæ essent, toto illo tempore verbo Dei non scripto se direxerit, quis non videt verbum Dei à Scripturis non pendere, & quamuis scriptum non sit, ad Ecclesiam dirigendam æquè valere? Nam Ecclesia vetus à mundi origine vsq; ad Moysen scripto Dei verbo caruit: à Moysē vero non totum verbum Dei literis consignatum fuit in Pentateucho, sed diuersis seculis, diuersi Scripturæ libri prodierunt: vt de libris Davidis, Salomonis, alijsq; Prophetarum tam maiorum quam minorum perspicuum est; ita vt multis seculis integro Scripturarum volumine Ecclesia illa caruerit. Nam quod ait Zaborouius, postquam scripta lex fuit, ab eodem verbo Scripturæ Deum voluisse omnes dependere; id ea solum ratione verum est, quod in ijs quæ scripta erant de iudicijs & ceremonijs, & alijs mandatis diuinis, Deus voluerit Iudæos à lege scripta dependere, eamq; diligentissimè obseruare: alias tamen res quæ lege scripta non continebantur, dummodo legi scriptæ non aduersarentur, non vetabat: ita vt nunquam hanc normam procedendi statuerit, vt ea quæ scripta non essent, non fierent. Exemplum clarissimum exstat in Rechabitis, Hierem. 35. qui non ex lege aut præcepto diuino, sed ex præcepto Patris sui Ionadab, imposuerunt sibi ne vnquam biberent vinum, tam ipsi quam filij eorum, nec vnquam in domibus habitarent, nunquam sererent agros, nunquam plantarent vineas; quod illorum institutum etiamsi à lege præscriptum non esset, ita probauit Deus, vt & cæteris Iudæis illud in exemplum proponeret. Si enim Rechabita præcepta Patris sui seruauerunt, multò magis Iudæi Dei præcepta seruare tenebantur, & peculiarem illis benedictionem eo nomine per Ierem. Prophetam impertijt. Alterum est, quod legimus 1. Mach. c. 4. 59. Statuit Iudas & fratres eius, & vniuersa Ecclesia Israël, vt agatur dies dedicationis altaris in temporibus suis; ab anno in annum per dies octo. Id reuera non erat à Deo statutum, sed ab hominibus & Ecclesia Iudæorum, quod tamen & sanctè institutum fuit, & sanctè vsq; ad Christi tempora seruatum, vti colligitur ex Ioanne 10. 22.

Ecclesia nunquam fuit sine Dei verbo, at fuit sine scripto.

Etia in lege scripta, multa sanctè seruata ex non scripto.

Denique constat Ecclesiam Iudæorum, etsi legem Dei haberet scriptam,

*Veterum tra-
ditionibus lu-
deorum Ec-
clesia usa.*

ptam, in plurimis tamen fuisse usam traditione antiquorum, ad eandem traditionem inquirendam Deo ipso in Scripturis non semel adhortante *Deus 32. Interroga Patrem tuum & annuntiabit tibi, maiores tuos & dicent tibi. Psal. 77. Quanta mandauit Patribus nostris nota facere ea filiis suis, ut cognoscat generatio altera, filij qui nascuntur & exurgēt, & narrabunt filiis suis.* Nec mirū: non enim omnia in lege scripta fuerunt, sed ex traditione maiorū, tum verus legis sensus, tum responsio ad ea quæ ex lege oriebantur dubia, tum varia quæ ad legem rite seruandam pertinebant, habebantur; eamque ob causam Iudices à Domino instituti, qui legem Dei interpretarentur.

*Zaboronius
ex particula-
ri concludit
vniuersalem
propositionem*

Quocirca errat Zaboronius, cum ex illis verbis *Isai. 8. 20. [Ad legem magis & ad testimonium; Quodsi non dixerint iuxta verbum hoc, non erit eis matutina lux.]* colligit generale Dei mandatum de recurrendo in omnibus ad legem, cum ibi res solum peculiaris manderetur, ut nimirum non consulat Pithones, sed magis ad legem & testimonium recurrant, in lege enim expresse docetur, solus Deus per Prophetas consulendus, quodsi secundum verbum hoc quod præcipio non responderint, nempe potius esse Deum Israël consulendum quam Pithones, non erit eis matutina lux seu felicitas. Cum igitur hoc in loco de re particulari agatur, quam clarè constat expressam esse in lege, quomodo ex particulari inferitur à Zaboronio generalis regula recurrendi ad legem in omnibus? Etenim etsi in ijs quæ lex clarè continet, recurrendum sit ad legem, tamen in alijs quæ lex vel non continet, vel non clarè continet, recurrendum quoque est ad alia media, quorum vnum est traditio maiorum, & interpretatio seniorum. Falsum itaque est his verbis Deum mādasse, ut semper & in omnibus rebus Iudæi à lege dependerent. Quamquam non possum non notare malam fidem & dolum Zaboronij, qui detruncatum hunc Scripturæ locum citauit prætermissa voce *Magis*. Cum enim Deus dixerit, *Ad legem magis & ad testimonium*, hoc est ad legem magis quam ad Pithones recurrendum esse, & legem potius seruandam, quam Pithones consulendos, ille omisit vocem *Magis*, ut absolutum Dei mandatū inferret: cum Deus non absolute, sed comparatiue loquatur. non enim absolute & vniuersè in omnibus, nec semper ait recurrendum esse ad legem, sed comparatiue potius ad legem, quam ad Pithones in illa re particulari. cum autem quis ostendit vnum medium, non licet inde inferre excusa esse alia media.

F
*Mala fide
scripturam
citat.*

*Post Christū
caruit ali-
quandiu Ec-
clesia noui
Testamenti
scripturis.*

Iam verò de noui Testamenti Ecclesia certum est, eam multo tempore sine verbo Dei scripto fuisse, nempe antequam libri noui Testamenti cōscripti essent, & verbo Dei seu Euangelio tradito solum vixisse. Nam licet haberent Scripturas veteris Testamenti, Euangelium tamen scriptum non habebant,

habebant, & sic proprijs Scripturis noui Testamenti carebant. Neque verò Christus cùm mitteret Apostolos ad prædicandum Euangelium præcepit illis vt scriberent, sed vt docerent. ad docendum autem scriptionem non esse omnino necessariam res ipsa loquitur, & Apostoli hoc ipsum docendi munus voce non scriptis maiori ex parte impleuerunt. plures enim ex ijs nihil scripserunt. Hoc adeò ridiculum visum fuit Zaborouio, vt legendo risum tenere se non potuisset scripserit. forte liberaliori potu hilarior factus. In eo enim quod ipse in alijs ridet, ridendum se omnibus propinat. Hoc ipso, inquit, mandato iussit eos scribere, quia iussit docere. Quis hic tuum acumen non rideat? si enim quicumq; iubentur docere, iubentur scribere: ergo omnes prædicatores cùm iubeantur docere, iubentur scribere, nec mandato satisfacient, nisi scribant. Si hoc non admittes, ridere meritò debes tuā illā propositionem, ex qua id sequitur. At inquis esse quendam docendi modū scriptionem. Quid tum? num igitur qui docere iubetur, iubetur eo ipso scribere? Minime. Si enim munus docendi sine scriptione perfici non posset, idem esset mandatum docendi & scribendi: at cùm docendi munus absque scriptione fieri possit, quis tibi assentietur dicenti, mandatum de docendo esse mandatum de scribendo. Vt verò magis tuam ineptitudinem agnoscas, dic Zaboroui, mandatum docendi quod Apostolis dedit Christus, num Apostoli omnes impleuerunt nec ne? Si neges impleuisse, iniurius es in Apostolos, & eos grauissimi criminis reos facis: si verò concedas impleuisse, consequetur de scribendo mandatum in illis verbis nullum accepisse: alioqui qui nihil scripserunt, (quæ est maior Apostolorum pars) præceptum de docendo non impleuissent. Nam quod ex Augustino proferis Deo docente Apostolos scripsisse, id non negamus: aliud enim est inspiratio peculiaris interna, aliud præceptum generale apertum. Deinde cùm inter nos quæstio sit, an illis verbis quibus docere sunt iussi, mandatum acceperint scribendi, id nec August. nec vllus mentis compos præterte asserit. Porro inspirationes internæ nec ad omnes pertinent, nec ad omnia scribenda, sed prout Spiritus S. voluerit. Nam & Ioan. in Apoc. c. i. ii. arcana solum quædam quæ illi tunc ostendebantur, scribere iussus est. Quod, inquit, vides scribere in libro. Nec mirum. lex enim noua, non est lex quam in tabulis carnalibus aramento scribi necesse sit, sed in tabulis cordis à Spiritu S. conscribitur, vti Paulus ex Ieremia probat Hebræ 8. 10. Ad veterem enim legem propriè & per se pertinet litera occidens, ad nouam Spiritus viuificans.

Illud verò nostrum pro traditionibus & verbo non scripto argumentum, quo ipsum verbum scriptum nonnisi ex traditione profectum esse & ad nos peruenisse euidenter probamus. quàm inepte eludit Zaborouius. Ait enim

Ex tradi-

Ridiculo Zaborouio idem est docere quod scribere.

Maiores Apostolorum pars nihil scribendo demandatū docendi munus impleuerunt.

Verbum scriptum nonnisi traditione habetur.

De Notis Ministrorum

*Dilemma in
Zaborouium*

Ex traditione quidem profectum esse, sed non solius Ecclesiæ. Tradidit enim illud Deus per seruos suos Spiritu S. ad id officij afflatus. Ecclesiæ verò illud conseruauit tanquā vnicā legem Dei. Quid ais Zaboroui? itane tandē vi veritatis victus, traditiones contra quas tantopere pugnas agnoscis? vel enim traditio illa verbi scripti quam concedis, est scripta vel nō scripta. Si scripta, non est traditio sed Scriptura: vnde & ipsa sicut & aliæ Scripturæ egerent traditione, per quam nobis constet veram non supposititiam Scripturam esse. Si verò dicas non esse scriptam, concedas oportet verbum Dei non scriptum. nam Scripturam quam habemus esse veram, non supposititiam Scripturam, est verbum Dei ab Apostolis nobis reuelatum, & per Ecclesiam nobis traditum. Si igitur hæc traditio Ecclesiæ certissima est, ita vt & certitudo nostra quam de Scripturis habemus ab ea dependeat: cur non in alijs quoque traditio Ecclesiæ pro certissima habenda sit. Quare si hanc traditionem admittis Zaboroui, omnes alias admittas necesse est: quæ, Ecclesiæ teste, ab Apostolis acceptæ ad nos vsque deuenerunt. At dicis, istam non esse solius Ecclesiæ traditionem. quid ita? quia homines Spiritu sancto afflati (Apostolos vt puto intelligis) Ecclesiæ viua voce tradiderunt, & testificati sunt, hos qui extant libros, esse diuinos libros, & diuino Spiritu à se conscriptos. Rectè quidem. verum hanc traditionem Apostolorum quis nobis conseruauit? quis testificatus est? quis tradidit? Ecclesiæ certè. Vester enim Luterus non aliud Euangelium habuit, quàm quod apud Ecclesiam Catholicā inuenit, & quod illius seculi Ecclesiā à præcedentium seculorum Ecclesiā per manus traditum accepit. Non igitur negari potest huius traditionis ab Apostolis acceptæ, solam Ecclesiam authorem esse. neque enim quisquam alius nobis testificatur Scripturam istam ab Apostolis acceptam esse, nisi Ecclesiā. Neque verò nos negamus Apostolos id primum tradidisse, sed de hac traditione Apostolica nobis non constat, nisi per Ecclesiam. Cum verò dicis Ecclesiam non solum verbum scriptum, sed etiam verbum traditum ab Apostolis conseruasse, quomodo dicere audes, solum verbum scriptum pro lege & regula fidei habuisse, cum etiam verbum non scriptum ab Apostolis traditum, quod proculdubio regula quoque fidei est, conseruauerit?

*Traditionis
ab Apostolis
acceptæ, sola
Ecclesiā au-
tor.*

*Locuples Ec-
clesiæ testimo-
nium sufficit
ad persuaden-
dum.*

Falsum verò esse ais, Scripturas quod sint verbum Dei sciri ex traditione Ecclesiæ. Nisi enim Deus intus persuaferit, Ecclesiā nullo modo poterit. Heus vir bone, itane tibi debile & infirmum argumentum videtur, constans & perpetuum omnium seculorum testimonium, vt in traditione Ecclesiastica habetur? Si omnibus & nullo modo de veritate suspectis, hominibus asserentibus non credes, cui credes? Dic obsecro, persua sumne tibi est, quod tu ex hoc patre, & ex hac quam habuisti matre, non ex alia sis genitus? quis hoc tibi

hoc tibi persuasit, nisi communis omnium de quorum fide dubitare non potes assertio? Quod si tibi paucorum assertio persuasit, te esse ex his & non alijs parentibus ortum, ita ut de ea re nihil dubites, & si quem dubitare scires vehementer excandesceres: quomodo tibi totius orbis, & omnium seculorum testimonium ad persuadendum non sufficit? maxime cum non de alia re agatur, quam quod id acciderit, & quod Apostoli testificati sunt, hunc vel illum librum esse diuinæ Scripturæ librum, & à diuinis hominibus conscriptum. Quid ergo ais? Nisi Deus intus persuaserit, Ecclesia nullo modo poterit. Nunquid igitur Deus tibi persuasit, ut crederes dicentium testimonio, te esse ex his & non alijs parentibus natum? aut si ad assentiendum paucorum testimonio diuina persuasione tibi non fuit opus, quomodo ad assentiendum totius orbis testimonio diuina persuasione tibi erit opus? Nonne sentis Zaboroui, quam absorta & incredibilia loqueris? Ad assentiendum enim euidenti testimonio, luminationis non diuina persuasione est opus. Adducis pro te Gregorium de Valentia, quem neque intelligis, neque quid ipse dicas intelligis. Neque enim Gregor. diuinam persuasione requirit ad credendum Ecclesiæ proponenti; sed postquam Ecclesia proposuit has vel illas res esse à Deo reuelatas, ut illis fide diuina assentiamur, non propter vlla argumenta humana, sed præcisè propter solam diuinam reuelationem, ad hoc diuina virtute & gratia opus esse ait Gregorius, cum cæteris Theologis; quod nihil ad rem Zaborouij facit.

At inquit. Cum Ecclesia nonnisi per Scripturas cognoscitur, dici non poterit Scripturam per Ecclesiam esse cognitam. Respondeo: Absolutè loquendo prius Ecclesiam cognoscei quam Scripturas. Nam Ecclesia antequam vllæ Scripturæ noui Testamenti essent, erat & cognoscebatur per seipsam; est enim seipsa visibilis, propter visibilem fidei professionem & Sacramentorum. Porro Ecclesia sic cognita dedit testimonium Scripturis quas habemus, quod sint veræ & non supposititiæ Scripturæ à diuinis viris conscriptæ: quod testimoniū est traditio Apostolica. vnde absolutè loquendo prius Scripturæ sunt cognitæ per Ecclesiam, quam Ecclesia per Scripturas. Postquā verò sunt cognitæ per Ecclesiæ testimonium, rursus ex Scripturis cognoscei noua ratione potest vera Ecclesia: siquidem in Scripturis continentur notæ & proprietates veræ Ecclesiæ, & sic sibi mutuo testimonium dant, sicut Ioannes Christo, Christus Ioanninon inuiti circulo. Quocirca etsi absolutè non sit necesse Ecclesiam ex Scripturis cognoscei: positis tamen & admissis semel Scripturis, inuicissimum argumentū in eis continetur ad cognoscendam Ecclesiam. Et sic author operis imperfecti ait *homil. 49. Qui vult cognoscere quæ sit vera Ecclesia, quomodo cognoscat nisi per Scripturas?* nam qui

*Zaboronius
seipsum non
intelligit, quæ
Theologos in-
telligat?*

*Absolutè pri-
us Ecclesia
cognoscitur
quam scri-
ptura.*

*Habet vicif-
sim nihilomi-
nus Ecclesia
testimonium
a scripturis.*

Ecclesiam ipsam per seipsam visibilem videre nolunt, debent eam saltem ex Scripturis, quas admittunt cognoscere; nec isti habent alium modum Ecclesiam cognoscendi. August. quoq; cum *epistola 166.* ait, *Nos ex Scripturis & Christum & Ecclesiam dedicisse*: non negat nos ab Ecclesia Scripturas accepisse, & ex Ecclesiae testimonio eas esse veras, & non supposititias cognouisse. *Euangelio enim*, inquit, *non crederem, nisi me Ecclesie Catholicae auctoritas commoueret. contra epist. fundamenti c. 5.* sed ait nos habere in Scripturis certissima ad Christum & Ecclesiam cognoscendā argumenta, & noua quadam ratione nos Ecclesiam ex Scripturis cognoscere. licet per seipsam sit visibilis. *Est enim secundum Augustinum ciuitas super montem posita, quae certum signū hoc habet quod abscondi non potest li. 3. contra literas Petilian c. 4.*

Porro Zaborouius Augustinum cum ait, Euangelio non crederem nisi me Catholicae Ecclesiae auctoritas commoueret, ita interpretatur, quasi de seipso Manichæo & nondum conuerso loquatur. At ineptè. ostendit enim non quid Manichæus manens Manichæus crediderit, sed quid ex Manichæo factus Christianus crederet, nempe quod Euangelio non crederet, nisi propter Ecclesiae auctoritatem. quod ad rem nostram satis est. Deinde non de solo tempore suae conuersionis, sed de praesenti etiam tempore loquebatur Augustinus; dans rationem, quare tum Manichæo Euangelium alleganti credere nollet, nempe propter Ecclesiae auctoritatem. *Si enim Euangelio non crederem nisi me Ecclesie Catholicae auctoritas commoueret*, cur eidem Ecclesiae non obtemperem dicenti mihi, noli credere Manichæo Scripturas interpretanti; idq; etiam indicant ipsa eius verba, non enim dixit, non credidissem nisi me commouisset, sed non crederem nisi me commoueret. Quod licet Zaborouius stylo Africano dictum interpretetur, iniuriam tamen facit Augustino, qui ut optimus Latinitatis magister, leges linguae Latinae seruauit semper: neque Zaborouius stylum Africanum plus nouit, quam Iaponicum aut Chinentem. Adhæc sicut initio conuersionis non credidit Euangelio nisi propter Ecclesiae auctoritatem, quia nullus alius tunc dabat testimonium Euangelio praeter Ecclesiam: ita & ad eandem fidem habendam Euangelio, eadem Ecclesiae auctoritate commouebatur: quia nullus alius nisi Ecclesia dat testimonium Euangelio, quod verum & non supposititium sit Euangelium.

*S. Augustin.
Zaborouio
non bonus au-
tor Latinita-
tis.*

*Primum prin-
cipium fidei
diuina auto-
ritas.*

Tandem ait Zaborouius Ecclesiam non fuisse principium vltimum in quod suam fidem resolveret Augustinus, sed causam proponentem sine qua credere non potuit. Quis verò id negat? nam Euangelio quod sit verum & non supposititium Euangelium credimus propter Ecclesiae auctoritatem, ita proponentis & testificantis, admissio autem ex Ecclesiae propositione Euangelio

Euangelio credimus illi propter diuinam solam autoritatam, quia quæ in eo sunt à Deo dicta & reuelata sunt. Quamuis igitur hoc verum sit, nostrum tamen argumentum de traditione Ecclesiæ manet inconcussum: nisi enim traditio & testificatio Ecclesiæ accederet, quod Euangelium hoc sit verum, & non supposititium, non possemus ipsi Euangelio, tanquam à Deo reuelato credere. Torquet autem mentem Augustini Zaborouius, cum ait, eum pluris veritatem, quam Ecclesiæ autoritatem fecisse. Non enim Augustinus opponit Ecclesiæ veritati, sed solum ait demonstrari non posse aliam veritatem præter eam quæ est in Ecclesia: nam veritas ab Hæreticis promittitur tantum non exhibetur: vnde, *Nemo, inquit, me mouebit ab ea fide quæ animam meum tot & tantis nexibus Christianæ religioni adstrinxit.*

Illud verò quam firmum pro traditionibus argumentum! Si enim scriptum Euangelium traditione ab Ecclesia accepimus; cur eadem traditione, alia quoque non scripta non accipiamus? Respondet Zaborouius. causam in promptu esse, quia traditio verbi non scripti nulla in Ecclesia fuit. Sed tamen temerariæ negationis arguit te Augustinus 5. de Baptismo contra Donatistas c. 23. *Multa, inquit, sunt quæ vniuersa tenet Ecclesia, & ob hoc ab Apostolis præcepta bene creduntur: quanquam scripta non reperiuntur.* Audin Zaborouius Ecclesiæ vniuersam multa credere non scripta, tanquam ab Apostolis præcepta. Quæ ergo temeritas tua est id negare, quod Augustinus eum vniuersa Ecclesia affirmat. voles fortasse quæ ea sint in particulari cognoscere. Audi eundem Augustinum. *Tu, inquit, ubi legisti Patrem Deum ingentum, vel innatum, & tamen verum est. 3. contra Maximinum Arrianum cap. 3. Item Integram fide, inquit, credendum est, Beatam Mariam Dei Christi matrem, & Virginem concepisse, & Virginem genuisse, & post partum Virginem, perperamisse: nec est blasphemie Heluidij acquiescendum, qui dixit, Fuit virgo ante partum, non virgo post partum. de Ecclesiasticis dogmatibus c. 69. quod tamen expressè in Scripturis non habetur. Idem docet Augustinus de Hæreticis non rebaptizandis. Hanc, inquit, consuetudinem credo ex Apostolica traditione, venientem, sicut multa non inueniuntur in literis eorum, neque in Concilijs posteriorum: & tamen quia custodiuntur per vniuersam Ecclesiam, non nisi ab ipsis tradita & commendata creduntur; 2. de Baptismo contra Donatistas cap. 7. Idem de Baptismo paruulorum docet 10. de Genesi ad litteram cap. 23. Consuetudo, inquit, Matris Ecclesiæ in baptizandis paruulis, nequaquam spernenda est, neq; ullo modo supersua deputanda, nec omnino credenda, nisi Apostolica esset traditio. Symbolum quoq; Apostolorum fide Catholica credi affirmat August. de fide & Symbolo cap. 1. quod tamen non scriptum sed traditum esse ab Apostolis constat. Iam alia quoq; quæ ad ritus Ecclesiæ spectant, com-*

Sed ad eam ducit testificatio Ecclesiæ.

Si creditur Ecclesiæ per manus scripturam traditi, cur non & in cæteris traditionibus credatur?

ut Deum Patrem ingentum.

Deiparam perperam virginem.

Non rebaptizandos hæreticos.

Baptizandos paruulos.

Symbolum Apostolorum.

*Festa Christi
anniuersa-
ria.*

*Signum Cru-
cis &c.*

*Insolentissi-
ma infania
est S. Augu-
stino disputa-
re contra tra-
ditiones.*

*S. Basilii
probat ex A-
postolo tradi-
tiones, earū-
que complu-
res numerat.*

*S. Ignatius
martyr.*

S. Iustinus.

memorat Augustinus inter traditiones Apostolicas, vt quod Domini Passio, Resurrectio, Ascensio in cœlum, & Aduentus de cœlo Spiritus S. anniuersaria solennitate celebrantur *Epist. 118. ad Ianuarium*, item de signo crucis imprimendo, de caeremonijs Mille, de ritu orandi versus Orientem, de benedicendo fonte Baptismatis, oleo unctionis, de baptizatis ter oleo inungendis, & de abrenuntiatione sathinæ & angelis eius in Baptismo. hæc inquit & alia in hunc modum non pauca, nisi tacita ac mystica traditione à Patribus Ecclesiastico more ac reuerentiori diligentia sunt in ministerijs obseruata, magis silentio quàm publicata scripto. habetur *distinct. 11. cap. Ecclesiasticarum*. Similiter quod Eucharistia à ieiunis omnino sumenda sit, non scriptum, sed traditum esse probat Augustinus *Epist. 118. cap. 6.* Tandem concludit; *Si quid horum tota per orbem frequentat Ecclesia, quin iam faciendum sit, disputare insolentissima infania est*; Ergo iudicio Augustini insolentissimæ infaniæ conuinceris esse Zaboroui, qui ab Ecclesia vniuersa receptas traditiones aut extare negas, aut seruandas non esse contendis. At non solum Augustinus te cōdemnat Zaboroui, sed & Basilii *lib. de Spiritu S. c. 27. & 29.* dum probat, traditiones Apostolicas non scriptas retinendas esse. *Arbitror*, inquit, *Apostolicum esse etiam non scriptis traditionibus inherere. Laudo*, inquit *Apost. 1. Thess. 2. vos, quod omnia mea meministis, & quemadmodum tradidi vobis traditiones obtinetis quas accepistis, siue per sermonem, siue per epistolam.* Deinde in *cap. 27.* enumerat pleraq; traditiones Apostolicas non scriptas: vt, inquit, *Signo crucis eos qui spem collocarunt in Christum, signemus quis scripto docuit? vt ad Orientem versi precemur, quæ nos docuit Scriptura? Inuocationis verba cum ostenditur panis Eucharistie & poculum benedictionis quis Sanctorum nobis in scripto reliquit? Nec enim his contenti sumus quæ commemorat Apostolus aut Euangelium, verum alia quoq; & ante & post dicimus, tanquam multum habentia momenti ad mysterium quæ ex traditione curâ scriptum accepimus. Consecramus autem aquam baptismatis & oleum unctionis, præterea ipsum qui baptismum accipit, ex quibus scriptis? Nonne à tacita secretaq; traditione? Ipsam porro olei inunctionem, quis sermo scripto proditus docuit? Iam ter immergi hominem unde est traditum? Reliqua item quæ fiunt in baptismo veluti renuntiare Sathane & angelis eius, ex qua Scriptura habemus? nonne ex prauata & arcana hac traditione? Nonne ex doctrina quam Patres nostri in silentio, quod curiosos & otiosos submonet, seruauerunt.*

Ex tant quoque Apostolicarum traditionum exempla, in *Epistolis sancti Ignatii Apostolorum discipuli*, vt de ieiunio Quadragesimæ, de Ordinibus Minoribus, de die Dominico & alijs. Item apud Iustinum, qui proximus Apostolorum temporibus fuit in *sine 2. apologia pro Christianis*. vt quod

Christiani

Christiani conveniant singulis diebus Dominicis, quod post lectionem Scripturarum & Concionem offeratur & consecretur panis & vinum aqua temperatum, & quod non liceat villo modo participare de Eucharistia, nisi post Baptismum; eaque & alia dicit Christum tradidisse Apostolis ipso die Dominico Resurrectionis.

Citat quidem duos pro sua sententia Zaborovius, sed utrumque false. Nam Cyrillo homilias in Leuiticum falso adscribit. Sciunt enim docti non esse ipsius. & in Hom: 5. quam citat, solum tertiam Scripturam, præter Scripturam novi Testamenti & veteris negat; non negat autem traditiones, quæ his, quæ in Scripturis continentur, inferuiunt & eas declarant. Theophilum etiam corrumpit, qui quod de libris Apocryphis scripsit, ipse de Traditionibus veris interpretatur. Diabolici, inquit, est Spiritus, extra diuinarum Scripturarum autoritatem aliquid diuinum putare. hoc est, nullos esse diuinos libros præter Scripturas Canonicas vti ipsemet se declarat, contra eos qui libros quosdam apocryphos diuinos censebant.

Sublesta fides Zabor. in Patribus adducendis.
F.

Porrò cum Traditiones damnari in Scriptura asserit, nec quid sit verbum Dei intelligit, nec inter traditiones à Deo vel hominibus profectas discrimen facit. Nam quæ à Deo profectæ sunt; siue sint libris consignatæ, siue viua voce traditæ, æquæ sunt verbum Dei, & omnem vim & autoritatem verbi Dei obtinent. Talia sunt illa secundum Augustinum, quæ vniuersa tenet Ecclesia, nec Concilij instituta, sed semper retenta: ea enim non nisi autoritate Apostolica tradita rectissime creduntur. 4. de Baptismo contra Donatistas cap. 24. Quæ verò ab Ecclesia instituta sunt ad meliorem ordinem vel ritum, ea quoque sancta sunt & seruanda, quia legitima potestate Ecclesiæ à Deo concessa, constituta sunt: sicut autem potestati seculari, ita & spirituali obedire oportet. Quæ deniq; à priuatis hominibus instituta sunt si nihil contrarium mandatis Dei contineant obseruari possunt: vti euidentissime exemplum Rechabitarum paulò antè recensitum docet. Si verò sint contraria legi Dei, sunt prorsus reiicienda. Et hæc sunt illæ traditiones quas Matth. 15. 9. Christus ipse condemnat. Sine causa, inquit, me colunt docentes mandata & doctrinas hominum, quæ vti v. 6. dicitur. irritum faciunt mandata. Porro tales non sunt nostræ traditiones, quas ab Apostolis traditas, & ab vniuersa Ecclesia & Sanctissimis viris receptas ac retentas esse ostendimus. Quod si Lutheranis contrariæ legi Dei videntur, ipsi errant, nec legem Dei intelligunt, Ecclesia Dei verò non errat.

Traditionum discrimen.

Quæ Dei mā dato reputant, abroganda.

Verum qua fronte Zaborovius audet absolute dicere, traditiones in Scriptura damnari. cum 2. Thess. 2. 16. verbis disertis obseruari mandentur. Tenete, inquit Paulus, traditiones quas didicistis siue per sermonem, siue per epistolam.

epistolam. Nam quod responder, traditiones illas postea literis consignatas fuisse, an non temeraria fictio censeri debet? unde enim hoc nisi fingendo ostendere potest? vti paulò ante deduximus. Certè *Ioan. in epist. sua 3.* cum ait, *Multa habui tibi scribere, sed nolui per atramentum & calamum scribere tibi:* ostendit se noluisse illa literis tradere, sed ore ad os loqui. quare nunquam illa literis ab ipso commendata sunt.

CAPUT XIV.

Scripturam Sacram non continere omnia ad salutem necessaria: neq; solam per se sufficere ad salutem.

Scripturam omnia ad salutem necessaria continere, ipsa scriptum nufquam docet, & tamen scriptarij credunt. Zaborovius fraudem admittit in verbis scripturae.

EX dictis constat solam Scripturam non continere omnia ad salutem necessaria: non enim continet omne Dei verbum, cum multa sint Dei verbum quæ scripta non sunt. Nam & has quas habemus Scripturas esse Dei verbum credimus, quod tamen nonnisi ex traditione habemus. Et hæc propositionem, quod Scriptura contineat omnia ad salutem necessaria, Evangelici credunt, quæ tamen in tota Scriptura non reperitur. Nam plura quæ ad hanc rem probandam adducit Zabor. nihil planè momenti ad id conclusionem habere manifestissime demonstratur.

Primus locus est *Deuteron. 4. 2.* *Non addetis ad verbum, nec auferetis ab eo.* Hinc ita argumentatur. Doctrina cui nihil addi, nihil adimi debet, est in suo genere perfecta ac sufficiens: sacra Scriptura est talis doctrina: ergo in suo genere est perfecta & sufficiens. Hoc argumentum multis modis nihil concludit. Primum quòd Zaborovius falsavit verba Scripturæ. Cum enim Scriptura dicat, *Non addetis ad verbum quod vobis loquor:* ille per fraudem omisit [*Quod vobis loquor*] quia nimirum nisi ea fraude usus fuisset, omnibus patuisset, hoc loco sermonem esse non de verbo Dei scripto, sed de verbo viva voce dicto. atque ita evanescere totum ipsius argumentum, quod in hoc præcipue fundat, quasi Deus de verbo scripto loqueretur. Secundo quia hic sermo est non de omni verbo Dei, sed de illo particulari, quod tunc loquebatur; hoc autem erant præcepta tam caerimonialia de ritu colendi Deum, quam iudicialia de ratione iudicandi & iusticiam administrandi. Quod si ita est, non potest ita exponi Scriptura, quasi nihil omnino ei addi possit: potest enim & debet addi aliud verbum Dei; tam quod ante Moysen

Moyſen locutus eſt Deus Patriarchis, quàm quod deinceps poſt Moyſen locutus eſt per tot Prophetas & ſervos ſuos; æquè enim ſunt hæc verbum Dei ac illud *Deuteron. 4.* Imo cùm de quacunque verbi Dei parte in particulari dici poſſit, vt nihil ad eam addatur, nihil ex ea minuatur: non poteſt id eo ſenſu accipi, quaſi nihil aliud pro Dei verbo habendum ſit præter ipſam, cùm alia quoq; non minus ſint verbum Dei. Quodſi aliæ quoque verbi Dei partes poſſunt cum illa pro verbo Dei haberi, poterit ex conſequenti addi aliquid ad aliquod verbum Dei, nempe aliud verbum Dei quod itidem Deus locutus eſt. Tandem cùm additio ad verbum Dei poſſit eſſe duplex: altera quæ immutat verbum Dei, altera quæ non immutat, ſed alteram Dei verbi partem continet: non poteſt huius loci ſenſus iſe eſſe, vt vna pars verbi Dei non poſſit addi alteri parti verbi Dei; ſed ſenſus erit: vt nihil tale addatur quod immutet aut contrarium ſit. Hunc autem ſenſum docet ipſa Scriptura. Nam *Deuteron. 12. 32.* vbi eadem phraſi vtitur dicit: *Ne imiteris gentes nec requiras ceremonias earum*, oſtendens additionem illam ad verbum Domini, quæ ſit ex ritibus gentium eſſe prohibitam. Deinde quod hic dicit Scriptura, *Non addes, non minues*, hoc alibi alijs verbis ſignificat; *Non declinabis ad dexteram vel ad ſiniſtram. Deuter. 17. 20. Iſus 1. 7.* vt vel ex hoc appareat, additio non quævis, ſed quæ declinatur à verbo Domini ſive ad dexteram ſive ad ſiniſtram, eſſe intelligenda. Porrò talis additio nihil offeicit traditionibus non ſcriptis; eæ enim non ex ritibus gentium, ſed ex verbo Chriſti & Apoſtolorum, ad nos per traditionem maiorum deducto, colliguntur: eaſq; ſcripto Dei verbo addere, eſt alteram verbi Dei partem addere: quod vti ſanctiſſimum eſt, ita nullo modo prohibitum cenſeri debet. Quocirca euidentiffimè apparet, nihil ex hoc loco contra verbum Dei non ſcriptum colligi poſſe: niſi dicamus vnam verbi Dei partem non licere addere alteri verbi Dei parti, quod eſt abſurdiſſimum.

*An aliquid
ad verbum
Dei addi poſ-
ſit.*

Secundus locus *Gal. 1. 8.* *Sed licet aut nos aut Angelus de celo euangelizet vobis, præterquàm quod euangelizauimus vobis, anathema ſit.* Ex hoc loco argumentum tale conficit. Doctrina præter quam in Eccleſia ſub anathemate, nihil eſt docendum; eſt perfectæ & ſufficiens. Sacra Scriptura eſt doctrina talis; perfectæ igitur eſt & ſufficiens. Hoc argumentum eſt non minus ineptum priore. Primum, quòd in hoc loco non de Scriptura, ſed de euangelizatione ſeu prædicatione agitur, non enim dicit quæ ſcripſimus, ſed quæ euangelizauimus: Zaborou. autem ac ſi de Scriptura dictum eſſet, accipit. Secundò. Cùm conſtet Paulum multa alia poſt hæc euangelizaffe, Ioannemq; ſuam Apocalypſim & Euangelium conſcripſiſſe: peto an Paulus idcirco ſibi & Ioanni dixerit anathema, vel non? ſi dixit anathema,
id &

*Euangelizā-
re Zaborouio
ſignificat ſcri-
bere.*

De Notis Ministrorum

Euangelizatis pugnaria & contraria solum prohibet Paulus euangelizari non plura.

id & absurdum & blasphemum est. Si non dixit: consequens est non omnibus præter ea quæ tunc euangelizata erant à Paulo, euangelizantibus dici anathema. Qui enim aliam verbi Dei partem euangelizant, anathemati nequaquam subiacent. Tertiò, de quacunque verbi Dei parte dici potest, si quis euangelizet, præterquàm quod in ea euangelizatum est, sit anathema: nequamen inde licebit concludere non esse euangelizandam aliam verbi Dei partem. Quarto, particula illa *præterquam*, significat aliter quàm euangelizatum est; seu contrario modo. Ait enim Paulus contra eos qui conturbabant & volebant conuertere Euangelium Christi, ut ipse ait v. 3. non agit autem contra eos qui plura euangelizant, quàm ad illud tempus Galatis euangelizauerit Paulus. Hinc igitur ruit totum argumentum Zaborouij: nam neque Paulus de verbo scripto; sed absolute de verbo hæc loquitur: neque ea quæ præter verbum euangelizantur diuersa intelligit, sed contraria & pugnancia: quo etiam sensu Augustinus 3. *contra literas Petilianæ cap. 6.* loquitur. & quæ Paulus de verbo absolute pronunciat, id ad verbum quoque scriptum applicat Augustin. Quare maior argumenti Zaborouij hoc sensu est falsa, & conclusio nulla.

Male scrutatus est hanc scripturam Zaborouius.

Tertius locus est *Ioan. 5. 39. Scrutamini Scripturas, quia vos putatis in eis vitam æternam habere.* Si igitur Iudæi approbante Christo putabant se in Scripturis vitam æternam habere, id est doctrinam ad consequendam vitam æternam sufficientem. multò magis nos, postquam ad legales libros, Apostolici quoque libri accesserunt. At nihil ait Zaborouius. Nam ex hoc loco nullo modo colligi potest, vel in solis Scripturis esse vitam æternam, seu doctrinam ducentem ad vitam æternam, vel quòd doctrina scripta, sit absque alia doctrina non scripta, sufficiens ad vitam æternam consequendam.

Non vidit antecedentia:

Primum ostendo, quia Christus postquam triplici alia via extra Scripturam ostendisset se esse verum Dei Filium, nempe ex testimonio Ioannis Baptistæ, ex testimonio Patris cœlestis, ex miraculis factis: tandem ut omnia experiretur, recurrit ad testimonium Scripturarum. Potius igitur ex hoc loco probatur non in solis Scripturis esse doctrinam salutarem, sed in alijs quoque testimonijs etiam si solum viuæ voce editis. Deinde inepta est consecutio. In Scripturis putabant Iudæi se vitam æternam habere, ergo in solis Scripturis. A Scripturis absolute ad solas Scripturas ineptus est arguendi modus. Neque enim quicquid Scripturis conuenit, necesse est solis Scripturis conuenire: possunt enim multa Scripturis cum ijs quæ scripta non sunt esse communia; nam simili ratione male concluditur, qui credit in Filium Dei habet vitam æternam, ergo soli fidei in Filium Dei, non in Spiritum S. debetur vita æterna. aut si manducanti Corpus & Sanguinem Christi promittitur vita æterna, ergo soli

Ineptè deduxit consequentiam tam priorem de solis scripturis.

go soli Eucharistia promittitur vita æterna. Cum igitur hoc in loco dicatur quod Iudæi putarent se in Scripturis vitam æternam habere: ineptè inferitur a Zaborouio quod in solis Scripturis, maxime cum Christus extra Scripturas tribus alijs rationibus hanc vitam æternam hoc est doctrinam de Messia salutarem ostenderit Iudæis. Adhæc si in Scripturis est vita æterna, quia continent verbum Dei, quod est verbum vitæ æternæ: sequitur etiam in traditionibus non scriptis esse vitam æternam; siquidem eæ continent verbum Dei non scriptum.

Secundum etiam ostendo. Neque enim ex eo quod Scripturæ tribuitur vita æterna, sequitur in Scriptura esse ea omnia, quæ ad vitam æternam consequendam sunt necessaria, & Scripturas per se solas esse sufficientes ad salutem. Nam etiam Fidei tribuitur vita æterna: cum tamen præter fidem multa alia ad vitam æternam consequendam sint necessaria; vt Baptismus, Sacramenta, Pœnitentia, & bona opera. Neque dum Baptismo triu uitur salus, excluduntur cætera omnia non minus ad salutem necessaria quàm Baptismus, vt pœnitentia. Neque ex eo concluditur solum baptismum esse sufficientem ad salutem. Pari ergo ratione ineptè inferitur si in Scripturis est vita æterna, ergo tota Scriptura sunt sufficientes ad salutem. Miseret me ram rudium Theologorum. Quando igitur vel Scripturis, vel Fidei, vel Baptismo, vel Eucharistia tribuitur vita æterna, non est sensus quod singula isti contineant omnia ad vitam æternam necessaria, sed quod singula habent vim magnam ad vitam æternam consequendam, si cætera non desint. Vnde ruit argumentum Zaborouij. Licet enim Iudæi vitam æternam habere se in Scripturis putabant, non tamen sequitur, omnia ad vitam æternam necessaria in Scripturis habuisse.

Quarto sic argumentatur Zaborouius: Si Scriptura est Testamentum prudentissimi testatoris, ultimam eius voluntatem continens, nihil ei addi nihil detrahi debet, proinde nec supplemento traditionum indiget. Male arguit Zaborouius: primum; quia testamentum quod Christus fecit, siue in ultima cœna, vt nos docemus, siue in cruce, vt Euangelici volunt, non est scripta sed viua voce celebratum. traditum fuit, non scriptum; licet postea à diuersis scriptoribus diuersa, ad hoc testamentum pertinentia fuerint scripta, alia viua voce tradita, quia alioqui, vt D. Ioannes ait, innumeri libri essent scribendi, si omnia ad hoc testamentum facientia conscribenda essent. Secundo: Est quod omnia aliquomodo scriptis essent comprehensæ: adhuc tamen locus traditionibus esset. nam hæc ipsæ Scripturæ indicant, & tenere iubent traditiones Apostolicas viua voce traditas & non scriptas. ex quo apparet multa solum in generali in Scriptura contineri, quæ in parti-

*quàm possi-
riorem de suf-
ficientia ea-
rum ad salu-
tem.*

*Coarctat Za-
borouius vo-
cabulum Te-
stamenti vt
splendide sat-
lat.*

De Notis Ministrorum

culari ab Apostolis viua voce sunt tradita. Tertio. Probandum prius Zaborouio erat, omnia ad testamentum & vltimam voluntatem Christi spectantia, scriptis esse comprehensa. Si enim præcipua tantum & non omnia sunt scriptis consignata, non sequitur: Scripturis nil addi, nil detrahi posse, cum multa alia sint ad testamentum spectantia quæ scripta non sunt, sed tradita duntaxat. At quia hoc Zaborouius in æternum probare non poterit, idcirco nihil suo argumento aliud concludit, nisi toti Testamento vt omnem Christi voluntatem vltimam comprehendit, siue illud sit scriptum, siue traditum, addi & detrahi nihil posse. Quod facile concedimus. Nihil enim pro verbo Dei a nobis habendum est, nisi quod sit vel scriptum vel traditum. Quanquam si de ea additione sermo sit, per quam adduntur ea quæ contraria sunt Scripturis, nec a Deo vel Apostolis tradita probantur, non diffitemur eas additiones esse prorsus reiiciendas; quo sensu plerique Patrum, quos Zaborouius adducit, loquuntur: qui etiam aliquando dicunt omnia in Scripturis contineri, aut in particulari aut in generali, ita vt semper locus sit traditionibus ad res fidei in particulari explicandas: quando eæ in generali tantum in Scripturis continentur, vel non expresse & sufficienter indicantur.

*Quis sensus:
Patrum de
non addendo
quicquam di
uinis literis.*

*Inuictum Za
borouij argu
mentum mal
tis modis suc
cumbit. 1.*

Quinto. Argumentum inuictum deduci ait, ex illis D. Ioannis verbis, Ioan. 20. 31. *Hæc scripta sunt vt credatis, & credentes vitam habeatis.* Si enim, inquit, Scriptura ea continet, quæ credendo habemus vitam æternam, sequitur Scripturam solam ad salutem sufficere. Inepta argumentatio. Primum, quia hoc loco agitur non de omni verbo Dei scripto, sed tantum de aliquibus *quæ fecit IESVS*, quæq; Ioannes descripsit; ita enim ait: *Multa quidem & alia signa fecit IESVS &c.* hæc autem *signa* scripta sunt: Si ergo vera est Zaborouij argumentatio, signa Christi descripta a Ioanne sufficient ad salutem, & continebunt omnia necessaria, siquidem ea credentes vitam æternam consequuntur Ioanne teste. quod quia per se absurdum est, absurda quoque censeretur Zaborouij argumentatio. Deinde paulò ante ostendimus ineptam esse similem illationem. Si enim quis credendo Symbolum Apostolorum rectè dicitur habere vitam æternam: an inde sequitur solum symbolum sufficere ad salutem, & continere omnia ad salutem necessaria, & Scripturas credenti Symbolum non esse necessarias? Similiter credens Euangelium Ioannis *habet vitam æternam*: ergo alia Euangelia credenda non sunt; & solum Ioannis Euangelium est sufficiens ad salutem? Aut si credens Scripturis veteris Testamenti habet vitam æternam: ergo solum vetus Testamentum credendum est, & sufficit ad salutem? Quis tam ineptas argumentationes æquis auribus ferat? Tertio. Ioannes id pronunciauit de scriptis

scriptis in suo Euangelio, at qui multa non sunt scripta in Ioannis Euangelio ad salutem necessaria, vt de Natiuitate Christi, de Epiphania, de Circumcisione, de Coena & institutione Eucharistie, quæ ab alijs Euangelistis conscripta sunt. Non igitur potest ita exponi, vt quæ ab ipso conscripta sunt, sola per se sufficiant ad salutem, & contineant omnia necessaria ad salutem. Nā quod responderet Zaborouius, secundum nos in *cap. 6.* Ioannem egisse de Eucharistia; id nihil ad rem est, aliud enim est promissio panis qui sit caro Christi, quod habetur *Ioan. 6.* aliud est ipsa Eucharistie institutio & exhibitio, quam Ioannes non comemorat. Calicis etiā noui Testamenti nullam prorsus fecit mentionem Ioannes. Deinde locum dictum Ioannis, Zaborouius cum suis negat omnino de Eucharistia intelligendum esse: in sua igitur opinione negare non potest, coenam Eucharisticam à Ioanne omisam.

At obijcit Augustinum *Tractatu 49. in Ioannem. Electa sunt quæ scriberentur, quæ saluti credentium sufficere videbantur.* & Cyrillum in *12. Ioannem cap: ultimo.* Non omnia, inquit, quæ fecit Dominus conscripta sunt, sed quæ scribimus tam ad mores, quam ad dogmata putarunt sufficere. Verum Zaborouius in primis ex Scripturis id non potuit probare. Patrum verò testimonium apud illum est infirmum, ad libitum enim ab eo admittitur & reijcitur. Deinde Patres dicti non dicunt absolute omnia ad salutem necessaria conscripta esse: plurima enim iidem Patres non scripta agnoscunt esse ad salutem necessaria, sed quod ex ijs quæ scribenda iudicarunt, hæc solum elegerunt conscribenda, tanquam ad salutem necessaria: cætera verò non scribenda, sed viua voce tradenda iudicarunt. Ex quibus concluditur sensum Ioannis esse, non quod ea quæ scripsit sola sufficiant ad salutem, & omnia credenda complectantur: sed quod ea quæ scripsit conferant credentibus ad salutem, si cætera non desint; lex se enim magnam vim habent ad conferendam salutem. Frustra verò obijcit Ioannem absolute non de magna vi loqui, id enim non ex verbis, sed ex sensu verborum colligendū est.

Sexto. Vrget locum *2. Tim. 3. 16. Omnis Scriptura diuinitus inspirata utilis est ad docendum, vt perfectus sit homo. Dei ad omne opus bonum instructus.* Quem locum omnium ineptissime tractat Zaborouius. Nam in primis contra communem omnium sensum interpretatur, omnis, id est tota; utilis id est sufficiens. Denique Scripturam nomine noui Testamenti Scripturam intelligere videtur; quæ omnia falsa esse facile ostenditur. Nam in primis loquitur Paulus de omni Scriptura quæ est diuinitus inspirata: at non solum tota simul, sed etiam singuli Scripturæ libri sunt diuinitus inspirati; ergo de omnibus & singulis Scripturæ libris loquitur, non de sola collectione omnium Scripturarum. Cum igitur singuli Scripturæ libri per se accepti non

*Mens Augu-
stini & Cyri-
lli.*

*Hallucina-
tur Zaborou.
vt si unquam
aliàs.*

*1.
Omnis, id est
Zaborouio 10-
ta.*

2.
*utilis, id est
sufficiens.*

3.
*Ab infantia
scripturam no-
ui Testamenti
didiciu Timo-
theus, que
nec dum in-
rerum natu-
ra fuit.*

*En quibus
angustijs. se-
clarij circum-
scribunt my-
steria regni
Dei!!*

sint sufficientes ad salutem: singuli enim non continent omnia ad salutem necessaria: sequitur non docere Paulum omnem Scripturam diuinam esse sufficientem ad salutem, vti falsò putat Zaborouius. Secundo. Aliud est esse vtilem, aliud sufficientem: neque ex eo quod aliquid est vtile concludi potest quod sit sufficiens, vt innumeris exemplis manifestum est, multa enim sunt vtilia quæ tamen sola non sufficiunt. Vtilis est exercitatio corporis ad sanitatem, neque tamen sola sufficit, cum & medicinis & vicius ratione sape sit opus. Neque verò cum addit Paulus, *vt perfectus sit homo Dei & ad omne opus bonum instructus*, inferri potest solam Scripturam, omnem eam perfectionem conferre, sed solum ad eam assequendam prodesse & vtilem esse, alijs tamen non exclusis. Tertio. Paulus de Scriptura veteris Testamenti loquitur hoc loco: *Ab infantia*, inquit, *Sacras literas nosti*, (quo tempore non erat Scriptura noui Testamenti) *que te possunt instruere ad salutem per fidem que est in CHRISTO IESU*. Huius autem rationem dat ex generali illo principio, quod omnis Scriptura diuinitus inspirata vtilis est ad docendum: ergo & Scriptura veteris Testamenti erit tibi utilis ad te instruendum. Si igitur esse vtilem, est esse per se ipsam sufficientem: sequeretur solam Scripturam veteris Testamenti ex sententia Pauli fuisse per se ipsam sufficientem Timotheo ad omnia sine Scriptura noui Testamenti. Quod quia Zaborouius non admittit, suam expositionem ex qua id sequitur, damnare debet. Temere igitur & absq; vllò fundamento asserit Zaborouius, omnia ad salutem necessaria scriptis consignata esse. Vnde enim hoc paradoxum probat? nam quæ assert, iam refutata sunt. Nonne, vt cætera taceam, ad salutem necessaria erant illa, de quibus Ioan. 16. 12. Christus ait: *Adhuc multa habeo vobis dicere, sed non potestis portare modò: cum autem venerit ille Spiritus veritatis, docebit vos omnem veritatem*. Vbi verò ista omnia, in quibus enarrandis 40 post suam Resurrectionem dies insumpsit Christus, loquens Apostolis de regno Dei. Vbi est illa omnis veritas, propter quam manifestam Apostolis Spiritus S. visibiliter est missus. Neque enim dubium est grauissima illa fuisse, ad quæ enarranda & Christus 40 diebus in terra mansit, & Spiritus S. tam mirabili & stupenda ratione de cælo missus est. ex quibus tamen vix pauca aliquot in epist. Apostolorum insinuata potius quam explicata videmus. Quis credat tam pauca, post tam magnifica promissa, Christum & Spiritum S. Apostolis reuclasse. Nam facile est quod ait Zaborou. Christum ea tantum, quæ Apostolis mors eius excusserat, in memoriam reuocasse. Christus enim dixit se multa alia habere ad dicendum: non igitur ea tantum quæ ante dixit, in memoriam reuocauit, sed noua & ante non dicta eos edocuit.

Huc facit.

Huc facit quod non omnia diuina scripta tam ad vetus, quam ad nouum Testamentum pertinentia habeamus: in quibus proculdubio multa ad salutem spectantia fuisse, minime dubitandum est. Nam quod ad vetus Testamentum attinet, multa scripsit Salomon, & alij Prophetæ, quæ nunc non extant, Salomon quidem vti 3. Reg. 4. habemus, locutus est tria millia parabolarum, & fuerunt carmina eius quinque millia, & hæc ubi sunt? hæc enim omnia diuinitus sibi concessa sapientia conscripsit, & minime profana, sed cœlesti & diuina ratione, vti & cætera. Ex Prophetis verò Nathan & Caiad Prophetæ scripserunt gesta Dauid priora & nouissima, vt habetur 1. Paralip: ultimo. Item opera Salomonis scripta sunt in verbis Nathan Prophetæ, & in libris Achia Silonitis: in visione quoque Addo Videntis, vt dicitur 2: Paralip: 9. ad quæ cum se Scriptura referat, eo ipso sacram esse historiam, indicat, tanquam alijs quæ habentur in Scriptura historijs persimilem.

In nouo vero Testamento Epistola ad Laodicensis scripta interijt, quæ memorat Paulus Colossi 4. 16. *Cum lecta fuerit apud vos epistola hec, facite vt & in Laodicensium Ecclesia legatur, & eam quæ Laodicensium est vos legatis.* Nam cum Zaborou. negat vllam epistolam ad Laodicensis scriptam quod in Græco dicatur *ἡ τὴν ἐκ λαοδικείας ἴνα καὶ ὑμεῖς ἀναγνῶτε* id minime obstat: nam sicut ex Colossensi Ecclesia voluit epistolam ad ipsos scriptam legi apud Laodicensis: ita ex Laodicensi vicissim Ecclesia voluit epistolam ad ipsos scriptam legi apud Colossenses, vt esset mutua epistolarum ad ipsos scriptarum communicatio. Alioqui non constabit quæ sit illa epistola ex Laodicea; an quam Paulus ad Timotheum Laodiceæ scripserat? At hæc epistola cum fuerit propriata persona ipsius Timothei, ipsum in officio suo instruens, non videbatur ad communem fidelium cœtum spectasse, vt in Ecclesia omnibus publice legeretur. Cur verò ex loco ex quo est data, & non potius ex persona ad quam est data nominaretur? omnes enim suas epistolas Paulus ex personis ad quas scribebat nominare solitus semper fuit, ijsque titulum non à loco, sed à persona ad quam scribebatur præfixit. Quare & hic cum epistolam ex Laodicea nominat, non quia Laodiceæ scripta sit, sed quia à Laodicensibus quod scripta erat, erat accipienda. Adhæc cum epistola ad Timotheum fuerit ante aliquot annos scripta Laodicea à Paulo; non est verisimile, quod tam tarde illam communicari Colossensibus voluerit: imò non à Laodicensibus, sed à Timotheo petendam potius scripsisset: apud illos enim epistolæ haberi solent, ad quos scribuntur, & ab ijs exigendæ sunt. Denique mandasset potius Timotheo Paulus, vt suam Colossensibus epistolam communicaret, sicut hic mandat Colossensibus vt suam communicent Laodicensibus. An forte quis cum Chrysostomo dixerit, epistolam ex Laodicea non

Multa diuinorum licentiarum interdere veteris Testamenti.

Et noui epistola ad Laodicensis.

Alia hec fuit ab ea quæ ad Timotheum.

Neque scripta ab Laodicensibus.

eam intelligendam esse quam Paulus Laodiceam scripserit, sed quam Laodicensis ad Paulum dederint? at id non admodum probabile est. Cum enim Laodicea à Laodicensibus multae epistolae scriptae fuerint & ad multos, nihil constaret: nec quae epistola, nec ad quem scripta legenda esset Colossensibus: sicut constat ex communicatione literarum Colossensium, literas quoque Laodicensium communicandas fuisse. Deinde quid tam magnum continere censenda est epistola illa Laodicensium, ut publice in Ecclesia legenda praeciperetur à Paulo. nam si ad Paulum Laodicensis scripserunt, ea vel dubia ac quaestiones de rebus fidei & morum continebant, vel statum illius Ecclesiae siue bonum siue malum declarabant. At neutra ratio sufficiens videtur, ut legi publice praeciperetur. Nam quaestiones & dubia de fide vulgaribus fidelibus parum prodesse poterant, imò & obesse. Statum verò illius Ecclesiae multò melius explorare poterant per eum, quem cum suis literis iussu Pauli Laodiceam mittebant, vel cum secum familiariter agerent, non decrant alia mutuae de rei Christianae statu communicationes. Neque verò mirum multis veterum hanc epistolam ignotam fuisse, ut ex Terulliano contra Marcionem apparet. Primis enim ipsis post Apostolos temporibus, ob exemplarium defectum & paucitatem interire potuit; quod & multis alijs scriptis Apostolicis verisimile est accidisse. Quis enim in animum inducat Apostolos tam paucas epistolas scripsisse, alios verò ne scripsisse quidem? maxime cum tot Ecclesiarum curam agerent, quas cum per sermonem confirmare in fide non possent, nec ad eorum dubia & quaestiones satisfacere, per epistolas id ipsum fecisse, verò quam simillimum est. Frivolum verò est quod ait Zaborovius Apostolos fuisse quidem docuisse viva voce, non tamen plures articulos proposuisse quam scripserint. Nam si docendo viva voce non solum plura verba, sed etiam plures res proposuerunt suis auditoribus, ut ex ante dictis patet: quomodo non plures articulos fidei docuerunt: plures enim res ostendunt plures articulos fidei ex quo genere sunt illa, de quibus Paulus: *Cetera cum venero disponam. & Teneite traditiones quas accepistis siue per sermonem, siue per epistolam.*

*Cur veterum
multis ignota*

*Apostoli non
pluribus ver-
bis solum, sed
& plures res
docuerunt,
quam scripse-
runt.*

*Nulli Evan-
gelistarum fuit
propositum o-
mnia Christi
gesta compre-
hendere.*

Quamquam & illud magnum argumentum est, Apostolos non omnia absolute scriptis suis comprehendere voluisse, sed tantum ea quae attentis tunc circumstantijs rerum & necessitatibus adscribendum necessaria iudicabant: quod perspicue patet tum in Evangeliorum tum in Epistolarum scriptione. Nam quod ad Evangelia attinet, nullus ita scripsit Evangelium, ut omnia quae ad Evangelium spectant, complecteretur: sed multa omisit Matthaeus quae Lucas & Ioannes adnotarunt; hi rursus pleraque neglexerunt, quae alij conscripserunt Evangelistae. ni ita esset, quorsum tot Evangelia? vnum enim sufficeret.

Cum ve-

Cum verò Lucas ait c. 1. 3. Visum est mihi assecuto omnia à principio, diligenter ex ordine tibi scribere, vt cognoscas eorum verborum, de quibus eruditus es veritatem, ad maiorem quidem confirmationem veritatis à se prædicatæ ait se scripsisse Euangelium, nullo tamen modo innuit se omnia nullo prætermisso scripsisse: multa enim sunt quæ apud ipsum non habentur, apud alios Euangelistas habentur, vt vel initium ipsum Euangelij Ioannis abunde docet. Neque verò id blasphemæ à nobis asseritur, vti stolidè Zaboronius obijcit, & non probat. Solum enim necessitate quæ tunc ex rerum statu & conditione se offerebat, dicimus impulsos Euangelistas ad scribendum, v. g. occasione hæresis Ebionis & Cherinti, Euangelium multis de diuinitate Christi testimonijs plenum scripsit S. Ioannes, teste Hieronymo *de Scriptoribus Ecclesiasticis*: alijs item necessitatibus alij quoque Euangelistæ se accommodabant, ad maiorem confirmationem prædicati Euangelij, nunquam verò hoc in animum induxerunt, vt omnia omnino nulla re prætermittenda, suo Euangelio complecterentur. Vnde etiam plures Apostoli suum Euangelicæ prædicationis munus viuæ tantum voce perfecerunt, nec vllum suis auditoribus Euangelij scriptum codicem reliquerunt: Neque tamen ideo se officio suo defuisse vlla ex parte iudicauerunt. Quod verò ad epistolas attinet, epistolæ ipsæ loquuntur, quod nonnisi ex oblatis occasionibus, & necessitatibus conscriptæ sunt: vel vt quæstiones & dubia à certis Ecclesijs proposita soluerentur, vel vt vitia quædam in nouellam Ecclesiam irrepentia castigarentur: vel vt labantibus animis robur aliquod & firmitas adderetur: alioqui cur ad aliquas tantum Ecclesias & non ad omnes conscriptæ sunt? cur non vniuersæ ad omnes fideles? Quocirca cum infert Zaboronius Apostolos & Euangelistas necessitate propagandæ, defendendæ, retinendæ veritatis compulso esse ad ea quæ nobis reliquerunt, scribenda: id infert quod nemo negat. Nos enim non negamus necessitatem, sed eam dicimus ex occasionibus varijs oblatam esse, nec vniuersalem toti Ecclesiæ fuisse, sed particularium tantum nationum vel Ecclesiarum. Denique non tantam fuisse necessitatem vt omnia prorsus nullo omisso, conscribenda necessario putarent.

Male verò habet Zaboronius quod Pædobaptismum cum August: & Basilio supra citatis, & alijs quamplurimis Patribus inter traditiones non scriptas retulerim, cum Catechismus Tridentinus eum ex Scripturis probare contendat. Verum Zaboronio respondemus, quod olim Augustinus respondit Donatistis, dubio 2. de Baptismo contra Donat. c. 4. Postquam enim multis Scripturæ testimonijs probasset, hæreticos non esse rebaptizandos, addit: *Nec nos ipsi tale aliquid auderemus asserere, nisi Ecclesiæ vniuersæ concordissima auctoritate firmatum.* Nisi enim Scripturas Ecclesiæ perpetua tra-

Epistolæ quodque pro opportunitate vel necessitate scriptæ.

Baptismus paruulorum ex solis scripturis, citra Ecclesiæ auctoritatem sufficiens probari nequit.

ditione

ditione & autoritate firmatas & explicatas haberemus, nec nos ipsi ex puris Scripturis auderemus id asserere. Nam quod pueris ad Baptismum aliena fides sufficiat, nec propria uti Luterus requirit, requiratur, id clare in Scripturis non habetur: à nobis tamen ex Scripturis deducitur, quia Scripturis traditionem iungimus, quæ hoc modo Scripturas intelligendas docet. Deinde si nos ex illo loco *Ioan. 3. Nisi quis renatus fuerit ex aqua & Spiritu S. non potest videre regnum Dei*, infantium baptismum deducimus; certe Evangelici qui hunc locum de baptismo aquæ intelligendum negant, nec traditiones admittunt vlllo modo id deducere, nisi coniecturis probabilibus possunt. Quin & ipsa Baptismi forma, an sit viua voce necessario proferenda, vel an satis sit ablueri aqua, non dicendo *Ego te baptizo*, sed re ipsa baptizando, sicut re ipsa damus Eleemosynam in Dei nomine, etiamsi non dicamus nos dare eleemosynam in nomine Dei: hæc inquam & similia quomodo ex solis Scripturis sine traditione Ecclesiæ probari possunt? uti bene urget Maldonatus in *Mattheum. cap. 28.* quod solum argumentum satis esse posset ad traditiones conuincendas. Nugatur vero Zaboronius, cum ait ritus circa Sacramenta Christum proprie exemplo docuisse, eosq; Apostolos monimentis literarum prodidisse: ubi enim hoc Apostoli scripserunt, viua voce pronuntiari debere, *Ego te baptizo in nomine Patris & Filij & Spiritus S.* ita ut nisi hoc fiat, irritus esset Baptismus? Crepet licet Zaboronius nodum hunc dissoluet nunquam.

CAPVT XV.

Luteranos & Caluinistas verbum Dei detruncasse, & mutilum reddidisse.

*Zaboronius
non diffitetur
sacrilegium.*

Nimis clarum est, Evangelicos non paucos tam veteris quam noui Testamenti libros temere sustulisse. Nam ex veteri Testamento Additiones Danielis & Hester, item Iudith, Baruch, Tobiam, Sapientiam quæ dicitur Salomonis, Ecclesiasticum, Machabæorum libros reiecerunt, uti Zaboronius quoque hic non diffitetur. Ex nouo autem Luterus sustulit epistolam ad Hebræos, Iacobi, & secundam Petri, Apocalypsim, quos tamen omnes Ecclesia, Sacros & Canonicos semper fuisse declarauit per Innocentium Primum, qui omnium sacrorum librorum canonem primus consecit. Deinde in Concilio Carthaginensi, cui interfuit Augustinus, & subscripsit, ita ut post nullum ea de re in Ecclesia fuerit dubium. Quæ circa falsum est quod ait Zaboronius

borouius, hos libros à veteri Ecclesia pro apocryphis & non canonicis habitos fuisse. Nunquam enim Ecclesia definiuit hos libros apocryphos esse & ad canonem non admittendos. Quamuis enim antequam definitio Ecclesiæ accederet, plerique ex veteribus de eis dubitarent, aliqui etiam asseruerint apocryphos esse, tamen accedente declaratione & definitione Ecclesiæ, omnis illico dubitatio sublata est: omnesq; dicti libri ab Augustini temporibus certo & constanter pro sacris habiti sunt. Eundem enim Catalogum librorum sacrorum recensuit nostris temporibus Concilium Tridentinum, quem recenset Augustinus 2. de Doctrina Christiana, cap. 8. ubi in particulari hos quos Zaborouius vocat Apocryphos, inter Canonicos ab Ecclesia vniuersa receptos connumerat: quod satis esse deberet ad impudentiam Zaborouij coercendam. Si enim Augustinus cum vniuersa Ecclesia approbante & recipiente testantur esse Canonicos, quantulus est Zaborouius vt se tantæ authoritati opponat? Sed liber id verbis ipsius Augustini exponere. Sic enim ait, loco citato:

Totus Canon Scripturarum his libris continetur, quinque Moyses, id est, Idem Catalogus librorum
Genesi, Exodo, Leuitico, Numeri, Deuteronomio, & vno libro Iesu Naue, vno
Iudicum, vno libello qui appellatur Ruth, qui magis ad Regnorum principia
videtur pertinere, deinde quatuor Regnorum, & duobus Paralipomenon, non
consequentibus, sed quasi à latere adiunctis simulq; pergemibus. Hæc est h-
istoria que sibimet annexa tempora continet atque ordinem rerum. Sunt aliæ
tquam ex diuerso ordine, que neque huic ordini, neque inter se connectun-
tur, sicut est Iob, & Tobias, & Hester, & Iudith, & Machabeorum libri 2.
& Esdræ duo, qui magis subsequi videntur ordinatam illam historiam, & s-
que ad Regnorum vel Paralipomenon terminatam. Deinde Prophetæ: in quibus
David vnus liber Psalmorum, & Salomonis tres, Proverbiorum, Cantica Cā-
ticorum, & Ecclesiastes. Nam illi duo libri, vnus qui Sapientia, & alius qui
Ecclesiasticus inscribitur, de quadam similitudine Salomonis esse dicuntur.
Nam Iesus filius Siracheos scripsisse constantissimè perhibetur. Qui tamen quo-
niam in authoritatem recipi meruerunt, inter Propheticos numerandi sunt. Re-
liqui sunt eorum libri qui propriè Prophetæ appellati sunt, duodecim Prophetarum
libri singuli; qui connexi sibimet, quoniam nunquam sciant sunt pro
vno habentur: quorum Prophetarum nomina sunt hæc, Osee, Ioël, Amos, Ab-
dias, Ionas, Micheas, Naum, Abacuc, Sophonias, Aggeus, Zacharias, Ma-
lachias. Deinde quatuor Prophetæ sunt maiorum voluminum, Esaias, Iere-
mias, Daniel, Ezechiel. His quadraginta quatuor libris veteris Testamenti
terminatur authoritas. Noui autem quatuor libris Euangelij, secundum
Mattheum, secundum Marcum, secundum Lucam, secundum Ioannem: 14.

Epistolis Pauli Apostoli, ad Romanos, ad Corinthios duabus, ad Galatas, ad Ephesos, ad Philipenses, ad Thessalonicenses duabus, ad Colossenses, ad Timotheum duabus, ad Titum, ad Philemonem, ad Hebræos, Petri duabus, tribus Ioannis, una Iude, & una Iacobi, Actibus Apostolorum libro uno, & Apocalypsis Ioannis libro uno. In his omnibus libris timentes Deum, & pietate mansueti, quarunt voluntatem Dei. Hæc Augustinus.

*Paucorum
dubitatio nō
prescribit Ec-
clesiæ autori-
tati.*

Neque verò calumniari potest Ecclesiam, quod ex Apocryphis & non Canonicis effecerit Canonicos; hoc enim nos non asserimus, nec ullus sanæ mentis dicere potest, id verò quod dicimus est, Ecclesiam declarasse eos fuisse semper Canonicos, licet ab aliquibus pro dubijs sint habiti. Porro paucorum quorundam dubitatio, nihil auctoritatis his libris derogare debet: nam in primis vix aliquis est Scripturæ liber de quo aliquando non fuerit dubitatum, cum de ipsis quæ habemus Euangelijs dubitatum sit. Neque tamen hæc paucorum dubitatio, postquam vniuersæ Ecclesiæ testimonio tandem sublata est, nobis dubitationem iure debet ingerere. Etenim quamuis aliqui dubitauerint, alij tamen pro certo contrarium habuerunt; quibus accedente Ecclesiæ declaratione, quæ cum a Spiritu sancto dirigatur, fallere non potest, omne prorsus dubium sublatum est. Neque verò quia aliqui in Ecclesia veteri dubitarunt, ideo Ecclesia ipsa de ijs dubitasse, vel etiam pro apocryphis habuisse censenda est. Nunquam enim Ecclesia decreto suo declarauit eos apocryphos; nunquam eos a Canone librorum Sacrorum excludendos censuit: neq; priuatorum aliquorum opinio toti Ecclesiæ tribuenda est. Quamdiu enim Ecclesia aliquid non declarat nec definit esse de fide, liberum est priuato cuiq; eam, quam verisimiliorem iudicauerit sententiam sequi, cum ea animi præparatione, vt Ecclesiæ definitioni acquiescere velit. Quod & Augustinus fecit, qui post declarationem Innocentij Primi & Concilij Carthaginensis ab vniuersa Ecclesia recepti, nullum dubium de Sacris libris habuit, etiam si plerique in Canone Iudæorum non essent. *Machabæorum*, inquit, *libros non Iudæi, sed Ecclesia pro Canonicis habent.* similiter Hieronymus autoritate Concilij Nicæni permotus, recepit in numerum librorum Canonicorum, librum Iudith, etiam si in Canonone Hebræorum non haberetur.

*Conuincuntur
detruncata
scripturæ no-
uatores.*

Iure igitur asserimus Euangelicos magnam verbi Dei scripti partem detruncasse, & mutilam fecisse. Primum quod eos libros apocryphos fecerint quos Ecclesia vetus nunquam apocryphos esse decreuit: imò quos disquisitione facta in Canonem librorum Sacrorum retulit, & per totum mundum pro Sacris haberi voluit. Secundò, quod in Canone librorum Sacrorum, neque cum Ecclesia, neq; cum vilo ex Patribus veteribus, neque secum ipsi consentiant,

1.

2.

consentiant. Non cum Ecclesia; quia hæc postquam Canonem Sacrorum librorum confecit, in eū omnes dictos libros, quos Euangelici damnant, retulit, in eaq; traditione à mille trecentis annis constanter perseuerat. Non cū veteribus Patribus ante tempora Augustini; nam ex ijs quos pro se adducunt cum nullo in omnibus consentiunt. Adducit enim Zaborouius pro se Melitonem apud Eusebium *l. 4. c. 25.* Origenem apud eundem *lib. 6. c. 25.* Cyprianum in *Symbolo.* Athanasium in *Sinopsi.* Hilarium *Prefatione in Psalmos.* Nazianzenum in *carmine de genuinis sacre Scripturæ libris.* Hieronymum in *Prologo Galeato.* verum ex his multi admittunt librum Hester, vt Origen. Hilarius, Hieronymus; Athanasius etiam nihil certi determinat. Iudith etiam librum admittit ad canonem Hieronym. Hilarius verò quosdam scribit, librum Tobie & Iudith admittere, quibus ipse non cōtradicit. De Sapientia & Ecclesiastico dubie loquitur Epiphanius. Refert & Eusebius *lib. 3. c. 25.* à nonnullis dubitatum esse de Apocalypsi, de Epistola Iacobi & Iudæ. Petri quoq; secunda, & item Ioannis secunda & tertia, quos tamen libros alij admiſerunt. Non igitur in Canone librorum cum veteribus Patribus conueniunt Euangelici, quos enim illi admittunt, isti reiſciunt; & de quibus illi dubie loquuntur, isti cerò pronuntiant; & cū illi in ijs in quibus dubitabant, Ecclesia definitioni se subijcerint, isti Ecclesiam nihil curant. At neque inter se conueniunt: nam quos Lutherani ex noui Testamenti Canone eiſciunt, eos Calvinistæ admittunt, nempe Epistolam ad Hebræos, Apocalipsū, Iacobi Epistolam. Quod quid aliud est, quàm proprio iudicio quodlibet admittere, quod non libet reiſcere? Nullo igitur modo notam detruncantium pro suo arbitratu Scripturas euadere possunt. Quanquam & illud quantum est, quod pro vulgata & tot seculis recepta in Ecclesia versione Scripturæ suas longe diuersas nobis obtruserunt, ita vt nouam quandam Scripturam cum alijs sensibus induxisse videantur. nonne hoc est subruere verbum Dei? Aduertit id Luterus suo malo edoctas, cū in Commentario de nouissimis Davidis verbis in præfatione ita scribit: Omnino, inquit, melius esset omisso studio Hebraicæ linguæ, simpliciter retinere illam hætenus receptam & usitatam versionem Bibliorum: quàm tot nouas versiones cumulare, quibus nil proficitur, nisi quod dissimilitudo & discrepantia lectionum, memoriam legentium turbat, & studium remoratur, ac in multis locis incertiorē quàm fuerat dimittit. Ab hac nota immunes sunt Catholici nostri, qui sicut ab Ecclesia Scripturas traditione acceperunt, ita eiusdem iudicio Sacros à non Sacris discernunt. Nam quod ait Zaborouius, Ecclesiam antiquam & Apostolorum temporibus proximam pro apocryphis dictos libros habuisse, id falsissimum esse iam docuimus. nunquam enim tale decretum

In Canone Sacrorum librorum cum nemine, ac ne secum ipsi cōcordant.

Subruunt etiam easdē sacras scripturas nouis & inusitatis hætenus versionibus. quod Lutherus ipse non abnuat.

aut declarationem Ecclesia statuit; licet aliqui priuati de aliquibus, quod in Canone Hebræo non essent, dubitarent.

CAPUT XVI.

Ministri Euangelici Scripturam proprijs interpretationibus cōtra Petri legem corrumpunt.

Malus scripturae interpretis, est corruptior.

Non dubium est adulterina interpretatione verbum Dei corrumpi: neque enim verbum Dei est mera vox aut litera, sed id quod voce illa significatur. Si quis ergo falsis interpretationibus in alium sensum verbum Dei transferat, corrumpit verbum Dei, & in aliud verbum, quod Dei non est, sed hominis commutat. De qua re extat clarissima lex Apostoli Petri cum ait: 2. Petri. 1. 20. *Hoc primum intelligentes quod omnis prophetia Scripturae propria interpretatione non sit.* eiusque rationem mox reddit: *Non enim voluntate hominum allata est aliquando prophetia, sed Spiritu Sancto inspirati, locuti sunt Sancti Dei homines.* Hanc legem cum non sequantur Euangelici, sed propria interpretatione, vti cuique videtur, Scripturas exponant, merito Scripturae corruptores & subueriores non Ministri dici debent.

V I D E

Falsificator scripturae Zaborouius, ut probe scripturam per ipsam scripturam solum exponendam.

Ait Zaborouius se non proprium, sed Spiritus sancti in Scriptura loquentis iudicium publicum sequi, Scripturas per Scripturas interpretando. Qualem interpretationem approbat ipse Spiritus sanctus *Nehemie 8. 8. Legebant, inquit, legem Dei explanare, & exponendo sensum dabant intelligendam per Scripturam ipsam.* At inprimis falsificat Scripturam Zaborouius sacrolego suo more: nam verba Scripturae sunt ista; *Et legerunt in libro legis Dei distincte & aperte ad intelligendum.* Nihil hic de interpretatione Scripturae, sed tantum de distincta & clara lectione ad intelligendum: nihil etiam de Scripturae per Scripturam explanatione; vnde patet quam multa hic addiderit ad Scripturam. Deinde cum ait se non suam, sed Spiritus sancti in Scriptura loquentis iudicium sequi: quæro, vnde illi constat hoc iudicium esse Spiritus sancti, an ex reuelatione aliqua singulari, an ex collatione Scripturarum? Si primum, non credam, nisi res tanta testimonio aut documento sufficienti comprobetur. Fieri enim posset, vt non Spiritus sanctus, sed angelus satanae transfigurans se in Angelum lucis, reuelationis author fuerit. Deinde cum ait, iudicium hoc esse Spiritus sancti in Scriptura loquentis,

Vnde sibi Zaborouius spirituum interpretationis arrogat.

apparet

apparet non extra Scripturam reuelatione aliqua speciali haberi hoc iudiciū, sed in Scriptura contineri. Si vero dicat secundum; cum collatio Scripturarum non nisi proprio conferentis iudicio & opinione fiat, iudicium quoque Spiritus sancti ex tali collatione illatum, erit putatiuum duntaxat. Neque enim Spiritus sanctus suam profert sententiam, sed quod conferenti Scripturas, contineri in Scripturis videtur, hoc ipse reputat esse iudicium Spiritus sancti. Vnde prout varia à varijs Scripturarum collationes fiunt, ita sunt varia de iudicio Spiritus S. iudicia & opiniones. Cum igitur ait Zaboronius, se Spiritus S. iudicium ex Scripturarum collatione collectum sequi, non ipsum verum iudicium Spiritus sancti sequitur, sed id quod sua opinione reputat esse iudicium Spiritus sancti; hoc autem est formaliter suam opinionem sequi, quia est sequi id quod sua opinio illi dicat. Id verò est quod sanctus Petrus condemnat, cum ait: *Propria interpretatione Scripturæ prophetiam non fieri.* Eam enim interpretationem propriam vocat, quā quis propriam opinionem secutus, existimat esse hunc vel illum sensum Spiritus S. ita ut quamuis Scripturas cum Scripturis conferat, quia tamen propria opinione illas intelligit & confert, propria interpretatione Scripturas exponere censendus est.

*Proprium nō
Dei spiritum
sequitur.*

*Quid S. Pe-
trus vocet
propriam in-
terpretatio-
nem.*

At, inquit, collationem Scripturarum in Scriptura exponenda Patres commendat Iræneus lib. 4. 63. Chrysostom: homil. 12. in Genesim. Basilii in *Asceticis regula 267.* Recte sanè, nam sicut collatio Scripturarum iacto in traditione Ecclesiastica, & communi Patrum interpretatione fundamento, est optima & tutissima: ita priuata cuiusvis opinione & Spiritu facta, & à Petro damnatur, & est ad omnes errores atque hæreses producendas amplissima via. Omnes enim hæretici facti sunt hæretici, priuato Spiritu & opinione Scripturas cum Scripturis conferendo atque interpretando. Spiritum sanctum, inquit, assistere ijs, qui pijs precibus Scripturas collaturi, Deum sollicitant, animumque piū, syncerum, candidum, ad earum lectionem afferunt: Pater enim cœlestis dabit Spiritum bonum petentibus se *Luc. 11. 13.* Verum peto, an Luterus & Caluinus pijs precibus Deum sollicitauerint, in expositione illorum verborum, *Hoc est Corpus meum?* si vtrique sollicitarūt, vtrisque igitur Spiritus sanctus assistit, & contrarias vtrorumque expositiones approbavit, nempe quod panis realiter sit Corpus Christi, ut sentit Luterus, & quod solum significatiue sit Corpus Christi, ut sentit Caluinus. Si verò dicat Luterum tantum pijs precibus Deum sollicitasse, & animum candidū ad lectionem Scripturæ attulisse, negabit hoc Caluinus, sed parem suam ac Luteri pietatem demonstrabit. Quamdiu igitur hoc dubium de pietate legentium Scripturas non dissoluatur (quod solus Deus inspector cordium

*Conferre scri-
pturas cum
scripturis, si
Ecclesie sen-
sui innitatis,
optimum: si
tuos, parentis-
sima ad Hæ-
reses via.*

*Nec prodest
Oratio, si de-
sit Obedien-
tia.*

dissoluere potest) tam diu non constabit quis ex numero legentium Spiritus sancti sensum præcipue sit assecutus.

Qui declinat aures suas, ne audiat legem Decalogi. 4. Oratio eius erit execrabilis. Prou. 28. 9.

Deinde ostendo nec Luterum, nec Caluinum, nec vllum Evangelicū pijs precibus sollicitare Deum, cū Scripturas cum Scriptaris conferunt, sed impijs potius precibus & iniurijs Deo. Neque enim piæ preces sunt censendæ, quando contemptā Ecclesiæ & Sanctorum Patrum autoritate, non uos sensus inuenire in Scripturis postulant. Hæc enim est & impietas summa Ecclesiam & Sanctos Patres contemnere, & non est aliud quam tentare Deum, relictis medijs à Deo constitutis ad Scripturam intelligendam, noua media postulare. Quid? nonne Arriani pariter dicunt se pium animum ad Scripturas legendas adferre? nunquid illos Dei Spiritu plenos credent Luterani & Caluinistæ?

Par Ariano- rum & cate- rorum Noua- torum in hac causa ratio.

Respondet Zaborouius, Arrianos non recte Scripturas cum Scripturis cōferre, quia præconceptas opiniones & odiū sacrosanctæ Trinitatis adierūt, nec cum Spiritum collaturi Scripturas, inuocare volunt aut possunt, cuius afflatu Scripturæ scriptæ sunt. Sed nunquid non dicent Arriani, se quoque precari Deum, ut in cognitione vera Trinitatis & Spiritus sancti illuminentur; cur igitur non illuminantur? cur non percipiunt spiritum à Christo promissum petentibus se? Sane quem vos animum ad vestros præconceptos errores habetis, eum Arriani quoque ad suos habent. Par igitur erit vestra & Arrianorum in ea re conditio, quod neutri pijs ad Deum preces fundatis, sed impijs: quia media ad intelligendam Scripturam vobis à Deo data contemnitis, hoc est, Traditionem Apostolicam, & Ecclesiæ communem sensum.

Hinc incon- stantia.

Hinc verò est, quòd Evangelici postquam collatione facta Scripturarum, aliquid tanquam oraculum Spiritus sancti pronunciant & affirmant: idem facta alia collatione Scripturarum, postea negant: quod argumento est, eos non verum ipsum Spiritus sancti sensum ex illa collatione Scripturarum elicere, sed sensum putatiuum, hoc est, quem opinione propria putat esse Spiritus sancti. Respondet Zaborouius, In fundamentalibus id nunquā fuisse factum, sed vel in adiaphoris, vel fundamentum fidei minus concernentibus. O acutum responsum! Quasi verò Scripturæ per Scripturas rite expositæ, aliquando dicant verum, aliquando falsum; in fundamentalibus verum, in non fundamentalibus falsum? & si aliquid fundamentale eliciatur ex Scripturis sit necessariò verum, si verò non sit fundamentale, possit esse falsum? Quid hoc aliud est, quàm Spiritui sancto qui solus in Scripturis loquitur, siue fundamentalia, siue non fundamentalia fidei, falsum adscribere? Estne hoc digne de Spiritu sancto sentire, ut in rebus minoribus falsum

Scriptura ne in minimis quidem rebus errat.

fallum dicere possit? Aut igitur facta Scripturarum cum Scripturis collatione non necessario inferitur iudicium Spiritus sancti; & sic ruet fundamentum Evangelicorum, qui in collatione dicta Spiritus sancti iudicium certo constitutum putant: Aut si necessario inferitur, æquè inferetur, siue collatio fiat in rebus fundamentalibus, siue in non fundamentalibus: æquè enim Spiritus sanctus verax est, cum fundamentalia, sicut cum non fundamentalia loquitur. Frustra verò se torquet Zaborouius cum ait, Dona Dei sensim & lente distribui. nam si pro animo legentibus Scripturam, certum est assilire Deum, certum quoque erit semper assilire, quamdiu animum piuum retinent, siue legant fundamentalia fidei, siue non. Deinde sicut incertum est, an pio animo legant Scripturas Evangelici, ita quoque incertum esse oportet, an & quando illis legentibus Scripturas, assilant Spiritus sanctus? Et sic omnis certitudo eorum in exponenda Scriptura in incertum abibit. Quin etiam si Deus sua dona sensim & lente communicat, ergo & intelligentiam Scripturarum sensim communicat Evangelicis: non igitur certum est, an iam communicauerit: possuntque dubitare Evangelici, ne nondum illis earum quas iactant Scripturarum intelligentiam communicauerit. Nam & Luterus prius Indulgentias non damnabat ex Scripturis, post damnare cepit, vti de seipso scribit in Præfatione primi Tomi. Purgatorium prius certissimo credebatur in Artic. Diss. Lips. postea reprobauit. Missam prius ex Scripturis longo tempore suæ Apostasiæ tempore celebrabat; tum à Diabolo ex Scripturis persuasus eam abrogauit. Calvinus cum in Schola Luteri esset, cum Lutero ex Scripturis de Sacramento Eucharistiæ sentiebat, post aliâ Scripturarum collatione factâ, idem negauit.

Iam verò cum urgetur à me Zaborouius, quod cum omnes hæretici Scripturas cum Scripturis conferant, non tamen veritatem, sed hæreses ex Scripturis eliciunt. Respondet eos non rite conferre: At si illi non rite conferunt; neque igitur vos rite confertis, quia eodem modo vti vos pio animo se conferre dicunt. Non inquit ex collatione Scripturarum, sed ex superbia & ignoratione Verbi diuini hæreses nascuntur. At si superba collatio scripturarum est, cum quis proprio in ijs conferendis iudicio vtitur; id vitium præcipue vos Evangelici habetis. contemnitis enim in Scripturis exponendis totius antiquitatis & Ecclesiæ iudicia, Conciliorum decreta, consensum Sanctorum Patrum, quâ superbia quæ maior esse potest? nisi enim omnia hæc contemneretis, hæretici non esletis, & nobiscum in vnum conspiraretis. Ex hac porro superba collatione Scripturarum, sequitur ignorantia verbi diuini; Deus enim superbis resistit, & humilibus dat gratiam: neque suum lumen ad intelligendas Scripturas nisi humilibus communicat: superbos vero dat

Dum Zaborouius sensim ac lente Dei Spiritu imbuitur; parum certi quid construere de Scripturis potest.

Id quod magis glisris eius accidit.

Verus moribus Nouatorum, superbia.

ro dat

ro dat in reprobum sensum, vt videntes non videant, & semper discentes, nunquam ad scientiam perueniant: quales sunt hæretici omnes.

*Non semper
nec omnibus
necessaria
Scripturarū
collatio.*

Quaquam cognitio verbi Diuini dupliciter haberi potest; vel studio proprio, & sic præcipue à Scripturarum collatione & intelligentia dependet, quod studium tantoperè commendant Sancti Patres: vel ex auditu & prædicatione verbi diuini à legitimis Prædicatoribus, & sic collatione Scripturarum & studio opus non est, sed fide. Fides enim ex auditu, auditus autem per verbum Dei: quomodo simplices fideles cognoscunt omnia ad salutem ipsis necessaria, sine alio studio & collatione Scripturarum, dum suis legitimis Pastoribus credunt.

*Quomodo
Scriptura Hæ-
reticorum
liber.*

Porro cum assero Scripturam esse hæreticorum librum, ipsius quoque Luteri testimonio, id vocem blasphemiam & stuporem animi appellare non dubitat Zaborouius, quasi non sit maior animi stupor, id non agnoscere. Quis enim liber est cui legendo hæretici omnes magis incumbant, & ex quo suos omnes errores ac hæreses stabiliant nisi Scriptura? Quid aliud crepant Arriani nisi Scripturam? quid Luterani & Calvinistæ, nisi purum putum verbum Dei in Scriptura contentum? nec vllus hæreticus extitit, qui ex hoc libro perperam intellecto suas hæreses non hauserit. Neque verò id magis blasphemum est, quam dicere Christum esse petram scandali, lapidem offensionis positum in ruinam & resurrectionem multorum. Sicut enim Christo ista epitheta non ex sua natura, sed ex hominum malicia competunt: ita & Scripturis competit esse librum hæreticorum, non ob naturam suam virtutem, sed ob legentium cæcitatem. Simile illud est, cum nos ait asserere Scripturam sacram esse Delphicum gladium, egenum elementum, nasum cereum. ijs enim epithetis non qualis sit Scriptura in seipsa, sed qualis sit eorum respectu, qui ipsam proprijs interpretationibus torquent, quocumque volunt, declaratur. Scriptura enim in seipsa si intelligatur, nihil eum his epithetis commune habet, sed vna & vniformis est, & semper sui similis. Postquam verò in varias interpretationum opiniones inciderit, fit varia & multiplex, & secum ipsa pugnans. quod opinionum vitium est non Scripturæ: sicut nec luminis vitium est, si quis eo excacetur, cum ipsum per seipsum videndi facultatem præbeat.

*Calumniæ
crimen im-
merito Za-
bor: impingit
Autori.
Ein Ketzer
Buch.*

Quia vero ausus est negare Zaborouius, Luterum vsquam vocasse scripturam, librum hæreticorum, mihiq; in eo calumniæ crimen impingit, libet ad imperitiam & temeritatem hominis ostendendam verba ipsa Luteri adscribere. qui in Postilla Evangelica Concione secunda in Dominicam 8. à Trinitate de falsis Prophetis sic scribit: *Verum est, inquit, sicut dicitur Scripturam sanctam esse librum hæreticorum, hoc est, eiusmodi librum, quo potissimum*

potissimum heretici nitantur: neq; enim alius liber est, quo adeo heretici abutuntur atq; hic, neque ulla unquam heresis tam mala aut rudis fuit, quæ se Scripturam vel iuuare, vel defendere noluerit: quemadmodum etiam dicitur Deus flagitiosorum Deus est, quod bona mundi pars illum sibi Deum vendicet, non quod eius culpa sit, verum verberum istorum qui nomine suo abutuntur; sic Scripturam sanctam hereseon librum esse oportet non sui causa, sed istorum nebulonum, qui adeo turpiter eam deprauant. Hæc Lutherus. Obijciat ergo Zaborouius suo Lutero vocem blasphemam & stuporem animi.

Illud verò grauiori censura in Zaborouio dignum, cum ait, Thesaurum Scripturarum nos contemnere, & contra Scripturam pro traditionibus (quas pari affectu pietatis ac ipsam sacram Scripturam, sacrum Concilium Tridentinum accipi sub anathemate iubet) certare. Quid verò hoc nonnisi putida calumnia est? Scripturarum enim thesaurum non solum non contemnimus, sed etiam fidelissime hucusque non pro nobis duntaxat, sed pro vobis etiã hereticis cõseruauimus. Vnde enim Scripturas nisi ab Ecclesia accepistis: neque solum contra Scripturas non certamus, quas certum nobis est pro vero verbo Dei habendas, sed etiam contra hereticos omnes, & præcipue vos, qui Evangelici dici vultis, pro Scripturis decertamus: vos enim illas turpissime vestro iudicio detruncatis: vos notis & impuris versionibus, communi Ecclesiæ versione reiectâ, partim addendo, partim detrahendo, partim in alium sensum immutando eas sœdatis: vos ex capite vestro depromptis interpretationibus, communi omnium hæreticorum more, ipsas falsificatis. A quibus omnibus iniurijs Scripturam sacram totis his mille sexcentis annis vindicauimus. Traditiones verò non Scripturis opponimus, nec his Scripturâ oppugnamus, vti tu falsus calumniator asseris, sed æqualem Dei verbi honorem Scripturis ac Traditionibus deferimus. non minus enim Dei verbum est traditum, quàm scriptum: neque traditum opponitur scripto, sed ea declarat, quæ in scripto expresse comprehensa non sunt. Neque nos Scripturam incertam statuimus; habemus enim vnicam & certam regulam eam interpretandi, nempe traditionem, & Ecclesiæ sensum atque consensum; & ideo vnum semper sentimus omnes in ijs quæ ad fidem pertinent. Nam cetera quæ nec ex traditione Apostolica, nec ex Ecclesiæ definitione habemus, opinioni non fidei subiacent. Vobis ea incertitudo propria est, qui ex capite proprio depromptis interpretationibus, & collationibus Scripturarum priuato iudicio factis Scripturas exponitis. Inde enim fit vt Scripturâ tot & tam pugnantibus interpretationibus (quot capita hæreticorum sunt) distraetâ, prorsus incertum sit, quis inter tot interpretationum Labyrinthos verus Scripturæ sit sensus, nec quisquam certi aliquid assequi se vnquam sciat, nisi

Putidior calumnia Catholicos contemnere Scripturarum thesaurum præ traditionibus

Ecclesia Scripturæ custos & propugnatrix omnium fidelissima.

nec opponit traditiones Scripturis.

Apud nouatores, quot capita tot Scripturæ sensus.

Pontifex Romanus non conculcat sed ruetur & illustratur maiestatem. ad unicam fidei regulam, quæ in traditione Apostolica & Ecclesiæ definitione consistit, confugiat.

Qui ab eius ore pendet; pendet ab ore Christi dicens: Qui vos audit, me audit. Et ego rogavi pro te &c. confirma fratres tuos &c. Cum vero quæris Zaboroui, unde Romanus Pontifex nos fidem doctrinæ in sepe respondens, ex scrinio pectoris proprii conculcata Scripturarum maiestate. Quid enim hæc calumnia atrocior? non enim ex scrinio pectoris sui, sed ex verbo Dei tam scripto, quam tradito docet nos omnem quam Ecclesia requirit veritatem; idque privilegio à Christo concessio, & Spiritu sancto ei assistente, ne unquam nisi veram doctrinam Ecclesiæ proponat. Non igitur conculcata sed declarata & illustrata Scripturarum maiestate docet nos, & subiicit seipsum ac nos Scripturis, nec eximit ab ipsarum potestate. Neque enim alium Scripturarum sensum sequitur, nisi ab Apostolis traditum, & ab Ecclesia receptum: nouos & antiquitati inauditos sensus rejicit, & eos vobis ac omnibus Hæreticis relinquit. Non igitur cæcæ sunt Catholicorum mentes, ut impudenter Zaborouius loquitur, cum ab vnius ore Pontificis qui falli & fallere potest animarum suam salutem suspensam volunt: sed cæcum est Zaborouij iudicium, qui aduertere non vult Catholicos dum ab ore Romani Pontificis pendunt, ab ore Christi ipsius pendere. Christus enim Pontificem Romanum petram Ecclesiæ infallibilem ac inuiolabilem constituit, ut ei tota Ecclesia secure inniti & fidere possit. Multo maior cæcitas Euangelicorum est, qui in tam fragili proprii iudicii fundamento, quo nihil incertius, salutis suæ firmitatem ac certitudinem constituunt, more & successu omnium hæreticorum, qui ideo hæretici fuerunt, quod proprio iudicio niterentur, seu ut Paulus ait, *Proprio iudicio condemnati*. Nam si in cæteris rebus ait Salomon, *Ne innitaris prudentiæ tuæ*: id multo magis in salutis negotio locum habet, quanto salutis periculum præ cæteris periculis maius æstimandum est.

Nouatores proprio iudicio cõdemnati. Tit. 3. 11. Proverb. 3. 5. Longè diuersum, inquit, antiqui Patres de Scripturæ iudicio ferunt. At fallitur. Nam quæcunque sancti Patres Scripturis tribuunt, ut sint norma & regula fidei nostræ, eadem quoque nos libenter tribuimus. Atqui sancti Patres Scripturam non secundum proprium cuiusque sensum, sed secundum traditionem Apostolicam & Ecclesiæ sensum exponendam esse docent. Multa etiam esse affirmant quæ Scripturis expressè non continentur, sed traditione Apostolica & sensu vniuersæ Ecclesiæ; quæ omnia tanquam Dei verbum ab Apostolis acceptum & fideliter conseruatum, non minus quam Scripturam obseruanda & pari honore habenda tradunt. Siquidem & Scriptura ipsa traditiones *per sermonem* pari ratione, sicut *per epistolam* recipi præcipit, in utroque autem horum sicut nos doctrinæ & præceptis Sanctorum Patrum insistimus; ita aduersarij minime.

De Scripturis idem sentit cum veteri, presentis temporis Ecclesia.

Pergit Zaborouius, blasphemum me affirmas cum dico, omnes hæreticos ex Scripturis suas hæreses confirmare. Quasi verò nisi stolidus non videat, quolibet hæreticos Scripturam ad suos sensus trahere. Nam, etsi Scriptura secundum se vox Dei est, & ipsissima veritas, tamen hæretica interpretatione exposita & intellecta, (vti hic de Scriptura loquimur) tot errorum opinionibus seruit, quot sunt hæreticorum capita. Nonne Zaborouii Arriani tibi sunt hæretici? qui tamen omnibus alijs argumentis posthabitis, solis te Scripturis proprio iudicio expositis perurgent, ac eodem modo Scripturas cum Scripturis conferunt, quo vos Evangelici conferre affirmatis. Quod si vos negabitis Arianos Scripturas æquè conferre ac vos, idem dicent Ariani de vobis Evangelicis. Dicis Arianos Spiritum sanctum, qui est interpretes Scripturæ non inuocare: Respondebunt Arriani, te quoque Spiritum sanctum rite non inuocare.

Cum verò sic argumentaris. Si propterea à Scripturis recedendum, quia illis hæretici abutuntur; recedendum erit à traditionibus, ab Ecclesiæ & Pontificis autoritate, quia his quoque hæretici abusi sunt. Inprimis, extra propositum loqueris. Assumis enim quod falsum est. Nullus enim nostrum dicit recedendum à Scripturis, eo quòd illis hæretici abutuntur: imò tanto magis illis insistendum, quanto maiorem vim illis inferunt hæretici: solumque dicimus recedendum à priuata interpretatione Scripturarum, quæ sola sicut omnes hæreticos facit Scripturis abuti, ita & vos. Falsum etiam assumis hæreticos aut traditiones quas constaret esse Apostolicas, aut Ecclesiæ Catholicæ autoritatem, aut summi Pontificis decretum ad suos errores stabilendos allegasse, cum his omnibus vijs omnes hæreses quotquot fuerunt à Catholicis euerse sint. Illæ igitur traditiones quas aliquando citant hæretici, non erant Apostolicæ, nec veræ, sed ab ipsis confictæ.

Iam verò quod ex Chrysostomo subiungis, quid in tanta varietate abutentium Scriptura faciendum sit? Ita Chrysostomum citas vt & prætereas quæ contra te faciunt, & mutando falsifices verba, & ad alium sensum omnia trahas. Ita enim Chrysostomus ait *homil. 33. in Acta Apost. Gentilis mihi dicit, vellem fieri Christianus, sed tot sunt inter vos pugne, cui adhaream nescio. &c. Quilibet dicit, ego verum dico, cui credam nescio, cum ego Scripturarum signarius, (quæ verba præterijt Zaborouius tanquam contrà se facientia) Sanè hoc multum pro nobis. Nam siquidem diceremus nos rationibus credere, meritò turbaberis: sed cum Scripturas accipimus, & ille simplices sint ac veræ, (Zaborouius pro veræ supposuit faciles, quia id ad suas fraudes faciebat) facile tibi fuerit iudicare. Modum autem iudicandi ex Scripturis Chrysostomus, non facilitatem ad intelligentiam Scripturarum indi-*

Zaborouius cum conuicio negat hæreticos Scripturas suas hæreses confirma-

re.

Non quia abutuntur ijs hæretici Scriptura rejciende.

Afferunt interdum traditiones hæretici sed falsas.

F.

Rursus falsarius Chrysostomus Zabor.

*Exemplum
Chrysostomi
Caluinistas
equè ac Aria
nos à simpli
citate verita
tis abiudicat.*

*Agnominati
onem sortiri
ab ijs qui præ
sunt, Ortho
doxi censet
Chrysostomus
esse iudicium
ut cum Papi
ste Pontificij
Romanenses
appellamur.*

*Zaborouius
idem iungat
vulpes &
mulgeat hir
cos.*

1. Cor. 3. 11.

eat: hanc enim non agnoscit Gentilis imperitus Scripturarum: sed quod Scripturæ sint simplices & veritatem simplicem continent, unde facile poterit etiam Gentilis iudicare, quod qui Scripturæ consentit, est bonus Christianus, qui contra eam pugnat, non est ex hoc Canone. Quod hoc exemplo declarat: Nos enim, inquit, dicimus ex Scripturis Christum esse Deum, dicunt & Ariani, sed nos ita dicimus, ut digna Deo Christo tribuamus potestatem, & quod sit liber, & quod omnia à seipso faciat: illi autem contrarium dicunt. Nam voce tantum Deum vocant, quæ verò Dei propria sunt ei negant. Hinc igitur Gentilis potest iudicare nos Scripturis in simplicitate consentire, & esse veros Christianos, Arrianos verò Scripturas oppugnare, & non esse Christianos veros. Quod etiam exemplum ad nos & Calvinistas accommodari potest. Nam nos illa Christi verba Hoc est Corpus meum, in simplicitate de vera & reali Corporis Christi præsentia accipimus: Calvinistæ verò verborum sensum proprium negant, & improprium confingunt. Iudicio itaque Chrysostomi, quilibet etiam Scripturarum imperitus iudicare deberet, nos esse Christianos veros & secundum Scripturas credere; non item Calvinistas.

Addit & aliud indicium Chrysostomus. Etenim omnes, inquit, hæretici habent quosdā à quibus appellantur, hos verò hæresum suarum autores nominant, Arrium, Marcionem, Manichæum: nobis autem inquit, nullus vir nomen dedit, sed fides ipsa. Quod si & nos, inquit, agnominationem cuiusdam sortimur, sed non ut ab hæreseon principibus, sed ut ab his qui nobis præsumunt & gubernant Ecclesiam, ut Romani Christiani, qui à Romano Pontifice gubernantur. Constantinopolitani qui à Constantinopolitano. Falsò igitur Zaborouius Chrysostomum torquet ad facilitatem Scripturæ, & ex facilitate iudicium de Scripturarum sensu faciendum. Totum enim contrarium hoc loco Chrysostomus docet: sed solum ostendit signa quædam, ex quibus gentilis & Scripturarum imperitus possit dignoscere, nosne an hæretici Scripturas sequamur, & illis consentiamus. quæ duo signa nos quoque ab Evangelicis & Arianis egregie discernunt.

Ridiculè verò defectionem Luteranorum ad Calvinistas excusat Zaborouius, cum in articulis fundamentum concernentibus, utrorumque fidei parem esse rationem docet, nec hos ab illis deficere, sed maiorem aut minorem in rebus medijs illuminationem à Deo consequi. Quid ais Zaboroui? An à Luteranis vos Calvinistæ in re Sacramentaria, in fundamentalibus non dissidetis? num Christus in Sacramento fundamentale quiddam tibi non videtur? cum ipse sit fidei fundamentum. Cum ergo Christum Calviniani ex Sacramento exturbant, nonne fundamentum ipsum fidei subuertunt? Deinde nonne fundamentale censeretur debet, cui annexa est vita æterna? at

Christus

Christus in Sacramento dat nobis vitam æternam cum sit panis vitæ æternæ. Qui igitur Christum e Sacramento tollunt, vitam æternam tollunt. quoniam nescio quid magis fundamentale cogitari potest. Adde si in fundamentalibus non dissidetis, cur ergo vobis inuicem estis hæretici? pleni diabolo? in diabolati, per diabolati, supradiaholati, infatanizati, perfatanizati, suprafatanizati. his enim vos tam nobilibus titulis mutuò exornatis. Nec ulli hæreticorum in mundo tantum inter se dissident, & se horrendis conuitijs onerant, sicut Lutherani Calvinistæ, hi vicissim Lutheranos. Nonne cum vos inuicem orco & diabolo traditis, hoc ipso fundamentaliter in fide dissidere vos ostenditis?

Encomia quibus se Lutherani & Calvinistæ ornant mutuò.

At dic obsecro Zaborou, si quis Scripturæ in aliquo non credat, nonne is crimen lethale infidelitatis admittit? Etenim vti Deus æque verax est, siue magna siue parua loquatur ita æqualem fidem in vtroque genere rerum a nobis meretur, & non minus scelus est Deo mendacij crimen intrare in paruis, atque in magnis. Si igitur vos ita dissidetis, vt permittatis in medijs rebus Deo in Scripturis loquenti non credere, nonne cum salutis certissima iactura dissidetis, ac proinde salutis vestræ fundamentum perditis? Nam cum nobis per calumniam obijcis, etiam si quis processionem Spiritus S. a Filio neget, modo Pontificem Romanum pro capite visibilis Ecclesiæ habere velit, illum in gremium Ecclesiæ a nobis recipi, vti receptos esse Ruthenos asseris: mendacij te coarguent illi ipsi Rutheni, quos receptos ea ratione dicis. Proferent enim literas vnionis, quibus Spiritum sanctum per Filium (quod pro eodem semper habitum est, quod a Filio procedere) agnoscunt.

Deo in omnibus credendum.

Rutheni in gremium Ecclesiæ recepti non sine Orthodoxa de Spiritus sancti processione fide.

Deinde cum negas hos ad illos deficere, sed illuminari magis: Dic obsecro, an Lutherani illuminationem illam diuinam credant, qua Calvinistæ non esse verum & reale Corpus Christi in Sacramento affirmant? Si ita est, cur ergo hanc illuminationem respuunt, & non efficiuntur illico Calvinistæ. Si vero tenebras Cimerias non illuminationem esse credant, non igitur ob illuminationem maiorem dici possunt, eorum quidam ad Calvinistas transire, sed ex tenebris potius in maiores tenebras præcipitari.

Quæ societas luci ad tenebras.

2. Cor. 6. 15.

Adhæc nonne Calvinistæ cum in castris Lutheranorum essent, iactabant se ex puro verbo Dei & Scripturarum collatione illuminatos certissima fide credere veritatem Corporis Christi in Eucharistia; qui tamen iidem postquam ad castra Caluini transierunt, iterum contrarium lumen ex contraria collectione Scripturarum dicunt se a Deo obtinuisse. Quando igitur credendum illis erat suum lumen iactantibus, an cum essent Lutherani, vel postquam facti sunt Calviniani? Ab hac difficultate cum te expedire non possis, ais non quamuis collationem Scripturarum sufficere, sed quæ fiat Spiritu sancto in

Varium & mutabile semper hæresis.

ipsa sibi fide derogat.

vel cum maxime sibi pia videtur.

auxilium inuocato ab animo candido, sincero, pio, veritatis studio. Ac non vides, idem omnes hæreticos de se testari; neque tamen omnes verè illuminantur, aut Scripturas rectè conferunt. Idem etiam dicebant Calviniani cum in schola Luteri essent, & tamen nunc contrarium asserunt, nempe se tunc illuminatos non fuisse: & quæ hic falsa credebant, nunc contraria illuminatione verè esse credere. Quis has vestras illuminationes tam secum pugnantes non rideat? quis eas esse proprias hæreticorum illusiones non manibus palpet? Vnum de duobus esse necesse est, aut omnes hæreticos rectè Scripturam interpretari, aut hanc regulam collationis Scripturarum precibus ad Spiritum sanctum factam, irritam esse: quippe quæ omnes quotquot fuerunt, hæreticos in errores impulsos contineat, etiamsi omnes inuocato Deo, & pio vti existimabant animo Scripturas conferrent.

C A P V T XVII.

Solam Scripturam iudicem omnium controuersiarum absurdè constituunt Euangelici.

Cum Scripturam iudicem appellant non controuersiarum diiudicationem, sed opinionum suarum aduersarij latibulis querunt. quas opinariotes Spiritus S. in Scripturis loquenti assignant.

AGerrime fert Zaboronius, a me dici falsum esse illud Pronunciatum, quod asserunt Scripturam esse iudicem omnium controuersiarum, esseque ex se clarissimam & omnes dubitationes tollere; atque probrum id in ipsum Spiritum sanctum in Scripturis loquentem a me torqueri, & illum summum iudicem controuersiarum negari. Non est id probrum in Spiritum sanctum Zaboroui, sed in vestras falsas visiones: vobis enim videtur Spiritus sanctus loqui quod non loquitur, sed a vobis loqui fingitur: & cum sæpe pugnantia loqui illum faciatis, dicitis nihilominus Spiritum sanctum hæc omnia loquutum, vt exemplo Calvinistarum pauloante docui: qui cum in schola Luteri essent, dicebant Spiritum sanctum loquutum id, cuius postea oppositum in schola Caluini aiunt eundem in Scripturis locutum. Si igitur certum sit aliquid in Scripturis Spiritum S. locutum esse, Spiritum S. in Scripturis loquentem libenter & reuerenter audimus: at vobis solum asserentibus Spiritum S. hoc vel illud locutum, neque credimus nec credere possumus, cum enim in Scripturis de earum & Spiritus S. sensu disputatur; si solum opinione agatur interpretantiū hoc vel illo modo Scripturas, & pro suo arbitrio affirmantium vel negantium Spiritum S. hoc vel illud esse in Scripturis locutum; non potest tunc pro certo statui Spiritum S. loqui, aut hoc vel illud esse Spiritus sancti decretum. Nam neque vllius iudicis ten-

eis sententia, de cuius sensu in vtramque partem dubitatur, pro sententia & decreto habenda est, donec de ipsius sensu constet; neque momenti quidquam habet ad aliquid in vtravitis partem definiendum. ex incertis enim, certum quid concludi non potest. Quare cum vos Euangelici ex vestro capite Spiritum sanctum loqui hoc vel illud in Scripturis alleratis, nos vestram sententiam negando, non Spiritui S. iniuriam facimus, sed vos falsi arguimus, quod Spiritum sanctum vestra opinione fingitis loqui id quod ipse non loquitur. Alioqui si vobis non patiemini ab Arrianis id obijci, neque vos Arrianis idem obijcere poteritis. Ita enim Arrianis videtur Spiritus sanctus loqui in Scripturis contra vos, sicut vobis videtur loqui contra ipsos. Falsum igitur est illud pronunciatum vestrum, solam Scripturam seu Spiritum S. ut solum in Scripturis loquitur, esse omnium controuersiarum iudicem. Nam neque Scriptura sola, nec Spiritus S. per solam Scripturam, omnes controuersias dissoluit; tum quia non semper quid Spiritus S. in Scripturis loquitur constat: tum quia hanc ipsam controuersiam, an videlicet hoc vel contrario sensu tam Scriptura quam Spiritus sanctus in Scriptura loquens intelligi debeat, nec Scriptura, nec Spiritus sanctus per Scripturam dissoluit, cum vtrumque sit incertum. & nisi aliunde ea controuersia componatur, solis Scripturis nunquam dubitationi finis imponetur. Ex Scripturis enim quas incertum est, eone vel contrario sensu accipiendæ sint, nihil certi deduci potest. Hoc igitur esto primum pro nostra sententia, & contra aduersarios argumentum, ad rationem enim iudicis spectat, certam & indubitatam sententiam proferre, quam vtraque pars audiat, & non ambigat de ipsius sensu, alioqui ex incerto nihil certi stabiliri posset.

Atqui cum Scripturarum sensus est dubius, & in vtramque partem trahitur, non fert Scriptura certam & indubitatam sententiam: siquidem de sensu ipsius non constat. Non potest igitur Scriptura sola haberi in tali casu pro iudice controuersiarum. Quod argumentum ita euidentius est, ut in ciuilibus nemo nisi stolidus & mentis inops, sententiam iudicis dubiam pro vera sententia habeat, cum ex ea nulla certitudo haberi, nec finis controuersiae imponi possit, quanto magis in rebus Theologicis & ad salutem spectantibus.

Nam cum ait Zaboronius Apostolos in Concilio Hierosolymitano illius grauissimæ controuersiae de Circumcisione Spiritum S. iudicem agnouisse, adductis ex sacra Scriptura multis testimonijs. Primum non aduertit Apostolos habuisse Spiritum S. non solum per Scripturas loquentem, sed etiam speciali ratione sibi assistentem, & mentes ipsorum in intelligendis & exponendis Scripturis illuminantem ac dirigentem, ita ut tam in

Scripturarum

proinde non Spiritui S. sit iniuria, sed fraus illorum conuincitur.

Cum index queritur quæ partem vtrâque audiat & minime ambigam proferat sententiam.

qualis Scriptura esse non potest.

id. constat vel ex rebus ciuilibus.

Apostoli Circumcisionis controuersiam in Conc. Hierosolymitano non ex Scri-

*pturis, sed ex
peculiari Spi-
ritus S. assi-
stentia defi-
nierunt.*

*Bisariam no-
bis Spiritus
S. loquitur.*

*1. ipso mune-
re Scripturae.*

*2. dono inter-
pretationis
eiusdem Scri-
pturae.*

*posteriori hoc
modo, ut In-
dex loquitur
in sententia:
priori, ut le-
gielator in le-
ge.*

Scripturarum interpretatione, quam in aliarum veritatum ex seipsis dedu-
ctione errare non potuerint. Quid mirum igitur illos Spiritum S. pro suo
iudice agnouisse: quem sibi assistentem & Scripturas exponentem habebant.
At hoc priuilegium ad priuatas personas extendere, non licet. nullus enim
priuatus illa speciali ratione habet assistentem Spiritum S. ut in exponendis
vel intelligendis Scripturis errare non possit. Perperam igitur Apostolorum
exemplū vrget. Deinde & illud falsum est, Apostolos tunc multa Scripturarū
testimonia produxisse, solum enim vnum produxit Iacobus ex Amos Prophe-
ta, in quo solum de conuersione gentium ad Deum agitur nulla de Circum-
cisione & alijs ritibus abolendis, de quibus tunc agebatur, facta mentione. Ta-
le etiam decretum, quale tunc Apostoli fecerunt, non inuenitur in Scriptu-
ris, nempe quod gentes conuersae debebant abstinere ab immolatis, simila-
crorum, a sanguine & suffocato: non igitur ex Scriptura praecise, sed ex pe-
culiari assistentia Spiritus sancti fecerunt hoc decretum. Porro notandum
est, Spiritum S. dupliciter nobis loqui. Primo, per Scripturam solam. &
tunc locutio Spiritus sancti sunt ipsae Scripturae per quas nobis loquitur. Se-
cundo, per internam illustrationem & directionem; & haec locutio Spiritus
S. est distincta a Scripturis, per eam enim interpretatur nobis Scriptu-
ras, & docet quomodo intelligi a nobis debeant. Hoc verò modo Spiritum
S. loquentem per illuminationem & directionem internam non omnes ha-
bent, sed quibus datum est. *Nunquid enim omnes interpretantur? nunquid
omnes Apostoli? nunquid omnes Doctores?* 1. Cor. 12. 29. Promissus quidem
est Spiritus sanctus docens omnem veritatem, sed Ecclesiae: non singulis ac
priuatis fidelibus; vnde per Ecclesiam nobis interpretatur Scripturas, & nos
illuminat, neque quisquam qui Ecclesiam docentem & vnam consentem
exponentem contempserit sperare iure potest, se illuminatum iri a Spi-
ritu S. Deus enim per ordinaria media a se instituta nos gubernat, nec lu-
men suum in Scripturis intelligendis ordinarie concedit, nisi ijs, qui sensum
& interpretationem Ecclesiae sequuntur. Hoc igitur secundo modo Spiritus
S. merito dici debet iudex controuersiarum, quia exponit speciali illustra-
tione vel directione Scripturas: sicut cum iudex civilis sententiam quam tu-
lit dubiam interpretatur. Primo verò modo non potest dici controuersia-
rum iudex, tunc enim nihil aliud nobis loquitur quam Scriptura: at Scri-
ptura non profert claram sententiam de suo sensu, de quo est dubium. Ergo
nec Spiritus sanctus in sola Scriptura loquens. verba enim Spiritus sancti tunc
non sunt alia, quam verba Scripturae. Et sane si Scriptura de suo sensu cla-
re loqueretur Calvinistis & Luteranis dissidentibus: audiretur utique haec
Scripturae vox a partibus litigantibus. Atqui non auditur: nam utraque pars
dicat

dicat Scripturam pro se loqui, cum tamen contraria simul loqui non possit. Non igitur Scriptura de suo sensu quidquam loquitur, neq; fert sententiam, sed permittit se trahi & exponi secundum cuiusq; arbitrium. Et sane in Scriptura Spiritus S. ita loquitur sicut legislator in lege, at cum lex est dubia in utramque partem, legislator si verbis tantum legis loquatur, non censetur interpretari legem. ergo nec Spiritus S. si verbis tantum Scripturæ loquatur, censetur interpretari Scripturam.

Alterum pro nostra sententia argumentum ex obscuritate Scripturæ sumitur. Etenim iudex in eo in quo est iudex, claram, non obscuram sententiam profert, ut ab utraque parte litigante intelligatur hoc, & non aliud decernat Iudice. Atqui constat Scripturam in pluribus locis obscuram esse ita ut non constet hunc vel alium ipsius sensum esse. Non potest igitur in tali controuersia statui pro iudice. Ait Zaborouius, Scripturam clarissimam & facillimam esse; verum si ita est, unde tantæ tenebræ, contentiones, interpretationes, errores circa sensum Scripturæ? Nam quod ait non ex Scriptura, sed ex ignoratione Scripturarum, & non legitima collatione earum: primum in hac re contradicit Petro. 2. Petri. 3. ubi ait multa in Epistolis Pauli esse difficilia intellectu. igitur ex difficultate etiam ipsa Scripturarum & obscuritate hæ tenebræ (saltem ex parte) oriuntur. Id enim quod est ex se difficile, obscuritatem parit, & tenebras, quatenus difficile est. Secundo. Ipsa ignorantia scripturarum, & collatio illegitima, ex obscuritate & difficultate scripturarum nascitur. Cur enim de clarissimis rebus in scriptura nullæ sunt controuersiæ, nullæ contentiones? nisi quia scripturæ illæ sunt claræ, de alijs autem quæ sunt difficiliores, tot sunt controuersiæ, non nisi ob earum difficultatem & obscuritatem. Non igitur omnes Scripturæ per se clarissimæ sunt; ab omnibus enim viderentur, & intelligerentur, iisdem oculis quibus aliæ per se claræ videntur. Nam quod ait Zaborouius aliquos præiudicatas opiniones afferre, nec Deum ardentè precari; hoc ipsum indicat potius Scripturas difficiles & obscuras esse. Nam quantumuis præiudicatam opinionem de niue atra habeam, si tamen in conspectum niuis venero ob rei claritatem, depono omnem illam præiudicatam opinionem. Hoc igitur modo quilibet accedens ad Scripturas cum præiudicatis opinionibus ob claritatem Scripturarum, illicò eas deponeret. Cum igitur non deponat, signum est Scripturas eam claritatem non habere, quæ ad præiudicatas tenebras discutiendas satis sit. Similiter si ardentè Deus precandus est, ut Scripturæ intelligantur: non sunt igitur Scripturæ per se faciles & claræ; ad res enim per se claras & faciles intelligendas, non est opus tam ardentè Deum precari, sed ad eas tantum in quibus est difficultas, diuinum auxilium inopamus.

*Scriptura
obscuritas fa-
cit ut iudex
esse nequeat.*

1.
*ipsam Scripturam
testis.*

2.
*Testes tot de
sensu Scriptu-
re controuer-
sia.*

3.
*Si preces, si
animi, præ-
iudicijs va-
cuis afferen-
dus; non igitur
clara Scri-
ptura.*

Cum ait Zaboronius solis prædestinatis facere adyta Scripturæ, se ipsum euerit & probat arduum esse ad eam accessum. **camus.** Cum verò addit Deum non nisi illis Scripturarum adyta patefacere, quos præordinavit ad vitam æternam, seipsum euerit. nos enim vti scire non possumus, Euāgelicos esse præordinatos ad vitam æternā: ita nec an Scripturarum adyta illis patefacta sunt: nam quod credunt ipsi de seipsis, & temere credunt, cum nulla sit illis hac de re particularis facta reuelatio: & falso credunt, nam quum ex Luteranis sunt Calvinista, ex his Ariani vel Athei-
sta, illa Scripturarum adyta, quæ prius sibi patefacta credebant, tanquam præordinatis ad vitam æternam, postea in Calvinismo vel Arianismo damnant. Quod verò Evangelici obijciunt Ariani, de illegitima collatione Scripturæ de ardentibus precibus, de obstinatione, & excacatione, eadem omnia obijciunt Ariani Evangelicis, eodem iure, iisdem argumentis; aque enim hi ac illi propria opinione & iudicio de Scripturis decernunt, & eam quam quisque putat pietatem ad legendas Scripturas afferunt. Lumen quidem est Scriptura

Scriptura indiget explicatione, ergo difficilis. **4.** suæ menti applicata & cognita; at ante explicationem Scriptura difficilis est & obscura, post explicationem euadit clara & lucida. Nam Eunuchus *Act. 8. 31.* legens pio animo Scripturas sine interprete illas non videbat. *Quomodo, inquit, possum, si non aliquis ostenderit mihi?* Et discipulis euntibus in

5. **Quorsum tot in eam commentarij Patrum?** Emaus Christus ipse *aperuit sensum ut intelligerent Scripturas. Luc. 24. 27.* & Petrus ipse agnoscit in epistolis Pauli multa esse difficilia intellectu. Denique indicant id tot labores Sanctorum Patrum in explicandis difficillimis Scripturæ locis, quos pio animo & precibus accessisse ad interpretandas Scripturas nemo dubitare potest. Non igitur dici potest Scripturas difficiles, esse lumen antequam exponantur, sed solum postquam fuerint exposita incipiunt nobis esse lumen. ineptaque est illa similitudo Zaboronij dum ait: ut Sol in se est Sol, licet ipsius lumen cæci non videant; ita Scriptura in se est

Cur difficiles Scripturæ ac proinde male a Zaboronio soli comparantur. lumen, quamuis ad ipsius claritatem oculis vestris vltro velum injiciatis; ineptè, inquam, id dicitur. Nam Sol ex se est clarus & lucidus, & ideo si non videatur, ob cæcitatem non videtur. at Scripturas ostendimus pluribus rebus ex se non esse claras sed difficiles & obscuras, vel ob rerum altitudinem, ut eæ quæ altissima mysteria Trinitatis, Incarnationis, Eucharistiæ, Prædestinationis, Iustificationis, carnis Resurrectionis continent: vel ob sensum multiplicem literalem, allegoricum, anagogicum, moralem; vel ob modum parabolicum, & similitudinarium, vti in Parabolis & vaticinijs Prophetarum, in quibus per obscuras similitudines arcana quædam mysteria significantur, quorum explicatio a solius ferè Dei reuelatione dependet; ut vel in vnicò libro Apocalipsis, cuius sensus hactenus ferè incognitus est, apparet. Non igitur Scripturæ ex se sunt claræ & lucidæ, sed post explicationem fiunt nobis lumen, & lucerna pedibus nostris. Sic enim & Apostolis, & duobus

& duobus euntibus in Emaus, & Etnuchō, facta sunt lumen, explicatione interueniente. & sic *præceptum Domini*, dicitur *lucidum*, illuminans oculos *Psal. 18.* quia postquam cognitum est, & illuminat oculos, ad ambulandum in via Dei, & *Psal. 118. Lucerna pedibus meis verbum tuum Domine.* Quamquam quod de obscuritate & difficultate Scripturarum dicimus, non ad omnia omnino loca Scripturarum id referimus. Scimus enim multa quæ ad mores spectant esse clarissima in Scripturis, & hæc dicuntur lumen pedibus nostris. Porro explicatio Scripturarum non a priuata collatione præcipue petenda est, sed ab Ecclesia eiusque sensu, hoc enim iacto fundamento, vtilissima est collatio Scripturarum, alioqui periculi plena. Allegat Zaborouius Patrum testimonia de claritate Scripturarum, at non allegat eorundem testimonia de obscuritate & difficultate. in quibusdam enim volunt eas esse claras, in alijs vero obscuras & difficiles intellectu.

Tandem vi veritatis pressus, concedit aliquos locos obscuriores in Scriptura, sed ait ex Augustino 2. de Doctrina Christiana cap. 9. & 6. in ijs quæ aperte in Scriptura posita sunt, inueniuntur omnia quæ continent fidem moresq; viuendi. Et ex illis obscuritatibus nihil fere eruitur, quod non planissime dictum alibi reperiatur. At Augustinus addit ferè, vt non vniuersè dictum ipsius accipiat. Et ipsemer Augustinus Epistola 119. ait, multò plura se nescire in Scriptura, quàm scire; & quod vni clarum videtur in Scriptura, alteri obscurum. Dic obsecro Zaboroui ex multis vnum, in qua Scriptura clare legis viua voce proferenda illa verba in Baptismo: *Ego te baptizo in nomine Patris & Filij & Spiritus sancti.* & tamen non prolatis hisce verbis Baptismum esse inualidum omnes fatemur. Similia sunt illa quæ ex sola traditione Apostolica haberi supra docuimus. Neutrum igitur vniuersè verum est, nec quod in ijs, quæ aperte in Scriptura posita sunt, omnia ad fidem & mores spectantia contineantur, nec quod quæcunq; in alio loco obscure dicta sunt, in alio clare exposita habeantur. Alioqui si est ista tanta claritas, cur Lutherani & Calvinistæ controuertendi & contendendi finem non faciunt claritate Scripturarum conuicti? Fingitur ergo ista claritas, re autem vera est obscuritas maxima, quàm exempla ipsa passim loquuntur, quod enim vni videtur clarum, alij est obscurum.

Ingenitè verò fateri se ait Zaborouius, quod Scripturæ claritatem ita agnoscat, vt donum interpretationis non aspernetur. Quæ ingenuitas iugulat plane causam Zaborouij. Nam si Scriptura per se clara esset, dono interpretationis non egeret, aut certè singuli donum interpretandi haberent. Quis enim interpretatione egeat in rebus per se clarijs & manifestis, aut si interpretatione opus sit, cuiuslibet & obuium est res per se claras interpretari. Quomodo igitur

Zaborouius
dat manus
veritari vel
inuius.

6.
Quorsum &
interpretati-
onis donum
quod Zabo-
rouius inge-

nudè se agnos-
cere ait.

*Stolidus Cen-
sor Zabor sua
se suosq; vir-
gula verberat*

*Scriptura lo-
quitur nō vt
iudex, sed vt
lex. ac proin-
de locutio ei
περὸν
distribuitur
vifigno locu-
tionis.*

*quare ubi
claritate non
conuincit, ta-
cet.*

*Quis vidit
XII. tabulas*

do igitur verum est quod Paulus ait, 1. Corinth. 12. *Nunquid omnes interpreta-
ntur? Nunquid omnes Doctores?* Hoc vero esto tertium pro nostra sen-
tentia, & contra aduersarios argumentum. Quod autem asserui absurdum
esse, & ab omni ratione alienum, mutum iudicem constitutere, qui nihil lo-
quens sententiam ferat, & qui partibus litigantibus potestatem ad libitum,
decernendi in vtramq; partem tribuat: in ea re me blasphemum esse, ait sto-
lida satis in tanta re censura. Etenim si blasphemia est, non nostra est, sed ip-
sorum: non enim ex assertione nostra, sed ex opinione illorum sequitur. Ip-
si enim Scripturam cum in eo in quo nihil loquitur iudicem esse notant, iu-
dicem mutum constituunt. Anne inquit verbum Dei & Spiritus S. in eodē
verbo loquens tibi iudex mutus?

Respondeo. Etenim quamuis Scriptura dum determinatē & clarē aliquid
loquitur, non sit iudex mutus, tamen dum est difficilis & ambigua, nec in
hanc, nec in illam partem determinatē quidquam pronunciat, quis non vi-
det in tali casu, nec Scripturam, nec Spiritum S. per Scripturam quidquam
loqui? si igitur in tali casu statuatur Scriptura pro iudice, vti statuatur ab ad-
uersarijs, an non pro iudice muto statuatur? quo nihil absurdius, *vinus est*,
inquit, *sermo Domini*, mutus non est, sed loquitur, non quidem vt homo,
sed vt lex. *Est Moyses qui vos accusat. Ioan. 5. 45. Num lex vestra condemnat
quenquam. Ioannis 5. 57. Alia Scriptura dicit Ioannis. 19. 37. Lex ijs loqui-
tur qui sunt in lege Roman. 3. 19.* verum ista omnia probant quidem impro-
prie & metaphoricē Scripturæ locutionem tribui, tanquam signo veræ
vocis & locutionis: tamen id tunc solum verum est, quando Scriptura
certē & determinatē aliquid exprimit, tum enim certum aliquid pronun-
tiat, at cum est difficilis & ambigua, nihil determinatē in vtravīs partem
significat, nihil igitur tunc loquitur, ac proinde iudex non loquens, sed mu-
tus statuatur ab aduersarijs, & permittit partibus litigantibus, hoc est omni-
bus hæreticis potestatem ad libitum loquendi, quia nihil ex se determinatē
exprimit pro vtravīs parte. Neque tunc obstruit ora hæreticis, vt ait Zab oro-
uius, sed aperit & laxat. Quamuis enim vni parti videtur ob collationem
cum alijs Scripturis vnum loqui, tamen alteri parti ob aliam collationem
non videtur id loqui; neque Scriptura in tali casu se interponit, & dicit
hanc collationem esse bonam, illam non bonam, & hunc esse suum sensum
non illum, sed id opinionibus relinquit. Quocirca in tali casu fingitur vel
putatur Scriptura loqui secundum opinionem cuiusq; partis, ipsa tamen se-
cundum se reuera non loquitur, sed tacet, cum ex se sit ambigua & obscura.
Absurditatem verò huius rei, exemplo politico declaravi. Si enim in Rep:
lex vel statutum poneretur pro tribunali absq; alio iudice, & partes litigan-
tes ad:

tes ad suā sententiā legem explicando pertraherent. quistale iudicium non rideret? neque enim vnquam finis litium & contentionum esset; semper enim partes persisterent in suis rationibus & interpretationibus, & nunquā litigandi finem facerent. Nullaq; fuit vnquam Respublica, tam imprudenter constituta, vt legem solam scriptam, absque alia viua voce pro iudice controuersiarum haberet. Lex enim scripta nisi interponatur viuæ vocis oraculum; per seipsam litigantes componere nunquam potest: vti experientia ipsa continuo docet. Postquam enim partes legem ad suos sensus traxerint, non acquiescunt. sed expectant à iudice viuæ vocis decretum, quo decernatur hoc secundum legem esse, illud minime, & sic finis litibus imponitur. Soli Evangelici in mundo tam stultū tribunal constituunt, in quo solam scripturam sine viuæ vocis iudice determinante controuersias partium collocat quod tantò absurdius est, quanto maius est rerum salutis quā aliarum rerum detrimentum. Ad id cum Zaborouius respondere directè nesciret, extra propositum respondet; in omni, inquit, Respublica bene constituta, non principis priuatum arbitrium, sed ipsa lex est supremus iudex, secundum quam princeps iudicare tenetur. Quid hoc ad rem? anne nos talem iudicem requirimus, qui legem contemnat & euertat? & pro lege suo arbitrio priuato vtatur? Non hoc dicimus Zaboroui, sed viuum iudicem requirimus, qui legem defendat, & à prauis interpretationibus tueatur: qui secundum legem iudicet, & lites quas sola lex dirimere non potest, sua interpretatione & sententia tandem diiudicet & dirimat; legem verò quæ sola absq; alio iudice omnium controuersiarum sit iudex, mutum & mortuum iudicem dicimus esse. Proferat igitur Zaborouius in aliqua rectè constituta Rep. solam legem scriptam absque vllò viuæ vocis iudice, esse pro summo iudice habitā & euincet. nam legem vnā cum iudice viua voce legem interpretante, & dubia circa illam orta declarante & definiente, facile concedemus esse supremum iudicem, quia tunc non sola lex, sed & legis interpretis est iudex.

ius dicere pro tribunali?

Lex supremus iudex sed mortuus.

Princeps lex animata.

At, inquit, si Præsides Ecclesiæ debent iudicare secundum legem Dei & Scripturā, ipsa igitur Scriptura est supremus iudex. Ita enim Deus *Deut. 17. 10.* ait; *Esauies quodcumq; dixerint, qui præsunt loco, quem elegit Dominus, & docuerint te iuxta legem eius.* Sed respondeo. id secundum quod Præsides iudicare debent, est suprema norma iudicandi, non supremus iudex. Quia lex secundum seipsam non est iudex propriè loquendo, sed norma iudicij, secundum quam iudex iudicare debet. Quare & in rebus fidei norma suprema secundum quam Præsides Ecclesiæ iudicare debent, est verbum Dei siue scriptum siue traditum, non autem sola Scriptura: ipsi verò Præsides sunt veri iudices, quia præsunt id in iudicio, quod sola Scri-

Propriè ergo lex, non iudex sed norma iudicandi.

putura præstare non potest. Nam duæ sunt partes iudicis, cognoscere controuersias partium, & per sententiam definitiuam eas dirimere. Neutrum præstat Scriptura præsertim tunc, cum in varios sensus à varijs trahitur, ipsa pro se non agente nec respondente. Debet igitur dari distinctus à Scriptura iudex, qui Scripturam pro autoritate diuinitus sibi concessa interpreteatur, & secundum eam interpretationem, sententiam ferat contra litigantes, ita ut eius iudicio vtraque pars stare & subijci debeat.

CAPUT XVIII.

Romanum Pontificem Petri successorem esse iure Diuino supremum in rebus fidei controuersiarum iudicem, aduersus cauillationes Zabor: ostenditur.

Cum Scriptura per seipsam controuersiarum iudex esse non possit, sequitur necessarium esse viuum iudicem, qui & controuersias partium circa res fidei cognoscat, & eas sententia lata definiat ac dirimat. Hic porro iudex non priuatus aliquis esse debet, quantumuis multa doctrina & eruditione polleat; non enim doctrinæ, sed Spiritus S. assistentis & dirigentis hoc opus est. Neque cuius præsidii Ecclesiæ id conuenit, sed soli supremo præsidii, qui toti etiam Ecclesiæ præest. Etenim ut negotia & lites, quæ particulares personas concernunt, ad particulares iudices spectant: quæ verò vniuersam Rempub: aut regnum concernunt, non ad inferius aliquod tribunal, sed ad supremum hoc est Regium spectant: ita in Ecclesia lites & controuersie circa fidem, cum vniuersam Ecclesiam afficiant, ad supremum Ecclesiæ Præsidentem qui est Romanus Pontifex, & Petri successor, pertinent. Id quod tam ex institutione Diuina, quam ex usu & praxi perpetua Ecclesiæ, quæ est Diuinæ legis & institutionis optimus interpres, perspicuum est. Institutio Christi clarissima extat in illis verbis, quibus Petrum firmissimam & insuperabilem petram Ecclesiæ suæ perpetuis temporibus instituit, quod etiam ad successores ipsius pertinere supra abunde ostensum est. Neque enim verendum est, ne sumus Pontifex ut homo errare in tali iudicio possit, non enim humano solum præsidio, sed præcipue Diuino, tale iudicium exerceat assistente sibi Spiritu veritatis Ecclesiæ à Christo promisso, propter quam assistentiam est vti petra firmissima, quæ ad errorem defleci nullo modo possit. Na m

Tribunal Ecclesiæ non humanum, sed Spiritus S. opus.

Institutum à Christo.

non obnoxium errori.

fit. Nam & Apostoli homines erant, at gratia Spiritus sancti confirmati erare non poterant. Hanc quoque institutionem Christi perpetuus quoq; vsus Ecclesiæ comprobauit. Totis enim his sexdecim seculis, nullæ hæreses ab Ecclesiâ condemnatæ sunt nisi per Romanum Pontificem, vti & historiæ omnes loquuntur, & deducit Bellarminus *libro 3. de verbo Dei. cap. 6.* Semper enim errores, qui in quacunq; mundi parte oriebantur ad iudicium Romani Pontificis deferrebantur, qui Concilia in eum finem & indicebat, & postea confirmabat, vt vel ex Hieronymo *in epistola ad Damasum*, & Augustino *in Epist. ad Innocentium*, & Innocentio *in Epist. ad Patres Concilij Carthaginensis*, qui controuersias sui temporis iudicio Romani Pontificis definiri postulabant, manifestum est. Sane prima controuersia in Ecclesiâ de legalium obligatione non ad Scripturas amandata, sed iudicio Petri & Apostolorum decisa fuit. nullum enim Scripturam Petrus pro sua protulit sententia. Iacobus verò protulit quidem Scripturam de vocatione gentium ad fidem: sed in ea Scriptura decretum illud de abstinendo à sanguine & suffocato non continebatur. Vnde in suo decreto nec Spiritum sanctum in Scripturisloquentem protulerunt, sed absolute dixerunt. Visum est Spiritui S. & nobis, quia Spiritus sanctus assistens illis in omnibus, per eos loquebatur, ita vt decretum eorum fuerit Spiritus S. decretum, neque solum acquiescere se Spiritui S. in Scriptura decreto significabant, vt exponit Zaboruius, sed ipsi (conquisitione facta) decretum condiderunt, quot quia ex directione Spiritus sancti certo esse credebant, dixerunt: *visum est Spiritui sancto & nobis.*

Secundam controuersiam secundo seculo de celebrando Paschate die Dominico contra Quartadecimanos definiuit Victor Papa, ita vt & omnes Ecclesias Asiæ ob eum errorem excommunicauerit, & postea in Ecclesiâ Quartadecimani pro hæreticis fuerint habiti, de qua re Eusebius *5. hist. c. 23.* Augustinus *heresi 29.* Errorem de rebaptizandis ijs qui apud hæreticos baptizati essent, damnavit Stephanus Papa. Cumque Cyprianus cum suo Concilio plurimorum Episcoporum sententiæ Papæ resisteret, ab vniuersa Ecclesiâ in eo puncto reprobatus fuit, etiam ab Augustino, à quo in alijs omnibus miris laudibus celebratur. Sequuntur aliæ hæreses in sexdecim generalibus Concilijs damnatæ à summis Pontificibus, qui omnia illa Concilia cogimandarunt, & eadem confirmarunt, quod vel ipsi Tomi Conciliorum testantur. Talpa igitur cæciorem esse oportet, eum qui non videt Ecclesiâ vniuersâ omnibus seculis vsu ipso declarasse, quis secundum Christi institutionem sit esseq; debeat supremus iudex controuersiarum in rebus fidei. Solius enim Romani Pontificis iudicio, omnes in Ecclesiâ controuersiæ diremptæ & composita sunt, hæreses condemnatæ, veritas stabilita. Cui iudicio tota Ecclesiâ

Totis XVI seculis flectit.

Primus ex eo Petri 9, prima diremit controuersiam.

Forma decreti.

Secundam seculo de die Paschatis. Victor P. & ita ceteri ceteras.

De Notis Ministrorum

ta Ecclesia obsequens fuit, nec alium vnquam iudicem requisit; & si qui aliquando pertinaciter refragarentur, pro reprobis vel hæreticis sunt ab Ecclesia habiti.

*Pontifices
non Scriptu-
rarum, sed
humanarum
de Scripturis
opinionum
sunt iudices.*

Quid verò contra hæc tam manifesta & totius orbis testimonijs confirmata Zaborouius? Ait nos hominem iudicem Scripturarum statuere, nos autem manifestam hanc calumniam repellimus dicendo: non Scripturarum sed controuersiarum ex Scriptura, vel circa Scripturarum sensum ortarum nos iudicem statuere, quod nihil aliud est, quàm humanarum de Scripturis opinionum esse iudicem. Nam eorum quæ Scriptura manifeste loquitur Pontifex se iudicem non agnoscit, sed totum se earum authoritati subijcit. Neque in dubium vnquam reuocat; an quòd Scripturis certo continetur sit verum, sed semper veneratur vt verum. Non igitur Scripturas secundum se iudicat, quia veritatem Scripturarum in dubium non reuocat. Sed quæ homines de Scripturarum sensu suis priuatis opinionibus comminiscuntur, ea diiudicat, & sua sententia vel esse conformia Scripturis declarat, vel tanquam cum Scripturis pugnantia condemnat. Nullum igitur Scripturarum authoritati, suo iudicio præiudicium facit, sed potius pro Scripturis pugnat, ne falsis & commentitijs interpretationibus contaminentur. At, inquit, Papam ci in Concilio Tridentino apocryphos Scripturæ libros inter Canonicos retulit, Scripturarum iudicem se fecisse. Verùm duplex hic est lapsus Zaborouij. Alter. quòd putet in Concilio Tridentino, primum libros quos ipse vocat apocryphos in Canonem relatos esse. idem enim Canon Scripturarum & in Concilio Florentino fuit, & Gelasij Papæ ac Innocentij temporibus, quem etiam Augustinus lib: 2. de Doctrina Christiana cap: 6 recenset. Alter lapsus est vel potius calumnia, quòd putet Concilium ex apocryphis Canonicos libros fecisse, cum id falsissimum sit. Declarauit enim Concilium eos libros semper Canonicos fuisse: licet non semper fuerint pro Canonicis ab omnibus agniti. Non enim potest facere Ecclesia librum Canonicum qui non sit Canonicus, sed potest declarare esse Canonicum, qui non ab omnibus putatur esse Canonicus. Tunc verò non de Scripturis propriè iudicat, sed de opinionibus circa earum notitiam & certitudinem, hominumq; erroneas de aliquibus libris opiniones, qui cum verè Canonici sint, ab ijs tamen apocryphi censentur, condemnat; Scripturam verò veneratur.

*Zaborouius
sua probra
ijs imponit.*

Facitis, inquit, Papam Scripturæ iudicem, qui iudicia vestra pessima de Sacro Dei verbo approbat, nempe Scripturam esse gladium Delphicum, Nasum cereum &c. Verùm odio exæcatus, nec quid loquatur, nec quid eum loqui oporteat intelligit. Nam si hæc iudicia de Scriptura pessima sunt, non nostra, sed vestra sunt; quia non ex nostra, sed ex vestra assertione sequuntur.

quuntur. Dicam clarius. Dicunt Catholici, ex vestra secundum cuiusque opinionem interpretandi Scripturam licentia sequi, Scripturam esse nulum cereum, gladium Delphicum, librum hæreticorum, quia quocunque vultis illam trahitis. Primum igitur in hoc errat Zaborouius, quod sua absurda nobis imputat. Deinde quod omnia quæ in scriptis Catholicorum reperiuntur, censet approbari à Papa, cum ea priuatorum autorum propria sint, nec ad Papæ iudicium vnquam delata. Sed licet Zaborouio quid pro quo loqui, cum solidis rationibus destituitur. Similiter cum producere in medium conatur aliquas ineptas & ridiculas, vt ait, Canonistarum Scripturæ interpretationes, seipsum ineptum omnibusq; ridendum propinat; similitudines enim ex Scripturis petitas vocat, Scripturarum interpretationes, vti cum in capite *Solita de Maioritate*, ex similitudine duorum luminarium à Deo in cælo conditorum, declarantur duæ primæ dignitates in Ecclesia, Spiritualis nimirum & temporalis, Papæ & Imperatoris: vbi non locus Geneseos exponitur, sed simile quid in Ecclesia à Deo factum docetur. Sed piget in talibus ineptijs persequendis tempus & operam ponere, quibus liber Zaborouij sicut Augia stabulum plenus est.

Aggreditur tandem Zaborouius inanissimis rationibus ostendere Papam non posse supremum iudicem controuersiarum in Ecclesia statui. Supremi enim iudicis requisita hæc sunt: Primò, Ne possit errare. Secundò, vt ab eo prouocare non liceat. Tertio, Ne sit partialis. Quartò, vt ad assentiendum corda flectere possit. Horum requisitorum nullum in Papam cadere potest. Age expendamus singula. Primum illud si ad rationem iudicis omnino requiratur ne errare possit, efficiet nullum dari in terris supremum iudicem non solum in Ecclesiasticis, sed etiam in politicis controuersijs. Quis enim est qui errare non possit, siue defectu scientiæ, siue defectu considerationis, siue affectu aliquo prauo? Neque tamen idcirco in Politicis iudices reiijciendi, multò enim plures & maiores errores acciderent, si sublati publicis iudicijs, priuatis quibusq; iudicium permitteretur. Publicum enim iudicem multa sunt quæ in officio continent, & errare non permittunt. Verum vltro concedo in Ecclesia Dei iudicem supremum errare non posse, peculiari Christi priuilegio & assistentia Spiritus S. à Christo promissa. Nam quod ait Zaborouius Papam errare posse, id iam millies refutatum est. Et si enim vt priuata persona errare possit, tamen in definiendis rebus fidei pro tota Ecclesia nec errauit, nec potest errare. Et tamen Zaborouius quasi doctrinæ huius & responsionis ignarus, vnum cum alio confudit, & autores qui Papam errare posse, vt priuata persona est, concedunt: non ad rem adducit, siquidem iidem in definiendis rebus fidei pro Ecclesia errare non posse,

*Malitiosè Ecclesiasticos
autores inducit.*

*1. Argumenti
membrum
excutitur.*

*Fidei decreta
nunquam ab-
rogantur.*

*Morum decre-
ta etiam ab
ipsis Apostolis
mutata, ut de
sanguine &
suffocato non
non edendo.*

*Zaborouius
importuna
musica.*

a. membrum

disertissime fatentur. At inquit, Papas Paparum decreta abrogare. Id si de rebus fidei intelligatur, falsum est, & calumnia putida, quæ nullo exemplo probari potest. Si vero de ijs rebus, quæ pro rerum & temporum exigentia statuuntur, talia & mutari possunt: si res exigat, & de facto mutata sunt, non solum quæ à Papis, sed quæ ab ipsis Apostolis decreta fuerunt. Primum enim decretum Apostolorum in Concilio Hierosolymitano de abstinentia sanguine & suffocato, statim post tempora Apostolorum sublatum est. non quod Apostoli in decernendo errauerint, sed quod decretum illud tempore Apostolorum necessarium erat ad satisfaciendū Iudæis, postea verò nulla talis necessitas erat. Talia etiam decreta non solum Papæ sequentes rescindere possunt, sed ipsi quoque qui ea condiderunt, cum res ita fert, plerumq; rescindunt. Quod non erroris signum est, sed immutationis rerum, quæ pro temporum & circumstantiarum varietate, varia & sæpe contraria requirunt. At inquit, vnus Papa alium pro hæretico agnoscit, vti Honorium Leo II. & Adrianus VI. agnouit. Verum nullus vnquam, quod hæresim ex Cathedra definiuerit, notatus vel ab aliquo insimulatus est. Si verò de priuata hæresi, hoc est iudicialiter non definita agatur, multi Catholici sunt in ea sententia, Papam vt priuata persona est, errare posse. Re tamen vera & de facto de nullo Papa id hætenus probari potuit, eum etiam priuatam hæresim vnquam habuisse. Nam quod de Honorio dicitur grauissimis summorum Pontificum testimonijs, & ipsius Honorij literis constat, eum ab hæresi immunem fuisse: licet literæ illius male intellectæ magnā occasionem dederint, vt hæreticus esse crederetur. De qua re etsi doctissime & sufficientissime à Bellarmino scriptum sit, 4. de Rom. Pont. cap. 11. tamen Zaborouius eandem crambem semper reponit, & tanquam musca à lacte sapius abacta, iterum assultat. At inquit, plerique qualis Paulus II. fuit, à literis fuerunt prorsus alieni, hos igitur sequitur in fide & interpretatione errare posse. Non est ita Zaborouius. Non enim in scientia literarum, & humana sapientia vim facimus, sed in Spiritus S. assistentia & directione, quæ nunquam fallere potest; sicut nec in rudibus Apostolis & piscatoribus fefellit. Quocirca cum nos talia asserentes Gnathones Pontificum appellas, tua modestia facit: pro qua si paria tibi reddenda essent, putasne nobis te digna Epitheta fuisse de futura?

Secundò. Probat Papā supremū iudicem esse nō posse. quia inquit à Papa ad alium iudicem appellari potest, quemadmodum, inquit Donatus à iudicio Melchiadis Papæ in causa sua cum Cæciliano ad Imperatorem appellauit, qui hanc causam post iudicium Melchiadis Arelatensi Episcopo iudicandam commisit, teste Augustino Epist. 106. Apparet satis quam sit destitutus

tus à rationibus Zaborouius, dum sua tam infulse probat. Nunquid enim factum Donati schismatici est ius, & non potius iniuria? qui in rebus Ecclesiasticis ad Principem secularem appellare non fuit veritus. Vetus regula est: Errores allegandos non esse, nec abusus vllos pro legibus statuendos. At Augustinum citas historiæ autorem, sed infideliter more tuo. Quod enim Augustinus damnat in Donato schismatico, tu probas, & quasi probantem Augustinum inducis vt fallas. Ibi enim ait; Ne Constantinum quidem auum fuisse de causa Episcopi iudicare, sed eam discutiendam & definiendam Episcopis delegasse. *Quod & factum est*, inquit, *in urbe Roma, presidente Melchiae Episcopo illius Ecclesie cum multis collegis suis. Qui cum Cæcilianum innocentissimum pronunciaissent, & Donatum qui schisma Carthagini fecerat sententia percussissent, iterum vestri ad Imperatorem venerunt, & de iudicio Episcoporum, in quo victi fuerant murmurauerunt.* sicut & tu modo Zaborouius murmuras.

Factum schismatici, ius non est, sed iniuria.

F.

Tertiò probat non minùs infulse. Quia Papa, inquit, est iudex partialis. Quid ita? quia, inquit, tantum pro vobis, qui sedis ipsius fulcra estis iudicat; nos verò innocentissimos nullo iure, sed solum iniuria, inauditos etià condemnat. At quid hæc sunt nisi inanissima verba, quæ omnes malefactores & fures suis iudicibus obijcere possunt. Non fauoribus agunt Pontifices cum res fidei definiunt, sed Scripturas proferunt, traditiones Apostolicas, auctoritatem Sanctorum Patrum, & ad hanc normam declarant atque definiunt aliquid esse de fide. Neque Catholici sunt tanti stipites, vt aliquid tanquam ad fidem spectans recipiant, quod non sit fidei fundamentis subnixum. Qui verò vos innocentissimos prædicare audetis, qui toti antiquitati & Ecclesiæ Dei bellum mouetis? qui tot animas Christi Sanguine redemptas in Orcum mittitis, cæci duces cæcos in baratrum æternæ damnationis præcipitatis? Nullo iure vos à Papa condemnari dicitis, nos contra eodem iure contra vos procedi ostendimus, quo contra omnes hæreticos Ecclesia Catholica semper processit. Eadem enim Ecclesia Catholica, quæ alios omnes Hæreticos, quorquot ante vos fuerunt condemnauit, vos quoq; condemnat, iure sibi à Christo concessio. *Qui enim Ecclesiam non audierit, sit tibi sicut ethnicus & publicanus.* Inauditos vos condemnari doletis, quid mirum? quia audiri nõ vultis, etiam si literæ assecurationis ad eum finem vobis offerantur. Mauultis etiam in vestris angulis confessores vestræ fidei haberi, quàm alibi martyres. At hæc errores vestri cum suis fundamentis in iudicia producentur, qui cum Scripturis & antiquæ fidei repugnare deprehensi fuerint, vna cum suis autoribus meritisimo condemnantur. Denique falso asserit Zaborouius tantum pro nobis sententiam à Pontifice fieri, non solum enim de ijs quæ ab hæreticis, sed

quale quilibet facinorosus cuius iudici obijcere possit

Innocentia Calviniana.

Matth. 18. 17.

4.
Neg. Deus
conscientias
cogere solet.

Præcipit ni-
hilominus cre-
denda & agē-
da non sine
comminatio-
ne pœne.

Epilogus Za-
boruy scitens
mendacijs.

cis, sed & quæ a Catholicis in controuersiam deducuntur, decernit Pontifex.

Quarta denique probatio omnium est ineptissima; quia, inquit, Papa corda ad assentiendum flectere nequit. Corpora quidem cogere potest, sed non conscientias. Quid ineptius? anne iudex ad suam sententiam recipiendam corda flectere & conscientias cogere debet? Id sanè nec Deus ipse facit, quem esse supremum iudicem nemo dubitat: permittit enim sua decreta in Scripturis expressa liberè recipi, nulla vi facta libero arbitrio. Quod si ad iudicis officium, satis est præcepto & sententia ad officium homines impellere, adiunctis etiam pœnis, quidni Papa ea quoq; ratione corda hominum flectere possit, cum hæc flexio nihil aliud sit, quam præceptum? Cum verò ait fidem per vim impositam, fidem non esse, siquidem suaderi fides debeat non imponi, hic quoq; non leuiter hallucinatur. Nam si de impositione quæ fit per præceptum & pœna constitutionem loquatur, ea impositio libertati fidei non repugnat, siquidem & Deus ipse hoc modo imponit præceptum fidei apposita pœna. *qui non crediderit condemnabitur.* neq; tamen eo ipso vim fidei facere censetur. Adhæc alia ratio est de ijs, qui nunquam fidem receperunt, quales sunt Gentiles & Iudæi: hi enim cum Ecclesiæ potestati nunquam se subiecerint, compelli ab Ecclesiâ nequaquam possunt ad fidem recipiendam, cum & Christus ipse Apostolos ad prædicandum gentibus miserit, sibi pœna æterna in non credentes reseruata: *Qui non crediderit condemnabitur.* Marci 16. 16. At qui semel Christi fidem acceperunt, & se Ecclesiæ potestati per Sacramenta subiecerunt, ij cum fidem deserunt, tanquam fidei violatores puniri possunt & debent ab Ecclesiâ: nam & verè subditi Ecclesiæ sunt, & sicut pro alijs criminibus homines admissis puniri possunt, ita & multo magis pro criminibus in Deum & contra fidem commissis. Nam & Domini temporales neminem ad sibi seruiendum, cogere possunt; postquam tamen suis obsequijs mancipatum habent, iure possunt illi inde admissis criminibus & fide violata punire.

Ex tam insulsis probationibus non minus insulsam conclusionem Zabarovius infert: aliquot mendacijs auctam. Vnum est, Ecclesiâ sine hoc capite sexcentos & amplius annos fuisse, quod impudens mendacium satis refellunt ipsa generalia Concilia, primis sexcentis annis habita, eadem & a Romanis Pontificibus indicta, & legatis Romanorum Pontificum præsentibus celebrata, & a Romanis Pontificibus confirmata & approbata fuerunt, recognoscentibus eam Romanorum Pontificum auctoritatem, ipsis Concilijs generalibus in literis suis ad ipsos datis, uti supra satis ostendimus. Alterum est in Concilio Chalcedonenſi Act. 16. Constantinopolitanum Patriarcham Romano Pontifici in primatu honoris exæquatum esse; quod mendacium il-

la ipsa

la ipsa actio 16. conuincit, quia in ea citatur Canon Concilij Nicani de primatu Pontificis Romani his verbis: *Ecclesia Romana semper habuit primatū, mos autem antiquus perduret. Saluo igitur Romani Pontificis primatu, confirmatur consuetudo antiqua ceteris Patriarchis, idē, propterea quod talis est Episcopo Romano consuetudo, scilicet permittendi tales consuetudines ceteris Patriarchis in suis Ecclesiis gubernandis.* Demum lecto hoc Canone ex Concilio Nicano iudices dixerunt: *Perpendimus omnem primatum & honorem præcipuum, secundum Canones antiquæ Romæ Deo amantissimo Archiepiscopo conseruari.* Demum Concilium Chalcedonense actione 1. 2. 3. passim vocat Leonem *universalis Ecclesiæ Pontificem, cui vineæ hoc est universæ Ecclesiæ custodia à Salvatore commissa sit.* Quorsum igitur Zaboroui, tam impudentia mendacia nobis obijcis? de quibus tam manifestè conuinci & confundi potes? Sed istud est ingenium Ministrorum vestrorum, mendacio viuere. Si enim ex scriptis vestris mendacia, falsificationes, & calumniæ tollerentur, vix aliquid quod cum veritate consistat, remaneret.

At absurditatem sententiæ nostræ verbis Erasmi comprobari ait. Sic Pontifex ex- enim ille scribit: *Quid opus est Concilijs? quorsum tot Theologi accersuntur? plo Apostolo. quorsum artinet tot Academiæ in tractandis fidei negotijs distorqueri, cum rum disquisitionem de rebus definiendis non omit- tit.* Respondemus Erasmo & tibi. Quid opus erat in Concilio Hierosolymitano disquisitionem magnam fieri de cessatione legalium, cum adessent Apostoli, à quibus quid verum esset audire licebat? Quemadmodum igitur Apostoli, etsi assistentem Spiritum S. haberent, disquisitionem nihilominus magnam de proposita questione fecerunt: ita & Papa, etsi Spiritum S. assistentem habet, disquisitionem tamen in Concilijs & in Academijs non omittit, vt & Scripturarum veritas, & traditionis Apostolicæ certitudo appareat, vt secundum eam quæstio controuersa, assistente Spiritu sancto, declarari & definiri possit. Neque enim Spiritus S. reuelationes nouas facit Pontifici, sed dum in rerum reuelatarum veritate intelligenda ponit operam, assistit illi ne definiendo erret. Quocirca Apostoli meritò dixerunt *visum est Spiritui sancto & nobis.* Nam ad eā definitionem & Apostoli cum reliquo Concilio concurrerunt disquirendo veritatem, & Spiritus S. assitendo Apostolis, ne in disquirendo errarent.

Tandem suam de iudice controuersiarum sententiam exponit. Primò *Sententia* Spiritum sanctum in Scripturis loquentem, esse supremum iudicem omniū *Zaborouij de* controuersiarum. Verum hoc iam refutatum est. Nam licet in ijs quæ clare *Iudice contro-* in Scripturis continentur, Spiritus S. sit iudex, quia tamen non omnia in Scri- *uersarum re-* pturis loquitur, quædam etiam ita obscure loquitur, vt mens Spiritus S. ex *sutata.* solis Scripturis certa colligi non possit, necessarium est aliū assignare iu-

dicem, qui de ijs controuersijs quæ ex Scriptura sola definit non possunt, iudicium ferat.

Errat in statuendis publicis Ecclesiæ iudicibus.

Ait secundo, Publicos in Ecclesiâ iudices si sint immediate à Deo vocati, vt Prophetæ & Apostoli, errare non posse, quia à Spiritu sancto aguntur. Si vero sint mediate vocati, vt cæteri Episcopi & Doctores, si secundum legem Dei scriptam iudicent, non errant: si minus, errare possunt. Hic induobus deficit Zaborouius. Primum, quod insufficientem diuisionem facit. Nam ij qui mediate vocantur à Deo, sunt in duplici differentia; aliqui enim habent peculiarem assistentiam Spiritus sancti promissam à Christo, vt sunt Romani Pontifices Petri successores; alij non habent. illi errare non possunt: hi possunt, si à Romano Pontifice dissentiant. Deinde errat quod iudicij normam solam Dei legem scriptam temere statuit, cum lex Dei non solum scripta sit, sed & tradita, vti supra ostensum est. Adhæc cum Scriptura multa quæ in controuersiam veniunt non contineat, vel cum de sensu ipso Scripturæ controuersia est, tunc Episcopi si solas Scripturas scrutentur, iudices esse non possunt: ex re enim dubia, certum concludi non potest. Idq; docent suo exemplo Lutherani & Calvinistæ, qui etsi omnia secundum opinionem ipsorum media adhibeant ad verborum illorum, *Hoc est Corpus meum*, sensum eliciendum; nunquam tamen controuertendi finem faciunt. Aut igitur Ecclesiâ erit sine iudice, aut præter Scripturam alius erit iudex admittendus.

Et in priuatis.

Tertiò ait. Priuatum iudicem controuersiarum esse vnumquemq; fidelium. Quod, si de iudice controuersiarum propriè dicto intelligat, falsum est. Nam nec vnusquisq; fidelium Scripturas, imò nec literas nouit, quomodo verò illiteratus & imperitus esse bonus Scripturarum iudex potest? neque etiam ex solis Scripturis omnes controuersiæ definiri ab Episcopis, multo minus à priuatis possunt. Nam cum Paulus ait *1. Cor. 10. 15. ut prudentibus loquor, vos ipsi iudicete quod dico*. Non tribuit Corinthijs iudicium de vniuersis controuersijs fidei, sed de illo mysterio Panis & Calicis Domini, quod quia iam crediderant & intellexerant, facti per fidem prudentes poterant iudicare, iudicio approbatiuo, credendo vera esse quæ dicebantur à Paulo. Sed, inquit, tenentur fideles sequi vocem Christi, alienam verò fugere, necesse est vt eam exacto iudicio cognitam habeant.

Quomodo oves Christi vocem eius audiunt.

Oves enim meæ, vocem meam audiunt, & alienam non sequuntur. Ioan. 10. 5. 27. Sed nec hinc quidquam concluditur. Neq; enim fideles tenentur vocem Christi sequi, nisi eam esse Christi certò cognouerint. Cum autem ex solis Scripturis in rebus dubijs & controuersijs vocem Christi agnoscere non possint, consequens est ex iolis Scripturis iudices controuersiarum esse non posse. Cum vero Paulus *1. Tess. 5. 20. ait; Omnia probate, quod bonum est tenete*, non præscribit eum quem

Zaborouius

Zaboronius vult probationis modum ex folijs Scripturis, neque de dogmaticis fidei loquitur, sed de probandis Prophetijs, si nimirum cum rebus fidei creditis consentiant, vel secus. Quia enim dixerat, Prophetias nolite contemnere, ne omnes sine discrimine Prophetias, etiã fallas & confictas approbasse videretur, adiungit *omnia autem probate*. Denique frustra Beroensium exemplum pro se adducit, de quibus legitur *Act: 17. quod scrutarentur quotidie in Scripturis; an hæc (que audierant à Paulo) ita se haberent*. Nam ibidem legitur eos prius suscepisse verbum cum omni auiditate, ac proinde ante omnem scrutationem Scripturarum credidisse, quia tamen audierant Paulum citantem quædam testimonia Scripturæ veteris Testamenti, de Christi morte & Resurrectione, non ex aliqua dubitatione, sed ad maiorem suâ consolationem, & experientiam eorum quæ crediderant, ea in Scripturis scrutabantur. Quod non est ex Scripturis iudicare de rebus fidei, sed experiri res fidei iam creditas: hæc est Scripturas proprio sensu interpretari, sed expositas ab Apostolo penetrare magis ac intelligere. Ex quibus concluditur, si sola Scriptura statuatur norma rerum fidei, nullum apud Evangelicos dari posse controuersiarum in rebus fidei iudicem, neque vllum contentionibus & disputationibus finem imponi posse, in eosque illud Apostoli optime conuenire, *semper discentes & nunquam ad scientiam veritatis peruenientes*. hoc enim ex ista quam sibi constituunt fidei norma assequuntur, vt nullam certâ fidei & veritatis normam habeant, secundum quam sint de sua fide securi, quod vel ij, qui à Lutero ad Calvinum transeunt, vel à Caluino ad Arianos, luculenter testatam faciunt.

At, inquit, Evangelicos suis Ministris legitime ab Ecclesia ordinatis credere, non propter solam externam ordinationem, aut aliquas animi doctres; sed quod ea quæ dicunt Scripturis apertis muniant: verbum autem Dei fallere neminem potest, quin illud solum est in quod resoluitur Fides nostra. *Fides enim ex auditu, auditus per verbum Dei*. Nos verò ait contra facere, quod Scripturas Romani Pontificis sensu ac iudicio interpretamur. Verum, futis ista excusatio est: nam neque Ministros legitime ab Ecclesia ordinatos Evangelici habent, vt supra demonstratum est; neque illis propter Scripturas veras, sed solum secundum opinionem ipsorum intellectas credunt. Vnde illorum Fides non in Dei verbum verum, sed in verbum putatum ab ipsis, & existimatum resoluitur. Ministris enim non est promissa assistentia peculiaris Spiritus S. vt in interpretandis scripturis non errent. Nos porro cum ex sensu & iudicio Romani Pontificis Scripturas interpretamur, non hominis sed Spiritus S. sensum sequimur, qui sua assistentia Pontifici in Petro à Christo promissa, nos ab omni prorsus errore immunes ac securos fa-

*Beroenses
quomodo scri-
tate Scriptu-
ras.*

2. Tim. 3. 7.

Roman. 10.

*ἀνάλογος
fidei seculario-
rum in ver-
bum putati-
uum.*

cit. Nam

Ecclesia non cit. Nam quod Zaborouius ait, & Episcopos, & Concilia, & Papam, denique Catholica sed Ecclesiam errare, & a verbo Dei recedere posse, ita & Scripturis, & rationi aduersum est, vt alia refutatione nō egeat, latiusq; id a nobis supra refutatum est. Luterana errare potest & Quamquam si hoc de sua Ecclesia, quæ nullam habet regulam certam & infallibilem, sed solum opinionem cuiusq; circa Scripturarum sensum intelligat; concedi potest & debet, ipsorum Ecclesiam errare posse, & errare ipsis re ipsa errat.

Augustana Confessio re- cocta.

tur se turpiter in Luteranismo errasse. Testatur & Confessio August. toties recocta & repurgata. Nam quod ait non esse nouum in Ecclesia librum aliquem in vno vel altero verbo corrigi, vt ex Retractionibus Augustini patet: siud de iis rebus quæ ad fidem non pertinent, sed sub opinionem cadunt intelligat, verum dicit: in rebus verò ad fidem pertinentibus soli Hæretici libri corriguntur. Porro Augustana confessio, cum fidei doctrinam & Confessionem contineret, in rebus Fidei correctæ est: quocirca non a Spiritu S. sed Cæcodemone auctore confecta fuit. Nunquam enim auditum est librum

Luteri inconstantia.

Spiritu S. assilente conscriptum errores continuisse, vt repurgatione indigeret. Denique testis est Lutherus ipse, qui in Praefatione 1. Tomi deprecatur suæ doctrinæ inconstantiam, quod omnes statim errores deponere non potuerit, quippe qui longo tempore Monachus, & in castris Antichristi fuerit; & tamen cum errores suos prædicabat, eadem asseueratione qua cætera a Spiritu S. profecta non verebatur asserere. Inuidet verò Catholicis nostris perpetuam, quæ est inter ipsos in rebus Fidei concordiam, cum certissimam in rebus fidei regulam sequantur, nempe Spiritum S. per Romanum Pontificem & Ecclesiam, docentem eos omnem iuxta Christi promissa veritatem. Secundum quam regulam, non solum in vllum errorem Ecclesia prolapsa non est: sed etiam quotquot in Ecclesia ab Apostolis hucusq; errores & hæreses exortæ fuerant, condemnauit. Scimus, inquit, vos non virtute Spiritus, sed externa vi & metu pænarum, in exteriori concordia retineri. Scitis sane, sed mendaciter, quippe qui conscientiarum nostrarum recessus penetrare non potestis. Vetus illud est: Malum esse custodem diuturnitatis metum.

Falsum est vim ac metum conferuare,

Qui igitur fieri posset vt omnibus antegressis sæculis & toto terrarum orbe, tanta in fide Catholica concordia esset, solius metus externi causa, nisi alter accederet longè grauior Diuini iudicij metus, qui solus sufficiens est ad homines omnes in officio continendos? Quis verò credat potentissimos Reges & Monarchas & liberas Respub. vi externa a Pontifice Romano in Religione contineri? Quis credat innumera Catholicorum millia toto terrarum orbe in summo salutis negotio vim externam Romani Pontificis reformidare? Nugæ sunt ista, vestris synagogis, non prudentum auribus digna. Liberam,

inquit,

Inquit, vocem si vt in Rep: libera decet haberetis, non deessent monachi qui ob ereptum sibi a vobis bolum, præreptamq; gloriam vobis Iezuitis minime parcerent. Na. Zaboroui vir propheta tu es, & extra te factus vaticinari incipis. At stulte. Cum enim hic de concordia in rebus fidei agamus; tu Iezuitas ob nescio quos bolos ipsis præreptos committere vis cum monachis? quod etiam si efficeret, ad fidem & eius vnitatem quid hoc spectat? Nonne vos Lutherani & Calvinistæ caninis vos dentibus inuicem laceratis; & tamen vnitatem nescio quam fidei retinere vos iactatis? Norunt, Zaboroui, Iezuitæ Monachos omnes tanquā veteranos in Ecclesia Dei milites agnoscere, ipsique debitā venerationem & honorem deferre; cum vero se socius isdem in militia Christi adiungunt, nihil illis praripere cupiunt sed communi manu & copijs, bellum omnium dæmonum & hæresum monstris inferunt, nec de sua, sed de communi Domini gloria decertant; ad quam promouendam vna cum ipsis, quidquid in ipsis est virium collaborant. Bellum, inquit, inter Dominicanos qui tacere coguntur, & Franciscanos de Conceptione B. Virginis denuo recruderet. At neque bellum hoc in re ad fidem spectante est, neque reuera bellum est, cum salua charitatis vnitatem, in rebus ab Ecclesia nondum definitis, opinionibus certatur. Neque omnino Dominici tacere coguntur, cum & docere suam opinionem in scholis, & publice scriptis edere permittantur; id solum tacendum præcipitur, quod vel charitatem ledere posset, vel immoderatam alterius opinionis censuram secum ferat. Quo quid æquius? Verum ex Nazianzeno affers: Melius est dissidium pietatis causa ortum, quam vitiosa concordia; contra te ipsum & tuam confederationem sententiam pronuncias. Quid enim magis vestram Confederationem, quam tantopere vrgetis, iugulat, quam quod impietatis concordia vultis, quā secundum Nazianzenum longe melius est pietatis causa dissidiū? Rursum verò mouet Zaborouij illa deuotio cum ait. tot nationes diuersas, quæ reformatam religionem amplexæ sunt, in ijs quæ circa principium, subiectum, obiectum, adiunctum fidei versantur, vnius esse labij, quod Harmonia Confessionum abunde testatur. Quis enim tam stolidus & rerū ignarus est, qui Zaborouio tam incredibilia dicenti fidem habeat, cum nulla in mundo sint maiora dissidia, quam inter istos qui fidem reformatā profitentur, hoc est Lutheranos & Calvinistas; quicquid Harmonia Confessionum mentitur: solum enim in charta apud vos est concordia, in re autem est summa discordia. Nulla enim secta est ita dissecta in plurimas sectas ac Lutherana, ita vt quot capita tot fere sint sectæ: neq; dici potest quod Zaborouius asserit, esse quoad ritus diuersas non quoad capita fidei. non enim de ritibus digladiantur sed de fide, de veritate, de vbiuitate Corporis Christi.

Zabor. velle Iezuitas committere cum monachis.

Et alios religiosos inter se

Melius dissidium confessione seculari.

Luporum e fibris fides & harmonia.

De Notis Ministrorum

nunquid hæc ad ritum pertinent? Hæc ita esse quilibet facile agnoscer, qui vel vnus Stanislai Rescij Ministromachiam & Euangelicarum sectarum centurias perlegerit. Cum igitur Zaboroui conster vos verbi Dei magnam partem rejicere, libros Canonicos detruncare, & pro apocryphis immerito habere, prauis interpretationibus Scripturam peruertere, nullam regulam certam, & infallibilem verbi Dei intelligendi habere; consequens est vos non esse verbi Dei ministros, sed corruptores, deprauatores, falsatores.

CAPVT XIX.

Ex nouorum Euangelicorum doctrina nullum vnquam eua fuisse insigniter Sanctum, aut euadere potuisse.

*Non hic locus
accersendi
scelerum Mi-
nistros.*

Venio ad nonam demonstrationem, qua Ministri Euangelici probantur non esse veri Euangelij Ministri, quod non asserant fructum Euangelio dignum, nempe vitæ sanctimoniam. vbi non scelera Ministris obijcio, vt falso calumniatur Zaborouius, sed doctrinæ & prædicationis vitium ostendo, quod nullus ex eorum Euangelio & doctrina sanctitate conspicuus vnquam prodierit. Ita infelix, sterile, infœcundum est istud quintum Euangelium. Non omnes, inquit, verbi Dei Ministros necesse est asserre fructu Euangelio dignum, cum tot sint in Ecclesia deprauati Christianorum mores. Nec ego Zaboroui hoc assero, omnes veri verbi Dei Ministros in suorum auditorum animos singularem sanctitatem inducere: sed hoc solum arguo, quod cum in Ecclesia Catholica verbum Dei ita fructificet, fructificaueritq; semper, vt plurimos ad excellentem quandam sanctitatis gradum prouexerit: ex vestro Dei verbo nullus talis fructus visus est vnquam prodijisse, quod merito suspectum vestrum Dei verbum, hoc est vt a vobis prædicatur, facere potest. Si enim verè a vobis prædicaretur, vim proculdubio suam quæ est maxima exereret; si non in omnes, saltem in aliquos. Hæc enim de causa Dominus filios prophetas ex fructibus eorum cognoscendos esse pronunciat, fructibus, inquam, doctrinæ, inter quos vnus est pietas & sanctimonia.

*sed fructus
queritur ex
doctrina san-
ctitatis.*

Nam cum ex Chrysostomo adducit omnes species iustitiæ, quas habent serui Dei in veritate, seruos quoq; diaboli habere in similitudine: id etsi verum est, tamen simul etiam verum est, quod ea secta, quæ nunquam in suos sectatores ullam veram, & non simulatam sanctitatem induxit, aut

inducere

Inducere potuit, merito debet esse de falsitate suspecta. Verum enim Dei verbum, eam virtutem habet, ut in hominibus aliquibus saltem, admirabiles fructus sanctitatis proferat: in qua igitur secta eam virtutem non habet, signum certissimum est, in ea non vere predicari. Quamvis autem ex sola specie sanctitatis, quæ a demone etiam simulari potest, non liceat absolute inferre doctrinæ veritatem; transfigurat enim se plerumque angelus satanæ in angelum lucis: tamen si ea sanctitas indubitata sit, & diuino testimonio ac miraculis comprobetur, indubitatum est veræ doctrinæ argumentum. Talis porro sanctitas, uti in Ecclesia Catholica semper viguit, & viger etiam nunc, uti per singula secula discurrendo Bosius libro 7. de Notis Ecclesiæ, Signo 25. demonstrat: ita in synagogis Evangeliorum prorsus est inaudita. Quis enim apud Evangelicos ea sanctitate fuit, ut duos mortuos, (quod ut alios taceam) de Francisco Xaverio Indiarum Apostolo nostro, hoc seculo proditum est, in vitam reuocaret? Non igitur ex Doctorum sanctitate, de doctrinæ veritate faciendum iudicium dico, ut mihi falso imponit Zaboronius; possunt enim etiam mali vera dicere, de quibus Christus Matth. 23. 2. Super Cathedram Moysis sederunt Scribe & Pharisei, omnia ergo quæcunque dixerint vobis, seruare & facite, secundum opera verò eorum nolite facere: sed ex doctrinæ vestræ sterilitate demonstro, eam verbi Dei propriam virtutem, quæ in sanctitate inducenda posita est, non habere. Viuus enim est sermo Dei, & efficax, penetrabilior omni gladio ancipiti, & pertransiens vsque ad diuisionem animæ ac spiritus, compagum quoque, ac medullarum. Hebr. 4. 12. In quo testimonio Pauli, Zaboronius ait quidem se summam virtutem Dei, quod in corda electorum agit adorare: illud tamen minime concedere, quod homines in carne supra carnem Angelicam vitam viuunt. Quid ita? quoad enim, inquit, carnem mortalem & affectibus obnoxiam gelimus, semper caro concupiscit aduersus spiritum, qua lucta manente, necesse est in membris nostris sentiamus legem captiuam nos legi peccati, ut exemplo Pauli Rom. 7. 18. & Hieronymi in Epistola ad Eustochium patere ait. Verum Zaboronius & Paulo contradicit, & quid sit in carne supra carnem viuere non intelligit. Etenim Paulus Rom. 8. 9. expresse hac phrasi utitur: Vos, inquit, in carne non estis, sed in spiritu. etsi enim in carne essent quoad carnis naturam, non tamen in carne erant, quoad subiectionem: sed in spiritu, quia non carnis desiderijs seruiebant, sed spiritu facta carnis mortificabant, & earatione superiores carne euadebant. Non igitur supra carnem esse, est concupiscentias carnis non sentire, sed est esse illis superiorem, sicut & esse supra hostem, non est hostem non habere, sed hoste superiore esse, quanquā & illud plerisque seruis suis ex peculiari priuilegio domi Castitatis Deus legitur con-

qualis in
Christi eccle-
sia viguit
semper viget-
que.

Zaboronius
non intelligit
quid sit in
carne supra
carnem vi-
uere.

De Notis Ministrorum

tur concessisse. Quæ verò hic Zaborouius cõtra sanctitatem fori Confessionis & Sacerdotum in eo puritatem deblaterat, non refutanda sed reiicienda sunt, tanquam ab homine animali profecta, qui non sapit nisi carnem, & quæ Spiritus Dei sunt, non diiudicat. Difficile enim est meretricem de castitate disputare.

Zaborouius
falsificat
Chrysost.

Vnum non omitam falsificasse Zaborouium Chrysostomi & Basilij testimonium. Ita enim de peccatis Sacerdotum citat Chrysostomum, *homil. 3. in Acta*, & *homil. vltima ad Hebræos*. Non temerè, inquit, dico, sed vt affectus sum & sentio. Non arbitror inter Sacerdotes multos esse qui salui fiant, imò miror si aliquis saluari possit. Cùm Chrysostomus *homil. 3. in Acta* aliter loquatur: *Non arbitror*, inquit, *inter Sacerdotes multos esse, qui salui fiant, sed multo plures qui pereant*, quòd is status summam quandam perfectionem requirat. Non igitur Chrysostomus ait vnuerse de Sacerdotibus, miror si aliquis saluari possit, vt falso citauit Zaborouius. In homilia verò *vltima ad Hebræos* de rectoribus solum Ecclesiarum, qui eo tempore per ambitionem dignitates Ecclesiasticas consequebantur, non vnuerse de Sacerdotibus dixit Chrysostomus. Miror si aliquis saluari possit rector, idque propter summam eorum in officio pastoralis negligentiam. Zaborouius verò citauit ac si Chrysostomus nõ de rectoribus, sed de Sacerdotibus loqueretur. Basilium verò *cap. vltimo de Spiritu S.* his verbis statum Ecclesiæ sui temporis exponentem citat: Euanuit, inquit, omnis Sacerdotalis honestas. Quæ verba prorsus non habet: eo loco Basilius, & statum Ecclesiæ non ob Sacerdotum impuritatem, vt vult Zaborouius: sed ob hæreticorum Ecclesiæ deuastantium scelera deplorat.

Falsificat
Basil.

F.

Sectarij reser-
cant ab Euā-
gelio consilia:
Pauperibus a
Christo sua-
sa.

Iam verò Evangelicos non inducere suo Euangelio sanctitatem, primum ex eo demonstramus, quod ab Euangelio rescant omnia consilia perfectionis, quibus ad magnam perfectionem sanctitatis peruenitur. Quale in primis est illud *Matth. 19. 21. Si vis perfectus esse, vade & vende omnia quæ habes, & da pauperibus, & habebis thesaurum in cælo*. Quod Christi consilium non solum Evangelici non sequuntur, sed etiam esse Christi consilium negant. Ita enim cum suo Caluino Zaborouius hic respondet: Consilium, inquit, Christus nullum tale dedit, sed adolescentem qui se ab adolescentia omnia fecisse superbe gloriabatur, illis verbis propriæ imbecillitatis admonuit. At stipes est, qui hic consilium a Christo adolescenti serio datum non videat, vt omnes Sancti Patres & interpretes hucusque viderunt. Id enim quod ultra præcepta faciendum proponitur, solo studio maioris perfectionis; consilium proculdubio ceteri debet. Hic porro ita res habet. Nam adolescens a Christo interrogatus de mandatorum obseruatione, con-

ne, confessus est se omnia seruasse ab adolescentia sua. insuper adiecit: *Quid adhuc mihi deest?* Hoc igitur quod respondit Christus est vltra mandata, ac proinde consilium non ex præcepto, sed ob studium maioris perfectionis suscipiendum. Quod verò non superbe adolescens hic gloriatus sit de obseruatione mandatorum, sed in veritate dixerit quod erat, patet ex eo quod Christus id responsum non solum non reprobauit, sed approbauit. vt enim est apud Marcum 10. 21. *Intratus eum, dilexit eum, & dixit ei, vnum tibi deest.* Quomodo enim eum propter superbiam & hypocriticam gloriationem dilexisset, aut ex ea hypocrisis occasionem exhibenda illi peculiaris beneuolentiæ accepisset. Cum verò ait, *vnum tibi deest*, cætera quæ ad mandatorum obseruationem pertinebant non deesse, tacite approbauit. Quocirca & Apostolis rursum de eadem re interrogantibus, idem quod adolescenti respondit: *Ecce, inquit, nos reliquimus omnia, & secuti sumus te, quid ergo erit nobis? Omnis qui reliquerit domum &c. centuplum accipiet, & vitam eternam possidebit.* Super quem locum S. Bernardus: *Hec, inquit, sunt verba, quæ contemptum mundi in vniuerso mundo & voluntariam persuasere paupertatem, hæc sunt quæ Monachis claustra replent, deserta Anachoretis.*

S. Bernardus.

Nam insulsum est quod ait Zaborouius, Apostolos quamuis se omnia Christi causa reliquisse dicant, cum mantica mendicatuos ostiatim non ambulasse. Nam & cum Christum relictis omnibus sequebantur, facultatibus & eleemosynis piarum mulierum vna cum Christo sustentabatur, & postea per totum mundum peregrinati sunt, meris piorum eleemosynis de Euangelio viuentes, idque ex ordinatione Domini, vt testatur S. Paulus 1. Cor. 9. nisi quod Paulus ibidem ob perfectionem maiorem, & maiorem apud Deum gloriam, ne hac quidem Christi concessione vti voluerit, sed sine vilo sumptu fidelium, prædicare voluit Euangelium operando manibus suis, & victum sibi querendo. Non igitur in mantica Zaboroui paupertas Euangelica est posita, sed in vera propriarum possessionum Dei causa abdicatione: neque in sola præparatione animi ad relinquenda omnia, cum necessitas postulauerit, sed etiam extra casum necessitatis in actuali abdicatione, omni earum vsu se liberè tota vita priuando, & pauperum more vitam degendo. Cuius paupertatis exemplo Christus in primis ipse præluxit nobis, qui cum diues esset, propter nos egenus factus est. ita vt non haberet vbi reclinaret caput suum. Præluxerunt & Apostoli qui actu relictis omnibus, & Christo per triennium in paupertate magna, & rerum omnium inopia comitati sunt, & postea per totum mundum nullis suarum rerum præsidij peregrinati sunt. Præluxerunt & innumera Monachorum millia, qui ab ipsis Aposto-

Luc: 8. 3.

Paupertas est in abdicatione facultatum.

2. Cor: 8. 9.

Mat: 8. 20.

Exemplo Christi Domini & innumerabilium Sanct.

lorum temporibus ad hæc vsque tempora commendatam à Christo paupertatem sancte coluerunt: & propter regnum cælorum terrena omnia reliquerunt. quod non solum admirabile est in vulgaribus hominibus, sed etiam in Ducibus, Regibus, Imperatoribus, qui relictis amplissimis regnis, paupertatem Christi non erubuerunt, quorum catalogum recenset Bonifacius de Signis Ecclesie cap: 10. & Hieronymus Platus 2. de honestate Religio- si. cap: 26. & 27. Quis nisi Deus rem tam arduam & difficilem periuadere tantis viris potuisset? cum nec regia dignitate quidquam in terris nobilius, nec paupertate & mendicitate quidquam vilius habeatur, nec illis omnia relin- quendi vlla alia necessitas incumbere, præter Dei amorem & Regnum cælorum.

*Apostoli non
affectu tantū
sed re & esse-
tu, voluntate
non necessita-
te pauperes.*

Euangelici, inquit Zaborouius, Apostolos imitati, affectu sunt parati relinquere omnia, quando id causa Christi postulauerit. Verum Apostoli non solum affectu, sed & re ipsa reliquerunt omnia: neque in casu necessitatis aut præcepti, nulla enim eos præcepti diuini necessitas, sed libera voluntas & consiliu Christi ad id faciendum compulit. Sicut & Paulus sumptus omnes pro sua sustentatione libere repudiavit, & suis manibus victum sibi querere elegit. Quod si magnæ charitatis erga Deum est indicium, paratum esse in casu necessitatis & præcepti diuini omnia relinquere; quanto maioris charitatis & perfectionis indicium est, non in casu tantum necessitatis, sed etiam extra necessitatem libere Dei & Regni cælorum causa, re ipsa omnia repudiare? Nam quod ex D. Thoma 2. 2. q. 184. art. 7. adducit in externa rerum abrenunciatione non consistere perfectionem, sed in animi interno affectu & præparatione: id quidem verum est. nam perfectio Christiana in charitate non in vlla re externa posita est, docente Paulo 1. Cor: 13. sine charitate neque distributionem facultatum in vsum pauperum quidquam prodesse: at nos non de ea abrenunciatione loquimur quæ est sine charitate, sed de ea quæ ex charitate proficiscitur: dicimusq; maiorem perfectionem esse velle ex charitate omnia absolute Dei causa relinquere, quam velle tantum in casu necessitatis, cum illud sit longè difficilius & admirabilius, ac proinde maioris charitatis signum.

*Societas Iesu
non nisi abdi-
catione bono-
rum præmissa
ad Professio-
nem admissa
sit.*

Nec vos, inquit, Iesuitæ pauperibus vestra distribuistis. Ad hoc & extra propositum est, & falsum. Paupertas enim Euangelica non pendet à Iesuitis, qui etiam si non essent, non deessent in Ecclesia Catholica innumeri alij religiosi, qui paupertatem Euangelicam sanctissime profitentur. Iesuitas vero sua pauperibus non distribuere; si de facultatibus quas in seculo habebat intelligas, ita impudens mendacium est, vt sobriusne & vigilans id scripseris, merito dubitari possit. nisi enim sua vel pauperibus, vel alijs indigentibus di-

bus distribuunt, ad Professionem secundum suas Constitutiones admitti non possunt. Si verò de ijs facultatibus quas Fundatores Collegiorum attribuerunt loquaris, ea cum sint non ad pauperes mendicos, sed ad pauperes religiosos sustentandos instituta, non possunt in alios usus contra mentem Fundatorum conuerti. harum tamen foundationum fructibus Iesuitae non nisi pauperum more vtuntur, ea ratione qua pauperes in hospitali vtuntur redditibus hospitalis. Nihil enim quisque vt proprium possidet, sed quod a superiore pro usu necessario concessum illi fuerit, eo vtitur. Non igitur redditus Iesuitas Dominos & diuites, sed pauperes efficiunt; cum illis nec vt proprijs, nec ex proprio arbitrio vtantur, sed ex maiorum suorum voluntate, plusque cuiuslibet pauperrimo iuris est in rem quam vt suam possidet, quam Iesuitae in omnia quibus ex concessione superioris vtitur. Sed de his tu fortè non magis iudicas Zaboroui, quam capra de pipere; difficile enim est de rebus ignotis iudicare.

Magna quoque laus sanctimoniae in castitate posita est, qua se homines in perpetuum Deo obstringunt & consecrant, carnem suam crucifigentes cum vitijs & concupiscentijs. Quod tantò admirabilius est, quanto difficilius & rarius. Quanto enim difficilius pugna, tantò gloriosior victoria. Et quia fortior est qui se, quam qui fortissima vincit mania; nobilissimum victoriae genus est seipsum, hoc est carnem suam cum affectionibus suis, quam in homine summa est potestas vincere. Hoc enim est in carne supra carnem & supra naturam viuere, natura quae ipsa superiorem esse, & vitam Angelicam quodam modo æmulari. Nam licet in Angelis maior sit felicitas, quod carnis affectionibus non tangatur; tamen maior castimonia virtus in hominibus, qui in carne a carne non inquinantur. Quocirca D. Ambrosius in de virginitate libro, Virginitatem martyrio comparare non dubitat. Non ideo, inquit, laudabilis est Virginitas, quod in Martyribus inuenitur: sed quod ipsa martyres facit. Hanc igitur tantam sanctimoniae laudem inuident suis sectatoribus Euangelici Ministri. Primò, cum castitatem seruatu impossibilem asserunt. Secundò, cum Matrimonij fidem violari concupiscentia inualecente permittunt. Tertiò, cum vota castitatis Deo facta rescindunt, & ad incestas nuptias transitum concedunt. Quartò, cum omnem vitae asperitatem, qua caro in officio continetur vituperant, & hypocriticam censent. Quid igitur mirum eos sua doctrina Sanctos efficere non posse, cum media singularissima Sanctitatis excludunt?

Probemus singula. Et quidem primum illud, nempe castitatem esse seruatu impossibilem, non diffictur Zaboroui, idque duplici ratione. Altera est: Quia sine dono Dei impossibile est castitatem seruare. Non possum

Fundationibus quomodo vtantur.

Castitatis laus.

Ea quatuor articulis sectarij verberant.

enim

De Notis Ministrorum

enim aliter esse continens, nisi Deus det. Sapientia 8. 21. Quæ ratio si quid concluderet, efficeret quoque fidem impossibilem. Nam. & fides donum Dei est, sicut & castitas: & sine gratia Dei haberi non potest. Sicut igitur fides, etsi sine gratia Dei haberi non possit, non censetur absolute impossibilis, quia gratia Dei ad credendum est possibilis, & omnibus datur ita nec castitas, etsi absque gratia Dei haberi non possit, non debet censi impossibile; quia gratia ad eam habendam necessaria est possibilis, & omnibus datur. Huic, inquit, impossibile est, cui hoc donum à Deo denegatum est. Nos contra: cum hoc donum à Deo nemini humiliter illud poscenti denegetur, nemini quoque castitas erit impossibilis. Notum enim est quod
 1. Cor. 10. 13. Paulus ait: *Non patietur vos tentari supra quam potestis, sed dabit cum tentatione prouentum ut possitis sustinere.* Quocirca Paulus cum stimulo carnis premeretur, ter Dominum rogauit ut auferetur ab eo, & licet ut auferetur non impetrauerit; impetrauit tamen virtutem & gratiam, qua tentatione superior existeret. Sufficit, inquit, tibi gratia mea: nam virtus in infirmitate perficitur: quantum enim infirmus tentatione reddebatur, tantum gratia Dei corroborabatur, & virtutem in infirmitate non amittebat, sed perfectionem reddebat.

Altera ratio Zaboronij est. Quia castitas mentis seruari non potest, carne libidinis incendio aestuante. Quam rationem si ita intelligat, ut necesse sit mentem concupiscentijs carnis consentire, & peccati impuritatem contrahere; impius est & blasphemus, homines brutis exæquans, & gratiæ diuinæ virtutem abnegans. Hoc enim homines à brutis maxime distant, quod hæc quidem affectibus & concupiscentijs regantur, nec illis obsistere possint: homines verò ratione & timore Dei concupiscentijs obsistunt, & ab ijs se superari non patiuntur. Gratia etiam Dei nouas nobis vires subministrat, & victores nos mundi, carnis, diaboli efficit. Ita enim dicebat Paulus: *Quis me liberabit à corpore mortis huius? gratia Dei per Iesum Christum Dominum nostrum.* Si verò rationem hanc ita intelligat, ut velit ipsos concupiscentiæ motus esse peccata, etiamsi mens illas rejiciat, & non admittat, Euangelio & rationi ipsi contradicit. Christus enim in Euangelio docet, ea solum quæ ex corde exeunt inquinare hominem, cordis nomine liberam hominis voluntatem intelligendo: si igitur cor quasque irruentes concupiscentias non admittat sed respuat, nullo modo illis contaminari, & impuritatem peccati contrahere censendum est. Ratio quoque ipsa suadet, peccatum non nisi voluntate contrahi; nec quisquam tam mentis inops est, qui alteri pro culpa & peccato imputet, quod contra omnem ipsius voluntatem euenisse nouit. Quemadmodum igitur voluntate omnis culpa & peccati impuritas:

Brutum affectibus regitur homo ratione & gratia.

Rom. 7. 25.

Motus concupiscentiæ non sunt peccata.
Matt. 15. 18.

Impuritas contrahitur : ita eadem voluntate resistente, eadem impuritas non admittitur, sed rejicitur. Quomodo enim impuritatem quam quis non admittit, sed respuit, contrahere dici potest? Stultum igitur & temerarium est illud Zaborouij de Catholicis Sacerdotibus iudicium, cum eos in confessionibus audiendis castam mentem non seruare asserit, ex se alios merendo, pro quo Deo in extremo eius iudicio poenas temeritatis & calumniae pender iustissimas.

Secundum quoque probatur ex doctrina Luteri, qui in *lib. de vita conjugali Tom: 6.* tradere non erubuit: Quam parum, inquit, in mea potestate est ut vir non sim, tam parum etiam in mea potestate situm est, ut absque muliere sim. Ac rursus: quam parum in tua potestate est, ut mulier non sis, tam parum etiam in tua potestate est, ut absque viro sis. Quia hæc res non est arbitraria seu consilij, sed res necessaria ac naturalis, ut omnis vir mulierem habeat, & omnis mulier virum. Atque hoc esse plusquam præceptum, magisque necessarium quam comedere & bibere, purgare & expuere, dormire & vigilare, solumque excipit casum impotentiae & miraculum. Ex hac autem doctrina, quod impossibile sit virum sine muliere viuere, & mulierem sine viro, infert: si recuset vxor reddere debitum, licere ad ancillam transire, quia nimirum virum sine muliere esse est impossibile. Verba eius hæc sunt: Si ex coniugibus alter alteri se subtrahat, nolitque coniugale debitum præstare, ac præsentiam coniugalem exhibere, quemadmodum subinde adeo pertinaces mulieres inueniuntur, ut nil moueantur etiam si mariti interim decies in fornicationem incidant; hic tempus est, resque ipsa exigit, ut vir dicat, Si tu non vis, voler alia. Si non vult vxor, veniat ancilla: ita tamen ut hoc vir illi prius bis terne dicat, eamque admoneat, atque in aliorum etiam notitiam deducat, ut publice de illius contumacia constet, & coram communitate corripatur: tunc si non velit, dimitte illam & aliquam tibi Esteram adiunge, repudiata Vasti sicut Rex Assuerus fecit. Lector diiudicet an vera sit excusatio Zaborouij, Lutherum id ad terrendas vxores, & in officio coniugali continendas dixisse. Malus iste terror est Zaborouij, qui ad terrendam vxorem viro adulterium permittit. Etenim si vxor post priuatam & publicam admonitionem recuset officium coniugale, permittit Luterus non terrendo solum, sed serio vxorem deferere ac repudiare, ac aliam admittere contra ius Diuinum; *Quod Deus coniunxit homo non separet*: & alteram mulierem surrogare exemplo Assueri Regis in locum Vasti surrogantis Ester. Deinde clarissime constat ex verbis & ratione Luteri, doctrinam istam serio docuisse; siquidem illam ex eo principio deduxit, quod impossibile sit esse virum sine muliere: si igitur vxor nolit, alia omnino mulier induenda

2.
Lutherus si-
dem matri-
monij violari
posse docet.

Mat: 19. 6.

*En seriam
impuritatē
pertinaciam.*

est, non ad terrendam uxorem, sed quia impossibile est virum esse sine muliere. Talem scilicet porcum pro Apostolo Euangelici habent, dignum sane tali Euangelio Euangelistam.

At non solum adulterium in Matrimonio permittit Luterus, sed etiam indignius quiddam. Ita enim *Tomo 2. in lib. ad Dominos Ordinis Teutonici* scribit: Si contingeret, ut vnum, centum, mille, vel plura etiam concilia statuerent, posse Ecclesiasticos seu Sacerdotes Matrimonium contrahere, seu aliud quidpiam iam ante a Dei verbo faciendum vel omittendum præscriptum: tum equidem malletm conuincere gratiamq; adpromittere illi, qui tota vita sua vnam, duas, vel tres meretrices haberet, quam illi qui legitimam uxorem duceret, secundum talium Conciliorum decretum, non ausurus alioquin uxorem ducere sine tali decreto: vellemque insuper omnibus Dei iure præcipere & consulere, ne ullus ex vi talis decreti legitimam uxorem duceret, sub amissione æternæ salutis; sed ut iamprimum omnes castè viuerent, vel si id alicui impossibile esset, in sua fragilitate & peccato saltem non desperaret, sed Dei opem imploraret. Hæc Luterus. Quid igitur mirum, si ex tam petulanti doctrina, nullus sanctitatis & sanctimonix laude insignis, euadat aut euadere vnquam possit? Non talis erat prædicatio Christi & Apostolorum. Christus enim dicentibus Apostolis non expedit nubere, respondit: *Non omnes capiunt verbum hoc.* ac si diceret: verum est quid non expedit, sed non omnes hoc intelligere & capere *Matth. 19. 12. Sancti enim Eunuchi qui se castrauerunt propter regnum celorum.* Paulus verò *1. Cor. 7.* pluribus modis exhortatur ad virginitatem: *Bonum est mulierem non tangere. Noli querere uxorem. De virginibus præceptum Dei non habeo consilium autem do: Beatior erit si sit permanserit secundum meum consilium. Puto autem quod & ego Spiritum Dei habeam.* Quanto intervallo ab hoc Spiritu Pauli, distat Spiritus Luteri?

*Zaboronius
impudens calumniator.*

At ne nihil Zaboronius dixisse videatur, retorquet telum in nos, sed irritò conatu: dicit enim eam doctrinam videri Luterum in nostra schola didicisse. Quis tam incredibilia credit? aut quis apud Catholicos prædicari audiuit vnquam tale Euangelium? more tamen suo quo falso & finistre intellecta ac detorta testimonia solitus est producere, duo producit. Primum verba ab hæreticis inserta *in Epist. 5. Clementis Romani Sanctissimi viri*, ubi probat sententiam Græcorum sapientissimi qui dixit: *Amicorum omnia debere esse communia, in omnibus autem sine dubio etiam coniuges contineri.* Quæ vltima verba cum nec in Autentico vaticano habeantur, nec in antiquis manu scriptis, reuerenda sunt tãquam falsa in os falsi citatoris. Alterum est, quod in iure Canonico legatur: *Qui non habet uxorem, loco illius habeat*

& falsificator.

concu-

concupinam, *dist. 34. Can. Is qui*. Iterum falsarius est Zaborouius nō enim dicitur, habeat concubinam, sed si habet concubinam, a communione nō repellatur. Nomine autem concubinæ non intelligitur meretrix, vti imperire & malitiose putat Zaborouius: sed ea quæ ad procreandos liberos perpetua lege admittitur, sine tamen dotalium tabularum solennitate. sic enim tales tunc vocabantur, vt patet in *Iustiniana nouella 18. cap. 5. de quo etiam Augustinus in lib. de bono Coniugali.*

Iam tertium quoque de Votis castitatis rescindendis, & post votum nuptijs celebrandis ipsissima Luteri doctrina est, exemplo eiusdem turpissimo confirmata. In libro enim *de votis Monasticis*: Quid igitur, inquit, de voto castitatis amplius dicam? Institutum meum est, non dicere quæ ratione seruari debeat, sed quæ ratione seruari nec possit, nec debeat. *Et mox*: Ponamus, inquit, quod aliquis voueat condere nouas stellas, montesque transferre, an non iure vocares amentiam? sed enim votum castitatis a tali voto nihil differt. *Et in Epist. ad Volfgangum*: Castè & integrè viuere, inquit, tam non est in manu nostra, sicut omnia reliqua Dei miracula. Zaborouius in eadem est sententia cum Lutero, ait enim se suis, mole conscientia pressis, id consilij dare, vt in turpi voto, stultè videlicet & supra vires suscepto, rescindant fidem, quod incautè vouerunt, ne faciant. Ita Zaborouio turpis & stulta res videtur castitas, cuius consilium Scriptura tantopere commendat: turpe quoque & stultum votum quod qui violat *damnationem habet*. Paulo teste *1. Tim. 5. 13. quia primam fidem irritam fecit*. At longe, stultius & magis impius Zaborouij consilium censi debet. Quis enim ei hanc potestatem dedit, vt Deo datam fidem rescindat, & vota quæ Deus sanctè obseruari præcipit, violari permittat? Supra vires, inquit, eiusmodi votum est. Nunquid verò est supra vires gratiæ Diuinæ, quæ non patitur nos tentari supra quam possumus? Quod autem ex gratia Diuina nobis possibile est, simpliciter possibile, non supra vires, censi debet. Vt autem quàm turpe & stultum consilium hoc tuum sit, magis perspicias: dic obsecro, si maritus abducta in captiuitatem coniuge, vel alia ex causa absente, vel morbo graui impedita, stimulos & tentationes concupiscentiæ patiatur, quod obsecro consilium huic misero dabis? nunquid consuetum vestrum pro sedandis concupiscentijs remedium, mulierem videlicet aliam surrogare? Quod si tam impius non eris, vt id suadere audeas, proculdubio recursum ad Deum per orationem suadebis, castigationem item corporis Pauli exemplo, & in seruitutem reductionem, timorem etiam iudicij Diuini, & gehennæ ardores ob oculos propones. Cur igitur similia media ei qui post votum castitatis in tentationes similes incidit, non suadebis? cur ad uxorem

Castitatis Deo dicata vota sectarij rescindunt.

Zaborouius Lutherizat turpiter ac impie.

Modus stimulos concupiscentiæ domandi salutaris.

novam tam citò gradum facitis? Quodsi in alijs quoq; gravissimis contra diuina praecepta tentationibus, peculiarem ad Deum recursum cum magna spe auxilij diuini nobis in necessitate promissi consulimus, nec fallimur: nunquam enim à Deo deserimur, nisi nos prius Deum deseramus, cur eodem medio concupiscentijs nostris consultum non volumus? Non igitur turpe est vouere Deo castitatem; sed turpe est castitatem promissam non seruare, concupiscentijs more brutorum cedere, diuinæ gratiæ non fidere, ad eamq; obtinendam non adlaborare; pulcherrimum verò carnem domare, concupiscentias diuina gratia superare, florem illibatum puritatis perpetuò conseruare. Similiter stultum non est, Dei consilia sequi, eique id vouere, cuius vouendi Christus ipse in Euangelio autor est, quodq; Paulus consulit, & bonum beatumq; prædicat. Stultum potius est, Diuinis consilijs contemptis, Euangelicorum carnalia consilia sequi, qui tanquam homines animales, nihil nisi carnem sapiunt, nec quæ sunt spiritus capiunt.

*Os improbum
Zaborouij.*

Improba, inquit Zaborouius, est promissio, quæ scelere adimpletur. Non promissio Zaboroui improba est, sed improbus eorum animus est, qui post votum in tentationes coniecti, ad Deum, vti par est, non recurrunt, & a Deo iuari in superandis tentationibus nolunt. Improbi sunt consultores Evangelici, qui improba consilia relictis tanis & salutaribus subministrant. Neque verum est, promissionem hanc scelere impleri per se loquendo, sed vitio eorum qui cum gratia Dei iuari non satagant, pessimos consultores Ministros Euangelicos ad res conscientie adhibent: alioquin gratia Dei precibus implorata adiuuante, non scelere, sed laudabili & Deo gratissimo opere, hoc est, carnis & concupiscentiarum victoriâ adimpletur. Quomodo illud intelligendum est, quod tu ex Pio II. citas: Multos Clericos & Monachos in Matrimonio saluari potuisse, qui in sterili coelibatu damnabuntur, id enim non statui eorum perfectissimo, qui ad salutem institutus est, adscribi debet; sed vitio eorum, qui ad suam vocationem dignè sustinendam, segnes sunt in gratia Dei quærenda: *Nemo enim mittens manum suam ad aratrum, & respiciens retro, aptus est regno Dei: Luca 9. 62.*

*Veterem Ca-
merinam mo-
uet Zabor.*

Tandem Zaborouius cum veritate suam sententiam tueri non posset, calumnijs & mendacijs rem aggreditur, ex Historia Iesuitica ab Helia Hansmyllero, homine mendacissimo, Apostata, & iurato Iesuitarum hoste, de promptis. Falso etiam & impudenter affirmat Acostam de Iesuitarum vitæ licentia in India scripsisse, quod ille de quorundam aliorum licentia scripsit 4. libro de procuranda Indorum salute c. 15. Itaq; Zaboroui posuisti spem tuam mendacium, & frons meretricis facta est tibi, vt ea scribere contra Iesuitas non erubesceres, de quibus mendacij ab omnibus, qui Iesuitas famili-
liariter

facilliter norunt, conuinci potes. Non est nouum vestris tales fabulas de Iesuitis confingere, quippe quos veritate expugnare non potestis. Tales fabulae vestris confictae plurimae extant. Qualis est illa de sex Iesuitis Cracouiae flagitiorum causa a Stephano Rege ad mortem damnatis: de turpi flagitio in Ecclesia Monachij ab iisdem patrato, quarum falsitatem Principes ipsi literis datis refutarunt. Nuperrima verò, quae de Illustrissimo Cardinali Bellarmino confinxistis, & in vulgus sparsistis, quid aliud effecerunt, nisi vt & Iesuitarum integritas, & vestrorum mendacia paterent magis. Alia porro est ratio de Lutero, cuius flagitium in incestis cum Moniali nuptijs, & toti mundo pater, & negari a nemine potest. denique eiusmodi est, quod cum non esse Apostolum a Deo missum luculenter testatur: inauditum enim est, aliquem hominem tam impurum, a Deo immediate electum & missum fuisse. Nam licet, qui ab hominibus mittuntur improbi, esse possint, eorumque dictis nos obedire, vitam non imitari, Christus ipse voluit: tamen ex ijs qui a Deo immediate missi vniquam fuere, ne vnus quidem repperitus est impurus Apostolatus, & in sua impuritate ad mortem vsque perseverans, qualis fuit Luterus, qui in incestis illis post votum solenne, & Monasticam professionem cum Moniali nuptijs Anno 1525. initis, ad finem vsque vitae permansit, tresque filios Ioannem, Martinum, Paulum, teste Sleidano reliquit: maxime si verum est quod ipse de se refert, se ad Matrimonium non carnali ardore, sed mera complacentia matrimonij impulsus esse. Ita enim scribit in Epistola ad Nicolaum Amsdorfium, ipsum ad suas nuptias inuitans: Nam ego, inquit, nec carnalem amorem, nec ardorem sentio, sed vltro complacentiam habeo de Matrimonio, tanquam de creatura & ordinatione Dei. Si enim nullum carnis ardorem & impetum sentiebat, nullam proculdubio causam habuit violandi voti, cum ea solum ab eo assignatur, quod tale votum sit supra vires humanas, ob ardorem concupiscentiae.

*Sola haeresis
causa nuptia-
rum Lutero
si ipsi de se cre-
dendum est
assirmanti.*

CAPVT XX.

Poenitentia & austeritate vitae nullum Evangelicorum admirabilem extitisse.

Multos Sanctorum fecit admirabiles poenitentia & asperitas vitae, ita vt ferrei potius quam carnei crederentur. At ex doctrina Evangelicorum, quis vnquam admirabilem illam poenitentiam, & vitae austeritatem imitatus est? Quis exemplo Ioannis Baptistae in eremum abiit, vt

ibi diuinatum rerum contemplationi, pœnitentijs, ieiunijs, & omni generis carnis afflictionibus perpetuo vacaret? Quis Evangelicorum produci potest, qui pœnitentiam Pauli primi Eremitæ, Antonij, Hilarionis, (de quibus Hieronymus) æmulatus est? Quis Simeonis illius Scilitæ qui ad finem vsque vitæ in vna columna stans, pœnitentiam agebat, Quadragesimam sine vilo cibo & potu, per annos plures quam 28. transigebat, idque Domino cooperante, & virtutem eius comprobante innumeris signis, ex toto fere terrarum orbe, ad illum ob sanctitatem confluentibus hominibus, & gratias referentibus, vti scribit Theodoretus?

4.
*Expugnande
castitatis ari-
es dignos pœ-
nitentia fru-
ctus abolere.*

Quid ad hæc Zaborouius? correctum in primis vult illud dictum: Multos Sanctorum ob pœnitentiam & asperitatem vitæ fuisse admirabiles, dicendumq; potius putat ob gratuitam Dei misericordiam. *Beatus enim*, inquit, *cui Deus non imputauit peccatum*, Psal. 31. 1. Vtrumque, Zaboroui, fuit in Sanctis, & gratuita Dei misericordia, qua illis non imputauit peccatum; & post remissionem peccati fructus digni pœnitentiæ. Gratia enim Diuina nobis communicata non facit nos ociosos & segnes; sed excitat ad admiranda pœnitentiæ opera, ob Dei & perfectionis maioris amorem suscepra: angusta enim est porta, quæ ducit ad vitam.

*Duæ vitæ E-
remiticæ par-
tes. I
Solitudo quæ
non nisi per in-
terualla So-
cietatis insti-
tuto congruit*

Deinde ait, nullum ex Loiola discipulis in eremum se conferre, nullum cilicio indui, nullum oleribus vesci. Quid hoc ad rem Zaboroui? Non id queritur an Loiola discipuli sint Eremitæ, sed ex vestranè, an ex nostra doctrina prodierint viri pœnitentia & austeritate vitæ admirandi? Tu cum nihil de rebus quod in medium proferre haberes, Iesuitas carpere aggredieris, quod nec ipsi sint Eremitæ: etsi enim ipsi Eremitæ non sint, eam tamen doctrinam ex Euangelio prædicant, quæ homines ad omnem vitæ austeritatem & pœnitentiam impellit, ex qua etiam Eremitæ prodierunt, quod vestrum molle & delicatum Euangelium non facit. Deinde duæ sunt vitæ Eremiticæ partes; altera solitudo ad liberius contemplationi rerum Diuinarum vacandum: altera vitæ austeritas & pœnitentia. Licet igitur Iesuitæ priorem illam Eremiticæ vitæ partem non sequantur, quod ipsorum instituto, quo ad proximorum salutem & perfectionem promouendam tenentur, minime sit conueniens. Alterâ tamen quæ in austeritate vitæ & pœnitentia consistit, peculiari studio more communi religiosorum colunt. Licet enim communem vitam teneant; victum tamen tenuem & vulgarem habent, nihil proprium, nihil tanquam suum possident, non librum, non vestem, non habitationem, non lectum, deniq; nec quidquam eorum quæ ad vitæ commoda conferunt; sed his omnibus ex maiorum suorum, non suo arbitrio, pro necessitate vtuntur, omnesq; (vno verbo) ex superiorum voluntate suas ra-

*II.
Asperitas
quam non re-*

tiones

tionem suspensas habent. Quod ad carnis afflictiones attinet, eas illi omnes *fugit Socio-*
 nullo excepto pro virium, & deuotionis suae ratione concessas, à superiore *116.*
 suscipiunt, & in eis se ita sedulo exercent, vt freno potius, quam calcaribus
 egeant: non ciliciorum asperitates horrent, non disciplinarum dolores per
 timescunt, non duras cubationes, non sponte suscepta ieiunia fugiunt, sed
 hæc omnia pro delictis habent, eius vnus amore propter quem mundo &
 carni nuncium remiserunt: denique in maiorem sui abnegationem & conti-
 nuam in rebus omnibus, quoad eius fieri potest, in mortificationem, ex regula
 sollicite inuigilant. Hæc tu de ipsis non credis, quia eos familiaris non no-
 stis: si nosset, & te vna cum illis ad aliquod tempus meditationis rerum. Di-
 uinarum causa (quod permulti faciunt) includeres, mutares profecto sen-
 tentiam, & quos modo vt hostes persequeris, amares & venerareris vt Dei
 seruos.

Ædificia Iesuitarum non respice: hæc enim ex Fundatorum voluntate,
 vt in perpetuum manerent, solidè extrui debuerunt. Quid potius intra ædi- *Zaborouius*
 ficia in laudem Dei ab ijs agatur introspecte: neque enim aliud videbis, quam *ludic in Sic-*
 virtutum omnium & pietatis scholam, & religiosæ vitæ ac mortificationis *phani Regis*
 exercitium. Quod in Iesuitis admiratus sapientissimus ille Stephanus Rex *de Societate*
 dixit: N. Rex essem, Iesuita essem. quod tu, non vt bonum decet, in malū *apophiegma*
 sensisti torques, quasi eo dicto luxum & diuitias Iesuitarum carperis, quem
 tamen constat tot Iesuitis Collegia non ad ipsorum luxum, sed ad Dei glo-
 riam amplificandam extruxisse.

Verum quod contra Iesuitas ex ignorantia profers, minus est; illud
 maius, quod contra vitam Eremiticam, vel potius contra ipsum Spiritum
 sanctum blasphemè pronuncias, eam videlicet legi Diuinæ repugnare. Sic
 enim ais: Ego verò dico nos per legem Christi id facere non posse. Quid ita?
 Non enim, inquis, in Eremitis preculas demurmurantibus, aut cum satana
 colludentibus, sed officia charitatis exercentibus vitam æternam Christus
 pollicetur. *Matib: 25. 35. Esuriui & dedistis mihi manducare.* Quid verò
 Zaborouia? quid loqueris? Ergone tibi Paulus ille primus Eremita (vt
 alios taceam) quem Deus sexaginta annis in eremo pauit, mittens ei per
 corum singulis diebus dimidium panis, cuius animam sanctus Antonius ad
 cælum cum gloria deferri conspexit, cui leones sepulchrum effoderunt, tibi
 preculas in Eremita demurmurasse, & cum satana luisse videtur? Cur *Ridei Sancto*
 Sanctorum orationes demurmurationes, eorumq; cum satana pugnas collu- *rum cum Sa-*
 tionem per irrisorem appellas? Hoc cene te Euangelium & lex Dei docet? *thana de cer-*
 Num quod serui Dei Christi exemplo, qui ad orationem, solitudinem & *rationes in E-*
 montes quarere solitus erat, faciunt, tu vitio duces? Num Ioannem Bap- *temo*
 tam totam

Itam totam vitam in eremo degentem, & diuinæ contemplationi, & pœnitentiæ vacantem, tanquam demurmurante preculas, & cum satana ludentem deridebis? Quare dissimilis es sanctis illis Patribus, qui vitam eremiticam in cœlum vsque sustulerunt, eremum Paradysum, Eremitas Angelos terrenos vocarunt. Sic enim Chrysostomus *homil. 8. in Matth.* ait: *Si quis nunc ad Egypti veniant solitudinem, paradyso prorsus omnem illam eremum videbit digniorem, & innumeros Angelorum choros in corporibus fulgere mortalibus.* Hieronymus verò in *Epistola i. ad Heliodorum: O desertum*, inquit, *Christi floribus vernans: O solitudo, in qua illi nascuntur lapides, de quibus in Apocalypsi ciuitas magni Regis extruitur. O eremus familiaris Deo gaudens.* Verum quia lucem hanc sanctitatis, lippis oculis ferre non potes, ad probra & blasphemias confugis. Christus quidem officia charitatis erga proximum exercentibus pollicetur vitam æternam: at non minus ijs, qui ipsius amore incensi, diuinæ ipsius contemplationi & amoris vacant, *optimam* in hoc mundo, Christi testimonio, *partem eligentes*: quiq; consilio Christi *arctam viam, que ducit ad vitam secuti*, omnem rerum humanarum cupiditatem a se auferunt, & animam suam in hoc mundo oderunt, vt eam in vitam æternam custodiant: qui deniq; ex doctrina & exemplo Pauli carnem suam castigant, & in seruitutem redigunt, & cum vitijs & concupiscentijs suis crucifigunt, scientes si vna cum Christo patiantur, gloriæ quoq; & regni cum Christo participes se futuros.

Pergis Zaboroui: Christus quidem & Ioannes Baptista certas ob causas aliquantisper in deserto vixerunt, sed nullum discipulorum ad id genus vitæ præcepto obligarunt. Nulli enim dixit Christus, confer te in eremum; sed omnibus: *Ite predicate omnibus Gentibus.* At hallucinaris Zaboroui. Nam illa certæ causæ, ob quas Christus & Ioannes in eremum secesserunt, quantis eas tu prudens taceas, in Euangelio tamen non tacentur. Christus quidem vt ieiunandi, & pugnandi contra omnes tentationes exemplum nobis daret, atque adeo rerum diuinarum contemplationi vacandi: Ioannes vero, vt exemplo pœnitentiæ, & omnium rerum mundanarum contemptu ijs præiret, quos ad baptismum pœnitentiæ, & ad Christum per pœnitentiam recipiendum adhortatus erat: id quod & vestitus eius asper ex pilis camolorum, & cibus vilis ac exiguus, nempe locustæ, & mel sylvestre, testatur, propter quam causam Christus Ioannem non manducasse, neque bibisse, *Lucæ 7.* asseruit, quia tam tenui cibo & potu utebatur, vt nullo vti videretur. Eundem etiam mollibus indutum non fuisse protestatus est *Matth. 11.* illis verbis: *Quid existis in desertum videre? hominem mollibus vestitum?* Quod igitur Christus & Ioannes suo exemplo docuerunt, hoc postea multi

Luc: 10. 42.

Mat: 7. 14.

1. Cor: 9. 27.

Gal: 5. 24.

Eremiticam vitam Christus & præcursor eius exemplo confuluerunt.

Dei serui imitari sunt. Neque enim præceptum vitæ Eremiticæ asserimus, sed exemplum duntaxat & consilium. Apostolis non Eremitum, sed profectonem in vniuersum mundum commendauit, quod necessitas illorum temporum & conuersio mundi id tunc exposceret. Postea verò fide propagata, & multiplicatis per totum mundum prædicatoribus, liberior eremitæ esse cœpit; non solum persecutionum fugiendarum causa, quod per accidens est, sed etiam per se, contemplationis & penitentiae studio, quod cum tu præposterum zelum appellas, an non toti Euangelio repugnas? quid enim magis Euangelio conueniens est, quàm contemplationis rerum diuinarum & penitentiae studium, ad quod eremi solitudo mirum est quantum conferat?

Cum verò inquiris: Quid boni aut sibi, aut Ecclesiæ Eremitæ præstent? prorsus quid loquaris non intelligis. Non enim vnum bonum tantum est, quod ab hominibus præstari potest, sed plurima & innumera. An non præcipuum hominis bonum est eiusdem cum Deo per charitatem vnio? vt enim nulli plusquam Deo homo debet, ita cum se Deo per charitatem coniungit, bonum id omnibus alijs bonis præferendū est, ad quod solitudo illa eremi plurimum facit, attollens mentem ad altissimam rerum diuinarum contemplationem, & consequenter ad amorem. Nonne suipsius hoc est carnis & concupiscentiarum eius victoria, & omnium quæ carnem afficiunt, voluptatum & commoditatum abdicatio, magnum & singulare hominis Christiani bonum est? Eius vero boni facilius consequendi causa secedunt serui Dei in eremum, in quo præter Deum nihil est quod libeat, sed est omnium ad carnis commodam spectantium inopia. Hoc igitur boni sibi conferunt Eremitæ, quod se Deo per contemplationem & amorem liberius vniant, & carnem suam cum vitijs & concupiscentijs crucifigant, ad id enim oportunitatem magnam eremus subministrat.

Ecclesiæ verò quantum profunt, suis quas ad Deum continuo fundunt orationibus? quantum exemplo? *Multum enim valet*, Iacobo teste, c. 5. 15. *de precatio iusti assidua*. Docet id vel vnicum Simeonis Stylitæ exemplum, qui Theodoro teste, partim precibus suis innumera hominibus beneficia obtinuit, ad ipsum ex toto ferè terrarum orbe confluentibus: partim concionibus quas ad se venientibus tanta vi spiritus faciebat, vt & multa ethnicorum, nulla ad Baptisum adduxerit, & peccatis implicitos ad vitam Christiano dignam conuerterit.

Stulte verò rider Zaboronius, quod dicimus Eremitas vota pro alijs fuisse: ad vota enim, officia quoque humanitatis & charitatis requiri ait: *Iac. 16. Si frater, inquit, aut soror nudi sum & indigeam victu quotidiano, dicat*

*Quid præstet
Ecclesiæ Ere
mitæ.*

Qui ad officia eleemosynæ obligentur.

autem aliquis: Ite in pace calefacimini & saturamini, non dederit autem eis quæ necessaria sunt corpori, quid proderit? Quis enim non videt ista à Iacobo de ijs dici, qui cum facultatibus abundant, eas indigentibus non impertiunt; tales enim charitatis officia non sine peccato deferunt. At ij quinquillas prorsus facultates, quas alijs largiantur, habent: nullo modo tali officio charitatis obligantur. Quis enim obliget pauperem ad eleemosynas dandas quibus ipse magis indiget? Quum verò multa Eremitarum facta quæ venerari debuerat videns eleuat, viderit quas pœnas olim in Dei iudicio sit luiturus. Qui enim tangit seruos Dei, pupillam oculi Dei tangit: quæ pars cum sit omnium maxime sensitiua, & doloris impatiens, indicio est quam seuerum in se iudicem & ultorem Deum experientur ij, qui linguas in seruos Dei quorum ipse protectio est, petulanter stringunt.

Non est, inquit, quod ab Euangelicis exigas, vt in eremo talparum more viuant: præstat enim illos Christianam societatem colere *Hebr. 10. 24. Non deferentes collectionem nostram sicut consuetudinis est quibusdam.* At Eremitæ non talparum, sed Christi & Ioannis Baptistæ more in eremo viuunt, neq; eos quos ad id vitæ institutum Deus vocauit, præstat societatem hominū colere, sed Deo potius, quam hominibus vacare. *Vnusquisq; in quo vocatus est, in hoc permaneat apud Deum. 1. Cor. 7. 24.* Paulus verò cum monet nō deferere collectionem, contra eos loquitur, qui vel ex odio, vel ex amulatione dedignabantur conuenire in Ecclesiam cum alijs, quod non haberent locum quem optabant, & cum paucis conuentus faciebant; non autem contra eos qui exemplo Christi & Ioannis deferunt collectiones.

Quibus eremus non expediat.

Quanquam fateor id quod Sancti quoq; Patres adnotarunt, vitam eremiticam, etsi per se sancta est & laudabilis, non tamen omnibus esse accommodatam. Nam qui ex officio tenetur alijs prospicere, is prius officio suo satisfacere debet. Præcepta enim prius implenda sunt, quam consilia. Qui etiam ita fragilis est, vt nisi ab alio iuuetur, tentationibus facile cessurus sit, is nequaquam se ab alijs segregare debet: *ut enim soli, quia si cecideris non habet subleuantem. Eccles. 4.*

Verum si vita eremitica tantopere displicuit Zaborouio, debuit saltem extra eremum demonstrasse aliquos ex schola Euangelicorum, qui vel diuinarum rerum altissima contemplatione extasim passi à corporis sensu abalienati fuerint: vel ieiunijs, cilicijs, flagellationibus, & cæteris corporis asperitatibus in seipsos sæuendo, magnam sui admirationem commouerint. At non habuit quod responderet: sed Lololæ extasim exagitat & subannat, quod is postquam à sensibus abstractus esset, cuperet quantum ex se erat omnibus esse ludibrio, & despiciatus ac infanus haberi: cum oppositum

Paulus

Extases Beati Ign. Lololæ

Paulus exemplo suo docuerit. obijcienti enim sibi: *Insanis Paule, Act. 26.* respondet; *non sum insanus nobilissime Felte.* Verum quod ad extrases Loiola attinet, ea sunt iam pluraquam iatis toti mundo probata, eisq; solum is non credit, qui eas factas nollit. Inter ceteras est illa singularis, qua illū septem integros dies alienatum a sensibus tenuit, a qua tandem velut a dulci somno nomen IESV suauiter ingeminans, solutus est. Nec ille mentis in Deum raptus dissimilis, cum in oratione quatuor ferme cubitis elatus a terra, collucente mirum in modum facie identidem crebra inter suspiria inclamarer: *O Domine, si te homines nossent!* Quod verò post extasim se ab omnibus Dei causa despici & contemptui haberi, & quasi insanum reputari optauerit; id tanquam singularem diuini amoris effectum admirari & venerari debuerat Zaborouius illi similem quo *Apostoli ibant gaudentes a conspectu Con-*
cily, quod digni habiti sunt pro nomine IESV contumeliā pati, Act. 5. 41.
 Quæ enim maior est contumelia quam insanum dici? Quanto enim quis ar-
 dentius Christum amat, tanto plura eius causa pati desiderat, non in corpo-
 re solum verbera, cruces, sed etiam in honore contumelias & ignominias
 quascunque, cum similia nostra causa Christus ipse pertulerit. Nam inter
 cetera velut insanus habitus fuit, ita vt eum tenere sui voluerint. *Marci 3. 21.*
Sui exierunt tenere eum, dicebant enim, quoniam in furorem versus est. Ne-
 que verò Loiola insanus reuera esse voluit, sed quantum est ex se haberi, quod
 nil aliud, quam paratam esse animo, si ita res ferrent, ad omnem sui con-
 temptum pro Dei gloria sustinendum, ad Christi Domini imitationem, nul-
 la tamen per ipsum ad id data occasione, quod etiam in Constitutionibus
 suis filiis cauit. Paulus insanus haberi noluit, cum de Euangelij veritate age-
 retur; talis enim insania in detrimentū Euāgelij vergebat: at cum nulla stulti-
 tiæ occasione data, stultis nihilominus dicebatur, honoris loco id habebat
 & gloriabatur. *Nos, inquit, stulti propter Christum, 1. Cor. 4. 10.* Cum ve-
 rò ait extasim esse peculiarem afflatum Sanctorū, & rarū quid in Ecclesia Dei;
 si de sua Ecclesia id intelligat, non rarum quid, sed inauditum est. si de Ec-
 clesia Catholica, rarum quidem, at non inusitatum. Sufficit, inquit, ad
 beatitatem Euangelicis, quod in lege Domini meditentur dic ac no-
 te, id affirmante Dauide *Psalmo 1. 3.* Sufficeret sanè si esset, ac
 non esse, illud argumento est, quod nullus apud vos insi-
 gnis huius meditationis fructus apparer, quem ex
 Catholicorum meditatione oriri docuimus,

*Eius Aposto-
 licum contu-
 melias pro
 Deo ferendi
 desiderium.*

CAPVT XXI.

Nouos Euangelicos doctrina sua non ad sanctitatem, sed ad omnem licentiam viam patefacere.

Capita doctrinae Nouorum Euangelicorum sanctitatis aduersa.

Non dico hic quid Euangelici faciant, sed quid doceant; & docendo quantam licentiā ad omnia inducant. Inter Catholicos multa quidem licencioſe fiunt, at ea nec docentur à Catholicis, nec ex doctrina Catholica conſequentur. Plurima verò ex ijs quæ docent Euangelici, eò tendunt, vt homines ad omnem vitæ licentiam impellant. Ex eorum numero ſunt quæ ſequuntur. Bona opera nullam vim habere ad iuſtificationem & ſalutem. Solam fidem ſine operibus iuſtificare. Pœnitentiam quæ in diſcuſſione & deteſtatione peccatorum conſiſtit, facere hominem coram Deo hypocritam. Omnia opera quantumuis optime facta, peccata eſſe. Præcepta diuina eſſe ad implendum impoſſibilia, & in particulari præceptum de diligendo Deo ſuper omnia, & præceptum *Non concupiſces* impleri non poſſe. Peccatorum authorem Deum eſſe. Nullum eſſe in homine liberum arbitrium, & alia ſexcenta, quæ tum à bonis & ſanctis operibus homines reuocant, tum ad omnia peccata viam demonſtrant.

I. Bona operabilia ad ſalutem valere Zaborouius approbat.

I. Primum illum articulum: Bona opera nil valere ad ſalutem, approbat quoq; Zaborouius, cùm de operibus loquens ait: Hac via nullus ingredi in cœlum poteſt, teſte Paulo, *Ex operibus legis non iuſtificabitur omnis caro. Rom: 3. 20.* Verùm ſi operum nomine intelligat opera legis, non fidei, hoc eſt in lege ſolum non in fide fundata; nihil verius, talia opera cùm non ſint ex fide & gratia Domini, ſed ex viribus naturæ, nullam vim habere ad ſalutem conſequentam: propter quæ nec Iudæi per opera legis Iudaicæ, nec gentes per ſola opera moralia ſaluari poſſunt, ſed per fidem in Chriſtum, & opera ex fide procedentia. At ſi de operibus fidei, hoc eſt in fide fundatis, & ex fide profectis loquatur, vt loqui videtur, in eo & toti Euangelio repugnat, & bona opera ex mundo exterminata cupit. Quid enim in Euangelio magis inculcatur, quàm operibus bonis reddendam eſſe mercedem regnum cœlorum? In extremo Chriſtus iudicio ſententiam dicet: *Venite benedicti, poſſidete regnum.* Quam ob cauſam? *Eſurui enim, & dediſtis mihi manducare. Matth: 25. Voca operarios, & redde illis mercedem, Matth: 20. Momenta-*

Si de operibus ex fide profectis intelligit, repugnat Euangelio.

neum hoc & leue tribulationis nostre æternum gloriæ pondus operatur in nobis, 2. Cor: 4. Tristitia quæ secundum Deum est, penitentiam in salutem stabilem operatur. 2. Corinth: 7. Vende omnia quæ habes, & da pauperibus, & habebis thesaurum in cælo. Lucæ 18. Ex quibus & alijs innumeris locis patet, non solum sine operibus homines non consecuturos vitam æternam, sed etiam propter opera; & in operum mercedem & operibus id efficientibus, quod est opera plurimum valere ad salutem.

Nam cum ait Zaboronius, Christum fide apprehensum esse regiam viam ad salutem, non videt Christum apprehensum per fidem, non esse nobis salutis causam, nisi per opera quæ fides per charitatem operatur, excitando videlicet in nobis opera Pœnitentiæ, & aliarum virtutum. *Factus est enim omnibus obtemperantibus sibi causa salutis æternæ. Hebr: 5.* Idem igitur est per Christum saluari & per opera, quæ ipse in nobis per fidem operatur saluari; nosque dum operibus ex fide factis saluamur, per Christum saluamur. Neque enim salus per Christum opponitur donis ipsius, cum ea potius includat; sed opponitur ijs quæ à Christo non sunt, & eius gratiam non inuoluunt, qualia sunt opera legis & naturæ. Hac porro operum via cælum ingressi sunt, quotquot ingressi sunt, vti D. Iacobus Apostolus probat in sua Epistola Cap: 2. de Abraham & Rahab, & similiter de alijs, ostendens, ex operibus in fide fundatis iustificari homines, non ex fide tantum.

Iam verò quid aliud est operibus vim omnem salutem conferendi auferre, quam omne studium operum bonorum extinguere. Quis enim ad opera bona excitabitur, si semel in animum induxerit, ea ad regnum cælorum vim nullam habere? Nam etsi quædam sunt, ad quæ implenda lege Dei obligamur, nempe quæ præceptis Decalogi comprehenduntur: tamen plurima sunt alia opera bona, & sancta, ad quæ cum nulla lege Domini adstringamur, nisi regni cœlestis præmio ad ea inuitemur: languescet procul dubio in nobis omne studium virtutum, & bonorum operum exercitatio. Dauid quoque vniuersè loquitur: *Inclinavi cor meum ad faciendas iustificationes tuas in æternum propter retributionem. Psal: 118. 112.*

Secundum articulum de sola fide iustificante absque operibus, admittunt omnes Evangelici de lusi locis quibusdam Scripturæ perperam intellectis, quibus ex fide non ex operibus homines iustificari dicuntur, cum fides non ijs operibus in Scriptura opponatur quæ in ipsa fundantur, & ex ipsa oriuntur, sed operibus in fide non fundatis, & ex gratia Dei non procedentibus, qualia sunt opera legalia Iudeorum, & moralia gentilium in sola cognitione legis fundata. Alioquin quomodo D. Iacobus cap: 2. tam disertè docet, *ex operibus & non ex fide tantum homines iustificari.* De ijs enim operibus

Christus quomodo via ad salutem.

Studium bonorum operum ex hominum animis tollat hac sua doctrina noui Evangelici.

II.

Fides sine operibus iustificare docendo, ab exercitio bonorum operum retrahunt.

*Fides quibus
operibus op-
ponitur in
Scriptura.
contra quali-
am operum
est auctor.*

ribus loquitur quibus fides comparatur, & ex quibus fides perficitur & consumatur *ver: 22.* Cum igitur Scriptura negat operibus nos iustificari, sed per fidem, non loquitur de operibus fidei, sed de operibus in fide non iudicatis. Alioquin idem est per fidem, & per opera fidei, hoc est ex fide procedentia iustificari: fide enim inducimur, ad spem, poenitentiam, amorem Dei, opera misericordiae, opera mortificationis, orationis, & cetera opera pietatis. Id quia Evangelici capere nolunt, sed opera cum operibus inepte confundunt, tam portentosum dogma de sola fide iustificante in Ecclesiam inuexerunt, maximo operum bonorum damno. Si enim nec ad acquirendam iustitiam, nec ad crescendo in iustitia, nec ad promerendam vitam aeternam, bona nostra opera valent: qui fieri potest, ut animus ad studium bonorum operum incitetur, quorum nullam ad salutem & iustitiam utilitatem sentit? Nam & ad ea quae praecepta sunt alacriter implenda inclinatur cum Dauid Psal: 118. *Propter retributionem:* & ea quae praecepta non sunt, nisi premio vitae aeternae condiantur, non curabit: dulcescunt enim labores praemiorum spe. Quod si praemium laboribus non debetur, non plus praemij in caelo referet, qui multis laboribus fuerit perfunctus, quam qui parum laboravit. Quo quid maius ad extinguendum in nobis bonorum operum studium dici potest?

*Patres bona
opera ex fide
profluentia
agnoscunt. va-
lere ad*

*iustitiam &
regni caelestis
praemium.*

*Zabor: mul-
tis verbis aut
nihil dicit:*

Ait quidem Zaborovius hanc de fide sola iustificante doctrinam amplexos esse sanctos Patres; at eadem aequivocatione deluditur; Patres enim cum Scriptura loquuntur, & in fide comprehendunt opera ex fide profluentia, & solum ijs operibus quae ex fide non procedunt fidem opponunt; alioqui opera a fide profecta, omnes sancti Patres vno ore praedicant, eaque plurimum tum ad iustitiam tum ad regnum caelorum valere docent. Ad iustitiam quidem, quia eam per modum dispositionum operatur: ad regnum vero caelorum in iustis, etiam per modum meriti, operibus enim iustorum per modum mercedis promittitur regnum caelorum. Nec unquam Patres eo sensu dixerunt solam fidem, iustificare, quo adversarij sed excludendo tantum vel opera ex fide non procedentia, vel opera meritoria iustificationis vel opera externa, quae saepe adhiberi non possunt. Quae cum tam copiose a Bellarmino Scripturae, & sanctorum Patrum testimonijs demonstrata sint: miror quomodo etiam hiscere possint adversarij. Porro ad id absurdum quod ex hac fide sola iustificante consequitur, nempe vana & inania fore poenitentiae & sanctitatis opera. Respondet Zabor: minime id sequi: quia fides inquit est anima vera poenitentiae, sine qua nec poenitentia, nec aliud quidpiam placere potest. At hoc ipsum est nihil dicere; Nam si tota poenitentia fide continetur, hoc ipsum est, opera poenitentiae euacuare, ieiunium, carnis castigationem, &

alias corporis afflictiones. pro illis enim satis esset substituere fidem: frustra-
que Scriptura nobis tantopere hæc opera pœnitentiæ commendat. Deinde
falsum est, vitam & animam pœnitentiæ & aliorum operum esse fidem: est
enim solum fundamentum veræ pœnitentiæ & operum salutarium, vitam
verò ipsam ex se non habet, sed ex charitate; nam & sine charitate nihil
prodest. 1. Cor. 13. & sine operibus mortua censi debet, teste S. Iacobo.
Denique Scriptura non quancunque fidem ad salutem valere docet, sed
eam tantummodo quæ per charitatem operatur. Potius ergo vitam à chari-
tate & operibus ex charitate procedentibus accipit, quam ipsam charitati
& operibus tribuit.

Aliter etiam respondet Zaboruius. Fidem saluificam esse per chari-
tatem efficacem, bonorumque operum feracem, esseque illorum fontem
& scaturiginem, facereque nos arbores bonas, quæ fructus bonos necessariò
proferant. Quæ responsio, vt quam parum aduersarios iuuat appareat, di-
stinctio adhibenda est. Duplicia enim sunt opera in fide fundata, quædam
iustificationem antecedunt, quædam sequuntur. Ex fide enim mouemur ad
spem misericordiæ diuinæ, pœnitentiam, & dolorem de peccatis, dilectio-
nem Dei, & alios similes actus, sine quibus iustificari non possumus, sed per
eos tanquam dispositiones ad iustificationem & consequendam remissionem
peccatorum præparamur. Postquam verò iustificati fuerimus, exercemus
nos deinde in varijs operibus bonis, misericordiæ, mortificationis, oratio-
nis, & similibus. Si igitur de primis operibus ad iustificationem requisiti
loquamur, ea si nihil ad iustificationem conferant, sequitur esse inania prorsus
& inutilia; sequetur etiam posse quem sine operibus ad iustificationem
requisitis iustificari. v. g. sine spe, pœnitentia, timore, dilectione, contra
Scripturam dicentem. *Nisi pœnitentiam habueritis, omnes similiter peribitis*;
Si verò non minus quam fides conferant, sequitur non solam fidem si-
ne operibus, sed fidem cum operibus, vel vt Iacobus loquitur, *fidem coope-
rantem operibus* iustificare: eodem enim modo vt fides, cooperabuntur in
iustificatione ad misericordiam Dei prouocandam & flectendam. Vnde
falsum erit solam fidem sine vllis omnino operibus iustificare, cum ea ope-
ra non minus quam fides ad iustificationem collaborent. Nam sicut fides o-
peratur iustificationem; credendo Dei misericordiam; ita spes confidendo
in Dei misericordia, pœnitentia, per dolorem peccatorum subiiciendo nos
Dei misericordiæ; timor ex metu diuini iudicii conuertendo nos ad Dei mi-
sericordiam; charitas diligendo Dei misericordiam. Quamuis enim nihil
eorum quæ iustificationem præcedunt, iustificationem mereatur; tamen ad
eam cooperatur, inclinando Domini misericordiam, quemadmodum fides
ita & alij omnes actus ad iustificationem requisiti.

aut falsum.

aut in casum.

Operum in fi-
de fundatorum
quædam iu-
stificationem
antecedunt.

ea conferunt
ad iustificati-
onem.

Luc. 13.

eodem quo fi-
des modo.

non ex condi-
gno promer-
do iustificati-
onem sed coope-
randa ad eam
es Dei mise-
ricordiam in-
clinando.

De Notis Ministrorum

*Minimè ergo
otiosa & in-
utilia.*

Friuola verò est illa aduersariorum responsio; hæc quidem opera requiri ad iustificationem, quia sine illis non potest esse iustificatio, non tamen propter illa, sed propter solam fidem hominem iustificari. Etenim si requiruntur, non requiruntur ut otiosa, & ut inutilia, sed ut iuuantia ad finem iustificationis consequendum, non minus quam fides. Nam sicut fides operatur iustificationem, misericordiam Dei & Christi redemptionem credendorum ita spes confidendo in ea, charitas diligendo uti dictum est. Cum igitur commune sit fidei cum alijs operibus inclinare suis modis Dei misericordiam; commune quoque erit operari dicto modo iustificationem nostram. unde fiet, ut sicut propter fidem, & ex fide, ita & propter poenitentiam, dilectione &c. iustificemur. non quod ea mereantur ex condigno iustificatione, sed quod inclinent Domini misericordiam, & nos præparent ac disponant ad iustificationem consequendam. Quapropter si opera spei, charitatis, poenitentiae non operantur iustificationem, uti aduersarij volunt, recte ex illorum sententia inferimus: talia opera inutilia & inania esse, & aduersarios verbis tantum ea ad iustificationem requirere, re autem ipsa non requirere: siquidem illis omnem vim & vtilitatis fructum in iustificatione denegant, eaq; otiosa & sine etiam vtilitatis fructu esse volunt. quod enim otiose, & sine vlla vtilitate adhibetur, simpliciter non requiri, & non esse necessarium dicendum est.

Quædam vero operum subsequuntur, quæ licet aduersarij verbo requirant re ipsa tamen ab eis auocant.

Iam si de operibus quæ iustificationem consequuntur sermo sit: ea quidem fidem per charitatem operantem consequi verum est; fide enim & charitate impellimur ad ea facienda: verum ideo consequuntur, quia creduntur Deo placere, & ab eo acceptari ad præmium, qui reddet unicuique secundum opera sua. Cum igitur nos id de operibus iustorum credamus, aduersarij non credant: nos dignitatem & valorem honorum operum agnoscimus, & ad ea homines promouemus, precio & dignitate eorum ob oculos posita. Aduersarij verò cum nihil tale operibus iustorum tribuunt, quantum ex ipsis est, opera bona reddunt vana & inania, & inutilia: & licet verbis ea requirunt, re ipsa tamen homines ab eis auocant. Quis enim laborem inutilem, cui premium nullum responderet, libens suscipiat? Etenim etsi mandato compellatur ad aliquem laborem suscipiendum, sponte tamen nemo laborem suscipiet, quem sibi non fore proficuum certo persuadebit. Quocirca ut minimum ad opera bona sponte suscipienda ex doctrina Euangelicorum nihil est quod hominem excitet, sed potius auocet propter operum inutilitatem.

Fucus Zaborou in im-

Porro Zaborou ut fucum faciat, ait; inuidiose sibi obijci, quasi doceant opera bona, nullum nobis iustitiæ fructum conferre. Duplicem enim iustitiam

iustitiam se statuere dicunt, alteram perfectam quæ est iustitia Christi nobis per fidem imputata; alteram imperfectam, quæ in hac vita, inquit, inchoatur per Spiritum sanctum regenerantem nos & sanctificantem, in futura autem perficientem. Ad hanc igitur iustitiam, ait, requiri bona opera. at fucum in utroque; huius distinctionis membro, non est difficile agnoscere. Nam quoad iustitiam quæ est in Christo attinet, eam esse causam efficientem nostræ iustitiæ, non causam formalem agnoscimus: nullus enim aliena iustitia iustus esse formaliter potest, sicut nec aliena albedine albus, nec alieno calore calidus, hæc enim manifestam contradictionem implicant. Aliena verò iustitia ad id tantum alteri servire potest, ut eius beneficio effectivè quis iustus reddatur, quomodo Christum esse iustitiam nostram credimus, quia sua iustitia efficit in nobis veram, & in nobis inhærentem coram Deo iustitiā quæ nos verè iustos facit, ita ut hæc iustitia in nobis inhærens, sit & nostra & Christi; nostra quia in nobis est, Christi quia à Christo. illāq; solum iustitia nostra damnatur in Scripturis, quæ sit ex nobis, non à Christo.

Ex quibus hoc inferro illam iustitiam Christi nobis imputatam, non solum non esse perfectam nostram iustitiam, sed etiam esse imperfectissimā. licet enim in Christo sit perfecta; in nobis tamen est imperfecta, tum quia modus illa habendi est imperfectissimus per solam imputationem & apprehensionem intellectus. sicut si quis cogitando imputaret Ætiori nigro albedinem; tum quia re ipsa non esse talem, sed opinione tantum censetur, maxima imperfectio: sic autem nos Evangelici censent bonos & iustos, non re ipsa (re ipsa enim aiunt nos esse peccatores, & peccatum in nobis verè & realiter manere, non tolli,) sed solum per nostræ fidei cogitationem & apprehensionem, & divinam imputationem nos esse iustos. Deniq; cum eam iustitiam quæ contradictionem manifestam implicat, perfectam vocant. an non cum ratione insaniunt? non solum enim perfectè non convenit quod contradictionem implicat, sed nullo prorsus modo convenit, nec convenire potest. Itaq; dum adversarij iustitiam nostram perfectam statuere volunt, omnium imperfectissimā statuunt, & sic fucum tantum in verbis, & verba sola sine rebus nobis obtrudunt. Porro cum dicit ad hanc iustitiam perfectā nihil ex parte nostra concurrere potest, sed sola Christi iustitia nos iustificari; id si de concursu dispositivo intelligat, falsum est: actus enim fidei, spei, pœnitentiæ, charitatis, concurrunt ad nostram iustitiam dispositivè; si de concursu formali, consequenter quidem in sua sententia loquitur, sed falsum assumit, nos esse posse aliena & extrinseca iustitia formaliter iustos, etiā si intrinsecè simus in nobis iniusti. hoc enim doctrinæ monstrum, ob manifestam quam involuit contradictionem, nulla unquam ætas non dicam ad-

putanda nobis Christi perfecta iustitia.

Habendi modus imperfectissimus, sola imputatione & intellectu apprehensio.

Implicat contradictionem formaliter & intrinsecè esse iniustum: & nihilominus aliena iustitia perfectè iustificari.

Nec imperfecta Zaborouij iustitia consistit.

admisit, sed ne suspicari quidem potuit. Præsentis seculi hoc monstrum proprium est ex Luteri doctrina prognatum. Alter fucus est in altero distinctionis membro, in iustitia imperfecta asserenda, quam regenerationem & sanctificationem, & fructum prioris iustitiæ vocat. Quid enim hæc sunt nisi verborum fuci? Nam quomodo dici potest hominem intrinsecè fieri iustum, intrinsecè regenerari & sanctificari, quem esse intrinsecè peccatorem, iniustum, impium, ex ipsorum sententia constat? Nunquam enim peccatum verè tolli ab homine iustificato docent, sed tantum tegi & non imputari. Quomodo verò lux cum tenebris, Christus cum Belial, iniquitas cum iustitia stare simul potest? Falsum igitur est, quòd ipsi iustitiam aliquam intrinsecam admittant, cum implicet contradictionem, eum qui est intrinsecè iniustus, dici & esse intrinsecè iustum. Deinde si hæc iustitia est vera iustitia, non imperfecta erit, sed perfecta; & multò perfectior quàm illa prior imaginaria, perfectius enim est intrinsecè iustum esse quàm extrinsecè, & verè potius ac realiter, quàm imaginariè & imputatiuè. Adhæc si hæc iustitia imputata est vera iustitia, efficit nos filios Dei & hæredes vitæ æternæ: omnis enim iustus, eò quòd iustus est, est filius Dei: si autem filius, & hæres; cum igitur hæc iustitia autore Zaborouio, ex operibus bonis oriatur, imò nihil aliud est, nisi ipsa opera bona, vel vt Zaborouius ait, obedientia legi diuinæ; consequens est opera bona, nos verè iustificare, imò verò esse ipsam iustitiam nostram, ac proinde plurimum valere ad salutem, quia plurimum valent ad iustitiā iuxta illud *Apocal: 18. Quis iustus est, iustificetur adhuc, & sanctus sanctificetur adhuc.* & *Iacobi 2. 24. Videris quòd ex operibus iustificetur homo, & non ex fide tantum.* Quod argumentum tantò magis vrget aduersarios, quòd ipsi ne in Christo quidem aliam iustitiam agnoscunt, nisi actualem; quæ in actibus iustis & obedientia legis diuinæ posita est: nec aliter euadere vim argumenti possunt, nisi negando opera iustorum esse verè iusta, cum secundum ipsos verè sint peccata (de quo mox) & solùm imputatiuè esse iusta, & haberi pro iustis. At hoc ipsum est quod causam ipsorum iugulat. Si enim opera verè non sunt iusta, veram & intrinsecam iustitiam causare non possunt: Quis enim credat per opera iniusta aliquem fieri verè iustum. At tot sunt in hac ipsorum doctrina contradictiones, vt eos talpis cæciores esse oporteat, qui tantas absurditates non vident, nec expendunt. Nunc satis est ostendisse, illos opera bona, vana & inutilia tam ad iustificationem, quàm ad salutem facere, licet verbis inanibus & fucatis id contendant. Ait quidem Zaborouius opera bona esse necessaria, tum ad gratitudinem & obedientiam Deo exhibendam, tum ad vocationem nostram firmam reddendam, tum vt proximos lucremur, & ad Dei laudes prouocemus. Sed

hæc omnia vera sunt, suppositâ operum bonorum dignitate & valore, quam illi prorsus tollant. vel enim opera nostra placent Deo, vel non placent; si placent, faciunt nos Deo magis charos, & in Domini charitate crescentes, quæ est vera iustitia: Deus enim non amat ad vitam æternam, nisi iustum, & quem magis amat propter opera iusta, eum magis esse iustum propter opera oportet. Quod si valent opera nostra ad veram coram Deo iustitiam, valent proculdubio plurimû ad salutem. Si verò negent placere opera nostra Deo, quomodo per opera quæ Deo non placent, possumus Deo gratitudinem exhibere? quomodo operibus Deo displicentibus vocationem diuinam firmâ reddemus, & proximos ad Deum laudandum prouocabimus? ea enim quæ Deo displicent, ad Dei laudem minimè cedunt. Illi ergo tres bonorum operum in nostra, non in Euangelicorum sententia locum habent, nihilque causam aduersariorum iuuant: ita vt dubitari non possit opera bonorum sententia inania & inutilia esse.

Tertius articulus Euangelicorum est, quod omnia opera nostra, quantumuis bona, peccata esse dicuntur, secundum diuinum rigorem mortalia, secundum misericordiam verò venialia. Queritur hic Zaborouius me non candide sententiam ipsorum proposuisse. At candidius proponere non potui quàm ipsius Luteri verbis, qui Articulorum Assertione 31 ait. In omni opere bono iustus peccat, & in articulo. 32. reuocat quod ante dixerat opus bonû optimè factum esse peccatû veniale. Reuoco, inquit, & moderor hoc modo: Est veniale peccatum secundum misericordiam Dei, sed mortale peccatum secundum iudicium Dei. quod Caluinus 3. Inst: alijs verbis dicit: Omne opus quantumuis sanctum, mereri iustam opprobrij mercedem, At ne Zaborouius ipse candidius proponit, cum ait: Bona opera esse ex suo genere actiones bonas, sed cum è carne multis vitijs contaminata proficiuntur, nec eo modo quo fieri debent, sunt esse mala: secundum quam expositionem sequitur, opera vt à nobis sunt & mala esse & peccata mortalia, nec posse non esse peccata. Hoc autem tantum absurdum est, vt nullum aliud absurdius; si enim opera bona sine peccato mortali à nobis fieri non possunt, sequitur nullo modo facienda esse: si quidem omne ius Diuinum & naturale peccata fieri prohibet. Sequitur etiam præcepta diuina seruanda non esse: Nam si seruando præcepta diuina pecco, implere illa non debeo: quod enim impleri sine peccato non potest, faciendum non est; si verò non pecco, sequitur contra aduersarios, non omne opus bonum peccatum esse. Imò etiam sequitur tã implendo Dei præcepto, quàm non implendo hominem peccare: nam non implendo peccat contra præceptum diuinum, implendo verò quia implere sine peccato non potest, iterum peccat. ex quo fieret tanta animi perplexitas,

*Censiles in
Zaborouiu.*

III.
*Omnia bona
opera esse pec-
cata.*

*Zaborouius
dum Lutero
& Caluino
vult esse sub-
tilior, haud
paulo est ab-
surdior.*

I.
2.

3.

*Male regit
errorem Scri-
pturis.*

*Et fictis San-
ctorum dictis*

*Peccare sem-
per illicitum.*

*proinde Deo
semper ingra-
tum.*

plexitas, ut homo in extremam desperationem incideret, cum siue faciat, siue non faciat, videret se peccatum vitare non posse. Frustra vero Zaborouius verba Iobi in suum errorem detorquet. *Verebar*, inquit, *omnia opera mea, sciens quia non parceres delinquenti. c. 9. 28.* Neque enim Iob certo sibi persuadebat ut Evangelici faciunt, omnia sua opera mala esse, sed verebatur ne mala essent, propter aliquam circumstantiam, quam nesciret; sicut & Paulus eodem modo verebatur cum diceret; *1. Cor. 4. 4. Nihil mihi conscius sum, sed non in hoc iustificatus sum: qui autem iudicat me Dominus est.* Torquet etiam ad suum sensum dicta quaedam Sanctorum, quorum nullus vnquam dixit: In omni opere bono iustum peccare, aut omnia opera bona peccata esse; sed vel quod frequenter etiam iusti peccant venialiter saltem; vel quod etiam opera bona, quandoque intentione, vel circumstantia mala inficiantur. Cum verò iustitiam nostram, in iustitiam appellant, id vel ob multa peccata admista; & multa etiam bona vitata docent, vel nostram iustitiam cum diuina comparando; respectu cuius iustitia censei debet iniustitia, quod non est verè esse iniustitiam, sed comparatiue duntaxat. Quæ omnia cum à Bellarmino *lib. 4. de iustif. q. 21.* declarata sint Zaborouius tamen ac si nihil à nobis responsum esset, iua repetit, & refutationes dissimulat, & audet nihilominus concludere nihil aliud Caluinum docuisse, quam quod docuerunt SS. Patres, cum SS. Patres nunquam id de singulis operibus bonis affirmarint, quod affirmat cum Lutero Calvinus.

Negat quoque Zaborouius sequi ex hac doctrina vlla absurda. Præstat enim inquit, aliquid boni facere, quam nihil. Quis dubitat Zaboroui? at ex vestra doctrina, boni nihil fieri potest. Omne enim bonum, apud vos est peccatum. Præstat igitur nihil boni facere, quia reuera nihil boni secundum vos fieri potest. Præstat inquit Deo exhibere obedientiam licet imperfectam quam nullam. Quasi verò hic de imperfectione & non de peccato verò agamus. Si enim omnis obedientia nostra verum peccatum est, & quidem natura sua mortale, præstat talem obedientiam Deo non præstari, quæ sine offensa Dei mortali, præstari non potest. Essetque potius ista obedientia gravis inobedientia, quia mandato diuino de non peccando mortaliter contraria. Bona inquit fidelium opera Deus acceptat non propter ipsorum dignitatem, sed propter Christum. At si opera bona ut à nobis sunt, sunt peccata mortalia, quomodo illa Deus accepta, & cara habere etiam propter Christum potest? Nunquid enim peccata propter Christum cara, & accepta sunt Deo? Et si enim per Christum, & in Christo, opera nostra sint accepta Deo, tamen id ex eo prouenit, quod per Christum & eius gratiam sint facta talia ut digna sint quæ placeant Deo, ut pote in Deo facta, & Spiritu sancto illu-

cto illu-

et illuminante, inspirante, perficiente. Quidni enim gratia diuinæ, & *Contegit De-*
Spiritus S. opera digna sint vt amentur a Deo? Licet inquit a nobis non eo *us peccata re-*
modo fiant quo debent, Deus tamen clementia sua defectus nostros conte- *mittendo, nō*
git, at defectus isti non sunt qualescunque sed peccata mortalia, opus autem *grata habēdo.*
quod est peccatum mortale, impossibile est. vt Deus carum & acceptū habe-
at, contegere quidem illud remittendo potest, at carum & gratum habere
nequaquam. Per spiritum, inquit, suum, obedientiam suam in nobis inchoat,
quam in vita aeterna est perfecturus. at si hæc obedientia peccatum mortale
est, quomodo a Spiritu S. inchoatur? nunquid Spiritus sanctus peccata in no-
bis inchoat & operatur? Nullo igitur modo Zaboronius tueri potest, quin
ex hac doctrina sequatur, nulla opera bona facienda esse, si omne opus bo-
num quantumuis perfectum, in nobis peccatum mortale est.

Fidem saluificam ait apprehendere gratiam Dei, quæ erudit nos vt *Sobrietas, iu-*
abnegantes impietatem, & sæcularia desideria, sobriè, & iuste, & piè vi- *stitia, & pie-*
uamus in hoc sæculo. At Zaboroui nec fides vestra apprehendit quidquam *tas Luterano-*
nisi credendo, ita vt apprehendere nihil aliud sit quam credere, neque gra- *rum est pec-*
tia Dei quam fide apprehendimus seu credimus (si vera vestra doctrina est) *catum mor-*
facit nos sobriè, iuste, piè, viuere. Sed in omni opere bono peccare, ita vt *tale.*
omnis nostra sobrietas, iustitia, pietas, sit peccatum mortale.

Hoc igitur lucri ex vestra doctrina habetis, quod gratiam Dei fundi-
tus euertatis, eiusq; effectus omnes irritos faciatis. Nos Catholici talem gra-
tiam credimus & habemus quæ nos faciat, sobriè, iuste, & piè viuere. Vos
verò talem gratiam fide vestra iustificante apprehenditis, quæ faciat vos in o-
mni opere bono mortaliter peccare. Neque vobis seruit quod scribis Chri-
stum non ideo nos lauissè a peccatis, vt iterum tanquam sues ad volutabrum
reuertamur, sed *vt seruiamus illi in sanctitate & iustitia coram ipso omnibus*
diebus nostris. Luc: 3. 75. Vos enim cum docetis, in omni opere bono iu-
stum peccare, quid aliud docetis, quam iustum postquam fuerit lotus a Chri-
sto, rursus in cæno & volutabro peccatorum, tanquam suum volutari,
cum nihil boni sine peccato mortali facere possit. Frustraq; fidei tuæ tribuis,
quod fructus bonorum operum efficiat, potius enim contrarium verum est,
quod nullum fructum operum bonorum, sed peccatorum duntaxat efficiat.

Sanctitas, inquit, operum incerta est, a qua Sancti ad misericordiam *Opera bona*
Dei appellarunt *Psalm: 130.* Et quam Isaias pannum mensuaturæ: *Esaiæ 64. 6.* non opponen-
Paulus verò *συνεχάλα* vocat. *Philipp: 3. 8.* At quomodo sanctitas operum *da misericor-*
incerta est, quæ verbo Dei nicitur? Quid aliud est *seruire Deo in sanctitate die & gratia*
& iustitia. *Lucæ 1. 75.* nisi seruire in sanctis & iustis operibus? opera igitur Dei, cum ex
sancta, sunt sanctitas nostra actualis, & quidem certissima, quia salus *et ea sequantur*
promissa

promissa est. *Si vis ad vitam ingredi, serua mandata Dei. Matth: 19. 17.* Et Christus omnibus obtemperantibus sibi factus est causa salutis eterne. *Heb: 5.* Apud vos cum operum sanctitas nulla sit, sed feditate peccatorum omnia scateat non incerta, sed nulla penitus dicenda est. Cur verò opera sancta opponis misericordie Dei, vtabillis ad misericordiam Dei sit appellatio? Anne opera sancta ex gratia & misericordia Dei non procedunt? dona enim sunt Dei & ex Deo, non ex nobis. Non igitur Sancti ab operibus sanctis ex gratia Dei procedentibus appellant, sed in ipsis operibus suis gratiam & misericordiam Dei agnoscunt, confitentes opera sua esse dona Dei, & merita sua opus diuinæ gratiæ in nobis. Abuteris verò Isaia loco, qui quod de iustitia illius populi impij, omnibus sceleribus inquinata scribit, eam esse pannum menstruatum, tu ad omnem etiam Sanctorum iustitiam applicas. Si enim illi opera illa iustitiæ externa quæ secundum legem tenebantur facere innumeris peccatis contaminarunt; nunquid idem dici debet de hominibus verè sanctis & iustis & plenis (vt Scriptura loquitur) operibus bonis? Paulus etiam non opera sancta legis nouæ, quæ ex Christi gratia sunt, nec charitatem quam Spiritus S. diffundit in cordibus nostris *συνβαλα* appellat, sed legis veteris obseruantiam, quæ cum Christum significaret ipso adueniente inutilis & quasi *συνβαλον* ac excrementum quod reijcitur reddita est.

Isaia sensus.

Pauli.

C A P V T XXII.

**Legem Dei seruatu esse impossibilem impie-
docent noui Euangelici.**

Quartum articulum legem Dei in hac vita impletu esse impossibilem confirmat Zaborouius. Quis enim inquit excepto Christo qui peccatum non fecit eam impleuit? Quis? quæris? Omnes qui Christi gratia freti implere voluerunt, omnibus enim Christus ad legem suam eos inuitans dixit: *Iugum meum suauē est, & onus leue. Matth: 29.* Et Apostolus testificatus est disertè *mandata Dei gratia non esse.* Si enim iugum legis Christi seruatu impossibile est, quomodo suauē, quomodo leue dici potest? Nil sanè durius & grauius quam quod impleri non potest, nec maior quis Tyrannus animo fingi potest, quam qui impossibilia mandat. Nam ridiculum est quod isti aiunt legem Dei esse leuem, quia peccata non imputantur. Si enim impleri non potest, est nimis grauis quamuis hoc illi non imputetur ad pœnam.

*Nemo tyrannus maior
quàm qui im-
possibilia mā-
dat.*

pœnam. Quôcirca disertis verbis Scriptura multos recenser qui legem Dei impleuerunt. *Luc. 1. de Zacharia & Elyzabeth loquens; Erant, inquit,ambo iusti ante Dominum, incedentes in omnibus mandatis, & iustificationibus Domini sine querela.* Si igitur erant incedentes in omnibus mandatis, & iustificationibus, impleuerunt omnia mandata & legem Dei, non enim incedit in mandatis qui mandata non implet. Et de Dauide dicit. *Act. 13. Quod omnes voluntates Dei fecerit.* Et expressius. *3. Reg. 15. Non declinauit ab omnibus, quæ præceperat ei cunctis diebus vitæ suæ excepto sermone Vriæ,* Vñ igitur præceptum Domini non seruauit, cætera omnia seruauit, postquam de illo peccato pœnitentiam egit, nullum Domini præceptum violauit. Iosue etiam idem dicitur. *Iosue 11.*

Ita verò argumentatur Zaborouius. Qui peccat, legem Dei non implet, sed violat. *Omnis homo peccat. Ioan. 1. 8. Rom. 3. 1.* Nullus igitur legem Dei implet. Verum argumenti æquiuocatio distinctione peccati diluitur: qui enim peccat mortaliter, is legem Dei non implet sed violat, non verò qui peccat venialiter. lex enim Dei sub amissione diuinæ gratiæ & vitæ æternæ nos obligat, *Si vis, inquit Deus vitam ingredi, serua mandata.* Is igitur legem Dei violat, qui tale quid admittit, quo & Dei gratia, & vita æterna amittitur, tale est peccatum mortale. Peccatum verò veniale, cum salua Dei gratia & vita æterna committatur, legem Dei simpliciter non violat, nec est simpliciter contra legem sed præter legem. Quôcirca vtrumq; in Scriptura legim⁹ de iustis, & quod peccare nō possint. *1. Io. 3. Qui natus est ex Deo non peccat, nec potest peccare, quia ex Deo natus est:* si autem peccare non possunt, implent legem. & quod non possint esse sine peccato. *1. Ioan. 1. 8. Si dixerimus quia peccatum non habemus, ipsi nos seducimus, & veritas in nobis non est.* Vtrumq; igitur verum, & quod iusti peccare non possint, peccato quo lex Dei violetur; & quod quotidie peccata leuia & venialia admittant, quæ sicut iustos non faciunt non esse iustos, ita non faciunt eos legem diuinam non implere; quæ nisi impleatur, iustus nemo dici potest.

Instat Zaborouius. Regenerati in hac vita non sunt perfectè regenerati, de die enim in diem renouantur. *2. Cor. 4. 16.* in quantum verò renouantur, adhuc in corruptione sunt, nec itaq; legis impletio in hac vita perfecta esse potest. Sed nil concludit: aliud enim est regeneratio, aliud legis impletio: regeneratio ad diuinæ naturæ participationem spectat, impletio legis ad opera; & sicut esse & operari distinguuntur, ita hæc duo distingui necesse est. Errat etiam cum omnem renouationem in nobis esse putat à corruptione peccati, cum non solum à peccato ad gratiam renouemur, sed à gratia ad gratiam, vt qui Sanctus est sanctificetur adhuc, & qui iustus est, iustificetur adhuc. *Renouatio nō solum à corruptione; sed etiam à gratia ad gratiam*

Peccatum duplex mortale & veniale.

Veniale peccatum legem Dei simpliciter nō violat.

De Nōtis Ministrorum

tur adhuc. Locus verò 2. Cor: 4. 16. non est ad propositum. In eò enim Paulus solum ait, hominem internum quotidie renouari, nouas vires assumendo intuitu præmij cœlestis, *si ait: is homo qui foris est, quotidie corrumpitur* id est deficit: qui sensus colligitur tum ex antithesi, tum ex ratione, tum ex Patrum expositione. En quàm futilibus rationibus tanti momenti res, homines isti asserunt. Porro ex hac ipsorum doctrina manifestè concluditur præcepta diuina, cum impleri non possint, impleri non debere, vanumque esse omnem laborem qui in illis implendis impenditur.

Concupiscentia figuratè solum peccatum dicitur.

In particulari autem præceptum *Non concupisces*, impleri non posse concedit Zaborouius, eò quòd concupiscentia in nobis semper manet, hoc est lex illa in membris nostris repugnans legis mentis, & captiuans legi peccati. At manere concupiscentiam in carne nemo negat; concupiscentia verò esse peccatum verè & propriè, nemo nisi stultus qui quod peccatum sit non intelligit, affirmat. Quod ea ipsa verba ex Paulo citata testantur, dicit enim hanc legem membrorum, captiuare ad legem peccati, non verò esse peccatum ipsum, ideòq; figuratè solum dici peccatum, quia ex peccato est, & ad peccatum inclinat: propriè tamen peccatum, nullo modo dici potest, quia non est voluntarium. Peccatum enim vitium voluntatis est, non carnis, alioqui in brutis quoq; peccatum esset. Quis verò alicui id vitio vertat, quod contra omnem ipsius voluntatem accidit? Cum verò in præceptis Dei dicitur, *Non concupisces*, non carni sed voluntati dicitur. Idemq; est non concupisces, quod *post concupiscentias tuas non eas*, Eccles: 18. 30. *Non secundum carnem ambules Rom: 8. Spiritu facta carnis mortifices*, vti seipsum Scriptura exponit. Neq; vllum mandatum Dei extat de non sentiendis in carne concupiscentijs, hoc enim vt impossibile, ita & irrationabile esset, sed solum de non consentiendo ipsis. Vanum verò est quod ait Zaborouius concupiscentiam in Baptismo tolli quoad reatum, non vt non sit, sed ne imputetur; hæc enim sunt mera fragmenta Euangelicorum, neque enim opus est non imputatione, vbi nihil est quod imputari possit: concupiscentia enim voluntate resistente, non potest à Deo imputari in peccatum, cum peccatum sit proprius voluntatis actus, implicat enim contradictionem imputari aliquid voluntati, quod à voluntate non sit. Non igitur nos sanctiores Paulo sumus, vt legem in membris repugnantem legi mentis non sentiamus; sed vos stulti estis qui peccatum absq; voluntatis, & mentis consensu admitti asseritis.

Implicat contradictionem imputari aliquid voluntati, quod voluntati non sint.

Similiter præceptum de diligendo Deo super omnia esse impossibile eum suis Magistris fatetur Zaborou. Si, inquit, de perfecta in suo genere & gradu dilectione intelligatur. quasi verò non perfecta sit in suo genere & gradu dilectio quæ est super omnia, quo enim altius ascendat non habet, si

Deum

Deum super omnia diligit. Talem dilectionem habuit Paulus cum diceret: *Quis nos separabit à charitate Christi? tribulatio? an angustia? certus sum quod neq; mors, neq; vita, neq; Angeli, neq; creatura ulla poterit nos separare à charitate Dei, quæ est in Christo IESU Domino nostro.* Est enim hæc dilectio perfectissima appetitiuè, quia magis amari Deus appetitiuè non potest, quam cum super omnia amatur, sufficitq; ad impletionem præcepti de diligendo Deo ex toto corde; tunc enim Deus ex toto corde diligitur, cum cor nil Deo maius habet, nil magis æstimat, sed ipsum omnibus alijs rebus anteponeat. Hoc enim modo ex toto corde Deum quæsiisse multos Scriptura commemorat, non quia nihil aliud præter Deum cogitauerunt aut egerunt, sed quia super alia omnia Deum sibi quærendum proposuerunt: eodemq; sensu Paulus ait: *Qui diligit, legem impleuit.* Non perfecte, inquit, in hac vita Deum cognoscimus, quia per speculum & in ænigmate, *1 Cor: 13. 12.* nec perfecte igitur diligimus. Retorqueo, cum perfecte Deum in hac vita cognoscamus, ea scilicet perfectione, qua nobis præcipitur diligendus; cognoscimus enim Deum esse super omnia diligendum, sequitur perfecte etiam à nobis in hac vita diligi, ea nimirum perfectione quæ nobis præcipitur, nempe ut eum super omnia diligamus; non enim omnis perfectio charitatis nobis est præcepta, sed ea tantum, ut super omnia Deum diligamus. Hanc perfectionem dilectionis cum implere possimus, implere quoque præceptum de diligendo Deo super omnia possumus. Deus, inquit, diligendus præcipitur super omnia, non solum appetitiuè, quia summum bonum est; sed etiam intensiue quia ex omnibus viribus. At hoc falsum est. Multos enim legimus ex toto corde & consequenter ex omnibus cordis viribus quæsiuisse Deum & dilexisse, qui tamè non summa intentione diligebant, alioqui nec aliò mentè cõuertere, nec vires suas in alias res diuidere debuissent. Imò quia Deus ita vult ut ipsum diligamus, ut alias quoq; res non negligamus, sed eis vacemus, hoc ipsum inuictum argumentum est, non requirere à nobis summè intensam dilectionem, sed solum appetitiuè summam. Iam si per omnes vires intelligat Zabboruius, non vires cordis, sed aliarum quoq; potentiarum, quæ sunt in carne, ea perfectio nullo modo nobis præcipitur. Cordi enim non carni præcipitur diligendus Deus, cor enim non caro Deum cognoscit, ac consequenter diligit, & implet dilectionis præceptum. Præcipere enim ut omnibus etiam carnis viribus diligamus, est præcipere, ut caro non concupiscat: quale præceptum in tota lege Dei est inauditum, & quia de re impossibili esset, irrationabile esset, & diuinæ Sapientiæ ac Bonitati repugnans. Fateor si de dilectione Dei loquamur, non ut nobis præcepta est, sed secundum eam perfectionem, quæ in illam cadere absolute potest, eam perfectionem in hac vi-

Quid sit à mare Deum super omnia.

Quæ perfectio charitatis præcepta in hac vita.

Quæ perfectio charitatis viue futuræ reservatur

ta haberi non posse, vti Augustinus, & alij sancti Patres affirmant, eamque perfectionem cœlesti gloriæ reservatâ dicunt, eam tamen à nobis in hac vita sub amissione gratiæ diuinæ & vitæ æternæ, quæ propria obligatio est legis diuinæ, non requiri, & absque ea præceptum dilectionis nobis impositum, perfecte impleri posse, ea perfectione quæ nobis præcepta est.

*Cuiusmodi
peccatorum
quotidie pe-
tatur remis-
sio.*

Miror, inquit Zaborovius, quomodo ista coherere possunt: Dicitis vos legem Dei implere, interim tamen omnes quotidie oratis: Dimitte nobis peccata nostra. Quid autem vobis à Deo dimittitur si ei nihil deberis? Noli mirari Zaboroui, non enim eorum peccatorum dimissionem, quibus lex Dei violatur, nos quotidie petimus, sed venialium duntaxat & leuium peccatorum, quibus lex Dei absolute non violatur. salua enim gratia Dei & vita æterna, committi talia peccata possunt. Quis enim credat, vno verbo otioso legem Dei ita violari, vt & gratia Dei amittatur, & damnatio æterna incurratur? Id igitur petimus quotidie dimitti, quod debemus. Ac non debemus id quo lex Dei violetur, & amissionem diuinæ gratiæ & gloriæ mereatur, sed quod salua diuina gratia, & vita æterna deberi à nobis potest, quæ sunt leuium aliquorum excessuum debita.

*Supereroga-
tionis opera.*

Affirmatis, inquit, supra legem ampliora vos posse facere. Rectè affirmamus; multa enim bona à nobis fieri possunt, quæ nobis sub amissione diuinæ gratiæ & salutis præcepta non sunt. Talia sunt quæ studio maioris perfectionis suscipiuntur, iuxta Christi verbum: *Si vis perfectus esse, vende omnia quæ habes & da pauperibus*, & alia id genus.

*Zaborovius
delinat in Põ-
rificis morien-
tis absolutio-
ne.*

Interim tot Sacramenta habetis, inquit, aduersus peccati remedia. Ita sanè, vt eorum præsidio & vitare peccata mortalia, quibus lex violatur possimus, & ad impletionem legis diuinæ peruenire. Pontifex, inquit, vester in fine vitæ absoluitur, at cur absolui debet, qui nullo peccati vinculo irretitus fuit? Stulta obiectio: nam nec Pontificem nos à peccatis immunem credimus, & dum in fine vitæ absoluitur, à peccatis absolui dicimus: quæ si venialia tantum habeat, legem Dei non violauit: si graua, pœnitentiæ remedio in eo statu constituitur, vt paratus sit ad omnem legem Dei implendam, imò & actu implet tunc, quicquid pro illo temporis articulo, lege Dei præcipitur, ad cætera suo tempore implenda animo paratus.

*Et in Patri-
bus adducen-
dis.*

Ineptè verò adducit Chrysostomus & Sedulius, qui de legis veteris impletionem loquuntur, & eam opponunt gratiæ, dicuntq; quòd lex tota impleri non potest ex seipsa, nisi iuuetur gratia Dei, gratia autem est ex fide.

Non igitur absolute dicunt totam legem impleri non posse, sed solum per seipsam, & sine gratia & fide, quod ad rem Evangelicorum non facit, qui etiam ex gratia & fide dicunt legem Dei impleri non posse.

C A P V T XXIII.

Nouos Euangelicos ob Sacramentorum defectum necessariò deteriores euadere.

DVbium non est Sacramenta esse sanctitatis fontes, per quos diuina in nos gratia dimanat. Hos fontes Euangelici cum non habeant nec admittant, seipso diuinæ gratiæ copia priuant, qua & ad multa bona promoueri, & mala multa declinare possent. Ex septem enim Sacramentis à Christo institutis, & in Ecclesia semper vsurpatis; vnicum tantum verum retinent, nempe Baptismum. Nam ne Eucharistiam quidem veram habent, cum pro vero Christi corpore panem simplicem proponunt, & veris sacerdotibus carent, quibus solis potestas Eucharistiam conficiendi à Christo tributa est. Siccatis igitur sanctitatis fontibus, quid mirum, nullam in eos sanctitatem promanare, peccataq; augeri in immensum? Testis huius rei inter ceteros Erasmus, qui de Euangelicis in Epistola ad Pseudoeuangelicum scriptum reliquit: Mihi, inquit, adhuc neminem contigit nosse, qui non videatur seipso factus deterior. Vnus vir, nullus vir, inquit, Zaborouius. At is vir Zaboroui eiusmodi est, quæ vestra omnia intime nouerat, & etiam probauerat ab initio. Is itaque non aliquos solum ait deteriores factos, quod mirum non esset, sed ne vnum quidem se nosse, qui non sit seipso deterior factus, quod maximum est; idq; ob solam religionis mutationem, & à Baptismo ad nouum istud Euangelium transitum: qui enim in Papatu erant, ubi ad Euangelicos transierunt, facti sunt deteriores, quod & Luterus in Postilla super Euangelium Dominicæ I. Aduentus confirmavit, cum ait, Suos Euangelicos esse multò deteriores, quam fuerint in Papatu. Ridiculè verò exponit Luterum Zaborouius, quasi auditores suos tanquam malos exagitar, vt eò meliores redderet. Neque enim mentiebatur Luterus, sed seriò & verè illis obieciebat meliores illos fuisse in Papatu, & in Euangelio nouo factos deteriores. non est igitur bonum Euangelium, quod non solum meliores non facit, sed etiam deteriores efficit.

At, inquit, de vestra quoq; Ecclesia non semel idem authores grauissimi prodiderunt. Non diffiteor Zaboroui in Ecclesia quoque peccata sæpè grassari maxima: at nec in omnibus nec vitio, sed neglectu potius doctrinæ & pastorum summa iniuria. Cum enim dormirent Pastores, venit inimicus homo & superseminauit zizania. Doctrina enim Catholica pœnitentiâ,

*Sacramenta
septem sancti-
tatis fontes
dissiparunt
nouatores
vsq; ad vni-
baptismum.*

*hinc seipsos de-
teriores facti
Roterodamo
teste.*

*Et ipso Lute-
ro.*

*Vitia in Ec-
clesia, sed nō
doctrinæ vi-
tio, verum*

incuria, præsertim pastorum: contra quam apud sectarios.

confessionem peccatorum, Sacramentorum frequentiam, ieiunia, & omnem vitæ severitatem proponit, quibus homines à peccatis deterri neceſſe est; si pastores suo officio rite fungantur: & quoties eam doctrinam suis auditoribus serio inculcare incipiunt, toties maxima morum reformatio in Ecclesia consequitur. At in vestro Evangelio, cum Luterus & primi vestri Apostoli, primitias vestri spiritus habentes, non dormirent sed laborarent acerrime, tunc maxima ad licentiam & omnia mala declinatio facta est. Non igitur Pastorum incuriæ, sed doctrinæ ipsius vitio attribui debet, id enim quod homines maxime in officio continere potest, peccatorum confessio, pœnitentia opera & frequens Sacramentorum usus, doctores istius novi Evangelij maxime damnant, & à verò Evangelio alienum putant. Testati verò sunt malo suo edocti eam præcipuam totius licentiæ Evangelicorum fuisse causam, quod confessionem peccatorum, reiecerint, cum in Comitijis quibusdam Imperialibus magna contentione postularunt restitui confessionem, quod ea esset unica via ad omnem licentiam coercendam, uti refert Sotus in. 4. d. 18. q. 1. a. 1. oculatus totius rei testis.

Convincitur Zabor: pœnitentiam funditus sustulisse.

- 1.
- 2.
- 3.

Frustra verò negare contendit Zaborovius se veram pœnitentiam sustulisse. Nam si de ea quæ in contritione interna, hoc est dolore peccatorum consiluit, agatur: eam ipsi & peccatum mortale esse docent, & nullam vim ad remissionem peccatorum consequendam, sed solam fidem habere. Si de pœnitentiæ operibus sermo sit; ea prorsus tollunt, quia docent nullam prorsus remanere pœnam, quæ dimissa culpa, per opera pœnitentiæ luenda sit. Si denique de confessione peccatorum ad consequendam à Sacerdote absolutionem agatur, eam isti prorsus tollunt, cum negant potestatem absolvendi à peccatis Sacerdotibus factam esse, ita ut non veritus fuerit Luterus scribere, mulierem & puerum, & quemlibet posse à peccatis absolvere in *Affert. art. 13.* & optimam pœnitentiam esse novam vitam *ibidem in art. 7.* Satisfecit quidem Christus pro peccatis, verum non ita ut nos nihil pro peccatis ageremus: sed ut Christi satisfactionem per actus nostros nobis applicaremus. Quamvis enim satisfactio Christi ex se sit sufficientissima, nisi tamen nobis per actus pœnitentiæ applicetur, nobis nihil proderit. Non igitur per opera satisfactoria derogamus satisfactioni Christi; sed eam nobis applicamus, si quidem opera pœnitentiæ vim satisfaciendi ex Christi satisfactione sortiuntur.

Nostri satisfactio vim ex Christi satisfactione accipit.

Zabor: Tolerum aut non intelligit, aut calumniatur.

Porro cum suam pœnitentiam tueri non possit Zaborovius, in Catholicorum pœnitentiam inuolat, sanè nugacissimis ratiunculis. Docet, inquit, Toletus vester, non teneri quemlibet statim post peccatum conteri, sed tunc tenuem dolorem sufficere. putatq; se oppugnare Toletum cum

tum cum probat ex Scripturis dolorem pro peccatis debere esse maximum. At quam ineptè. Nunquid enim Toletus aut quispiam sanæ mentis negat dolorem pro peccatis debere esse maximum? Ineptè igitur probat id, quod nemo negat. Quod igitur à Toletò cum omnibus Theologis dicitur, est, illum maximum dolorem, quem homo pro peccatis tenetur suscipere, non teneri sub nouo peccato mortali statim elicere in primè temporis articulo, quo peccati meminit; sed satisfacere præcepto diuino, si tempore opportuno illum eliciat: alioqui sequeretur hominem singulis momentis nouis peccatis mortalibus se obstringere, donec summum illum dolorem eliciat. Hoc si tu Zaboroui intellexisti, cur Toletum quasi summum dolorem pro peccatis neget, calumniosè oppugnas? si non intellexisti, cur scribis quæ non intelligis? at tibi sat video fuisse fucum aliquem apud tuos fecisse. Simile & illud est quod contra necessitatem formalis propositi non peccandi, opponis. Neque enim quisquam Catholicorum, dixit non requiri ad pœnitentiã verum propositum non peccandi, siue illud sit formale, siue virtuale: sed inter Theologos tantum controuersia est, an solum virtuale sufficiat, vel an requiratur formale. Illud primum, cum quidam probabiliter affirmant, tu illos oppugnas, ac si negarent verum propositum non peccandi, quod hominis parum res intelligentis est, non solide docti. Similiter nec illud intelligis quod oppugnas, posse pœnitentiã externam per alium impleri: pœnæ siquidem externæ ex eo sunt genere, vt eas vnus pro alio suscipere possit, vti res ipsa & vsus quotidianus loquitur. Adducis quidem ex Scriptura vnumquenque portare onus suum, at cur aliam Scripturam non adducis in qua dicuntur peccata Patrum puniri in filiis in tertiã & quartam generationem? *Exod. 20. 5.*

Carpis etiam absolutiones venalesque Indulgentias, quibus ais ad omnem turpitudinem fræna laxari. At quam imperitè? Absolutiones enim Catholicæ non sunt ex eo genere, vt per eas ab omni culpâ & pœna homines liberentur, & nulla pro peccatis pœnitentiã irrogetur, sed cum culpa pœna quidem æterna aufertur, at temporalis non aufertur, sed pro ratione peccati maior vel minor iniungitur. Quomodo igitur puniendo peccata fræna ad peccandum laxantur?

Indulgentias verò cum venales vocas, calumnia mera est. Ego enim in curia Romana non semel varias pro varijs indulgentias impetraui, nullo pro ea re precio dato, ac ne nominato quidem. sed esto. fieri enim potest aliquando in ea re abusus. Num igitur propter abusum qui tolli potest, illicò vsus & res ipsa secundum se damnari debet? Est hoc sanè non sapientis sed imperiti, propter abusum damnare vsum. Inter nos sanè modo agitur de doctrina, an tale quid doceamus, vnde laxitas morum & dissolutio sequatur, quod vti

equè ac aliorum Theologorum sententias quas oppugnandas sumit.

Eodem stylo in absolutiones & indulgentias inuehitur.

quod vti in vestram doctrinam aptè conuenit, ita à nostra doctrina nihil magis alienum cogitari potest.

*Equiuocatio
an licita?*

Ioan: 7. 8. 10.

Marc: 13. 32.

Gen: 12. 13. 20.

Gen: 27. 19.

*Quando licitum occultare
veritatem.*

*Zaboronia-
nos spectat*

Quæ contra æquiocationem mentalem disputas, ostendunt te in Scripturis Doctorum virorum tam parum versatum esse, vt quod ab illis communi consensu & graui ratione docetur, non intelligas; quippe qui contentus es specie quadam veritatis fucum facere imperitis, nec cogitas quid sapientiores de re iudicaturi sint. Si enim æquiocatione iusta in nullo casu vtendum censes, non solum viris doctis, sed etiam Christo, & scripturæ contradicis. Legimus enim & Christum & sanctissimos ac in Scripturis laudatos viros æquiocatione vsos esse. Etenim Christus *sinxit se longius ire, Luc: 24. 29.* siue ea fictio verbis, siue factis fuerit facta. *Æquiouocè* quoque dixit se non ascensurum ad diem festum, cum tamen ascenderit, intelligens se non ascensurum manifestè, cum in occulto ascenderit, vt mox exponit Euangelista. Diem quoque iudicij nescire filium hominis asseruit, sensu quodam occulto, siue quia nesciret ad dicendum, siue quod ea modo quodam loquendi nescire dicimur, quæ definire & determinare non esse nostrum significare volumus, vt alibi contra Arianos ostendimus, lib: 2. de Christo. Apud Ioannem quoque Cap: 11. æquiouocè dixit: *Lazarus amicus noster dormit, sed vado vt à somno excitem eum*, quæ verba tanquam de dormitione somni dicta intellexerunt Apostoli, cum tamen de morte loqueretur. Abraham dixit uxorem suam sororem esse. Iacob dixit se Esau primogenitum. Quæ tamen æquiocationes non mendacia fuerunt, sed occultationes necessariæ veritatis, in sensu recondito, sed vero. Nec etiam iniustæ aut temerariæ fuerunt, quia iusta occultandæ veritatis intercedente causâ dictæ fuerunt. Sæpe enim veritatem aliquam occultare, citra mendacium necessarium est, cum vel iniuste exigitur, vel in graue alicuius damnum cedit, vel bono alicui magno aduersatur. Id autem si citra mendacium fiat, vero scilicet & occulto sensu intento, nullum peccatum est: si verò & sine causâ, & cum mendacio, peccatum proculdubio est. Hæc cum omnes viri Sancti ex Scripturis & sanctis Patribus doceant, tu ignorantia sola fretus, condemnare audes quod nescis, & clamores excitas, vbi nulla tibi suppetunt firmamenta rationum. Nam si rudem plebeculam iudicem statueris, lucrum aliquod referes; si doctorum & non vulgariter res expendentium iudicium subibis, totum perdes. Absurdè verò vereris, ne nostri Catholici hac æquiocationis doctrina in faciendis suis confessionibus vtantur, vbi enim iustum & debitum est peccata confiteri, iniustum est ea æquiocatione tegere.

Sed quam egregiè Zaborouius probat suos Euangelicos esse sanctos; quia, inquit, quotquot sancti fuere, non alia ratione quam Evangelica fide sanctitatem

sanctitatem consecuti sunt. Quis risum teneat in tam acuta ratione? aut sanctos ad-
quis concedat Sanctos, aut fide Luterana sanctos fuisse; aut sola fide. Magis *missi risum*
enim sanctis operibus ex fide procedentibus sancti fuerunt, quæ opera si ad *teneatis ami-*
fidem non adiunxissent, fide sola proculdubio sancti non fuissent. Nam *ci.*
& fidem Sanctus Iacobus vult ex operibus ostendi, & iustificationem ex o-
peribus fieri à fide profectis, & Christus non nisi *obtemperantibus sibi fa-* Iac. 2. 21.
ctus est causa salutis æternæ: deniq; opera ad fidem comparata habere se vt *Hebr. 5. 9.*
animā ad corpus, & esse ipsius fidei vitā Iacobus docet, & omnem fidem
sine charitate nihil valere Paulus affirmat, maioremq; fide esse charitatem. *1. Cor. 13.*
Plus igitur momenti ad sanctitatem habent opera, quam fides. Quare nullo
iure potest Zabor. asserere suos fide Sanctos esse. Si enim omnia opera nostra
quantumuis perfecta vt à nobis sunt, peccata esse mortalia dicere non dubi-
tat; quomodo idem de fide non fatetur? Quod si fides non sancta sit, sed
verissimum peccatum, quomodo sanctos facere Evangelicos potest? Nullo
igitur modo sanctos Evangelicos fides illorum facit. Quod si de Sanctitate
imputata loquantur, eam habeant quantam volunt: nos enim non de ficta &
in opinione posita sanctitate loquimur, sed de vera & reali in nobis inha-
rente sanctitate.

*Larua impu-
tationis.*

Ridiculè verò quærit à me Zaborouius, quid ad veram sanctitatem
ab Evangelicis requiram; nam in promptu responsio est, me requirere om-
nia. Requiro fidem Sanctorum, requiro opera Sanctorum, requiro testimo-
nium de cælo sanctitatis. Nam & fidem falsam habetis dissentientem à fide
Sanctorum quotquot hucusq; fuerunt: & opera Sancta non habetis, cum
ea omnia esse peccata mortalia fateamini, multo minus opera illa heroi-
ca sanctitatis; sed imaginariam tantum sanctitatem vobis comminiscimini
in apprehensione fidei consistentem, cum realiter nunquam sancti sitis, sed
semper peccatores: ita vt ad liberandos vos verè & realiter à peccato, nō suffi-
ciat totus Christi Sanguis, qui tam copiose pro vobis effusus est: post om-
nem enim Christi Sanguinem & redemptionem in Cruce nobis partam di-
citis vos ita in peccato mersos, vt ab eo liberari vsq; ad mortem non possi-
tis. Cum igitur nihil habeatis vnde sancti esse possitis, quis credere potest
vos ad numerum Sanctorum pertinere. Non igitur mirum est vestram sancti-
tatem nullo vnquam diuino testimonio approbatam esse. Cum ex altera
parte sanctitas plurimorum Catholicorum nouis quotidie miraculis illu-
stretur, quæ negare nemo, nisi præiudicata opinionis homo, potest. Frustra-
q; ais Canonizationem vos non curare. Non est quod curetis, nunquam ea ve-
stri ordinis hominibus contigit, nec continget vnquam. *Quæ est enim spes*
Hypocrite inquit Iob: aut quomodo Canonizationem sperare possitis, qui ab
vniuersa

*Omnia de-
sunt Euange-
licis ad sancti-
tatem.
Fides.*

*deficit &
Christi san-
guis ipsorum
opinionem.*

*& diuinum
testimonium.
Iob. 27. 7.*

vniversa Ecclesia proscripti, & Hæretici declarati estis. In dubium verò Canonizationes reuocas : at id non faceres, si tecum reputares, inter cætera quæ ad probandam alicuius Sanctitatem producantur argumenta, diuina quoque testimonia esse seu miracula, non leuiter narrata, sed grauissimis testibus confirmata : quæ si tu eleuare volueris, eleuare quoque poteris Christi ipsius & Apostolorum miracula, quod enim illis obijcies, idem quoque his obijcere poteris. Cum verò linguam stringis ad ridendos sanctos Dei, Dominicum; Franciscum, Loiolam, non à nobis responsionem expecta, sed à Deo seuerum iudicium, quo blasphemum os æternis (nisi tempestiue pœnitentiam egeris) cruciatibus addicetur.

*Imprudenter
primos sex se-
culorum Pa-
tres, secum in
fundamenta-
libus sensisse
iactant.*

*Vide in qui-
bus palam ab
ijs Patres dis-
sentiant.*

*Non libros Pa-
trum pro Ca-
nonicis, sed
consensum eo-
rum unani-
mem in fide
coplesimur.*

Tribus igitur ex causis fides Euangelicorum, fides sanctorum dici non potest, tum quod sanctos non faciat, tum quod cum fide sanctorum minime concordet, tum quod ne vnus quidem sanctorum illam sit secutus. Nam quod ait, primis sexcentis annis Patres in fundamentalibus cum Luteranis & Caluinianis concordasse, id tam impudenter asseritur vt alia refutatione opus non habeat. Extant enim confessiones Augustini, Hieronymi, Ambrosij, Gregorij, quæ è diametro Luteranæ doctrinæ capitibus opponuntur. Trahunt quidem Euangelici locum aliquem obscure sanctorum Patrū contra omnem ipsorum mentem, at tot alijs locis illustribus, per quæ obscura exponenda sint, conuincuntur; vt dubium esse non possit omnes sanctos Patres in omnibus Luteranæ doctrinæ capitibus ab illis dissensisse. Nam vt cætera taceam nemo quantumuis præiudicatæ opinionis negare potest, omnes ferè sanctos Patres & sacerdotes fuisse, & missam celebrasse, in eaq; celebranda & verum corporis & sanguinis Christi sacrificium agnouisse & sanctos inuocasse, & pro defunctis orasse, & imagines ad altare adhibuisse, quæ omnia noui isti Euangelici præcipue oppugnant. Si hæc fundamentalia non sunt, nescio quid fundamentale, in religione censeri debet. Nam à sacrificio verus Dei cultus dependet. à veritate corporis Christi in Eucharistia vita æterna: Sanctorum quoque inuocatio & imaginum cultus, si vt isti volunt idololatria sit, verum Dei cultum impedit. Cum igitur in his omnibus à Sanctis Patribus dissentiant Euangelici, in fundamentalibus dissentire omnino censendi sunt. Libros, inquit Sanctorum Patrum pro Canonicis non habemus, sed neque nos Zaboroui habendos pro talibus dicimus: Fidem tantum Sanctorum pro vera & Catholica fide habemus, in qua nos Catholici à vobis Euangelicis differimus: nam vos in rebus fidei, n̄uos seu errores Sanctis Patribus tribuitis, vt in Missa, purgatorio & similibus; nos quæcunque illi consensu vnanimi crediderunt, sanctè quoque credimus, nec ab eorum fide vel latum vnguem discedimus. In ijs vero quæ ad fidem non perti-

non pertinent, multa sancti Patres scripserunt, prout cuiq; probabile & scripturis conforme videbatur, hæc nos non pro articulis fidei, sed pro opinionibus probabilibus habemus, sicut & ipsi haberi voluerunt, & liberum esse dicimus in hoc genere, salua fide, quod probabilius visum fuerit sequi.

CAPVT XXVI.

Calumniæ nouem Catholicis à Zaborouio obiectæ diluuntur.

MAgnum causæ suæ præiudicium in iure facere censetur, qui calumnijs contra aduersarium agit, quod is à veritate præsidium non habere, ideoq; ad mendacia merito confugere existimetur. Talis est Zaborouius hoc loco, cum nouem calumnias pro rationibus nobis opponit, quibus se id assecuturum putat apud imperitos, vt Catholici Sanctorum honorem conculcare credantur.

Prima calumnia est. Apostolorum acta & scripta à populo legi prohibetis. At nec absolutè nec vniuersè legi prohibemus, sed ijs duntaxat, qui ob impericiam & curiositatem sine errandi periculo legere non possunt; alioqui cum humilitate & subordinatione debita legere quilibet potest. Neque verò tam prohibemus lectionem, quam occasione lectionis proprio sensu interpretationem, quæ omnes hæreticos in errores impulit. Nam & Petrus 2. Epistola 3. 16. de talibus conquestus est, quod indocti & instabiles ad suam ipsorum perditionem Scripturas deprauant. Æquius est igitur iudice Petro, indoctos & instabiles, Scripturas non legere, quam ad suam ipsorum perditionem legere. Et sanctus Hieronymus sui temporis statum eo maxime nomine deplorat, quod cum in cæteris omnibus artibus tractant fabri, læ fabri, sola Scripturarum ars sit, quam sibi passim omnes vendicant. Scribimus indocti doctiq; Pœmata passim, hanc garrula anus, hanc delirus senex, hanc Sophista verbosus, hanc vniuersi præsumunt, lacerant, docent, antequam discant. In Epist. ad Paulinum de studio Scripturarum. Quare ridendus est Zaborouius, cum ait: Egregiam verò de Scriptis Apostolicis existimationem quod aliquando hæresi inficiant; non enim id vitio sui, sed vitio legentium faciunt, quia vt ait S. Petrus, cum ij qui legunt, sunt indocti & instabiles, Scripturas ad suam perditionem deprauant. Cum igitur tales à Scripturarum lectione auertimus, non contra honorem, sed pro honore Scripturarum & sacrorum scriptorum agimus, non dantes sanctum canibus, nec projicientes

Quomodo Ecclesia arceat vulgus à lectione Scripturæ.

Math: 7. 6.

margaritas ante porcos : alios enim qui id cum fructu præstare possunt, non solum non auertimus, sed etiam impellimus, nec quidquam Scripturarum studio maius ducimus.

*Zaborouius
in S. Stan-
islaus inu-
rosus.*

Secunda calumnia. De Sanctis fabulosa inquit, quæ Sanctos minime decent spargitis, exempli gratia de Sancto Stanislao, quasi mortuum excitasset, & ad iudicium testimonij causa eundem produxisset. At huius calumniæ te Zaborouï tota Polonia & granissimi gentis nostræ Scriptores conuincunt : quippe cum id in dubium reuocas, quod tot seculis tanta constantia creditum est, non à vulgaribus duntaxat, sed vniuersè ab omnibus. An non pudet te hodie natum, nouas de præteritis sæculis fabulas texere, non alio, quam temeritatis fundamento subnixu? Dic eadē temeritate S. ipsum Stanislaū nunquā extitisse. Iidem enim autores qui S. Stanisl. extitisse tradunt, tradunt etiam mortuum suscitasse. Aequè igitur vtrumq; est, aut falsum aut verum, aut si alterum credendum ob eorum auctoritatem putas, alterum quoque ob eorundem auctoritatem credere te oportebit. At, inquis prohibuisse Deum ne quis à mortuis quærat veritatem. *Deuteronomio 18. 11.* Ergone tibi Piotrouinus postquam à mortuis excitatus fuit, mortuus videtur non viuus? & eius testimonium mortui non viui testimonium? Dic obsecro si quis à Lazaro quem Christus à morte resuscitauit, testimonium de Christo audiebat, num contra legem diuinam à mortuis quæsiuerit veritatem? Tamne ineptus es, vt non intelligas in Deuteronomio prohiberi ab ijs qui mortui sunt, non qui diuina virtute sunt ad vitam reuocati, inquisitionem veritatis. Deinde eam inquisitionem vetari quæ fit per incantationes, per Pithonas, per ariolos, vt ibidem expressè dicitur: non verò quæ diuino intercedente miraculo perficitur, Sanctus igitur Stanislaus non à mortuis qui essent mera spectra arte dæmonum apparentia, sed ab ijs qui verè ad vitam diuina virtute reuocati sunt, neq; per incantationes, sed per miraculum diuinum quæsiuit veritatem, quod est ab ipso Deo impetrare veritatem. Nihil igitur contra legem Deuteronomij peccauit, ac proinde tua coniectura futiles est & inepta.

*Historijs Sæ-
clorum quæ
fides habenda.*

Iam quod ad rem ipsam attinet, ea quæ de sanctis apud nos dicuntur vel scribuntur, alia sunt certa & explorata & ab Ecclesia recepta, alia verò priuatos tantum autores habent, absque alio Ecclesiæ testimonio. Vtrorumque non est par autoritas, nec par defendendi ratio. Cum enim à grauib; autoribus asseruntur, æquum est eam ijs fidem adhibere, quam eorum autoritas meretur, etiamsi difficilia ad credendum videantur. Eæ enim quæ Deus præter ordinem naturæ facit cum seruis suis, prudentibus huius sæculi stulta videntur, at Diuinæ sapientiæ ratio in illis, si spiritu Dei expendantur

uantur, maxime elucet. Quod igitur ea quæ de sanctis dicuntur minus de-
centia Evangelicis videantur, tres esse causæ possunt. Primo. Quod non
simplici oculo, sed oculo nequam facta sanctorum inspiciant. Voco ocu-
lum nequam qui ex liore, ad deteriore partem omnia trahit. Talis enim
oculus teste Christo *eorum Corpus tenebrosum reddit*, & lucem transformat
in tenebras, bonum in malum. Secundo. Quod sibi non persuadent quanta
sit amoris Christi magnitudo erga seruos suos; quibus etiam centuplum in
hac vita promittit, & ea quæ exuperant omnem sensum & opinionem ho-
minum, in ipsis operatur. Tertio. Quia iudicat secundum carnem non se-
cundum spiritum, *Animalis enim homo non sapit quæ sunt spiritus: Spiritua-
lis verò omnia diiudicat*. Cum igitur in spiritualibus rebus profunde versati
non sint, nec in seipsis diuinas affluentias; & dulcedines quas præbet Domi-
nus diligentibus se degustarint; in infidelem enim & *maleuolam animam*
non intrat spiritus sapientie: fit ut ea quæ de sanctis audiunt veluti stulta, in-
decentia, incredibilia, propter carnale ipsorum iudicium derideant. Etenim
similiter præcipua fidei nostræ mysteria, stulta infidelibus videbantur, *Iuda-
is scandalum, gentibus stultitia*, at credentibus & spiritu Dei illuminatis e-
rant *virtus & sapientia Dei*.

Quod verò Canus ait *ii. de Locis cap: 6.* ad negligentiam eorum, qui
sanctorum vitas describunt pertinet, cum id nulla cura de inquirenda &
examinanda veritate præmissa faciunt. Quod tamen neque commune est
omnibus scriptoribus, neque facit, quominus innumera de sanctis certa &
explorata habeantur, non a vulgaribus, sed a grauissimis de fide dignis scri-
ptoribus. Quod verò ex speculo Exemplorum a Wyfocio edito producit
Zaborouius de M A R I A sudorem monachi noctu abstergente, impurum ne-
scio quid suspicatur (mens enim impura qui potest purum quid cogitare?)
quod nulli pio Catholico venit in mentem.

Tertia Calumnia est. Iniuriam, inquit, sanctis facitis, quia pro ipsis o-
ratis. Mera hæc calumnia est. Quis enim pro sanctis orat? Oratis, inquit,
cum pro animabus omnium fidelium defunctorum oratis, Libera animas
omnium fidelium defunctorum de pœnis inferni. At Zaboroui verba
ipsa Orationis te docere debuerunt, pro ijs orari qui non dum in cœlo sunt,
nempe ut a pœnis liberati, in cœlum recipiantur. Hoc igitur inter ceteras
calumnias tuas merito adnumerari debet.

Quarta calumnia. Colluiem, inquit, hominum, verè sanctis aggre-
gatis, & impia Apotheosi supersticiosos Monachos inter eos refertis. Quid
hæc calumnia tetrius? Ergo ne tibi colluius hominum videntur Monasti-
ci vitæ Professores, qui mundi vanitatibus conculcatis, vitam cœlestem &

*Cur ijs He-
reici fidem
abrogent.*

Luc: ii. 34.

Ioan: 14. 12.

1. Cor: 2. 14.

Sap: 1. 4.

1. Cor: 2.

*Zaborouius
impurus suo
pede alios
metitur.*

*Calumniatur
fronte per-
fricta.*

*Monachos col-
luuiem ho-
minum re-
putas.*

De Notis Ministrorum

Angelicam; quò soli Deo vacent & viuant elegerunt. Bâsilius igitur, Chrysostomus, Gregorius magnus, S. Martinus & cætera Ecclesiæ Dei lumina, collaues hominum tibi videtur? hi enim Monachi fuerunt. Reputa tecum Zaboroui, contemptibilia mundi elegisse Deum, vt vos qui nihil tale pro regno cælorum meditamini confundat.

Prou: 16. 2.

*Nihil potest
candide in-
terpretari.*

Quinta calumnia. Vestros superstitiosos Monachos Ioanni Baptista, & Apostolis præferitis. Ea quoque calumnia est: nusquā enim Ecclesia Catholica tale quod statuit, aut declarauit. Ponderator enim spirituum Dominus est ipse solus nouit qui sunt eius. Si verò priuati aliqui pro sua deuotione de S. Dominico & S. Francisco aliqua scripserūt, eos cum Apostolis & Ioanne Baptista comparantes, non illico id quasi dogma Ecclesiæ obijci debet: neque ijeriam qui scripserunt condemnandi, sed pie secundum sensum ipsorum dicta ab illis exponenda & accipienda sunt. Neque enim mens eorum fuit hos Sanctos absolute Ioanni Baptista & Apostolis præferre, sed quòd aliqua in his Sanctis singularia eluxerunt, quæ in illis non ita conspicua erant, licet absolute illos sanctitate superent. Aliqua enim in aliquibus sunt magis admiranda, vt studium paupertatis, castimoniam, obedientiam, poenitentiam, licet apud Deum is qui maiori charitate præditus est, maior Sanctus censeatur. Sed nescis tu Zaboroui pie interpretari, & in meliorem partem ac sensum facta Sanctorum accipere: qui cum tuis Euangelicis bellum Sanctis perpetuum intulisti, quò illos nec inuocatione, nec ueneratione, nec cæli gloria usque ad diem iudicij (si tuo Caluino 3. Inst: cap: 25. credimus) dignos putas.

*Longè pluris
fit doctrina
Christi & A-
postolorum à
Catholicis,
quàm à secta
rjs.*

Sexta calumnia. Doctrinam Apostolorum nihili facitis, ad instituta Monachismi Fundatorum magis intenti. Confirmat autem id autoritate Erasmi (dignum tali patella operculum) qui ait, pluris fieri inter Monachos quod statuerit Benedictus, aut Bernardus, aut Franciscus, quàm quod is docuerit, de quo vna vox Patris audita: Ipsum audite. Calumnia hæc est Zaboroui, duplici ex causa; nam nos doctrinam Christi & Apostolorum, multo pluris quàm vos facimus, cum non solum scriptam, sed etiam traditam (quod vos non facitis) recipimus: neque solam literam, sed & sensum Apostolicum, qui nobis traditione innotescit, sequimur. Vos verò & doctrinæ sacræ magnam partem reiicitis, & verba Apostolorum sensu non Apostolico, sed ex capite vestro deprompto corrumpitis, vt supra satis abundè ostensum est. Quod etiam Benedicti aut Bernardi præcepta, Christi præceptis præponamus, ingens est, & in Sanctissimos viros iniuria, quasi ij præcepta, Christi præceptis contraria statuissent, & in Monachos calumnia quasi illi præceptis Benedicti aut Bernardi, non propter Christum se subiecerint;

cerint; quod si propter Christum, quomodo contra Christum? Non Monachi, Zaboroui, præceptis Christi sua dogmata Monastica præponunt, sed vos præcepta Christi Monasticis institutis contraria fingitis, cum Christus ipse & Apostoli Monasticam perfectionem nobis commendarent, vti supra dictum est. Torques verò verba Crusij in explicatione Regularum Loiola (quæ tu autorem ex altero mundo citas, in hoc enim mundo nullus ipsius in Regulas commentarius in lucem editus extat) quod dicat nostrum Decalogum esse Regulam votorum ab Ignatio Loiola traditum; imò Decalogi legibus præstantiorem, quòd in Decalogo tantum sint mandatoria, in nostra autem plura sint quam lex exigit, nempe consilia. Ea verba si recto sensu & ab autore incerto accipias, calumniam tuam facile prodent, non enim spreto Decalogo Christi inducitur Decalogus Regularum, sed iacto fundamentum in Decalogo Christi, additur ad Decalogum mandatorum, Decalogus consiliorum, quomodo Christus ipse adolescenti qui seruauerat omnia mandata Dei, ostendit Regulam maioris perfectionis: *Si vis, inquit, perfectus esse, vade & vende uniuersa*. Cum verò ait: præstantiorem esse Decalogum nostrum, non opponit vnum alteri præcise, sed Decalogum mandatorum, cum Decalogo consiliorum, opponit Decalogo mandatorum tantum, quæ oppositio est Christi ipsius, qui ad mandata addit perfectionem consiliorum.

Septima calumnia. Imaginibus magis Sanctorum quam moribus oblectamini, vitamq; illorum minimè imitamini. Quàm pudenda calumnia? Quis enim nisi Catholicus Sanctos imitatur in ijs omnibus in quibus illi admirabiles fuerunt, hoc est in mundi contemptu, rerum omnium abdicatione, voluntaria paupertate, vitæ austeritate? Hæc vos Euangelici non solum non imitamini, sed etiam damnatis & superstitiosa dicitis, & tamen Sanctorum imitatores haberi vultis. Proferte vel vnum ex vestro cœtu qui sit Sanctissimis, quos mundus pro Sanctis agnoscit, & Deus miraculorum gloria illustres fecit, comparandus. Sed de hoc supra. Sanctorum verò imaginibus si oblectamur vt asseris, in honorem illorum oblectamur. Quorum autem honore oblectamur, oblectamur & moribus. Imagines profectò non placerent, si vita & mores non placerent, illudq; huius argumentum est.

Octaua calumnia. In Sanctos, inquit, honorem soli Deo competentem transfertis. Hæc calumnia est maxima. non enim illos vt Deos, sed vt Dei seruos & amicos inuocamus: neque ab illis beneficia, tanquam à prima omnis boni causa poscimus, quod proprium solius Dei est, sed vt nobis à Deo beneficia impetrent postulamus, quo ipso eos Deo inferiores, & non Deos agnoscimus. Neque enim Deo conuenit impetrare sed dare. Ex ipsa igitur ratione inuocandi & colendi manifestum est, nos Sanctos pro Dijs non habere;

Zaborouius autorem citat ex Viopia eundemq; calumniatur.

Non magis imaginibus, quam moribus ac imitatione sanctorum oblectantur Catholici.

Catholici non transferunt honorem Dei in sanctos.

*Humilitatis
certamen in-
ter Angelum
& S. Ioannē.*

habere, & ex consequenti per calumniam nobis oppositum à Zaborouib obijci. Angelus, inquit, *Apocal. 19. & 22.* noluit à Ioanne adorari, ergo nec Sancti qui sunt similes Angelis. At in promptu responsio est: Si enim Ioannes nesciebat esse Angelum, sed Christum se videre putabat, tunc non mirum est Angelum, Christi honorem qui diuinus est recusasse. Neq; nos honorem eiusmodi Sanctis impendi volumus. Si verò sciebat esse Angelum, tanta erat sanctitas Ioannis, & Angeli demissio, vt à tam sancto viro adorari merito detrectaret. *Ne feceris conseruus enim tuus sum, Deum adora.* Alioquin hoc dicatur, cum perstaret Ioannes in eadem voluntate adorandi. *Apoc. 22.* idololatra proculdubio fuisset, si ille honor Angelo exhibitus illicitus fuisset & idololatricus. Humilitatis igitur certamen illud fuit inter Ioannem & Angelum, non diuini cultus diminutio aut translatio. Hæc cum toties vobis responsa sint, ita vt nihil contra hiscere possitis, tamen ac si nihil responsum fuisset, idem nobis obijcere non erubescitis. Porro infideliter more tuo adducis pro te Augustinum libro de Pastoribus c. 8. dicentem. Quando dixeris auxilium meum non à Sanctis sed à Domino, non solum tibi non succensent Sancti, sed tunc amabunt, tunc magis fauebunt: sin in ipsis spem tuam posueris, contristabuntur. Neque enim Augustinus loquitur de Sanctis in cælo regnantibus, sed de mentibus bonis & sanctis in terra, hoc est prædicatoribus & autoribus Scripturarum, qui nos suis laboribus & prædicationibus & Scripturis iuuant. Loquitur etiam de auxilio non quocunq; nec ministeriali tantum, de hoc enim dubium non est, quin à prædicatoribus sanctis percipi possit dicente Paulo: *Ego plantaui, Apollo rigauit.* sed de auxilio principali ad salutem, quod non ab hominibus, sed à solo Deo habetur, dicente Paulo: *Nunquid Paulus crucifixus est pro vobis?* Hoc verò modo & Sancti in cælo regnantes nobis non auxiliantur, tamquã principales causæ salutis, neque agrè ferunt, si non ab illis; sed à Domino principale auxilium salutis expectamus, solum verò nos suis orationibus adiuvant, & à Domino auxilium nobis impetrant.

2. Cor. 3. 6.

*S. Augustinus
quid senserit
de sanctorum
inuocatione.*

Sed cur Zaborouius, si candidè pro veritate agere voluit, non citauit Augustinum 22. de ciuitate Dei, cap: 8. plurima miracula referentem quibus ad inuocationem sanctorum varij adiuti sunt? Cur non citauit Augustinum ipsum inuocantem sanctos, nempe S. Mariam, SS. Angelos, sanctos Apostolos, Confessores, Martyres in libro Meditat: cap: 40. Et in particulari S. Cyprianum 7. de Baptismo contra Donatistas, cap: 1. *Adiuuet nos,* inquit, *Orationibus suis.* Et 20. contra Faustum cap: 21. docentem vniuersi populi Christiani consuetudinem in cultu & inuocatione sanctorum. *Populus,* inquit, *Christianus memorias Martyrum religiosa solennitate concele-*

bras &

erat, & ad excitandam imitationem, & ut meritis eorum consocietur, atque orationibus adiungetur: ita tamen ut nulli Martyrum, sed ipsi Deo Martyrum, quamvis in memorias Martyrum, constituamus altaria. Hæc citare Zaborovius ad mentem & fidem Augustini exponendam debuit, non fraudibus agere & obscura loca torquere.

Similis dolus in Oforij verbis citandis apparet. Citat enim in concione de Assumptione dicentem, *MARIA adeo bona est ac æternus Pater: cum Oforius non absolute in bonitate conferat Mariam cum Deo Patre; sed in ea bonitate quæ ei convenit ex Filio, quia nimirum tam bonum imò eundem habet filium quem Deus Pater: unde non dicit MARIA adeo bona est ut æternus pater, uti falsarius iste citat, sed adeo bona Mater, quod est solum de ea bonitate, quæ est respectu Filij loqui, cum ibidem infinitam Dei præ Maria dignitatem agnoscat.* Offendit verò Zaborovium quod Belarminus in Conclusionem operum adiungat: *Laus Deo & Virgini Matri.* Quid ita? An quia *MARIA* componitur Deo? at idem quoque fecerunt Apostoli cum dicerent: *Visum est Spiritui sancto & nobis*, neque enim ita componitur ut eadem laus Deo & *MARIÆ* tribuatur, sed sua cuique, Deo diuina, *MARIÆ* post Deum.

Nona calumnia. Sanctos Patres ubi pro vobis facere videntur, magis facere videmini, ubi contra vos ut cifras & calculos habetis. Non ita est Zaborovi, sed distinguimus cum Augustino ea quæ à sanctis patribus dicuntur, alia esse ad fidem spectantia, alia quæ salua fidei compage probabiliter ab ijs asseruntur, prout cuique verius videtur *primo, contra Iulianum, cap. 2.* In ijs igitur quæ tanquam ad fidem spectantia tradunt Patres, tanti facimus ut eorum fidem, fidem Christianam arbitremur. Constituit enim Deus in *Ecclesia Doctores in edificationem corporis Christi, ad consummationem sanctorum, ut non sint fluctuantes, & circumferantur omni vento doctrina, Eph. 4.* Quare audenter ibidem Augustinus. *Quod, inquit, credunt, credo, quod tenent, teneo, quod docent, doceo, quod predicant predico.* In alijs verò quæ sancti Patres, non ut ad fidem spectantia, sed ut probatilia docuerunt, non tantum quidem illis deferimus, ut contrarium sentire, *salua honorificentia* ut loquitur Augustinus Epistola 111. ad Fortunatum, non liceat; cum nec ipsi tantum sibi deferri velint; sed quod cui verius videretur sequi. Non ideo tamen eos contemnimus, & pro cifras & calculis, ut nos calumniatur Zaborovius, ducimus, cum veritatis amore non contempniti id faciamus. Neque vero uni aut alteri ita addicti simus, ut si à communi aliorum sensu discedat, cum non posse errare credamus. Sic enim à Cypriano quem tantopere semper coluit recessit Augustinus, doctrinam communem aliorum

*Quomodo intelligendum.
L.D. & V.M.
Act. 15. 28.*

*Quanti fiant
à Catholicis
Patres.*

De Notis Ministrorum

rum Patrum & Ecclesiæ de non rebaptisandis Hæreticis sequitur. In alijs vero rebus quæ ex Philosophicis scientijs vel ex Historiarum, aut linguarum peritijs, vel ex opinione dependent multo facilius error obrepere potest, ut mirum non sit aliqua talia, in aliquibus notata esse; nos enim consentientem sanctorum Patrum fidem pro regula veritatis statuimus.

*Suum vitium
irrogant Ca-
tholicis scela-
rij.*

*Quam abie-
ctè senserit de
Patribus Lu-
terus*

Vestrum est id, non nostrum. Evangelici communem Sanctorum Patrum fidem reiicere, quod à vestro Euangelista Lutero didicistis, qui cum alibi passim, tum in libro de *abroganda Missa priuata* talem protestationem contra Sanctos Patres scriptam reliquit: Protestor, inquit, aduersus eos qui insanis vocibus in me sunt clamaturi, quod contra ritum Ecclesiæ, contra statuta Patrum, contra probatas legendas, & receptissimum usum docuerim: horum nihil me auditurum. Potestne maior cogitari Sanctorum Patrum contemptus? Et in libro de seruo arbitrio, Patrum, inquit, auctoritas susdeq; facienda est. Et in particulari singulos Patres proscindit in suis Conuiuialibus, capite de Patribus Ecclesiæ. Hieronymum, inquit, licet legere propter historiam, nam de fide & vera religione & doctrina, ne verbum quidem in ipsius scriptis extat. Origenem iamdudum diris deuotum, Chrysostomum nullo loco habeo, non est nisi loquaculus, Bassilius nihil valet, totus est Monachus. Apologia Philippi omnes Ecclesiæ Doctores exuperat, etiam Augustinum. Bernardus omnes Ecclesiæ Doctores vincit concionando; sed cum disputat, in alterum virum mutatur, ibi nimium tribuit præcepto & libero arbitrio. Tertullianus inter Ecclesiæ Doctores merus est Carolstadius, Cyprianus Martyr, infirmus est Theologus. Videte quales tenebræ sint de fide in Patrum scriptis. Deniq; in libro contra Regem Angliæ ait: Diuina maiestas mecum facit, ut nihil curem si mille Augustini, mille Cypriani, mille Ecclesiæ Henricianæ contra me starent, Deus errare & fallere non potest, Augustinus & Cyprianus sicut omnes electi errare potuerunt, & errauerunt. quasi solus Luterus multo magis errare non potuerit. Quæ sane omnia & summam Luteri arrogantiam produunt, & ex qua schola prodierit ostendunt, quippe qui à damone suum Euangelium accepit, ab eoq; Missam priuatam rem esse abominandam didicit, uti ipse testatur in suo de Missa priuata, & Vnctione Sacerdotum libro.

*Luterus à
Diabolo di-
dicisse abrogan-
dam Missam.*

Negat quidem Zaborovius Luterum à damone Missam verè esse male didicisse; at qui id negare potest, cum ante disputationem cum damone contrariæ sententiæ esset, diuque in ipsa disputatione damoni repugnaret: tandem argumētis damonis conuictus, in damonis sententiam concessit? Tentatus, inquit, fuit à Satana Luterus, qui eum in desperationis baratrum ob Missas quindecim annis in Papatu celebratas, agere voluit. Non tentatus
solum

solum Zaboroui, sed etiam tentatione fuit à Dæmone victus. Tentationis autem materia præcipua, non desperatio fuit sed missa priuata, ad quam abnegandam argumentis à dæmone illico compulsus est, cui postea altera quoque tentatio desperationis successit. Tentatus, inquit, etiam Christus fuit, tentati & alij Sancti. Recte quidem; sed à dæmone persuasi non fuerunt, quin potius ei omnibus modis restiterunt. Non sequitur inquit Missam Priuatam, esse rem bonam, quod eam Sathan oppugnavit, nam & è contrario quendam Abbatem, dæmō apparens vt missam celebraret hortatus est vt refert Delrius 4. de Magia c. 5. At non id, hoc loco quærimus, An Missa priuata sit bona vel non? sed an Lutherus doctrinam de Missa priuata abroganda ab ipso dæmone hauserit eiusq; in eare verus discipulus fuerit? quod ita esse ex eo ostendimus, quod argumentis à dæmone propositis tandem persuasus fuerit, cum ante oppositum semper sentiret.

Quis porro non habeat suspectam eam doctrinam, quæ tam mendacem Magistrum autorem habuit? Friuola quoq; sunt quæ ad excusandam Lutheri arrogantiam adfert, quod initio quidem fuerit vehementioris ingenij, postea tamen mitis; etenim, quàm hæc sint vera, vel ea quæ de contemptu Sanctorum Patrum ex Luthero adduximus testantur.

Ostensis itaque nouem Zaborouij calumnijs, liquidò apparet, quali spiritu Ministri isti Euangelici agitentur, simul etiam ex dictis manifestum est Euangelicam doctrinam neq; Sanctos homines facere posse, neq; cum Sanctorum doctrina congruere.

C A P V T XXV.

Ministros nouos Euangelicos cum nulla vquam miracula ediderint, veros Euangelij

Ministros non esse.

DVbium non est ad nouam fidem vel extraordinariam missionem confirmandam, miracula necessaria esse, aut aliud Diuinum testimoniū.

Id ita verum est, vt & ipse Filius Dei qui erat ipsa veritas & sapientia Patris, quamvis Scripturæ veteris testimonijs, se esse verum Messiam comprobaret; miraculis tamen innumeris doctrinam suam, non solum confirmare voluerit, sed & credi sibi sine miraculis noluerit. Si non facio inquit, operibus Patris mei nolite credere. Si autem facio, etsi mihi non vultis credere, operibus

*Neque Christus
suis neque Apo-
stoli sibi, cre-
di voluerunt
sine miraculis.*

Ioan: 10. 37.

ribus creditis. Imò etiam diserte dixerit, si nulla edidisset miracula, Iudeos peccatum non habituros illi non credendo. *Si opera, inquit, non fecissem in eis quæ nemo alius fecit, peccatum non haberent.* Neque contentus fuit Christus suis quæ fecit miraculis, sed Apostolis quoque & alijs Discipulis suis potestatem miraculorum contulit, ut fidem doctrinæ suæ facilius facerent.

Ioan: 15. 24.

Imò & cæteris fidelibus qui in ipsum credituri erant, id ipsum promissit. *Qui credit in me, opera quæ ego facio & ipse faciet, & maiora horum faciet Ioan. 14. 12.* Quæ Christi promissio cum non possit ita intelligi, ut ad omnes & singulos fideles pertineat; necesse est, ut minimum, aliquos in Ecclesia esse, in quibus hæc promissio locum habeat; quando id diuinæ gloriæ necessitas postulauerit. Si igitur nec Christus, nec Apostoli credi sibi voluerunt sine miraculis, qui fieri potest, ut nouis istis noui Euangelij Ministris sine miraculis credamus, & eos pro veris Euangelij Ministris agnoscamus?

Etiam in veteris testamenti Ecclesia miracula usque ad Christum viguerunt.

Ioan: 5.

Hic primum Zaborouius excipit. Non enim semper nec omnes Ministri miracula facere debent; quod Chrysostomi & Gregorij testimonio confirmat. Fateor, nec semper, nec ab omnibus Ministris miracula edi debere; attamen in Ecclesia semper fuisse, & esse aliquos, & ad finem vsque mundi futuros, qui miracula edant. Quod non solum ex promissione Christi, sed etiam ex ipso vsu & perpetua experientia probatur. Nam, & veteris testamenti Ecclesia nunquam fuit sine miraculis, quæ Deus per Moysen & Prophetas edebat, vsq; ad ipsa Christi tempora: quo tempore præter alia extabat Hierosolymis Probatica piscina, in quam ad aquæ motum ab Angelo factum, qui primus descendebat, liberabatur ab omni qua detinebatur infirmitate Christusq; ipse testatus est, Iudeos dæmonia eicere solitos. Filij, inquit, vestri in quo eiciunt? *Matth. 12. 27.*

Et deinceps seculis omnibus.

atque adeo hoc nostro.

In Ecclesia quoq; noui Testamenti non solum Christi & Apostolorum tempore, sed etiam post Apostolos omnibus seculis Sancti miraculis claruerunt, ut vel ex ipsis eorum vitis a grauissimis autoribus conscriptis constat. Nostro quoq; tempore plurima loca diuinis miraculis abudant, in quibus homines multa a Domino beneficia consequuntur Czestochouia in Polonia Oetingæ in Germania, Laureti in Italia, & alibi alia plurima, quæ negare, est sensum negare. Sensui enim patent curationes morborum, dæmonum expulsiões, & alia beneficia, quæ in dictis locis a Domino obtinentur.

Nec desunt nostro tempore viri Sancti, quorum vitam & miracula magni & fide digni scriptores prodiderunt. Demum ad finem vsq; mundi duratura miracula ex Apocalypsi manifestum est: ubi duo illi viri Enoch & Helias ad obsistendum conatibus Antichristi extraordinarie a Deo mittendi, cum potestate miraculorum describuntur. Apo. 11.

Nunquam

Nunquam igitur Deus est sine miraculis, siue ad fidem hominibus persuadendam, siue postquam recepta est confirmandam, siue ad gloriam & omnipotentiam suam manifestandam, quæ maximè miraculis innoscitur, siue ad sanctitatem seruorum suorum demonstrandam; siue ad beneficia extraordinaria hominibus conferenda, & alios plurimos qui esse possunt miraculorum fines.

Quare cum Patres citati aiunt, miracula nunc cessasse, de ordinaria tantum miraculorum effectione, non de extraordinaria loquuntur, quod ex eo patet: quia iidem Patres plurima suorum temporum miracula in suis libris recentent. Neque enim his temporibus necesse est ordinariè miracula fieri ab Euangelij Prædicatoribus, sicuti in primitiua Ecclesia fiebat, quod id tum necessitas Euangelij inducendi exposceret: extraordinariè tamen Deus non cessat miraculis gloriam suam manifestare, & hominibus beneficia miraculose præstare. Non enim abbreviata est manus Domini, nec fons bonitatis ipsius exaruit. Et licet ad fidem inducendam miracula iam necessaria non sint; sunt tamen necessaria ad confirmandam, & ut tam Dei, quam fidei nostra maiestas magis appareat, & propter alios fines iam dictos.

Cum igitur Chrysostomus ait *homil. 49. Operis imperfecti*, nunc signorum operatio penitus sublata est. de ordinaria signorum operatione, qualis fuit Christi & Apostolorum tempore, loquitur: extraordinaria verò facta miracula plurima ipsemet recenset de Angelis Missæ tempore apparentibus & Christum in altari venerantibus *6. de Sacerdotio libro. de miraculis catenarum S. Petri & alijs*. Similiter Gregorius Magnus *homilia: 29. in Euangelia* loquitur: *Nunquid fratres mei quia ista signa non facitis, minimè creditis? sed hæc necessaria in Ecclesia exordio fuerunt, ut multitudo ad fidem cresceret: quia & nos cum arbusa plantamus, tam diu eis aquam infundimus, quousque ea interm coaluisse videamus: & si semel radicem fixerint, irrigatio cessabit.* Hæc & de ordinaria patratiōe miraculorum à sancto Gregorio dicuntur, & respectu vnus tantum finis, qui est fidei in mundum introductio. Alioquin si de extraordinarijs sermo sit, pleni sunt S. Gregorij libri, innumeris, quæ ipse recenset miraculis, suo tempore à Deo extraordinariè factis, ut vel ex ipsis quatuor Dialogorum libris perspicuum est.

Nihil igitur Sancti Patres causam Zaborouij iuuant, quominus teneatur ostendere miracula à suæ sectæ hominibus, quos tales esse certo constet, edita. nisi ostendat, non erit verus Euangelij minister. Nugatur enim cum ait, nunc damnum potius allatura. Quis enim non videt miracula gloriam Dei amplificare, maiestatem fidei nostræ declarare, homines ad Dei admirationem & laudem commouere? hæcine igitur damna censeferi possunt?

Ne ordinaria effectio miraculorum cessauerit, extraordinaria tamen semper est in Ecclesia.

Subtrafusque Zaborouio præcluduntur.

De Notis Ministrorum

Ineptō vērō exemplo id declarare nititur. Puer, inquit, cum ambulare nequit, vehiculo iuuatur, quod homini adulto est impedimento: scilicet adulto currus erit ad profectionem impedimentum. Non igitur pueri solum, qui ambulare non possunt, vehiculo iuuantur, sed & adulti qui per se ambulare possunt, curru plurimum adiuuantur.

*Zaborouius
affirmat quæ
nec ipse ex a-
nimo credere
potest.*

Sed lepidum aliud Zaborouij responsum audiamus, Omnes, inquit, illi qui miracula patrârunt, Euangelici fuerunt. O rem incredibilem quam nec orbis Christianus credit, nec vos ipsi Euangelici ex animo creditis! Nā & vester Luterus omnes Sanctos Patres, vt paulo ante ostendimus, cōdemnat & hæreticos facit, quod non faceret si Euangelici fuissent: & res ipsa loquitur Sanctos Patres tam in doctrina, quam in moribus tantum a vobis distare, quantum cœlum à terra. Illi fere omnes Sacerdotes fuerunt, plerique Monachi, Missas celebrârunt, & in Missa sacrificiū Corporis & Sanguinis Domini Deo obtulerunt, Sāctos inuocârunt, pro mortuis orârunt, Purgatoriū crediderunt, imagines venerati sunt. Quid horum vos creditis, aut facitis? Quomodo te Zaboroui non pudet tam impudenter asserere, in quō mendacij ab omnibus conuinci possis? Nam cum Gregorium Thaumaturgum & sanctum Martinum vestros fuisse Euangelicos asseris: conuincet te Gregorius Nissenus, qui vitam Gregorij Thaumaturgi, & Seuerus Sulpitius qui S. Martini vitam conscripsit. Sanctum Martinum enim fuisse Monachum & Missæ sacrificium celebrasse, Sanctos inuocasse & coluisse, & cætera omnia more Catholico obseruasse disertè Sulpitius testatur. Si tales vestri Euangelici ante fuerunt, vos aut Monachi & Sacerdotes esse debetis, aut cogemini fateri vos tales non esse, ac proinde immerito illos vestros vocare, cum quibus vos nil commune habetis. Libenter vos quidem alienis plumis conuestitis: at eis detractis, quæ nullo iure vobis competunt, mouebit cornicula risum. Non solum enim Sancti illi Patres vestri non fuerunt, sed ne vnum quidem ex omnibus ante Luterum seculis proferre potestis, quem constet vestræ sectæ in omnibus fuisse.

*Scriptura sola
nihil eum in-
cunt Noua-
tores.*

Non tenemur, inquit, miraculis fidem nostram confirmare. Scriptura enim sacra ad id negotij sola sufficit. Imò tenemini. Nam nec Christus sola Scriptura fuit contentus suam doctrinam probare, sed sine miraculis credi sibi noluit, & cum totus mundus credat vos Euangelium contrarium Euangelio Christi & Apostolorum docere, & perperam Scripturas interpretari, hoc est proprio non ab Apostolis tradito sensu, tenemini miraculis & diuinis testimonijs Euangelium vestrum comprobare: alioqui demens sit qui à vobis tam incertis auctoribus fidem habeat. Asseritis vos quidem Sacram Scripturam intelligere, sed totus orbis Christianus vos falli & fallere iudicat

Indicat, & vestras interpretationes dæmonis illusiones & dementationes
 esse pro certo haber. Nullum enim aliud argumentum pro vestra interpre-
 tatione affertis, quàm opinionem vestram, & quod ita vobis Scripturas cum
 Scripturis conferentibus videatur. Quæ ratio probandi omnibus hæreticis est
 communis, & si in vobis valere debet, in omnibus hæreticis valere debet.
 Ridiculè enim euadere vultis, cum Arianos id dicere, sed non probare re-
 spondetis. Idem enim vobis Ariani & eodem iure obijciunt, cum id non-
 nisi vestra opinione probare possitis, sicut & Ariani sua opinione suas inter-
 pretationes veras esse comprobant.

Confictum verò esse ait à Bolfeco & Staphilo miraculum à Lutero &
 Caluino attentatum, quos autores ex mero liuore mendacissimos scriptores
 appellat, cum ab omnibus probati scriptores habeantur, nec aliud illis obij-
 cipoteft nisi quod illorum miracula detexerunt, & ridenda toti mundo
 proposuerunt. At Staphilo Zaborouius nunquam fidem detrahet, cum &
 in cæteris omnibus probatæ fidei sit, & hoc quod de Lutero narrat, cum alijs
 plurimis testibus proprijs oculis vsurpauit. Ita igitur Fridericus Staphilus de
 hæc re scribit.

Anno M. D. XLV. dæmoniaca quædam puella è Misniæ ditione addu-
 cta fuit Wittembergam ad Luterū, ea spe quod Luterus, ceu tertius Elias,
 puellam illam à malo dæmone liberaturus esset. Quamuis autem Luterus
 ad hoc admirandum & magni momenti opus initio non parum difficilem
 se ostenderet, at tandem tamen iussit puellam duci in parochianæ Ecclesiæ
 Wittembergensis sacrarium, illicq; coram alijs plerisq; Doctoribus &
 eruditis viris (inter quos ego tum quoq; iuuenis Magister aderam) dæmo-
 nem caput adiurare & exorcizare, sed id tamen more suo, non eo qui apud
 Catholicos receptus & vsitatus est. Cum autem ille diu multumq; coniuras-
 set Dæmonem, cedere ille noluit, sed eas in angustias, (sit venia verbo,) *Lutero in se-*
 Lutheri caligas redegit, vt is quam primum è sacrario se proripere vellet. At *lix Exorcista.*
 quid accidit? Malignus ille Dæmon vsq; adeo fores sacrarij obstruxerat, vt
 neq; forinsecus neque intrinsecus aperiri possent. Quæ res Luterum in ma-
 iores etiam angustias adduxit, ita vt iam ad fenestram properaret, sperans
 per eam se posse effugere & exilire. Verum obstabant illi cancelli ferrei, sic-
 que compulsus est vnâ nobiscum tantisper inclusus hære in sacrario, do-
 nec per cancellos ferreos, ab ædituo valida nobis esset oblata securis, mi-
 hiq; ceu iuueni viro traditur, vt ea fores effringerem: quod equidem tum co-
 natus sum, & ad effectum perduxì. Interea verò visu admirandum erat, vt
 Luterus angoribus correptus, sursum deorsum cursicaret, atque instar oui
 parturientis huc illucque sese inuerteret.

De Notis Ministrorum.

Porro hoc miraculum Luteri, illi est perquam simile quod legimus Actor. 19. cum quidam circumeuntes tentarent exorcizare demonem per nomen Iesv, quem Paulus prædicabat. Respondens autem spiritus nequam dixit eis: Iesum noui, & Paulum scio. Vos autem qui estis? Et insiliens homo in eos, in quo erat demonium pessimum, & dominatus amborum, inualuit contra eos, ita ut nudi & vulnerati effugerent de domo illa.

Calvinus etiam infelicio-
r
Thaumat-
us.

Simile miraculum Caluini qui ex viuo mortuum fecit, narrat Hieronymus Bolsecus in vita Caluini cap. 13. Præterire, inquit, non debeo, vram eius & subtilem machinationem, qua tum vsus est, cum quendam cui Bruleo nomen, & patria Octunum, in vitam reuocare cogitaret, molireturque, ut sancti atque gloriosi Dei Prophetæ miraculorumque patris nomen sibi & famam pararet. Historia talis est. Is quem dixi Bruleus Octuno, Geneuam demigrarat, & cum inops esset, ipse & vxor eius Caluini gratiam aucupabantur, ut ei commendati peculi; pauperum fierent participes. Eis Calvinus vitæ subsidia benigne pollicetur, si ipsi contra, suam operam sibi non negarent ad rem quandam, quam per eos fieri vellent, sed opus esse fide & magna taciturnitate. Vicisim illi ad id quod iubere vellent, promptos se offerunt, & quemadmodum à Caluino instructus fuerat miser hic Bruleus morbum simulat. Ministri pro concione populo commendant, ut precibus iuuarent, & eleemosynis paupertati succurrerent. non diu post personam mortui induit, & mortuum se simulat.

Hic Calvinus clam admonitus, quasi tum rerum omnium ignarus deambulatum prodit; sed comitatus magna caterua amicorum; postquam euentum esset, vbi clamores & eiulatus vxoris, quæ misellam & desolatam, egregie exprimebant, exaudiret, quidnam hoc esset sciscitatus, domum ingreditur, vbi in genua ipse & reliqua caterua prouoluitur, precibusque alta voce profusis Deum obtestatur, potentiam suam ostendere & mortuo huic vitam restituere, gloriamque suam sic vniuerso populo declarare vellent, simulque manifestum facere se Calvinum peculiarem sibi gratum scriptum esse, & à se ad Euangelii sui ministerij atque Ecclesiæ reformationem, singulariter & verè vocatum. Post quas preces ad mortuum appropinquat, miseri hominis manu apprehensa in Dei nomine imperat, ut se erigat, repetit iterum sapiusque eosdem sermones voce etiam altius eleuata. Quid fieri neque audit, neque loquitur, neque se commouet mortuus: iusto enim Dei iudicio, qui fucos mendaciaque detestatur, is qui se mortuum simulabat, verè esse mortuus, repertus est. Et vxor quicquid eum agitarer, quomodo cūque impelleret, neque vocem extorquere, neque ut se commoueret efficere potuit; sed totus frigebar, rigebar totus.

Quo

Quo animaduerso, plorare, ululatus seruo edere & ex animo cepit vxor, & in Caluinum inuecta, impostorem eum, sicarium, latronem, qui maritum interemisset, appellans, ex ordine rem quo modo erat gesta, clara elataque voce exposuit. Et addit idem author. Negent hoc quantum velint Caluini mancipia, exploratum & cognitum satis fuit, veritalque rei probata, imo per ipsammet vxorem confirmata. Certe rem tam publice actam, & probatam, & quæ vxoris testimonio reuinci facile poterat, scriptis publicis equigare etiam volenti mentiri, integrum non erat. At, inquit, qua ratione Luterus & Caluinus tentare miracula voluerunt, toties professi se sua doctrinam non teneri miraculis confirmare. Verum non mirum illos miracula attentasse, cum satis frigidam illam de miraculis excusandis rationem, esse apud omnes intelligerent.

Non potestis, inquit, nos miraculis urgere, cum ipsi nulla faciatis. Possimus Zaboroui & vrgemus potentissime. Etenim duplicia pro nobis & contra vos miracula proferimus. Alia Sanctorum qui ante nos fuerunt, & eandem nobiscum doctrinam tenuerunt, & quod caput est, in attestatione eorum articulorum, quos vos negatis, miracula fecerunt.

Alia quæ nostri temporis & sæculi Catholici faciunt, vtraque sunt nostra, quia à nostræ religionis hominibus facta, & nostram fidem illustrant. Neque enim requiritur, vt singuli nostrum miracula faciant, quod ne Apostolorum quidem tempore fuit; sed vt nostræ religionis & professionis homines faciant. Summa verò impudentia asserit Zaborouius, eos qui in Ecclesia miracula patrârunt, Euangelicos fuisse: quæ ex eo patet, quod Sancti illi non solum vt dictum est, monasticam professionem (plerique, saltem) coluerunt, Missæ sacrificium obtulerunt, Sanctos inuocârunt, imagines venerant, verum Corpus Christi in Eucharistia crediderunt & adorârunt, pro mortuis orârunt, quæ omnia Euangelici abominantur & detestantur; sed etiam ad horum articulorum confirmandam veritatem miracula fecerunt innumera.

Sanctus Augustinus 22. de Ciuitate Dei cap: 8. testatur Sacrificio Corporis Christi in domo a dæmonibus infestata oblato, omnem vexationem cessasse. Sanctus Chrysostomus in Missæ incruento sacrificio, Angelos circumstantes, & Christum in Eucharistia adorantes, non solum ipse vidit, teste S. Nilo in Epist: ad Anastasium, sed etiam alios seruos Dei eadem visione a Deo honoratos fuisse commemorat in lib: 6. de Sacerdotio. D. Martino sacrificium offerente, globum igneum splendoris eximij super eum apparuisse, & manus eius eleuantis Eucharistiam, pretiosis margaritis ornatas publice conspectas fuisse, Seuerus Sulpicius in eius vitam commemorat. S. Gregorius

Duplicis generis miraculis vrgentur aduersarij.

Missæ sacrificium miraculis comprobatur.

De Notis Ministrorum

4. *Dialog. cap. 33.* Missa sacrificio cuiusdam animam, quæ id postulans apparuerat, a purgatorio igne scribit liberatam. Etenim ut ait sanctus Augustinus *Serm. 34. de Verbis Apostol. Orationibus sanctæ Ecclesiæ, & sacrificio saluari, & eleemosynis quæ pro eorum spiritibus erogantur, non est dubitandum mortuos adiuuari.* (sicut dubitant Evangelici) *ut cum ijs misericordius agatur à Domino, quam eorum peccata meruerunt, hoc enim à Patribus id est Apostolis traditum, vniuersa obseruat Ecclesiæ.* Augustini igitur iudicio ad Ecclesiæ Apostolicæ & Catholicæ non pertinent Evangelici, quia ea non obseruant, quæ vniuersa hætenus obseruauit Ecclesiæ.

*Immaculatio
quoque san-
ctorum.*

Innumera porro miracula facta commemorat Augustinus 22. *de Ciuit. cap. 8.* ad inuocationem Sanctorum, ad sanctas eorum reliquias, in demonibus expulsis, in cæcis illuminatis, morbis curatis, mortuis fuscatis, quæ tot esse & tanta ait, ut libris comprehendi facile non possint.

*Imaginum
cultus.*

De Sacrarum quoque imaginum miraculis plurima sunt, quæ tum à scriptoribus Ecclesiasticis, tum à Sanctis Patribus traduntur. Basilus filius Leonis Armeni ad imaginem sancti Gregorij Nazianzeni orans vocem executione virilium amissam accepit, & ex Leonomacho cultor imaginum extitit, ut ex Europalata & Cedreno constat. S. Ioanni Damasceno ad imaginem B. Virginis oranti manus abscissa sub Leone Isaurico restituta, ut refert Ioannes Hierosolymitanus *in vita ipsius* remanentibus in brachio ex vulnere lineolis.

Signum crucis.

Quid? quod signo crucis (quod Evangelici execrantur) plurima fecisse miracula Sancti leguntur? Refert Augustinus supra, faminam quandam signo crucis à cancro liberatam. Testatur Sulpitius B. Martinum, Theodoretus in Philoteo Aphraatem; Palladius Isidorum & Benjamin *in vita ipsorum*; Gregorius Patriarcha Alexandrinus in vita S. Macarij, Macarium desperatos morbos signo crucis imposito expulisse. Ruffinus *lib. 1. cap. 25.* Iulianum Bistritensem Episcopum calciet signo crucis signato, venenum sine noxa bibisse. Gregorius Nissenus scribit S. Gregorium Nazianzenum demonum præstigias signo crucis dispulisse. Quin & Iulianus Apostata cum iam iam discerpendus esset à demonibus, signo crucis demones fugauit teste S. Gregorio Nazianzeno *Orat. 1. in Iulianum.*

*Miracula do-
mesica in Po-
loniæ Regno.*

Qua fronte igitur Zaborouius audet tales viros Evangelicos appellare, qui prorsus contraria doctrinæ Evangelicorum fecerunt, & contra doctrinam ipsorum tot miracula ediderunt? Nihil hic commemoro antiquissima Polonia nostræ miracula, pro veritate & veneratione Corporis Christi in Eucharistia diuinitus edita, ad quorum miraculorum perpetuam memoriam templum alterum Casimiræ ad Cracouiā Magnificentiæ Regis Casimiri II. Magni extructum, ut testatur Cromerus *lib. 12. de Reb. Polon.* Alterum Posnaniæ dictum

niz dictum Corporis Christi apud Carmelitas, quod recenset Thomas Tre-
terus in libro de hac re edito: vbi etiam plurima miracula quæ indies fiunt
recensentur in varijs morbis sanatis, periculis auersis, demonibus expulsi,
caecis illuminatis, mortuis ad vitam reuocatis, quæ proculdubio Euangeli-
corum miracula non sunt, sed Euangelicorum errores euertentia.

Nihil dico de B. Virginis Czestochouiana antiquissima imagine, à D.
Luca Euangelista (vbi perpetua traditione constat) depicta, ad quam quo-
tidie tot patrantur miracula, vt numerum omnem excedant, totq; sunt co-
rum miraculorum testes, quot sunt ij qui diuina beneficia ad inuocationem
B. Mariæ Virginis eo in loco consecuti sunt & consequuntur in dies: quæ
negare nemo potest, nisi qui frontem ad omnia neganda quæ in mundo fiunt
exporrectam habet; quiq; pari ratione negare posset Christum & Apostolos
fuisse in rerum natura & ea ipsa quam habemus, Euangelia & Epistolas ne-
quaquam ab Apostolis conscriptas, sed supposititias esse. quæ enim temeri-
tate vnum negatur, negabuntur & omnia.

Alterum genus miraculorum contra aduersarios proferimus ad nostra
tempora, & nostri seculi homines spectans. Vix enim est vllus orbis terræ
angulus, in quo Dominus miraculis suam diuinam potentiam in hominum
beneficium non manifestet. In singulis enim prouincijs sunt multa templa
miraculis insignia, inter quæ hæc præcipua numerantur. In Polonia nostra
templum B. Virginis Czestochouienſe. In Germania templum D. Virginis
Hallensis & Sichomiensis, quorum historiam scripsit Iustus Lipsius. In Ba-
uaria templum D. Virginis Oetinganum, In Heluetia templum S. Mariæ in
eremo, In Italia templum Lauretanum, In Hispania S. Iacobi in Compostel-
la & plurima alia: de quibus illud dici potest, quod Theodoretus de Basili-
cis seu templis Martyrum suo tempore, hoc est circa Annum Domini 430.
scripsit, lib. 8. de curandis Græcorum affectionibus. Neque verò, inquit, huc
per annum semel aut bis aut quinquies aduentamus, sed in eis sæpenumero dies
festos peragimus, sæpe diebus singulis eorum Martyrum Domino laudes hymnos
q̃ue cantamus. Quiq; homines prospera sunt valetudine, conseruari eam sibi &
Martyribus petunt, qui verò egritudinem aliquam patiuntur, sanitatem ex-
poscunt. Insuper & steriles viri & mulieres ibi filios petunt. Non, qui se ad
Deos accedere arbitrantur, sed qui orent Dei Martyres tanquam diuinos ho-
mines intercessoresq; sibi eos apud Deum aduocent ac precentur. Piè verò
fideliterque precaros, ea maxime consequi quæ desiderant, ce-
stantur illa quæ votorum rei dona persoluiunt, manifesta nimirum adeptæ sani-
tatis indicia. Nam alij quidem oculorum, alij verò pedum, alij porrò ma-
num simulacrum suspendunt, argento aurouè confecta. Quæissimè namque
accipis

In Claro Mō-
te B. V. Ima-
go.

Miracula pra-
sentis tempo-
ris in varijs
Europa tem-
plis.

De Notis Ministrorum

accipit eorum Dominus qualiacumque sunt dona, nec exigua nec vilia dedignatur, quippe qui ea proferentis facultate meretur.

Hæc itaque omnium spectaculo exporrecta testantur morborum depulsionem, cuius ipsa certissima signa sunt, à sanitatem consecutis allata. Hæc, inquam, sepulchrorum ibi Martyrum quæ sit virtus ostendat; Martyrum autem virtus quæ ipsi coluerunt Deum verum esse Deum declarant. Ita Theodoretus antiquissimus scriptor.

Eadem miracula in templis suis vivis, hoc est sanctis servis suis exhibet Deus nostro hoc seculo, quæ recensent ij qui vitas horum Sanctorum conscripserunt. Miracula sancti Caroli Boromæi describit Augustinus Valerius; B. Franciscæ Romanæ, Iulius Ursinus; B. Ignatii Loiolæ, Petrus Ribadeneira; B. Francisci Xaverij, Horatius Turcelinus; B. Aloysij Gonzagæ, Virgilius Cæparius; B. Stanislai Kostkâ, Franciscus Sachinus; Beatæ Tereas Franciscus Ribera; Bernardini Reatini S. I. qui anno proxime elapso obiit, miraculis tam in vita, quam post mortem editis plena est Italia. Quæ omnia & alia plurima scio te Zaboroui negaturum esse vera, ea solum ratione, quod illa tu proprijs oculis non videas, nec sentias, nec videri ab alijs velles, quod insanissimum est. Pari enim ratione, omnia quæ ceteri in mundo vident negaturus es, si tu solus ea non videas nec visa velles: nisi dicere malis ista esse miracula falsa, quod tuis in fide opinionibus sunt contraria. Verum inde non sequitur miracula esse falsa, sed tuas opiniones esse falsas. Nam etiam Evangelium Christi & Apostolorum erat opinionibus totius mundi contrarium; miracula tamen effecerunt, ut mundus totus opinionibus suis reiectis & condemnatis crederet Evangelio. Cur igitur idem in opinionibus vestris condemnandis, non efficiant miracula innumera, quæ à Deo patrantur: maxime cum pro vestro Evangelio, ut à vobis docetur & intelligitur, nulum proferri possit miraculum?

Insulsum verò est quod objicit, nos Lublini nulla miracula edere; quasi necesse sit quousvis & ubiuis locorum patrare miracula. Satis est ad vestros reuincendos errores, quod nostræ professionis & fidei homines ediderint, edantque miracula innumera. Vestrum porro Evangelium tam sterile & miserum est, ut ne vnum quidem miraculum à vobis proferri possit, & ut Erasmi verbis utar, ne claudum quidem equum sanare possitis.

Insulsa & illa probatio, cum ait nostros non verè expellere demones, quia ægros sanare non possunt: quasi necesse sit ut, cum quis potestatem ad vnum aliquod miraculum à Deo accipit, omnia miracula efficere possit. Nostri igitur Sacerdotes etiam potestate ordinaria infirmos curandi careant: inde tamen minime sequitur, eos potestate expellendi demones carere: cum Paulus di.erte

*Novatores
ne claudum
quidem equum
sanasse unquam
ait Erasmus.*

Ius diserte dicat, Deum distribuere has gratias prout vult; non vni omnes, sed vni *gratiam sanitatum, alij operationem virtutum, alij genera linguarum.*

1. Cor: 12. 6.

Falsum est igitur & contra Scripturam quod ait Zaborouius, eandem potestatem & spiritum esse ad ægros sanandos, & demones expellendos: cum Paulus diuersa hæc spiritus dona pronuntiet. At neque gratia curatio- num nobis deest, siue per manuum impositionem, siue per Sanctorum in- uocationem & vota, siue per sacrarum Reliquiarum applicationem, quæ ego plurimæ eaque probatissima in Regno nostro enumerare possem, si hi- storias scribere vellem. Vnam fide dignam tibi narro. piæ memoriæ Matthi- am Pitrokonski Episcopum Cuiauensem, & Regium Cancellarium in gra- uissimo quodam morbo admotis quibusdam Reliquijs B. Stanislai Koltcæ, illico & dolore liberatum, & sanitati restitutum fuisse. Cuius rei & grati pro accepto beneficio animi testimonium, ipsemet Romam ad B. sepulchrum, misit tabellam cum literis fidei causa, iuramento, manu, & sigillo proprio munitis.

*Non deest sa-
nitatis gratia
presenti Ec-
clesiæ.*

Iam cum Francisci Xauerij miracula eleuat, ineptissimam sanè ratio- nem affert, eò quod ipse Franciscus in suis literis, ea non descripserit. Hoc enim modo omnia Apostolorum miracula eleuare liceret, quod ea illi non conscripserint. Francisci verò miracula licet ab ipso scripta non sint (quod modestia Sanctorum facit, ne laudes suas ipsi prædicent) sunt tamen publi- cis tabulis consignata, ea certitudine & fide quæ in rebus humanis potest esse maxima. Cum verò Acoftam & Victoriam adducit negantes in conuersio- ne Indorum extitisse miracula, non de ea conuersione isti locuti sunt, quæ per viros Apostolicos facta est, sed quæ primo ab Hispanis Indias armis occu- pantibus facta est. Si, inquit, vestri in India miracula edendi facultate polle- rent, donum linguæ Indorum collatum sibi diuinitus haberent; cum ta- men linguæ Indorum sint prorsus ignari. Ineptissima ratio & contra Paulū, donum linguarum distinguentem à virtute operationum. *Nunquid omnes gratiam habent curationum? nunquid omnes linguis loquuntur? 1. Cor: 12. 30.*

*Cur B. Xau-
rius de suis
miraculis ni-
hil scripserit.*

Afferit suos Euangelicos tam fidei Apostolicæ, quam miraculorum hæ- redes esse. At huic assertioni totus mundus non credit; nec eam Enangelici aliter probant, nisi proprio testimonio; quod ita illis scripta Apostolica in- telligenda videantur, etiamsi contrarius sit totius Ecclesiæ, & SS. Patrum sensus & consensus. Nonne eodem argumento Ariani probant se homines Apostolicos? nunquid illis credunt Calvinistæ? Nam quod dicunt Arianos tantum dicere non probare, hoc idem Ariani dicere possunt Calvinistis, cum vtriq; sua opinione videantur sibi & dicere & probare.

*Ariani &
Caluiniani
eodem gladio
depugnant.*

*Perinde ac si
quis dicat Za-
borousus sin-
git se vivere,
non vult re-
uera*

Ait Pontificiorum Miracula in rei veritate esse nulla sed ficta. At qui ficta dici possunt, si ea fide & certitudine, quæ in rebus humanis esse solet maxima, examinata & tabulis publicis consignata habentur? Si grauissimos & Sanctissimos viros autores & narratores habentes, si effectu ipso & beneficiis re ipsa à Deo obtentis confirmantur tot testibus, quos ij sunt qui miraculose diuina beneficia consequuntur? Summa certe temeritas est, talia ficta vocare quæ ijs testimonijs comprobantur, quibus in mundo maiora dari non possunt. Nam hoc etiã modo, Christi quoq; & Apostolorum miracula ficta dicere possunt. Nam quod aiunt Pontificijs miraculis euertere Euangelium, verum est, si de Euangelio Luteri & Caluini intelligatur, non de Euangelio Christi. Euangelium enim Christi est ferax miraculorum, nec vnquam fuit aut erit sine miraculis: Luteri verò Euangelium frigidum est ac sterile, nec vnum quidem miraculum parere ex se potest. Qui verò credibile est, vt Euangelium innumeris confirmatum miraculis omnibus sæculis in omnibus Prouincijs, non sit Christi Euangelium; illud verò habeatur pro Christi Euangelio, quod nulla vnquam miracula & testimonia habuit? maxime cum talia miracula proferamus, quæ pro Missa, pro Purgatorio, pro Sanctorum inuocatione, cultu reliquiarum, & cæteris repugnantibus Luteri Euangelio articulis edita sunt. Qualia inter cætera fuerunt illa S. Bernardi contra heresim Henrici Apostata edita, qui ridebat orationes oblationesq; pro mortuis, Sanctorum inuocationes, Sacerdotum excommunicationes, fidelium peregrinationes, basilicarum ædificationes, dierum solemnium vacationes, Christianis & olei consecrationes.

*Tam Scriptu-
ris quàm mi-
raculis oppu-
gnat Ecclesia
Hæreticos.*

Sanctus Bernardus enim signo crucis panes benedixit. & In hoc, inquit, sciatis vera esse quæ à nobis; falsa quæ ab hæreticis suadentur, si infirmi gustatis panibus istis, adepti fuerint sospitatem: vt veros nos & veraces Dei nuncios esse cognoscant. Vnde ingens multitudo ægrorum, gustato eodem pane conualuit, & innumeri sanati sunt vt refertur. in vita eius lib. 3. cap. 5.

Scripturis ait, non miraculis agendum. At Christus & Apostoli, non Scripturis modo, sed & miraculis egerunt, vt se veros Scripturæ interpretes probarent: alioqui fidem sibi adhiberi nolebant. Cur idem vos quoque facere non tenemini? nos enim tam Scripturis quàm miraculis contra vos exemplo Christi & Apostolorum agimus. Neque enim Scripturæ sufficiunt, cum de illarum sensu & interpretatione controuersia est, ita vt idcirco Christus ad Scripturas miracula adhibuerit. Quis enim credat, sine miraculis Luterum contra communem Ecclesiæ sensum, Scripturas verè interpretari?

Miracula, inquit, ex Scripturis examinanda sunt. At si id intelligatur de Scripturis, quarum sensus est certus & indubitatus, fateor ex talibus Scri-

pturis de miraculis iudicari posse. Si enim certò constat esse Scripturis contraria, minime dubitandum est ea esse falsa: At si de Scripturis, de quarum sensu controuersia est, agatur, quasque quilibet pro sua opinione sic vel sic interpretatur, non potest ex talibus Scripturis de miraculis iudicari: hoc enim esset ex incerto certum, & ex opinione cuiusque, quam quis de Scripturarum sensu haberet, iudicare. Ita verò Euangelicis accidit. Dum enim Scripturas sua opinione dementati pessime interpretantur, contra communem Sanctorum & Ecclesiæ sensum; volunt ex Scripturis a se male intellectis, de nostris miraculis iudicare, cum certiora sint nostra miracula quam illorum expositiones & interpretationes Scripturæ. Postquam verò de Scripturarum sensu semel constiterit vel ex traditione Apostolica, vel ex definitione Ecclesiæ, vel ex miraculis ad eum sensum confirmandum factis, licebit tunc de miraculis contrarijs iudicare: siquidem veris miraculis, & fidei a Deo miraculis confirmata repugnant. Hoc autem modo soli Catholici possunt de miraculis contrarijs fidei iudicare: quia soli de sensu Scripturarum fidei certitudinem diuinis miraculis confirmatam habent; Hæretici verò tantum opinionem. Merito igitur S. Augustinus, lib: de Unitate Ecclesiæ cap: 6. Donati mirabilia falsa fuisse pronunciauit; quòd essent fidei Catholice, quam certum est innumeris miraculis confirmatam, contraria.

Adde si Euangelici ex Scripturis de miraculis iudicare volent necesse est vt iudicent eam Religionem, quæ est miraculis omnibus destituta, esse falsam: siquidem Scripturæ docent eos qui ritè in Christum credunt & credituri sunt, miracula patruros, Christo id promittente illis verbis Ioan. 14. 12. *Et maiora horum facient*: vt ipsa nunquam in Ecclesia Dei cessarunt miracula. Quòd quia non apud illos, sed apud nos reperitur; tenentur pro veritate religionis nostræ & contra se secundum Scripturas sententiam ferre.

Hæretici, inquit, vera miracula facere possunt, teste Maldonato in cap: 7. *Matth*: Esto. Nam & falsi Prophetæ die iudicij dicent: Nonne in nomine tuo demonia eiecimus? Et Balaam gentilis, verè prophetauit. Et asina Balaam verè locuta est. Et Iulianus Apostata cum a Dæmonibus discerpendus esset, signo crucis facto demones repulit, Greg: Nazian: teste, *Omt: 1. in Iulian.* Verum cum contingit Hæreticos Dei virtute aliquod miraculū edere, quòd tamen contingit rarissimè (sicut & Asinam loqui rarò contingit) id non ad suam malam fidem sed ad fidem Ecclesiæ Catholice confirmandam vel ad aliud quodpiam bonum eiusdem Ecclesiæ editur. Nam & Balaam in utilitatem populi Dei locutus est, & Iulianus fidem Catholicam de virtute signi sanctæ crucis confirmauit. Nunquam verò Hæretici pro sua fide vlla miracula vera fecerunt, nisi dæmonum præstigijs, vt Donatistæ,

Ex incerto certum probari nequit.

Quando ex Scriptura de miraculis iudicandum.

Qualia Hæretici facere possint miracula.

De Notis Ministrorum

Mirabilarij ab August: dicti, & talia quæ etiam opera dæmonum & virtutes creata fieri possunt. Atq; hoc est quod dicimus, Hæreticos vera miracula pro sua fide facere non posse.

Nihil igitur hoc officit Ecclesiæ Catholicæ, quòd etiam ab Hæreticis aliquando sunt facta miracula. Nam Ecclesiæ Catholicæ reliquit Deus generalem potestatem faciendi miracula: ita vt in nulla communitate præter Ecclesiam Catholicam ordinariè fiant, ac proinde rectè ex continuo miraculorum vsu, vera Ecclesia cognoscitur. Hæreticis verò nonnisi rarissime (vti & asina Balaam) contigit aliquod miraculum. idque tale quod ad dogma Catholicum, non ad fidem Hæreticam confirmandam editur. Nam & Caiphas homo impius cum esset Pontifex anni illius, de Christi morte prophetauit. Et cum discipuli dicerent ad Iesum Mar: 9. 27. *Magister vidimus quendam in nomine tuo eiicientem demonia, qui non sequitur nos, & prohibuimus eum. Iesus autem ait: Nolite prohibere eum. Nemo enim qui faciat virtutem in nomine meo, & possit cito loqui malè de me: ac si diceret; non potest facile videndo meam virtutem in miraculis patrandis contra me loqui, & impedire fidem aliorum in me, quin potius eam promoturus est.*

Falsa miracula haud difficile deprehendi possunt.

Porro quod ad falsa miracula attinet, quæ tum ab Antichristo, tum à falsis Prophetis futura in Scriptura prædicuntur; diuina prouidentia facit, vt tali modo, cum talibus circumstantijs fiant; vt non difficile falsa esse deprehendi possint, non solum ab electis, sed etiam ab alijs. Non patitur enim nos tentari supra id quod possumus, Quare si qui decipiuntur, inexcusabiles sunt cum mendacio credunt, quod poterant si animum bene aduerterent, deprehendere.

Hæc regula Catholicis seruit, non Hæreticis.

Dat porro Zaborouius regulam cognoscendi falsa miracula ex Deut: 13. v. 1. *Si surrexerit in medio tui Prophetes, aut qui somnium se vidisse dicat, & prædixerit signum atque portentum & euenerit quod locutus est, & dixerit tibi Eamus & sequamur Deos alienos (quos ignoras) & seruiamus eis, non audies verba Prophetæ illius, quia tentat vos Dominus, vt palam fiat verum diligatis eum an non?* Hanc igitur regulam si fideles secuti fuerint nunquam à miraculis se decipi patientur. Verum Zaborouius non aduertit hanc regulam proponi de ea tantum doctrina, ob miraculum non deferenda, quæ certo constat à Deo esse traditam, ac diuino & miraculorum testimonio ante comprobata; qualis erat illa doctrina de non sequendis Dijs alienis: talem enim doctrinam semel receptam ob nulla quæ fieri possunt miracula deferendam ait: non verò de doctrinis controuersis. in his enim locus miraculis & diuinis testimonijs datur. Quæ enim humano ingenio & viribus assequi non possumus; cur diuinum auxilium aut testimonium contempnamus?

Deinde

Deinde ea regula vti optimè seruit Catholicis, ita Hæreticis minime. Catholici enim doctrinam suam vti ab ipsis intelligitur & docetur, habent infinitis miraculis & omnium seculorum vsu comprobata. Quocirca ab illa propter nulla hæreticorum miracula (si quæ facerent) recedere debent aut possunt. Hæretici verò cum doctrinam suam, vti ab illis docetur, nondum habeant villo diuino testimonio aut miraculo, sed tantum opinione sua comprobata, non possunt esse certi, eam esse diuinam, ac proinde non esse ab ea tanquam à diuina ob vlla miracula recedendum. Quamuis enim iactent suam doctrinam esse Apostolicam, & Apostolicis miraculis confirmatam, quod idem & Ariani, & omnes alij Hæretici faciunt: tamen id asserunt suo tantum hoc est opinionis propriæ testimonio, quod illis eo sensu Apostolos Scripturas intellexisse & exposuisse videantur; & vt diuersa sunt capita, ita diuersas de Apostolico sensu opiniones habent. Non possunt ergo hac regula vti, sed miraculis & diuinis testimonijs locum necessariò dare debere conuincuntur. Hocq; est quod in Nodo Gordio scripsi Catholicos miracula non requirere, siquidem pro ipsorum doctrina, vt ab ipsis intelligitur, infinita facta sunt miracula. Hæreticos verò ad suam doctrinam probandam egere miraculis, cum ea doctrina vt ab illis docetur, non sit vllis miraculis confirmata. Frustra verò se torquet Zaborouius dicens pro Catholica non pro Pontificia doctrina esse facta miracula. Luce enim clarius est illos miraculorum effectores Sacerdotes vel Monachos fuisse, Missæ sacrificium obtulisse, tam pro viuis quam pro defunctis, Sanctos inuocasse, & omnia cum Pontificijs sensisse & fecisse, contra quam Euangelici sentiunt & faciunt.

Ex animo, inquit, & candidè cum nostris auditoribus agimus, quod non à miraculis, sed à solo verbo Dei scripto pendere volumus. Istum animù Zaboroui ob desperationem miraculorum induitis; quæ si ad vos quocunq; modo attrahere possetis, aliam cantilenam occineretis. Hic porro animus vester licet ex vna parte candidus sit, quod fateamini id quod in re est, vos omnibus miraculis destitutos; ex altera tamen parte ater est, cum Ecclesiam dote miraculorum priuatis, quam illi perpetuis temporibus Christus communicauit, constituendo *Primum in ea Apostolos, secundo Prophetas, tertio Doctores, deinde virtutes, exinde gratias curationum, opulationes, gubernationes, gratiam linguarum, interpretationem sermonum*, 1. Cor: 12. 28. quam Ecclesiæ constitutionem repetit Paulus *ad Ephes: 4. 11.* & ait duraturà ad finem vsque mundi, cum perficietur ædificatio Corporis Christi ex fidelibus, quæ sunt huius corporis membra.

Multo verò atiores estis, cum solam Scripturam vestro priuato sensu expositam, pro regula fidei vestris traditis, cum maxima fidei iactura & ani-

*Candor ater
Zaborouij.*

marum

De Notis Ministrorum

marum damno. Ea siquidem regula est errandi non credendi, & fidem amittendi, non acquirendi. Cum vero verbis Chrysostomi dicitis vos sapius alloqui vestros auditores ex *homil: 22 in Ioannem*. Si fidelis es ut oportet, si Christum diligis ut diligendus est, miraculis non indiges: signa enim incredulis dantur: ea S. Doctoris verba docere vos deberent, non nisi ea conditione vos miraculis non egere, si fideles sitis ut oportet. At cum de vestra fide dubitet vniuersus mundus, imò vos etiam ipsi, qui in sectas alias atque alias perpetuò commutamini, à Lutheranis ad Calvinistas & Arianos deficientes, & solidam conscientiae & fidei pacem non habentes; quis non videt, vos certo fideles (nisi opinione vestra) non esse, ac proinde miraculis ad fidem ducentibus maxime indigere, quæ in Ecclesia Catholica in maxima copia inuenire, si voletis, præiudicata opinione deposita, potestis.

*Lutherani S.
Augustino iu-
dice, magnū
mundi prodigi-
um.*

Testimonium etiam Augustini ex *lib: 22. de Ciuit: c. 8.* non minus vos vrget cum is ait: Quisquis adhuc prodigia ut credat querit, ipse est magnū mundi prodigium; qui mundo credente non credit. Vos enim Euangelici, Augustino iudice, estis magnum mundi prodigium, qui quod mundus vniuersus credit, vos soli non creditis, & toti mundo vos opponitis. Aut enim mundus (ut argumentatur Augustinus) incredibilia credidit, aut credibilia. Si credibilia: cur ea non creditis? si incredibilia, hoc ipsum est miraculorū maximum, quod ea cum incredibilia essent, mundus totus ab Apostolis edoctus crediderit. Non potest verò id nisi in diuinam virtutem referri. Vnde vos cum ea non creditis, estis magnum mundi prodigium. Solus enim Lutherus erat ab initio sui noui Euangelij, & totus mundus contrariam doctrinam credebat & sequebatur, ipseque se toti mundo summa temeritate opposuit.

F. Non possum verò consuetam Zaborouij falsificandi consuetudinem etiam in hoc testimonio Augustini non detegere. Addit enim ad verba Augustini illa verba, Antiqua miracula, quæ vbique recitantur & memoriæ populorum inhaerent, sufficiunt: cum Augustinus non dicat antiqua sufficere, sed in Canone Scripturarum ubique recitari & memoriæ populorum inhaerere; & ideo illustriora esse quàm noua, quæ non ubique sciuntur. Nam ibidem dicit: nunc etiam fieri miracula in eius nomine, siue per Sacramenta eius, siue per orationes vel memorias Sanctorum eius, sed non tanta claritate illustrantur, ut tanta quanta illa gloria diffamentur. Falsò igitur & contra mentem Augustini addidit antiqua miracula sufficere, cum Augustinus, non solum non dicat sufficere; sed etiam præter illa esse plurima alia miracula quæ ibi recenset. Ut verò magis tam nostra veritas, quàm aduersariorum in Sanctorum miraculis sibi arrogandis impudentia pateat, describam mox ex lib: 22. de Ciuitate Dei Caput octauum, ex quo luce clarius miraculorum maiestas, quæ pro fide Catholica facta sunt, apparebit.

Non est autem verum quod ultimo addit Zaborovius, fidem ipsorum non miraculorum, sed operum bonorum fecundam & feracem esse. Tingu-
laretq; miraculum esse, mores cum fide congruentes. Hoc enim & impro-
prie dicitur miraculum cum miracula sola Dei virtute præter naturæ ordine
fiant: & in Evangelicos nullo modo convenit. Illi enim secundum doctri-
nam suam, nulla habent opera verè bona; cum omnia opera quantumvis per-
fecta, dicant esse peccata, & iustum in omni opere bono peccare. Non igitur
operum bonorum, sed malorum fecunda & ferax est ipsorum fides.

C A P V T XXVI.

De Miraculis pro Religione Catholica factis Sancti Augustini Vigesimo secundo de Ciuitate Dei, Capite octauo, testi- monium.

Cur, inquiunt, nunc illa miracula quæ predicatis facta esse, non sunt?
Possem quidem dicere necessaria fuisse priusquam crederet mundus, ad
hoc ut crederet mundus. Quisquis adhuc prodigia, ut credat, inquit
magnum est ipse prodigium, qui mundo credente non credit. Verum hoc idè
dicunt, ut nec tunc illa miracula facta fuisse credantur. Vnde ergo tanta fide
Christus usquequaq; cantatur in cælum cum carne sublatus? unde temporibus
eruditis, & omne quod fieri non potest respuentibus, sine ullis miraculis nimium
mirabiliter incredibilia credidit mundus? An forte credibilia fuisse, & idè
credita esse dicturi sunt? Cur ergo ipsi non credunt? Brevis est igitur nostræ
complexio; aut incredibili rei quæ non videbatur, alia incredibilia, quæ ta-
men fiebant & videbantur, fecerunt fidem; aut certè res credibilis ut nullis
quibus persuaderetur miraculis indigeret, istorum nimiam redarguit infideli-
tatem. Hoc ad refellendos vanissimos dixerim. Nam facta esse multa miracu-
la, quæ attestarentur illi uni grandi salubri, miraculo, quo Christus in cælum
cum carne in qua resurrexit, ascendit; negare non possumus. In eisdem quip-
pe veracissimis libris cuncta conscripta sunt; & quæ facta sunt, & propter quod
credendum facta sunt. Hec ut fidem facerem innotuerunt, hæc per fidem
quam fecerunt, multo clarius innotescunt. Leguntur quippe in populis ut cre-
dantur; nec in populis tamen, nisi credita legerentur. Num etiam nunc sunt
miracula in eius nomine, siue per Sacramenta eius, siue per orationes, vel me-

Miracula per
Sacramenta
& memori-
as Sancto-
rum.

*morias Sanctorum eius sed non eadem claritate illustrantur, ut tanta quantitas illa gloria diffametur. Canon quippe Sacramentorum quem diffamatum esse oportebat, illa facit ubique recitari & memorie cunctorum inherere populo-
rum: hac autem ubicunque sunt ibi sciuntur, vix a tota ipsa ciuitate, vel quocung, commanentium loco. Nam perumq, etiam ibi paucissimi sciunt, igno-
rantibus ceteris, maxime si magna sit ciuitas, & quando alibi alijsq, narran-
tur, non tanta ea commendat auctoritas, ut sine difficultate, vel dubitatione credantur, quamuis Christianis fidelibus à fidelibus indicentur.*

Cæcus illu-
minatur ad
corpora Mar-
tyrum.

Miraculum quod Mediolani factum est cum illic essemus, quando illumi-
natus est cæcus, ad multorum notitiam potuit peruenire, quia & gran-
dis est ciuitas, & ibi erat tunc Imperator, & immenso populo teste res ge-
sta est concurrente ad corpora Martryum Protasij & Gerasij. Que cum late-
rent & penitus nesciretur Episcopo Ambrosio per somnum reuelata, reperta sunt,
ubi cæcus ille depulsis veteribus tenebris diem vidit.

Innocentius
exaduoca-
tus Vicariæ
Præfecturæ
fistulæ mor-
bo laborans.

A pud Carthaginem autem quis nouit, præter admodum paucissimos, salu-
tem, que facta est Innocentio exaduocato vicariæ præfecturæ, ubi nos
interfuimus & oculis aspeximus nostris? Venientes enim de transmarini-
is, me & fratrem meum Alipium, nondum quidem Clericos, sed iam Deo
seruientes, ut erat cum tota domo sua religiosissimus ipse susceperat, & apud eū
tunc habitabamus. Curabatur à medicis propter fistulas, quas numerosas atq,
perplexas habuit in posteriore atque ima corporis parte. Iam secuerant eum, &
artis sue cetera medicamentis agebant. Passus autem fuerat in sectione illa &
diuturnos & acerbos dolores. Sed vnus inter multos sinus fefellerat medicos,
atque ita latuerat, ut eum non tangerent, quem ferro aperire debuerant. De-
nique sanatis omnibus quæ aperta curabant, iste remanserat solus, cui frustra
impendebatur labor. Quas moras ille suspectas habens, multumq, formidans
ne iterum secaretur, quod ei prædixerat alius medicus domesticus eius, quem
non admiserant illi, ut saltem videret, cum primum sectus est, quomodo id
facerent, inatusq, illum domo abiecerat, vixque receperat, erupit, atque ait:
Iterum me secturi estis? Ad illius quem nolustis esse præsentem verba ven-
turus sum? Irridere illi medicum imperitum, metumq, hominis bonis verbis
promissionibusq, lenire. Præterierunt & alij dies plurimi, nihilq, proficiebat
omne, quod fiebat. Medici tamen in sua pollicitatione persistebant, non se illi
finem ferro, sed medicamentis esse clausuros. Adhibuerunt & alium grande-
um iam medicum, satisq, in illa arte laudatum, adhuc enim viuēbat, Am-
monium, qui loco inspecto, idem quod illi eorum diligentia periti atq, promissi.
Quis ille factus auctoritate securus, domestico suo medico, qui futuram prædi-

venit alià sectionē facere hilaritate, velut iā saluus illuſit. Quid plura? Poſtea
 tot dies inaniter conſumpti tranſierunt, ut feſſi atque conſuſi ſarentur eum
 niſi ferro nullomodo poſſe ſanari. Expauit, expalluit nimio timore turbatus,
 atque ubi ſe collegit, ſariq; potuit: abire illos inſiſit. Et ad ſe amplius non ac-
 cedere, nec aliud occurrir fatigaſo lachrymis, Et illa iam neceſſitate conſtricto,
 niſi ut adhiberet Alexandrinum quendam, qui tunc chirurgus mirabilis habe-
 batur, ut ipſe faceret, quod ab illis fieri volebat iratus. Sed poſteaquam venit
 ille, laboremq; illorum in cicatricibus ſicut artifex vidit, boni viri ſanctus
 officio, perſuaſit homini, ut illi potius qui in eo tantum laborauerant, quan-
 tum ipſe inſpiciens mirabatur, curationis ſue ſine fruereſentur, adiiciens quod
 reuera niſi ſectus eſſet, ſaluus eſſe non poſſet: valde abhorrere à ſuis moribus,
 ut hominibus quorum artiſicioſiſſimam operam, induſtriam, diligentiā ad-
 mirans in cicatricibus eiꝯ videret, propter exiguum quod remanſit, palmam
 tanti laboris auferret. Redditi ſunt animo eiꝯ, Et placuit ut eodem Alexan-
 drino aſſiſtente ipſi ſinum illum ferro, qui iam conſenſu omnium aliter inſana-
 bilis putabatur, aperireſent. Quæ res dilata eſt in conſequentem diem. Sed cum
 abiſſent illi, ex merore nimio Domini tantus eſt in domo illa exortus dolor, ut
 tanquam funeris planctus vix comprimereſetur à nobis. Viſitabant eum quotidie
 ſancti viri Epicoꝝ tunc Vzalenſis beatæ memoriæ Saturninus, Et preſbyter
 Geſoſus, ac Diaconi Carthaginenſis Eccleſiæ. In quibus erat Et ex quibus ſolus
 eſt nunc in rebus humanis iam Epicoꝝ cum honore à nobis debito nominan-
 dus, Aurelius, cum quo recordantes mirabilia opera Dei, de hac re ſæpe collo-
 cuit ſumus, cumq; valde meminiffe, quod commemoramus inuenimas. Qui
 cum eum ſicut ſolebant veſpere viſitareſent, rogauit eos miſerabilibus lachrymis
 ut mane dignareſentur eſſe præſentes ſuo funeri potiꝯ quam dolori. Tãtus enim
 eum metus ex prioribus inuaderat pœnis, ut ſe inter medicorum manus non du-
 bitaret eſſe moriturum. Conſolati ſunt eũ illi Et hortati, ut in Deo fideret, eiꝯ-
 que voluntatem viriliter ferret. Inde ad orationem ingreſſi ſumus. Vbi nobis
 ex more genua ſigentibus atq; incumbenſibus terræ, ille ſe ita proiecit, tanquã
 fuiſſet aliquo impellente grauiter proſtratus, Et cœpit orare. Quibus modis,
 quo aff-ctũ, quo motu animi, quo fluuiũ lachrymarum, quibus gemitibus at-
 que ſingultibus ſuccutientibus omnia membra eiꝯ, Et penè intercludenſibus
 ſpirituũ, quis ullis explicet verbis? Virum orarent alij, nec in hac eorum auct-
 teretur intentio, neſciebam. Ego tamen proſuſus orare nil poteram, hoc tantum-
 modo breuiter in corde meo dixi: Domine quas tuorum preces exaudis,
 ſi has non exaudis? Nihil enim mihi videbatur addi iam poſſe, niſi ut expi-
 rareſent orando. Surreximꝯ, Et accepta ab Epicoꝝ benedictione diſceſſimus, ro-
 gante illo ut mane adeſſent, illisq; ut æquo animo eſſet hortantibus. Illuxit dies
 qui medue-

Oratione ſa-
natur.

qui meruebatur, aderant serui Dei, sicut se affuturos esse promiserant. Ingressi sunt medici, parantur omnia quae hora illa poscebat, tremenda ferramenta proferuntur, attonitis suspensisque omnibus. Eis autem quorum erat maior auctoritas defectum animi eius consolando erigentibus, ad manus secturi membra in lectulo compinguntur, soluuntur nodi ligamentorum, nudatur locus, inspicit medicus, & secundum illum sinum armatus atque intentus inquirat. Scrutatur oculis, digitisque contrectat. Tentat denique modis omnibus, inuenit firmissimam cicatricem. Iam illa letitia & laus atque gratiarum actio misericordiae & omnipotenti Deo, quae fusa est ore omnium lacrymanibus gaudijs, non est committenda meis verbis: cogitetur potius quam dicatur.

Innocentia
Carthaginen-
sis primaria
matrona a
cancro signo
crucis sana-
ta.

Signū Chri-
sti.

IN eadem Carthagine Innocentia religiosissima femina de primarijs ipsius ciuitatis, in mamilla cancrum habebat: rem sicut medici dicunt nullis medicamentis sanabilem. Aut ergo praescindi solet, & a corpore separari membrum ubi nascitur: aut ut aliquanto homo diutius uiuat, nam inde mortem quantumlibet tardius affuturam, secundum Hippocratis, ut fertur senectutem, omnis est omittenda curatio. Hoc illa a perito medico, & suae domui familiarissimo acceperat, & ad solum Deum se orando conuerterat. Admonetur in somnis appropinquante Pascha, ut in parte feminarum obseruanti ad baptisterium, quaecumque illi baptizata primitus occurrisset, eundem locum signo Christi signaret: fecit, & confestim sanitas secuta est. Medicus sane qui ei dixerat, ut nihil curationis adhiberet si paulo diutius veller uiuere, cum inspexisset eam postea & sanctissimam comperisset, quam prius habere illud malum tali inspectione cognouerat, quae fuit ab ea vehementer quid adhibuisset curationis, cupiens quantum intelligi datur nosse medicamentum, quo Hippocratis definitio vinceretur. Cumque ab ea quid factum esset audisset, voce velut contemnentis & vultu, ita ut illa metueret ne aliquod contumeliosum verbum proferret in Christum, religiosa urbanitate respondisse fertur, putabam, inquit, magnum aliquid te mihi fuisse dicturam. Atque illa iam exhorrescente mox addidit: Quid grande fecit Christus sanare cancrum, qui quatruiduanum mortuum suscitauit? Hoc ergo cum audissem & vehementer stomacharer in illa ciuitate atque in illa persona, non utique obscura, factum tam ingens minutulum sic latere, hinc eam & admonendam & penè obiurgandam putavi. Quae cum mihi respondisset non se inde tacuisse, quae fuit ab eis quas forte tunc matronas amicissimas secum habebat, utrum hoc ante a scissent. Responderunt se omnino nescisse. Ecce inquam quomodo non taces, ut nec ista audiant, quae tibi tanta familiaritate iunguntur? Et quia breuiter ab ea quae fuit, feci ut illis audientibus multumque mirantibus & glorificantibus Deum, totum ex ordine quemadmodum gestum fuerit, indicaret.

Medicum

Liber secundus.

397

Medicum quendam podagricum in eadem vrbe, qui cum dedisset nomen ad baptismum, & pridie quam baptizaretur, in somnis à pueris nigris cirratis, quos intelligebat demones esse, baptizari eodem anno prohibitus fuisset, eisq; non obtemperans, etiam conculcantibus pedes eius in dolorem acerrimum qualem nunquam expertus fuisset, magisq; vincens lauacro regenerationis, ut vouerat ablui non distulisset, in baptismo ipso non solum dolore, quo ultra solitum cruciabatur, verumetiam podagra caruisse, nec amplius cum diu poste a vixisset pedes doluisse quis nouit? Nos tamen nouimus, & paucissimi fratres ad quos id potuit peruenire è vicino.

Per Bapti-
sinum sani-
tas podagra
Medici.

Quidam Curubitanus non solum à paralyti verumetiam ab informi pondere genitalium cum baptizaretur saluus effectus est, & liberatus virag; molestia, tanquam mali nihil habuisset in corpore de fonte regenerationis ascendit. Quis hoc prater Curubim nouit, & prater rarissimos aliquos qui hoc ubicunque audire potuerunt? Nos autem cum hoc comperissemus iubente sacro Episcopo Aurelio, etiam ut venirent Caribaginem fecimus: quamuis à talibus prius audierimus de quorum fide dubitare non possemus.

Alius itidem
baptismo à
paralyti &
hernia cura-
tus.

VIR Tribunitius Hesperius qui apud nos est, habet in territorio Fussalensis fundum Zubedi appellatum, ubi cum afflictione animalium & seruorum suorum, domum suam spirituum malignorum vim noxiam perpeti comperisset, rogauit nostros me absente presbyteros, ut aliquis eorum illo pergeret, cuius orationibus cederent. Perrexit vnus, obtulit ibi sacrificium Corporis Christi, orans quantum potuit, ut cessaret illa vexatio: Deo protinus miserante, cessauit. Acceperat autem ab amico suo terram sanctam de Ierosolymis allatam, ubi sepultus Christus, die tercio resurrexit: eamque suspenderat in cubiculo suo, ne quid mali etiam ipse pateretur. At ubi domus eius ab illa infestatione purgata est, quid de illa terra fieret, cogitabat: quam diutius in cubiculo suo euenerentia causa habere nolebat. Forte accidit, ut ego, & collega tunc meus Episcopus Synicensis Ecclesie Maximinus, in proximo essemus: ut veniremus rogauit, & venimus. Cumque nobis omnia retulisset, etiam hoc petiuit, ut infoderetur alicubi, atque ibi orationum locus fieret: ubi etiam possent Christiani ad celebranda que Dei sunt, congregari. Non restitimus, factum est. Erat ibi iuuenis paralyticus rusticanus, qui hoc audio petiuit à parentibus suis, ut illum ad eum locum sanctum non cunctanter asferrent. Quo cum fuisset allatus, orauit: atque inde continuo pedibus suis saluus abscessit.

Per sacrifici-
um Missæ do-
mus ab infe-
stationibus
dæmonum
liberata.

Miraculum
terræ sanctæ.

Victoriana villa dicitur, quæ ab Hippone Regio minus triginta millibus abest. Memoria Martyrum ibi est Mediolanensium, Geruasij & Protasij: portatus est die eo quidam adolescens, qui cum die medio tempore æstatis æquum ablueret in fluminis gurgite, demonem incurrit. Ibi cum iaceret, vel morri proximus, vel simillimus mortuo: ad vespertinos illuc hymnos & orationes cum ancilla suis, & quibusdam sanctimonialibus ex more Domina possessionis intravit: atque hymnos cantare cœperunt. Qua voce ille quasi percussus, excussus est: & cum terribili fremitu altare apprehensum mouere non audens sine non valens, tanquam eo fuerit alligatus aui fixus, tenebat: & cum grandi eiulatu parci sibi rogans confitebatur, ubi Adolescentem & quando & quomodo inuaserit. Postremo se exiturum esse denuntiâns, membra eius singula nominabat, quæ se amputaturum extens minabatur: atque inter hæc verba discessit ab homine. Sed oculus eius in maxillam fusus tenui venula ab intextori quasi radice pendeat, tutumq; eius medium quod nigellum fuerat, albicabat. Quo viso, qui aderant, concurrerant autem etiam alij, vocibus eius acciti & se omnes in orationem pro illo statuerunt: quamvis eum sana mentes stare gauderent, rursus tamē propter oculi eius contristati, medicū querendum esse dicebant. Ibi maritus sororis eius, qui eum illo detulerat: potens est, inquit, Deus Sanctorum orationibus, qui fugauit demonem lumen ei reddere. Tunc sicut potuit oculum lapsum atque pendentem, loco suo reuocatum ligauit oratio: nec nisi post septem dies putauit esse soluendum. Quod cum fecisset, sanissimum inuenit. Sanati sunt illic & alij: de quibus dicere longum est.

Altaris usus.

Adolescens a
demoneli-
beratus ocu-
lum recupe-
rat.

Olei sacri
unctione
sanatur.
An hic Epi-
scopus Au-
gustinus?

Hipponensem quandam virginem scio, cum se oleo perunxisset, cui pro illa orans Presbyter instillauerat lachrymas suas, mox a demonio fuisse sanata.

Scio etiam Episcopum semel pro adolescente, quem non vidit orasse: illumq; illico demone caruisse.

Miraculum
vigin Mar-
tyrum.

Erat quidam senex Florentius Hipponensis noster, homo religiosus & pauper: qui sartoris se arte pascere: casulam perdiderat, & unde sibi emeret, non habebat: ad viginti Martyres quorum memoria apud nos est celeberrima, clara voce ut vestiretur, orauit. Audierunt eum adolescentes, qui forte aderant, irrisores: eumq; discedentem exagitantem prosequerantur: quasi a Martyribus quinquagenos folles, unde vestimentum emeret, periuisset. At ille tacitus ambulans, eiecitum grandem piscem palpitantem vidit in litore, eumq; illis fauentibus, atque iuuantibus apprehendit, & cuidam coco Carchofo nomine bene Christiano, ad coquinam conditariam, indicans quid gestum sit trecentis

centis follibus vendidit, lanam comparare inde disponens, ut uxor eius quomodo posset ei quo indueretur, efficeret. Sed cocus conscidens piscem, anulum aureum in ventriculo eius inuenit, moxq; miseratione flexus & religione perterritus, homini eum reddidit dicens: Ecce quomodo viginti Martyres te vestierunt.

AD aquas Tibilitanas Episcopo afferente Proiectore reliquias Martyris gloriosissimi Stephani, ad eius memoriam veniebat magna multitudinis concursus, & occurfus. Ibi caeca mulier, ut ad Episcopum portantem pignora sacra duceretur, orauit: flores quos ferebat, dedit: recepit, oculis amouit, protinus vidit. Stupentibus qui aderant, praebat exultans, viam carpens, & via ducem ulterius non requirens.

Reliquiarum
S. Stephani
Martyris mi-
raculum.

Memorati memoriam Martyris quae posita est in castello Synicensi, quod Hippo-
nensi colonia vicinum est: eiusdem loci Lucillus Episcopus, populo praecedente atque sequente portabat: fistula cuius molestia iam diu laborauerat, & familiarissimi sui medici qui eam secaret, operiebatur manus, illius pie sarcina vectione, repente sanata est. Nam deinceps eam in suo corpore non inuenit.

Aliud.

EVcharius Presbyter ex Hispania Calama habitans veteri morbo calculi laborabat, per memoriam supradicti Martyris, quam Possidius illo aduexit Episcopus saluus factus est.

Aliud.

Idem ipse postea morbo alio praeualecente mortuus sic iacebat, ut ei iam pollices ligarentur; opitulatione memorati Martyris, cum de memoria eius reportata fuisset, & superiacentis corpus missa ipsius Presbyteri tunica, suscitatus est.

Aliud.

Fuit ibi vir in ordine suo primarius, nomine Martialis, quo iam grauis, & multum a religione abhorrens Christiana. Habebat sane fidelem filiam, & generum eodem anno baptizatum, qui cum agrotantem multis & magnis precibus & lacrymis rogarent, ut Christianus fieret, prorsus abnuuit: eosq; a se turbida indignatione submouit. Visum est genero eius ut iret ad memoriam Sancti Stephani, & illic pro eo quantum posset, oraret: ut Deus illi daret mentem bonam, qua credere non differret in Christum. Fecit hoc ingenti gemitu & fletu, & sinceriter ardente pietatis affectu: deinde abscedens aliquid de altari florum, quod occurrit, tulit: eiq; cum iam nox esset ad caput posuit. Tunc dormitum est. Ecce ante diluculum clamat, ut ad Episcopum curreretur, qui mecum forte tunc erat apud Hipponem. Cum vero audisset eum absentem,

Aliud.

uenire

venire Presbyteros postulavit. Venerunt, & statim se credere dixit: admirantibus atque gaudentibus omnibus baptizatus est. Hoc quamdiu vixit in ore habebat; Chryste accipe spiritum meum: cum hæc verba Beatissimi Stephani, quando lapidatus est à Iudeis, ultima fuisse nesciret: quæ huic quoque ultima fuerunt. Nam non multo post etiam ipse defunctus est.

Altare.

SAnati sunt illic per eundem Martyrem etiam podagrici duo, unus civis, peregrinus unus. Sed civis omnimodo: peregrinus autem per revelationem quid adhiberet quando doleret, audiuit: & cum hoc fecisset, dolor continuo coquieuit.

Mortui suscitati per reliquias S. Stephani. puer parvulus.

Avdurus nomen est fundi ubi Ecclesia est, & in ea memoria Stephani Martyris. Puerum quendam parvulum cum in area luderet, exorbitantes boves qui vehiculum trahabant, rota obtrivierunt, & confestim palpitavit expirans. Hunc mater arreptum ad eandem memoriam posuit, & non solum reuixit, verum etiam illesus apparuit.

Sanctimonialis.

Sanctimonialis quedam in vicina possessione, quæ Caspaliana dicitur, cum ægritudine laboraret, ac desperaretur, ad eandem memoriam tunica eius allata est: quæ antequam reuocaretur illa defuncta est: hac tamen tunica operuerunt cadaver eius parentes, & recepto spiritu, salva facta est.

Puella.

Apuđ Hipponem Bassus quidam Syrus ad memoriam eiusdem Martyris orabat pro ægrotante & periclitante filia, eoque secum vestem eius detulerat: cum ecce pueri de domo concurrerunt, qui ei mortuam nuntiarent. Sed cum orante illo, ab amicis eius exciperentur, prohibuerunt eos illi dicere, ne per publicum plangeret. Qui cum domum redisset, iam suorum eiulatibus personantem, & vestem filia quam ferebat, super eam proiecisset, reddita est vita.

Filiusfam.

Rursus ibidem apud nos, Irenæi cuiusdam collectarij filius, ægritudine extimatus est. Cumque corpus iaceret exanime, atque alijs gementibus & plangentibus exequiæ pararentur, amicorum eius quidam inter aliorum consolantium verba suggessit, ut eiusdem Martyris oleo corpus perungeretur. Factum est, & reuixit.

Infantulus.

Itemque apud nos vir tribunicius Eleusinus super memoriam Martyris, quæ in suburbano eius est ægritudine exanimatum posuit infantulum filium suum: & post orationem quam multis cum lachrymis ibi sudit, viventem levavit.

Quid fa-

Quid faciam? urget huius operis implendi promissio, ut non hic possim omnia commemorare quae scio: & proculdubio plerique nostrorum cum hac legent, dolebant me tam multa praetermisisse, quae virique mecum sciunt. Quos iam nunc ut ignorent, rogo: & cogitant, quam prolixi laboris sit facere, quod me hic non facere suscepti operis necessitas cogit. Si enim miracula sanitarum, ut alia taceam, modo velim scribere, quae per hunc Martyrem, id est gloriosissimum Stephanum facta sunt in colonia Calamensi & in nostra, plurimi conficiendi sunt libri: nec tamen omnia colligi poterunt: sed tantum de quibus libelli dati sunt, qui recitarentur in populis. Id namque fieri volumus, cum videremus antiquis similia diuinarum signa virtutum, etiam nostris temporibus frequentari: & ea non debere multorum notitia deperire. Nondum est autem biennium ex quo apud Hipponem regium, coepit esse ista memoria, & multis quod nobis certissimum est non datis libellis, de ijs quae mirabiliter facta sunt, illi ipsi qui dati sunt ad septuaginta ferme numerum peruenierant, quando ista conscripsi. Calame vero ubi & ipsa memoria prius esse coepit, & crebrius dantur, incomparabili multitudine superant. Vt ali etiam, quae colonia Vrica vicina est, multa praecleara per eundem Martyrem facta cognouimus: cuius ibi memoria longe priusquam apud nos ab Episcopo Euodio constituta est. Sed libellorum dandorum ibi consuetudo non est, vel potius non fuit: nam fortasse nunc esse iam coepit.

Miracula per
inuocationē
S. Stephani
innumera.

Cum enim nuper illic essemus, Petroniam clarissimam feminam, quae minime biliter ex magno atque diuturno, in quo medicorum adiutoria cuncta defecerant, languore sanata est, hortati sumus volente supradicti loci Episcopo, ut libellum daret qui recitaretur in populo, & obedientissimè paruit. In quo posuit etiam quod hic reticere non possum, quamuis ad ea quae hoc opus urget, festinare compellar.

A Quodam Iudeo dicit sibi fuisse persuasum, ut annulum capillatio cingulo infereret, quo sub omni veste ad nuda corporis cingeretur, qui annulus haberet sub gemma lapidem in renibus inuentum bouis. Hoc alligata quasi remedio ad sancti Martyris limina veniebat. Sed profecta à Carthagine cum in conspectu fluminis Bagrada in sua possessione mansisset, surgens ut iter perageret, ante pedes suos illum iacentem annulum vidit, & capillatam zonam qua fuerat alligatus, mirata tentauit. Quam cum omnino suis nodis firmissimis, sicut fuerat, comperisset adstrictam, crepuisse, atque exilisse annulum suspicata est. Qui etiam ipse cum integerrimus fuisset inuenitus, futura salutis quodammodo pignus de tanto miraculo se accepisse praesumpsit, atque illud vinculum soluens

Ex miraculo
annuli sua-
det S. Augu-
stinus de per-
petua integri-
tate Deiparae
fidem.

Ecc

simul

simul cum eodem annulo proiecit in flumen. Non credunt hoc, qui etiam Dominum IESUM per integra virginalia matris enixum, & ad discipulos ostijs clausis ingressum fuisse non credunt. Sed hoc certe querant, & si verum inuenerint, illa credant. Clarissima femina est nobiliter nata, nobiliter nupta, Caribagine habitat: ampla ciuitas, ampla persona, rem querentes latere non sinunt. Martyr certe ipse, quo impetrante illa sanata est, in filium permanentis virginis credidit, in eum qui ostijs clausis ad discipulos ingressus est, credidit. Postremo, propter quod omnia ista dicuntur a nobis, in eum qui ascendit in celum cum carne, in qua resurrexerat, credidit: & ideo per eum tanta fuit quia pro ista fide animam posuit suam.

Flunt ergo etiam nunc multa miracula, eodem Deo faciente, per quos vult, & quemadmodum vult, qui & illa quæ legimus fecit: sed ista nec similiter innotescunt, neque ut non excidant animo, quasi glareæ memoriæ cerebra lectione tunduntur. Nam & ubi diligentia est, quæ nunc apud nos esse capit, ut libelli eorum, qui beneficia percipiunt, recitentur in populo, semel hoc audiunt, qui adsunt, pluresque non adsunt, ut nec illi qui adfuerunt, post aliquot dies quod audierunt, mente retineant, & vix quisquam reperiatur illorum, qui ei, quem non adfuisse cognouerit, indicet quod audiuit.

At tremore membrorum frater & soror Cappadoces Cæsarienses sanati.

VNum est apud nos factum non maius quàm illa quæ dixi: sed tam clarum atque illustre miraculum, ut nullum arbitror esse Hipponensem, qui hoc non vel viderit, vel didicerit, nullum qui obliuisci vlla ratione potuerit. Decem quidam fratres fuerunt, quorum septem sunt mares, tres feminae, de Cæsarea Cappadociæ suorum ciuium non ignobiles: maledicto matris recenti patris eorum obitu destituta, quæ iniuriam sibi ab eis factam acerbissimè tulit, tali pena sunt diuinitus coerciti, ut horribiliter qua terentur omnes tremore membrorum: in qua sedissima specie oculos suorum ciuium non ferentes, quauersum cuique ire visum est, toto penè vagabantur orbe Romano. Ex his etiam ad nos venerunt duo, frater & soror, Paulus & Palladia, multis alijs locis miseria diffamante iam cogniti. venerunt autem ante Pascha ferme dies quindecim, Ecclesiam quotidie, & in eam memoriam gloriosissimi Stephani frequentabant orantes, ut iam sibi placaretur Deus, & salutem præstinam redderet. Et illic, & quacunque ibant, conuertebant in se ciuitatis aspectum. Nonnulli qui eos alibi viderant, causamque tremoris eorum nouerant, alijs, ut cuique poterant, indicabant. Venit & Pascha, atque ipso die Dominico mane cum iam frequens populus præsens esset, & loci sancti cancellos, ubi martyrium erat, idem iuuenis orans teneret, repente prostratus est, & dormienti simillimus iacuit: non

cui: non

cuit: non tamen tremens, sicut etiam per somnium solebat, stupentibus qui aderant, atque alijs pauentibus, alijs dolentibus, cum eum quidam vellent erigere, nonnulli prohibuerunt, sed potius exitum expectandum esse dixerunt. Et ecce surrexit & non tremebat, quoniam sanatus erat, stabat incolumis, intueus intuentes. Quis ergo intuentium se tenuit à laudibus Dei? clamantium, gratulantiumq; vocibus Ecclesia usquequaq; completa est. Inde ad me curritur ubi sedebam iam processurus: irruit alter quisq; post alterum, omnis posterior quasi nouum, quod alius prior dixerat, nuntiantes. Meq; gaudente, & apud me gratias Deo agente, ingreditur etiam ipse cum pluribus: inclinatur ad genua mea, erigitur ad osculum meum. Procedimus ad populum: plena erat ecclesia, personabat vocibus gaudiorum: Deo gratias, Deo laudes, nemine tacente, hinc atque inde clamantium. Salutaui populum, & rursus eadem feruentiore voce clamabant. Facto tandem silentio, Scripturarum diuinarum, sunt lecta solennia. Vbi autem ventum est ad mei sermonis locum, dixi pauca pro tempore, & pro illius iucunditate letitia. Magis enim eos in opere diuino quandam Dei eloquentiam non audire, sed considerare permisi. Nobiscum homo prandit, & diligenter nobis omnem suæ ac maternel, fraternæque calamitatis indicauit historiam. Sequenti itaque die post sermonem redditum, narrationis eius libellum in crastinum populo recitandum promisi. Quod cum ex Dominico Pasche die tertio fieret in gradibus exedrae, in qua de superiore loquebar loco, feci stare ambos fratres, cum eorum legeretur libellus. Intuebatur populus vniuersus, sexus viriusq; unum stantem sine deformi motu: alteram membris omnibus contremementem. Et qui ipsum non viderant, quid in eo diuinæ misericordiae factum esset, in eius sorore cernebant. Videbant enim quid in eo gratulandum, quid pro illa esset orandum. Inter hæc recitato eorum libello, de conspectu populi abire eos præcepi: & de tota ipsa causa aliquanto diligentius cøperam disputare, cum ecce me disputante, voces aliæ de memoria Martyris nouæ gratulationis audiuntur. Conuersi sunt eò qui me audiebant, cøperuntq; concurrere: illa enim ubi de gradibus descendit, in quibus steterat, ad sancti Martyrem orare perrexerat. Quæ mox ut cancellos attigit, collapsa similiter velut ad somnum sana surrexit. Dum ergo requireremus quid factum fuerit, unde iste strepitus lactus extiterit, ingressi sunt cum illa in basilicam, ubi eramus, adducentes eam sanam de Martyris loco. Tum verò tantus ab viroq; sexu admirationis clamor exortus est, ut vox continuata cum lachrymis non videretur posse siniri. Perducta est ad eum locum, ubi paulò antè steterat tremens. Exultabant eam similem fratri factam, cui doluerant remansisse dissimilem. Et nodum fusas preces suas pro illa, iam tamen prauam voluntatem tam citò exauditam esse cernebant. Exultabant in Dei laudem voces, sine verbis tanto soni-

De Notis Ministrorum

eu, quantum aures nostrae ferre vix possent. Quid erat in cordibus exultantium nisi fides Christi, pro qua Stephani sanguis effusus est?

*Miracula
hæc errores
Lutheranos
Calvinianos
que condem-
nant.*

Hactenus Augustinus de miraculis sui temporis per Sanctorum cultum & inuocationem factis. Prodeat iam Zaborouius, & fronte deposita dicat Augustinum & alios miraculorum patratores Euangelicos fuisse. Si enim qui sacrificia offerunt, Sanctos inuocant, eorum reliquias venerantur, Euangelici dicendi sunt; proculdubio Lutherani & Calvinistæ, qui hæc execrantur, Euangelici non erunt, nisi æquiuocè: aut si volunt esse Euangelici Sacrificium Missæ, cultum & inuocationem Sanctorum admittere debent. Adhæc cum fides de oblatione sacrificij & de cultu ac inuocatione Sanctorum, de Reliquiarum veneratione, de Sacri Olei usu, sit miraculis à Deo confirmata, vt Augustinus testis est, consequens est, iisdem miraculis errorem & perfidiam Lutheranam & Calvinianam diuinitus, condemnatam esse.

*Peroratio o-
peris.*


His ita discussis, quàm vana fuerit & sine viribus Zaborouij ira, in nostro Nodo Gordio dissoluendo, & decem inuictis demonstrationibus, aduersus Ministrorum Euangelicorum Missionem refutandis, cuius cordato manifestum esse potest. Magna enim ex parte à falsificationis Sanctorum Patrum testimonijs potiùs, quàm à veritate & solidis rationibus, præsidium suæ causæ quæsiuit. quod ex annotatis falsificationibus apparet. Rationes verò tam infirmas adhibuit, vt eas, vel leuiter in arte argumentandi versato, non difficile sit refellere. Deus Opt: Max: faciat, vt tandem Euangelici perspiciant, in quas tenebras à suo Lutero & Ministris sint coniecti: & vanitate doctrinæ ipsorum perspecta, ad Ecclesiam Catholicam, quæ sola columna & firmamentum est veritatis, dum tempus est reuertantur.



FINIS



16. 12. 18



α P. 7497

